



बिन्दू ओ सिन्धू




ଆଦାନ-ଓଦାନ ପୁସ୍ତକମାଳା

# ବିନ୍ଦୁ ଓ ସିନ୍ଧୁ

ଅମୃତ ଲାଲ ନାଗର

ଅନୁବାଦ

ଶ୍ରୀମତୀ ଅର୍ଚ୍ଚନା କୁମାର



**National Book Trust, India**

न्याशन्याल बुक ट्रस्ट, इन्डिया



---

1976 ( শক 1898 )

পুনর্মুদ্রণ : 1989 ( শক 1911 )

মূল © অমৃতলাল নাগর

বাংলা অনুবাদ © শাশনাল বুক ট্রাস্ট, ইণ্ডিয়া, 1976

মূল্য : 37.00 টাকা

*Original title* : BOOND AUR SAMMUNDAR (*Hindi*)

*Bengali Translation* : BINDU O SINDHU

নির্দেশক, শাশনাল বুক ট্রাস্ট, ইণ্ডিয়া, এ-5 গ্রীন পার্ক,  
নরাদিহি-110016 কর্তৃক প্রকাশিত।

---

## ভূমিকা

গত সওয়া শো বছরের দীর্ঘ সময়ে হিন্দী উপন্যাস যথেষ্ট এগিয়ে গেছে ; বিভিন্ন দিক থেকে বিচার করে দেখলে মনে হয় এই অগ্রগতি নানা ঘাত-প্রতিঘাত ও নানা ঘটনার বৈচিত্র্যে পরিপূর্ণ। কী করে কু রীতি-নীতি দূর করে জাতীয় গৌরব ও মানবতার উদার ভাব জাগিয়ে তোলা যায়— প্রথম দিকের উপন্যাসগুলির বিষয়বস্তুর মধ্যে তারই ইঙ্গিত ছিল। নিবাসদাসের ‘পরীক্ষা গুরু’, কিশোরীলাল গোস্বামীর ‘ত্রিবেণী’, ‘স্বর্গীয় কুসুম’ ও রাধাকৃষ্ণদাসের ‘নিঃসহায় হিন্দু’ ইত্যাদি উপন্যাসের বিভিন্ন চরিত্রের মধ্যে দিয়ে এই ভাবগুলিই ফুটে উঠেছে। সমসাময়িক ~~কাল~~ দেবকীনন্দন ক্ষত্রীর কয়েকটি উপন্যাস কাল্পনিক জীবন এবং অতিমানবীয় ঘটনাকে কেন্দ্র করে লেখা। হিন্দী উপন্যাসের তৃতীয় ধারায় প্রধানতঃ মধ্যযুগীয় শৌর্য ও প্রেমের অনুভূতিতে রঞ্জিত মারাঠী ও বাংলা উপন্যাসের অনুবাদ বিশেষ উল্লেখযোগ্য। অনুবাদ-সাহিত্য-ভাণ্ডারে ‘রাজসিংহ’, ‘স্বর্ণলতা’, ‘যুগলাদুরীয়’, ‘কপালকুণ্ডলা’ ইত্যাদি উপন্যাস হিন্দী উপন্যাসের ধারাকে এক নতুন পথের সন্ধান দিয়েছে।

প্রেমচন্দ্রের উপন্যাসের বিষয়বস্তু ভারতীয় পল্লীজীবন। তিনি কল্পনার স্বপ্নময় পরিমণ্ডল, প্রেম ও শৌর্যের মধ্যযুগীয় বাতাবরণে আবদ্ধ হিন্দী উপন্যাসকে এক উন্মুক্ত আকাশের নীচে গ্রামীণ কৃষকের সুখ-দুঃখ ও সৌদামাটির গন্ধে প্রাণময় করে তোলেন

সামাজিক পটভূমিকায় লেখা প্রেমচন্দ্রের যুগোপযোগী উপন্যাসের মাঝে সংঘর্ষরত ভারতীয় জীবনের যুগযন্ত্রণার প্রতিচ্ছবি স্মরণীয় আলেখ্য হয়ে থাকবে। এ বিষয়ে দ্বিমত নেই যে প্রেমচন্দ্রের মত দরদী উপন্যাস-রচয়িতার জন্যই হিন্দী সাহিত্যে এক চিন্তাশীল পাঠকগোষ্ঠী গড়ে ওঠে।

পাশ্চাত্য সংস্কৃতি ও সভ্যতার ছোঁয়া ভারতীয় জনগণের মনে গভীর রেখাপাত করে। বিদেশে এসময় মনস্তাত্ত্বিক উপন্যাসের একটা যেন প্লাবন এসেছিল। হিন্দী উপন্যাসে জৈনেন্দ্র ও অজ্জৈয়-রচিত চরিত্রগুলির মধ্যে দিয়ে মানবমনের জটিলতম গ্রন্থি ও ভাবধারা উন্মোচিত হয়েছে। গান্ধীবাদের আত্মদহনের দীক্ষা গ্রহণ করেন জৈনেন্দ্র, তাঁর রচনায় মনোবিশ্লেষণের পদ্ধতি অবলম্বনে লেখা দুখানি উপন্যাস ‘পরখ’ ও ‘ত্যাগপত্র’ তাঁর নিজস্ব মৌলিক চিন্তাধারার প্রতিভূ হিসাবে হিন্দী উপন্যাসের জ্ঞানভাণ্ডার সমৃদ্ধ করেছে। অজ্জৈয়-রচিত ‘শেখর : এক জীবনী’ ফ্যাশব্যাকের রচনা-শৈলীতে লেখা গভীর ভাববোধ ও দীপ্ত অভিব্যক্তির অন্যতম নিদর্শন। ইলাচাঁদ যোশীর উপন্যাসে আমরা পাই মানুষের মনের জটিল জগতের পরিচয়, তাঁর লেখায় মনোবিজ্ঞানের অসামান্য প্রভাব স্পষ্ট।

1936 সালে লক্ষ্ণৌতে প্রগতিশীল লেখকদের একটি অধিবেশন হবার পরই হিন্দী সাহিত্যে প্রগতিবাদের জোয়ার আসে। এই ধারার শ্রেষ্ঠ বাহক উপন্যাসিক যশপাল। মার্ক্সবাদী চিন্তাধারায় উদ্বুদ্ধ হয়ে সামাজিক বৈষম্য কুসংস্কার ও গোঁড়ামির বিরোধিতা করে যশপাল উপন্যাস লিখেছেন। একই সঙ্গে নাম করা যায় রাঙেয় রাঘব, অমৃতরায় ইত্যাদি লেখকদের; এঁদের অবদান

উল্লেখযোগ্য। মধ্যভারতের আঞ্চলিক পরিবেশে এবং সেখানকার ঐতিহাসিক বিষয়বস্তুর পটভূমিকায় লেখা বৃন্দাবনলাল বর্মার রচনা ঐতিহাসিক রোমান্সের এক শ্রেষ্ঠ উদাহরণ। ‘বিরাটা কী পদ্মিনী’, ‘গড়কুণ্ডার’, ‘মৃগনয়নী’, ‘রানী লক্ষ্মীবাদি’ ইত্যাদি সার্থক ঐতিহাসিক উপন্যাসের জন্য তিনি গুজরাটী সাহিত্যের মুন্সীজী ও ধূমকেতুর মতই হিন্দী উপন্যাসের বৃহত্তর ক্ষেত্রে সম্মানের অধিকারী। মাক্সবাদী চিন্তাধারায় প্রভাবিত রালুল সাংকৃত্যায়ন ‘জয় যোধেয়’ ও ‘সিংহ সেনাপতি’র মত উপন্যাস লিখেছেন যাতে জীবনকে ঐতিহাসিক বিবর্তনবাদের দৃষ্টিভঙ্গীতে দেখার প্রয়াস পরিস্ফুটিত। ভগবতীচরণ রচিত ‘চিত্রলেখা’ যদি শুধু রোমান্সের উদাহরণ হয় তবে যশপালের ‘দিব্যা’ হল ঐতিহাসিক উপলব্ধির ফসল।

1950 সালের পরবর্তী কালে নব লেখক-গোষ্ঠীর আবির্ভাব ঘটল। তখন হিন্দীতে নাগাজুন ও ফণীশ্বরনাথ রেণুর আঞ্চলিক উপন্যাসের একটা নতুন অধ্যায়ের সূচনা হয়। সত্যি বলতে কি 1950 সাল থেকে 1955 সাল পর্যন্ত আঞ্চলিক পরিবেশের মধ্যেই হিন্দী কথাসাহিত্যের মূল সুর নিহিত ছিল। নাগাজুনের ‘বলচলমা’ ও রেণুর ‘ময়লা আঁচল’ উপন্যাসে মিথিলার জনজীবনকে ফুটিয়ে তুলতে তাঁরা গভীর এক সংবেদনশীল রচনাশৈলীর পরিচয় দিয়েছেন। এই আঞ্চলিক উপন্যাস লেখার উৎসাহে যেন ভাটা পড়ে এল, কারণ আঞ্চলিকতার নামে জীবনের অবাস্তব চিত্র ফুটিয়ে তোলার প্রধানতা দেখা গিয়েছিল। এরই মধ্যে এল তিনটি শ্রেষ্ঠ উপন্যাস, যশপালের ‘ঝুঠা সচ’, নরেশ মেহেতার ‘ওহ পথ বন্ধু থা’ ও অজ্জয়ের ‘আপনে আপনে অজনবী’। ধর্মবীর ভারতীর ‘সুরজ কী সাতবাঁ ঘোড়া’ হিন্দী কথাসাহিত্যে স্মরণীয়

হয়ে থাকবে। গত পাঁচ-সাত বছরে হিন্দী উপন্যাসের ক্ষেত্রে এক নতুন ধারার সূচনা হয়। এ প্রসঙ্গে ‘আধা গাঁও’, ‘অলগ অলগ বৈতরনী’ ও ‘রাগ দরবারী’ উপন্যাসগুলি উল্লেখযোগ্য।

অমৃতলাল নাগর হিন্দী সাহিত্যের অন্যতম শ্রেষ্ঠ জনপ্রিয় ঔপন্যাসিক। সমাজের পটভূমিতে লেখা ‘শেঠ বাঁকুকেমলে’র চরিত্রের মাঝে তাঁর সমর্থ লেখনীর বিশেষভাবে পরিচয় পাওয়া যায়। তামিলের মহাকাব্য ‘শিলয়াদিকরম’ অবলম্বনে লেখা ‘সোহাগকে নূপুর’ উপন্যাসের পাত্র কোলবন, করুণী ও মাধবীর চরিত্রের মধ্যে সাংসারিক বিষয়ভোগে নিমজ্জিত মানুষের জীবনযাত্রার ছবি ফুটে উঠেছে। হিন্দী উপন্যাসের সময়পর্বের বিবরণে ‘একদা নৈমিষারণ্যে’ বিশেষভাবে উল্লেখনীয়। এই রচনার মধ্যে সোমালতি ভার্গব, ইজয়া ও সরযু বশিষ্ঠের চরিত্র যাজ্ঞিক সংস্কারে প্রভাবিত, মতমতান্তরে ও সম্প্রদায়ে বিভক্ত অথচ ভারতীয় সংস্কৃতির সংগঠন-মূলক সামাজিক সমন্বয়ের আদর্শে অনুপ্রাণিত হয়ে আছে। ‘মানস কা হংস’ উপন্যাসে লেখক তুলসীদাসের জীবনীকে নতুন প্রকাশভঙ্গীর সাহায্যে পাঠকগোষ্ঠীর সামনে তুলে ধরার চেষ্টা করেছেন। লক্ষ্ণৌ শহরের কসমোপলিটন সমাজের নানা স্তরের মানুষকে কেন্দ্র করে লেখা তাঁর ‘অমৃত ও বিষ’ উপন্যাসের আত্মারাম, রদ্ধু সিংহ, পুত্রোত্তর ও লচ্ছুর চরিত্রের মধ্যে ভারতীয় নবযুবকের অস্থির মানসিক দিগন্তের ছাপ আছে। আধুনিক সমাজে ব্যাপ্ত নানা অশান্তি, চক্রান্তের জাল ও অসফলতার কাহিনী সহজেই পাঠকের দরদী হৃদয়ে সাড়া জাগিয়ে তোলে।

এ বিষয় কোন সন্দেহ নেই যে নাগর মহাশয়ের ‘বুঁদ আউর সমুন্দর’ (বিন্দু ও সিন্দু) তাঁর সর্বশ্রেষ্ঠ কীর্তি হিসাবে উল্লেখনীয়।

যদিও ‘অমৃত ও বিষ’ লেখকের পুরস্কারপ্রাপ্ত ও বহু আলোচ্য উপন্যাস কিন্তু বর্তমান উপন্যাসে তিনি মানুষের অন্তর্দ্বন্দ্বের যথাযথ চিত্রণের দ্বারা হিন্দী সাহিত্যভাণ্ডারকে এক অতুলনীয় উপহার দিয়েছেন। তিনি কোন এক বিশেষ রচনামূল্যের ধরাবাঁধা গণ্ডীর মাঝে আটকা পড়ে যাননি। ‘বিন্দু ও সিন্ধু’র বিষয়-বস্তু লক্ষ্মী শহরের চৌক জীবনযাত্রার সীমারেখা ছাড়িয়ে গিয়ে পৌঁচেছে গোমতী নদীর ধারে পাগলাদের আখড়ায়, সজ্জন ও বনকন্নার মথুরা-বৃন্দাবন যাত্রা ও গোবর্ধন পর্বতে ছুজনের প্রেমালাপে। লক্ষ্মী শহরের গলিঘুঁজির দৈনন্দিন জীবনযাত্রার সঙ্গে অপরিচিত সজ্জনকে জেষ্ঠীর বসতবাড়িতে ভাড়াটে হিসেবে নিয়ে এসে লেখক তাঁর প্রমুখ চরিত্রের মধ্যে দিয়ে অসংখ্য প্রশ্নের মীমাংসা খোঁজার চেষ্টা করেছেন। চৌকের সম্পূর্ণ পটকথা, দৃশ্যাবলী, খুঁটিনাটি ঘটনা, ছোট ও বড় চরিত্রের টিপিকাল সংলাপ লেখকের কালি ও কলমে ধরা দিয়ে যেন প্রাণবন্ত হয়ে উঠেছে।

‘বিন্দু ও সিন্ধু’র মধ্যে নিহিত ব্যঞ্জনা খুবই অর্থবহ, বিন্দু ব্যক্তি এবং সিন্ধু সমাজের প্রতীক রূপে ব্যবহৃত হয়েছে। এই দুটির পারস্পরিক সম্পর্ক আজ প্রায় শেষ হতে চলেছে। বর্তমান সমাজের ব্যক্তি সমাজের গতানুগতিক ধারাকে আর মানতে রাজী নয়। চাপা অশান্তির আগুনের ফুলকি পরস্পরের প্রতি অবিশ্বাসের বাতাস লেগে জ্বলে উঠেছে। লেখকের মতামুসারে সিন্ধুর প্রতিটি বিন্দু তাদের ভেদাভেদ ভুলে গিয়ে যদি সত্যের প্রতি নিষ্ঠাবান হতে পারে তাহলে তাদের পক্ষে সমাজে ঐক্যরসে সমন্বয় সৃষ্টি করা কঠিন হবে না। যে সমাজের জনজীবন মহাসাগরের উপমায় বিভূষিত, সেখানে কি মানুষের মধ্যে গড়া ভেদাভেদের দুর্ভেদ্য

প্রাচীরের কল্পনা করা উচিত? আদর্শের ভিত্তিতে গড়ে ওঠা সমাজে বিভিন্ন মানদণ্ডের কল্পনা করা কি সম্ভব?

উপন্যাসের তিনটি প্রধান চরিত্র সজ্জন, মহিপাল ও কর্নেল। বৌদির প্রতি তার পিতার অত্যাচারের প্রতিকার করার জন্য বনকন্ঠার চরিত্র এই তিনটির সঙ্গে জড়িয়ে আছে। জন্মদাতা পিতার বিরুদ্ধে তার সাহসিক অভিযানের মধ্যে আধুনিক নারীজাতির স্বতন্ত্র স্বরূপ প্রকাশ পেয়েছে। ব্যক্তিগত স্বার্থ, চক্রান্ত, রাজনীতির দলাদলি ও মিথ্যে আড়ম্বরের জালে দম বন্ধ হয়ে আসা চরিত্রগুলির মধ্যে বনকন্ঠার আদর্শ সত্যিই প্রাণবায়ুর সঞ্চার করেছে।

বনকন্ঠার ঠিক বিপরীত চরিত্র জেঠীর। একদিকে বনকন্ঠা আধুনিক, সে সত্যিমিথ্যের মধ্যে চুলচেরা বিশ্লেষণ করে নিজস্ব পথ বেছে নিতে সক্ষম, সম্পূর্ণ সমাজের সঙ্গে সে একাই যুঝে চলেছে, কোন বিরোধী শক্তিই তাকে তাঁর সমাজ-সংগঠনমূলক কাজের পথ থেকে বিচলিত করতে পারেনি। অন্যদিকে, প্রাচীন সংস্কার ও নৈতিকতার ডোরে বাঁধা জেঠী তাঁর স্বামীর বংশকেও নিমূল করার জন্য টোটকা করার সময় দ্বিধাবোধ করেন না। বেড়ালছানাদের প্রতি মায়ামমতায় ভরা জেঠী মানুষকে ক্ষমা করতে পারেন না। মানুষের মনের নানা মনস্তাত্ত্বিক ঘাত-প্রতিঘাতের প্রতীক তাঁর চরিত্র বর্তমান উপন্যাসের প্রধান আকর্ষণ। একদিকে স্বামী দ্বারকাদাসের আভিজাত্যে ভরা কৌলীণ্যগত আত্মাভিমান আর অন্যদিকে ভাড়াটে বর্মা-দম্পতির সঙ্গে তাঁর সম্পর্ক, টোটকা শেখার আকর্ষণে নন্দর চরিত্রের সঙ্গে স্মারকর পরিবার, আধুনিক সিনেমার প্রভাবে বড়বোয়ের চরিত্রের পতন এবং পাডার ছেলেছোকরাদের মধ্যে তার প্রতিক্রিয়া, সখি

সম্প্রদায়ের পাণ্ডা, জলঘড়িয়াজী, ভিতরিয়াজী, কীর্তনিয়াজী ইত্যাদি মন্দিরের রাজনীতির সঙ্গেও জেঠী অতি গোপনভাবে জড়িয়ে আছেন। তাঁর জীবনের “শেষ-সাধ” হিসেবে রাধাকৃষ্ণের বিবাহের আয়োজন এবং এই অজুহাতে বাবারামের সঙ্গে বেয়ান সম্পর্ক পাতিয়ে লেখক তাঁর অদ্ভুত রচনাকৌশলের পরিচয় দিয়েছেন।

সজ্জন, কর্নেল ও মহিপাল তিনজনে বুদ্ধিজীবী-সমাজের প্রতিনিধিত্ব করছে— কিন্তু লেখক তাদের চরিত্রকে ‘টাইপ’ হতে দেননি। সজ্জন একজন বিখ্যাত শিল্পী অথচ চিত্রার সামনে সে এক কামনাদগ্ন পুরুষ, শীলা সুইংয়ের ‘দুর্জন’ যোগায় হাসির খোরাক, বনকন্ঠার কাছে সে যথেষ্টাচারী পুরুষ। সমাজকল্যাণের কাজে বনকন্ঠার নির্মল প্রেমের সুশীতল ছায়ায় সজ্জনের কায়া-কল্পের শেষ পরিণতি দেখতে পাওয়া যায় তার সম্পত্তিদানে।

স্পষ্টভাষী কর্নেল বন্ধুদের সুখদুঃখের মধ্যে সমান অংশীদার, সজ্জন ও মহিপালের বন্ধুত্বের সেতু, তাদের প্রত্যেকটি সমাজ-কল্যাণকারী কাজের সে সহকর্মী। দুই বন্ধুর তুলনায় শিক্ষিত না হলেও ব্যবহারিক বুদ্ধিতে সে সকলকে হার মানায়, সজ্জন-বনকন্ঠা এবং মহিপাল, শীলা ও কল্যাণীর ত্রিকোণসংঘর্ষের মধ্যে তার চরিত্র বিশেষ উল্লেখযোগ্য। সামাজিক বিড়ম্বনার শিকার হয়ে যখন মহিপাল চরিত্রভ্রষ্ট হবার পর আত্মহত্যা করতে বাধ্য হয় তখন কর্নেল স্বর্গীয় বন্ধুর আত্মাকে যথাসাধ্য দায়মুক্ত করার চেষ্টা করেছে।

এ বিষয় কোন সন্দেহ নেই যে প্রেমচন্দ্রের পর হিন্দী সাহিত্যে কোন লেখক এত বড় ক্যানভাসকে কেন্দ্র করে উপন্যাস লেখার চেষ্টা করেন নি। উপন্যাসের প্রথম দিকে সজ্জনের চরিত্রে লাগা



লাল গাঢ় রঙ যেন উপন্যাসের শেষের দিকে বাবারামের সেবাপরায়ণ আদর্শ ব্যক্তিত্বের সামনে নিকুপায় ও হতপ্রভের মতই ফিকে হয়ে এসেছে। সজ্জনের এই কায়াকল্পের মধ্যে লেখকের সুদৃঢ় রচনা-শৈলীর পরিচয় পাওয়া যায়। হিন্দী উপন্যাসের জনপ্রিয় ঔপন্যাসিক হিসেবে তিনি সমাজে ছড়ানো পংকিলতা ব্যভিচার ও নিষ্ক্রিয়তাকে শেষ করে ধুয়ে মুছে ফেলতে চান, তাঁর এই চেষ্টার মধ্যে বিশেষ সমাধানের ইঙ্গিত পাওয়া যায়। বাবারামের দ্বারা প্রেরিত ‘জনসেবা আন্দোলনের’ মধ্যে এই সমাধানের বীজ পল্লবিত হতে দেখা যায় : ‘যদি আপনারা কুটীর উদ্বোগ আরম্ভ করেন তাহলে শহরের পুরুষেরা বেইমানদের ফাঁসিকাঠে ঝোলায় হাত থেকে রেহাই পাবে।’

—শিবপ্রসাদ সিং

## এক

শীতের ছপুৰে মিষ্টি রোদে প্রত্যেক বাড়িতে ছাদের আড্ডা ধীরে ধীরে বেশ সরগরম হয়ে উঠেছে। বাড়ির মেয়েরা অনেকে সেলাই বোনা, গম ঝাড়া, ডাল বাছা, শাক বাছা নিয়ে মশগুল, কেউ-বা এই ফাঁকে একটু রোদ পুইয়ে চোখ বুজে গড়িয়ে দিবানিদ্রার আমেজটা অনুভব করছে। স্কুল-পালানো বাচ্চাদের হৈচৈ শোনা যাচ্ছে, এরমধ্যে এতদল ঘুড়িও ওড়াচ্ছে।

এদিক ওদিক, কোথাও অবসরপ্রাপ্ত বৃদ্ধরা নিশ্চিন্ত মনে রোদে বসে এক এক করে তুলো ভরা লেপ আর উলের সোয়েটার আঁস্তে আঁস্তে খুলে, গঁটে বাতে পঙ্গু আড়ষ্ট পাটাকে কোনমতে সোজা করে হাঁটুতে হাত বুলিয়ে নিচ্ছেন। শীতের হাত থেকে খানিকক্ষণের জন্য পরিহাণ পেয়ে মুখচোরা রোদকে বৃদ্ধরা মনে মনে আশীর্বাদ না করে পারছেন না। যাদের ছপুরের ভাত দেবীতে খাওয়া অভ্যাস, তারা তখনো ঘটি নিয়ে 'হর গঙ্গ' রব তুলে সগন্ধে স্নানের পাট সেরে নিচ্ছে।

ফট ফট, খট খট, ঝন ঝন, ধম ধম নানা শব্দ, কোথাও বা  
বি. সি.-১

সিঁড়িতে ওঠানামা, কোথাও রাগ-অভিমান-মুখভারের পালা, আবার কোনখানে হাস্য-পরিহাসেভরা সপ্তস্বরের গুঞ্জন আপনা হতেই চারিদিকে ছড়িয়ে পড়ছে, সেই সুরে পৃথিবীর প্রতিটি অণু যেন কানায় কানায় ভরে উঠেছে। কোলাহল-মুখরিত পৃথিবীর এই হয়তো নিয়ম, কোনখানের এক স্বরকে একটু ছুঁয়ে দিলেই সমস্ত স্বর একসঙ্গে ঝংকৃত হয়ে ওঠে।

লক্ষ্মী শহরের এক পাড়ায় ভভুতি স্মারকর ভরা ঘোঁষনা ছুই ছেলে-বৌ ছাতের কার্নিস থেকে ঝুঁকে গলে মেতে উঠেছে। নীচে ভভুতির দেয়ালে সঁটে রাখা সস্তা কাঠের বাক্সর উপরে বসে প্রতিবেশিনী তারা প্রায় পড়শীর কার্নিস পর্যন্ত পৌঁছে গেছে। ছোট বাচ্চার সোয়েটারে ফেলা ঘর গুনতে গুনতে সে বেশ ক্র-কুঁচকে বললে— দেখো ভাই, সত্যি বলছি, কিছু মনে কোরো না, তারা-তারা ডাক পরের মুখে গুনতে একটুও ভাল লাগে না— ওঁর মুখেই মিষ্টি শোনায়।

বড় বৌয়ের ডান কানের জড়োয়া কানপাশায় রোদ এসে পড়ছে। ঘন ঘন মাথা ঝাঁকুনিতে হীরের নাকছাবিটা ঝকঝকিয়ে উঠছে। ফর্সা গালের ওপর ডান হাতের পাতা চেপে বড় বৌ বিশেষ মুখভঙ্গি করে বললে— তাহলে তোমায় কী বলে ডাকব ভাই, অ্যা? —মিসেস বর্মা বলতে পারো। আমিও তোমায় তাই বলে ডাকব।

ছোট বৌয়ের মোটা ঠোঁটের নীচের কালো তিলে ভাঁজ পড়ল, নাক সিঁটকে গেল, নাকের নাকছাবির হীরে ঝিলিক মারল, ক্র অহংকারে বেশ কুঁচকে গেল, আবদারে ঘাড় বেশ খানিকটা কাত করে বললে— তা তুমি আমায় কী বলে ডাকবে? মিসেস

শ্রাকরা? আমি কিন্তু এ নামে ভাই সাড়া দিতে পারব না। এ নামে ডাকলে আমার একটুও ভাল লাগবে না, বলে রাখছি।

—এতে খারাপ লাগার কী আছে রে? যার যা জাত তাই বলেই তো ডাকা হবে। তা ছাড়া আমরা কচু ঘেঁচু ছোট জাত নয়, রীতিমত বৈশ্য বামুন।

তারা কলেজে ইন্টারমিডিয়েট পর্যন্ত পড়েছে। বেজাতে প্রেম করে বিয়ে করেছে। স্বামীর সঙ্গে প্রায়ই হজরতগঞ্জ, কোয়ালিটি, সিল্ভার স্নো রেস্টোঁরা, কফি হাউস গিয়ে বাইরের জগৎটাকে দেখার যথেষ্ট সুযোগ পেয়েছে। নিজের চেয়ে কম-লেখাপড়া-জানা এবং কম-স্বাধীনতার বাতাস লাগা ভ ভূতি শ্রাকরার বৌদের দিকে নবযুগের আগমনী ঘোষণার চাউনি চেয়ে মাথা ঝাঁকুনি দিয়ে মমতামাথা স্বরে তারা বললে— আরে বোন, তুমিও যেমন, ছোট-বড়র কথা এখন কে মানছে? আমরা ভাই জাতবেজাত বলে কিছুই জানি না।

বড় বৌয়ের চোখে তারা হিরোইনের চেয়ে এক কাঠি কম নয়। তারার গর্বে গর্বিতা বড় গদগদ হয়ে বললে— আরে, তোমার মানা না মানার কথাই উঠছে না। তুমি তো ভাই হাতেনাতে দেখিয়ে দিয়েছ, সোয়ামীর সঙ্গে প্রেমসাগরে দিনরাত হাবুডুবু খাচ্ছ।

ছ'জনেই খিল খিল করে হেসে উঠল। তারা কেবল বড় বৌয়ের নজরেই নয়, নিজেও নিজেকে হিরোইন মনে করে থাকে। তারার সুঠাম শ্যামবর্ণ দেহের দিকে ওগো-মরিমরি-ভাবে চটুল চাউনি হেনে বড় বললে— যাই বলো ভাই, লাভ ম্যারেজ বেশ মজার ব্যাপার। আমি যখন ক্লাস এইট-এ পড়ি তখন এক ছেলের সঙ্গে বেশ 'ইয়ে' হয়েছিল।

কিছুক্ষণের জন্ত বড় বোয়ের ‘বলাবলির ধার ধারি না’ অথচ ‘লাঞ্ছমরি’ চাউনি বিগতদিনের স্মৃতির মাঝে হারিয়ে গেল। ছোটের চোখে ‘মাগো কী হবে গো’ ভাব ফুটে উঠল।

ছুই আঙলের লাল পালিশ করা নখ মুচকি হাসিতে আধখোলা ঠোঁটের ওপর যেন জড়োয়া পাথরের মত সেট হয়ে গেল। ক্লাসে প্রথম হওয়া ছাত্রীকে যেভাবে অধ্যাপিকা পিঠ চাপড়ে হাসেন, ঠিক সেই সাবাসী ভাবটা তারার হাসিতে ফুটে উঠল।

নীচের ছাদে ছোট খাটিয়াতে শুয়ে বড় বোয়ের তিন মাসের কোলের মেয়েটি তারশ্বরে কেঁদে চলেছে। চার বছরের বড় ছেলে পায়ের দিকে বিছানায় জ্বরে বেহুঁশের মত পড়ে আছে। একমনে হিন্দাষ্টকচূর্ণ হামানদিস্তেতে কুটতে কুটতে শাঙড়ী ডাক দিলেন— শুনছ, মেয়ে সেই কখন থেকে কাঁদছে, গলা শুকিয়ে কাঠ হয়ে গেল যে।

ওদিকে তারা বড় বোকে জিজ্ঞেস করছে— তোমার লাভারটি কেমন ছিলেন গো?

বাচ্চা মেয়েটি হাত পা ছুঁড়ে বেশ জোরে কান্না জুড়ে দিয়েছে। ঠাকুমা একমনে চূর্ণ তৈরী করে চলেছেন। এমন সময় পিসী নন্দ শীতে কাঁপতে কাঁপতে, শাড়ি কোনমতে গায়ে জড়িয়ে মুখে পান টিপে আর ডান হাতে চারটে পান নিয়ে নীচে থেকে ছাদে উঠে ছুঁদণ্ড মার কাছে চুপচাপ দাঁড়িয়ে, তারপর পা বাড়িয়ে বললে— জেঠীর বাড়ি যাচ্ছি।

—ওখান থেকে বড়কে পাঠিয়ে দিস। গল্পগুস্তাবে এমনই মেতে আছে সব, পেটের ছেলেপুলের কথাও মনে থাকে না।

নন্দর বয়স মাত্র সাতাশ, কিন্তু এই বয়েসেই যেন তার রসকষ

শুকিয়ে গেছে। নিজের সমবয়সীদের সঙ্গে সে বড় একটা মেলা-মেশা করে না, তাদের ছেলেমেয়েরাও তার ছ'চক্ষের বিষ। অষ্টপ্রহর মনে মনে গুমরানো তার স্বভাব, কঠোর ব্রত-উপবাসে মুখের রঙ প্রায় পাণ্ডুবর্ণ হয়ে গেছে। একদিকে ধর্মকর্ম আর অন্যদিকে পরনিন্দায় সুপটু নন্দ, নিজের চেয়ে বয়েসে বড়দের মধ্যে বসে সর্বদাই পরলোকের চিন্তায় মগ্ন থাকে।

জেঠীর বাড়ি ষাবার জন্ম নন্দ ছাদে গেল, সেখানে দুই বৌ গল্পে মজে আছে। সন্ধানী শিকারী বেড়ালের মত আস্তে আস্তে সে পা টিপে টিপে এগুতে লাগল। নন্দের জন্ম পরনিন্দার মালমশলা বেশ তৈরী হয়ে আসছিল— ঠিক এমনি সময় ছন্দপতনের মত নীচে থেকে মার স্বর ভেসে এলো— ও বড় বৌ, বড় বৌ।

শাশুড়ীর ডাকে দুই বৌ ঘাড় ফিরিয়ে তাকাতেই সামনে রাহুবাঘিনী নন্দকে চোরের মত ঘাপটি মেরে আসতে দেখে তাদের মুখ ফ্যাকাসে হয়ে গেল। নন্দ হঠাৎ ধরা পড়ে অপ্রস্তুত হয়ে গেছে, তাড়াতাড়ি নিজেকে সামলে নিয়ে জেঠীর কার্নিসের দিকে পা বাড়াল।

দুই

জেঠী স্মার রাজাবাহাদুর আগরওয়ালের প্রথম পক্ষের স্ত্রী। রাজাবাহাদুর লক্ষৌ শহরের একজন গণ্যমান্য ব্যক্তি। ইংরেজ আমলে ডেপুটি কমিশনার থেকে চিফ সেক্রেটারী আর হোমমেন্ডার

পর্যন্ত, সংযুক্ত প্রদেশের গভর্নর থেকে দিল্লীর ভাইসরয় সকলের কাছেই তাঁর ছিল অবাধ গতি। আজ স্বাধীন ভারতের রাষ্ট্রপতি বা প্রধানমন্ত্রী তাঁর নাগালের বাইরে বটে তবুও তাঁর দাপট একটুও কমে নি। দিল্লীর এবং স্টেটের বড় বড় অফিসার এবং মন্ত্রীরা নিজেদের মধ্যে এখনো তাঁকে ‘রাজা সায়েব’ বলে সম্ভাষণ করে থাকেন। তিনি নিজের কাজ হাসিল করার আর্ট বেশ ভালভাবেই জানেন। এ বিষয় ‘তিনি আইনের’ মারপ্যাচ এড়িয়ে চলতে ভালবাসেন। বড় বড় শঙ্করাচার্যরা রাজাবাহাদুরের দান-ধ্যানের তারিফ করে থাকেন। প্রতি বছর তাঁর বাড়িতে সাধুসমাগম হয়। কয়েক লক্ষ টাকা খরচ করে লক্ষ্মীনারায়ণের মন্দির তৈরী করিয়েছেন। কিন্তু মন্দির ভগবানের নামের ধারে কাছে না গিয়ে ‘আগরওয়ালা মন্দির’ নামেই প্রসিদ্ধ হয়েছে। লোকেরা বলে রাজাবাহাদুরের নতুন বাড়ির চত্বরে যে লক্ষ্মীর মূর্তি স্থাপিত হয়েছে সেখানে অষ্টপ্রহর প্রদীপ জ্বলে, তার কাজলে নাকি কালি নয় গেরুয়া রঙ দেখা যায়। গলির মধ্যে জেঠীর শুচিবাইয়ের সোরগোল আর তাঁর ফড়িংয়ের মত লাফানী দেখে পাড়ার বৃদ্ধরা অনেক সময় ভাবেন, কপালের লিখন কে খণ্ডাবে! ধর্মপ্রাণ, এককালে স্বামীসোহাগী জেঠীর আজ এই দুর্গতি!

জেঠী যখন বৌ হয়ে দ্বারকাদাসের বাড়ি এসেছিলেন তখন দু’বেলা দু’মুঠো জুটত না। পৈতৃক সম্পত্তির বেশীর ভাগটাই বাইজীর পায়ের মলের গুঞ্জেই শেষ হয়েছিল, বাদ বাকীটা বাবার সময় ঘুচে মুছে গেল। পূর্বপুরুষের বসতবাড়ি (যেখানে এখন জেঠী থাকেন) পুরোনো দেনার দায়ে নীলাম হয়ে গেল। দ্বারকাদাসের মা আর অবিবাহিত দুই বোন পাশের একটি ছোট

বাড়িতে কোনমতে জীবনযাপন করতেন। দ্বারকাদাসের সে সময় মাত্র চোদ্দ বছর বয়স। এক আত্মীয়ের সঙ্গে তিনি সোনারূপোর দালালির কাজ শিখতে লাগলেন। কোনমতে বড় বোনের বিয়ে হয়ে যাবার পর তাঁর নিজের বিয়ে হল। জেঠী হাঘরের কুললক্ষ্মী হয়ে এ বাড়িতে পা দিলেন।

জেঠীর বাপের বাড়ি হাতরশ শহরে। এককালে তাঁরা বড়লোক ছিলেন, কিন্তু এখন তাঁদের পড়তি অবস্থা। মা বাবা ছোটবেলায় মারা গেছেন। পরিবারের মধ্যে তিনি একমাত্র কোলের শিশু, তাই সকলেরই চোখের মণি ছিলেন। বিশেষ করে ঠাকুমা ঠাকুরদাদার অতিরিক্ত স্নেহের ফলে ছোটবেলা থেকেই একগুঁয়ে আর বদরাগী হয়ে গেছেন। যখন কাকাদের ছেলেরা তাঁর একছত্র রাজত্বে অংশীদার হতে আরম্ভ করল তখন তিনি সত্যিই তেলে বেগুনে জ্বলে উঠলেন। অত্যধিক-আদরে-মানুষ জেঠীর মুখটা অস্তরের জ্বালায় নিমের চেয়েও তেতো হয়ে উঠল। যতদিন ঠাকুমা ঠাকুরদাদা বেঁচে ছিলেন, কাকুর সাহস ছিল না তাঁকে কিছু বলে। এরপর আরম্ভ হল জ্বালাতন ও অত্যাচারের পালা। খোঁচা মারা স্বভাবের জন্তু উনি সবার চোখের কাঁটা হয়ে গেলেন। সকলে তাঁকে যত তাচ্ছিল্য করতে লাগল তাঁর মনও তত ঘৃণায় ভরে উঠল। মানুষের সঙ্গে থেকে দূরে তিনি একদম একলসেঁড়ে হয়ে গেলেন। দ্বারকাদাসের মত গরীব ছেলের হাতে তাকে দিয়ে কাকা এমন নিশ্চিত হলেন যে দ্বিতীয়বার ভুলেও তিনি মেয়ে-জামাইকে ডাকার নাম মুখে আনলেন না।

বিয়ের পর দ্বারকাদাসের পাথর চাপা কপাল হঠাৎ খুলে গেল। দালালিতে বড় বড় রাজা-নবাব-পয়সাওয়ালাদের দামী জিনিসপত্তর



জলের দামে তাঁর হাতে এল। ধীরে ধীরে পসার বাড়ল এবং তিনি স্বাকরার একটি ছোট দোকান করে নিলেন। দ্বারকাদাস এ কথা একশোব'র মানতেন যে তাঁর এই দিন-পান্তানোর মূলে তাঁর পত্নীর ভাগ্যই প্রবল, তাই জেঠীর কড়া কথার বিষ তিনি শিবের মতই মুখবুজে সহ্য করে নিতেন।

প্রথম মহাযুদ্ধে দ্বারকাদাসের প্রতি ভাগ্যলক্ষ্মী বিশেষ সুপ্রসন্ন হলেন। সেইসময় তিনি একটি পুরোনো বাড়ি কিনলেন আর তার নীচে গুপ্তধন খুঁড়ে পেলেন। এরপর দ্বারকাদাসের খ্যাতি চারিদিকে ছড়িয়ে পড়ল। হঠাৎ বড়লোক হবার পর তাঁর উড়ু-উড়ু মন, মন-পবনের দাঁড়ে বসে এমন এক কাল্পনিক সহধর্মিণীর ছবি আঁকল, যে তাকে দেবে সম্মান ও ভালবাসা আর নতুন বৈভবের সন্ধান।

বিয়ের বেশ কিছুদিন পরে একবার জেঠী সন্তানসম্ভবা হয়েছিলেন। জেঠীর শাশুড়ী তাঁর প্রতি সদাই বীতরাগ ছিলেন। কিন্তু তিনিও সেসময় আদর-যত্নের কসুর করেন নি। এরপর যেদিন জেঠী একটি কন্যারত্নকে জন্ম দিলেন সেদিন সারা বাড়ির আদর-যত্নের শ্রোত যেন এক নিমেষে শুকিয়ে গেল। আঁতুড়েই শাশুড়ীর কড়া কথা জেঠীর কানে আসতে লাগল। বাড়ির লোকদের আচরণে মনে হল যেন সবাই মিলে তাঁর মেয়েটিকে গলা টিপে শেষ করে দিতে চায়। তাই আশঙ্কায় তিনি স্বামী, শাশুড়ী, ননদ এমনকি চাকর-বাকরদের পর্যন্ত ঘৃণা করতে শুরু করলেন। শিশুকে নিয়ে তিনি একা বন্ধ ঘরে দিন কাটাতে লাগলেন। সারা পৃথিবীটাই যেন তাঁর শত্রু। বেশীর ভাগ সময় বন্ধ ঘরে বসে মেয়েকে আদর ও খেলা দিতেন। স্বামীর অনেক বোঝানো, অনুনয়-বিনয় সবই ব্যর্থ

হয়ে গেল। সেই মেয়ে আট মাসের হয়ে মারা গেল। জেঠীর শোক যেন সারা সংসারের শাস্তিকে শুঁষে নিল। সেইসময় অটুট বৈভবের মাঝে কুলপ্রদীপের অভাবটা দ্বারকাদাসের মনে উঠতে বসতে খোঁচা দিতে লাগল। ব্যথার যাতনা দিন দিন যেন বাড়তেই লাগল। হতাশ হয়ে একদিন দ্বারকাদাস দ্বিতীয় বিয়ের কথা ভাবলেন। যেদিন টোপর মাথায় দিয়ে দ্বারকাদাস ছাদনা-তলায় দাঁড়ালেন সেই রাত্রিতেই জেঠী বাড়ি ছেড়ে চলে গেলেন।

জেঠী সোজা গিয়ে উঠলেন পুরুত ঠাকুরের বাড়ি। পুরুতমশাইকে গায়ে পড়া অতিথির ভার থেকে মুক্ত করার জন্য দ্বারকাদাস জেঠীকে অনেক বোঝালেন। আটদিন পর জেঠী এই শর্তে রাজী হলেন যে পুরোনো বসতবাড়ি যেটা দ্বারকাদাস আবার কিনে নিয়েছেন সেখানে জেঠী থাকবেন এবং ভরণপোষণ, তীর্থ-ধর্ম করার খরচের জন্য দুশো টাকা মাসোহারা নিয়মিতভাবে পাঠানো হবে।

তেরিশ বছর ধরে সে ব্যবস্থা বাঁধা গতের মত ঠিক চলে আসছে। এই কয় বছরে ধর্মরক্ষক, গো-ব্রাহ্মণ প্রতিপালক, দানী ধ্যানী স্ত্রীর দ্বারকাদাস আগরওয়ালা কে. সী. আই. ই.র প্রথম পক্ষের স্ত্রী জগৎ জেঠী ক্যাটকেঁটে, ডাইনি, একলসেঁড়ে ইত্যাদি শতমুখে শত নামে চিহ্নিত হয়ে সারা পৃথিবীর অস্পৃশ্য হয়ে আছেন। জেঠীর নামের সঙ্গে নানা রকম গুণতুকের অজস্র কাহিনী ছড়িয়ে পড়েছে। প্রবাদ আছে কিছুদিন জেঠী ঠিক রাত বারোটার সময় এক মেথরের বাড়ি গুণতুক শিখতে যেতেন। জেঠীর কোমরে কালো সূতোয় বাঁধা ছোট কাঁচির ভয়ে সারা পাড়া ধরহরি কম্প। কারুর শিয়রে, খাটে সিঁহুর লাগিয়ে, কারুর বালিসে সওয়া গজ লম্বা কালো সূতো সূঁচে পরিয়ে বেঁধানো, কারুর শিয়রে সজারুর

কাঁটা, কারুর নতুন বোয়ের উড়নির কোণা কাটা, কোন ছোট বাচ্চার মাথায় তেল ছুইয়ে মারণ মস্তুর পড়া, কোন মেয়ের সিঁধির চুল কেটে তাকে বাঁজা করা, কারুর বাড়ির দরজায় চল্লিশ দিন পর্যন্ত প্রদীপ জ্বালানো, তুক করা প্রদীপ চৌমাথার মোড়ে রেখে আসা, এভাবে জেঠী সর্বদাই প্রত্যেকের অকল্যাণ কামনাই করে থাকেন। অনেকবার গুণতুক করার সময় পড়শীরা জেঠীকে হাতে-নাতে ধরেছে, কত ঝগড়া হয়েছে, কত বাড়ির দরজা জেঠীর মুখের ওপর চিরদিনের মত বন্ধ হয়ে গেছে। এর ফলে, পাড়ার সমস্ত বিপদ-আপদের অপবাদের ভাগী এখন জেঠী।

রোদে চুল শুকুতে শুকুতে জেঠী চারিদিকের সোরগোলে বিরক্ত হয়, ঘন ঘন কাঁচাপাকা চুলের মধ্যে আঙুল চালাতে চালাতে আপন মনে বক বক করে চলছেন— আ মলো যা, জাহান্নামে যাক সব, রক্তবীজের ঝাড়, সাত জন্মের শত্রুর, যেখানে একটু বসব মাথা একেবারে খেয়ে ফেলবে— হায়, হায়!

জেঠী সারা পৃথিবীটারই বিরুদ্ধে। প্রত্যেকের প্রতি তাঁর অভিযোগ। তাঁর সারা জীবনের অভিসম্পাতের ঠাস বুনোন দড়ির সঙ্গে পাল্লা দিতে গেলে হনুমানকেও নিজের লেজ গুটিয়ে আসন পিঁড়ি হয়ে বসে পড়তে হবে, কিন্তু জেঠী হার মানবেন না। পাড়ার মেয়েবোয়েরা ঝাম্পন বজাজের ছাদে উঠে জোরে জোরে হাসছে। সকলেই জেঠীর সাত জন্মের শত্রুর শাঁকচুল্লীর দল। আঁতুড়ে বোধহয় দাই এদের গলার ঘড়ঘড়ি বাঁশ দিয়ে খুলেছিল। বাবা। কী দমকা হাসির আওয়াজ সারান্ধ্রণ, হি-হি-হি হেসেই চলেছে সব। ইতিমধ্যে আবার জেঠীর ছাদের কানিসে বসে ‘কর্মনাশা কাক’ পচ করে বদকর্ম করেই উড়ে গেল। ওধারে

প্রতিবেশীর রেডিওতে গান বেজে উঠল, ‘হম তুমসে মহবত করকে সনম’ চুলোয় যাক সব বেটা সনমের দল, গুল্লো বামনির ছাদে শাশুড়ী-বৌয়ের কচকচানিতে কান একেবারে ঝালাপালা হয়ে গেল, বুড়ি রাঁড় মরতে বসেছে, তবু কি গলা। উফ্, লালে দলালের ছেলে ছাদ থেকে চাঁচিয়ে উঠল— আরে হারামজাদী, এখনো সাবান দিয়ে গেলি না? আমার নাইবার জল ঠাণ্ডা হয়ে গেল যে। জেঠীর কানে যেন গরম তেল চুইয়ে পড়ল— ও মাগো মা, রামো রামো, বেহায়া কোথাকার, ডাকাতের মত চাঁচানি শোনো একবার। হে ভগবান, কুলে পিদিম জ্বালাতে যেন কেউ না থাকে, ভর দুপুর বেলা নাইতে বসা, স্নেচ্ছর দল সব। হারামজাদী ভভুতি স্মাকরার দুই বৌ চোখের সামনে মূর্তিমতী সঙের মত দাঁড়িয়ে আছে, কোথাও ছুঁদণ্ড তিষ্ঠুবার জায়গা নেই। উঃ যেমন এরা আমায় ত্যাক্ত বিরক্ত করছে, এদের সাতপুরুষ যেন নরকে যায়। গায়ে পোকা পড়ুক, মড়া ঢাকা কাপড়ও যেন না জোটে...আবার...ওই দেখলে...আবার এলো পোড়ারমুখী, তোর সারা শরীরে পোকা পড়ুক...।

মরা ইঁদুর মুখে করে বেড়াল লাফ মারলে, বকবক ভুলে জেঠী জোরে চাঁচিয়ে বাঁশ নিয়ে মারতে ছুটলেন। বেড়াল সিঁড়ির দিক থেকে দৌড়ে জেঠীর ছাদ থেকে এক লাফে ভভুতির ছাদের দিকে দৌড় দিল। ঠিক সেই সময় নন্দ ওদিক থেকে লাফ মেরে এদিকে আসার চেষ্টা করছিল, বেড়ালটাকে এত কাছে লাফাতে দেখে সে চমকে উঠল।

জেঠী নন্দকে দেখে বললেন— নন্দ, তুই ছুঁয়ে ফেললি না কি, হতভাগী? যা নেয়ে আয়।

—আরে না না জেঠী, ভগবানের দিব্যি, ও তো আমার থেকে বেশ দূরেই লাফিয়েছিল—তুমি তো দেখছিলে জেঠী— বাব্বাঃ, আমার বুক ধড়ফড় করছে, মুখে শিকার নিয়ে তোমার এখান থেকে গেছে, না জেঠী ? উপরকার ছাদ থেকে তিন সিঁড়ি নামতে নামতে হাতে যে পান ছিল সেটা সে জেঠীর দিকে বাড়িয়ে বললে, নাও পান খাও ।

পান দেখে জেঠীর মুখের থমথমে ভাব খানিকটা কেটে গেল । বাঁশকে দেওয়ালের কোণে দাঁড় করিয়ে উঠোনের রকে রাখা কলসী থেকে জল গড়িয়ে হাত ধুতে ধুতে জিজ্ঞাসা করলেন, বেড়াল ছুঁয়ে যায় নি তো ? সত্যি বল ?

—না না জেঠী । এতবড় দিব্যি দিলুম, আরে, আমি তো নিজেই সব রকম আচার বিচার মেনে চলি । আমার বাড়িতে পানের বাটা আলাদা ঠাকুর ঘরে রাখা থাকে ।

জেঠী আঁচল দিয়ে হাত মুছে আঁচল দিয়েই পান ধরে মোলায়েম স্বরে গলা নামিয়ে বললেন, “জয় শ্রী হরি ।” নন্দও “জয় শ্রী হরি” বলে কোমর থেকে দোক্তার ডিবে বার করলে ।

ছ’জনে সূর্যের দিকে পেছন করে একটু সরে বসল । নন্দ ডিবে থেকে এক চুটকী দোক্তা আর ছ’টুকরো সুপুরি মুখে দিয়ে পানকে একটু গালে নেড়েচেড়ে নিয়ে কোমরে ডিবে গুঁজতে গুঁজতে বলল, জেঠী, তোমার দয়ায় আজ পর্যন্ত সনাতন ধর্মে আমার পুরো আস্থা রয়েছে । সকালে গোমতী নদী থেকে চান করে সোজা ঠাকুর ঘরে চলে যাই, কাকুর সাতেপাঁচে থাকি না, সাড়ে তিন ঘণ্টা শুধু ঠাকুরের সেবায় কাটিয়ে দিই ।

—কত ঠাকুর রেখেছিস লো ? চূলে আঙুল চালাতে চালাতে জেঠী জিজ্ঞেস করলেন ।

—আমাদের ওখানে ? রাধামাধবের যুগল মূর্তি, লক্ষ্মানারায়ণ, বাল মুকুন্দ, গণেশ, নাড়ুগোপাল, বিষ্ণুপদি, বদ্রীনাথ জগন্নাথের মূড়ি, মহাদেব শালগ্রাম— আ—র—ব্যাস এতগুলো আছে, বাকী সবার ছবি টাঙিয়ে রেখেছি।

—আমার কাছে গণেশ নেই, আগে ছিল। সেদিন হতচ্ছাড়া ইঁহুর নিয়ে গেল। মাথায় কাঁপড় টেনে জেঠী বললেন।

—অন্য আনিয়ে নাও জেঠী, গণেশ তো ঠাকুরের আসনে নিশ্চয় থাকা চাই— উনিই তো সিদ্ধিদাতা।

—আমার সিদ্ধি টিকি দিয়ে কী হবে ? ভাগবত গীতায় লেখা আছে না যে, ভগবানের পায়ে অটল ভক্তি রাখো, এ যেন নাড়ির যোগাযোগ, যুক্ত অথচ মুক্ত।

—হ্যাঁ জেঠী, এই ভক্তি পথ যদি ধরা যায় তাহলে সব জন্মের সংস্কার সুধরে যাবে। সেদিন কথকতাতে শুনছিলাম—

—আরে কথকতা কোথায় হচ্ছে ?... জেঠী নন্দর মুখের কথা কেড়ে নিয়ে বললেন। জেঠী নিত্য গোমতী নদীতে চান করতে যান না। উনি বাড়ির বাইরে বড় একটা পা দেন না। সকাল বেলা একটু গোকুল মন্দিরে দর্শনে যান। তখুনি সাত জন্মের শত্রুর পাড়ার গলির ছেলেমেয়েরা, বখাটে ছোঁড়ারা জেঠীর মুখ থেকে গালাগালি শোনার জন্য জেঠীকে ঢিল মারার পর চারদিক থেকে ঘিরে জেঠীকে ছুঁয়ে দিতে আসে। ‘জেঠী ছুঁয়ে দিলাম, ছুঁ ছুঁ। জেঠী কবে মরবে ?’ চ্যাঁচামেচিতে জেঠীর রাস্তায় হাঁটা মুশকিল করে তোলে। সারা রাস্তা সকলের পিণ্ডি চটকাতে চটকাতে জেঠীর প্রায় দম বন্ধ হয়ে আসার জোগাড়। পৃথিবীটাকে উনি ছুঁচক্ষে দেখতে পারেন না। বিশ্বব্রহ্মাণ্ডে কেবল নন্দর সঙ্গেই

তাঁর বনিবনা হয়। নন্দই বাড়ি বয়ে এসে সারা পাড়ার কেছা ফেনিয়ে ফেনিয়ে তাঁকে শুনিয়ে যায়।

—ও জেঠী, বানের গলিতে কাল থেকে এক কথক ঠাকুর এসেছেন। এত সুন্দর কথকতা করেন তোমায় কী বলব। তা, উনি বলেন যে সংস্কারই মানুষ জন্ম সার্থক করে।

—সংস্কারই তো সবকিছুর মূল কিন্তু মলো যা, আজকাল সংস্কারই যে সব বিগড়ে গেছে, দেখো না, হতভাগী পন্নোর মেয়ে বি. এ., এম. এ. পাস করে অফিসে চাকরী করতে যায়। আবার একটা বাইসাইকেল কিনেছে।

—হ্যা-হ্যা— তা আর বলতে জেঠী, ঘোর কলিকাল— কেউ আর কাউকে টিপ্পুনি কাটতে পারবে না। আমার বাড়িতেই বা কী কম? শঙ্কর আর শঙ্করের বউ সকালে আটটার আগে বিছানা ছাড়েন না। স্টোভ এনেছে শঙ্কর, ডিম, মাছ পাউরুটি আর না-জানি কত কি ওর বৌ তৈরী করে। ভাতারের সঙ্গে বসে বসে খায়। দেখে দেখে মনিয়ার বৌও ছোট বোয়ের সাথে মিলে লুকিয়ে লুকিয়ে খেতে আরম্ভ করেছে। ওদের গুরু হলেন তোমার নতুন ভাড়াটে গিন্নী— কত আর বলব।

—পাপের পুঁটলী, সর্বনাশ হবে— সোয়ামী ইস্তিরীতে মিলে কুষ্ঠ হয়ে মরবে।

জেঠী নিজের ভাড়াটে বর্মা পরিবারকে ছুঁচক্ষে দেখতে পারেন না। যেদিন ভদ্রলোক বেজাতের মিসেস বর্মাকে আর্থসমাজ মন্দিরে গিয়ে বিয়ে করে নিয়ে এলেন সেই মুহূর্তে জেঠীর দরজা ওঁদের জন্ত বন্ধ হয়ে গেল। মিস্টার বর্মা বেশ ভাল রেডিও মেকানিক এবং তার একটি ছোট দোকানও আছে। দোকানটি বেশ ভাল

চলে। বাবার কাছ থেকে আলাদা হয়ে হুগো হয়ে বাড়ি খোঁজের সময় বাড়ি অ্যালটমেন্ট কমিটির মেম্বরদের কাছে ছোট্টাছুটি করেছিলেন। এক পরিচিত ভদ্রলোক আশা দিয়েছিলেন যে খালি বাড়ির সন্ধান পেলে তিনি পাইয়ে দেবেন। খুঁজতে খুঁজতে রায়বাহাদুর দ্বারকাদাসের পুরোনো বসতবাড়ির সন্ধান পেলেন। বিরাট চার উঠানের বসতবাড়ি অনেক বছর থেকে বন্ধ পড়ে আছে। রায়বাহাদুরের প্রথম পক্ষের স্ত্রী জেঠী একদিকটায় থাকেন। সারা বসতবাড়ি ‘ভূতের আড্ডা’ বলে বিখ্যাত। বসতবাড়ির সঙ্গে রায়বাহাদুরের কোন সম্পর্ক নেই, জেঠীর একছত্র রাজত্ব। যদিও বাইরে দিকের ঘর, দোকান এবং পুরোনো গোয়াল ঘরে জেঠী ভাড়াটে বসিয়েছেন, কিন্তু বাড়ির ভেতরদিকে ভাড়াটে বসাতে একদম নারাজ। যেদিন মিস্টার বর্মা অ্যালটমেন্ট কমিটির জোর দেখিয়ে ভাড়াটে হয়ে ঢুকলেন, সেইদিন থেকে উঠতে বসতে জেঠী বর্মা দম্পতির মুণ্ডপাত করছেন।

জেঠীর দরজার কড়া নড়ে উঠল। জেঠী নন্দর দিকে তাকিয়ে বললেন— দেখে আয় তো কে পোড়ামুখো অসময় দরজা খট খট করছে।

নন্দ এসে জানালে যে নতুন ভাড়াটে, গোয়াল ঘরের ওপরের ঘর ভাড়া নিতে এসেছে।



ধারার উৎস কেন শুকিয়ে যাচ্ছে? আশ্চর্য, এই দেশে আজ সে নিজের নতুন ছবির বিষয়বস্তু খুঁজে পাচ্ছে না কেন? এই সমস্যার উত্তরই তাকে টেনে এনেছে এই গলিতে। বর্তমান অর্থহীন, যুক্তিহীন, বাতিল সংস্কারকে আঁকড়ে ধরে আছে যে সমাজ, তারই মুখোস সে খুলে দেখাতে চায়, নিজের আঁকা ছবিতে। এইসব এলোমেলো চিন্তাধারার মধ্যে হঠাৎ একদিন সজ্জনের মনে হল, যে পরিবেশের মধ্যে সে আছে, সেখানে তার জীবনের গতির সঙ্গে গ্রাম বা শহরের গলিঘুঁজির জীবনের কোথাও কোন মিল নেই। কেবল তাদের সঙ্গে এই নিয়ে চর্চা করাটাই যথেষ্ট নয়, তাদের মধ্যে একজন হয়ে জীবনযাপন করলে তবেই সে বুঝতে পারবে তাদের সুখ দুঃখ, ব্যথা বেদনার কাহিনী। ইতিমধ্যে একদিন কোণের চশমার ফ্রেম তৈরী দোকানের সরদারজী যখন তাকে এ গলিতে তারই বাড়ির কাছে একখানা ঘর পাইয়ে দেবার কথা তুলল সেদিন সজ্জন সত্যিই বেশ খুশী হয়েছিল। ঘর ভাড়া নেওয়ার সময় এ কথা একবারের জন্তও তার মনে আসে নি যে তাকে ঘর পাইয়ে দিয়ে সরদারজী তাঁর পড়শীকে জব্দ করার রাজনীতিক মোহরার এক চাল চেলে দিয়েছে।

গোয়াল ঘরের ছদিকে লম্বা লম্বা দালান, নীচে ছ'খানা ঘর আর একদিকের দালানের ওপর একটি ছোট ঘর। নীচের ছ'খানা ঘরে দুই পরিবার থাকে। ছজনেই সরদারজী, একজন ছুতোর আর অন্ত্রজন ঠেলায় মশলা নিয়ে বিক্রি করে। মশলাওয়ালার অবিবাহিত শালা ওপরের ঘরে থাকে। ছুতোর সরদারজীর চেয়ে মশলাওয়ালার সরদারজীর পরিবারের সাইজটা ছোট, অথচ তার চেয়ে বেশী জায়গায় বেশ হাত-পা ছড়িয়ে নিয়েছে।

## তিম্ন

রাজাবাহাদুর আর দ্বারকাদাস আগরওয়ালের পূর্বপুরুষের গোয়াল ঘরের দালানের ওপরের ছোটঘর আর ছাদের ভাড়াটে হয়ে সজ্জন ভাবছে— সে মস্ত বড় ভুল করে ফেলেছে। স্থানীয় অনিগলির দৈনন্দিন জীবনযাত্রার ছবি ঐ কার ইচ্ছায় সে এখানে এসেছিল। সাহনজফ রোডে সজ্জনের নিজের বিরাট অটালিকা দাঁড়িয়ে আছে। আমীনাবাদ, কেসরবাগের বাড়ি থেকে প্রায় মাসে সাত-আটশো টাকা ভাড়া আসে। পৈতৃক সম্পত্তি চীনের মজবুত দেওয়ালের মতই পৃথিবীর সব অভাবের হাত থেকে সজ্জনকে বাঁচিয়ে রেখেছে। সুন্দর ল্যাণ্ডস্কেপ আর পোর্ট্রেট ছবির শিল্পী হিসেবে তার নামডাক হয়েছে। দেশের বিভিন্ন স্থানের, জঙ্গল পাহাড়, ঐতিহাসিক আর সাংস্কৃতিক জায়গার অনেক ছবি সে এঁকেছে। অমরনাথ থেকে কন্যাকুমারী আর দ্বারকা থেকে মণিপুর-আসাম পর্যন্ত, চারিদিকের পরিক্রমা সে শেষ করে ফেলেছে। নিজের দেশের সংগীত, সংস্কৃতি, প্রাচীন ঐশ্বর্য দেখে সজ্জন যতই প্রভাবিত হয়েছে ততই বর্তমান সংস্কৃতির দেউলেপনার কারণ জানার জন্য ব্যাকুল হয়ে উঠেছে। খজুরাহো, অজন্তা, এলোরা, চিদম্বরম, তাঞ্জোর, মাদুরা, কোনারক, জগন্নাথ, আবুতে প্রাচীন পাথরের কাজের কারিগর, অজন্তার শিল্পীরা আজ কোথায়? নতুন অভিব্যক্তির ক্ষেত্রে এ রিক্ততা কেন? জীবন-

হট করে একদিন শালামশাই প্রেমের চক্রবাহে ফেঁসে দাড়ি গোঁফ কামিয়ে, সরদার থেকে সোজা 'মোনা' হয়ে ফিরলেন। এতদিন তার রোজগারের বেশীর ভাগটাই ভাগে ভাগীর ওপর খরচ হ'ত, সেটা এখন 'অন্যস্থানে' খরচ হতে লাগল। ইঠাৎ তিনি একদিন না বলে কয়ে উধাও হয়ে গেলেন। মশলাওয়ালা সরদারজী সেই ঘর আর ছাদ তবু দখল করে বসে রইল। দুই সরদারজীতে একদিন এই নিয়ে বেশ হাঙ্গামা হয়ে গেল। মশলাওয়ালা জানালে যে অন্ত ভাড়াটে না আসা পর্যন্ত সে ঘরটা খালি করবে না। দুই ভাড়াটের গোলমালের মধ্যে জেঠী চুপ করে আছেন, কেননা মশলাওয়ালা সরদারজী ছুতোর সরদারজীর বিরুদ্ধে জেঠীর কানে প্রায়ই ফুসমস্তুর দিয়ে থাকে। নতুন ভাড়াটের গন্ধ পেলেই, মশলাওয়ালা তখুনি নানা ছুতোয় তাকে ফটকের বাইরে থেকেই বিদেয় করে দেয়।

মশলাওয়ালার কীর্তিকলাপ দেখে ছুতোর সরদারজী একেবারে তেলে বেগুনে হয়ে আছে, ঠিক এমনি সময় সজ্জনের ঘরের দরকার দেখে, প্রতিদ্বন্দ্বীকে পরাস্ত করার সুবর্ণ সুযোগ আপনা হতেই তার মুঠায় এসে গেল। সজ্জন আর জেঠীর দরদী সাজলেই ছুতোর সরদারজীর মনের কামনা পূর্ণ। তারপর তাকে আর পায় কে! সাত টাকা মাসে ভাড়া একেবারে মুহূর্তে— পঁচিশ টাকায় উঠে গেল। সজ্জন সানন্দে ঘাড় নাড়তেই ছুতোর সরদারজীর আনন্দে বত্রিশ পাটি বেরিয়ে এল। গোকুল মন্দির যাবার রাস্তায়, ছুতোর সরদারজী কথায় কথায় নতুন ভাড়াটের কথা তুললে, একথা সেকথার পর জেঠী বেশ খুশী মনে সায় দিলেন। পরের দিন দুপুরে সজ্জন যখন ঘর দেখতে গেল, তখন মশলাওয়ালা ঠেলা নিয়ে

বেরিয়েছে। তার সরদারনীর ওজর আপত্তির পরোয়া না করে ছুতোর সরদারজী সজ্জনকে দিয়ে একমাসের আগাম ভাড়া জেঠীকে দিইয়ে দিল।

পরদিন সকালে দুজন বন্ধুর সঙ্গে যখন সজ্জন ঘর দেখতে গেল তখন মশলাওয়ালা বাড়িতেই ছিল, সে বেশ ভাল ভাবেই জানিয়ে দিলে যে সে কিছুতেই তাকে ঘর দেখাবে না। এ জায়গা কেবল গেরস্তকেই দেওয়া যেতে পারে। সজ্জন রাগে ফেটে পড়ল, তার বন্ধু কর্নেল আর মহিপালও মশলাওয়ালার কথা শুনে বেশ গরম হয়ে উঠল। ওদিকে ছুতোর সরদারজী ফট করে জেঠীর কাছে গিয়ে বেশ ভাল করে ফোড়ন দিয়ে এল। জেঠী হরিনামের ঝুলি ছেড়ে মশলাওয়ালাকে বাপান্ত্র করতে করতে ঘর থেকে বেরিয়ে এলেন। মশলাওয়ালা নিরুপায় হয়ে ঘর ছেড়ে দিতে বাধ্য হ'ল।

মামুলী ধরনের তৈরী ছোট একটি ঘরে সজ্জনের মত বড়লোক ভাড়াটে দেখে আশেপাশের পাড়া-পড়শীরা সকলেই যে যার মস্তব্য করতে আরম্ভ করল। পাড়ার অনেকেই সজ্জনের নাম এর আগেও শুনেছে, ভবুতি শ্রাকরার ছোট ছেলে শঙ্করলালকে সঙ্গে নিয়ে পাড়ার কজন ছেলেছোকরা তার সঙ্গে দেখা করে গেল। গলির জনজীবনকে ক্যানভাসে চিত্রিত করার মহৎ সংকল্পকে তারা বেশ ফুলিয়ে ফাঁপিয়ে প্রচার করতে আরম্ভ করল। সজ্জনের মহৎ উদ্দেশ্য নিন্দুকদের মুখে আর-এক নতুন রঙে চিত্রিত হয়ে পাড়ায় ছড়িয়ে পড়ল। মশলাওয়ালা, আর কিছু লোক মস্তব্য করলে যে পাড়ার মেয়ে-বৌদের ভুলিয়ে খারাপ পথে নিয়ে যাওয়াই নাকি সজ্জনের একমাত্র উদ্দেশ্য, ছবি আঁকা বাহানা ছাড়া আর-কিছুই নয়।

অনেকের ধারণা যে শিল্পী হতে গেলেই চরিত্রহীন হতে হয় আর চরিত্রহীন না হলে শিল্পী হওয়া যায় না। এই নিয়ে বেশ হৈ-হুজুং হল, স্থানীয় খবরের কাগজের সম্পাদকের নামে এই নিয়ে লেখালেখি চলল। সজ্জনের মত ধনী যুবকের বাভিচারের আস্তানা বন্ধ না হলে অনশন করার হুমকিও ছাপানো হল।

সব-কিছু দেখে শুনে সজ্জন একেবারে অবাক! তার শিল্প-সাধনার বিষয় জনতাকে জানাতে হবে, খবরের কাগজে সেও নিজের উদ্দেশ্যের কথা খোলাখুলি ভাবে লিখবে। এ ছাড়া আর কোন উপায় নেই! অকারণে পেছনে ফেউয়ের মত লাগার মানুষের এই স্বভাবকে সে কিছুতেই মুখ বুজে বরদাস্ত করবে না। পাড়ার লোকদের আপন করে নিতেই হবে, তাদের সন্দেহযুক্ত মনকে ধুয়ে-মুছে আয়নার মত স্বচ্ছ করে দেবে সে।

সন্কে হয়ে এসেছে। সজ্জনের সিগারেটের প্যাকেট ফুরিয়ে গেছে। বাজার থেকে নতুন প্যাকেট আনার জন্য নীচে নামতেই দেখলে সামনে দ্বারকাদাস দাঁড়িয়ে। একদিকে দুর্গন্ধে ভরা গলি, অন্যদিকে বৈভবশালী রাজাবাহাদুর, দুই পরস্পর-বিরোধী অবস্থান একই জায়গায় দেখে সজ্জনের মত শিল্পী যেন হঠাৎ হকচকিয়ে গেল। রাজাবাহাদুরের এই বসতবাড়ি আর জেঠীর সঙ্গে তার সম্বন্ধের বিষয় সে আগেও শুনেছে।

—আরে আপনি? তাঁকে দেখে সজ্জন বললে। রাজাবাহাদুর সাহনজফ রোডে তার পড়শী। দুই বাড়িতে আজও সেই স্নেহ-ভালবাসার সম্পর্ক চলে আসছে। সজ্জন তাঁকে ‘কাকাবাবু’ বলে, কেননা রাজাবাহাদুর তার বাবাকে ‘দাদা’ বলে ডাকতেন।

দ্বারকাদাস সজ্জনকে দেখে সংকুচিত হয়ে গেলেন। ধরা গলায়

হু'পা এগিয়ে তার কাঁধে হাত রেখে জিজ্ঞেস করলেন— তুমি এখানে কি করছ ?

—আজ্ঞে, আজকাল আমি এখানে— ওই— ওপরকার ঘরে কাজ করছি। এখানকার গলির জীবন স্টাডি করছি।

—তুমি জানো, এই বসতবাড়ি আমারই পূর্বপুরুষের ?

—আজ্ঞে হ্যাঁ, এখানে আসার পর জানতে পারলাম। আমি নিজেই আপনার কাছে সাহায্য চাইতে আসব ভাবছিলাম, আসলে কিছু ভুল-বোঝাবুঝির দরুন, পাড়ার লোকেরা আমাকে বিরক্ত করেছে।

সামনে দাঁড়িয়ে এক যুবক তাঁর সাহায্য চাইছে, দ্বারকাদাসের সুগু পৌরুষ বেন জেগে উঠল। সাহস করে তিনি এগিয়ে গিয়ে দরজার কড়া নাড়লেন।

—কে রে ? হতচ্ছাড়া, কর্মনাশা, খট খট করে শেকল নাড়লে কে ? ভেতর থেকে জেঠীর খনখনে আওয়াজ ভেসে এল।

—দরজা খোলো, অনেক চেষ্টা করে দ্বারকাদাস তাঁর কঠোর হুমকি দেয়া স্বরকে সহজ করে আনলেন।

জেঠি বকবক করতে করতে এলেন। দরজা খুলতেই সামনে স্বামীকে দেখে তিনি একদম চুপ মেরে গেলেন। আজ হঠাৎ চৌদ্দ বৎসর পর স্বামী স্ত্রী দুজনে দুজনকে কাছে থেকে দেখছেন। এত বছর পরে স্ত্রীকে কাছে পেয়ে দ্বারকাদাসের মনের সুগু কোমল ভাবের জায়গায় ভয়েরই সঞ্চার হল, অজানা আশঙ্কায়, তাঁর বুকটা হুলে উঠল। কথা আরম্ভ করার ছুতো খুঁজে বললেন এই ছেলেটিকে চেনো ? আমাদের কনোমলের নাতি।

—হবে, আমার ভাতে কী ? বলতে বলতে জেঠী ভেতর দিকে

পা বাড়ালেন, দ্বারকাদাসও ভেতরে গেলেন। বিনা কারণে সজ্জনও পেছনে পেছনে ভেতরে গিয়ে হাজির হ'ল।

চারিদিকে স্নাতসেঁতে ভাব, ছোট দালান, সামনে উঠোনে হ্যারিকেন রাখা আছে, ডানদিকে জলন্ত উলুন।

হ্যারিকেনের পাশ দিয়ে যেতে যেতে খালায় আটার তৈরী ছোট ছোট পুতুল দেখেই দ্বারকাদাসের মনটা ছাঁত করে উঠল। জেঠী খালা উঠিয়ে দালানের খামের কাছে রেখে হ্যারিকেন উঠিয়ে দালানে রাখলেন। জেঠীর ছোট নারকোল দড়ির দোলনার মত খাটিয়াতে পাতা নোংরা বিছানার একদিকে দ্বারকাদাস জড়সড় হয়ে বসলেন। সজ্জন তাঁর গা ঘেঁষে বসল। জেঠী খাটিয়া থেকে একটু দূরে মাটিতে বসতে বসতে বললেন— কেন এসেছ ? দ্বারকাদাস কাঁঠ হাসি হেসে বললেন— তোমার সঙ্গে দেখা করতে এলুম— এই জানকী সরনের... খালায় রাখা আটার পুতুলের দিকে সজ্জন একদৃষ্টিতে চেয়ে আছে। জেঠী শিল্পীর চেয়ে কম নয়, আশ্চর্য— কী সুন্দর আকৃতি তৈরী করেছেন। পুতুলকে হাতে নিয়ে নাড়াচাড়া করে দেখতে ইচ্ছে হচ্ছে তার, আনন্দ এবং আশ্চর্যের মিশ্রিত অনুভূতিতে সজ্জনের শিল্পীমন ভাবুক হয়ে উঠল।

জেঠী রাগে থর থর করে কেঁপে উঠলেন। দ্বারকাদাসের মুখের কথা মুখেই থেকে গেল, জীবনে তিনি কখনও কারুর মুখে যা শোনেন নি, আজ তাঁকে তাই শুনতে হল। সজ্জনও তার জীবনে প্রথম এত অশ্রাব্য গালাগালি শুনছে।

স্বামী-স্ত্রীর হাঙ্গামার মধ্যে থেকে সে প্রায় ছিটকে বাইরে বেরিয়ে এল, গরম মেজাজের পত্নী আর শান্ত মেজাজের স্বামীর এই নাটকীয় একতরফা দ্বন্দ্বযুদ্ধ দেখার তার মোটেই ইচ্ছে নেই।

দ্বারকাদাস তবুও দাঁড়িয়ে রইলেন। তিনি আজ স্ত্রীর কাছে নিজের পরিবারের আর নাতির জীবন ভিক্ষা চাইছেন। সামান্য আটার পুতুল আজ গভর্নর, মন্ত্রী, হাকিম, গণ্যমান্য ব্যক্তির কাছে সম্মানিত দ্বারকাদাসকে জেষ্ঠীর সামনে কাকুতি মিনতি করার জন্য বাধ্য করেছে। বাজার থেকে সিগারেট কিনে সজ্জন ঘরে ঢুকল। কর্নেল আর মহিপাল তার প্রতীক্ষায় বসে আছে।

শ্রীনগীনটাদের আসল নামটা কেউই জানে না, সকলে কর্নেল বলেই জানে। কর্নেল, লক্ষ্মী শহরের বেশ পুরোনো নামকরা ওষুধের দোকানের মালিক। সমাজকল্যাণ কাজের জন্য মন খুলে টাকা দিতে পেছপা হয় না। আজ থেকে ছ-সাত বছর আগে মহিপালের বন্ধু হিসেবে সজ্জনের সঙ্গে তার আলাপ হয়। সে আলাপ এখন বেশ পাকা ডোরে বাঁধা ‘এয়ারী’ হয়ে গেছে। লেখক মহিপাল যদিও ছ’জনের চেয়ে গরীব, কিন্তু খুব পরিশ্রমী আর বন্ধুদের জন্য সদাই জান হাজির টাইপের লোক, তিনজনেই হরিহর আত্মা।

সজ্জন ঘরে ঢুকতেই কর্নেল জিজ্ঞাসা করলে, ‘বোর মহাকবির’ সঙ্গে রাস্তায় দেখা হয়েছিল তোমার ?

—না, কেন, এখানে এসেছিল নাকি ?

—হ্যাঁ, আমি বেশ পট্ট পড়িয়ে বিদেয় করে দিয়েছি। শালা এখানেও বোর করার জন্য হাজির হয়েছিল। তোমার আহাম্মক পড়শীরা খবরের কাগজে সম্পাদকের নামে চিঠি দিয়ে এই আড্ডার নাম ঠিকানা ছাপিয়ে এই গোল পাকিয়েছে। কবি মহারাজ কিছুতেই যেতে রাজী ছিলেন না। অনেক কষ্টে বিদেয় করা গেছে।

সিগারেটে আগুন ধরিয়ে গায়ের কাপড়টা জড়িয়ে সজ্জন গম্ভীর



হয়ে ভাবতে লাগল। কর্নেল তার মুখের দিকে ভাল ভাবে তাকিয়ে বললে— আজ আবার কিছু ঘটেছে না কি ?

—না, কিছু ঘটে নি... দ্বারকাদাসজী এখানে এসেছেন।

—দ্বারকাদাস, মানে রাজাবাহাদুর ?

—হ্যাঁ, নিজের সুরোরানীর মহলে বসে আছেন। সত্যি ভাই, জেঠী মেয়েমানুষটি একটি অদ্ভুত ক্যারেক্টর, গুণতুকের কেমন পুতুল তৈরী করেন, দেখার মত।

কিছুক্ষণ আগের ঘটনাটা সজ্জন শোনাল। কর্নেল চিন্তিত হয়ে বললে— তুমি পুতুল ছুঁয়ে ভাল কর নি।

—ব্যাটা, আমি তার কি জানি, আমি ভেবেছি জেঠী একা বসে এই নিয়ে সময় কাটান। সত্যি বলছি, মহিপাল, আমি খুব খুশী হয়েছি কিন্তু... সজ্জন হাসতে লাগল। হাত বাড়িয়ে অ্যাসট্রেতে সিগারেটের ছাই ঝাড়তে ঝাড়তে বললে— আজ নিরেট ট্রাডিশনাল ইণ্ডিয়ান স্টাইলের গালাগাল শুনেছি, যা শুনে কানে আঙল দিতে হয়।

ছাদে হঠাৎ মানুষের আকৃতি দেখা গেল। স্মার দ্বারকাদাস দাঁড়িয়ে আছেন।

সজ্জন আর কর্নেল দু'জনেই বিনয়ের সঙ্গে চেয়ার ছেড়ে উঠে দাঁড়াল।

রাজাবাহাদুর কোনদিকে না তাকিয়ে সোজা সজ্জনকে ইশারায় ডেকে বললেন— এদিকে একটু শোনো তো বাবা !

সজ্জন তখনি উঠে বাইরে গেল। তার কাঁধে হাত রেখে সিঁড়ির দিকে এগুতে এগুতে দ্বারকাদাস মনের কথা ফাঁস করলেন— আজ যা কিছু হয়ে গেল, দেখো যেন সাতকান না হয়।

—না কখনো নয়, আপনি সে বিষয় নিশ্চিত থাকতে পারেন।

—ওঁর মাথার ফু একটু টিলে আছে।

—আজ্ঞে, তা আমি জানি।

তোমায় দুঃখের কথা আর কত বলব, সব এই কপালের  
গেরো, যাক! ভুলেও কিন্তু তুমি তোমার প্রাণের বন্ধুকে পর্যন্ত  
এ বিষয় কিছু বলে ফেলো না যেন। আমি জানকীসরনকে বলে  
যাব তোমার যাতে কোন কষ্ট না হয়।

সজ্জন তাঁকে গলির মোড় পর্যন্ত ছেড়ে দিয়ে এল। দ্বারকাদাসের  
দাঙ্গিক মুখাকৃতি আজ চিন্তামগ্ন, বিষাদের রেখা সুস্পষ্ট ভাবে ফুটে  
উঠেছে। ফিরতি পথে সজ্জনের মনে একই প্রশ্ন উকি মারছিল  
রাজাবাহাদুর কি সত্যিই সুখী?

## চার

লালে দলাল আর তার গিলিকে গুণতুকের জোরে ভবসাগর পার  
করিয়ে দেওয়ার ব্যবস্থা জেঠীকে দিয়ে নন্দ করিয়েছে। ছ'বছর  
আগে, যেদিন ভভুতি শ্রাকরার বড়ছেলে মনিয়ার বিয়ের ধুমধাম  
ছিল, সেইদিনই বাড়ির গয়না চুরি হয়ে যায়। মা আলাদা ডিবেতে  
সোনার কোমরপাটা, গলার হাঁশুলী আর চন্দনহার মেরামত করিয়ে  
পালিশ করাবেন ভেবে রেখে দিয়েছিলেন। যে রাত্তিরে চুরি হল,  
পরের দিন সকাল থেকেই বাড়ির চাকর গায়েব। ফাটকের

শেকল খোলা দেখে সকলে একবাক্যে চাকরকেই চোর অপবাদ দিলে। ব্যবসা সংক্রান্ত কারণে ভভুতি শ্রাকরা পুলিশে রিপোর্ট লেখানো উচিত মনে করলেন না, নন্দর মা মাথা খুঁড়ে, মুখে তালাচাবি লাগিয়ে বসে রইলেন। চাকরের সঙ্গে ভাগ-বাটরায় কোমরপাটা নন্দর ভাগে পড়ল। লালে দলালের গিন্নীর সঙ্গে তখন নন্দর খুব ভাবসাব ছিল। নন্দ তাকেই কোমরপাটা বিক্রী করতে দিয়েছিল। এত বছরে নানা বাহানা ছাড়া নন্দর হাতে একপয়সাও আসে নি। সবার সামনে এ নিয়ে নন্দ মুখ খুলতে পারে না। চারদিন আগে গোমতীতে চান করার সময় লালে দলালের গিন্নীর সঙ্গে এই নিয়ে বেশ বচসা হয়ে গেছে। লালে দলালের গিন্নী নদীর ধারে লোকজনের ভীড়ের মধ্যে দাঁড়িয়ে নন্দকে চোর উপাধি দিয়ে অনেক দিনের চুরির রহস্য ফাঁস করে দিলে। নন্দর চুপচাপ মুখ চুন করে গুমকিল খাওয়া ছাড়া আর কোন উপায় রইল না। নন্দর অনেক কাকুতি মিনতির পর, জেঠী লালে দম্পতিকে প্রাণে শেষ করার পুতুল তৈরী করে দিতে রাজী হলেন। সজ্জন আর দ্বারকাদাস যখন জেঠীর বাড়ি ঢুকেছিলেন, তখন তিনি সেই আটার পুতুল তৈরী করায় ব্যস্ত ছিলেন।

দ্বারকাদাস চলে যাবার পর জেঠী আবার নিবিষ্ট হয়ে পুতুল তৈরীর কাজ সেরে ফেলায় মন দিলেন। নন্দ ওপরের সিঁড়ির পাশে লুকিয়ে আড়ি পেতে স্বামী-স্ত্রীর কথা শুনে নিয়ে এমনভাবে এসে দাঁড়ালে যেন ভাজা মাছটা উন্টে খেতে জানে না। আড়ি পেতে কথা শোনা নন্দর মজ্জাগত দোষ। দ্বারকাদাসের গাঁই গুঁই করে খোসামুদি করা দেখে জেঠীর মন খুশীতে ভরে উঠেছে, দ্বারকাদাস আজ বাজি হেরে গেছেন এই ভেবে জেঠী দ্বিগুণ উৎসাহে

মস্তুর পড়ে শত্রুরকে মারার জন্য প্রাণ প্রতিষ্ঠা করলেন, বর্মা দম্পতির মধ্যে ঝগড়ার কাঁটার বীজ পোঁতার জন্য সজারুর কাঁটা বের করলেন, লাল। জানকীসরণের ( যাঁর এইটুকু অপরাধ যে তাঁর বাড়ি আজ বিকেলে দ্বারকাদাস গিয়েছিলেন ) বাড়িতে রোগের উৎপাত করাবার জন্য তাঁদের বাড়ির চৌকাঠে কালো তিলের পুড়িয়া বেঁধে রেখে এলেন, বিকেলের কাণ্ডর উচিত সাজা দেবার জন্যে সজ্জনের পুতুলও তৈরী করা হয়ে গেছে । জল্লাদের মত একের পর এক প্রত্যেকের অশুভ চিন্তা করে তবে জেঠীর মন ঠাণ্ডা হল ।

নন্দর হাতে সব গুছিয়ে দিয়ে তাকে বিদেয় করে, চান করে, শাড়ি শুকিয়ে যখন জেঠী বিছানায় গেলেন, তখন কোতোয়ালির ঘড়িতে বারোটার ঘণ্টা বাজল ।

শোবার ঘণ্টা দেড়েক পরেই দুই বেড়ালের মল্লযুদ্ধের শব্দে জেঠীর ঘুম উড়ে গেল । অন্ধকারে বেড়ালের চকচকে দুই চোখ দেখে জেঠীর বুকটা কেমন যেন করে উঠল । দুই বেড়ালে রাগে গোঁ গোঁ আওয়াজ করছে, প্রতিহিংসার দ্বিগুণ আক্রোশ নিয়ে মল্লযুদ্ধ আরম্ভ করে দিয়েছে । জেঠীর গুণতুক-টোটকা-ভরা চোখের চাউনিতে ভয়ের ছায়া নেমে এল । ছোট বড় নানা আকারের বেড়াল যেন তাঁর চোখের সামনে ছুটোছুটি করছে । দুই বেড়ালের ঝুটোপুটির মধ্যে যখনই কোন বেড়াল জেঠীর দিকে তাকাচ্ছে তিনি যেন কিছুতেই সে চাউনি সহ্য করতে পারছেন না । অজস্র মস্তুর পড়া সূঁচ সেই চাউনির মধ্যে থেকে যেন ঠিকরে ঠিকরে বেরিয়ে এসে সোজা তাঁরই মনের মধ্যে গেঁথে যাচ্ছে । বুড়ো হাড়ের রক্ত ভয়ে হিম হয়ে গেল, মনের আক্রোশ গলায় এসে বেশমের মত আটকাল, ঘড়ঘড়ানির একটা অস্পষ্ট শব্দ ছাড়া আর

কিছুই গলা দিয়ে বেরুলো না। রাগে ছুই বেড়াল সারা দালানে লাফালাফি করছে। লাফাতে লাফাতে তারা জেঠীর খাটিয়ার কাছে এসে গেল। বেড়ালের গৌঁ গৌঁ ঘাউ ঘাউ শব্দে জেঠীর দাঁত কপাটির হি হি হি শব্দ তলিয়ে গেল। আত্মরক্ষার জন্য জেঠীর হিংসাবাব জেগে উঠল। বৃড়ো শরীরের সব ক্ষমতা সঞ্চয় করে তিনি জোরে বালিশটা ছুঁড়ে বেড়ালকে মারলেন, বেড়াল মারার প্রায়শ্চিত্তে সোনার বেড়াল দান নিয়মের কথাও এ সময় তাঁর মনে রইল না।

জেঠীর হাতে বালিশের মার খেয়ে বেড়ালের মল্লযুদ্ধে রীতিমত ব্যাঘাত হল, দুজনেই উঠানের দিকে এক ছুট দিলে। এবার জেঠীর ধড়ে প্রাণ এল। খাটিয়ার শিয়রে রাখা ছোট লাঠি নিয়ে তিনিও উঠানে বেড়ালের মতই লাফ দিলেন। এক বেড়াল সোজা উঠোন থেকে, অন্যটা ভয়ে দালানে এক চক্কর লাগিয়ে সিঁড়ির দিকে পালালো। জেঠী পেছনে পেছনে সিঁড়ির দিকে ছুটলেন। উদ্বেজনায় ধপ ধপ করে তাড়াতাড়ি সব সিঁড়ি পেরিয়ে ছাদে পৌঁছে গেলেন। হাড় কাঁপুনে শীতের রাতে ছাদে আর কার্নিসে ছুই বেড়ালের আর জেঠীর দাপাদাপির ছায়া পড়ছে। আশেপাশের ছাদ নিঝুম ভাবে এই ভুতুড়ে কাণ্ড দেখে মাঝরাতের স্বপ্নের ঘোরে যেন আঁতকে উঠছে, হঠাৎ শীতের ভোররাতে তাদের গায়ের লেপটা যেন কেউ টেনে নিয়েছে। বকবক করতে করতে জেঠী নীচে নেবে দরজায় শেকল তুলে দিলেন। বকতে বকতে হাঁপাতে হাঁপাতে যখন শোবার দালানে এলেন হঠাৎ পা গিলগিলে ঠাণ্ডা একটা জিনিসে পড়ল, জেঠীর পায়ের আঙুলে টান ধরল। ঘেরায় তাঁর নাক সিঁটকে গেল, মুখ দিয়ে বেরুলো 'উহুঃ'

পোড়াকপাল আমার, বেড়ালগুলো আমার দম বার করে দিলে।' পায়ের পাতায় ভর দিতে দিতে কোন গতিকে খাটিয়ার কাছে রাখা হ্যারিকেন পর্যন্ত পৌঁছলেন। হ্যারিকেন জ্বালিয়ে আবার তেমনি করেই ঘটনাস্থলে ফিরে এসে দেখলেন, এক সচোজাত বেড়ালছানার লাশ পড়ে আছে কিন্তু তার ধড়ে মাথা নেই। বাড়ির চারিদিকে মোটা পেটের বেড়াল ঘুর ঘুর করার কথা জেঠীর মনে পড়ে গেল। 'মরুক গে যাক'।

ছোয়াছুঁয়ি বাঁচাতে বাঁচাতে কোন গতিকে জেঠী নালার কাছে গিয়ে পা ধুয়ে হ্যারিকেন নিয়ে ঠাকুরঘরে ঢুকলেন। উঁচুতে রাখা হাতপাখা নামিয়ে হাতে নিলেন। পাখার উপরে রেখে মরা বেড়ালের বাচ্চাকে তুলে ফেলার কথা ভাবার সঙ্গেই জেঠীর মনে এক হিংসুক কুটবুদ্ধি জেগে উঠল। তাড়াতাড়ি সিঁড়ির নীচের জায়গায় নিজের প্যাটরার মধ্যে থেকে টোটকার বাস্ব বার করে তার ভেতর থেকে একটু সিঁহু, একটু কালো তিল নিলেন, গুণতুকের জন্য আলাদা রাখা আটা নিয়ে প্রদীপ তৈরী করলেন। পাখার উপর বেড়ালের কাটামাথা সিঁহুর, তেল ছিটানো লাশ নিয়ে জেঠী তারার দোরগোড়ায় রেখে এলেন— রাঁড় খুব পেট ফুলিয়ে ঘুরে বেড়াচ্ছিলেন, এবার টেরটি পাবেন।

জেঠী বেড়ালের বাচ্চার লাশের সদগতি করে এলেন। বাড়ির আবর্জনা ঘরের চৌকাঠের বাইরে যাওয়ার সঙ্গেই জেঠীর কাজও হাসিল হ'ল, এক ঢিলে জেঠী দুই পাখি মারলেন।

দালান ধুতে গিয়ে জেঠী দেখলেন যে বেড়ালের সচোজাত তিনটি ছানা কুঁকড়ে পড়ে আছে। জেঠী রাগে ফেটে পড়লেন।

—আঃ মলো যা, সবাই মিলে আমাকেই জব্দ করছে, সাত

জন্মের শত্রুর সব, অলিগলি ঘুরে শেষকালে মরতে আমারই বাড়িতে  
 নিয়তে এলো। আবাগী— গায়ে পোকা পড়ুক, শীতের রাত্তিরে  
 ছুটিয়ে মারলে। হাতে কাঁটা নিয়ে খাটিয়ার কাছে জেঠী বসে  
 পড়লেন। বেড়ালের মুণ্ডপাত করতে করতে তাদের বাড়ির বাইরে  
 ফেলার উপায় জেঠী ভাবছিলেন। টুকরির কথা মনে এল কিন্তু চান  
 করতেই হবে ভেবে কাঁটা একদিকে রেখে তিনটে ছানাকে জেঠী  
 আঁচলে তুলে নিলেন। জলে ভেজা কনকনে ঠাণ্ডা হাত লাগতেই  
 বেড়াল ছানারা শিউরে উঠল, জেঠী সেটা বেশ অনুভব করলেন।  
 ঠাণ্ডায় জড়সড় বেড়ালছানাদের চোখ তখনো ফোটেনি, তারা জেঠীর  
 পেটের কাছে নড়াচড়া করছে। তিনটি জীবন্ত প্রাণের ধুকধুকী জেঠী  
 পেটের কাছে বেশ বুঝতে পারছিলেন। বাইরের বারান্দা পর্যন্ত  
 যেতে যেতে হঠাৎ নিজের মরা মেয়ের কথা তাঁর মনে পড়ল।

জেঠীর পা যেন অসাড় হয়ে গেল, তারপর কোনমতে অনেক  
 কষ্টে বন্ধ দরজা পর্যন্ত পাকে টেনে নিয়ে গেলেন। নিজের সেই  
 বাচ্চা মেয়ের মুখ মনে আসতেই জেঠীর পা কিছুতেই আর দরজার  
 চৌকাঠের বাইরে গেল না।

বেড়াল ছানারা জেঠীর কাছেই আশ্রয় পেল।

\*

\*

\*

ভোর পাঁচটার সময় গোমতী গিয়ে পূজার্চনা করার জন্য যেই  
 লালে দলাকের বৌ দরজা খুললেন, সামনেই চৌকাঠের সামনে  
 রাখা পুতুল দেখে ভয়ে, ছ'পা পিছিয়ে পট্ করে বাতির সুইচ  
 টিপে দিলেন। আলোতে পরিষ্কার নিজের পরিবারের নিকুচির  
 ব্যবস্থা দেখে প্রায় ডুকরে চোঁচিয়ে উঠলেন— হায় রাঙ্গুসী, আরে  
 অ বহুআ— বহুআ।

—কী হয়েছে বো? ভেতর থেকে বৃদ্ধার ক্ষীণ স্বর ভেসে এল।

—আরে, চটপট এখানে এসো, সর্বনাশ হয়ে গেল, বলতে বলতে শ্রীমতী লালে নিজের বিরাট শরীর নিয়ে কোনমতে টাল সামলাতে সামলাতে ভাঙা গলায় বিড়বিড় করে উঠলেন, হে সত্যনারায়ণ স্বামী তোমার কথা শুনব— হে বজরঙবলী সওয়া পাঁচ টাকার প্রসাদ মানছি— হে মাতেশ্বরী আমাদের রক্ষা করো মা, হুঁ হুঁ হুঁ...

বহুআ শীতে ঠকঠক করে কাঁপতে কাঁপতে ভেতর থেকে এলেন —আরে কী হল বো?

—দেখো বহুআ, ভাল করে দেখো দিকিন, কোন নিপুত্তি রাঁড় আমাদের দরজায় পুতুল রেখে গেছে। হে ভগবান, যে আমাদের অমঙ্গল কামনা করেছে তাদের উপর আগে বাজ পড়ুক, ছেনাল, চোট্‌টী মাগী— নিশ্চয় ঐ নন্দর কাজ - জেঠীকে দিয়ে করিয়ে রেখে গেছে।

—হারামজাদীর গুপ্তি জ্বলেপুড়ে শেষ হবে, আবাগীর বেটি, সারা জীবন পরের মন্দই করে গেল। নাকে-মুখে কাপড় চাপা দিয়ে দরজার ফাঁক থেকে বহুআ গায়ের ঝাল ঝাড়লেন।

—এ বহুআ, একটু উঠিয়ে রাস্তার মোড়ে রেখে এসো-মা, আমার গোমতী চানের সময় পেরিয়ে যাচ্ছে যে।

বহুআ শীতে আগেই কাঁপছিলেন এবার ভয়ে দাঁতকপাটি লেগে গেল। বললেন— মেথর এসেই উঠিয়ে নিয়ে যাবে বো, এর মধ্যে কোন গরু বাছুর এসে যদি খেয়ে যায় তাহলে পাপ আপনি বিদেয় হয়ে যাবে— বলতে বলতে ভেতরে চলে গেলেন।



লালে গিন্নীর কাঁটা ঘায়ে হুনের ছিটে পড়ল— বুড়ির রকম-সকম দেখো, আজ বাদে কাল চিতেয় উঠবে। বহুআ ভেতরের দরজার কাছে গুম হয়ে দাঁড়িয়ে গেলেন। লালে গিন্নী শেষ বাক্যবাণ ছাড়লেন— আরে বহুআ, টোটকা গুণতুক বুড়ো মানুষদের ভয় পায়, কিছু হবে না, একটু ছুঁয়ে দেখ-না... আমার চানের দেরী হয়ে যাচ্ছে যে।

বহুআ চুপ করে বাড়ির ভেতর দিকে পা বাড়িয়েছেন দেখে লালে গিন্নী রাগে ফেটে পড়লেন— কী দিনকালই এল, চক্ষুসজ্জার মাথা খেয়ে সব বসে আছে, কত ভালভাবে বললুম— বহুআ একটু উঠিয়ে রেখে এসো— বহুআ কানে তুলো গুঁজে চলে গেল— অ্যা, আমি এদের জন্তে এত করে মরি, চার ডবল জিলিপি আনিয়ে এঁর নাতিপুতিকে দি— অ্যা— দেখ দিকিন, সেই আমাকে বুড়ো আঙুল দেখিয়ে চলে গেল। এদিকে আমার রোজের নিয়ম ভঙ্গ হয়ে যাবার জোগাড়।

ওপরতলা থেকে লেপের মধ্যে উসখুস করে লালে দলালের আওয়াজ শোনা গেল— আরে, কী হল?

সন্তো ওপরের জানলার কাছে এসে দাঁড়িয়ে বললে— মা, আমি আসব?

—তুমি আর এসে কী করবে মা? নন্দ রাঙ্গুসীর কারসাজি, ভগবান করুন ওর মা-বাবার যেন রাত না পোহায়, সারা গুটি যমের বাড়ি যাক্... আহা, আমার চানের সময় পেরিয়ে যাচ্ছে... লোকে ভাড়াটে রাখে যে আপদ বিপদে কাজে লাগবে, বিপদে আপদে যদি এসেই না দাঁড়াল, তাহলে এমন ভাড়াটেয় আমার দরকার কি? বহুআ আজিই আমার ঘর খালি করে যাও— এমন ভাড়াটে আমার দরকার নেই।

লালে গিন্নীর বাজুখাঁই গলা শুনে পাড়াপড়শীর। যে যার লেপের মধ্যে চমকে উঠল। ছুঁতলা থেকে কতী, তিনতলা থেকে ছেলে—কী হল—কী হল? চাঁচিয়ে চুপ হয়ে গেল, কেউ নীচে নামল না, লালে গিন্নী আবার জোরে পা ফেলতে ফেলতে সদর দরজায় এসে দাঁড়ালেন।

ঘন কুয়াশায় ঢাকা গলিতে রোদ চিক চিক করছে। গলি বেশ সরগরম হয়ে উঠেছে। বন্ধ দরজা এক এক করে খুলছে। পাড়ার মেয়েরা লালে গিন্নীর রাগের কারণ জেনে নিয়ে বাসীমুখে পরনিন্দায় ব্যস্ত হয়ে পড়েছে। ওপর থেকে লালে, সন্তো, শম্ভু সকলে নীচে নেমে এসেছে। ধীরে ধীরে বাড়ির পুরুষদের কানেও কথা পৌঁছে গেল। পৃথিবীর কেছ! কাহিনী শুনতে আর বলতে সকলেই মগ্ন। গলির মোড়ে রামলোচন মহারাজের গলা শোনা গেল—চাই চা গরম—বিস্কুট চাই। সাধা গলায় শাহজীর ভজন বাতাসে ছড়িয়ে পড়ল—গুরু নে কথা থা মেরী ঝোলী ভরকে লানা রে। জেঠীর ছুঁ ছুঁ শব্দ গলিতে শোনা যাচ্ছে, কিন্তু এখনো মেথরানীর দেখা নেই। শম্ভু সামনের ভোলাকে, ভোলা সামনের বাড়ির সিরিকিশনকে ডেকে বলে দিল, যাতে গলিতে এসেই মেথরানী আগে লালে দলালের বাড়ি ঢোকে।

রাস্তা চলতি সকলের মধ্যে লালে দলালের দরজায় রাখা পুতুল নিয়ে কানাঘুষো চলছে। পুতুলের আশেপাশে দাঁড়িয়ে ভীড় এমনভাবে ছুঁটি পুতুলের দিকে তাকিয়ে একে অস্তুর মুখের দিকে তাকাচ্ছে, যেন তারা ছুঁটি জলজ্যান্ত মরা মানুষের লাশ। নানারকম মুখরোচক গুজব রটানোর পর শেষকালে গলির মোড়ে মেথরানী দেখা দিল।

পুতুল সরতেই লালে গিন্নী ঝটাপট বালতিতে জল এনে দরজায় হুড়হুড় করে ঢেলে দিলেন, তারপর কামানের মুখ থেকে বারুদের মত ছিটকে চৌকাঠের বাইরে বেরিয়ে গেলেন।

নন্দর বাবা ভভুতি নীচের কলে বসে হাতে মাটি করছে। মনিয়ার বড় ছেলে ঠাকুমার আঁচল ধরে জিলিপি খাবার জেদ ধরেছে। ঠাকুমা বার বার তাকে বোঝাচ্ছেন যে জ্বর গায়ে খেতে নেই, চুপচাপ ছুঁদণ্ড বিছানায় শুয়ে থাকলে জ্বর নিজেই পালিয়ে যাবে।

বড়বৌ ছোট মেয়েকে পায়ে বসিয়ে নাচাচ্ছে, মনিয়া লেপের ভেতর থেকে মেয়েকে কাতুকুতু দিয়ে হাসাচ্ছে। বাচ্চার নরম ঘাড় হাসিতে একদিকে কাত হয়ে যাচ্ছে। বাচ্চার পায়ে ঘুঙর আর হাতে সোনার বালা হাসির সঙ্গে সঙ্গে বেজে উঠছে। বড়ও বাচ্চাকে আদর করছে।

ওদিকে শঙ্করের ঘরে তখনো সকাল হয় নি। নন্দর গোমতি থেকে চান করে ফেরার সময় হয়ে গিয়েছে। চাকর প্রায় অর্ধেকের চেয়ে বেশী উঠোন ঝাঁট দিয়ে ফেলেছে।

হঠাৎ ভভুতির ঘরের মাঝ দালানে দাঁড়িয়ে এটম বোমার মত লালে গিন্নী ফেটে পড়ে ভভুতির বাড়িকে নিমেষে হিরোসিমায় পরিণত করে দিলেন। কলের কাছে বসা ভভুতি গিন্নীকে লক্ষ্য করে চৈতালেন— কই, তোমার রাঙ্কুসী মেয়ে কই? তোমার আদরের মেয়ে?... আমার বাড়িতে নিজের চৌষটি কলা দেখিয়ে এসেছে— যে আমার বাড়ির অমঙ্গল ভেবে গুণতুক করায় তার বংশে সাঁঝের বাতি দিতে কেউ থাকবে না বলে গেলুম কিন্তু... হায় হায়, আমি আবার কার পাকা ধানে মই দিতে গেলাম যে

জেঠিকে দিয়ে গুণতুক করিয়ে আমারই দরজায় পুতুল রেখে এল।  
 আশুক এদিকে চোর ছিনাল, নিজের চাকরের সঙ্গে ভাব করে  
 নিজের বাড়ি চুরি করিয়ে এখন আমার ওপর গুণতুক করাচ্ছে,  
 আমি কেন চুরির কোমরশাটা বেচবার জন্য রেখে নিলাম না।  
 আ মলো যা, চুরির ধনে আমি কেন হাত দিতে যাব, আমাদের  
 বাড়ির কায়দার খেলাপ হবে না? আমরা চুরির মাল রাখি না,  
 যাদের বাড়ি চুরির রোজগারে চলে তাদেরই বাড়ির মেয়েরা বিয়ে-  
 করা ভাতার ছেড়ে সব বাড়ি উকিঝুঁকি মারে, এখন শাক দিয়ে  
 মাছ ঢাকার জন্য ভক্ত সাজেছেন— চোর কোথাকার।

লালে গিল্লীর এটম বোমার সামনে নন্দর মার মেশিনগানের  
 ফিটফিটুনি শোনাই যাচ্ছে না। ভভুতি কানে তুলো দিয়ে চুপচাপ  
 দাঁতন করে যাচ্ছে। মনিয়া, মনিয়ার বো তেতলা থেকে ঝুঁকে  
 নীচে দেখছে। যুদ্ধের মাঠে নন্দ এসে যেই গাঙীব টঙ্কার দিলে,  
 শঙ্কর আর শঙ্করের বউ ধূপধাপ করে নীচে নেমে এল। নন্দ  
 মুখ খিস্তির ব্রহ্মাস্ত্র ছাড়াচ্ছে, মাঝে মাঝে মার মেশিনগানের ফিট-  
 ফিটরি শোনা যাচ্ছে, কিন্তু লালে গিল্লীর নতুন বৈজ্ঞানিক যুগের  
 এটম বোমার সামনে মা-মেয়ের গাঙীব আর ব্রহ্মাস্ত্র খেলনার মতই  
 ভেঙে গেল। নন্দ যতই আফালন দেখাক মিথ্যার বালুতে  
 বেশীক্ষণ টিকতে পারল না। তিনতলা থেকে মনিয়া লালে  
 দলালকে বেইমান প্রমাণ করার জন্য নীচে নেমে এল। শঙ্কর  
 পকেটে হাত দিয়ে কিনা পয়সার তামাশা দেখছে। বউ হুঁজনে  
 ছাদে দাঁড়িয়ে ফুসফুস করে নিজেদের মধ্যে আলোচনা করছে।

ছোট বললে— বাব্বাঃ সন্তোর মা ঝগড়া করতে মজবুত— ওর  
 মুখের সামনে দাঁড়ায় কার বাপের সাধি।

—যা বলেছ তাই— তোমার আমার যদি কেউ অমঙ্গল কামনা করে রাগ হবে না? নন্দদি ভীষণ কুচুক করে—সকলের সঙ্গে হিংসে ঝগড়া, মন্দ করা ছাড়া কাজ নেই...ষোলো কলা পূর্ণ, মিটমিটে ডান একটি। নীচে উঠানে ঝনঝনাৎ শব্দে পুজোর রেকাবি ফেলে দিয়ে, নন্দ শাপশাপান্ত আরম্ভ করে দিলে। মা-বাবার সামনে নিজের সাফাই গাইবার জন্তে গালাগালির সঙ্গে চোখের জল ফেলতে লাগল।

মিইয়ে আসা গলার আওয়াজে জোর দিতে গিয়ে লালে গিল্লীর গলার বিষম লেপে গেল। রাগে ঘেঁষায় হাঁপাতে হাঁপাতে ভীম-কায় দেহ ফুলে ফুলে উঠছে।

তারা চোবের মত নিজের ছাদের কার্নিস টপকে ভড়তি স্মারকার ছাদে পৌঁছে গেল। ছোট আর বড়কে হাতছানি দিয়ে ডাকলে। যুদ্ধের কারণ শুনে তারা বললে—আমার দরজার সামনেও রাখা ছিল। সকালে উঠে ছুধ নেবার জন্য দরজা খুলতেই সামনে দেখে শিউরে উঠেছিলাম, গয়লা কত কী ভয় পাইয়ে গেল।

—ভয় পাওয়ার কথাই তো। তোমার আটমাস যাচ্ছে আর ...বড়র মুখের কথা কেড়ে নিয়ে তারা বললে—উনি এসব কথা তুড়িতে উড়িয়ে দিলেন, সব সুপারস্টিশন, এসব কথায় কান দিতে নেই, আজকালকার দিনে...।

নীচের শোরগোল পুরোনো সব রেকর্ড ছাড়িয়ে গেল। ছোটবড় ছুটে এসে জানলার গরাদ ধরে নীচে ঝুঁকে পড়ল। তারা ছাদে বসে কোতূহলভরা চাউনি নিয়ে বড় ছোটকে দেখছে।

নীচে লালে গিল্লী লাফিয়ে নন্দের গলা টিপে ধরলেন। নন্দ কাতরাতে কাতরাতে ছুই হাত দিয়ে শ্রীমতী লালের চিবুক চেপে

পুরো শক্তি দিয়ে তাকে পেছনে ধাক্কা দেবার চেষ্টা করছে। ভভুতি, নন্দর মা, মনিয়া, শঙ্কর, সকলের সমবেত শব্দ বেশ হৈ-হুল্লার মত শোনা যেতে লাগল। মনিয়া এগিয়ে নিজের বোনকে কোন গতিকে লালে গিন্নীর কবল থেকে ছাড়িয়ে নিলে। লালে গিন্নী যেই মনিয়ার দিকে রক্তচক্ষু মেলে তাকালেন, মনিয়া মারমুখো হয়ে বুক চিতিয়ে দাঁড়াল। ভভুতি ছুটে গিয়ে ছেলের হাত ধরে পেছনে সরিয়ে লালে গিন্নীকে বললেন— আমরা তোমার সামনে জোড় হাত করছি— বজ্জী— যা ভুলচুক হয়েছে ক্ষমা কর... নন্দ, তুই এখান থেকে যা, মনিয়া, একে উপরে নিয়ে যা, হারামজাদী চুপ থাক না, বকবক করেই আছে সব সময়।

শনিগ্রহের মত দুষ্টগ্রহ লালে গিন্নীকে ভভুতির বাড়ি থেকে অনেক কষ্টে বিদায় করা হল।

ছোট বড় আবার রিপোর্টিংয়ের জন্য ছাদের ওপর উঠে গেল।

একথা-সেকথার পর ছোট বললে— আজ লালে গিন্নীর গলা-টিপুনিতে যদি নন্দর ইহচীলা শেষ হয়ে যেত, আমি খুব খুশী হতাম। আমার উনি নিজের বোন হলেও নন্দকে দুচক্ষে দেখতে পারেন না। আজকাল ভাস্করও রেগে থাকেন।

—কোমরের গয়না চুরির কী ব্যাপার? তারা জিজ্ঞাসা করলে।

—আমাদের বিয়ের আগে এ বাড়িতে বেশ বড় রকমের চুরি হয়েছিল। শাস্ত্রী সমানেই বললেন যে চাকরে করেছিল। যাক, এত বছর পরে জানা গেল যে নন্দরানী কারচুপি খেলেছিলেন।

—তাহলে চাকরের সঙ্গে কি...? তারার কৌতূহলভরা প্রশ্নের অর্থ বুঝে নিয়ে ছোট বললে— হবে হয়তো, যে নিজের ভাতার ছেড়ে দিয়ে বাড়িতে চুরি করতে পারে, সে সব পারে।

বড় মাথা নেড়ে দিয়ে বললে— আমার মাথায় কিছু ঢুকছে না।  
নন্দ পুরুষ মানুষ একদম সহ্য করতে পারে না— আমার স্কুলের  
এক টীচারের ঠিক এই স্বভাব ছিল।

নীচেকার দোতলায় আবার ঝগড়া ঝালিয়ে উঠেছে। ছ'বছর  
আগের চুরির লোকসানের কথা ভেবে নন্দের মার মনে মায়ের  
মমতার চেয়ে লোকসানের আঁকড়া সূঁচের মত বেশী বিঁধতে  
লাগল। ওদিকে মনিয়া রাগে ফেটে পড়ল, একে লোকসান তার  
ওপর অপমানের জ্বালা। নন্দ একাই একশো হয়ে সকলের সঙ্গে  
বোঝাপড়া করার জন্যে ক্ষিপ্ত বাঘিনীর মত উঠানে নেচে বেড়াচ্ছে।

মিস্টার বর্মাকে তাঁর বাড়ির ছাদে দেখা গেল। বড় বৌ  
তাড়াতাড়ি ঘোমটা টানলে। ছোট বৌ ছাদ থেকে সজ্জনের ঘরের  
দিকে ইশারা করে বললে— দিদি, দিদি, ওর বাড়িতেও  
পুতুল রাখা।

বড় চিবুকে হাত রেখে বললে— হায়, হায়, জেঠী রাঙ্গুসী সকলকে  
খাবে, কাউকে ছাড়বে না।

## পাঁচ

সামনের অশ্বখ গাছটা অনেক কাটা ঘুড়ি, মাকড়সার জাল,  
পাখির বাসা, কাঠবেড়ালির আর পাখিদের খাওয়া দানার ভুসিতে  
ভরা, কত বছর থেকে এই পাড়ার লোকদের সুখ-দুঃখের সাক্ষী

হয়ে দাঁড়িয়ে আছে। পাড়ার বুদ্ধরা ছোটবেলায় একে ‘গঙ্গে ভূরে ভাঁড়ের অশ্বখ’ নামেই জানত, কিন্তু যে দেয়াল কোনকালে গঙ্গে ভূরের মালিকানার সীমানায় ছিল সেখানে আজ ছেদালাল ইন্সিওরেন্স এজেন্টের আধিপত্য হয়ে গেছে। মিউনিসিপ্যালিটি রেজিস্টারে বাড়ির নম্বর ফোরটোয়েন্টি, ছেদালাল বাবুর আসল খ্যাতিটা যেন নম্বর প্লেটের সঙ্গেই চকচক করছে। এই গাছের তিনদিকে রাজাসাহেবের পূর্বপুরুষেরা পাকা চবুতরা তৈরী করিয়ে পাথরের মণ্ডপে মহাবীরের মূর্তি স্থাপন করিয়েছিলেন। উৎসাহী ভক্তের দল মহাবীরকে সিন্দুরী রঙের পোষাকে ও সোনালী-রূপোলী রাঙতা দিয়ে এমন সুন্দর সাজিয়েছে—যে গলিতে ঢুকলেই, ভক্তিতে গদগদ ভক্তের দল সেদিকে একবার তাকালে আর চোখ ফেরাতে পারে না। চবুতরায় বসা ভক্তের দল সদাই দিশাহারাদের দিশা দেখানোর পুণ্য কাজে ব্যস্ত।

মণ্ডপের ডান দিকের বড় গলির ভেতরের মোড়ের মুখে এই চবুতরা ধীরে ধীরে পাড়ার আড্ডার জায়গা হয়ে গেছে। তার সামনে একটু উঁচু জায়গা থাকায় সেখানে বেশ রোদ আসে। পাড়ার দু-একজন ছাঁকো নিয়ে, কেউ নিমের দাঁতন, কেউ খবরের কাগজ, কেউ তরকারী ফলের ঝুড়ি, কুলপিমালাই, জিলিপি, তিলের পাপড়ি, রেওড়ি, তিলের লাডু, চিনেবাদামের বরফি নিয়ে প্রায়ই চবুতরার ওপরে এসে বসে।

মণ্ডপের বাঁ দিকে, সামনে গলিতে ঢোকান মুখেই একটু ছোট ছাউনি দেয়া জায়গা আর তার পাশেই গোয়ালঘরের ছোট ফাটকটি দূর থেকে যেন বসা গালে কোর্টারগত ছুটি চোখের মত চকচক করছে। চবুতরার এ দিকটা বড় একটা কেউ আসে না তাই



মঙ্গলবার ছাড়া সপ্তাহের বাকী দিনে এ দিকটা ঝিমিয়ে থাকে। মঙ্গলবারে বসন্ত মালী ফুলমালা, বাতাসা, বেসনের নাড়ু আর ছোট ছোট প্যাঁড়া নিয়ে এসে বসে। ক'বছর থেকে এক বুড়ো সিদ্দি নিজে ছোট টিনের প্যাঁটরা খুলে বসা আরম্ভ করেছে। অশ্বখ গাছের নীচে বিরাজমান দেড় ফুটিয়া গদা-পর্বত-ধারী বজরঙবলীর চারিদিকে এত নাম যে কয়েকবার প্রায় বক্স অফিস 'হিট' হতে হতে বেঁচে গেছেন।

সকাল সাড়ে নটার রোদ চবুতরা থেকে নেমে সারা গলিটায় ছড়িয়ে পড়েছে। হনুমানজীর ঝকঝকে মণ্ডপের কিছু দূরেই বেশ চড়চড়ে রোদ এসে গেছে। তুলোর জামার ওপরে কোট পরে, মোটা সোনালী ফ্রেমের চশমা লাগিয়ে, নীলার রূপোর আংটি পরে, গলায় মাফলর আর পায়ে গরম মোজা পরে, নিজেকে রীতিমত শীত প্রুফ করে চবুতরায় মাছরের উপর বসে লাসা মুকুন্দীমল ঝকোতে গুড় গুড় টান দিচ্ছেন। মাঝে মাঝে কাশির দমকণ্ড দামলে নিচ্ছেন। চবুতরায় ঠেস দিয়ে চেয়ারে বসে অফিসের বড়বাবু রামস্বরূপ খবরের কাগজ দেখায় ব্যস্ত। মহাবীরজীর মন্দিরের পাশের উঁচু টিবিতে ঠেসান দিয়ে ভগবানদীন মাখনওলা বসে, মুকুন্দীমলের বাড়ির থালায় মাখনের পোয়া, পোয়া বাটি ওজন করে রেখে চলেছে। সাত বাটি মাখন রেখে দেবার পর আট নম্বরের বাটি দাঁড়িপাল্লায় রেখে দাঁড়ি দেখছে।

লালা মুকুন্দীমলের নজর সমানে দাঁড়িপাল্লার দিকে রয়েছে। যেই ভগবানদীন এক চামচ মাখন বাটি থেকে তুলেছে, মুকুন্দীমল হৈ হৈ করে উঠলেন— ধাত্, শালা ব্যাঙ্কো, এক এক চামচ মাখন তুলে নিয়ে মুনাফা করার মতলব ভাঁজছে, ব্যাটা ফের বাটিতে রাখ।

মুচকি হেসে মাখন আবার বাটিতে রাখতে রাখতে ভগবানদীন বললে— আরে, লালো, এক এক চামচ করেই মুনোফা হয়, বড় মুনোফা বড় লোকেরাই... ।

—দেখ, দেখ, ব্যাটাচ্ছেলে আবার মুখ চালিয়ে যাচ্ছে । গান্ধীজী এমন স্বাধীনতা দিইয়ে গেছেন বড়-ছোট ভেদাভেদ আর রইল না, যত বড় মুখ নয় তত বড় কথা বলছে— আরে মুনোফা গ্রাহককে খুশী করলে তবে হয় ।

লালে দলাল গরম কাপড় গায়ে দিয়ে ভেতরের গলি দিয়ে এসেন । সামনেই তিন মূর্তির সঙ্গে জোড়হাত করে জয় রামজী সন্তোষন হ'ল । বাবু গুলাবচন্দ বললেন— কি খবর ? তোমার ওখানে আজ সকাল সকাল কী হয়েছিল ?

—হাঁ, শুনলাম জেঠী তোমার ওখানে গুণতুক করে রেখে গেছেন ? গুলাবচন্দের প্রশ্নের সুরে নিজের সুর মেলালেন বাবু রামস্বরূপ ।

—আরে বাবা, পাড়ার নোংরামির কথা কত আর বলব । হাজার বার বাড়ির লোকেদের বারণ করেছি যে 'ছোটলোকদের সঙ্গে িগবে না, চার পয়সা কামিয়ে নিলেই কেউ হঠাৎ ভদ্রলোক হয়ে যায় না লালো মুকুন্দীমল... ঠিক বলেছি কি না ?

— হ্যাঁ ভাই বাবু গুলাবচন্দ ! কিছু শুনেন্ ? হঠাৎ বাবু ছেদালাল বাইরে থেকে আসতে আসতে বললেন ।

কয়েক জোড়া চোখ একসঙ্গে বাবু ছেদালালের দিকে ঘুরে গেল । বাবু ছেদালাল, বাবু গুলাবচন্দের চেয়ারের পিঠে হাত রেখে বললেন— আজ সকালে কোম্পানী বাগানে যে ছেলের লাশ পাওয়া গিয়েছে...

—লাশ ? বাবু ছেদালাল এক নজরে সকলের প্রশ্নভরা চাউনির

দিকে চেয়ে বললেন— হ্যাঁ ! আপনারা জানেন না ? সকাল সকাল বেশ ভীড় হয়ে গিয়েছিল। সন্তোজাত শিশুর লাশ ছিল মশাই। জগদম্বা সহায় মাস্টার আর তার ভাইপোর বিধবা বৌটা ধরা পড়েছে।

—জগদম্বা সহায়, এই আমাদের... ?

— হ্যাঁ, হ্যাঁ, সেই যে ভৈরোজী গলিতে থাকে। যার ছেলে অর্ধেক পাগল, মেয়ে কমুনিষ্ট— সেই শালা ভাইপো বৌয়ের সঙ্গে ...ছ্যা-ছ্যা, হৃদ করে দিলে মশাই। বাবু গুলাবচন্দ্রের প্রশ্নের উত্তর দিতে দিতে বাবু ছেদালাল চবুতরার উপরে বসে পড়লেন। বাবু গুলাবচন্দ্র তাঁর মুখোমুখি বসার জন্য তাড়াতাড়ি নিজের চেয়ারটি ঘুরিয়ে নিলেন।

লালা মুকুন্দীমল হাই তুলে, তুড়ি বাজিয়ে বললেন— আরে, হবে মাথা আর মুণ্ড, ধর্মকর্ম ছুনিয়াতে কিছু রইল না।

—কিন্তু ভাই আমি বলব যে বেশ তাড়াতাড়ি শালাদের ধরে ফেলেছে, কাল সকালে ঘটনা ঘটেছে আর...

—আরে, বাবু শালিগরাম ধরিয়েছে। ছেদালাল জানালেন।

—অচ্ছা ! বেলুনের মত গোল মুখ ফুলিয়ে বাবু রামস্বরূপ ঘাড় নাড়লেন— এ ঐ নেতা শালার কারসাজি, নিজে ব্যাটা বেইমান এখন সাধু সাজছে— ছ'বার রেফিউজিদের হাতে, মেয়ে-ঘটিত ব্যাপার নিয়ে বেদম পেটানি খেয়েছে...

—হ্যাঁ, তারপর কি হল ? জগদম্বা সহায় আর তার ভাইপো বৌয়ের ? বাবু গুলাবচন্দ্র জিজ্ঞেস করলেন।

—পুলিস ডাক্তার নিয়ে এসেছে। ভৈরোজী গলিতে পা ফেলার জায়গা নেই। ছেদালাল খবর দিলেন।

মাথায় গোলটুপি, চওড়া কপালে চন্দনের ফোঁটা, রূপোর ফ্রেমে বাঁধানো নীল কাঁচের চশমা, মুখে মায়ের দয়ার হালকা দাগ, বড় বড় গোঁফ, উজ্জল শ্যামবর্ণ চেহারা, লম্বা চওড়া শরীরে উলের চোগা, জরী লাগানো গায়ের কাপড়, চকচকে পালিশ করা পাম্পশু, মুক্তো মুগার জড়োয়া আংটি, হাতের রূপোর বাঁট বাঁধানো ছড়ি ঘোরাতে ঘোরাতে পণ্ডিত শিবনাথ শাস্ত্রী গলিতে ঢুকলেন।

—আমুন মহারাজজী, নমস্কার। লাল। মুকুন্দীমল দূর থেকেই সাদর সম্ভাষণ জানালেন। সকলেই একসঙ্গে হাত জোড় করলেন।

—সুখে থাকো। শাস্ত্রীজী হাঁটতে হাঁটতে প্রতি অভিবাদন জানিয়ে বললেন।

—বমুন মহারাজ, রাজাসায়েবের বাড়ির পাঠ শেষ হয়ে গেল ?

—হ্যাঁ।

—এখন ওঁর নাতির শরীর কেমন ? কাল অবস্থা বেশ খারাপ ছিল।

—না তেমন কিছু নয়, তবে হ্যাঁ, জ্বর রয়েছে। ব'লে শাস্ত্রীজী নিজের বাড়ির দিকে পা বাড়ালেন। লাল। মুকুন্দীমল আবার প্রশ্ন করলেন— আর রাজাসাহেব কোন দলে ? কংগ্রেস না জনসংঘ ?

শাস্ত্রীজী আবার ফিরে আসতে আসতে বললেন— কথাটা এই মুকুন্দীমল, ধনী আর বেশী দুজনেই নিজেদের স্বার্থের ব্যাপারে পেছপা হয় না।

—আরে, বমুন বমুন— লাল। মুকুন্দীমল বেশ জোর দিয়ে কথাটা বলেই নিজের বাড়ির দিকে চেয়ে চেষ্টা চালালেন, ভগোতি, আরে ও ভগোতিয়া, পান নিয়ে আয় আট-দশটা, হাত ধুয়ে কিন্তু... আর কারুর হাতে তাড়াতাড়ি এক ছিলিম তামাক পাঠিয়ে দে।

তারপর চেয়ারে বসে শাস্ত্রীজীকে বললেন— লাখ কথার এক কথা বলেছেন শাস্ত্রীজী— কিন্তু এক ধনী কেন, সকলেই আজকাল নিজের স্বার্থপূরণে ব্যস্ত ।

—জ্ঞানী আর যোগীরাই প্রকৃত স্বার্থরক্ষা করেন আর বাদ বাকী সবাই স্বার্থের নামে অনর্থ বাধায়...আর...

—নমস্ते, বাবু সাহেব ! আশুন, আশুন— বাবু রামস্বরূপ সজ্জনকে ডাক দিলেন ।

এদের বেশীর ভাগ লোকের সঙ্গেই সজ্জনের মুখচেনা আছে কিন্তু ভালভাবে কাউকেই চেনে না । বাবু রামস্বরূপের ডাক শুনে সে একটু হকচকিয়ে গেল বটে কিন্তু মনে মনে বেশ খুশী হল । দুইহাত জোড় করে বিনয়ের অবতার হয়ে এগিয়ে গেল । সকলে তার দিকে চেয়ে দেখলেন । বাবু রামস্বরূপ সাদর সম্ভাষণ জানানো ভঙ্গিতে বললেন— আজকে কাগজে আপনার বিষয়ে প্রবন্ধ বেরিয়েছে ।

বাবু রামস্বরূপের ডাক শুনে সজ্জন মনে মনে ভেবেছিল যে কাল হয়তো দ্বারকাদাস তার বিষয় কিছু বলে গেছেন । কিন্তু যখন দেখল যে কাগজে ছাপা তার কীর্তির জন্য সকলে তাকে খাতির করছে, সজ্জন মনে মনে বেশ খুশী হলেও চেহারায় যথেষ্ট বিনয়ের ভাব এনে বললে— আজ্ঞে, সেটা তো...

লালে কোতূহল ভরা নজরে, বাবু গুলাবচন্দ ভদ্রতার মূর্তি হয়ে আর বাবু ছেদালাল বেশ বাঁকা চোখে তার দিকে তাকাতে লাগল । নীল চশমার আড়ালে শাস্ত্রীজীর দৃষ্টি এক লহমার জন্য সজ্জনের মুখের ভূগোল আঁচ করে আবার নিজের গন্তীর চেহারায় লীন হয়ে গেল । লাল মুকুন্দীমলের মোটা চশমা তাঁর গোল চেহারায় বেশ এঁটে বসেছে । রূপোর রেকাবিতে পান এল ।

বাবু রামস্বরূপ রেকাবিতে এক নজর বুলিয়ে নিয়ে বললেন—  
শাস্ত্রীজী, ইনি আমাদের ভারতের মস্ত একজন শিল্পী, সজ্জন বর্মা,  
আজকাল আমাদের পাড়াতেই...

অনেকক্ষণ থেকে কৌতূহল চেপে থাকা মুকুন্দীমলের ঘাড়  
স্প্রিংয়ের মত উইলে উঠল— আচ্ছ, তুমিই কনোমলের নাতি?  
কাল বিকেলে জানকীসরণ তোমারই কথা বলছিলেন বটে।

কনোমলের নামে শাস্ত্রীজীর ধ্যান ভঙ্গ হল, নীল চশমার মধ্যে  
দিয়ে সজ্জনের দিকে তাকিয়ে বললেন, আরে— আমাদের দুই বাড়ির  
মধ্যে এককালে বেশ ঘনিষ্ঠতা ছিল। বড় কম বয়সে মারা গেল  
বেচার। আমার হিসেবে প্রায় পঞ্চাশ বছর আগে গত হয়েছে,  
কি বল সজ্জনজী?

—আজ্ঞে হ্যাঁ, উনিশো দুইয়ে মারা গেছেন। সজ্জন বলল।

মুকুন্দীমল বললেন— বড় কাঁচা বয়সে চলে গেল বেচার।—  
ছেলেটিও বাপের মত কম আয়ু পেল— মদেতেই সব শেষ হয়ে  
গেল। স্বর্গগত পিতার বিষয় লজ্জাজনক উক্তি শুনে সজ্জনের মাথা  
হেঁট হয়ে গেল, সে মাথাটা নীচু করেই রইল।

শাস্ত্রীজী বললেন— কনোমল স্কুলে আমার সঙ্গে পড়ত। আমার  
থেকে বছর দেড়েক বড় ছিল। ওর বাবা তখন এই ‘চৌকে’ থাকতেন।  
সেসময় তাঁর দবদবা নবাব-বাদশাহের চেয়ে কিছু কম ছিল না।

—হ্যাঁ জানি, খুব হোমড়া চোমড়া গোছের লোক ছিলেন।  
আমাদের এখানে উনিই প্রথম বিলেত বেড়াতে যান। ফিরে এসে  
প্রায়শ্চিত্ত করেন নি, ব্যাঞ্ছো। সাহনজফের ওদিকটায় বিরাট বাড়ি  
তৈরী করিয়েছিলেন। বড় বড় জঙ্গ-হাকিম তাঁর বাড়ি যেতেন,  
লার্টের ওখানে তাঁর বিশেষ খাতির ছিল, নামডাক ছিল খুব।

বাবু রামস্বরূপ দেখলেন বাঃ মজা তো বেশ ! তিনি ডেকে এনে বসালেন সজ্জনকে আর এই দুই বুড়োতে মিলে তার সঙ্গে বেশ জমিয়ে নিচ্ছে, টপ করে তাই বলে উঠলেন— নামডাকে ইনি পূর্বপুরুষদের ছাড়িয়ে গেছেন, এঁর বিষয় কাগজে আর্টিকেল বেরিয়েছে, সেদিন ‘ইলস্ট্রেটেড উইকলীতে’ এঁর ছবি দেখলাম।

লালে বললেন— সত্যি ? তা মশাই, আপনি ফোটোগ্রাফার না ছবি আঁকেন ? একজন শিল্পীর বিষয় এ ধরনের বেখাপ্পা প্রশ্ন শুনে সজ্জন হকচকিয়ে গেল।

লালা মুকুন্দীমলের হুকোর তাজা ছিলিম এল। লালাজী চাকরকে হুকোটা সরিয়ে নলটা একটু নীচে নামিয়ে দিতে বললেন। এই গুণ্ডগালের মধ্যে সজ্জন নিজের গলার স্বরকে রীতিমত মোলায়েম করে নিয়ে বললে— আজ্ঞে, আমি তুলি দিয়ে ছবি আঁকি।

লালা মুকুন্দীমল তাজা ছিলিমে টান দিতে গিয়ে অনেক কষ্টে তার লোভ সামলে মুখটা উঁচু করে বললেন— আরে তুলির ছবি তৈরী করত আমাদের এখানে পণ্ডিত রামনাথ গোসাই, সৌধী টে.লাঙয়াল, হাতীর দাঁতের উপর এমন সব ছবি তৈরী করেছিল, আজকাল সে-সব কে পারবে ?

লালার হুকো গুড় গুড় করছে। এই সমাজের সঙ্গে এতটুকু পরিচয়ই যথেষ্ট ভেবে সজ্জন যাবার জন্য উসখুস করে উঠল। তার মনে হল এদের মধ্যে কেউ তার আপন নয় সকলেই পর, দম যেন বন্ধ হয়ে এল। \* কোনমতে হাত জোড় করে সজ্জন বললে— আজ তাহলে উঠি, আবার কোনদিন আপনাদের সঙ্গে দেখা হবে। সকলকে নমস্কার জানিয়ে সজ্জন এগিয়ে গেল ! শাস্ত্রীজী

বললেন— হ্যাঁ, নিশ্চয় এসো, আমি খুবই আনন্দিত হব— দীর্ঘায়ু হও, ভগবান করুন দেশের মধ্যে এক হও।

শাস্ত্রীজীর গম্ভীর আওয়াজে সজ্জন যেন আপন জনের ছোঁয়া পেলেন। যেতে যেতে হঠাৎ সে নীচু হয়ে পায়ে হাত দিয়ে শাস্ত্রীজীকে টিপ করে প্রণামটা করে নিলেন। আজ পর্যন্ত মা ছাড়া আর কাউকে সে প্রণাম করে নি।

শাস্ত্রীজীর নীল চশমা আঁটা দৃষ্টি একবার সজ্জনের ঘরের দিকে গেল তারপর চবুতরায় বসে সকলের দিকে চেয়ে জিজ্ঞাসা করলেন— এই ছেলেটি এখানে কী করতে আসে?

বাবু গুলাবচন্দ বললেন— জানি না। যখন পাড়ার লোকে এর বিরুদ্ধে কাগজে ছাপিয়েছিল তখন ছেলেটির স্টেটমেন্ট পড়েছিলুম যে গলিঘুঁজির জীবনকে ক্যানভাসে চিত্রিত করার জন্য এখানে সে এসেছে। এখানকার ভারতীয় রীতিনীতি নিজের চোখে দেখতে চায়। ছেলেটি জেঠীর ভাড়াটে।

লালে জোরে হেসে উঠলেন— তা পাড়ার জেঠীর ছবি তৈরী করেছে?

বাবু ছেদালাল মুখ টিপে হেসে বললেন— যেদিন জেঠীর ছবি তৈরী করতে পারবে সেদিন পাড়ার ওবফ থেকে আমি সোনার মেডেল প্রজেক্ট করব।

—আরে চললে কোথায়? তোমার জন্যে শাস্ত্রীজীকে ধরে করে বসালুম আর তুমিই পালাচ্ছ? বসো, বসো, হ্যাঁ ভোট কাকে দেবে ঠিক করেছ?

ইলেকশনের আলোচনা আরম্ভ হ'ল। সজ্জন হাতে পুতুলের খাল নিয়ে চবুতরার কাছ দিয়ে যাচ্ছে দেখে লালে দলাল ঘাড় উচু



করে বললেন— আচ্ছা, আপনার বাড়িও পুতুল সাজিয়ে রেখে গেছে নাকি মশাই? আমি ভাবলুম বুঝি আমার বাড়িতেই...

সকলেই সজ্জনের দিকে তাকালে। লাল মুকুন্দীমল হেসে বললেন— কি ব্যাপার ভাই? বাড়িউলির তুকতাক নাকি? কোথায় চলেছ?

মুখ টিপে হেসে সজ্জন বললে— আর বলেন কেন? আমি এখান থেকে গিয়ে দেখি কাকেন্দেঁর আসর জমেছে। আশেপাশের ভাড়াটে বাড়ির মেয়েরা নালিশ করল যে কাকে চারিদিকে এঁটো-কাঁটা ছড়িয়ে দিয়েছে। তারা সকলেই ভয়ে সিঁটিয়ে আছে দেখে ভাবলুম যে এটাকে ফেলেই আসি।

—আপনি নাস্তিক না কি মশাই? আপনার ভয়ডর বলে কিছু নেই? এই সকাল সকাল...

—এই ভারতীয় ঐতিহ্যই না আপনি রক্ষা করতে চান— বাবু ছেদালালদ্বী?

বাবু গুলাবচন্দের কথা শুনে রামস্বরূপ হি হি করে হেসে বাবু ছেদালালের দিকে এইবার-ধরা-পড়েছে ভাবে তাকাতে লাগলেন। আধখাওয়া পুতুলের দিকে এক নজর তাকিয়ে সজ্জন মৃদু হাসল। বাবু ছেদালাল জোর গলায় বললেন— আমরা এ কথা কখনো বলি না যে আমাদের ধর্মের ভেতরে যে অধর্মের বীজ ঢুকে গেছে তাকে আমরা শেকড় থেকে উপড়ে ফেলার চেষ্টা করব না, কিন্তু আমাদের আসল ধর্ম রক্ষা করা আমাদের পরম কর্তব্য।

—ঠিক কথা বলছ— লালে দলালের মুখ ধর্মের কথায় আবেগে লাল হয়ে উঠল— আমি ভাই শাস্ত্রের কথা বলতে পারি ধর্মরক্ষা করা নিশ্চয় উচিত! এই বাবুসাহেবের লম্বা লম্বা কথার

ভোজবাজিতে তো আমাদের মনে নতুন সাহস জন্মাবে না, যে ফস্ করে পুতুলের থালা উঠিয়ে ফেলে দেব।

—শুনলে বাবু ছেদালালজী? বাবু গুলাবচন্দ আবার টিপ্পনী কাটলেন— আমাদের সৌভাগ্য যে শাস্ত্রীজী আজ আমাদের সঙ্গে বসে আছেন—আপনি বলুন মহারাজ কোন শাস্ত্রে লেখা আছে?

শাস্ত্রীজী ঘন গোঁফের ফাঁকে হেসে নিয়ে বললেন— লালে শাস্ত্রের কথা তো বলছে না, ও বলছে শাস আর তড়ের কথা তাই নয়?

সকলে হো হো করে হেসে উঠল। লাল। যুকুন্দীমল পান-দোস্তা খাওয়া ছোপমারা দাঁতের ফাঁকে হেসে ভুঁড়িটি ছুলিয়ে বললেন, বাহঃ মহারাজ কী মার্কামারা কথাই বলেছেন মাইরি। হাঃ হাঃ হাঃ।

লালে দলাল হকচকিয়ে হতভম্বের মত দাঁড়িয়ে রইলেন। বাবু ছেদালাল দুই হাঁটুকে হাতের জালের মধ্যে জড়িয়ে বসলেন, তাঁর চোখের মধ্যে জয়-পরাজয়ের ভাবটা মিনিটে মিনিটে ঝিলিক মারছে। কিন্তু মুখে কোন কথা নেই। বাবু গুলাবচন্দ আর বাবু রামস্বরূপ নিজেদের দল ভারী দেখে মনে মনে খুশী না হয়ে থাকতে পারলেন না। শাস্ত্রীজী দলালের দিকে চেয়ে বললেন— আমি তোমার উচ্চারণে দোষের জন্ম ঠাট্টা করছি না ভাই, কিছু মনে কোরো না, আমি কিন্তু নিজের কথার মধ্যেই তোমার কথার অর্থ বার করার চেষ্টা করছি। এ দেশে এক ধর্ম তো নয়, যত বাড়ি তত ধর্ম— বাড়ি-বাড়ি ধর্ম, এমনকি শাস্ত্রী-বৌয়ের ধর্মও আলাদা আজকাল। আবার শাস্ত্রীর কানে বৌ গুরুমন্ত্র দিচ্ছে। বৌয়ের ধর্মে দীক্ষিতা শাস্ত্রীর দল বেশ ভারী হয়ে উঠেছে। সকলেই শাস্ত্রীজীর মুখে মজার উক্তি শুনে না হেসে পারলে না, কিন্তু শাস্ত্রীজীর কথা

বলার গন্তীর ভঙ্গীতে ব্যাঘাত ঘটিয়ে হো হো করে হেসে ওঠার সাহস কারুর নেই। শাস্ত্রীজী বলে চললেন— বাকী রইল তড় (আস্তানা)। তা হিন্দু আর খ্রিস্টানদের প্রত্যেক দেবদেবীরই নিঃস্ব আস্তানা আছে। মুসলমানদের পীর ইলাহী ওঝা মোল্লা সব যে যার নিজের আস্তানা তৈরী করে বসে আছে। এক বইতে পড়ছিলাম যে বম্বেতে খ্রিস্টানদের মাউন্ট মেরী নামে এক দেবী আছেন, হিন্দুরা তাকে মৌতমাবলী বলে পূজা করে থাকে। মুসলমান শাসনকালে আমাদের উপনিষদের মত আল্পেনিষদ নামে নতুন রচনা হয়েছিল। আমাদের দেশের জাহ্নমন্তরে মুসলমানী প্রভাব দেখা যায়। একসময় এক চেতরাসী সম্প্রদায় দেখা দিল তারা তদুত এক নতুন মতের প্রচার করল যে চতুর্মুখী ব্রহ্মাকে বাদ দিয়ে তার জায়গায় একমুখী আল্লা আর ত্রিমুখী দত্তাত্রয় এই দুজনকে বসানো হোক। এভাবে তারা এক নতুন চতুর্মুখী সৃষ্টি-বর্তার সৃষ্টি করলে। পরমেশ্বর শব্দকে বিষ্ণুর সমকক্ষ মেনে নিলে। শিব খোদার হাতে সংহার করার কাজ ছেড়ে দিয়ে সিদ্ধি ঘোঁটার কাজে ব্যস্ত হয়ে গেলেন।

সকলে হেসে উঠল। বেদম হাসির ধাক্কা সামলাতে গিয়ে সজ্জন পুতুলের রেকাবি চবুতরায় রেখে দিলে। শাস্ত্রীজীর কথা শুনে সে বেশ মজা পেয়েছে। বাবু ছেদালালও প্রাণ খুলে হেসে উঠলেন। বাবু গুলাবচন্দ আর বাবু রামস্বরূপ এত জোরে খিল খিল করে হেসে উঠলেন যেন খেলার মাঠে জিতে এসেছেন। লালে দলালের মাথায় কিছুই ঢুকল না, হাবাগোবার মত মুখ করে রইলেন। লালা মুকুন্দীমল কিছু ঠিকমত বুঝতে না পারায় বোকার মত কাষ্ঠহাসি হেসে সকলের হাসির সুরে সুর

মেলানেন। কষ্ট করে হাসলেন বটে কিন্তু লাল। মুকুন্দীমল গায়ের ঝাল না ঝেড়ে পারলেন না—হিন্দু ধর্মের পতনের কারণ আপনারাই, আপনাদের হাতেই এর সর্বনাশ হয়েছে, মহারাজ! যেমন ব্রাহ্মণেরা চালানো ধর্ম সেইরকম চলল—সমাজ শালা কী করবে?

লালে দলালের চোখ রেকাবির দিকে গেল, তাড়াতাড়ি বললেন—বাবুমশাই মাপ করবেন—এটা মহাবীরের স্থান...

—আজ্ঞে মাপ করবেন, আমার ভুল হয়ে গেছে। বলতে বলতে রেকাবি উঠিয়ে সজ্জন বললে—আমি এটাকে চৌমাথার মোড়ে রেখে আসব, সেখানে কাকুর আপত্তি হবে না নিশ্চয়।

—হ্যাঁ, হ্যাঁ, বাস, এই একটু আগে গেলেই কলের কাছে চৌমাথা—বাস! এখানে রেখে দিয়ে হাত ধুয়ে ফিরবেন।

কাকে ঠোকরানো ভাঙাচোরা পুতুল নিয়ে হাঁটতে সজ্জনের ভীষণ লজ্জা করছে। নিজেকে যেন কিস্তৃতকিমাকার লাগছে। গলিতে যেতে যেতে বাড়ির দরজা-জানলায় দাঁড়ানো জোড়া জোড়া সব চোখ যেন তাকেই দেখছে মনে হচ্ছে। হাঁটতে হাঁটতে তার মনে হল এখানেও তার কাছে একটা চাকর থাকা দরকার। পাড়ার লোকেদের গুর প্রতি ব্যবহারের মাথামুণ্ড সে কিছুই বুঝতে পারছে না। কখনো মনে হয় এরা বড় আপনার আর কখনো ঠিক তার বিপরীত... এই দেশ আর সমাজ চিড়িয়াখানার মতই, যাকে দূর থেকে দেখে আনন্দ পাওয়া যায়, বেশী কাছে গেলে তার সঙ্গে ঘনিষ্ঠ হওয়া যায় না। এ কাজ একদিনে হবার নয়, এর জন্তে রীতিমত সময় চাই। আমাদের কুসংস্কারের সঙ্গে লড়াই করতে হবে। আমাদের সমাজকে ভুল পথ থেকে সরিয়ে সোজা পথে আনতে হবে। শাস্ত্রীজী ঠিক বলেছেন তাই বোধহয় সে তাকে নিজের

অজান্তেই প্রণাম করে ফেলেছিল।... হঠাৎ সে এত ভাবুক হয়ে উঠেছে কেন? যাক শাস্ত্রীজীর সেটা প্রাপ্য, আবার তাঁর সঙ্গে সে দেখা করবে। মহিপালের ধারণা ভুল, ধীরে ধীরে সে সকলের সঙ্গে মিলে মিশে নিশ্চয় জমিয়ে নিতে পারবে।

এদিক সেদিক দেখতে দেখতে ভাবতে ভাবতে সজ্জন চৌমাথার দিকে হাঁটতে লাগল।

## ছয়

ইলেকশনে নির্বাচনপ্রার্থীর নাম, দলের চিহ্ন আর প্লোগান, মা বোন তুলে গালাগালি, অমূকের সঙ্গে তমুককে জড়িয়ে কুৎসা কাহিনী, অজীমুশানের দঙ্গল, বিড়ি, জাহ্নলোশন, অখণ্ড সংকীর্তন, সিনেমা, গরমী সূজাকয়ের ঔষুধের পোস্টার, পানের পিক— জন-জীবনের বিভিন্ন ভাবনা দিয়ে দেয়ালের গায়ে লেখা খবরের কাগজের লাইন শেষ হল। হাতে রেকাবি নিয়ে সজ্জন কলের কাছে এসে দাঁড়িয়েছে।

সামনের বাজারের গলির দিক দিয়ে চারজন পাহারাওয়াল। বেশ স্মৃতির সঙ্গে এদিকেই আসছে, তাদের পেছনে ছোটখাটো ভিড়ও আছে। পুলিশ দেখে দেখে চোখ সওয়া হয়ে গেছে। ডিউটিতে চৌমাথার মোড়ে দাঁড়ানো পুলিশ, কোতোয়ালি, থানাতে, মাঠে কুচকাওয়াজ করতে করতে, বড়লোকের বাড়ির বিয়েতে ব্যাণ্ড বাজনা

বাজাতে, একা-টাঙ্গা-রিজাওয়ালাদের কাছে সকলের চোখ বাঁচিয়ে ‘কিছু হাতের তেলোয় রাখো’ ইশারা করতে প্রায়ই এদের দেখা যায়। কিন্তু গলিতে একসঙ্গে চারজনের গপে হাঁটা মানে কোন অশুভ সংকেত। সমাজে মানুষ তার তীক্ষ্ণ জ্ঞানবুদ্ধি প্রয়োগ করে নিজেদের আশেপাশে জায়গা থেকে এই পুলিশবাহিনীর সৃষ্টি করেছে। পুলিশ সোজা ডানদিকের গলিতে ঢুকল, এই গলিতেই লাল। জানকীসরণ, বর্মা, ভভুতি স্মারক এঁরা সবাই থাকেন।

হাতের রেকাবির কথা ভুলে গিয়ে সজ্জন পুলিশ আর মানুষের ভীড় দেখতে লাগল। সামনের গলি দিয়ে মিস্টার বর্মা আর রাধেশ্যামকে এদিকেই আসতে দেখা গেল। মিস্টার রাধেশ্যাম এই সবে বি. এ. পাস করেছে, সরকারী অফিসে কেরানীগিরির জ্ঞান হালেই পার্লিক সার্ভিস কমিশনের পরীক্ষা দিয়েছে। সে নিজেই নিজেকে আদর্শবাদী বলে প্রচার করে, সকলকে বলে বেড়ায় যে সে একজন পাকা সোশালিস্ট। রাধেশ্যাম শঙ্করলালকে সঙ্গে করে একবার সজ্জনের সঙ্গে দেখা করতে এসেছিল, তাই তাকে চিনতে পেরে তাড়াতাড়ি হাতজোড় করল। সজ্জনও বেশ বিনয়ের সঙ্গে নমস্কার করতে গিয়ে কেবল মাথাটাই একটু হেঁট করল।

এতক্ষণে সজ্জনের হুঁশ হল সে যে হাতে রেকাবি ধরে আছে। হাতটা একটু উঁচু করে লাজুক ভাবে হেসে বললে— এ পাড়ায় প্রথম সাবজেক্ট পেয়েছি— কিন্তু এ কী ব্যাপার? গলিতে পুলিশ কেন? রাধেশ্যাম তাড়াতাড়ি হাত উঁচু করে বললে— মশাই, এক জগদম্বা সহায় মাস্টার আছে, পারভাট লোফার শালা...

সজ্জন হাতের রেকাবির কথা ভেবে বললে— মাপ করবেন, আমি একটু রেকাবিটা গলির মোড়েতে রেখে আসি।

মিস্টার বর্মা শশবাস্ত হয়ে বললেন— আরে না না, এখানেই নালীতে ফেলে দিন।

কেউ কিছু বলবে না তো? কলে কাপড় কাচছে লোকটির দিকে তাকিয়ে সজ্জন বললে।

—আরে না, না, আপনি নিশ্চিন্ত মনে ফেলে দিন।

সজ্জন ভাঙা ম্যানহোলের পাশে রেকাবি ফেলে দিয়ে কলে হাত ধুয়ে নিলে, তারপর একটু কাছ সরে গিয়ে জিজ্ঞেস করলে— হ্যাঁ, তা কী ব্যাপার?

সেই মাস্টার মশাইয়ের ভাইপোর জোয়ান বিধবা বৌ ছিল বেচারী। তিন-চার বছর আগে বিয়ে হয়েছিল, বছর ঘুরতে না ঘুরতেই বর মারা গেল। মাস্টার জগদম্বা সহায় তাকে আশ্রয় দিলেন, ইদানীং তার উপর নিজের অধিকার জাহির করে নিয়েছিলেন, আমাদের সমাজের এই মস্ত ট্রাজেডী, এঃ রাম রাম, বলতে বলতে-রাধেশ্যাম রাগে ঘেন্নায় উত্তেজিত হয়ে উঠল।

সজ্জন জিজ্ঞেস করলে— তারপর কী হল? মিস্টার বর্মা আবার কথার খেই ধরে আরম্ভ করলেন— কাল রাত্তিরে তার প্রসব হল, ছেলে হয়েছিল। এরা তার গলা টিপে কম্পানি বাগের নালায় ফেলে দিয়েছিল। আজ সকালে পুলিশ খবর পেয়ে এখানে রেড করতে এসেছে।

—কিন্তু পুলিশ কী করে খবর পেলে... সজ্জন উৎসুক হয়ে প্রশ্ন করলে।

বাবু রাধেশ্যাম একদম পলিটিক্যাল ভুরু নাচিয়ে উত্তেজিত ভাবে

বললেন— এদেশে সব সময়ই ঘরের শত্রু বিভীষণ লঙ্কা ধ্বংস করছে। মশাই, এসব শালিগরাম বেটার কারসাজি। জগদম্বা সহায়ের মেয়ে কমুনিষ্ট, ওর বাড়িতে আজকাল পার্টির ড্রামার রিহার্সাল চলছে। শালিগরাম কখনো দুধ খাইয়ে কালসাপ পুষবে ভেবেছে? এ এলাকা থেকে নির্বাচনপ্রার্থীদের হাঁড়ির খবর তার নখদর্পণে, শত্রুর খবর কেউ লুকোতে পারবে তার কাছ থেকে? ওটা কংগ্রেসের গেস্টাপো মশাই। এই ইলেক্শনে যদি পার্লিফ এই মাকড়শার জাল না ছিঁড়তে পারে, তাহলে আমি তো বলি...

গঙ্গিতে আসা-যাওয়া সমানে চলছে, কিন্তু কলের কাছে জল ভরবার জন্তে বালতি নিয়ে তখনো কেউ আসে নি। হঠাৎ মিস্টার বর্মার কানে পরিচিত গলার স্বর ভেসে এল, সামনের গলি দিয়ে এক ভদ্রলোক হনহনিয়ে এদিকেই আসছেন— সে আঙুনে পুড়ে মরেছে বর্মাজী।

—অ্যা, কে?— সজ্জন, রাধেশ্যাম, বর্মা সকলেই সমস্বরে প্রশ্ন করলে।

—সেই মেয়েমানুষটি, যেই ডাক্তারী পরীক্ষার জন্তে তাকে ডাকা হল অমনি বাহানা করে ওপরের রান্নাঘরে গিয়ে কেরোসিন তেল ঢেলে... আর বেশী শুনে লাভ নেই কিছু। জগদম্বা সহায়ের মত বেহাৱাকে সোজা ফাঁসি কাঠে ঝুলিয়ে দেওয়া উচিত।

—কিন্তু সেই মেয়েলোকটির কি হল? সজ্জন ব্যাপারটা তাড়াতাড়ি বুঝ ফেলার চেষ্টা করছে।

—মিনিটের মধ্যে দাউ দাউ করে জ্বল উঠল মশাই, চারিদিকে পোড়া গন্ধের চোটে টেঁকা দায়। পুলিশ দরজা ভেঙে ভেতরে ঢোকার আগেই সে বেহুঁশ হয়ে গিয়েছিল, পুড়ে একেবারে ভাজা-



ভাজা হয়ে মাংসের দলা পাঙ্কিয়ে গিয়েছিল। কাপড়চোপড় সব পুড়ে একেবারে উলঙ্গ...

—আপনি নিজে চোখে দেখেছেন? সজ্জন ক্রিজেন্স করলে।

—হ্যাঁ, না, আমি নিজে তো - মোটা, টারা চোখের এক উকিলনন্দন রসিয়ে কথাটার ঘোঁট পাকাবার চেষ্টায় ছিল। সজ্জন অনুভব করল যে এই লোকটি পুড়ে যাওয়া মেয়েলোকটির বর্ণনা করতে গিয়ে এক গোপনীয় আনন্দের আশ্বাদ নিচ্ছে।

—আপনি আমায় একবারটি সেখানে নিয়ে যেতে পারেন?

—হ্যাঁ, হ্যাঁ, রাধেশ্যামের মুখের উত্তর কেড়ে নিয়ে মিঃ বর্মা বললেন।

হাঁটতে হাঁটতে রাধেশ্যাম বললে— ভীষণ ভীড় হবে, আপনি সেখানে কিছুই দেখতে পাবেন না।

—দেখার কী আছে, একটু লোকজনের হাবভাব দেখব, কথা শুনব— সজ্জন রাজপথের দার্শনিকের মত মুখভঙ্গি করে বললে।

সাঁতসাঁতে অসূর্যস্পৃশ্য গলির বাড়িঘর, চারিদিকে সরু সরু নোংরা গলির জাল আর সেখানে মানুষের দৈনন্দিন জীবনযাত্রার বিষয় রাধেশ্যামের টিকাটিপ্পনি শুনতে শুনতে মন্দির, মহাবীরের সিন্দূর মাথানো মূর্তি, ফুলমালা দিয়ে সাজানো সৈয়দের থালা, মাথা থেকে পা পর্যন্ত ধুলোয় ভরা এ দেশের শিশুদের লাটু ও গুলি খেলা দেখতে দেখতে, এইটুকু সরু জায়গার মধ্যে গরুর গুঁতোর হাত থেকে নিজেকে বাঁচিয়ে বাঁচিয়ে, তিন-চারটে সঙ্গীসাথী সমেত সজ্জন এক খোলা ময়দানে এসে হাঁফ ছাড়ল। মানুষজনের ভীড় দেখা যাচ্ছে।

সামনের পুরোনো বাড়ির দরজায় দুজন সেপাই দাঁড়িয়ে কাউকে

ভেতরে যেতে মানা করছে। বাঁদিকে খোলা ময়দান আগে রাস্তা পর্যন্ত ছড়িয়ে আছে। রাস্তায় পুলিশের ‘পিক-আপ ভ্যান’ দেখা যাচ্ছে। ময়দানে বেশ কয়েকজনে মিলে জটলা পাকাচ্ছে।

ইতিমধ্যে দারোগামশাই দরজা থেকে বেরিয়ে এক সেপাইকে কিছু হুকুম করলেন, সঙ্গে সঙ্গে সে একছুটে পিক-আপ ভানের কাছে চলে গেল। তারপর দারোগামশাই উপস্থিত জনতার দিকে তাকিয়ে এক ধমক দিলেন— এখানে নাড়ু বিলি হচ্ছে? হাঁ করে সব তাকিয়ে— যান... ওহো— আপনিও এসেছেন? সজ্জনকে দেখেই দারোগার স্বর মোলায়েম হয়ে এল।

সজ্জন এগিয়ে গিয়ে দারোগার সঙ্গে ‘সেকহ্যাণ্ড’ করলে। তার পেছনে পেছনে বর্মা আর রাধেশ্যামও হাজির হয়েছে।

—কেমন আছে?

—হাসপাতালে নিয়ে গিয়ে ফেল দেব, প্রোসীডিওর পুরো করতে হবে তো, কিন্তু বাঁচবে বলে মনে হচ্ছে না।

—থুব বেশী পুড়েছে?

—হ্যাঁ, কিন্তু পোড়ার চেয়ে শক্ লেগেছে বেশী। এখুনি অনেক রকম ইনজেক্শন দেওয়া হয়েছে। ধীরে ধীরে সিংক করে যাচ্ছে মনে হচ্ছে— বলতে বলতে দারোগা ভেতরে চলে গেলেন। সজ্জন আমতা আমতা করে বললে, আমি...

—আমুন, আমুন মশাই— দারোগা সজ্জনের হাত ধরে টানতে টানতে ভেতরে নিয়ে চললেন। ফাটকের ভেতরে ছোট জায়গার মধ্যে তিনখানা বাড়ি। মাস্টার জগদম্বা সহায়ের পূর্বপুরুষের বৈভব আজ ধ্বংসপ্রায়, জায়গায় জায়গায় চুন বালি খসে গিয়ে পাতলা পাতলা ইট দাঁত বার করে তাকিয়ে আছে। সামনের বাড়িতে,

বাড়ির মালিক নিজে থাকেন। প্রথমে ঢুকতেই নকশাকাটা বারান্দা, বাঁ দিকে ভারী সদর দরজা, ডান দিকে বেশ বড় কামরা রয়েছে।

সারা বাড়িতে পুলিশের পায়ের খটখট শোনা যাচ্ছে। বাড়ির মেয়ে কম্যুনিষ্ট দলের লিস্টে আছে। তাই এই অজুহাতে তারা সারা বাড়ি তখনই করে ফেলছে। খানা তল্লাসীতে কিন্তু কিছুই পাওয়া গেল না।

এরা বাইরে যাবার সঙ্গে সঙ্গেই দারোগা ভেতরে ঢুকল, তাকে দেখে সেপাই বারান্দায় দাঁড়িয়ে গেল। দারোগা মশাই তার কাছে যেতেই সেপাই সেলুট মেরে বললে— কোতোয়ালিতে খবর দেওয়া হয়েছে হুজুর। মীর্জাজী অ্যাটেণ্ড করেছিলেন হুজুর। তিনি খবর দিয়েছেন যে এখুনি অ্যান্ডুলেল পাঠাচ্ছেন হুজুর।

—ঠিক আছে, দারোগাজী বললেন— আর শোনো, ওদিক থেকে ছোটো চেয়ার টেনে আনো।

সেপাই বড় কামরার দিকে চলে গেল। দারোগা মশাই সজ্জনকে বললেন— বিশ্বাস করুন, সকাল থেকে এক পেয়লা চা পেটে পড়ে নি। এ শালা পুলিশের চাকরী। সকালে একটু খবরের কাগজটা নিয়ে বনেছিলুম আর শালিগরাম এসে গেলেন। ইলেক্শনের বিষয় কিছু দরকারী কথার পর তিনি জানালেন যে এ বাড়িতে কম্যুনিষ্ট পার্টির প্রচার সামগ্রী পাওয়া যেতে পারে। খবরটা পাওয়ামাত্র আপনি বুঝতেই পারছেন, চা আর খবরের কাগজ সব মাথায় উঠে গেল। তখুনি ড্রেস পরে বেরিয়ে পড়লুম। সেপাই চেয়ার নিয়ে এল। বসতে বসতে সজ্জন পকেট থেকে সিগারেট কেস বার করলে। হাতীর দাঁতের গোপুরম্ আকারের সিগারেট কেস সে মহীশূর থেকে অর্ডার দিয়ে তৈরী করিয়েছিল।

মাঝখানে সুন্দর নটরাজের মূর্তি। সজ্জনের হাত থেকে কেসটা নিয়ে একটু উল্টে-পাল্টে দেখে কেসটা খুলে সজ্জনের দিকে বাড়িয়ে দারোগা বললেন— মৈথলী সরনের একটা লাইন আছে না— হাইস্কুলে পড়েছিলাম— ‘পাই তুজিহ সে বস্ত্র বহ কৈসে তুহ্মে অর্পণ করু’ ?

সজ্জন একটা সিগারেট নিয়ে পকেট থেকে লাইটার বার করল। দারোগা মশাইয়ের পদবী শুক্লাজী, তিনি নিজের জ্ঞা একটা সিগারেট নিয়ে একবার কেসটাকে ভালভাবে দেখে বললেন— আপনারা আর্টিস্ট মানুষ মশাই, কোথা কোথা থেকে সব জিনিস জড়ো করেন।

চোখ নিজেই পছন্দমত জিনিস খুঁজে নেয়— সিগারেট জ্বালাতে জ্বালাতে সজ্জন বললে।

শুক্লাজী দরজায় দাঁড়ানো সেপাইকে হাঁক দিলেন— শের আলী।

—জী হুজুর। শের আলী তাড়াতাড়ি কাছে এল।

—এবার একটু ভেতরে গিয়ে দেখে এসো, শালী মরল কিনা ?

শের আলী চলে গেল। সজ্জন বললে— পুলিশের চাকরীতে মানুষের মন থেকে করুণা বোধহয় একদমই উবে যায়।

—আর কি করব ? রোজ এই তামাশা দেখতে হয়। কখনো কখনো সজ্জনু মশাই, এই চাকরী করতে করতে মনে হয় যে মানুষ আর মনুষ্যত্ব বলে ছুনিয়ায় কিছু নেই। পুলিশের রোজনামা খুলে দেখুন, মনে হবে যে এইটাই সত্যি, বাকী ধর্ম-কর্ম, ভাল ভাল কথা, আর্ট কালচার সব বাজে ভড়ং। এইসব লম্বা লম্বা কথা হাজার বছর ধরেও মানুষের মনে কোন রেখাপাত করতে পারে নি... হাঁ কি ব্যাপার ?

শের আলী দারোগাজীকে কথা বলতে দেখে চুপচাপ দরজার কোণে দাঁড়িয়ে ছিল।

—ডাক্তার সায়েব বলছেন হুজুর, যে এখনো সঠিক কিছুই বলা যাচ্ছে না।

শালী আজ ক্ষিদেয় মারবে দেখছি— হারামজাদী .....

আপনাকে গালাগাল করার অধিকার কে দিয়েছে? পেছনের ঘরের দরজায় দাঁড়ানো ফর্সা মেয়েটি দারোগাকে প্রশ্ন করলে।

শুক্রাজী ক্র কুঁচকে মুখ ঘুরিয়ে এমনভাবে তাকালেন যেন তাঁর পৈতৃক অধিকারে কেউ হস্তক্ষেপ করেছে। সজ্জন চেয়ারে বসে ফর্সা মুখটি সোজামুজি দেখতে পাচ্ছিল। সজ্জন এই মেয়েটিকে এর আগেও এক-আধবার দেখেছে, হয়তো কথাও বলে থাকবে, কিন্তু পরিচয় নেই। মেয়েটির গোলগাল চেহারা আর বড় বড় ভাসা ভাসা চোখে আবেগের রক্তিম আভা ফুটে উঠেছে।

দারোগা মশাই একটু মুচকি হেসে বললেন— কী করব বলুন। আমাদের এর আগের কর্তারা ইংরেজ ছিলেন, তাঁরা গালাগাল ছাড়া কথা বলতেন না। নতুন কংগ্রেসী মালিকও দিচ্ছেন। আপনাদের কম্যুনিষ্ট রাজত্ব এলে হয়তো অভ্যাস বদলাতে হবে।

মেয়েটি সজ্জনের মুখের দিকে পরিচিত দৃষ্টিতে তাকিয়ে, বড় কামরার দিকে যেতে যেতে বললে— তখন আপনাদের মেরে মেরে অভ্যাস ছাড়ানোর ব্যবস্থা করা হবে।

দারোগা মশাই কোনমতে রাগের রাশ টেনে সংযত হয়ে সজ্জনের দিকে চেয়ে কাষ্ঠ হাসি হেসে বললেন— আরে তাইতো আমরা কম্যুনিষ্ট রাজত্ব আসতে দিতে নারাজ, কি বলেন?

সজ্জন গলা নামিয়ে বললে—মাপ করবেন, গালাগালি দিয়ে কথা বলাটা আমারও ধাতে নয় না।

—হ্যাঁ। বদ অভ্যাস নিশ্চয়, কিন্তু মশাই, পুলিশের চাকরী করতে হলে গালাগালের নামতা মুখস্থ করা ছাড়া অন্য কোন গতি নেই।

বাইরে থেকে সেপাই এসে খবর দিলে—হাসপাতালের গাড়ি এসে গেছে হুজুর।

দারোগামশাই বললেন—এসে গেছে তা আমি কি করব? ডাক্তার সায়েবকে জিজ্ঞাসা করুন, রুগীকে নিয়ে যাবার বিষয় তাঁর মতামতটা কি। থাক, আমিই কথা বলছি, আপনি এখানেই বসুন সজ্জনবাবু।

—হ্যাঁ, হ্যাঁ, আমি বসে আছি, না-হয় এবার উঠি...

—আরো একটু অপেক্ষা করুন, আমি এলুম বলে।

দারোগা মশাইয়ের পেছনে পেছনে সেপাইও চলে গেল। সজ্জন পকেট থেকে সিগারেট কেস বার করতে করতে ভাবল, বাজে চক্রে ফেঁসে গেলুম। হঠাৎ ভেতরের মেয়েলোকটির কথা মনে এল, কে জানে কেমন আছে সে? আগুন লাগাবার আগে তার হাত-পা কেঁপেছিল কি? কল্পনা করতে গিয়ে সজ্জনের সারা গায়ে কাঁটা দিয়ে উঠল।

ইতিমধ্যে ফর্সা মেয়েটি এসে খালি চেয়ারের পাশে দাঁড়িয়েছে। সজ্জন তাকে দেখে ভদ্রলোকের মত চেয়ার ছেড়ে উঠে দাঁড়াল—আমুন।

—আপনি এখানে কি করতে এসেছেন? ইংরেজিতে রুক্ষভাবে প্রশ্ন শুনে সজ্জন চমকে উঠল। তার উত্তর দেবার আগে মেয়েটি আবার প্রশ্ন করলে—পুলিসের লোকদের সঙ্গে ঘোরাফেরা আপনি

কবে থেকে আরম্ভ করেছেন? মাপ করবেন, আমি খুব সোজামুজি প্রশ্ন করছি।

সজ্জন গভীরভাবে জবাব দিলে—সকলের মত আমিও খবরটা শুনে এসেছি। মিস্টার স্ক্রু আমাকে টেনে ভেতরে নিয়ে এলেন—এঁর সঙ্গে আমার আগে থাকতেই পরিচয় আছে।

—আচ্ছা, তার মানে পুলিশের লোকদের সঙ্গে বন্ধুত্ব করে পরের অসহায় অবস্থা দেখে নিজের লাভের খাতায় যোগ দেবার লোভে এখানে এসেছেন নাকি? মেয়েটি বেশ রূঢ়ভাবে বলল।

সজ্জন মাথা হেঁট করে বলল—আমার ভুল হয়ে গেছে, মাপ করবেন, আমি চলে যাচ্ছি।

—আমি আপনাকে চলে যেতে বলছি না—আগের চেয়ে গলার স্বর একটু নামিয়ে মেয়েটি বলল—অন্য কোন সময় আপনি এলে আমি সৌভাগ্য মনে করতুম...আপনি জানেন যে অপরাধী আমার বাবা আর বৌদি?

—না, আমি এ কথা একেবারে জানি না। একটা কথা বলব, যদি আপনি কিছু মনে না করেন, আপনার সঙ্গে আমার ভাল পরিচয় নেই। আগে এক-আধবার দেখেছি এই পর্যন্ত, আপনি বোধহয় কম্যুনিষ্ট পার্টিতে কাজ করেন?

—আজ্ঞে না, আমি কম্যুনিষ্ট নই, কিন্তু পার্টির সঙ্গে সম্পর্ক রাখি এই পর্যন্ত।

—আপনি হয়তো জানেন না নিজের বাড়িতে বিপদ ডেকে আনার অনেকটা কারণ আপনি নিজেই? বাড়িতে কম্যুনিষ্ট পার্টির লোক জড়ো হয়, এইজন্যই বাড়ির উপর পুলিশের নজর ছিল। এটাই আপনার অপরাধ...

অপরাধ কার? আমার বাবার না বৌদির? প্রশ্ন শুনে সজ্জন এক সেকেন্ড চুপ করে ভেবে নিয়ে বলল— দুজনেরই, কিন্তু আপনার বৌদি এসময়...

—সে আমার বাবার কৃতকর্মের ফলভোগ করছে— বলে মেয়েটি যেতে গিয়ে থমকে দাঁড়িয়ে বলল— বৌদির অপরাধ কী ছিল বলতে পারেন? ভরা যৌবনে বিধবা হওয়া, না মা হয়ে...

সজ্জন বুঝতে পারল যে মেয়েটি বেশ উত্তেজিত হয়ে রয়েছে, সে বাহানা পেলেই মনকে হান্কা করার জন্য ভেঙে পড়বে। তাকে শাস্ত করার জন্য বেশ মোলায়েম গলায় সজ্জন বলল— না, সেজন্য তাঁকে আমি মোটেই অপরাধী মনে করি না, তবে হ্যাঁ— শিশুহত্যা করা...

—সে আমার বাবা করেছেন। তিনি বৌদির উপরে অনেক অত্যাচার করেছেন, আমি জানি তাই আমি বলছি।

মেয়েটির ফর্সা রঙ উত্তেজনায় আবার লাল হয়ে উঠল। আবার ভেতর দিকে যাবার জন্য পা বাড়িয়ে বলল— আমি আগেই বলেছি, বৌদির এইটুকু অপরাধ যে তিনি ইকনমিক্যালি খ্রী ছিলেন না।

মেয়েটি মেঝের দিকে চেয়ে দাঁড়িয়ে আছে। সজ্জন চুপ করে একদৃষ্টে তার দিকে তাকাতেই দণ্ডিতা অপরিচিতার জন্য তার মনে সহানুভূতি জেগে উঠল। এই ফর্সা মেয়েটির আলুথালু কঁোকড়া চুল, ভাসাভাসা দুটি বড় বড় চোখ, উত্তেজনায় রক্তিম গোলাপের মত মুখের দিকে চেয়ে যেন তার মাথা ঝিম ঝিম করে উঠল। নিজের মানসিক দুর্বলতার কথা ভেবে, সে নিজেই লজ্জিত হয়ে মাথা নীচু করে বসে রইল।

—আপনি দয়া করে পুলিশকে বলে দিন যে তারা যেন এখনি



এখান থেকে চলে যায়। এদের জন্তে আমরা ভাল করে কাঁদতেও পারছি না।

বড় বড় চোখের কোণে জল দেখা দিল, ঠোট আর নাক কেঁপে উঠল, সজ্জন তাড়াতাড়ি এক নজর মেয়েটিকে দেখে নিয়ে চোখ নামিয়ে নিল— ছিঃ ছিঃ নারী কি কেবল ভোগের জিনিস?

মেয়েটি তাড়াতাড়ি বড় কামরার দিকে চলে গেল।

## সাত

অল ইণ্ডিয়া রেডিও লক্ষ্ণৌ, এলাহাবাদ, পাটনা থেকে আপনাদের পছন্দমত সিনেমার গানের অনুষ্ঠান আজকের মত এখানেই শেষ...

তারা উঠে গিয়ে রেডিওর কাঁটা লাহোর স্টেশনে লাগিয়ে দিল।

“ছম ছম ছম বাজে পায়ল মোরী।

আজা চোরী চোরী, আ জা চোরী চোরী।”

হিন্দুস্থান রেডিও সিনেমার গানের সুরের তার ছিড়ে দিতেই পাকিস্তান রেডিও ছেঁড়া তারে নতুন সুর দিয়ে শ্রোতাদের কানে মধু ঢালতে লাগল।

তারা পালঙ্কে ঠেস দিয়ে বসল। ছোট বৌ পালঙ্কের পায়ের দিকে মাথার নীচে হাত রেখে শুয়ে আছে। বড় বৌ মোড়া কারপেটকে দিবি আরাম-চেয়ারের মত করে, পা মুড়ে তার উপরে চড়ে পালঙ্কে ঠেসান দিয়ে বসেছে। তারা এসে বসতেই ছোট

কথাটা পাড়ার জন্তে উসখুস করে উঠল— আমি দেখেছি নন্দ দিদির সোয়ামীকে। আমার মাসীর বড় ভাজের ভাইঝির সঙ্গে তাঁর দ্বিতীয় বিয়ে হয়েছে। একটু সেকেন্দ্রে ধরনের কিন্তু লোকটি ভালো, দেখতে শুনতে বেশ।

—আরে ওর সামনে সাক্ষাৎ কামদেব এসে দাঁড়ালেও নাক উচু করেই থাকবে... নচ্ছার মাগী।... এই... তোমাকে একটা কথা বলাই হয়নি— ইলেকট্রিকের কারেন্টের মত তড়াক করে উঠে বড় নো পালঙ্কের ওপরে চড়ে বসল। বড়র আওয়াজ আর ফুঁতি দেখে শুয়ে-থাকা ছোটর শরীরে যেন সুড়সুড়ি লাগল, সেও তখনই উঠে সোজা হয়ে বসল।

নিতান্ত কুশ্রী মেয়েও অন্তঃসত্ত্বা হলে লাবণ্যময়ী হয়ে ওঠে। আসন্ন প্রসবা তারা ভারী দেহখানা নিয়ে সামান্য পা মুড়ে বসে উৎসুকভাবে তাদের দিকে তাকাল।

বড় নো পা-ট কে বাবু হয়ে বসার মত মুড়ে নিয়ে, ডান দিকের হাঁটুকে মুড়ে তার ওপর হাত রেখে আঙুল নাচাতে নাচাতে ফিস-ফিস করে বললে— নন্দ দিদির বাস্কে ফোটো পাওয়া গেছে পুরো এক ডজন সেট কা সেট।

—ক্লিসের ফোটো? ছোট ব্যাপারটা তাড়াতাড়ি জানবার জন্য উৎসুক হয়ে জিজ্ঞেস করলে। তারার চোখে প্রশ্ন চিহ্ন দেখা দিল।

—যত খারাপ খারাপ ফোটো যা বাজারে পাওয়া যায়... উফ... আমার শরীর কেমন করে ওসব দেখলে। বড়র সারা দেহে কামাগ্নির ঢেউ খেলে গেল আর চোখে নেবে এল নেশার আবেশ।

তারা জিজ্ঞেস করলে— তুমি ফোটো নিজের চোখে দেখেছ?

—আরে, হ্যাঁ হ্যাঁ ভাই। সকালে আমার উনি নন্দদিদির সব

জিনিস খানাতল্লাসী করে নিলেন যদি আরো কিছু চুরি করে থাকেন। বেশ হাঙ্গামা বেধেছিল। ছোটকে জিজ্ঞাসা করো, ওঁর মেজাজ তুমি তো জানোই, রাগলে কার বাবার সাধ্যি থামায়। স্বয়ং লাট এসে দাঁড়ালেও চুপ করবে না।

মনিয়া বেশ রসিক, বোয়ের মন রাখার আর্টে সে সিদ্ধহস্ত কিন্তু তবু বড় বোয়ের মনের অতৃপ্ত বাসনাকে সে সম্পূর্ণভাবে পূরণ করতে পারে নি। স্বামীর পৌরুষের সামনে সদাই ভয়ে থরহরি কম্প, তাই অবিবাহিত দেওর শঙ্করলাল ছিল তার অনুরাগের পাত্র। নন্দ এ বাড়ির বিষবৃক্ষ, বোয়ের বিরুদ্ধে ভাইয়ের কান ভাঙানো তার প্রধান কাজ। ননদের এই কূটবুদ্ধির ফলে কতবার স্বামীর হাতে বড় বো বেদম মার খেয়েছে।

ছোট বো ঘরের বাইরে মিস্টার বর্মার আওয়াজের সঙ্গে স্বামীর গলার স্বর শুনে খুশী হল। আরাম চেয়ার থেকে উঠে দরজার কাছে গিয়ে হাত জোড় করে বর্মাকে নমস্কার করে যেই সে স্বামীকে কিছু বলতে যাবে, মিস্টার বর্মা বললেন—দেখুন, আপনার ফেরারী কয়েদীকে ধরে এনেছি।

ছোটর মুখ লজ্জায় লাল হয়ে উঠল। তারা ছোটর দিকে তাকিয়ে মস্করার হাসি হাসলে। শঙ্করলাল বর্মাকে বললে—আরে! দুজন পালানো কয়েদী একে অণ্ডকে খুঁজে নিজেরাই হাকিমের এজলাসে হাজির হয়ে গেছে।

চারজনের হাসির শব্দ শোনা গেল। ঘরের পালঙ্কে পায়ের পাটিতে হেলান দিয়ে বসে বড়র কান সমানে বাইরের কথা শোনার জন্য খাড়া হয়ে আছে। তারা, আর ছোট বিশেষ করে ছোট জায়ের প্রতি মনের কোণে হিংসে মাঝে মাঝে জেগে উঠলেও বড়

বো মনে মনে তাকে স্নেহ করে। ছোট আর তারা দুজনেই, যেন বড়র নিজের মনের অভিব্যক্তির মাধ্যম। তাদের রসরসে এতক্ষণ নিজেকে ভুলে ছিল।

দেওরের আওয়াজ কানে এল— চলো স্বরূপ, বাড়ি গিয়ে ঝটপট তৈরী হয়ে নাও, তারপর...

—পাঁচ মিনিট দাঁড়ান। চা খেয়ে যাবেন, তারার আওয়াজ ভেসে এল।

—না, না, বাজে বাজে আপনাকে কষ্ট দেওয়া।

শঙ্করের মুখের কথা কেড়ে নিয়ে মিস্টার বর্মা বলে উঠলেন—  
আরে, বসুন বসুন— আপনাদের ছুতো করে আমার ভাগ্যেও এক কাপ চা জুটে যাবে, না হলে ইনি আমাকে...

—শুনছেন মিসেস বর্মা। আপনার বিরুদ্ধে নালিশ হচ্ছে।

—আপনিই শুনুন, যে অকৃতজ্ঞ, তার কথায় আবার কান দিতে আছে কখনো।

তারার আওয়াজ ধীরে ধীরে দূরে চলে গেল। হাল্কা হাসির আওয়াজের পর মিস্টার বর্মার গলার আওয়াজ বড়র কানে এল। তিনি তার দেওরকে জিজ্ঞেস করছিলেন— সিনেমা দেখার প্রোগ্রাম আছে নাকি ?

—হ্যাঁ, আমার বন্ধু— হয়তো নাম শুনে থাকবেন— বিরহেশ, তিনি ‘বাহার আইয়ে’ সিনেমার গান লিখেছেন।

—হ্যাঁ, হ্যাঁ, আজকাল চলছে, বইটা কেমন ? বর্মা জিজ্ঞেস করল।

‘শুনছ ?’— দূর থেকে তারার আওয়াজ বড়র কানে ভেসে এল, স্টম্ অন্মোন করলে যে তারা রান্নাঘরেই আছে। দূর থেকে মিস্টার বর্মার আওয়াজ শোনা গেল— শঙ্করবাবু, এখুনি আসছি।

—শুনছেন মিস্টার বর্মা— শঙ্করলাল বললে— বশুন, বশুন, কোথায় যাচ্ছেন, কোন কষ্ট করতে হবে না।

—না, না, কষ্ট কিছু নয়, এই গেলুম আর এলুম বলে, মিস্টার বর্মার আওয়াজ মিলিয়ে গেল।

নিশ্চয়ই মিষ্টি কিনতে ছুটে থাকবে, বড় ভেবে নিলে। শঙ্করলাল তারাকে বলছে— মিসেস বর্মা, আপনি বেচারাকে মিছিমিছি পাঠালেন।

—সে কী কথা? কালেভদ্রে রাস্তা ভুলে আপনাদের এদিকে আসা হয়— আরে ও ছোট, ভেতর থেকে মোহিনীকে ডাক দাও তো, পর্দার বিবি হয়ে ভেতরে বসে আছেন কেন?

—বৌদি এখানেই আছে? বৌদি, ও বৌদি— শঙ্করলাল ডাক দিলে। আওয়াজের সঙ্গেই খবরের কাগজ ওলটাবার শব্দ হল।

বড় সংকোচের সঙ্গে উঠে ঘরের দরজার কাছ পর্যন্ত এসে থমকে দাঁড়াল। দালানে সোফায় শঙ্করলাল বসে আছে। বৌদিকে দেখে মুচকি হেসে বললে— তুমি এমন অগম্য হয়ে লুকিয়ে বসে আছ কেন? স্বপ্নরাজ্যে বিচরণ করছিলে নাকি? আমি এদিকে ঘরের এ মুড়ো থেকে ও মুড়ো পর্যন্ত খুঁজে বেড়াচ্ছি।

“রেডিও পাকিস্তান থেকে বলছি, আপনারা এবার কিছু ফিল্ম রেকর্ড...”

—মোহিনী, একটু রেডিও বন্ধ করে দাও তো, তারা রান্নাঘরের দালানে ঠেসান দিয়ে দাঁড়িয়ে বললে। ছোট স্টোভ থেকে চায়ের জলের কেতলী নামিয়ে দুধ চাপিয়েছে। বড় বৌ ভেতরে গিয়ে রেডিও বন্ধ করে এসে, দেওরের কথার উত্তর দিল— যে তোমার

হৃদয়ে লুকিয়ে আছে তার খোঁজেই এখানে এসেছ, বাজে আমার নাম করে কেন দয়া দেখা ?

রেডিও বন্ধ হয়ে গেল। দালান থেকে শঙ্করলালের আওয়াজ ভেসে এল— আরে, সে তো খোলাখুলি সকলের সামনেই আছে— স্বপ্নরাজ্যের সাত দরজার মধ্যে তুমিই লুকিয়ে বসে আছ।

বড় হাসতে হাসতে বাইরে এল। শঙ্করলাল তাকে দেখেই নিজের কথা শেষ করলে— আমার দাদার স্বপ্নের রাজত্ব জুড়ে বসে আছ তুমি, ঠিক বলেছি কিনা ?

বড় আড়চোখে দেখলে, তারা আর ছোট দুজনেই মুচকি হাসছে। বড় তাদের দিকে তাকিয়ে তারাকে রোমান্টিক সুরে বললে— শুনেছ এর কথা ? মিথ্যের জাহাজ, মিথ্যে বলায় এম. এ. পাস করেছে আমার লালাজী। একবার মুখ থেকে বেরুলো না যে ঢোলা বৌদি তোমায় মিনেমা দেখিয়ে আনি, কেবল লম্বা লম্বা কথা বলেই খালাস... বলতে বলতে বড় দালানের দিকে এগিয়ে গেল।

—বৌদিদের নেমন্তন্ন দিতে হয় না, তারা নিজেরাই ঘাড় ধরে আদায় করে নেয়। আমার মনে হয়, মিসেস বর্মা নিশ্চয় আমার কথায় সায় দেবেন।

মিস্টার বর্মা ঘরে ঢুকলেন। তারা স্বামী হাত থেকে খাবারের ঠোঙা নেবার জন্য উঠানে নেমে এল। ছোট চায়ের সরঞ্জাম ট্রেতে সাজাচ্ছে। বড় তার পাশে বসে আছে, বর্মাকে দেখে ফট করে একটু ঘোমটা টেনে নিলে। মিষ্টি আর নোনতার ঠোঙা গিল্লির হাতে দিয়ে মিস্টার বর্মা শঙ্করলালের কাছে এসে জিজ্ঞেস করলেন— কোন্ কথায় সায় দেওয়া হচ্ছিল শুনি ?

—কিছু না, এক বৌদির বাড়াবাড়ির ফয়সলা অন্য বৌদিকে দিয়ে করাচ্ছিলাম, শঙ্কর হাসতে হাসতে উত্তর দিল।

বর্মা সোফা থেকে মাথা ঘুরিয়ে রান্নাঘরের দিকে চেয়ে বললেন—  
আচ্ছা আপনার বৌদি এখানেই আছেন, কিন্তু যাকে ফয়সলার অধিকার দিলেন তার যোগ্যতা আগে আন্দাজ করা উচিত ছিল।

—মিস্টার বর্মা, মেয়েদের অযোগ্য বলবেন না, আমাদের সংবিধান হিসেবে এরা সমান অধিকারের ভাগীদার।

তারা চায়ের ট্রে গোলটেবিলটাতে রেখে দিয়ে বললে— এসব কথা সভ্য আর শিক্ষিত লোকের মাথাতেই ঢোকে মিস্টার লাল, গৌয়ারদের শুনিয়ে আর কি হবে? বলতে বলতে তারা নিজের স্বামীর দিকে মধুর কটাক্ষ হানলে। শঙ্করলাল আর বর্মা সেই চাউনির অর্থ বুঝে মনে মনে না হেসে পারলেন না।

—বাস্, আমার খোঁতা মুখ ভোঁতা হয়ে গেছে মিসেস বর্মা।

ছোট, নিষ্টি আর নোনতার প্লেট সাজিয়ে নিয়ে এল। খাবার-দাবার দেখে শঙ্কর দ্বিগুণ উৎসাহে বসলে— আমাকে যদি আমার স্বরূপ গৌয়ার বলে দেয়, তা হলে...

—যে যেমন হবে, তাকে তাই বলা হবে— ছোটর উত্তর শুনে সকলে হো হো করে হেসে উঠল।

রান্নাঘরে দাঁড়িয়ে রস-বিভোর মনিয়া গিল্লী জোরে এক দীর্ঘশ্বাস ফেললে, বাস্তবঃ তার স্বামী যা রাগী, ভুলে সে কখনো হাসি-মস্করার ছলেও তাকে গৌয়ার বলার সাহস করে না। তখুনি তারা তাকে ইশারায় কাছে ডাকলে। চোখের ইশারায় বড় উত্তর দিলে— না, আমার লজ্জা করছে।

চেয়ার ছেড়ে শঙ্করলাল বললে— আসুন মিসেস বর্মা, আপনি এখানে ভালো করে বসুন।

—আপনার বৌদিকে ডাকুন, তিনি লজ্জায় ঘরের কোণ নিয়েছেন।

বড় তারার দিকে চোখ পাঙ্কিয়ে দেখল। শঙ্কর হাঁক দিলে— বৌদি, শোনো লক্ষ্মীটি, এবার এসো। তারা শঙ্করলালের পাশে সোফায় ধপ করে বসে পড়ল। ছোট পেয়ালায় চা ঢালছে।

বড় শঙ্করলালকে বাঁকা চোখে দেখে আড় ঘোমটা টানতে টানতে উঠোন পেরিয়ে এল।

—আমার বৌদির শ্রাকরা আপনারা বুঝবেন না, দাদা এঁকে ভীষণ লাই দিয়ে মাথায় চড়িয়ে রেখেছেন।

বড় দালানে এসে সকলকে নমস্কার করে তারার পাশে গিয়ে বসল। তারা মিষ্টির প্লেট শঙ্করলালের দিকে এগিয়ে দিলে, ছোট বর্মাকে চায়ের পেয়লা ধরালে।

স্ত্রী-পুরুষ একসঙ্গে বসে চা খাওয়ার সুযোগ মনিয়ার বৌ ভীষনে এই দ্বিতীয়বার পেয়েছে। একবার যখন সে স্কুলে পড়ত তখন খিস্তান দিদির বাড়িতে তাঁর নিকট আত্মীয় দম্পতির সঙ্গে বসে অভিজ্ঞতা, তখন সাতপাকের নিরনকামুনের কঠিন বন্ধনের অভিজ্ঞতা তার ছিল না। তারা আর ছোট ছুতানেই তার চেয়ে বেশী স্বাধীনতা উপভোগ করেছে। সকলকে চা দিয়ে ছোট তার কাছে এসে বসল।

জলযোগের পর্ব শেষ হবার সঙ্গে সঙ্গে বর্মা দম্পতি সিনেমা যাওয়ার কথা তুললে।



—আপনাদের সেই কবি মহারাজ, যিনি এই সিনেমার গান লিখেছেন বললেন, তাঁর পাসটাস নিয়ে... বর্মার মনের কিস্তি ভাবটা বুঝে নিয়ে তাড়াতাড়ি শঙ্করলাল উত্তর দিলে— না, না, পাসটাস নয়, তিনি অনেক আগ্রহ করে বলেছিলেন। আমিও ভাবলুম আজ রবিবার, এমনিতে প্রত্যেক রবিবারে আমরা সিনেমা দেখতে যাই। আনুন, চলুন মিসেস বর্মা, আজ আমরা আপনাদের সিনেমা দেখিয়ে আনব।

বর্ম দম্পতি একে অন্যের চোখের ইশারায় অনুমতি নিয়ে রাজী হয়ে গেল।

শঙ্করলাল বড়ক বকলে— চলো, বৌদি মেমসাহেব, তোমায় আজ ঘুরিয়ে নিয়ে আসি। ঘাবড়িয়ে না, দাদার হুকুমনামা আনিয়ে দেব।

হুকুম কথাটা শুনে মনিয়ার বৌ নজ্জা পেলো। ছুঁতোড়া চোখের সহানুভূতিপূর্ণ চাউনি স্ত্রীর মত তার সর্বাঙ্গে বিঁধে গেল— হা ভগবান— আমি কত অসহায়, উঁহু সোসাইটির লোকদের নজরে আমি কত হীন হয়ে যাচ্ছি কেবল নিজের স্বামীর দোষে।

তার যেন মাথা কাটা গেল, এদের সামনে মাথা তুলতে পারছে না। সকলে উঠে দাঁড়াল, সে সবার শেষে ঘর থেকে বেরল।

## আট

মাটিনি শো শেষ হতেই সিনেমা হলের ভেতর থেকে মোটা পাম্পের জলের তোড়ের মত ভীড় হরহর করে বাইরে বেরিয়ে এল। শঙ্কর আর বর্মা-পরিবারের টাঙ্গা এসে সিনেমা হলের সামনে থামল। শঙ্কর টাঙ্গা থেকে নেমে ভাড়াটা চুকিয়ে দেবার জন্য পাস খুলতেই অন্য টাঙ্গা থেকে নিজের পিলী আর বড়র সঙ্গে নামতে নামতে মিস্টার বর্মা শশব্যস্ত হয়ে বললেন— আমি দুজনকেই পেমেন্ট করে দিয়েছি— তারপর শঙ্করের টাঙ্গাওয়ালার দিকে এগিয়ে নির্দেশ দিলেন— তুমি এর কাছ থেকে নিজের পয়সা নিয়ে নিয়ে।

শঙ্কর পাস বন্ধ করতে করতে হেসে বলল— আপনি বড় বাস্তবগীশ লোক মশাই, আচ্ছা আমি তা হলে দুটে টিকিট কেটে আনি।

—আমি যাচ্ছি, বর্মা এগুতেই শঙ্কর তাকে বাধা দিয়ে বললে— মিস্টার বর্মা, প্লাজ— শঙ্কর তাড়াতাড়ি এগিয়ে গেল।

তিনজন মহিলা সঙ্গে নিয়ে মিস্টার বর্মা ধীরে ধীরে হাঁটছেন। তিনজনেই পুরুষদের নজর এড়িয়ে মেয়েদের হালফ্যাশনের জামা-কাপড় দেখতে দেখতে তাড়াতাড়ি পা ফেলে চলছে। লম্বা লম্বা কৌকড়া চুল, ছোট ছোট চোখে চশমা আঁটা, গরম কুর্তা, চুড়িদার

পাজামা, পায়ে মোজা আর পেশোয়ারী চটি, বাঁহাতে চেস্টার আর ডান হাতে ফাইভ-ফাইভ-ফাইভের টিন হাতে করে এক ভদ্রলোক শঙ্করলালের সঙ্গে এলেন। শঙ্করলাল বেশ উৎসাহের সঙ্গে ভদ্রলোকটির পরিচয় করাল— মিস্টার বর্মা, ইনি সেই প্রসিদ্ধ কবি বিরহেশ যিনি এই ছবির গান লিখেছেন। আর ইনি হচ্ছেন মিস্টার ত্রিভুবননাথ বর্মা— কেসরবাগের অজন্তা রেডিও ইঞ্জিনিয়ারিং ওয়ার্কসের মালিক, ইনি মিসেস তারা বর্মা। আমার বৌদি... মিসেস মোহিনীলাল আর ইনি... আপনারা কবিরা রসে ডুবে যাকে নানা নামে ডেকে থাকেন, আমার তিনি মানে মিসেস স্বরূপকুমারী লাল।

তারা বেশ বড় গলায় নমস্কার জানাল, ছোটর নমস্কারে যেন খুশী উথলে উঠল, বড় লজ্জার আড়াল নিয়ে হৃদয়ের ধুকধুকী কোনমতে চেপে কেবল হাতজোড় করে কবিনশাইকে নমস্কার করল। প্রত্যুত্তরে বত্রিশ পাটি দাঁতকে খোলার মধ্যে রেখে যতদূর খোলা যায় ততদূর পর্যন্ত খুলে নরম নরম ছুটি হাত এক বিশেষ মূদ্রায় বিচিত্র ভঙ্গীতে, লেখক, আর্টিস্ট, নেতা, উপনেত্রী সকলের এক পোটেন্ট মার্ক। হাসি ছড়িয়ে বিরহেশ সবাইকে নমস্কার জানালেন। মিস্টার বর্মাও কবি বিরহেশকে দেখে একেবারে গলে পড়লেন। বিরহেশ সেই কোটির দেবতা, আশি পারসেন্ট চাকুরে বাবুদের চক্ষু সদাই যাকে একবারটি দেখার জন্য ব্যাকুল হয়ে থাকে। মেয়েদের কথা না-হয় ছেড়ে দেওয়া গেল, কেননা বেশীর ভাগ বাড়ির ঝি-বৌ সাত সকালে উঠে ভগবানের নাম করার বদলে— বেইমান বলমা— জা জা— রেকর্ড শুনতে আর তার সঙ্গে সঙ্গে গুনগুন করতে বেশী ভালোবাসে। সিনেমার অভিনেতা-

অভিনেত্রীদের চৌদ্দপুরুষের হাঁড়ির খবর সংগ্রহ করে এরা ট্যাকে গুঁজে রেখে দিয়েছে। দরকার হলেই কুলজি খুলে বলতে পারে—কে কত টাকার কন্ট্রাক্ট সই করেছে, কোন্ ছবিতে কে হিরোর চান্স পেয়েছে, কার সঙ্গে কার ইয়ে চলছে অথবা কার প্রেম আজকাল ধোঁকার সিকুতে ঝাঁপ দিয়ে খাবি খাচ্ছে, সব আপ-টু-ডেট হিসেব। সিনেমা জগতের অনেক প্রোডিউনার, ডিরেক্টর, প্রযোজক সিঙ্গার, মিউজিক ডিরেক্টর, ক্যামেরাম্যান, লেখক, কবিরা হয়তো অহংকারের সঙ্গে মাথা ঝাঁকানি দিয়ে বলে যে তাদের নাম প্রত্যেক বাড়িতেই রামনামের মতই প্রাতঃস্মরণীয়। সিনেমা দেখার রোগে প্রায় শহরের আশি পারসেন্ট লোক ভুগছে, তাদের ধ্যান-ধারণার এই একই লক্ষ্য। তারা, ছোট আর বড় সকলেই কবি বিরহেশ্বরের দর্শন পেয়ে মনুজীবনটাকে সার্থক মনে করছে। শঙ্করলাল বেণ গর্বের সঙ্গে বুক ফুলিয়ে বলল—কেবল আমার জন্যই উনি এখানে এসেছেন।

—হ্যাঁ, হ্যাঁ, আজকে দু-তিনজন অফিসার বন্ধু জোরজোর করে আমায় গাড়িতে বসিয়ে নিয়ে এল। তারা সকলে অনেক করে বলল যে আজ তোমার সঙ্গে একসঙ্গে বসে রূপালী পর্দায় তোমার নাম দেখব। এখানে এসে আমি তাদের স্পষ্ট বলে দিলুম যে আমায় এখানে দাঁড়িয়ে থাকতে দাও কেননা আমার আর-এক বন্ধু শঙ্করলাল এখুনি এসে পড়বে, তার সঙ্গে আজ ছবি দেখব বলে প্রমিজ করেছি। আমার নিশ্বেস ফেলার অবসর হয় না, আজ আপনার সঙ্গে ছবি দেখার বাহানায় একটু জিরিয়ে নেব।

এতখানি ভূমিকা করার পর কবি মহারাজ উপস্থিত ভক্তবৃন্দকে তাঁর শ্রীমুখের দর্শন দিয়ে কৃতার্থ করলেন। শঙ্করলাল হাত বাড়িয়ে বলল—আমুন, চলা যাক।

বিরহেশমশাই আশেপাশে গোপ-গোপিনীদের নিয়ে এগিয়ে চললেন।

কর্নেল কার-পার্ক গাড়ি দাঁড় করাল। ও আর সজ্জন দুজনেই গাড়ির কাঁচ বন্ধ করে গাড়ি থেকে নামল। গাড়ি বন্ধ করার জন্তু কর্নেল চাবির গোছা থেকে গাড়ির চাবি আলাদা করছে। ইতিমধ্যে সজ্জন গাড়ির ওপাশ থেকে উঁকি মরলে— বাঃ বাঃ চারিদিকে লোক গিজগিজ করছে আর তার মাঝখানে মহাকবি বোর! কবি বিরহেশকে দেখেই সজ্জনের বেরোয়া চোখের চাউনি হঠাৎ সজাগ হয়ে গেল।

—এই কর্নেল, ফিরে চলো ভাই, এখানে আর নয়। সজ্জনের উদাস চোখে-মুখে আর গলার আওয়াজে বিরক্তির ভাব ফুটে উঠল।

—কেন? ড্রা কুঁচকে কর্নেল জিজ্ঞেস করল।

—উফ্ ভাই আর নয়, ডবল বোর হয়ে যাব। সজ্জন ছোট বাচ্চার মত আবদারের স্বরে বলে উঠল। কর্নেল গাড়ি বন্ধ করে চাবির গোছা পকেটে রেখে এগুতে লাগল। সজ্জন তেমনি আবদারের স্বরে বলল— একে বোস্বাইয়া ছবি, সৌন্দর্যবোধে একেবারে ভ্যাসকা কুমড়ো, তায় আবার গোদের ওপর বিষফোড়া তোমার পছন্দ, তৃতীয় এই বোর মহাকবির দর্শন।

বোরের নামে কর্নেলের হাসি পেল। আশেপাশে বোরের নামগন্ধ না পেয়ে জিজ্ঞেস করল— আরে কোথায় সে?

—ওই যে সামনে সিঁড়ি চড়ছে, ভাই, আমার মন একদম দমে গেছে। এর থেকে চলো গোমতীর ধারে একান্তে গিয়ে চুপচাপ বসে গল্প করা যাক। সজ্জনের কথায় মনে হল যেন সে বেশ ক্লান্ত হয়ে গেছে।

—তুমি নিজেই আজ নিজের চারিদিকে বোরিয়ত ছড়িয়ে বেড়াচ্ছ।

আমার আজ সিমেন্টা দেখতে ইচ্ছে করছে— বাঃ যখন এসে পড়েছি তখন দেখেই যাব। ঐ বোর ব্যাটাকে ধারেকাছে ঘেঁষতে দেব না, তুমি দেখে নিও।

এদের নজর বাঁচিয়ে সজ্জন আর কর্নেল হলের দরজা পর্যন্ত পৌঁছে গেছে। টিকিট চেকার টিকিটের অর্ধেক ছিঁড়তে ব্যস্ত, ঠিক সেইসময় মহাকবি বোর সজ্জনকে দেখতে পেল।

বিরহেশদলের সব ক'জোড়া চোখ একসঙ্গে এক নতুন উৎসাহে সজ্জনকে দেখল। ছোটখাটো স্বাস্থ্যকর চেহারা, ফর্সা মুখে ভালো স্বাস্থ্যের আভা, গালের হাড় একটু উঁচু, পশমীনার শেরওয়ানি, টিলেটাল পাঞ্জামা পরা, হাতে ওভারকোট নিয়ে সজ্জন দরজার কাছে দাঁড়িয়ে আছে। সকলে তাকে নমস্কার করল। সজ্জন তাড়াতাড়ি কোনমতে হাতজোড় করে হলের ভেতর যাবার জন্তে পা বাড়াল। বোর ধড়ফড় করে উঠে দাঁড়িয়ে কোটের ওপর পড়ে যাওয়া কেকের গুঁড়ো ঝেড়ে নিয়ে চোঁ চোঁ করে কফির পেয়ালা খালি করে দিল। ছোট বো উঠে দাঁড়িয়ে মাথার উড়নি ঠিক করে নিয়ে অহেতুক থক্‌থক্‌ করে একটু বেসে নিলে, সবুজ সাদা পাথর বসানো জড়োয়া আংটি পরা আঙুলে রুমাল ধরে মুখ পর্যন্ত নিয়ে গিয়ে, লিপস্টিক লাগা ঠোঁটের কথা মনে হতেই দাঁতে চেপে ক্ষান্ত হল। বড় নমস্কার করার পর আর-একটু ছোটর দিকে ঘাড় ঘুরিয়ে তাড়াতাড়ি তার ভাগের কেক শেষ করতে ব্যস্ত।

বড়র মনময়র আনন্দে ডানা মেলে নাচছে। নারগিস, সুরাইয়া, দিলীপকুমার, দেবআনন্দ, নিম্মী, প্রেমনাথ আরও যত বড় বড় নামী কতজনের নাম রূপালী পর্দায় ফুটে উঠবে, তাদের প্রিয় বন্ধু কবি বিরহেশের সঙ্গে একসঙ্গে বসা, তাঁর শ্রীমুখ থেকে ছবির গান

শোনা, এত সৌভাগ্য তার পোড়া কপালে লেখা ছিল। এসব যেন তার স্বপ্নেরও অতীত। অতিরিক্ত উৎসাহের বেগ সামলাতে না পারায় তার চেহারা আধ পাগলাটে মত হয়ে গেছে। বোর বলল—আরে তুমি... আপনি! ভালোই হল তুমি এসে পড়লে সজ্জন... আর কর্নেল আপনি যে! সত্যিই তোমাদের দেখে আনন্দ পেলাম।

শঙ্কর এগিয়ে গিয়ে সজ্জনকে বলল—আমার বাড়ির সব আপনার সঙ্গে দেখা করার জন্য উৎসুক হয়ে আছে—বলে সে ছোট আর সকলকে আসবার জন্য ইশারা করল। সজ্জন উদাসীনভাবে লৌকিকতার পর্ব শেষ করে হালের ভেতর যাবার জন্যে ঘুরে দাঁড়াল।

মিস্টার বর্মা বললেন—মিঃ সজ্জন, আমার ওয়াইফ আর মিসেস লাল আপনার হাতে আঁকা পেনটিঙ দেখতে চাইছেন, আজ সকালে খবরের কাগজে আপনার বিষয় আর্টিকেল...

—আরে যখন হুকুম করবেন তখন এর হাতের ছবি দেখানোর ভার আমার—বিরহেশ কোঁকড়া চুলে ঝাঁকুনি দিয়ে আরো কিছু বলতে যাবে, এমন সময় সজ্জনের গম্ভীর মুখাকৃতি দেখে কর্নেল জোড় গলায় ধমক দিলে—বোরেশ!

এ নামে ডাকায় বিরহেশের সমস্ত উৎসাহ পুঞ্জীভূত ফেনার মতই মিলিয়ে গেল।

—মিস্টার বর্মা, আপনি একদিন সকলকে নিয়ে আমার ওখানে আসবেন। তবে দয়া করে আগে একটু খবর পাঠিয়ে তবে আসবেন, এসো কর্নেল।

হুজনে ভিতরে চলে গেল।

নিজেদের টিকিট নিয়ে ভেঁজরে যেতে যেতে শঙ্করলাল বিরহেশ সকলেই দেখল, যে দাঁড়া আর কর্নেল দুজনে বকো বসে আছে।

বালকনিতে বসতে বিরহেশের মানে বদলেছে কিন্তু ভক্তবৃন্দেদের সামনে নিষ্কাশ্য হয়ে চূপ করে বসতেই হবে। বড়, তারা আর ছোটের পাশে একটা সীট ছেড়ে দিয়ে শঙ্করলাল আর বর্মা গিয়ে বসল। ছোট নিজেদের সীট ছেড়ে গিয়ে বরের পাশে বসতেই তারার পাশের সীট কবির উল্লসে খালি হয়ে গেল।

—এখুনি আসছি, বলে কবি সজ্জনের বাকের দিকে ফড়িয়ে মত লাফাতে লাফাতে গেলেন।

বোরকে কাছে আসতে দেখে কর্নেল আর সজ্জন, দুজনেই বিরক্ত হয়ে গেল।

—হেঁ, হেঁ... আপনাদের এখানে পদার্পণ করায় --

সজ্জন কর্নেলের উকতে চিমটি কাটলে। কর্নেল ড্র কুঁচকে বললে— বোরেশ, এবান থেকে যাও, আমাদের বিরক্ত কোরে না, যাও, যাও।

—যাচ্ছি বাবা যাচ্ছি, বলে বিরহেশ পেছনের সীটে বসে দীনভাবে হেসে বললেন— ভাই সজ্জন, এই ছবিতে মানে এই ছবিতে আমার একটা গান --

—ওহো এ ছবিন্টে আছে নাকি? সজ্জন তার দিকে না তাকিয়ে বললে।

—এটা যদি আগে জানতুম তাহলে আসতুম না, আচ্ছা এবার আপনি আশুন তা হলে ঝটপট। কর্নেল বললে।

—হ্যাঁ, হ্যাঁ যাচ্ছি, এ ছবিতে মিউজিক ডিরেক্টর আমার টিউন...

—‘বোরেশ!’ কর্নেল আবার চোখ রঙালো। বিরহেশ হাত



জোড় করে বললে— কর্নেল সায়েব, আপনি দয়া করে সকলের সামনে আমায় এ নামে ডাকবেন না। যদি ইচ্ছে হয় তাহলে একা থাকলে তখন মাথায় একশো জুতো...

—আচ্ছা, তা হলে তাড়াতাড়ি পিট্টান দাও এখান থেকে।

—হ্যাঁ, হ্যাঁ।

—বো...

বোরেশ উঠে চলে গেল। চিত্রা রাজাদানের বস্ত্রের গুথানে গিয়ে নিজের গানের চর্চা কর'র ইচ্ছে ছিল কিন্তু রাজাদানের ঘন ঘন গোঁফ নাড়া দেখে বেশী কিছু বলার সাহস পেল না।

তৃতীয় বেল বাজল। রেকর্ড বাজা বন্ধ হয়ে গেল, বিরহেশ নিজের লাইনের সীটে বসার জন্তে ফিরে এলেন। চারজোড়া পায়ের ফাঁকের মধ্যে দিয়ে 'থ্যাঙ্ক ইউ' বলতে বলতে গলে গিয়ে বিরহেশ সোজা বড়র কাছে গিয়ে থামলেন। খালি সীটের দিকে ইশারা করে তারাকে বললেন— প্লীজ মিসেস— হ্যাঁ, আমি এখানেই বসব, পর্দা থেকে চোখের অ্যাঙ্গেল ঠিক হচ্ছে, আপনার কোন কষ্ট হচ্ছে না তো? আপনার?

বিরহেশ বসতে বসতে তারা আর বড়কে বেশ বিনম্রভাবে জিজ্ঞেস করে নিলে তারপর কোলে ওভারকোট রেখে তার ওপর সিগারেটের টিন রাখতে রাখতে শঙ্করের দিকে চেয়ে বললে— আপনারা একটু দূরে হয়ে গেলেন।

দূরের কল্পনা ছোটর মনে সবচেয়ে বেশী খোঁচা মারল। ভাগ্যের বিড়ম্বনা, বিরহেশ তারই বরের বন্ধু অথচ গলা নামিয়ে তারাকে বললে— ছবিতে এক জায়গায় আমি অভিনয় করেছি— আপনি চেনার চেষ্টা করবেন।

—সত্যিই ?

—কি— কি ? ছোট তারাকে কনুইয়ের খাঁকা দিয়ে জিজ্ঞেস করলে। তারা ছোটকে জানালে যে, মিস্টার বিরহেশ নিজে ঐ ছবিতে অভিনয় করেছেন।

—আচ্ছা। ছোট উৎসাহের সঙ্গে খবরটা স্বামীকে সরবরাহ করলে, তখুনি কথাটা সাতকান হয়ে গেল। প্রত্যেকেই নিজেদের সৌভাগ্যের কথা ভেবে আহ্লাদে আটখানা হয়ে যাচ্ছে। বড় অনেক চেষ্টা ক'রে কান লাগিয়ে কিছু না বুঝতে পেরে সোজামুজি বিরহেশকে প্রশ্ন করলে— আপনি এদের কী বললেন ?

বিরহেশ তার দিকে মাথা বেশ খানিকটা কাত করে বললে— আমি ঐ ছবিতে এক জায়গায় অভিনয় করেছি, ডিরেক্টর আর বাকী লোকেরা পেড়াপেড়ি করায় ছোট একটু রোল করে দিলাম।

দ্বিগুণ আগ্রহে বড় বললে— শুনছেন, যেখানে আপনার সীনটা আসবে, একটু আন্ডায় বলে দেবেন, কেমন ?

—কেন ? আপনি নিজে আন্ডায় চিনতে পারবেন না ?

অঙ্ককারের কাছে বসে 'প্রসিদ্ধ মানুষটির' দিকে সলজ্জভাবে তাকিয়ে বড় বললে— আপনাকে হুবহু এমনটি দেখাবে ?

—হুবহু... হাঃ হাঃ হাঃ, হ্যাঁ হুবহু।

বড়র কর্মা আর মুন্সী চেহারা আর সরল প্রশ্ন শুনে বিরহেশ বেশ মনভোলানো হাসি হেসে উঠল। বড় লজ্জা পেয়ে গেল।

নিউজরীলে পণ্ডিত নেহরু খেলাধুলার উদ্ঘাটন করছেন।

'বহার আইরে' সেন্সর সার্টিফিকেট দেখার সঙ্গেই সকলের চোখ এমন ভাবে ঠিকরে পড়ল যেন অর্জুনের লক্ষ্যভেদের অধ্যায় আজ আবার পুনরাবৃত্তি হবে।

লক্ষ্যভেদ হল, বিরহেশের নাম সকলের চোখের সামনে জ্বল জ্বল করে উঠল। ভক্তের দল ধন্য হয়ে গেল। নামটা দেখেই কবি বিরহেশ সিগারেটে এক লম্বা টান দিয়ে হাতটা নিচু করতে গিয়ে অসাবধানে বড়র হাতের কজ্জীতে ছুঁয়ে গেল। দুজনেই ফস করে হাতে টেনে নিলে, বিরহেশ ঝুঁকে নিচু গলায় জিজ্ঞেস করলেন— পুড়ে যায় নি তো ?

—না, না। অধীর আনন্দে বড় উত্তর দিলে। এই মুহূর্তে যদি বিরহেশ তাকে সত্যিই পুড়িয়ে মারত তা হলেও হয়তো সে তাকে এই উত্তর দিত, না-না—।

নিজের সীন আসার আগে বিরহেশ তারাকে জানিয়ে দিলে, তারপর বড়র দিকে মাথা কাত করে তাকে সুখবরটা দিলে। তারা নিজের লাইনে সকলকে খবরটা সরবরাহ করে দিল। সকলে নিশ্বাস বন্ধ করে চোখের পাতা না ফেলে এমন ভাবে প্যাঁট প্যাঁট করে চেয়ে রইল যেন সংসারের অষ্টম আশ্চর্য এখনি তাদের সামনে প্রকট হবে।

হিরোইনের আশীর্বাদের পার্টিতে অনেক অতিথিদের মধ্যে দাঁড়িয়ে আছেন মহাকবি বিরহেশ, হিরোইনকে কনগ্রাচুলেশন জানিয়ে একপাশে চেয়ারে বসে পড়েছেন। এরপর ছ-তিনবার তাঁর চেহারা রূপালী পর্দায় বিলিক মারল।

নিজের শ্রীমুখখানা দেখে বিরহেশ গলা নাড়িয়ে বললেন— এবারে এই অধমকে চিনতে পারলেন ?

ইন্টারভেলের সময় বড়র সঙ্গে চোখাচুখি হতেই কবি মহারাজ আকাশের চাঁদ হাতে পেলেন।

## নয়

সিনেমা হল থেকে বেরিয়ে কর্নেল আর সজ্জন হজরতগঞ্জের দিকে চলল। উঁচু উঁচু গগনচুম্বি বড় বড় বাড়ির পাশ দিয়ে, তাদের গাড়ি রাস্তার চক্কর কেটে অন্তরীক্ষে মূড়ল। পাশাপাশি চৌমাথার মাঝের খালি জায়গায় মোটরের লাইন দেখা যাচ্ছে। চারিদিকে আলোর ঝলমলানি, হাল আমলের ফ্যাশন, নারী-পুরুষের যৌবন-সস্তার, সৌন্দর্য আর সুগন্ধে ভরা হজরতগঞ্জের কোলাহল শীতকালের নিঝম রাতে যেন নিইয়ে গিয়েছে। একমাত্র মেফেয়ার সিনেমা হলের চোখ ঝলসানো আলোর ঝলমলানি, অস্তাচলে যাবার আগে সূর্যের শেষ রশ্মিটুকুর মত টিমটিম করছে। লালবাগের দিকে গাড়ি নিয়ে যেতে যেতে কর্নেল বললে— একটু থামো, আমি নিজের কোটটা নিয়ে নি। ড্রাইওয়াশ করতে দিয়ে গিয়েছিলুম। তোমার ওখান থেকে ফিরতি পথে হয়তো দোকান ..

আমাকে এখানেই নামিয়ে দাও, তুমি ওদিক থেকে বেরিয়ে যেয়ো।

—কেন ?

—আমি একটু পায়চারি করতে করতে দাব। গাড়ি থেকে নেমে সজ্জন ফুটপাথের দিকে তাকাল।

কর্নেল তার মনমরা ভাব দেখে বললে— আজ সারাদিন তোমার মুখখানা শুকিয়ে আছে দেখছি, কিছু হয়েছে না কি ?

সজ্জন তাড়াতাড়ি ফুটপাথের দিকে এগিয়ে চলল। আজ সকাল থেকেই সজ্জনের যেন দম আটকে আসছে। সকাল থেকে তার ভাবুক মনের ওপর যেন পর পর হাতুড়ি পেটা চলেছে। সকাল সকাল মহিপাল তাকে যা নয় তাই বলে তার মন-মেজাজ খারাপ করে দিল। তারপর পুতুল নিয়ে গলি পার হতে গিয়ে তার ভীষণ লজ্জা আর গ্লানি বোধ হয়েছিল। জগদম্বা সহায়ের মেয়েটিও তাকে বেশ ছ'চারটে কড়া কথা শুনিয়ে দিয়েছে। এক মুহূর্তের জন্তু সেই মেয়েটির প্রতি তার মনের কোণে যে বাসনার আগুন জ্বলে উঠেছিল, তাকে ফুঁ দিয়ে নেভাতে তার বিবেক সমানে যেন হাতুড়ির মত ঠকঠক শব্দে তাকে সজাগ করে দিচ্ছে। গোদের ওপর বিষফোড়া, আজই চিত্রা বাড়ি বয়ে এসে তার চরিত্রের বিষয় কতরকম ইঙ্গিত করে গেল।

বত্রিশ বছর বয়স পর্যন্ত আইবুড়ো কার্তিক হয়ে থাকার জন্তু, তার কাম-জীবন একটু অনিয়মিতভাবেই চলেছে। হয়তো অনেকদিন সে কোন মেয়ের কাছাকাছি আসার সুযোগ পায় না, কিন্তু সুযোগ পেলেই বড় বাড়াবাড়ি করে ফেলে। জীবনে সে তিন রকমের মেয়েদের সংস্পর্শে এসেছে— যারা প্রেমকে পয়সার তুলনায় মেপে ব্যবসা করে, দ্বিতীয়, যারা প্রেমোপহার পেলেই খুশি, আর যারা রইল তাদের সঙ্গে তার শুধু শিষ্টাচারের সম্পর্ক। মায়ের স্থান তার জীবনে সবচেয়ে উঁচুতে, সে তাঁকে শ্রদ্ধা করে। নারী জাতির প্রতি সেই শ্রদ্ধাই আজ তার গালে চড়ের মত এসে বেজেছে। মায়ের কথা মনে হতেই সে ব্যাকুল হয়ে উঠল।

সজ্জনের মা, এগারো বছর আগে স্বর্গে গেছেন। তার বাবা শ্যাম মনোহর বর্মা সৌখিন মানুষ ছিলেন। বিলেত থেকে ব্যারিস্টারি পাস করেছিলেন বটে, কিন্তু একদিনের জ্ঞাও কাছারির মুখ দেখেন নি। নাচ, মুজরা, গান, মদ আর নানারকম শখে তিনি প্রায় আট-দশ লক্ষ টাকা খোলামকুচির মত উড়িয়ে দিয়েছিলেন। বাড়ির অন্তঃপুরের সঙ্গে তাঁর বিশেষ সম্পর্ক ছিল না কিন্তু যেদিন ভেতরে পা দিতেন সেদিন চাকর-বাকর থেকে নিয়ে মা পর্যন্ত ভয়ে তটস্থ হয়ে থাকতেন। বাবার রাগী স্বভাব আর বিনা কারণে মাকে যাচ্ছেতাই করা দেখে সজ্জন মনে মনে বাবাকে ঘৃণা করত। মা তার খুব শাস্ত ছিলেন, তবু বাবার হাতে অকারণে মার খেয়ে মরতেন। নানা ব্রত আর উপবাসের কঠোর নিয়মের মধ্যে তিনি দাঁতে দাঁত চেপে সব সহ্য করে যেতেন। সজ্জন একদিনের জ্ঞাও মাকে বাড়ির চৌকাঠ পেরোতে দেখে নি। একবার কথায় কথায় মা তাকে বলেছিলেন— মরার সময় আমার শাস্ত্রী বলে গিয়েছিলেন : বৌমা, ঘর-দোর সামলে রাখবে, ভাঁড়ারের চাবি সব সময় নিজের কাছে রেখো আর বাড়ির চৌকাঠ কামড়ে পড়ে'থেকো। সজ্জনের মা গয় সময় পর্যন্ত তাঁর কথা মেনে চলেছিলেন।

সজ্জনের ঠাকুরদাদা রায় বাহাদুর কন্নেমল 1902 সালে বত্রিশ বছর বয়সে মারা যান। শ্যাম মনোহর তখন মাত্র বছর দেড়েকের ছন্দপোষ্য শিশু। সমস্ত সম্পত্তি কোটে চলে গেল। সেই সুযোগে শ্যাম মনোহর প্রাপ্তবয়স্ক হবার আগেই তাঁর শুভাকাজক্ষীরা লক্ষ লক্ষ টাকা হজম করে ফেললে। সজ্জনের ঠাকুমা নিজের চোখের সামনে সব-কিছু নয়-ছয় হতে দেখে মাথা চাপড়ে চাপড়ে কাঁদতেন, তাঁর মনে একটাই সান্ত্বনা ছিল যে নাতি দাদুর মত

বুদ্ধিমান হবে। শ্যাম মনোহর জেদ করে ব্যারিস্টারি পড়তে বিলেত চলে গেলেন। তার পরেই ঠাকুমা মারা গেলেন। তখনকার কথা সজ্জনের বেশ মনে আছে। বিলেত ফেরত শ্যাম মনোহরের ভোল একদম পাল্টে গেল। প্যারিসের নাইট ক্লাবের নেশায় তাঁর মন মজে গেল। উঠতি বয়সের বল্গাহীন ঘোড়া অঙ্কের মত ছুটে চলল।

তার বাবা আর ঠাকুরদাদা কল্লেমল, দুজনেই বত্রিশ বছর বয়সে ইহলীলা সাজ করেছিলেন। বাবা যখন মারা যান, সজ্জন তখন সিনিয়ার কেম্‌ব্রিজের ছাত্র। তেরো বছরের কিশোরের মনে জীবন নিয়ে জিজ্ঞাসা জেগে ওঠা স্বাভাবিক। জীবন মৃত্যু, স্বাধীনতা দাসত্ব, রাজনীতি-কূটনীতি, ভারত আমাদের দেশ, এধরনের নানা প্রশ্নের উত্তর পাওয়ার জন্য তার কিশোর মন চঞ্চল হয়ে উঠল।

বাবার মৃত্যুর পর তার বিয়ের জন্য মা ব্যস্ত হয়ে উঠলেন। সজ্জন আইবুড়ো কার্তিক থাকার জেদ ধরে বসল। মার পছন্দমত মেয়ে তার মনে ধরবে না, বড় হয়ে সে নিজে পছন্দমত দেখে শুনে যাচাই করে তবে বিয়ে করবে এ কথা সে কিছুতেই খোলাখুলি ভাবে মাকে জানাতে পারল না। তিন বছর পরে গৌফের রেখার সঙ্গেই তার মনে নতুন আত্মবিশ্বাসের অঙ্কুর ফুটে উঠল। পরের মুখে বাল খাওয়া বুদ্ধিমান ব্যক্তির কাজ নয়, অতএব ভাবী বধূর রূপ আর গুণের কদর সে নিজের বুদ্ধি-বিবেচনা অনুসারেই করবে। পুরোনো আমলের উপোসকরা, আচার-বিচারের নিয়ম মেনে চলা সহধর্মিণী তার মোটেই পছন্দ নয়। লেখাপড়া জানা, নতুন সভ্যতার আলোয় দীক্ষিত, সুন্দরী, চালাক চতুর মেয়েই তার

জীবন সঙ্গিনী হতে পারে। সাতপাকে ধরা দেওয়ার আগে একটু আধটু রোমান্স করার বাসনা তার মনে উকিঝুঁকি মারতে লাগল।

ইঠাৎ একদিন মা তার পায়ে ধরে কঁদে পড়লেন— বাবা, তোমার কাছে একটা ভিক্ষে চাইছি, বাবার মত কুপথের দিকে এগিয়ে যেয়ো না যেন। সারা জীবন আমি কঁদে ভাসিয়েছি... তুমি আর আমাকে...

মাকে সে ভীষণ ভালোবাসত। এটা হয়তো তার মনের বিচিত্র গতি, যে গুণের জগৎ সে মাকে শ্রদ্ধা করে এসেছে ঠিক তার বিপরীত গুণের অধিকারিনীকে সে পত্নীরূপে কল্পনা করেছে। চরিত্রহীন বাবার সামনে তার মার শক্তি দেখে সে আশ্চর্য হয়ে যেত। বাঘের মত রাগী বাবা, মার অপার সহশক্তির সামনে যেন নিস্তেজ হয়ে যেতেন। এইজন্মেই সে বাবাকে কোনদিন ভালোবাসতে পারে নি, ঘৃণার চোখেই দেখেছে। বাবা ছাড়া বাকী সকলকেই সে উচিত সম্মান দিত, শ্রদ্ধা করত। মমতাময়ী মা সবার সুখদুঃখের ভাগীদার ছিলেন। তিনি শুচিবাইগ্রস্ত ছিলেন কিন্তু সজ্জন তাকে কতবার তাদের ঝিয়ে গয়ের পরিষ্কার করে দিতে দেখেছে। ঝি ক্ষয়রুগী ছিল তাই ভয়ে কেউ তার ছায়া মাড়াত না।

মমতাময়ী মায়ের দাবিটি রক্ষাকবচের মতো তার চরিত্রকে ঘিরে রেখেছে। মার সামনে সে প্রতিজ্ঞা করেছিল যে বাবার মত অধঃপাতের রাস্তায় সে কোনদিন যাবে না। সেই প্রতিজ্ঞা পালন করতে গিয়ে সে নিজের অন্তরের অন্তর্ঘাতে নিজেই জ্বলে পুড়ে মরেছে। বাচ্চাবেলা থেকেই তার ছবি আঁকার শখ ছিল।



মনের নানা রকম এলোপাতাড়ি চিন্তার মধ্যে জন্ম নিলে এক নতুন মানুষ। আর্টিস্ট সজ্জন।

সিনিয়ার কেম্‌ব্রিজ পাস করার পর সে আর্ট স্কুলে ভর্তি হয়ে গেল।

বাবা যাবার ঠিক ছয় বছরের মাথায় মাও চলে গেলেন।

সজ্জনের ছনিয়া যেন ফাঁকা হয়ে গেল। মনের শূণ্যতাকে ভরে তোলার জন্য সে তুলি হাতে ধরল।

মার মৃত্যুশয্যায় দেওয়া প্রতিশ্রুতির মূল্য সে দেয় নি। সে প্রতিজ্ঞা করেছিল যে বাবার মত খরচে অভ্যাসের ধারে কাছে দিয়ে সে যাবে না। জমি-জমার হিসেব, চাকরবাকরদের কাজ দেখা, খরচা-টরচার দিকে নজর রাখায় সে বেশ ওস্তাদ ছিল। সম্পত্তি বাড়ুক কিন্তু যা আছে সেটা যাতে বজায় থাকে এ বিষয় সে সদাই সজাগ থাকত। সব দিক থেকে বাঁধাধরার মধ্যে থাকার এ চেষ্টায় তার মনের সংযমের বাঁধ অগ্নিদিক দিয়ে ভেঙে ছুক্স ছাপিয়ে বয়ে চলল—নারীর প্রতি আঁকর্ষণ, তাকে কাছে পাওয়ার কামনা, জৈবিক ক্ষুধার তাড়নায় সে অসংযমী হয়ে গেল।

পাঁচ বছর আর্ট স্কুলে পড়ে পাস করার পর, কিছুদিন ভবঘুরের মত এদিক সেদিক বেড়ানোর আনন্দ আর অভিজ্ঞতার পর সে ভেবে দেখল যে বিয়ে করাটাই জীবনের একমাত্র উদ্দেশ্য নয়। নেহাৎই যদি করতেই হয় তা হলে তিরিশের পর করা উচিত—কেননা তখন পরিপক্ব বুদ্ধি দিয়ে যাচাই করার কাজ সহজ হয়ে যায়। নিজের আঁকা ছবির গুণে যতই তার নাম চারিদিকে ছড়িয়ে পড়ল ততই তার মনের একাগ্রতা নিজের স্বার্থকে খুঁজে বেড়াতে লাগল। এই কারণে সে নারীকে দৈহিক ক্ষুধা মেটাবার

এক মেশিনের চেয়ে বেশী মূল্য দিতে পারে নি। নিজের উদার হৃদয় আর তীক্ষ্ণ বুদ্ধির জ্ঞান সে মাঝে মাঝে ভারতীয় আর পাশ্চাত্য জীবনের আদর্শের বিভিন্ন উপমার মালা দিয়ে নারীজাতিকে সাজাবার চেষ্টা করত। আজ সেই ওপরের কলঙ্কের খোলস ফেটে গিয়ে আসল রূপটা প্রকাশ পেয়েছে। এক অজানা মেয়েমানুষ অত্যাচার সহ করতে করতে শেষকালে আর না সহ করতে পেরে যেভাবে মৃত্যুকে বরণ করে নিয়েছে, সে কথা ভাবলেই তার হাত-পা যেন ঠাণ্ডা হয়ে আসছে। ক্ষণিকের জ্ঞান জগদম্বা মাস্টারের সুন্দরী মেয়েকে দেখে তার মনের যে কামাগ্নি জ্বলে উঠেছিল, তার জ্ঞান সে সত্যিই অনুতপ্ত।

মানুষ যখন নিজের মনের কাছে ধরা পড়ে যায়, নিজেকে যখন মানুষ চোর বলে ভাবে, তখন নিজের কাছ থেকে পালিয়ে বেড়ানোর কাহিনী সত্যিই বড় করুণ। প্রথমে যখন সে নিজেকে নিজেকে ধোঁকা দিয়ে পাশ কাটিয়ে বেরিয়ে যাবার চেষ্টা করে, তখন সে নিজেকে খুব চালাক ভাবে। এর পর শুরু হয় আসল যুযুৎসু প্যাঁচ। ক্ষাপা ঝাঁড়ের ভয়ে সে ছুটতে আরম্ভ করে। কোনমতে নিজেকে না বাঁচাতে পেরে শেষকালে সে আপ্রাণ ছুটতে ছুটতে পাগল হয়ে যায়। ক্রান্তিতে তার সর্বান্তে ব্যথা, প্রাণ রক্ষা করার গোলকধাঁধায় পড়ে সে কেবলি মাথা খুঁড়ে মরে। আজ সজ্জনের মানসিক অবস্থা অনেকটা তাই। বুনো মোষ হঠাৎ বাঁধা পড়লে যেমন নিজের মুক্তির জ্ঞান ফোঁস ফোঁস করে রাগে পাগল হয়ে যায়, তেমনি আজ সজ্জনের অন্তর মনে সংঘর্ষ চলেছে মুক্তির জ্ঞান, সীমাবদ্ধ মন আজ ছটফটিয়ে উঠেছে। নানারকম চিন্তা মাথায় নিয়ে সে ঠিকই তার গন্তব্য পথের দিকে পা চালিয়ে চলছে।

একটু শীত করতেই সে চেস্টারটা গায়ে দিল। সাহনজফ রোডের দু'পাশে সারি সারি খালি বাড়ি, রাস্তার ওপর উদাসীন ভাবে সজ্জন হেঁটে চলেছে।

সামনের গাড়ির হেডলাইট সোজা এসে তার চোখে পড়তেই, সে চমকে উঠে একবার গাড়িটাকে দেখে নিয়ে আবার আপন মনে হাঁটতে লাগল।

গাড়ি তার কাছে এসে থামতেই হঠাৎ যেন বাস্তব জগতে ফিরে এসে মেয়েলী গলায় দমকা হাসির শব্দ শুনে গাড়ির দিকে তাকাল।

ওহ্, শীলা! তার ধড়ে প্রাণ এল। গাড়িতে মহিপাল আর ডাক্তার শীলা সুইং বসে আছে। নিজের এই অসুস্থ মানসিক অবস্থায় এই মুহূর্তে দুই বন্ধুর দেখা পেয়ে তার ভালোই লাগল। হাত বাইরে বার করে শীলা তার ওভারকোটের কলার টানতে টানতে বললে— কোথা থেকে আসা হচ্ছে মশাই?

সজ্জন হালকা মনের স্বস্তি নিয়ে বললে— আরে! তোমরা কোথা থেকে?

মহিপাল মুচকি হেসে উত্তর দিলে— শয়তানের কাছ থেকে। ডাঃ শীলা মহিপালের কনুইয়ে ধাক্কা দিয়ে মিষ্টি হেসে বললে— নিজের গুপ্ত স্বর্গের ঠিকানা সবাইকে দিতে নেই মশাই, তা হলে ইনিও ঈশ্বরের বাগানে আপেল খেতে হাজির হবেন।

ঈশ্বরের বাগানের আপেলের কথা শুনে সজ্জনের ভাল লাগল না, রাগে মাথার শির টনটন করে উঠল। ম্লান হেসে বললে— এসো, আমার এখানে দুমিনিট বসো। কফি খাবে? যদি অল্প কিছু খাবার ইচ্ছে থাকে তারও ব্যবস্থা হতে পারে।

—বড্ড দেরী হয়ে যাবে, কি বল ডাক্তার? কটা বাজল?

—ঠিক এগারোটা বেজে কুড়ি মিনিট, বেশী দেরী হয় নি।  
এনো মশাই, আমরা দুজন তোমার এখানে একটু আস্তানা  
গেড়ে বসি।

—না ভাই, অন্য কোনদিন আসব। শীলার কোন ভাবনা  
নেই, বাড়িতে গিয়ে কারুকে সাফাই দিতে হবে না। ওদিকে  
বাড়িতে আমার গিন্নী যক্ষ্মিনী হয়ে আমার পথ চেয়ে বসে আছেন।  
সজ্জন গাড়িতে উঠে বসল। মহিপালের কথায় কান না দিয়ে  
শীলা স্টুডিবেকার ব্যাক করতে লাগল।

—মহিপাল, তোমার ছবি আঁকব একদিন। তুমি ঠিক সেই  
মানুষের মত, যে আগুন ও জলের মাঝখান দিয়ে বয়ে  
চলেছে।

—থাক্, থাক্ ভাই, শীলার মত তুমিও ঠাট্টা শুরু করলে। এ  
ভদ্রমহিলা, না অতিরিক্ত ঠাণ্ডা, না ঝলসে যাওয়ার মত গরম।

—বাস্-বাস্ মাপ করুন, আমার হয়ে ওকালতি করতে হবে না।  
ইনি আমার দিকে মোটেই ইশারা করে কথাটা বলেন নি, তাই  
না দুর্জন?

—নিশ্চয় নয়, তুমি জানো যে মেয়েদের আমি কত সম্মান  
দিয়ে থাকি— বলতে বলতে সজ্জনের মনের কোণে চিত্রা আর  
জগদম্বা সহায়ের মেয়ের ছবি ভেসে উঠল।

সজ্জনের বাড়ির দরজায় পৌঁছে গাড়ির হর্ন বাজল।

—সত্যি বলছি, শীলার হৃদয় আর্টিস্টের মত নরম আর বৈজ্ঞানিকের  
মত ঠাণ্ডা মাথা। মহিপালের কথা শুনে শীলা খুশি হয়ে বলল—  
আমার পেশাও তাই, আর্ট প্লাস সাইন্স।

—তুমি আমাকে উত্তেজিত করতে চাইছ শীলা? আজকাল

বেশীর ভাগ ডাক্তার জল্লাদের চেয়ে কম নয়— হয়তো তুমিও তাদের মতই একজন...। চৌকিদার ছুটে এসে ফাটক খুলে দিল।

\*

\*

\*

নিশ্চয় নিখুম মাঝ রাত্তিরে সজ্জন জগদম্বা সহায় মাস্টারের কলঙ্কের কাহিনী তাদের শোনাচ্ছে। হুইস্কি পেটে পড়তেই অজানা যুবতীর প্রতি অত্যাচারের কথা শুনে শীলা আর মহিপালের চোখ ছলছলিয়ে উঠল।

—তার জন্মে চোখের জল ফেলার দরকার নেই মহিপাল, আমি জোর দিয়ে বলতে পারি যে পুড়ে মরার সময় তার একটুও কষ্ট হয় নি, সে তখন এক আবেগের...।

—আত্মহত্যার আবেগ চোখের জলের শক্তি দিয়েই বাড়ে সজ্জন, এভাবে কেন কেউ প্রাণ হারাবে বলতে পার? শিশু পৃথিবীতে জন্ম নেয়ার সঙ্গে সঙ্গে এভাবে তার দম বন্ধ করে মেরে ফেলা নৃশংসতা নয়? এ খবর তুমি আমি সকলে শুনে বরদাস্ত করে চুপ করে যাব? মারবেলের টেবিলে জোরে ঘুঁষি মেরে মহিপাল উত্তেজনায দাঁড়িয়ে উঠে ঘরে পায়চারি করতে লাগল। হুইস্কির নেশা তার রাগী স্বভাবে ঘি ঢালার কাজ করেছে। বার বার সে দৃশ্যের কল্পনা তার মনে কাঁটার মত খচখচ করছে, যে দেহে ছোট সুঁচ ফুটলে মানুষ ব্যথায় ইস্ করে ওঠে তাকেই নিজের হাতে আগুন লাগিয়ে শেষে... (মহিপাল কেঁদে ফেলল) হায় ভগবান, এমন যেন শত্রুও না হয়।

মহিপালের কল্পনাশক্তি ছরস্তু বেগে ছুটে চলেছে। ছোট একটি শিশুর গলায় সে একটি কাঠের হাত দেখতে পাচ্ছে— তার কানে

ভেসে আসছে শিশুর কান্নার আওয়াজ। শোক, শ্রায় আর ক্রোধের অনুভূতি যেন সাহিত্যিক মহিপালকে পিষে মারছে।

এতক্ষণে সজ্জনের চিন্তাধারার 'মোড়' খুঁজে পেল। মহিপালের যুক্তি শুনে তার মনোবল যেন ফিরে এল। সকালের খবরটা শোনার পর থেকে তার মনের মধ্যে করুণা আর সহানুভূতি সমানে তোলপাড় করছিল, সেই উত্তাল তরঙ্গ ক্রমশ শান্ত হয়ে আসছে। আজ সারাদিন ধরে নিজের মনে যে মাকড়শার জাল সমানে বুনে চলেছিল, তার হাত থেকে সে মুক্তি পেয়েছে। সজ্জনের উন্নত মন পরের সুখদুঃখের কারণ যেন খুঁজে পেয়েছে। এই মুহূর্ত তার কাছে বড়ই মূল্যবান। সে এটাকে আঁকড়ে ধরে রাখতে চায়। সে নিজের জীবনের খাতায় অঙ্ক কষে দেখলে— না, না, সে লোক হিসেবে এতটা খারাপ নয়... খারাপ নয়।

মহিপাল উঠে দাঁড়াতেই শীলা তার দিকে গম্ভীরভাবে তাকাল। অসংখ্য প্রশ্ন তার মনে তোলপাড় করছে। তার জীবনে এমন অনেক সন্ধিক্ষণ এসেছে যখন মানুষের জীবন-মৃত্যুর মাঝখানে দাঁড়িয়ে সে একাই লড়েছে। জীবনকে বাঁচাতে হবে এই তার মূলমন্ত্র। তাই বোধহয় আত্ম করুণায় তার মন বিগলিত।

মহিপাল ঈর্ষোত্তরাভাবে পায়চারি করতে করতে জানালার কাছে গিয়ে দাঁড়াল। পাশের চেয়ারের হাতলের ওপর একটা পাতলে দিয়ে, মুঠো হাতের ওপর চিবুক রেখে ঘুমন্ত কম্পানীবাগের দিকে শূন্যদৃষ্টিতে অনেক দূরে তাকিয়ে রইল; অনেক কিছু দেখার চেষ্টা করছে সে। যন্ত্রণাদায়ক অনুভূতি তার ভাবুক মনকে অক্টোপাসের মত পিষে মারছে।

—ডাক্তার হিসেবে বলছি, এধরনের ঘটনা প্রায় প্রতিদিনই ঘটছে।

কিন্তু এ ক্ষেত্রে আমাদের কর্তব্য কি? এই ছুরারোগ্য ব্যাধির হাত থেকে নিষ্কৃতি পাওয়ার জন্য আমাদের কী করা উচিত?

—শিক্ষার অভাবই এর প্রধান কারণ, আমাদের দেশের লোকেরা বড্ড ব্যাকওয়ার্ড। সজ্জন গম্ভীরভাবে উত্তর দিল।

—শিক্ষা? কোন্ শিক্ষার কথা তুমি বলতে চাইছ? পরিবর্তনশীল সময়ের সঙ্গে আমাদের তাল রেখে চলতে হবে। সরকারের উচিত এদের মধ্যে শিক্ষার প্রচার করা; মানবতার মূলমন্ত্রে এদের দীক্ষিত করা। মানবতার মূল্য এদের মাথায় ঢোকাতেই হবে। জানলার কাছ থেকে সরে আসতে আসতে মহিপাল বলল— এদের বোঝানো যাবে কি করে? কি উপায় আছে আমাদের কাছে?

—কেন? সরকার টিচার রাখুক, আর্ট এবং কালচারাল শো-র আয়োজন করুক, স্ত্রী-পুরুষের স্বেচ্ছাসেবকদল তৈরী করুক, যারা বাড়ি বাড়ি গিয়ে পরিষ্কার-পরিচ্ছন্ন জীবনযাত্রার বিষয়ে তাদের বোঝাবে।

—ফাঁকা উপদেশ দিলেই সমস্যার সমাধান হবে না। তোমার বন্ধু বলল যে আমি একজন জল্পাদ, অথচ ভেবে দেখ, তো জেনেও লোকেরা আমার কাছে আসে। আমি জানি যে ছুনিয়ায় মানুষের প্রাণ বাঁচানোর চেয়ে বড় ধর্ম আর নেই তবু এইটাই আমার পেশা, কেননা তার থেকেই টাকা রোজগার করে আমার জীবন চলে। লেখাপড়া করে কত টাকা আর সময় নষ্ট করেছি তার বদলে ফীস নেব না কেন? আমি স্বচ্ছলভাবে জীবনযাপন করতে চাই। তোমাদের ঐ রামকৃষ্ণ মিশন, গান্ধীয়ান বা খ্রীস্টান মিশনারিদের মত সন্ন্যাসিনী হয়ে সেবাধর্মের সিন্ধুতে হাবুডুবু খেয়ে কাজ করার ইচ্ছে আমার নেই... তোমরাই কি জোর দিয়ে আমাকে বলতে পারবে যে ডাঃ শ্বইং, গরীবদের খ্রী দেখ? যদি আমি

তোমাদের কথা মেনে চলি তা হলে গরীবদের লম্বা লম্বা লাইন দেখতে দেখতে শেষকালে বড়লোক, যারা ফীস দিতে পারে, তাদের দেখার বেলায় আর হাতে সময়ই থাকবে না।

শীলা নির্বিচারভাবে বিষন্ন মহিপালের মুখের ভাবটা লক্ষ্য করার চেষ্টা করছে। মহিপাল গম্ভীর হয়ে বসে আকাশপাতাল ভাবছে। সজ্জন বললে— সত্যি গভীর সমস্যা বটে। ব্যক্তিগত স্বার্থকে সবার উপরে স্থান দেওয়াই মানুষের স্বভাব। হাজারের মধ্যে ছ'একজন সাধু পুরুষ এই চিরাচরিত নিয়মের ব্যতিক্রম। কিন্তু তারা সংখ্যায় এত নগণ্য যে প্রায় আঙুলে গোণা যায়। যেদিন ব্যক্তিগত স্বার্থকে সর্বোচ্চ স্থান দেওয়ার শ্লোগান বদলে যাবে সেদিন তার সঙ্গেই হিউম্যান ভ্যালুজ বদলে যাবে। সমাজের ভিত্তিটাকেই নতুন করে গড়ে তুলতে হবে। এই অসংখ্য নরনারীকে নতুন পথের সন্ধান দিতে হবে— বলতে বলতে সজ্জনের গলার স্বর কেঁপে উঠল। চিত্রার মুখখানা চোখের সামনে ভেসে উঠতেই হঠাৎ তার অপরাধী মন বিচলিত হয়ে উঠল।

—বদলানো যেতে পারবে না কেন? অত্যাচার করা, অশ্রুর অসহায় অবস্থার সুযোগ নেওয়ার অভ্যেস আমাদের একেবারেই ছেড়ে দিতে হবে। যদি তোমরা নিজের থেকে না ছাড়তে রাজী হও তাহলে মেরে মেরে ছাড়িয়ে দেওয়া হবে। মহিপাল উত্তেজনার আবেগে বললে।

সজ্জনের যেন কাঁটা ঘায়ে মূনের ছিটে পড়ল— তুমি এমন করে মিঠেকড়া কথা শোনাচ্ছ যেন সব দোষ আমার। সজ্জন কোনমতে দৈতো হাসি হাসছে দেখে শীলাও হাসল। কিন্তু মহিপাল সেদিকে ক্রক্ষেপ না করে বললে— তোমরা সবাই অত্যাচারীর দল। শুধু



তোমাকেই ইঙ্গিত করছি না বরং সম্পূর্ণ সমাজের দিকে আঙুল দিয়ে দেখাচ্ছি। অত্যাচার করা আর অত্যাচার মুখ বুজে সহ করে যাওয়াই আমাদের জন্মগত অভ্যাস। কোনদিন সুযোগ পেলেই, যারা এতদিন মুখ বুজে সব-কিছু সহ করে এসেছে, তারা হঠাৎ উঠে দাঁড়িয়ে অত্যাচারীদের গলা টিপে ধরবে। তুমি দেখে নিয়ো, আর বেশীদিন নয় সজ্জন। চারিদিকে মেঘ ঘনিয়ে এসেছে, যে-কোনদিন কালবৈশাখী ঝড় উঠতে পারে।

শীলা আঙুল মটকাতে মটকাতে বললে— তুমি ভাবছ যে এদেশে কম্যুনিষ্ট রাজত্ব হবে? অসংখ্য নির্দোষ মানুষের রক্তের নদী বয়ে যাবে? কোন্ পার্টি পাওয়ারে আসবে এখন তা বলা মুশকিল। আমি কোনদিনই রাষ্ট্রবিজ্ঞানের ছাত্র ছিলাম না, তবে এটা আমি মানি যে মার্কসের থিওরি অনুসরণ করে রাশিয়া, চীন আর ইটালি নতুন ভাবে গড়ে ওঠায় অন্তর্দেশের জনসাধারণের চিন্তাধারায় পরিবর্তন দেখা দিয়েছে। সর্বহারার জাত আজ ফণা উঠিয়ে মনিহারী সাপের মত ফোঁস ফোঁস করছে, এবার এদের চেপে রাখার শক্তি কারুর নেই— আর আমাদের সমাজের নারী জাতিও এই সর্বহারাদের দলে, তারা আজ পর্যন্ত অনেক সহ করে এসেছে ... সীমা ছাড়িয়ে গেছে।

সজ্জনের চোখের সামনে তার মায়ের মুখখানা ভেসে উঠল— উফ্! তিনিও এই সমাজব্যবস্থার হাতের পুতুল ছিলেন।

শীলা বললে— নারীজাতির বিষয় তুমি একটু বেশী রোমান্টিক ভাবে ভাবছ মহিপাল। বর্তমান সমাজের মেয়েরা লেখাপড়া করে, আগের চেয়ে অনেক বেশী প্রগতিশীল আর সভ্য, অনেক বেশী স্বাধীন, আমি দেখছি যে শিক্ষায় তারা...

মহিপাল উত্তেজিত ভাবে বেশ রুঢ় গলায় বললে— তারা কজন ? তাদের মধ্যে তুমি একজন যার ফীস বত্রিশ টাকা, বাদবাকী বেশীর ভাগ সেই দলেই আছে যারা আগুনে পুড়ে মরছে।

শীলা গলা নামিয়ে বললে— তুমি জেদের মাথায় যা নয় তাই বলছ মহিপাল, এ ধরনের পাঁচ-দশটা কেস নিশ্চয় হয় তাই বলে...

—না না, ব্যাপারটা ঠিক উল্টো, পাঁচ-দশটা বাড়ি ছাড়া বাকী দেশের প্রত্যেক বাড়িতে জল্লাদেরা বেশ তৃপ্তির সঙ্গে জবাই করে চলেছে।

সজ্জন উপহাস করে বললে— তোমার বাড়ি ?

মহিপালের মুখ গম্ভীর হয়ে গেল, ঢোক গিলে গলার স্বরকে মোলায়েম করে সংযত ভাবে উত্তর দিলে— হ্যাঁ, আমি নিজেই এক জল্লাদ।

—কেন ? সজ্জন হুমকি দিয়ে অপরাধীকে প্রশ্ন করার ভঙ্গিতে জিজ্ঞেস করলে। অন্তের অপরাধের আড়ালে তার নিজের অপরাধী মন, যেন অভদ্রতার সব সীমা ছাড়িয়ে যাচ্ছে।

—সজ্জন, সত্যি বলছি, আমি বিয়ে করে সুখী হতে পারিনি। মা-বাবার ঠিক করা বিয়ের পরিণাম বেশীর ভাগ ক্ষেত্রে যা হয়, আমারও তাই হয়েছে। ধার নিয়ে সুদ দেওয়ার মতই কোন গতিকে দিনগত পাপক্ষয় করে যেতে হয়। এর ফলে স্বামী-স্ত্রী দুজনেই একে অন্যের চোখের আড়ালে ব্যভিচারে লিপ্ত হয়ে পড়ে।

শীলা প্রতিবাদ জানালে— পুরোনো প্রথার চেয়ে লাভ ম্যারেজের পরিণাম কিছু ভালো হয় না। নতুন নতুন যতদিন পর্যন্ত তারা রোমিও জুলিয়েট হয়ে থাকতে পারে ততদিন মন্দ কাটে না। কিন্তু কিছুদিন পরেই ছাড়াছাড়ি, আপসের মধুর সম্বন্ধের ছন্দপতন,

ডাইভোর্স ছাড়া আর কোন রাস্তা থাকে না। আমার এতদিনের অভিজ্ঞতায় মনে হয় বিয়ের প্রথাই সব রোগের মূল। একবার যদি এই প্রথাকে উপড়ে ফেলে দেওয়া যায় আর যদি মেয়েদের আর্থিক দিক থেকে স্বাবলম্বী করে দেওয়া যায় তাহলে স্ত্রী-পুরুষের সম্পর্ক নিজের থেকেই নির্মল হয়ে যাবে।

মহিপাল রেগেমেগে বললে— তাহলে স্ত্রী-পুরুষের মধ্যে সম্বন্ধ কী হবে? কেবল দেহ ভোগ...?

—আমাদের সমাজে আজ কী হচ্ছে? একশোর মধ্যে নব্বইজন স্ত্রী-পুরুষ নিজের স্বার্থের জন্য অন্যকে ব্যবহার করছে না?

সজ্জন টেবিল থেকে সিগারেট কেস ওঠাতে ওঠাতে বলল— আজ তা নিজের চোখে দেখে এসাম।

—আরে, আমি তোমাকে বলছি। আমার চোখের সামনে আজ পর্যন্ত অনেক বাড়ির পর্দা ফাঁস হয়েছে। প্রথমে আমি গর্ভপাত করাতে রাজী হতাম না, তারপর ভেবে দেখলুম যে পশু-পক্ষীর পর্যন্ত জৈবিক ক্ষুধা অনুভব করে। আমাদের আদম আর ইভের সন্তানেরা বিয়ের লাইসেন্স না নিয়ে যদি এই সাধারণ স্ত্রী-পুরুষের দৈহিক সম্বন্ধের ফলকে পাপ বলে মনে করে তা হলে আমি তাদের আহাম্মুকির সুযোগ নিয়ে দু'পয়সা রোজগার করব না কেন?— বলতে বলতে শীলা তার মানসিক উত্তেজনাকে চাপা দিতে জ্বইঙ্কির গেলাসে লম্বা এক চুমুক দিলে।

সজ্জন যেন তার হারানো কথার খেঁই খুঁজে পেয়েছে, বিয়ে আর তার আচরণসংহিতা মানুষের মনকে নীচু দিকেই নিয়ে যায়। এসব ভণ্ডামির শেষ হওয়া উচিত।

—আরে, সব গলেপচে ভুস হয়ে যাবে। পুরুষ আর স্ত্রী

যেদিন সমানভাবে উচ্চশিক্ষিত হবে সেদিন এই আচরণসংহিতা নিজের গলায় নিজেই দড়ি দিয়ে মরবে।

—আচ্ছা, এবার তাহলে ওঠা যাক যক্ষ মশাই। শীলা মহিপালের দিকে আড়চোখে তাকিয়ে মৃদুস্বরে বললে— ঘড়ির কাঁটার দিকে নজর আছে? ওদিকে বাড়িতে তোমার পথ চেয়ে বিরহিণী বসে আছেন।

হৃৎকনের অক্ষুট হাসি শোনা গেল। মহিপাল অপ্রস্তুত হয়ে ঘড়ি দেখল, রাত তখন একটা বেজে চল্লিশ মিনিট।

## দশ

ফুটপাথের ধারে একপাশে গাড়ি দাঁড় করিয়ে, গাড়ির দরজা খুলে দিতে দিতে শীলা মহিপালের দিকে তাকিয়ে বললে— বাড়ি গিয়ে কিন্তু তোমার মিসেস ডার্লিংয়ের ওপর অহেতুক ঝাঁঝ ঝাড়ার চেষ্টা কোরো না যেন, সত্যিই আজ বড্ড দেরী হয়ে গেছে।

—হ্যাঁ, কিন্তু মাঝে মাঝে একটু আধটু দেরী হয়ে গেলে ক্ষতি আছে—কিছু? সত্যি বলছি, আমি যদি আর্টিস্ট হতাম তাহলে আমার ছবির রঙ ভরার সময় তুলিটা বেশ করে কাদামাটি রঙে ডুবিয়ে নিতাম। কেবল বোধহয় হুংপিণ্ডটাই উজ্জ্বল, আর মাথা? সেটা কোনমতে টাল সামলে চলছে বটে তবে নানা চিন্তার

জালে এমনিই জড়িয়ে রয়েছে, ওঃ... শীলা তুমি আমার অবসাদের মুহূর্তের সঙ্গিনী আর কল্যাণী... সে আমার দেউলে জীবনের নিষ্ঠা। সত্যি বলছি, বিশ্বাস করো—এ জীবনে তোমাদের দুজনের ঋণ আমি শোধ করতে পারব না।

শেষ হয়ে আসা ব্যাটারির টর্চের মত মহিপালের চোখে অবসাদের ছায়া নেবে এল। শীলা মহিপালের গালে টোকা মেরে বললে—খোসামুদি করায় ওস্তাদ, এখন তুমি নিজের শরীরের দিকে একটু নজর দাও তো, হৃদয়ের সমস্ত ব্যথা উজাড় করে ঢেলে দাও সাহিত্যের ভাণ্ডারে... বাকী যা আছে সব ভুলে যাও!

অন্ধকারের মধ্যে মুহূর্তের জ্ঞান যেন ছুজোড়া চোখের পাতা একে অন্নের স্পর্শে তাদের হারিয়ে যাওয়া আত্মবিশ্বাস ফিরে পেয়েছে। শীলার দুটি চোখের মণিতে ভালোবাসার জ্যোতি আর মহিপালের চোখে শ্রান্ত পথিকের বেদনা। চিরন্তন প্রেমের আবেগে শীলার অধর অব্যক্ত আনন্দে কেঁপে উঠল কিন্তু মহিপাল যেন এই পৃথিবীর সীমা ছাড়িয়ে শূন্যতার রাজ্যে সঁতার কেটে চলেছে। হায় রে ভাগ্যের বিড়ম্বনা!

—আবার কবে দেখা হবে?

—কিছু লিখব ভাবছি—মহিপাল গাড়ি থেকে নামতে নামতে উত্তর দিলে।

—আমার এখানে চলে এসো, ছপুরে খেয়েদেয়ে আমার বাড়িতে বসে লিখো।

—একবার সমাধিতে ধ্যানস্থ হলে সাধু স্থান ত্যাগ করে না তা জানো?... যদি বিকেল পর্যন্ত তোমার ওদিকে আসার ইচ্ছে হয় তাহলে টেলিফোন করে সোজা চলে আসব।

—না, তা হবে না, কাল বিকেলে তোমায় আসতেই হবে—  
কাল ক্রিসমাস ইভ...।

—ওহো, এই দেখো, আমি একেবারেই ভুলে গেছি... আসব  
...কাল তাহলে আমি... সঙ্গে সাতটা নাগাত পৌঁছে যাব।

হুজনের 'গুড নাইটের' মৃদু আওয়াজ গাড়ির স্টার্টের আওয়াজে  
মিলিয়ে গেল। শীলার গাড়ির পেছনের লালবাতির দিকে মহিপাল  
কিছুক্ষণ তাকিয়ে রইল। তারপর হতাশ হয়ে সে অসাড় পাছুটোকে  
টানতে টানতে বাড়ির গলির দিকে চলল। বড় রাস্তা থেকে  
পাশের সরু গলিতে নামার জন্য পুরোনো ইট বাঁধানো তিন ধাপ  
সিঁড়ি আছে, সিঁড়ি দিয়ে নেমে নীচে পা দিতেই সেই ছোট গলির  
নিখুম রাতের সঙ্গে মহিপালের মনের শূন্যতা যেন মিশে একাকার  
হয়ে গেল। ঘুমন্ত গলির প্রতিটি বাড়ির বন্ধ দরজা যেন তাকে  
এক অজানা মায়াপুরীতে পা দেবার আমন্ত্রণ জানাচ্ছে। ছ'পাশে  
উঁচু উঁচু বাড়ির দেয়াল যেন শীতের রাতে গা ঢাকা দিয়ে ঘুমিয়ে  
আছে। এই গণ্ডিবদ্ধ জীবনযাত্রার হাত থেকে সে কি কখনো  
মুক্তি পাবে? পৃথিবীর সীমানা কত বিরাট? তার কল্পনা করা  
কত কঠিন... মহিপাল আপন মনে ভেবে চলেছে— আকাশের  
অসংখ্য নক্ষত্র দেশবিদেশের সীমিত সাম্রাজ্যের পরিধি ছাড়িয়ে  
সম্পূর্ণ মানবজাতিকে একসূত্রে বেঁধে রেখেছে।

সরু গলির মধ্যে গোরু এমুড়ো ওমুড়ো জুড়ে আধিপত্য জমিয়ে  
বসে আছে। পাশের গলি থেকে কুকুরের ঘেউ ঘেউ শোনা যাচ্ছে।  
হঠাৎ তার থেকে ছ'হাত দূরে, ওপরতলা থেকে ধপ করে কিছু  
পড়ার শব্দে মহিপালের কান খাড়া হয়ে উঠল। সে চমকে উঠল,  
সেই শব্দে নিশ্চিতি রাতের স্তব্ধতা ভঙ্গ হয়ে গেল। এত রাত্তিরে

কে জেগে আছে? কী জিনিস পড়ল? গলির আধো আলো আধো অন্ধকারের মধ্যে যেন তার চোখের সামনে সাদা একটি ছোট পুঁটলি ভেসে উঠল। তার মনে হল পুঁটলির মধ্যে সন্ধ্যাজাত শিশুর লাশ আছে, তার অসাড় পায়ে যেন হঠাৎ বিদ্যুতের গতি দেখা দিল। তাড়াতাড়ি পা চালিয়ে কাছে যেতেই সে নিজের আবিষ্কারে নিজেই হেসে ফেলল— একটি পুরোনো তেলচিটে তুলো-বের-করা বালিশ। মানুষের কাণ্ডজ্ঞান দেখে সে সত্যিই আশ্চর্য হয়ে যাচ্ছে।... যাক... এই বিরাট পৃথিবীতে সে একা, সম্পূর্ণ একা, একাই তাকে শরীরের বোঝা বয়ে বেড়াতে হবে... এই ঘুমন্ত মায়াপুরীর বন্ধ দরজা আর বাড়ির ঘেরা দেয়ালের ভেতরে কত চেনা-অচেনা, নাম-জানা বা অজানা মনের কাহিনী ঘুমন্ত বা জাগ্রত অবস্থায় আছে, এসবের খোঁজ কে রাখছে? মহিপালের কল্পনায় চোখের সামনে যেন এক এক করে সব বন্ধ দরজা নিজে থেকেই খুলে গেল। কেউবা পুরোনো ময়লা ছেঁড়া কাঁথা গায়ে দিয়ে সঁাতসেঁতে মেঝেতে খড়ের বিছানায়, কেউ তুলোর লেপ নিয়ে ভালো কাঠের পালক বা ভাঙা খাটিয়াতে শুয়ে আছে, ঘুমন্ত পাড়ার ছবি তার চোখের সামনে ভেসে উঠল। কেউ হয়তো বিরহের আগুনে জলেপুড়ে সারারাত চোখ চেয়ে কড়িকাঠ গুণছে। কেউ হয়তো বাহুবেষ্টনে প্রেমালাপে মত্ত হয়ে বিনিদ্র রজনী উপভোগ করছে। এই সারি সারি বাড়ির মধ্যেই জগদম্বা সহায়ের মত কত পুরুষ জৈবিক ক্ষুধার বশবর্তী হয়ে পাপাচার করছে। কত মেয়েদের এই ক্ষণিক মুহূর্তের দৈহিক সুখের মূল্য কাল আগুনে পুড়ে শেষ হবে।

মহিপালের গায়ে কাঁটা দিয়ে উঠছে। সারা শরীরে টান ধরছে।

ভেবে দেখতে গেলে এ জীবনটা সত্যিই এক জটিল সমস্যা। এখানকার বাসিন্দাদের জীবনের সমস্ত সমস্যা, গলিঘুঁজি, রাস্তা-ঘাট, বাজার, পুরোনো প্রথা আর ইতিহাসের জর্জরিত পাতা নিয়ে এই পাড়া। মানুষ আর শয়তান এখানে একসঙ্গে বাস করে। বড়লোকের অট্টালিকা থেকে নিয়ে গরীবের কুঁড়েঘরের পর্যন্ত এখানে পাড়া হিসাবে একই নাম-ঠিকানা। ভদ্রলোককে নিজের ভদ্রতার পরীক্ষা এখানে চারজনের মধ্যে রোজই দিতে হয়, চোর বদমাইস, খুনী সব একই গলিতে গায়ে গায়ে রয়েছে।

...সময়ের চক্রের সঙ্গে সমস্যার রূপ বদলাতে থাকে। বড় বড় অট্টালিকার জায়গায় দেখা দেয় ভাঙাচোরা স্থপ, কিছুদিন পরে সেই জায়গায় আবার নতুন বাড়ি তৈরি হয়... নতুন পুরোনোর এই লীলাখেলার মাঝে নতুন আশার স্পন্দন নিয়েই এই গলির জীবনচক্র চলতে থাকে। মানুষের জীবনযাত্রার চিরন্তন রহস্য পৃথিবীর বুকে ঘড়ির টিকটিক শব্দের মত একইভাবে চলেছে।

বাড়ির দরজার কাছে পৌঁছে মহিপাল থমকে দাঁড়াল, কড়ায় হাত রেখে স্বগতোক্তি করল— মুখ থেকে মদের গন্ধ বেরুচ্ছে না তো? নিজের মনকে আবার বোঝাল— অনেকক্ষণ হয়ে গেছে। মহিপালের চেহারায় সংকোচ দেখা দিল, সে কোনমতে কড়া ধরে নাড়া দিলে।

—কে? ভেতর থেকে কল্যাণীর আওয়াজ শোনা গেল।

—আমি।

খট করে কপাটের খিল খোলার শব্দ হতেই দালানের বাতি তার চোখে এসে পড়ল। এক মিনিট স্বামী-স্ত্রীতে চোখাচোখি হল, কিন্তু পরমুহূর্তে চোখ বাঁচিয়ে মহিপাল বৈঠকখানার দরজা



খুলে সুইচের দিকে হাত বাড়াল। বাইরের দরজার খিল বন্ধ করে কল্যাণী য়ুহু গলায় স্বামীকে প্রশ্ন করলে—এখানে পড়বে?

—লিখব। ভারী গলায় মহিপাল স্ত্রীর প্রশ্নের উত্তর দিয়ে টেবিল ল্যাম্প জ্বালিয়ে টেবিলের সমস্ত কাগজপত্র এমনভাবে ওলটপালট করা আরম্ভ করলে, যেন তার কোন বিশেষ দরকারী কাগজ হারিয়ে গেছে।

—আমাকে ছোটো পান সেজে দিয়ে যেয়ো। কল্যাণীর দিকে পেছন ফিরে মহিপাল বললে।

—পানের কোটো সামনেই রাখা আছে।

পানের কোটো থেকে একসঙ্গে চারটে খিলি মুখে পুরে দিয়ে মহিপাল এমন নিশ্চিন্ত মনে চিবুলো, যেন চোর চুরি করে চোরাই-মাল সমেত তার আস্তানায় পৌঁছে গেছে। স্ত্রীকে শোবার ঘরের দিকে যেতে দেখে সে হাঁপ ছেড়ে বাঁচল। একটু দোস্তা মুখে দিয়ে পানকে আরো ঝালিয়ে নিলে।

দুদিন থেকে বাড়িতে স্বামী-স্ত্রীর ভেতরে রীতিমত খটাখটি চলেছে। কাল দুপুরে বেশ ঝড় বয়ে গেছে, আজ সকালেও প্রভাতী সূর্য্য নমস্কারের পরেই পালা আরম্ভ হয়েছে। দুপুরে আধখাওয়া ভাতের খালা সরিয়ে দিয়ে সে চলে গিয়েছিল। কাল থেকে সংসার খরচ নিয়ে তুমুল বাক্বিতণ্ডা চলেছে। দেড়মাস হল, তার আয় থেকে ব্যয় বেশী। সেপ্টেম্বর মাসে বড় মেয়ের ডবল নিমোনিয়া হয়েছিল, অনেক চিকিৎসা করে তবে সে সুস্থ হয়েছে। কর্নেল আর ডাঃ শীলার জ্ঞা চিকিৎসার বেশীর ভাগ খরচের হাত থেকে সে রেহাই পেয়েছিল বটে কিন্তু মানসিক অশান্তির দরুন এতদিন কিছু লিখতে পারেনি। নভেম্বর মাস থেকে তার ভীষণ টানাটানি

চলছে। ডিসেম্বর মাসে তার লেখা বইয়ের রয়েলটির প্রায় দেড় পৌনে দুহাজার টাকা তার পাওনা ছিল, কিন্তু সেদিন পাবলিশার্সের চিঠি পেয়ে তার সে আশায়ও ছাই পড়েছে। তারা চিঠিতে জানিয়েছে যে বাজার মন্দা চলছে, তাই টাকা ফেরয়ারি অথবা মার্চ মাসে পাঠাবে।

মহিপালের বাড়িতে নয়জন প্রাণী, দুবেলা দু'মুঠোর জন্তু অন্তত-পক্ষে সাড়ে তিন বা পৌনে চারশো টাকার দরকার। তার দুই ছেলে হর্ষবর্ধন, শ্রীবর্ধন আর ভাগ্যী শকুন্তলা— তিনজনেই ইন্টার-মিডিয়েটে ফাইনাল ইয়ারে পড়ছে। পনেরো বছরের রাজ্যশ্রী নাইন্থ ক্লাসের ছাত্রী, সিদ্ধার্থ ক্লাস ফাইভে, সাত বছরের তপোধন ক্লাস টুতে আর অনামিকা মাত্র এক বছরের দুগ্ধপোষ্য শিশু।

মহিপাল রেডিওর জন্তু নাটক, মাসিক পত্রিকার জন্তু গল্প ইত্যাদি লেখে। ইদানীং পাঁচ ছয় মাস থেকে একটি স্থানীয় খবরের কাগজ 'হাসির তুবড়ি' কলমে লিখে প্রায় মাসে দেড়শো টাকার বাঁধা আয় হয়ে গেছে। বাজারে তার সব মিলিয়ে এগারোখানা বই প্রকাশিত হয়েছে কিন্তু তার থেকে আয় বড় একটা হয় না। বর্তমানে (প্রকাশকদের মতানুসার) বাজারে রসাপ্লুত সাহিত্যের চাহিদাই বেশী, মহিপালের উপন্যাসে সেই রসের নিতাস্তই অভাব। সামাজিক সমস্যা নিয়ে লেখা ভালো উপন্যাস বিক্রি হয় কিন্তু... এই কিন্তুর উত্তর পেতে হলে মাসিক পত্রিকার সমালোচনার পৃষ্ঠা ওলট্টাতে হবে। যে লেখকদের রচনার ভালো সমালোচনা ছাপা হয় না, সে লেখকের খ্যাতি আর পসার দুটোই কমে যায়, দোকানে তার বইয়ের মলাটে ধুলো জমতে থাকে। মহিপালের রচনা এই শ্রেণীভুক্ত তাই এই নিয়ে সে অনেক কটুক্তি করে থাকে। তার

মতে, যে লেখকরা বিভিন্ন রাজনৈতিক দলের সঙ্গে চুপচাপ কোনরকম বোঝাপড়া করে নিতে পারে, তাদের খ্যাতি আর পসার অন্যদের থেকে বেশী হয়। মহিপালের পক্ষে এধরনের বোঝাপড়া করা সম্ভব নয় সেজন্য তার নাম আজ পর্যন্ত কোন বিশেষ রাজনৈতিক দলের সঙ্গে জড়িত হয়নি। এইভাবে লেখক সমাজ থেকে নিজেকে জাতিচ্যুত করে সে এক কোণে চুপচাপ বসে আছে। দিনের পর দিন তার এই একগুঁয়ে স্বভাব তাকে মানসিক শূণ্যতার দিকে নিয়ে চলেছে। অভাব-অনটনের বোঝা দিনের পর দিন ভারী হয়ে চলেছে। সংসারের চাহিদা তাকে হাঙরের মত গ্রাস করে ফেলবে। ইদানীং এর কবল থেকে মুক্তি পাওয়ার জন্য কখনো কখনো সে হঠাৎ বড়লোক হওয়ার স্বপ্ন দেখতে আরম্ভ করেছে। কল্লনার মায়ানগরী থেকে বাস্তব জগতের ধরাতলে পা দিলেই সে নিজেকে দোষী মনে করে, ভগবান রাম, বুদ্ধ, মহাবীর, যীশু, গান্ধী আর প্রাচীন ঋষিদের ত্যাগের কথা ভেবে, আবার দ্বিগুণ উৎসাহে লিখতে আরম্ভ করে। তার দৈনিক জীবনধারা এইভাবে বয়ে চলেছে। ভাবুক মনের রচনাশক্তি আর অফুরন্ত কল্লনার স্রোতের কিনারে দাঁড়িয়ে সে আকর্ষণ পিপাসার যন্ত্রণায় ছটফটিয়ে মরছে।

বৈঠকখানা থেকে কল্যাণী চলে যেতেই মহিপালের মনের সাধুভাব আবার চাড়া দিয়ে উঠল। এতদিন পরে সে হঠাৎ আবিষ্কার করল যে কল্যাণীকে বড় বুড়ী বুড়ী দেখাচ্ছে। মাত্র আটত্রিশ বছর বয়সে তার মাথার চুলে পাক ধরে গেছে, মুখে বয়সের রেখা ফুটে উঠেছে। স্ত্রীর অকাল বার্ধক্যের জন্য সে নিজেকে দোষী! এ কথা ষোলো আনা ঠিক যে সাহিত্য বা আর্টের বিষয়

সে কল্যাণীর সঙ্গে চর্চা করতে পারে না। কল্যাণী সব সময় ঘরসংসারের সমস্যা, আত্মীয়স্বজন আর লৌকিকতার কথাই দিনরাত তার কানের কাছে ঘ্যানর ঘ্যানর করতে থাকে। কিন্তু তার মত একনিষ্ঠতা সবার মধ্যে সচরাচর দেখা যায় না। পরিবারের প্রত্যেক প্রাণীকে সুখী করার জন্য সে দিনরাত হাড়ভাঙা খাটছে। কল্যাণীর ত্যাগের সামনে মহিপালের মাথা নিজে থেকেই নত হয়ে যায়।

কল্যাণী একহাতে রেকাবিতে দইবড়া আর অণ্ডহাতে জলের গেলাস নিয়ে ঘরে ঢুকল। হঠাৎ ধ্যানভঙ্গ হওয়ায় মহিপাল চমকে উঠল। কল্যাণীর আসার পূর্বসূচনা যদি সে পেত তাহলে হয়তো লেখার টেবিলে ঝুঁকে পড়ে ধ্যানস্থ হওয়ার অভিনয় করতে পারত, কিন্তু এ যেন সে হাতে নাতে ধরা পড়ে গেছে। কাগজ কালি-কলম থেকে দূরে দেয়ালে বালিশে ঠেসান দিয়ে চুপচাপ সে প্রায়শ্চিত্ত করার মুড়ে বসে ছিল। পুরুষ মানুষ তার আত্মশ্রুতিতে আঘাত সহ্য করতে পারে না তাই সে নিজের মানসিক অবস্থা জীবনসঙ্গিনীকেও জানাতে নারাজ। এইজন্যই কল্যাণীকে আচমকা ঘরে দেখে সে থতমত খেয়ে গেছে।

কল্যাণী টেবিলে জলের গেলাসটা রেখে কোণের ছোট স্টল থেকে খবরের কাগজ উঠিয়ে জিজ্ঞেস করলে— এটা পেতে দেব? তোমার কাজের নয় তো?

—পেতে দাও, এটা কি? বেসমের হালুয়া? মহিপাল তাড়াতাড়ি পিকদানি উঠিয়ে পান দোস্তা থুথু করে ফেলে দিয়ে গেলাশের জলে কুলকুচো করে নিলে।

হালুয়া আর দইবড়ার রেকাবি রাখতে রাখতে কল্যাণী বললে—

বড় ছেলে অনেক দিন থেকে বলছে যে হালুয়া খাব, তাই আজ ভাবলুম যে হালুয়া আর কড়াইয়ের ডালের দইবড়া করে ফেলি।

—বাঃ বেশ গরম গরম... খেতে খুব ভালো হয়েছে। এলাচদানা চিরোজ্জিদানা শুকনো নারকেল কুরো দিয়ে তৈরী বেসমের হালুয়া মহিপালের প্রিয় ডিশ।

কল্যাণী বললে— এখুনি ইলেকট্রিক হীটারে গরম করে এনেছি ...সকালে তুমি থালা সরিয়ে উঠে গেলে, আমার সারাটা দিন বিদ্রী কটল... কথা শেষ করার আগেই তার গাল বেয়ে জল গড়াতে লাগল। কান্নার বেগ চাপতে গিয়ে তার ঠোঁট ধর ধর করে কেঁপে উঠল। মহিপালের মন সহানুভূতিতে ভরে উঠল, কিন্তু পরমুহূর্তেই নিজেকে সামলে নিয়ে কাঁঠ হাসি হেসে বললে— আচ্ছা! বড় ছেলের নাম করে আমার মানভঞ্জন পাল হচ্ছে?

কল্যাণীর শুকনো মুখে হাসির রেখা দেখা দিল। মহিপাল রসিকতা করে বলল— দেবী, আমি তোমার প্রতি প্রসন্ন, এবার তুমিও এক চামচে...

—না, না, আমি খাব না।

—কেন? ছোঁয়া গেল নাকি? আরে বাবা, রান্নাঘরে না খেয়ে যদি বৈঠকখানায় বসে খাও তাহলে মহাভারত অশুদ্ধ হয়ে যাবে না।

—আমি তোমাকে মানা করেছি? আমার আচার-বিচার তোমার জগ্গেই...

—চুলোয় যাক তোমার আচার-বিচার— খাও— আদর করে মহিপাল চামচে স্ত্রীর মুখের কাছে ধরতেই সে নাকমুখ সিঁটকে একটু পেছনদিকে মাথা কাত করে দৃঢ়স্বরে ক্রমা চাওয়ার ভঙ্গিতে

মাথা নাড়লে—না, না। রাগে মহিপালের ক্র কুঁচকে গেল, কিন্তু কোনমতে নিজেকে শাস্ত করে সে গন্তীর ভাবে বললে—  
স্বামী বিবেকানন্দ বলে গেছেন, বিবেকানন্দ কে ছিলেন জান?

—হাঁ, হাঁ, ছবিতে দেখেছি।

—আমাদের হিন্দুধর্ম আর আমাদের ভগবানের বিষয় তিনি বলে গেছেন যে আমাদের ভগবান ডাল-ভাতের হাঁড়ি, আর হিন্দুধর্মের প্রকৃত রূপ কী শুনতে চাও?

কল্যাণী স্বাগুর মত স্বামীর মুখের দিকে উৎসুক ভাবে চেয়ে আছে।

—আমাদের সনাতন হিন্দুধর্মের অবস্থা ঠিক সেই হিজড়ের মত যে নাকের কাছে আঙুল নিয়ে চোখ নাচিয়ে আশেপাশের ভীড়কে সচেতন করে বলে—দূরে সর, দূরে সর, ছুঁয়ে ফেলো না যেন, আমি একেবারে পবিত্রতার অবতারণা।

ধর্মকে নিয়ে এ ধরনের হাসিঠাট্টা কল্যাণীর যেন ভালো লাগছে না, তার ধর্মভীরু মন অজানা আশঙ্কায় আতঙ্কিত হয়ে উঠছে। মুখের কথা শেষ করে মহিপাল আধখাওয়া হালুয়ার প্লেট সরিয়ে দিয়ে দইবড়া খেতে খেতে কল্যাণীর প্রতিবাদ শোনার জন্য উদ্গ্রীব হয়ে তার মুখের দিকে চাইলে। কল্যাণীর স্বর কাঁপছে—দেখো, আমরা গেরস্থ মানুষ, ভগবান নিয়ে ঠাট্টা তামাশা করাটা ঠিক নয়, ভীষণ পাপ হয়।

—পাপ, শালা তোমার ওই রান্নাঘরের আচার-বিচারের মধ্যে ঢুকে বসে আছে। এটা ছুঁয়ে দিলে সেটা ছুঁয়ে দিলে—রামঃ রামঃ। একটা কথার উত্তর দেবে? তুমি হালুয়া রান্নাঘরে রাঁধো কেন? সেখানে পিঁড়ি পেতে বসে খাও আর সকলকে

পরিবেশন করো কেন? তোমার আচার-বিচারের মাপদণ্ডে তাহলে এটাও পাপ? স্বামীর প্রশ্নে কল্যাণী খতমত খেয়ে বললে— কেন?

—আরে, এটা আরব দেশের মুসলমানদের খাওয়া বুঝলে?

—তাতে আমার কি? মুসলমানরা তাদের বাড়িতে রান্না করে। আমরা পাঁচজনে আমাদের রান্নাঘরে রান্না।

—তাই তো আমি তোমায় প্রশ্ন করছি যে রান্নাঘরেই বা রান্না কেন আর এই ‘পাঁচজন’ শব্দের প্রতিটি অক্ষরে পবিত্রতা-অপবিত্রতার গন্ধ পাও কেন?

—না তো... কল্যাণীর মুখে আর কথা জোগাচ্ছে না। হঠাৎ মুখ ফসকে কথাটা বলে ফেলে সে মহা মুশকিলে পড়েছে।

—না মানে? যদি শব্দ অপবিত্র নয় তবে তুমি গাজর খাও না কেন? এতে ‘গ’ শব্দ আছে বলে? দইবড়া খাও কেন? (উদ্বেজনাতে দইবড়ায় বড় কামড় দিয়ে) বাঃ বেশ নরম হয়েছে।

—বড়ায় ‘গ’ আবার কোথা থেকে এল? দইবড়ার প্রশংসা শুনে খুশি হয়ে কল্যাণী মুখ টিপে হাসলে।

—তেলুগু ভাষায় হয়— সে তুমি বুঝবে না। যাও, ছোটো বড়া আর একটু লাল লঙ্কার গুঁড়ো তার ওপর ভালো করে ছড়িয়ে ঝটপট নিয়ে এসো।

কল্যাণী হেসে ফেলল— এত রাতে আর খেয়ো না। আমার মন কেমন করছিল তাই ছোটো নিয়ে এলাম। বাকী কাল সকালে খেয়ো।

—গিন্নীর আজ্ঞা শিরোধার্য— বলে মহিপাল একচামচে দই মুখে দিলে। স্ত্রীর সঙ্গে হাসি-ঠাট্টার ছলে যে প্রসঙ্গ নিয়ে কথা হয়েছিল

সে বিষয়ে সে গভীরভাবে ভাবতে আরম্ভ করলে—হালুয়া বিদেশী খাওয়া, তবু আজকে ভারতের প্রতি রান্নাঘরে সে বিশেষ স্থান করে নিয়েছে। এইভাবে প্রত্যেক দেশের পাকপ্রণালী, আচার-বিচার, থাকা পরা অন্য দেশের খাওয়া-পরার সঙ্গে ধীরে ধীরে মিশে যায়। এই বড়া ভারতে কোন স্ত্রী বা পুরুষ প্রথমে তৈরী করে থাকবে, তারপর ভিন্ন ভিন্ন জায়গায় নানা ভাবে তাকে তৈরী করার পর আমাদের আজকের সম্পূর্ণ ভারতের পাকপ্রণালীতে সে বিশেষ স্থান পেয়ে গেছে। এইভাবে ধীরে ধীরে সংস্কৃতির বিকাশ আর প্রসার হয়। বিচিত্র মানবজীবনের গতি, কত জটিল অথচ কত সরল।

কল্যাণীর গলার আওয়াজে মহিপালের চিন্তার সূত্রে টান পড়ল। —আজ বিকেলের দিকে পার্বতীর মা এসেছিল, বেচারাদের সংসারের অবস্থা খুবই খারাপ, সেই শুনে অবধি আমার মন কেমন করছে।

—কি হয়েছে? মহিপাল হালুয়ার প্লেট হাতে নিলে।

—কী আর বলি? পার্বতীর বাবা এমনই বাপ যে সন্তানকে খালি পেটে ঘুম পাড়িয়ে নিজে ফুটি করছে, হায় ভগবান, সাত সন্তান নরকেও জায়গা হবে না, বাপ না কসাই?

পার্বতী পাড়ার দফতরী বাবুর বড় মেয়ে। আঠারোর কোঠায় পা দিয়েছে কিন্তু না হয়েছে লেখাপড়া, না হয়েছে বিয়ে। তার পেছনে পাঁচ ভাই-বোনের লাইন। মহিপালের বাড়ির গা ঘেঁষে পার্বতীর মাসী থাকে। পাঁচ বছর হল মেসো জলকরে বদলী হয়ে গেছে। তিনি সেখান থেকে নিয়মিত মোটা টাকা সংসার-খরচ পাঠান বটে কিন্তু সে টাকা সোজা মাসীর বাস্ত্বে চলে যায়। পার্বতীর বাবার সামান্য আয় থেকেও বেশীর ভাগটাই মাসী



হস্তগত করে নিচ্ছে। পার্বতীর মা নিজের ছোট ছোট বাচ্চাদের নিয়ে বোনের সংসারে লাথি ঝাঁটা খেয়ে মরছে। পাড়ার অলি-গলিতে শালী আর জামাইবাবুর প্রেমের গল্প সকলের রসনার খোরাক জোগাচ্ছে।

মহিপাল খালি রেকাবি খবরের কাগজের উপর রেখে জলের গেলাসের দিকে হাত বাড়াতে বাড়াতে বললে— কোন নতুন ব্যাপার হয়েছে না কি ?

—আরে, এ মাসের মাইনে সবটাই শালীর হাতে ধরিয়ে দিয়েছে। পার্বতীর মা আমার কাছে কতই-না কাঁদলে, যে, ভাই, আমি সব সহ্য করতে পারি কিন্তু পেটের ছেলেমেয়েকে ক্ষিদেয় চোঁচাতে দেখে কি করে চুপ করে থাকি বলো তো ?

মহিপালের মন আর শরীর পাথরের মত হয়ে যাচ্ছে। কল্যাণী ধরা গলায় বললে— আমায় বললে যে তোমার কর্তার কত জায়গায় চেনাশোনা আছে, বড়লোকদের মধ্যে ওঠাবসা করেন, আমার কোন ছেলের যদি একটা চাকরি-বাকরি জুটিয়ে দিতে পারেন তাহলে আমরা ছবেলা ছমুঠো পেট ভরে খাওয়া আর ছেঁড়া...।

কান্নায় কল্যাণীর বুক ভেসে যাচ্ছে। কান্নার আবেগে গলার স্বর বুজে গেল। মহিপাল চুপচাপ পাথরের মূর্তির মত বসে আছে। কোনমতে কল্যাণী নিজেকে সামলে নিয়ে চোখের জল মুছতে মুছতে বললে— আমার বুক ফেটে যাচ্ছে। নিজের ছোট ছোট সম্ভানকে বাড়ির বাইরে উপার্জন করতে পাঠাবার কথা বলার সময় মায়ের বুক কেমন শেল বেজে থাকবে... বলতে বলতে সে আবার কেঁদে ফেলল। গভীর নিশ্বাস ফেলে মহিপাল বললে—

পেট, সব এই পাপী পেট করায়। মাও নিজের বুক পাথর চাপা দিয়ে নেয়... ইচ্ছে করছে এই ব্যাটা দীপনারায়ণকে গিয়ে বেশ উত্তম মধ্যম পেঁদিয়ে দি... মারতে মারতে তার সব কলকজা টিলে করে...

এক মুহূর্তে মায়া মমতা একদিকে ফেলে দিয়ে গিন্নীর মত কড়া হুকুমের স্বরে কল্যাণী ফরমান জারি করলে— খবরদার, তোমাকে আগে থেকে বলে রাখছি, ছুনিয়ার ঝগাটে পড়ার কোন দরকার নেই। আমাদের পরের ধানে মই দিতে যাবার কী দরকার? আমাদের যতটুকু করা উচিত ছিল ততটুকু করে দিয়েছি। তুমি কেন ছুনিয়া শুদ্ধ লোকের শত্রুতা কুড়োতে যাবে? বলতে বলতে কল্যাণী ভেতরে চলে গেল।

মহিপাল একা বসে নিজের আচরণের উৎসমূল সন্ধান করতে আরম্ভ করলে। আমিও কি দীপনারায়ণের মত ছোটলোক নই? নিজের বিবাহিতা স্ত্রীর প্রতি অত্যাচার করি, তার আড়ালে অনেক পাপাচার করছি। যদিও আমি বাজে খরচ করি না তবু নিজের ছেলেমেয়েকে ছবেলা পেট ভরে ভালো খেতে পরতে দিতে পারি না... কাল ক্রিসমাস ইভে শীলাকে কিছু উপহার দিতে হবে... পকেটে মাত্র পাঁচটি টাকা পড়ে আছে আর পয়লা তারিখে কিছু প্রাপ্তিরও আশা নেই। দৈনিক কাগজের বাঁধা আয় আট-দশ তারিখের আগে হাতে আসে না। এ কয়টা দিন সংসার খরচের কী ব্যবস্থা হবে?

কল্যাণী ঘটিতে করে জল নিয়ে এল। পিকদানি সামনে রেখে স্বামীর হাতমুখ ধোবার জল দিতে গিয়ে মুখের কাছে দাঁড়াতেই হান্কা গন্ধ নাকে গেল, কল্যাণী নাক সিঁটকাতেই মহিপাল চুরির দায়ে ধরা পড়ায় অপ্রস্তুত হয়ে বললে— ম্যাডাম,

আজ একটু খেয়ে ফেলেছি, সজ্জনের বাড়ি... সকলে অনেক আগ্রহ করে বললে।

পিকদানি কোণে রেখে বাঁ হাতে জল ঢালতে ঢালতে কল্যাণী অনুযোগের স্বরে বললে— ওরা বড়লোক তাই ওসব ছাইভস্ম গেলে আর সঙ্গে ভালো ভালো জিনিস খায়। তুমি ওইসব খেয়ে খেয়ে দেখো না শরীরের কী হাল করেছ।

—তুমিও যেমন, আমি রোজ রোজ খেতে যাচ্ছি? হ্যাঁ, কাল আর পরশু দুদিন ক্রিসমাস, আগে থেকেই জ্ঞানিয়ে রাখলুম, একটু খাব— রাগ করবে না তো? টেবিল থেকে পানের কোটো আর দোক্তার ডিবে এগিয়ে দিয়ে কল্যাণী বললে— যদি রাগ না করো তাহলে একটা কথা বলি।

—বলো।

—থাক্, আর বলে কাজ নেই, দুদিন পরে এতক্ষণে আমার গ্রহ-নক্ষত্র একটু প্রসন্ন হয়েছে। পান খেয়ে দোক্তার ডিবে স্ত্রীর দিকে বাড়িয়ে হেসে মহিপাল বললে— অভয় দিচ্ছি দেবী, মনের কথা নির্ভয়ে বলো।

—শকুন্তলার বিয়ের কথা ভাবছিলুম, ভালোটা কারুর চোখে পড়ে না, মন্দটা তখুনি আঙুল দিয়ে দেখাবে— বলতে বলতে সামনের চেয়ারে কল্যাণী পা-ছুটো তুলে দিয়ে বসল।

বালিশে ভালো করে ঠেসান দিয়ে বসতে বসতে মহিপাল বলল— আরে, আমরা বালার শুক্লা বামুন— কোন্ ব্যাটার এত সাহস যে আমাদের দিকে আঙুল ওঠায়।

কল্যাণী ফিক করে হেসে ফেললে— বাব্বাঃ, বালার শুক্লা বামুন এমন ঘাড় উঁচু করে কথা বলছেন যেন প্রপিতামহের তালুকদারি

সব তোমার নামেই লেখা আছে। (ক্রমশ গম্ভীর হয়ে) যদি আজ ট্যাঁকে লক্ষ ছলক্ষ থাকত তাহলে আমাদের সামনে কেউ চোখ তুলে তাকাবার সাহস করত? আমাদের গট্টু বড়লোক, যাই করুক থাকবে সেই বাল।। সেদিন মুল্লারের মা আমাকে শুনিয়ে বলছিল... তোমার বিষয়, যে তোমার নাকি নামডাক আছে, কিন্তু বড়লোক তো নও, আমাদের কাছে কী আছে যে ভাগীর বিয়ের দেনা-পাওনার ব্যবস্থা করব।

মহিপালের মন মুল্লারের মা আর সারা সমাজের প্রতি ঘৃণায় বিষিয়ে উঠল। তার ছোটভাই লক্ষ্মী শহরের মস্ত নামী ডাক্তার, ডাঃ জয়পাল শুল্ক (ডাকনাম গট্টু)। তার সাংসারিক প্রতিপত্তির সামনে নিজের কথা ভাবতেই যেন অজস্র নাগফণীর কাঁটা তার হৃদয় ঝাঁঝরা করে দিল। আর্থিক অভাব-অনটনের সামনে তার সাহিত্যিক বৈভব হার মেনে গেছে। উদ্বেজনা আর উদ্বেগে সে সোজা হয়ে বসে জোর গলায় বললে—আমিও দেখে নেব আজ থেকে দশ বছর পরে কে বড়লোক হবে, গট্টু না আমি? এ পয়সার ছনিয়া বেশীদিন টিকবে না। আজকে সমাজের শাসন বেইমান ডাকাতদের হাতে। তাদের হাতেই আমাদের জনজীবনের মর্যাদার মাপকাঠি, যারা ক্ষণিকের এ চোরাকারবারির মধ্যে নিজেদের মোটা পয়সা চালাবার চেষ্টায় আছে তারা ভুলে যাচ্ছে যে কোটি কোটি লোক পেটে ক্ষিদের জ্বালা নিয়ে পাগলের মত তাদের পেছনে ছুটে আসছে। তারা যখন এই আঙুলে গোনা বড়লোকদের পুড়িয়ে শেষ করে দেবে তখনই আমাদের দেশের মেয়েরা পাবে সত্যিকারের মর্যাদা, সে হবে... অমূল্য... চোর বদমাইসের দল... আমার অভাব নিয়ে ঠাট্টা করছে?

উত্তেজনায কাঁপতে কাঁপতে সে তক্তপোষ থেকে উঠে ঘরে পায়চারি আরম্ভ করলে।

কল্যাণীর মাথায় স্বামীর লম্বা লম্বা কথা ঢুকল না বটে কিন্তু তার মুখের হাবভাবে সে বেশ ভয় পেয়ে গেছে। সে নিজেই দিনরাত অভাব-অনটনের মধ্যে পিশে যাচ্ছে। সে দেখেছে আর অনুভব করেছে যে পৃথিবীতে ভালো লোকের মূল্য নেই, বেইমান লোকেরাই বেশ চড়চড় করে বেড়ে যাচ্ছে... এ নিয়ম কবে বদলাবে? না, যা চিরাচরিত ভাবে চলে আসছে তাই চলবে? নবই রাধা-মাধবের ইচ্ছা।

স্বামীর অবস্থা দেখে তার মন বিচলিত হয়ে উঠল, সত্যিই সে বেচারী দুঃখী, দিনরাত এত খাটাখাটুনির পরে ছদগু বিশ্রাম পায় না। লেখাপড়ার কাজে একটু ঘি দুধ না খেলে কি আর মাথা চলে? কিন্তু এক ছটাক ঘি তার ভাগ্যে জোটে না। দিন দিন শুকিয়ে যাচ্ছে।

বিষম মানসিক পরিস্থিতির মধ্যে সময়ের কাঁটা যেন আর এগুতে চায় না, স্বামী-স্ত্রী দুজনেরই মন আর মাথা সমস্তার ভারে যেন নুয়ে পড়েছে। ঘরের ভেতর কেবল মহিপালের পায়চারির শব্দ শোনা যাচ্ছে।

হঠাৎ কল্যাণীর মুখোমুখি দাঁড়িয়ে মহিপাল বলল— বাস্, আমি ঠিক করে নিয়েছি, কালই শিবচরণ ছুবার ছেলের সঙ্গে কথা পাকাপাকি করে ফেলব। ছেলেটি বড় ভালো, এ বছর ইঞ্জিনিয়ারিং পাস করে বেরুবে, নিজস্ব বাড়ি-ঘরদোর আছে, আত্মীয়স্বজন সকলেই খুব ভদ্র।

মহিপালের উদ্বিগ্ন ভাব দেখে কল্যাণী একটু মৃদু আপত্তির সুরে

বললে— শিবচরণ ছুবে আমাদের চেয়ে এক শ্রেণী নীচু ঘরের বামুন, আমি কিন্তু গোত্রকুল সব দেখে তবে বিয়ে দেব।

মহিপাল রাগে ফেটে পড়ল— যাও, তাহলে খুঁজে নিয়ে এসো তোমার লক্ষ্মীয়ের কোন বাজপেয়ী ঘরের রত্ন— রাজা হরিশ্চন্দ্র— দেনাপাওনার ফিরিস্তির কী হবে ?

—তোমার কি মনে হয় যে শিবচরণ কিছু চাইবে না ?

—না, সে একেবারে খাঁটি লোক, আমি তার জীবনের সিদ্ধান্ত, আচার-বিচার সব খুব ভালো করে দেখেছি আর বুঝে নিয়েছি।

দীর্ঘনিশ্বাস ফেলে কল্যাণী বললে— সমাজে মুখ দেখাব কি করে ? যদি আজ শকুন্তলার বাবা-মা বেঁচে থাকত তাহলে নিজের মেয়েকে নীচু ঘরের বামুনের হাতে দিত ?

—তাহলে ট্যাক থেকে বার করো পনেরো-কুড়ি হাজার। লোকেরা ছেলেমেয়ের বিয়েতে অহংকার আর লক্ষ্মীর গাঁঠছড়াই বাঁধে— নীচ, ছোটলোক সব, মনুষ্যতা বলে এদের কিছু নেই। সেই তেওয়ারিজীকে চেনো তো ? তাঁর কাছে ছেলের ঠিকুজী চাইতে গেলে এক মুখ হেসে বলবেন নগদ পঁচিশ হাজার আর আপনার মেয়েকে যা দেবেন .. ইনি কলেজের প্রিন্সিপাল, বড় লেখক, ইনি সভ্য সমাজের মাথা ? ছি-ছি।

উত্তেজিত মহিপাল ছোট ঘরের পরিধির মধ্যে যত তাড়াতাড়ি পারে পায়চারি করছে। হঠাৎ সে কল্যাণীর চেয়ারের কাছে দাঁড়িয়ে তার কাঁধে হাত রেখে ক্র কুঁচকে বললে— ভালো করে শুনে নাও, শকুন্তলার বিয়ে শিবচরণের ছেলের সঙ্গে হবে আর ঠিকুজী-ফিকুজী আমি কিছু মেলাব না। যদি এই নিয়ে বেশী ঘ্যানর ঘ্যানর করো তাহলে অণ্ড জাতে বিয়ে দেব। জাতি-বিচার

মানামানির কথা ছেড়েই দাও, আমি এসব ঘণার চোখে দেখি—  
বুঝলে? আমার কথা কানে যাচ্ছে কি না? কল্যাণী ভয়ে কাঠ।  
মহিপালের প্রশ্নের উত্তরে চুপ করে যাওয়া ঠিক নয় ভেবে সে  
কোনমতে সাহস করে উত্তর দিলে— নিজের ছেলেমেয়ের বিয়েতে  
যা ইচ্ছে তাই করো কিন্তু শকুন্তলা পরের ধন। আজ যদি তোমার  
বোন বেঁচে থাকত তাহলে তার পরামর্শে তুমি যেখানে হয় বিয়ে  
দিতে পারতে...।

—আবার তুমি সেই ছোট-বড়র ল্যাঠা নিয়ে বসলে? আমি  
বার বার বলছি যে জাতে কেউ কারুর চেয়ে ছোট বা বড় হয় না।

—ছোট-বড়র কথা রাখো, কিন্তু যদি শকুন্তলাকে নীচু কুলে  
দাও তাহলে আমি বিষ খেয়ে মরব।

—দেনা-পাওনা কোথা থেকে আসবে শুনি?

—একা তুমিই গরীব বামুন না? কত আছে আমাদের মত,  
তাদের বাড়ির মেয়েরা সব আইবুড়ো বসে আছে?

—যারা আমাদের শ্রেণীভুক্ত, তারাই আজ মৃতপ্রায় হয়ে ধুঁকছে।  
তুমি কখনো খোঁজ নিয়েছ যে তারা কিভাবে বিয়ে-থা দিচ্ছে?  
বারো মাসের তেরো পাক্কন তারা কিভাবে করে যাচ্ছে? ধার  
করে— চিন্তায় মাথা খারাপ করে, চোখের জলে হাবুড়বু খেয়ে,  
পরের সামনে অপমানিত হয়ে। আমার এত মনোবল নেই যে  
মাথার ওপর দুশ্চিন্তার বোঝা নিয়ে, দিনরাত সুদ আর আসলের  
হিসেব গুনতে থাকব।

কল্যাণী স্বামীর দুঃখ দেখে অস্বস্তি বোধ করছে। তার নাস্তিক  
ধরনের কথাবার্তা সে কখনোই সহ্য করতে পারে না। যখন  
মহিপাল তার প্রতি অত্যাচার করে, তাকে অপমানিত করে, তখন

সে তার স্বামীর স্বভাবের সেই রূপটাকে সহজভাবেই মেনে নেওয়ার চেষ্টা করে। এ সমাজে বড়লোক, মধ্যবিত্ত আর গরীব সকলের চার দেওয়াল দিয়ে ঘেরা বাড়ির মধ্যে একই কাহিনীর পুনরাবৃত্তি চলেছে— মেয়েদের ওপর পুরুষের শাসন। মহিপাল, তার স্বামী যে অক্ষতহৃদয় নয়, সে যে চরিত্রহীন, এ কথা সে মর্মে মর্মে বোঝে। এইটুকু তার মনের সাস্থ্যনা যে গোঁড়া সনাতন ধর্মের পুরুষেরা প্রায় বেশীর ভাগই মাতাল, চরিত্রহীন। সে সহ্য করতে পারে না কেবল মহিপালের বড় বড় বুলি। নিজের চব্বিশ বছরের বিবাহিত জীবনে সে একটা দিনের জ্ঞাও স্বামীর চিত্ত'ধার'র সঙ্গে খাপ খাইয়ে চলতে পারেনি। কত বছর ধরে তার মনের কোণে একই প্রশ্ন উকিঝুঁকি মারছে, যে তার স্বামীর নাস্তিকতায় ভরা রচনার জ্ঞা কি লোকে তাকে সম্মান করে? এইসব কথা রচনায় লিখলে মানসম্মান পাওয়া যায়? এত বছর ধরে ইনি নিজের মতামত লিখে চলছেন, সকলে সম্মান করছে অথচ সমাজ সেই পুরোনো পরিপাটি বাঁধাধরা নিয়মের মধ্যেই চলেছে। এর কথার দাম প্রগতিশীল লোকেরা দিয়ে থাকে বটে কিন্তু সবই যেন তার কাছে বড় অর্থহীন। পৃথিবীতে ভগবানের তৈরী নানা রকমের ধর্মকর্ম, নানা মত, জাত-বেজাত সব এক মিনিটে শুধু এর কথায় সব ওলট-পালট হয়ে যাবে? সমাজ নিজের মন্তর গতিতে যেন চলছিল তেমনি চলবে। সকলেই ধারদেনা করে ছেনেমেয়ের বিয়ে দিচ্ছে তবে ইনি একাই সে নিয়মের ব্যতিক্রম কেন? কল্যাণী হাঁটুতে হাত বুলোতে বুলোতে ছুঁখিত স্বরে বললে— ধারদেনা যাই করো তবু আমার শকুন্তলা তো উঁচু কুলে যাবে। নিজের ছেনেমেয়ের বিয়ের সময় মেথরের ঘর দেখো— আমি নরেন্দ্রের ও টু শক



করব না, চুপচাপ গঙ্গার ধারে চলে যাব। ছোট বোনের একটি মাত্র গচ্ছিত ধনকে সনাতন ধর্মের রীতি অনুসারেই বিয়ে দেব— আমার এ কথাটা ভালো করে শুনে নাও। কল্যাণী উঠে দাঁড়াল।

শকুন্তলার বিয়ে, দেনাপাওনা আর স্ত্রীর কড়া কথা, সব মিলিয়ে মহিপাল তিক্ত বিরক্ত হয়ে উঠল। স্ত্রীর চেয়ারের কাছে টেবিলে ভর দিয়ে দাঁড়িয়ে সে ভাবল পৃথিবীতে নারীজাতিকে বোঝা শক্ত। আদিকাল থেকেই স্ত্রী-চরিত্রকে বোঝার সব চেষ্টাই ব্যর্থ হয়েছে। বর্তমান সমাজে নারীজাতি এক অদ্ভুত পরিস্থিতির মধ্যে ত্রিশঙ্কু হয়ে রয়েছে। বিশেষ করে আমাদের দেশে এ অবস্থা প্রকৃত রূপে ফুটে উঠেছে। চোখের সামনে ঘরে ঘরে কত মেয়েমানুষ অপমানিত হয়ে লাথি ঝাঁটা, গালাগালি খেয়ে মুখবুজে পড়ে আছে। কেবল গরীব আর মধ্যবিত্ত ঘরেই নয়, বড় বড় সভ্য পয়সাওয়ালা বামুনদের বাড়িতেও সকলের নিঃস্বার্থভাবে সেবা করে যাওয়া আর ভোগের বস্তু হয়ে থাকাই মেয়েদের জীবনের করুণ কাহিনী। তাদের সমাজ কেবল একটা কাজের জন্যই পুরস্কারস্বরূপ তাদের সম্মান দেয়, তারা মা— তাদের বংশধরের জন্ম দেওয়ার 'যন্ত্র' মাত্র, এর চেয়ে বেশী কিছু নয়। পুরুষ জাতটা ভালোভাবেই জানে যে স্ত্রী না হলে তাদের সংসার অচল। তবু নারীজাতির এত অপমান। এর পরেও সমাজ ভাবে যে তারা নারীকে যোগ্য মর্যাদা দিচ্ছে!

সমাজের পাথরের ভিত্তির ওপর সংস্কার, ধর্মকর্ম, আচার-বিচারের কল্লনা গড়ে উঠেছে, জনজীবনের সেই ভিত্তিতেই যেন ফাটল ধরেছে।

কল্যাণীকে উঠতে দেখে মহিপালের চিন্তাধারার ছন্দপতন হল—  
কি হল? কোথায় চললে?

এতগুলো কড়া কথার পর এই সহজ প্রশ্ন শুনে কল্যাণী হেসে ফেললে— হ্যাঁ বাবা হ্যাঁ, এবার শুতে চলি, তা না হলে এখুনি আবার তোমার তর্জনগর্জন আর কোঁচকানো শ্রু দেখতে হবে। অধেক রাত্তিরে পাড়ার লোকের ঘুম নষ্ট হবে। মহিপালও হেসে ফেললে। কল্যাণী আবদারের সুরে বললে— তোমার কি? হাঁক-ডাক করে চলে যাও, আমাকেই পাড়াপড়শির কথা শুনতে হয়, বলে, আরে তোমার কর্তার মাঝে মাঝে মাথায় ভূত চাপে না কি?

মহিপাল অপ্রস্তুত হয়ে মুচকি হেসে উত্তর দিলে— তার মানে তোমার সঙ্গিনীরা আমাকে নিয়ে ঠাট্টা-তামাশা করে?

কল্যাণী খিলখিল করে হেসে উঠল, শাড়ির আঁচল দাঁতে চেপে বললে— আমার সঙ্গিনীদের দোষ দিচ্ছ? তোমার নিজের ছেলে-মেয়েরাই তামাশা করে, আমায় বলে, মা চুপ করো, তা না হলে এখুনি এটম বোমা ফেটে পড়বে।

মহিপাল হো হো শব্দে হেসে উঠল— সত্যি, আমি তোমার উপর অনেক অত্যাচার করি। ভগবানই জানেন তোমাকে দুঃখ দিয়ে আমি নিজেকে নিজেই দুঃখ দি। তুমি ছাড়া আমার কে আছে বলো? কল্যাণীর অস্তিত্বেই মহিপালের অস্তিত্ব।

কল্যাণী চোখ বন্ধ করে শান্ত ভঙ্গিতে বসে রইল।

কোলের মেয়ের কান্নার আওয়াজ ভেসে এল, কল্যাণী তাড়াতাড়ি এটো বাসন ওঠাতে ওঠাতে বললে— যদি হাতে কিছু কাজ না থাকে তাহলে একটু ওপরে গিয়ে দেখো। তিনটে বাজে বোধহয়।

—আমার ঘুম পাচ্ছে, তুমিই যাও।

## এগারো

পঁচিশে ডিসেম্বরের প্রভাত, সকাল নটা বেজেছে। কর্নেল আর সজ্জন দুজনে শিবনাথ শাস্ত্রীর বাড়ি থেকে ফিরছে। কুয়াশা স্তবকে স্তবকে সরে গিয়ে হাক্কো সোনালি রোদ দেখা দিয়েছে, কিন্তু সঁাতসঁতে গলি তখনও তার নাগালের বাইরে।

কর্নেল বললে -- ভাই, আজ ভীষণ ঠাণ্ডা। মনে হচ্ছে আশেপাশে কোথাও বৃষ্টি হয়েছে। সজ্জনের একাগ্রতা ভঙ্গ হচ্ছে না দেখে কর্নেল অন্য কথা পাড়ল— তুমি যাই বলো ভাই, যদি কেউ সঠিক জ্ঞানের অধিকারী হতে পারে তাহলে জ্যোতিষ বিদ্যা খুব ভালো জিনিস। আমি আজ শাস্ত্রীজীর ভক্ত হয়ে গেছি।

—হ্যাঁ, এ বিষয়ে কোন সন্দেহ নেই যে লোকটি উদার আর জ্ঞানী। আজকে মহর্ষি ব্যাসের পাপপুণ্যের ব্যাখ্যা শুনে আমার মনের সব প্রশ্নেরই সমাধান খুঁজে পেলাম— খুব গুণী লোক, একেবারে জলের মত সহজ খোলসা করে সব বুঝিয়ে দিতে পারেন।

—তা আর বলতে, দোকানের চুরি, লক্সুতে আমাদের ভাগ-বাটরা, আমার গিন্নীর নাক-মুখের সঠিক বর্ণনা সবকিছুই বলে দিলেন। তুমিই বলো, এই জ্যোতিষ বিদ্যে কেউ অবিশ্বাস করতে পারে ?

সজ্জন হেসে বললে— আমার বিষয় উনি এক অদ্ভুত ভবিষ্যদ্বাণী করেছেন।

কর্নেল সজ্জনের কাঁধে হাক্কা ধাক্কা দিয়ে হেসে বললে— অদ্ভুত মানে? শালা, তোমার আর মহিপাল দুজনেরই বেশ দুর্গতি হওয়া চাই। তবেই তোমরা জুদ হবে।

—আচ্ছা, খুব প্রাণের এয়ার তুমি যা হোক, আমার নামে টি টি পড়ে যাবে আর উনি খুশী হবেন।

—বন্ধু বলে খারাপ কাজেও সাই দিতে হবে নাকি?

—তিনি সে কথা জোর দিয়ে বলেননি যে কোন খারাপ কাজে আমার নাম জড়িত হবে।

—হ্যাঁ, হ্যাঁ উনি তো বলছেন যে একবার মুখে চুনকালি মেখে তারপর তুমি প্রসিদ্ধ হয়ে দশজনের একজন হবে।

ফৌস করে নিশ্বাস ফেলে পকেট থেকে সিগারেট কেস বার করতে করতে সজ্জন বললে— কবি নরেন্দ্রর এক লাইন আজ বার বার মনে পড়ছে— ‘বন্ধ কলি সা রাজ’না তেরে খোলে সে খুল পায়েগা’। কর্নেলের দিকে সিগারেট কেস বাড়িয়ে নিজে একটা সিগারেট নিয়ে ঠেঁটের কোণে চেপে বললে— সেইজন্যে ঠিকুজি বিচার করানো আমি একেবারেই পছন্দ করি না। ভবিষ্যৎ অন্ধকারের গহ্বরে থাকাই ভালো।

সিগারেট জ্বালাবার জন্য একদিকে দুজনে দাঁড়িয়ে গেল। সিগারেট লাইটার পকেটে রেখে যেই দুজনে হাঁটতে আরম্ভ করবে এমন সময় সামনে থেকে কারুর বাড়ির চাকর যেতে যেতে তাদের দেখে থমকে দাঁড়াল— বাবুজী, এ গলিতে ডাক্তার সাহেবের বাড়ি কোনটা?

—কোন্ ডাক্তার? উৎসুক হয়ে কর্নেল জিজ্ঞেস করলে।

—সায়েব, তিনি দই বিক্রি করেন।

উত্তর শুনে কর্নেল আর সজ্জন প্রথমটা চমকে উঠল। পরমুহূর্তেই রাগে তার গা জ্বলে গেল, মামুলী একটা চাকর তার সঙ্গে ঠাট্টা-তামাশা জুড়ে দিয়েছে— বেআদপ কোথাকার, ইয়ারকি করার জায়গা পেলেন না?

—না হুজুর— সে নিজের দুই কান মলে হাত জোড় করে বললে— আমার মাথাই ভেঁ হয়ে গেছে হুজুর, মালিক বললেন— যা ছুটে গিয়ে ডাক্তারের দোকান থেকে দই কিনে আন। আমার কোনো...

—তোমার মালিক আচ্ছা আহম্মক লোক তো, ডাক্তারের দোকানে আজ পর্যন্ত দই দুধ বিক্রি হয়েছে কখনো? কর্নেল এগিয়ে চলল।

এক লালাজীর কানে কথা যেতেই তিনি চাকরকে আঙুলের সংকেতে ডাকলেন, ডাক্তার ময়রার দোকান জিজ্ঞেস করছ? ওই বাঁ দিকে চেয়ে দেখো— ওই দোকানটা।

চাকর হতভম্বের মত ডাইনে বাঁয়ে চারদিকে চোখ বোলাচ্ছে দেখে লালাজী বিরক্ত হয়ে বললেন— আরে বাবা, চোখের মাথা খেয়ে ওদিকে দেখো, রেশনের দোকানের পর খটিকদের দোকানের লাইন দেখা যাচ্ছে তার গায়েই দোকানটা এইখান থেকে দেখা যাচ্ছে।

কর্নেল আর সজ্জন এগিয়ে চলল। কর্নেল হেসে বললে— আচ্ছা মজার ব্যাপার দেখেছ? শালা ময়রার নাম ডাক্তার।

—যদি এক ওষুধ-বিক্রেতা কর্নেল হতে পারে তাহলে...

—আমি জানতুম তুমি ঠিক এই খোঁচা দেবে— কর্নেল লজ্জিত হয়ে গেল।

ময়রা অথচ ডাক্তার উপাধিতে ভূষিত ব্যক্তিকে দেখার জন্ত, সজ্জন দুপাশ গলির প্রত্যেকটা দোকান দেখতে দেখতে হাঁটছে। সরু গলিতে কুকুর, গোরু, আর মানুষের ভিড়ের মধ্যে সার্কাসের মত সাইকেল চালাবার চেষ্টা করছে।

শাস্ত্রীজীর গলির মত এই গলিটা রোদের নাগালের বাইরে নয়। বাঁদিকের আটার চাকিতে আপাদমস্তক আটার বর্ম পরা মজুরদের দেখে সজ্জনের মনে এক বিচিত্র অনুভূতি হল। ডানদিকে সরু মত গলি, তারপর দর্জির দোকান— মেশিনের ঘড়ঘড়, মুসলমান দর্জিরা দাড়িতে মেহেদির রঙ লাগিয়ে দরজার কপাটে ঠেমান দিয়ে সেলাই করছে, মাঝে মাঝে বিশ্রাম নেবার ছলে ছুঁকোতে টান দিয়ে নিচ্ছে। বড় দর্জির চেলি-চামুণ্ডারা কাটাকুটি করায় ব্যস্ত। দর্জির দোকানের পর এক বাড়ির দরজা, তারপর দর্জি, খটিক, মণিহার, বড়ি, তারপর বাড়ি। বাঁদিকে আটার চাকির পরেই মুদির দোকান— দামোদর, এক পোয়া বেসম দিয়ে তো। ছ আনার কিশমিশ, আরে আমার জিনিস তাড়াতাড়ি দাও, হ্যাঁ নিন মশাই, নিন বাবু, আরে ফিটকিরি বার করো ভেতর থেকে... ইত্যাদি আওয়াজের পরই রাজবড়ির সাইনবোর্ড ঝোলানো দোকান। রাজবড়ি মশাই পাগড়ি মাথায় দিয়ে রাস্তার দিকে চেয়ে রুগীর প্রতীক্ষায় গুম হয়ে বসে আছেন। তাঁর পাশেই খটিকদের দোকান, এক হিজড়ে, মেয়েদের সাজ করে পান সাজতে ব্যস্ত। এর পরেই বহুপ্রতিশ্রুত ডাক্তার ময়রার দোকান দেখা গেল। দোকান বেশ বড়, গদির ওপর ভূধরের চেয়ে বড় নাহুস বিরাট বপু, গায়ের

রঙ আলকাতারার চেয়ে এক পৌঁচ বেশী তো কম নয়, গোল গরম টুপি দিয়ে থ্রায় নাক-কান ঢাকা ডাক্তার ময়রা দাঁড়িপাল্লা হাতে নিয়ে জিলিপি ওজন করতে ব্যস্ত। তার হাবভাব দেখে সজ্জন কোতুহলের স্বরে কর্নেলকে বললে— ভাই এর দোকান থেকে নিশ্চয় কিছু কেনা উচিত। মানুষ তো নয় যেন খাসা জাপানী বোমা।

দোকানের সামনে উঁচু পেতলের তাকে মিষ্টির থালা সারি করে সাজানোর ব্যবস্থা আছে। শিব, হনুমান, গান্ধী, নেহরু, নেতাজী, শিবাজী আর রানা প্রতাপের ছবি দেয়ালে টাঙানো রয়েছে। শিবের ছবিতে ছোট একটি গাঁদা ফুলের মালা ঝুলছে। বাইরে পেতলের ছোটো ঘণ্টা ঝুলছে। সে সময় দোকানে ভিড় অল্প ছিল। কর্নেল বললে— জিলিপি নিয়ে চলো। নাক-কান ঢাকা গোল টুপির ছাঁদার মধ্যে থেকে ডাক্তার সায়েদের চ্যাপটা নাক উকি মারছে, ছোট ছোট মিটমিটে চোখে রূপোর ফ্রেমের চশমা ঝাঁটা, কাঁচাপাকা গৌফ আর মোটা মোটা ঠোঁটের আশেপাশে পানের পিক লেগে আছে। গ্রাহকের সংখ্যা বেশী নয় কিন্তু খুব চেষ্টামেচি আর হৈহল্লা হচ্ছে। ডাক্তারের হাত তার মুখের চেয়ে কম স্পীডে চলছে। সজ্জন তাকে জিলিপি আর আলু ভাজা অর্ডার দিল।

পেছনের গলির রোয়াকে বসে রোদে হাত-পা ছড়াতে ছড়াতে এক বুড়ো বক্‌বক্‌ করছে— আরে জোয়ান বয়সে সকলেই গৌফে তা দিয়ে কাটিয়ে দিতে পারে। শেষ বয়সে ধীরে ধীরে এক এক করে শরীরের সব ইন্দ্রিয়— দাঁত, কান, চোখ, হাত পা সব জবাব দিয়ে দিচ্ছে... হাতে পায়ে গাঁটে গাঁটে এমন ব্যথা, একটু নাড়লেই, উফ্‌ বাপ-চৌদ্দপুরুষের নাম মুখে এসে যায়... কেউ এক

গেলাস জল পর্যন্ত জিঞ্জের করে না, নিজেকেই গড়িয়ে নিতে হয়। এই বয়সটা পার করা সত্যিই বীরোচিত কাজ, যার-তার কর্ম নয় ভাই, বুঝেছ? আমার তিরানকুই বছর বয়স, যম শালা আমার নামের কাগজটা হারিয়ে বসে আছে...

তাদের কথোপকথন শুনে সজ্জনের মনে হল, হয়তো সেও একদিন এদের মত বুড়িয়ে যাবে... সত্যি জীবনের শেষ ক'টা দিন কাটাতে বেশ বুকের পাটার দরকার হয়।

—আরোঁ বাঁবু সৈঁদিনের রাঁবড়িঁর হুঁআনা দিঁয়ে গেঁলে নাঁ?

সজ্জনের দিকে ইশারা করে কর্নেল ডাক্তারকে জিঞ্জের করলে—  
কাকে বলছেন? একে?

সজ্জন চমকে উঠে এদিক-ওদিক তাকিয়ে বললে— আমি—  
আমি আপনার দোকানে এর আগে কখনো পা দিইনি।

—বাঁঃ তুঁমি সৈঁদিন রাঁবড়ি নিঁয়ে গেলেঁ— এই পঁরশু দিঁনেরইঁ কঁথা— এঁ ভাবঁবেন নাঁ যেঁ ডাঁক্তারের কিঁছু মঁনে থাঁকে নাঁ।

হঠাৎ এ ধরনের মিথ্যা অপবাদ শুনে সজ্জনের মুখ রাগে লাল হয়ে উঠল। দোকানের পাশেই ফর্সা চেহারার এক লালাজী ডাক্তারের মত হাক্কা তুলোর টুপি মাথায় দিয়ে পান চিবুচ্ছিলেন। সজ্জনের মত 'ভজলোকে'র অবস্থা বুঝতে পেরে তাড়াতাড়ি তিনি ডাক্তারকে এক ধমক দিয়ে বললেন— তোমার মতিভ্রম হয়েছে? বাহাত্তুরে পড়লে নাকি? আফিংয়ের নেশায় মানুষ চিনতে পারো না?

সজ্জন তার দিকে চেয়ে সাফাই জানানোর স্বরে বললে— দেখুন আমি আজ প্রথম বার এখানে এসেছি।

—প্রথম বাঁর? তুঁমি রোঁজ ধাঁরে জিঁনিস নিঁয়ে যাঁও নাঁ?



কর্নেল হেসে ফেললে— আরে ভাই, তোমার চিনতে ভুল হয়ে গেছে ডাক্তার, এঁর শিরায় শিরায় পুডিং প্রবাহিত হচ্ছে, তোমার ওই রাবড়ি ইনি খান না বুঝলে ?

চাকর গরম গরম জিলিপির থালা ডাক্তারের কাছে রাখতে রাখতে বললে— মিছিমিছি আপনি মুখ খারাপ করছেন, এ সেই ভদ্রলোক নয় ।

ঝটকা মেরে ডাক্তার নিজের চাকরের ওপর গরম হয়ে চেষ্টা করে— আমাকে বোঁকা বাঁনাচ্ছে বাঁটাচ্ছেঁলে, ইনি বাঁমা বাঁবুর ছেঁলে নয় ?

লালাজী দমকা হাসিতে ফেটে পড়লেন— আরে ভাই ডাক্তার, এবার ইটের চশমা তৈরি করাও । কাঁচের চশমায় তোমার মত আফিংখোরের কাজ চলা মুশকিল ।

তারপর হেসে কর্নেলের দিকে তাকিয়ে বললেন— সব সময় এঁর একই অবস্থা, রাত্তির বেলা আফিংয়ের ঝোঁকে কারুকে জিনিস কম আর কারুকে বেশী ওজন করে দিয়ে থাকেন । রাত্তিরে একজনকে ধারে জিনিস দিয়ে পরের দিন সকালে অণ্ডকে পাকড়াও করেন । রোজের এই কচকচানি লেগেই আছে এই দোকানে । ডাক্তার মশাইয়ের জুড়ি সারা শহরে আর দ্বিতীয়টি নেই ।

এগিয়ে যেতে যেতে সজ্জন কর্নেলকে বললে— এখন সত্যিই দুঃখ হয় যে জীবনের অনেকটা সময় বৃথাই বেঁচিয়ে গেল । বাস্তব জীবনের নায়ক-নায়িকারা এই অলি-গলির মধ্যেই আছে, বিভিন্ন ধারায় প্রবাহিত জীবনের চিত্র এইখানেই এসে দেখতে পাওয়া যায় ।

—হ্যাঁ, হ্যাঁ, আমার সামনে বেশী লম্বা লম্বা বুলি কপচাবার

দরকার নেই। শালা পৃথিবীশুদ্ধ নোংরামি এখানে আর তুমি বাস্তব জীবনের চরিত্র খুঁজে বেড়াচ্ছ।

কর্নেলের কথা সজ্জনের গায়ে লাগল কিন্তু সত্য বড়ই কটু, তাই সে নিরুত্তর রইল।

হাঁটতে হাঁটতে কর্নেল বললে— ব্যাটা মহিপালের খোঁজখবর নেই, পরশু ছপুর্নে আমার সঙ্গে দেখা হয়েছিল। পরশু রাত্রিতে চাটুর উন্টে পিঠের সঙ্গে আমার বাড়ি এসেছিল।

—হ্যাঁ, হ্যাঁ, সেটা আমি জানি। শুক্লাজী মহারাজ ক্রিসমাসের উৎসবে চোখে কানে আর কিছু দেখতে পাচ্ছেন না। সকালে তাই বেশ দেরীতে বিহানা ছাড়েন।

—ঘুমুতে দাও বেচারাকে, নিজাদেবীর কোলে অনেক দুঃখী চোখ বুজে কিছুক্ষণের জন্য আরাম পায়। আজকাল মহিপালের মন মেজাজ ভালো নেই।

সজ্জনের গলির রোয়াকে আসর বেশ জমে উঠেছে। আজ মঙ্গলবার তাই বসন্ত মালী ফুল বেলপাতা নিয়ে বসে আছে আর তার কাছেই পণ্ডিত মহিপাল শুক্লা, বাবু হয়ে বসে গল্পে মেতে আছেন। দুজনকে সামনে দিয়ে আসতে দেখে বাবু ছেদালালজী চৈচিয়ে ডাক দিলেন— ‘আশুন আশুন, আমাদের মৌভাগ্য, এবার ভালো করে বসা যাক।

সজ্জন সকলকে নমস্কার করলে। কর্নেল হাসতে হাসতে গুলাবচন্দের পিঠের কাছে দাঁড়িয়ে তার মাথায় এক হান্কা টাটি মেরে বললে— বলুন বড়বাবু, আপনাদের খবর সব ভালো? সজ্জন, তুমি বোধহয় জানো না যে গুলাবের সঙ্গে আমার গালাগালির আত্মীয়তা আছে। গুলাবচন্দ কিছু জবাব দেবার

আগেই লাল। মুকুন্দীমল হাঁকোর নল ছেড়ে দিয়ে বললেন—  
আরে ভাই নগীনচন্দ !

—আজ্ঞে ।

বাবু রাধেশ্যামের সংকেত পেয়ে ছেদালাল বাড়ির ভেতর থেকে  
ছুটো চেয়ার আনার জন্তে হাঁক দিলেন ।

লালা কর্নেলকে জিজ্ঞেস করলে— বিজয়লক্ষী পণ্ডিতের অভিনন্দন  
সমারোহে স্টেশনে যাওনি ? তুমি তো কংগ্রেসের একজন মস্ত  
ভক্ত না ?

—হ্যাঁ লালাজী, যাব ভেবেছিলাম তারপর ভাবলুম জনসংঘের  
দিক থেকে এমন নামকরা মহিলা কেউ আসবে না । আমরা  
সেখানে গেলে আপনারা মুখ ভেঙাতেন, তাই ভেবেচিন্তে যাওয়া  
ক্যান্সেল করে দিলুম ।

সজ্জন মহাবীরের মন্দিরের দেয়ালে ঠেসান দিয়ে মহিপালের  
কাছ ঘেঁষে বসে পড়ল । মহিপাল মূহু স্বরে তার দিকে ঝুঁকে  
জিজ্ঞেস করলে— হাতে কি ?

—জিলিপি । কাল বিকেলে শীলার ওখানে গিয়েছিলে ?

মহিপাল ঘাড় নেড়ে সাই দিলে । দুজনে চোখাচুখি হতেই  
সে মুচকি হাসল । লাল। মুকুন্দীমল কর্নেলের ঠাট্টার উত্তর দিতে  
দিতে বললেন— আরে আমরা কেন কিছু মনে করতে যাব ?  
জনসংঘ নয় কিন্তু এই পাড়াতেই কমুনিষ্টদের মধ্যে ওই ধরনের  
মহিলা এগিয়ে আসছেন, তিনি আজকাল পাড়ার মাতব্বর হয়েছেন ।  
নিজের বাড়িতেই পার্টির লোকেদের নেত্র্য আরম্ভ করিয়ে  
দিয়েছেন । সাপের পাঁচ পা দেখেছেন ।

সজ্জনের টনক নড়ল । লাল। মুকুন্দীমল বাবু ছেদালালের দিকে

চেয়ে বললেন— আরে ভাই, সেই রহস্য উদ্ঘাটনের কাগজ যে  
বিলি হচ্ছিল, সেটা কোথায় ?

কর্নেল উৎসুক হয়ে জিজ্ঞেস করলে— কম্যানিস্টদের কোন  
হ্যাণ্ডবিল না কি ?

ছেদালাল পকেট থেকে কাগজ বার করলেন। বাবু রাধেশ্যাম  
মাথা নেড়ে বললেন— ভাই সে আর বলতে, নির্ঘাত  
শালিগরামের বদনাইসি, ইলেকশনের চক্রে অপরাধীকে ছাড়িয়ে  
নিরপরাধীকে...

—এ আপনার কেমন ধারা কথা হল ? প্রাণ বেরুবার আগে  
সে নিজের স্টেটমেন্ট দিয়ে গেছে— কাগজের ভাঁজ খুলতে খুলতে  
ছেদালাল তাঁর মতামত প্রকাশ করলেন।

—স্টেটমেন্ট না মাথা আর নুড়।

ছেদালালের চাকর অন্দরমহল থেকে ছোটো কোল্ডিং চেয়ার  
নিয়ে এল। লাল মুকুন্দীমলের আর তর সইছে না, তিনি সকলের  
মুখের কথা কেড়ে নিয়ে বললেন— আরে ভাই, আগে শুনতে দাও,  
গুলাবচন্দ, তুমি একটু ভালো করে পড়ে শোনাও দেখি।

গুলাবচন্দ শশব্যস্ত হয়ে বললেন— পণ্ডিতজীকে দাও, ইনি এত  
বড় নামী লেখক তাঁর সামনে আমি...

—হ্যাঁ, হ্যাঁ, মহিপাল তুমিই শোনাও— চেয়ার টানতে টানতে  
কর্নেল উৎসুক হয়ে বললে।

লালা মুকুন্দীমল তাঁর বাড়ির দিকে মুখ করে চেষ্টা করলেন— আরে  
ভগোতিয়া, পান দিয়ে যা চটপট... হ্যাঁ পণ্ডিতজী মহারাজ, তাহলে  
শোনান।

মহিপাল পড়তে লাগল : “ ‘রহস্য উদ্ঘাটন’— রানী এজেন্টদের

জঘন্য কার্যকলাপ। কম্যুনিষ্টদের থেকে সাবধান থাকুন। গত রবিবার ২৩শে ডিসেম্বর কম্পনীবাগানের কাছে বাদশাহী নালায় এক সচোজাত শিশুর লাশ কুকুরে আর শেয়ালে নিয়ে টানাটানি করছিল। এ-খবর পাড়ার সকলেই জানে। এ বিষয়ে বিন্দুমাত্র সন্দেহ নেই যে আমাদের সরকারের কর্তব্যপরায়ণ পুলিশ তৎপরতার সঙ্গে এই অমানুষিক হত্যার খোঁজ করেছে। আমাদের পাড়ার যোগ্য এবং সুপরিচিত অধ্যাপক বাবু জগদম্বা প্রসাদ সহায়ের বিধবা ভাইপোবো (যে আত্মহত্যা করেছে) যশোদা দেবী এ পাপ করেছিলেন। এই কলঙ্ক কাহিনীর সঙ্গে পূজনীয় জগদম্বা প্রসাদজীর নাম যেভাবে জড়িত হয়ে পড়েছে, তাতে মনে হয় জনতার মধ্যে এ বিষয় যথেষ্ট ভুল ধারণার সৃষ্টি হয়েছে।

“আমাদের দেবতুল্য বাবু জগদম্বা সহায়জীর নামের সঙ্গে হয়তো এ কলঙ্ক চিরদিনের জন্য জড়িয়ে যেত, যদি আমাদের শহরের রত্ন ও লোকসেবক বাবু শালিগরামজী তাঁর তীক্ষ্ণ বুদ্ধির পরিচয় সময়মত না দিতেন। পুলিশের কর্মকর্তারা আমাদের প্রশংসার পাত্র। আপনারা জানেন আসল অপরাধী কে? কে সে নীচ অধম ব্যক্তি, যার ছুটি অপরাধের জন্য আমাদের ধর্মপরায়ণ জনতা আজ ক্ষুব্ধ। এ বিষয় আমরা নিজেদের মতামত না দিয়ে স্বর্গীয়া যশোদা দেবীর মৃত্যুর পূর্বের স্টেটমেন্ট প্রকাশিত করছি। যন্ত্রণায় ছটফট করতে করতে অশ্রুটস্বরে তিনি পুলিশকে বলেছিলেন ‘ভল্লেবাবু আর আমার ননদ, দুজনেই কম্যুনিষ্ট পার্টির (দেশদ্রোহী পার্টি) সদস্য। আমার ননদের সঙ্গে ভল্লেবাবুর বন্ধুত্ব ছিল। তিনি আমাদের বাড়ি প্রায়ই আসতেন। একদিন তিনি আর আমার ননদ বনকণ্ঠা, দুজনে মিলে আমাকে তাদের জালে ফাঁসিয়ে দিল।

নানারকম ছমকির ভয়ে আমি সম্পূর্ণভাবে তাদের কথামত চলতে বাধ্য হলাম। যেদিন আমি অন্তঃসত্ত্বা হলাম, বাড়ির সকলেই লোকলজ্জার ভয়ে চুপ মেরে গেলেন। কাল বিকেলে আমার পাপের পুঁটুলি ভূমিষ্ঠ হবার সঙ্গেই দেবতুল্য খুড়শস্তুর ভল্লেবাবুকে ডেকে পাঠালেন। যখন ভল্লেবাবুকে ছেলে নিয়ে যাবার কথা বলা হল, তিনি তাকে হত্যা করে ফেললেন। আমি লজ্জায় মুখ না দেখাতে পেরে প্রাণ দিচ্ছি।’

এক অবসার করুণ কান্না শোনার পর আমাদের গায়প্রিয় জনতার কি মনোভাব? এই কম্যুনিষ্ট পার্টির সদস্যরা বিদেশী সভ্যতার আবহাওয়ায় মানুষ, এরা ভগবান, ধর্মকর্ম পাপপুণ্য, বিবেক কিছুর ধার ধারে না। এরা নিজেদের স্বার্থসিদ্ধির জন্য নীচ কাজ করতেও পেছপা হয় না। আপনারা মনে করবেন না যে এ হ্যাণ্ডবিল আমাদের দিক থেকে ইলেকশনের সময়ের স্টান্ট হিসেবে ছাপা হয়েছে। এটা আমাদের জনপ্রিয় দেশনেতা বাবু শালিগরামের অন্তরের ব্যথা, আমরা প্রত্যেকের মনে সহানুভূতি জাগিয়ে তুলতে চাই। যেদিন থেকে পাড়ায় এই ঘটনা ঘটেছে সেদিন থেকে বাবু শালিগরামজী অষ্টপ্রহর শোকমাগরে ডুবে আছেন। তিনি কঠোর প্রতিজ্ঞা করেছেন যে, নিজের পাড়ায় দ্বিতীয়বার 1942 সালের বিদ্রোহের পুনরাবৃত্তি কিছুতেই হতে দেবেন না। জনতার কাছে আমাদের একমাত্র প্রার্থনা যে এ বিষয় আমাদের প্রিয় নেতার হাত মজবুত করুন, তাঁকে আপনারদের সমর্থন জানান।”

মহিপাল আবার কাগজ ভাঁজ করলে। এই লম্বাচওড়া বর্ণনার মধ্যে একটি ছোট কথার সজ্জনের মনে আঁচড় কেটে গেল—

জগদম্বাসহায়ের মেয়ের নাম বনকণ্ঠা। মিস বনকণ্ঠা সেদিন বলেছিল, হত্যা আমার বাবা করেছেন, আমি সব জানি, আমি সবকিছু ফাঁস করে ছাড়ব। বনকণ্ঠার সেই রাগে রক্তিম ফর্সা সুন্দর মুখখানি বার বার সজ্জনের চোখের সামনে ভেসে উঠছে। এই হ্যাণ্ডবিলে সত্যিই যথেষ্ট নোংরামির পরিচয় দেওয়া হয়েছে। সব মিথ্যে, সব মনগড়া।

—এ একেবারে নিছক মিথ্যে কথা, টপ করে সজ্জন তার মতামতটা বলে ফেললে। বাবু ছেদালাল মহিপালের কাছ থেকে মোড়া কাগজটা নিয়ে পকেটে রাখলেন। সজ্জনের মুখের ভাব বাবু ছেদালালের সঙ্কানী চোখ এড়াতে পারল না। লাল মুকুন্দীমলের গুড়গুড় বন্ধ হয়ে গেল। বাবু গুলাবচন্দ বললেন—‘যাক্ এ বিষয় কোন সন্দেহ নেই যে’...

—হ্যাঁ, আমি নিজে জগদম্বা মশাইয়ের বাড়ি গিয়েছিলুম। সাব-ইন্সপেক্টর শুক্লা আমাকে সব বিস্তারিতভাবে বুঝিয়ে বলেছে। আর-একটা ভাববার কথা যে সাড়ে এগারোটা পর্যন্ত যশোদাদেবী বেহঁশ ছিলেন, ডাক্তার জবাব দিয়ে দিয়েছিল। সত্যি কথা বলতে ডাইং ডিক্লারেশনের জন্য শুক্লা তখন বেশ চিন্তিত ছিল।

লাল মুকুন্দীমল বিজ্ঞের মত চোখ নাচিয়ে বললেন— হ্যাঁ, কিছুটা মিথ্যে হতে পারে, তবে যা রটে তা কিছু তো বটে। আজকাল ইলেকশনের সময়টাই এমন যে কোন পার্টির বিরুদ্ধে মিথ্যে প্রচার করা কিছু আশ্চর্য নয়। তবে এ কাজ যে কম্যুনিষ্টদের নয়, এর কোন প্রমাণ আছে?

বাবু রাধেশ্যাম চটে উঠে বললেন, মশাই, আপনারা কম্যুনিষ্টদের বদনাম করছেন কেন? জগদম্বা সহায়ককে না চেনে এমন লোক

আছে ? মহা ছোটলোক— তাকে দেবতুল্য মানুষ বানাতে চাওয়া হয়েছে আর শালিগরামের প্রশংসা করা হয়েছে ।

কর্নেল মেজাজ ঠাণ্ডা করার জন্য বলল— আরে আপনি পলিসিটা বুঝলেন না ? ভল্লেবাবুর হাতে প্রায় দু হাজার ভোট— মেথর চানার আর রিক্‌শাওয়ালাদের ইউনিয়নের । শালিগরাম এমন সুবর্ণ সুযোগ হাত থেকে ফস্কে দিতে পারে ? হ্যাণ্ডবিল ছাপিয়ে কমুনিষ্টদের ভোট নষ্ট করবার এটা একটা ছুতো ছাড়া কিছু নয় ।

—আপনার কথা একদম টু দি পয়েন্ট কর্নেল, তবে এই হান্ডামার পর অনেক ভোট কেটে যাবে— দুদিন পরেই দেখতে পাবেন । বলে ছেদালাল সিগারেটের ছাই ঝেড়ে নিলেন ।

মুকুন্দীলাল হঠাৎ যেন দিব্যদৃষ্টি পেয়েছেন— হ্যাঁ, হ্যাঁ, ঠিক কথা, আমার মনে হয় এসব ভোট এবারে জনসংঘই পাবে ।

কর্নেল তার নিজস্ব মন্তব্য প্রকাশ করলে— এ আপনার ভুল ধারণা । মেথর আর রিক্‌শাচালকের মধ্যে অনেক মুসলমান আছে তারা কোনদিনই জনসংঘকে ভোট দেবে না । ঘোলো আনা সত্যি কথা আপনি টুকে রাখুন যে ভোট কমুনিষ্টদের ছিল, এখন হয়তো কংগ্রেস তা পেতে পারে ।

— এবার আমি কিছু...

বাবু, গুলাবচন্দ্রের মুখের কথা কেড়ে নিয়ে মহিপাল বললে— আমরা যাই কিচিরমিচির করি-না কেন, এসব দু-চারদিনের ছল্লোড় ছাড়া কিছুই নয় । কিন্তু এ ছল্লোড়ের মধ্যে সমাজের এত বড় জঘন্য পাপ যদি ঢাকা পড়ে যায়, সেটা কি আপনারা সহ্য করবেন ? ইতিমধ্যে পানের রেকাবি এসে গেল । সকলে এক এক খিলি



মুখে দিয়ে রেকাবি সরিয়ে দিলে। মুকুন্দীমল পান গালে দিয়ে বললেন— ভাই পণ্ডিতজী, এ কেমন ধারা কথা হল? এ সংসারে তো এসব চলছেই। এমন ঘটনা এই প্রথম শুনলে না কি? আমি এসব দেখতে দেখতে বড়ো হয়ে মরতে বসেছি।

—কত আর শুনবেন? যতদিন না সমাজ থেকে এই পাপ নির্মূল হবে ততদিন পর্যন্ত এ ইলেকশন আর রাজনীতি ভাঁওতা ছাড়া কিছুই নয়।

—হ্যাঁ, একেবারে মগের মূলক আর কি? যার গায়ে শক্তি আছে তার সাত খুন মাপ। এসব ভগবানের লীলাখেলা চিরদিন চলছে আর চলবে। যে-কোন পার্টি আশুক, পাপপুণ্যর ব্যাখ্যা আর প্রজার চরিত্র বদলাবে না। এদেশে রাম আর কৃষ্ণর মত অবতার জন্মালেন তবু এ সমাজে কোন পরিবর্তন হল না— আর আশাও নেই।

—বলো মহাবীরের জয়, বলো বজ্রঙ্গবলির জয়, প্রভু কৃপা করো— বলতে বলতে শীতে ঠক ঠক করে কাঁপতে কাঁপতে কেবল ধৃতিকে কোনমতে আঁট করে কোপীনের মত জড়িয়ে পৈতেতে চাবির গোছা কাঁধে ঝুলিয়ে এক ভক্ত এসে হাজির হলেন। হাড়-কাঁপুনে শীতে জড়সড় হয়ে ভক্ত মহারাজ বিশেষ ভঙ্গিতে বুক পিঠ আর ঘাড়কে টান দিয়ে সোজা করার চেষ্টা করে জয়ধ্বনি দিলেন।

বাবু রাধেশ্যাম ভক্তির উত্তেজনায় গদগদ হয়ে একটা পান মুখে ফেলে আর-একটা ওঠাতে ওঠাতে বললেন— পরিবর্তন আসবে বাবা, নিশ্চয় আসবে। এবার কম্যুনিষ্টরা এসে প্রতাপ দেখাবে, আর বড়লোকদের দিন ঘনিয়ে এল বলে।

বাবু রাধেশ্যামের কথা শুনে গুলাবচন্দ হেসে ফেললেন।

—সারাদিন তুমি কমরেড স্টালিন হবার স্বপ্ন দেখছ। কথায় আছে অতি বাড় বেড়ো না ঝড়েতে পড়িব, ছেলেমেয়ে, ঘরসংসার আর চাকরী-বাকরীরা দিকে মন দাও ভাই, এটা কংগ্রেসের রাজত্ব বুঝলে ?

—রাজত্ব যারই হোক, তাতে কার কি এসে যায় ? জ্বালায় জ্বলেপুড়ে মরলে আপনা থেকেই মুখ খোলে—মহিপাল বললে—আমি নিজে কম্যুনিষ্ট নয় কিন্তু বিশ্বাস করুন, যখন শুনি রাশিয়াতে বেকারি নেই, সকলে পেটভরে দুবেলা খেতে পায়, তখুনি আমার মনে হয় ভারতে কম্যুনিজম আসুক।

ঠিক সেই সময় পেছনের গলি থেকে একটি মহিলা প্রায় ছুটতে ছুটতে এলো। বয়স আঠাশ থেকে ত্রিশের মধ্যে, বড় বড় পটল-চেরা চোখ, রঙ শ্যামবর্ণ, টিকল নাক মুখ, বেশ মিষ্টি চেহারা। গলিতে আওয়াজ শোনা যাচ্ছে ধর, ধর—মহিলাটি ততক্ষণে লাল মুকুন্দীলালের কাছে এসে দাঁড়িয়ে হাঁপাচ্ছে। লালাজীর চোখ-কান-ঢাকা টুপি, মোটা চশমার ফ্রেম আর সাদা গৌফ সবেতে যেন একসঙ্গে টান ধরল। মহিলাটি সোজা তাঁর মুখে থু থু করে থুথু ফেলে অণু দিকে ঘাড় ফেরাতেই যে যার সরে পড়ার তালে হড়বড় করে পালানো আরম্ভ করে দিয়েছে। সজ্জন রোয়াক থেকে নীচে নেমে তার দিকে এগিয়ে গেল। প্রায় আশী বছরের ধনী মানী বৃদ্ধ লাল মুকুন্দীমলের আত্মমর্যাদা আজ বিপন্ন। তাড়াতাড়ি স্কাফ দিয়ে মুখ পরিষ্কার করার টাল সামলাতে না পেরে হুকো মাটিতে ধরাশায়ী হয়ে পড়ল।

সজ্জনকে দেখেই মহিলাটি তার দিকে ভালো করে তাকাল। গলিতে নানারকম আওয়াজের সঙ্গে ছোট্টাছুটির আওয়াজ কাছেই

শোনা যাচ্ছে। প্রায় সত্তর বছরের সম্ভ্রান্ত বৃদ্ধ দৌড়তে দৌড়তে চোঁচাচ্ছেন— ‘ধর মাই ডিয়র— ধর, থ্যাঙ্ক ইউ, থ্যাঙ্ক ইউ।’

—মাই ডিয়র— বলে মহিলাটি সজ্জনের সঙ্গে হাতাহাতি করার চেষ্টা করতেই সে তাড়াতাড়ি তার কজি চেপে ধরে এক ধমক দিয়ে উঠল, খবরদার।

—আর কখনো এমন কাজ করব না, কখনো থুথু ফেলব না, এবারটি মাপ করুন, প্লীজ আমাকে ছেড়ে দিন, মারবেন না।

বৃদ্ধ ততক্ষণে কাছে এসে দাঁড়িয়ে হাঁপাচ্ছেন। কর্নেল আর গুলাবচন্দ মন্দিরের গা ঘেঁষে দাঁড়িয়ে, ছেদালাল আর রাধেশ্যাম রোয়াকে বাড়ির দেয়াল ঘেঁষে দাঁড়িয়ে, আর মহিপাল তাদের পাশেই বসে আছে। বসন্ত মালী প্রসাদের পেঁড়া আর ফুল-মালা দুহাত দিয়ে ঢেকে হাঁটু গেড়ে ভয়ে সিটিয়ে কোলাব্যাণ্ডের মত উবু হয়ে বসে আছে। বৃদ্ধ ভদ্রলোককে দেখে মুকুন্দীমল বললেন— উকিল মশাই— ইনি— আপনার সেই পাগলি?

—মশাই আপনি আমার ফাদার, ব্রাদার সবকিছু— সজ্জনের হাত থেকে নিজের হাত ছাড়াবার চেষ্টা করতে করতে করুণ সুরে মহিলাটি বললে— আমাকে আমার রাজেশের কাছে নিয়ে চলুন। রাজেশ আমার প্রিয় রাজেশ। আমার জীবনের ধন— হায়— আমার সবকিছু পুড়ে শেষ হয়ে গেল— এখানে, হ্যাঁ দেখুন, বৃকে আগুন জ্বলছে— আমার হাত ছেড়ে দিন— আমি আপনাকে দেখাব কোথায় জ্বলছে— ধু ধু করে শ্মশানের আগুন।

—আচ্ছা, আচ্ছা— এবার বাড়ি ফিরে চলো মা। শ্বশুর উকিল মশাই মিনতির স্বরে বললেন— বাড়ি চলো, নিজের জামাকাপড় নিয়ে তবে তো রাজেশের কাছে যাবে।

—না, আমি যাব, আমার স্বামী ক্যাপ্টেন। তিনি আমাকে শাডি দেবেন, তার সঙ্গে মোটরে বসে ঘুরে বেড়াব। আমি গিয়ে রাজেশের গলা জড়িয়ে ধরে বলব—মহিলাটি সজ্জনের গলা জড়াবার চেষ্টা করতেই সে এক ঝাঁকুনি দিয়ে তার হাত ছাড়িয়ে দিয়ে বললে—‘বাড়ি চলুন’।

—না, আমাকে সেখানে নিয়ে যাবেন না—আপনি ভদ্রলোক, আমাকে সাহায্য করুন। সেখানে গোপু আছে সে নিজের স্ত্রীকে বুক জড়িয়ে আদর করে। আমাকে এরা পায়খানায় বন্ধ করে রাখে। এই বুড়ো শ্বশুর আর শাশুড়ী আমায় মেয়ের মত স্নেহ করে অথচ এদের শরীরে এতটুকু দয়ামায়া বলে কিছু নেই। রাত্তির বেলা দুই বুড়ো বুড়িতে...

সজ্জন ঠাস করে মহিলার গালে কষে এক চড় বসিয়ে দিলে, সে ভয়ে কাঁচুমাচু হয়ে গেল। নিজেকে সামলে নিয়ে সজ্জন উকিল মশাইয়ের দিকে তাকিয়ে বললে—আমাকে মাফ করবেন।

—না বাবা না। উপকৃত স্বরে উকিল মশাই কৃতজ্ঞতা জানালেন।

—বাড়ি চলুন, সজ্জনের কথামত মহিলা ফোঁপাতে ফোঁপাতে আর বিড়বিড় করতে করতে বাড়ির দিকে পা বাড়াল। উকিল মশাই কোন দিকে না তাকিয়ে চুপচাপ ক্রান্তভাবে পেছনে পেছনে হাঁটতে লাগলেন।

—আমি তোমার সঙ্গে যাব? বর্নেল সজ্জনকে জিজ্ঞেস করলে।

—না, না, এখুনি এলুম বলে—সজ্জন মহিলাকে বাড়ি পর্যন্ত পৌঁছে দিতে গেল।

## বারো

ফিরে এসে খালি রোয়াকের দিকে তাকিয়ে সজ্জন তার ছোট্ট ঘরের দিকে পা বাড়াল। দূর থেকেই তার ঘরের হাট করে খোলা দরজা দেখা যাচ্ছে। দৈনন্দিন অভ্যাস অনুযায়ী ঘরে ঢুকতেই মহিপাল আর কর্নেলের জায়গায় একা বনকন্তাকে বসে থাকতে দেখে তার নিরানন্দ মনে হঠাৎ আনন্দের সঞ্চার হল। বনকন্তা চেয়ারে বসে ‘দি স্টোরী অফ পেন্টিং’-এর পাতা ওলটাচ্ছে। টেবিলের এক কোণে জিলিপির ঠোঙা রাখা আছে। মনের উপচে পড়া খুশীর জোয়ারের বেগ কোনমতে সামলে নিয়ে, সে বিনয়ের অবতার হয়ে তাড়াতাড়ি হাত জোড় করল। প্রতি-নমস্কার করে বনকন্তা মুচকি হেসে বললে— সেদিন হঠাৎ আপনি আমাদের বাড়ি এসে...

—তাই বুঝি আজ আপনি সারপ্রাইজ ভিজিট দিতে এসেছেন? আমার দুই আহাম্মক বন্ধুদের দেখতে পাচ্ছি না, তারা কোথায় ডুব দিল?

হায় রে, বিচিত্র মানুষের মনের গতি, হঠাৎ দু মিনিটের পরিচয় আর চোখের ভালো লাগার গাঢ় রঙের সামনে, অন্তরঙ্গ বন্ধুত্বের রঙ নিমেষে ফিকে হয়ে গেছে। তাদের বরাত জোর বলতে হবে যে আজ তারা কেবল ‘আহাম্মক’ হয়েই ছাড়ান পেয়ে গেছে।

—হ্যাঁ, মহিপালবাবুর সঙ্গে আমার পরিচয় আছে। আমি যখন ঘরে ঢুকেছিলুম তখন আপনার দ্বিতীয় বন্ধুটি এখানেই ছিলেন।

—কোথায় গেল? আপনাকে কিছু বলে গেছে? আঙুল দিয়ে টেবিলের দিকে সংকেত করে বনকণ্ঠা বললে— কিছু লিখে রেখে গেছেন বোধহয় ওখানে।

বসে আট সোসাইটির নিমন্ত্রণপত্রের খামের ওপরে মহিপাল লিখে রেখে গেছে— তোমার জীবনে, আজকের দিন চিরস্মরণীয় হয়ে থাক। তোমাদের এ মিলন মঙ্গলময় হোক।

পড়ার সঙ্গে সঙ্গেই সজ্জনের শিরা-উপশিরায় আনন্দের বিদ্যুৎ খেলে গেল। আনন্দের আতিশয্যে অস্ফুট স্বরে বন্ধুদের ‘শালা বদমাইস’ নামে সম্বোধন করলে।

খাম ছিড়ে ভেতরে নিমন্ত্রণ পত্রের উন্টো পিঠে মহিপালের হাতের লেখা— তোমার ঘরে জিলিপি দেখে জিভে জল আসছিল কিন্তু নিরাশ হয়ে চলে যেতে হচ্ছে। তোমার ডায়ারির পাতায় পাতায় আমার জিলিপি ত্যাগের কথা স্বর্ণাক্ষরে লিখে রেখো। ক্রিসমাসের উপহার দিয়ে গেলাম— একাকী তুমি আর তোমার... চিরকৃতজ্ঞ হয়ে থাকবে তো? আমরা প্রার্থনা করছি ভগবান তোমাকে সুবুদ্ধি দিন।

নীচে কর্নেল লিখে গিয়েছে ‘ব্যাটা, কম্যুনিষ্ট হয়ে যেয়ো না যেন।’

ফর্সা, টিকল নাক, স্ত্রী বনকণ্ঠার ব্যক্তিত্বের আকর্ষণ সজ্জনকে এতই প্রভাবিত করে ফেলেছে যে তার চোখেমুখে আনন্দ উপচে পড়ছে। সে লজ্জিতভাবে বললে— আমার এই দুই বাহন এক নম্বরের গাধা, কেবল যাচ্ছি লেখার মানে? কোথায় যাচ্ছে;

কখন দেখা হবে সব-কিছু লেখা উচিত ছিল। আজকের ক্রিসমাস ডে মাটি করে দিলে।... বলতে বলতে সজ্জন বনকন্ঠার কাছেই পাশ বালিশটায় ঠেসান দিয়ে বসে পড়ল। বনকন্ঠা বললে— আপনার দ্বিতীয় বন্ধু মহিপালবাবুকে টানতে টানতে নিয়ে গেলেন। উনি থাকলে আমার ভালোই লাগত। প্রেমিকের ঠুনকো সন্দিগ্ধ মন কঁাসার বাসনের মত ঝনঝনিয়ে বেজে উঠল, হঠাৎ তেঁতো হয়ে যাওয়া মুখের স্বাদকে ঠিক করে নিয়ে সজ্জন জিজ্ঞেস করলে— কেন? মহিপালের সঙ্গে কোন বিশেষ দরকার ছিল না কি?

—না, তিনি আমার প্রিয় লেখক, এর আগে ওঁর লেখা কয়েকখানা বই পড়ার সৌভাগ্য হয়েছে।

উত্তর শুনে সজ্জন অসন্তুষ্ট মুখে সন্তুষ্টির ভাব ফুটিয়ে তোলার ব্যর্থ চেষ্টা করলে।

বনকন্ঠা হাসল— নির্বোধ লোকেদের মধ্যে একজন হয়ে দাঁড়াতে চাই না, তাই মহিপালবাবুর সঙ্গে আমার দেখা করার প্রোগ্রাম আজ পর্যন্ত মূলতুবি রেখে দিয়েছিলুম।

—তাতে কি হয়েছে? কখন দেখা করার ইচ্ছে বলুন, তাকে কান ধরে আপনার সামনে হাজির করার ভার আমার, কেমন? দুজন হয়তো বাড়ির দিকেই গেছে, শুভশ্রু শীঘ্রম— চলুন এখুনি যাবেন না কি?

বনকন্ঠা একটু সংকুচিতভাবে মাথা নাড়লে— না, না, এ সময় আমি আপনার কাছে একটু বিশেষ কাজে এসেছি।

সজ্জনের মুখ হঠাৎ গম্ভীর হয়ে গেল। — সেই হ্যাণ্ডবিলের কথা বলছেন?

—হ্যাঁ।

—এখুনি পাড়ায় শুনে এলাম। যা নোংরা ভাষার প্রয়োগ করা হয়েছে তাতে ভবিষ্যৎ বংশধরেরা বেশ করে এক পৌঁচ চমুকালি আমাদের মুখে মাখিয়ে দেবে।

—যাক সেসব কথা ছাড়ুন, আপাতত একটি সমস্যা দেখা দিয়েছে। বলতে বলতে বনকন্ঠা চিন্তার ভারে যেন হুয়ে পড়ল। দুই পায়ের বুড়ো আঙুল দিয়ে মেঝেতে দাগ কেটে চলেছে। এতক্ষণে সজ্জন তার মুখখানা ভালো করে কাছ থেকে দেখার সুযোগ পেলো—কটা কটা কোঁকড়া চুলে দুই কান ঢাকা, তার সুন্দর মুখে বেশ মানিয়েছে। মেয়েটি সত্যিই সুন্দরী—আহাহা, বেচারি কত দুঃখেই না আমার কাছে সাহায্য চাইতে এসেছে।

উদ্বেগের সঙ্গে সজ্জন জিজ্ঞেস করলে—আপনি এ বিষয় যা সাহায্য চাইবেন আমি প্রস্তুত আছি। বনকন্ঠা তার চোখে চোখ রেখে দুঃখিত স্বরে বললে—আমি নিজের সুনাম-দুর্নামের কথা ভাবি না, কেবল আমার স্বর্গীয়া বৌদির জ্ঞা গ্নায় ভিক্ষা করছি।

—কিন্তু শেষ নিশ্বাস ফেলার আগে তিনি যে পুলিশের সামনে...

বনকন্ঠা ফিকে হাসি হেসে বললে—বাবু শালিগরাম কেবল শাকের আঁটি দিয়ে ভাজা মাছ ঢাকার চেষ্টা করছেন। আমার বাবার সঙ্গে তাঁর সব বিষয় প্রায়ই মতের মিল হয়। আজ খুনী আসামী ফাঁসিকাঠ থেকে নিরপরাধ ঘোষিত হয়ে বাড়ি ফিরে আসছে, নতুন স্বাধীনতায় হয়তো গ্নায়ের এই নতুন পরিভাষা। বৌদি বেচারি মরেও পার পায় নি, মড়ার হাত টেনে বুড়ো আঙুলের ছাপ নেওয়া হয়েছে। সেদিন এক ম্যাজিস্ট্রেট, পুলিশের অফিসারেরা, ডাক্তার আর এক দেশভক্ত নেতা, সকলে মিলে গ্নায়ের



গলা টিপে তাকে মুহূর্তে শেষ করে দিলে। মৃত্যুপথযাত্রী শেষ সময় পর্যন্ত তার দেহ দিয়ে সমাজরক্ষকদের সেবা করে গেছে।

—উফ্, বদমাইসের হাড় বকধার্মিকের দল সব।

—ইলেকশন প্রচারের হাড়িকাঠে, নিরপরাধীকে চড়িয়ে দেওয়া হয়তো আজকের সভ্য সমাজের নতুন আবিষ্কার। আজ সকাল বেলা ভল্লেবাবু আর দু-তিনজন বন্ধু ছাপা হ্যাণ্ডবিল নিয়ে এসে-ছিলেন। এই হ্যাণ্ডবিলে ভল্লেবাবুর মান-সম্মান বাঁচাবার চেষ্টার ক্রটি ছিল না। আমার সহি চাইছিল, আমি মানা করে দিলুম। আচ্ছা বলুন তো, একটি মহিলার সম্মানের চেয়ে পার্টির নাম-সু নামটাই বেশী হল? এ অগ্নায় সমাজের প্রতি অগ্নায় নয়?

সজ্জন গম্ভীর চিন্তাগ্রস্তভাবে আপন মনেই প্রশ্নের উত্তর হাতড়াচ্ছে।

—সকলেই যে যার নিজের স্বার্থে যশগুল। সত্যি বলছি, মানুষ জাতটাকে বিশ্বাস করতে আর প্রবৃত্তি হয় না। ভ্যানিটি ব্যাগ থেকে লেখা কাগজ বার করে সজ্জনের হাতে দিতে দিতে বনকণ্ঠা বললে— এ 'বিষয় নিয়ে আমি ক'লাইন লিখে এনেছি। আপনি কোন ভালো খবরের কাগজে এটা ছাপিয়ে দিতে পারেন?

সজ্জন নিবিষ্ট মনে ফুলস্কেপ কাগজের চার পাতা পড়তে আরম্ভ করল। বনকণ্ঠা ঘরের চারিদিকে নজর বুলিয়ে নিতে নিতে মাঝে মাঝে সজ্জনের মুখের ভাবটা লক্ষ্য করে নিচ্ছে।

সবটা পড়ার পর ফোঁস করে দীর্ঘনিঃশ্বাস ফেলে সজ্জন বলল— খুব ভালো লিখেছেন, কিন্তু আমার মতে এটা খবরের কাগজে দেবেন না। ইলেকশনের হুল্লোড়ে চাপা পড়ে যাবে।

—কিন্তু অণ্ড কোন উপায় নেই।

—মহিপালের সঙ্গে যাকে দেখেছিলেন— কর্নেল, তাকে আমি বলে দেখব... অমীনাবাদের ওষুধের দোকানের মালিক, ইলেক্শন প্রচারের নানা প্যাচ সে বেশ বোঝে। এখুনি গিয়ে আমরা সকলে, আমি, আপনি, কর্নেল, মহিপাল এক জায়গায় বসে ভেবেচিন্তে কোন-না-কোন রাস্তা বের করব। আমার বলার উদ্দেশ্য এই যে দৈনিক হৈ-হুল্লোড়ের মধ্যে যেন এটা তলিয়ে না যায়, তা হলে জনতার মনে কোন ঝাঁচড়ই কাটবে না।

—ওহ্, আপনাকে ধন্যবাদ জানাবার ভাষা আমার নেই, আমার যে উপকার আজ আপনি করলেন তার জন্যে আমি চিরকৃতজ্ঞ থাকব।

দাস্তিক মনের ওপর ভদ্রতার অঙ্কুরের বাড়ি পড়তেই সজ্জন যেন নিজের হারানো চৈতন্য আবার ফিরে পেল— ছি, ছি, আমাকে এত ছোট ভাববেন না। এ জগতে কে কার উপকার করে আর কে কৃতজ্ঞ থাকে এর হিসেব নিকেশ কে রাখে?

বনকন্ঠার চোখেমুখে কৃতজ্ঞতার ভাব ফুটে উঠেছে।

জিলিপির ঠোঙা থেকে জিলিপি প্লেটে বার করতে করতে সজ্জন বললে— আশুন একটু কিছু মুখে দিন, যাঃ জিলিপি একেবারে ঠাণ্ডা হয়ে গেছে। এর সঙ্গে এক কাপ চা চলবে তো?

—আমি এখুনি চা তৈরী করছি— বলে বনকন্ঠা উঠে দাঁড়াল। সজ্জন বাজার থেকে দুধ কিনে আনতে গেল, বনকন্ঠা চায়ের সরঞ্জাম ছোট টেবিল থেকে তুলে নিয়ে সাজাতে ব্যস্ত। আজ সজ্জন সোজা কর্নেলের বাড়ি থেকে শাস্ত্রীজীর ওখানে চলে যাওয়ার দরুন ফেরতা পথে দুধের বোতল নিয়ে আসতে পারে নি।

\*

\*

\*

চায়ের পেয়ালায় চুমুক দিয়ে সজ্জন বললে— আপনার এখানে আসার ঠিক কিছুক্ষণ আগে সমাজসেবার বেশ তিক্ত অভিজ্ঞতা হয়ে গেছে। এই গলিতে একটু এগিয়ে গিয়ে এক উকিলমশাই থাকেন। বয়স হয়েছে কিন্তু কথায়-বার্তায় ভদ্রলোক বেশ আমুদে। তাঁর ছোট ছেলের বৌ পাগল হয়ে গেছে, গলিতে খুব উৎপাত আরম্ভ করে দিয়েছিল। তাকে কোনমতে কন্ট্রোলে আনার জন্য গালে ঠাস করে চড় বসাতে হল— ইশ, জীবনে আজ পর্যন্ত মেয়েমানুষের গায়ে হাত তুলিনি। এখনো পর্যন্ত হাতের তেলো যেন ঝনঝন করছে।

—কেন পাগল হল?

—আপনার বৌদির ওপর এক ধরনের অত্যাচার হয়েছিল, এর ওপর আর-এক ধরনের হচ্ছে। কিন্তু দুই কেসেরই বেদনার উৎস এক। সজ্জনের চোখেমুখে বেদনার অবসাদ নেমে এলো। দীর্ঘ নিঃশ্বাস ফেলে বলল— উকিলমশাইয়ের সন্তানের সংখ্যা তিন হলেও, আজ তাঁর কাছে কেউই থাকে না। বড় ছেলে বিলেতে ডাক্তারি পড়তে গিয়ে সেখানেই প্রাকটিস জমিয়ে নিয়েছে। তার বউ ছেলেমেয়েরা সেখানেই চলে গেছে। কখনো মাঝে মাঝে চিঠি আসে কিন্তু সে না আসারই সমান। দ্বিতীয় ছেলে আই. সি. এস. এক হোমরা-চোমরা অফিসার। এই সঁাতসেঁতে সুরু গলি আর সেকলে মা-বাবার সঙ্গে তাঁর বনিবনা হওয়া অসম্ভব তবে মাসে মাসে কিছু টাকা পাঠিয়ে তিনি সন্তানের কর্তব্যের ডাকে সাড়া দিয়ে থাকেন। তৃতীয়টি মিলিটারিতে আছে, তাঁর মেজাজও তেমনি রাশভারী— কথায় কথায় বোমা ফাটান। নিজের খুড়তুতো বোনের সঙ্গে বেশ কিছুদিন রোমিও জুলিয়েট ড্রামা

করার পর শেষকালে বিয়ে করে ফেললেন। অগ্নিসাক্ষী করে বিয়ে করা বউ আজ বেকার মালের মত শব্দরবাড়ির এক কোণে পড়ে আছে। ছেলের কাণ্ডকারখানা দেখে বুড়োবুড়ি মানসিক উদ্বেগের শিকার হয়ে গেলেন। ফলে আরম্ভ হল বউয়ের উপর কড়া পাহারা। সর্বক্ষণ মনের সমস্ত ইচ্ছাকে দমন করতে করতে তার অবস্থা আজ এতদূর গড়িয়ে গেছে।

সজ্জন চা খেতে খেতে আবার বনকন্য়ার মুখের দিকে তাকাল। সরলভাবে কন্য়া জিজ্ঞেস করলে— কি হবে? আর কতদিন এ অত্যাচার এমনভাবে চলতে থাকবে? এর শেষ কবে হবে?

—নিশ্চয়, নিশ্চয় হবে।

—কিন্তু কি করে হবে এইটাই আমার মাথায় ঢুকছে না। আমার কমুনিষ্টদের সঙ্গে ওঠা-বসা আছে সেটা বোধহয় আপনি... আপনার রাজনৈতিক দলাদলির বিষয় নিজস্ব মতামত থাকতে পারে।

—সে কথা থাকতে দিন। কোন পার্টির দৃষ্টিভঙ্গি দিয়ে স্ত্রী-পুরুষ কে কেমন পরখ করার আমি পক্ষপাতী নই।

—আমি এইজন্মে কমুনিষ্ট পার্টির কথা তুললাম কেননা আজকাল এর নাম শুনেই সকলে আঁতকে ওঠে। ভল্লেবাবু একজন ভালো সোশ্যাল ওয়ার্কার, লেখাপড়া জানেন এবং চিন্তাধারা প্রগতিশীল। আমি আজ পর্যন্ত তাঁকে সম্মানের চোখে দেখে এসেছি কিন্তু আজকের কথাবার্তা শুনে আমার মনে হল, যেন এ সে মানুষই নয়। দুই ব্যক্তি যেন সম্পূর্ণ আলাদা। সজ্জন বুদ্ধিমানের মত হেসে ঘাড় কাত করে বললে— রাজনীতির বিষয় কিছু বলতে চাই না, তবে এ বিষয় কোন সন্দেহ নেই যে, কমুনিষ্টরা লোক হিসেবে ফোটেই স্মৃতিধর নয়।

—আপনার এ ধারণা সম্পূর্ণ ভুল— বনকন্ঠার বুকে সজ্জনের কথা শেলের মত আঘাত করেছে। সে বলে উঠল— অনেকদিন ধরে যে প্রশ্ন আমার মনের ভেতর গুমরে মরছে, আজকের ঘটনার পর সেটার উত্তর যেন আমি খুঁজে পেয়েছি। রাজনৈতিক পার্টির হৈ চৈ ফুটবল ম্যাচের মতই, জনতা সেই ফুটবল আর বিভিন্ন রাজনৈতিক দল নিজের স্বার্থ অনুযায়ী তাদের ঠোকর মেরে ম্যাচ খেলে চলেছে। এ ইলেক্শন আমাদের গণতান্ত্রিক ব্যবস্থার এক নতুন রহস্য আমাদের চোখের সামনে তুলে ধরেছে।

সজ্জন মন দিয়ে শুনছে। কন্ঠা বলে চলেছে— ভুলেবাবু কাগজে যা কিছু লিখে এনেছিলেন তাতে আমার বাবা আর বউদির কেছার সঙ্গে কম্যুনিষ্ট পার্টির প্রতি মিথ্যে প্রচারের কারণ বোঝাবার চেষ্টা করা হয়েছিল। আমি প্রশ্ন করেছিলাম— এক মহিলার মর্যাদাহানি হতে দেখে আপনারা ঝরকম অনুভূত্বজিত ছিলেন কি করে? উত্তর পেলাম, পার্টি এই আদর্শ অনুসরণ করার চেষ্টা করছে, পার্টির জয়ে সমাজের জয়, সেই আদর্শ সমাজকে নতুন দিশা দেখাবে। সত্যি বলছি, এ উত্তর আমার বিচলিত মনকে সান্ত্বনা দিতে পারে নি। মানুষের যে বেদনা সামগ্রিক ভাবে দেখে নিয়ে এই সিদ্ধান্ত তৈরী হয়েছে সেটা সবটাই ফাঁপা, তার মধ্যে সত্যিকারের ছৎপিণ্ডের স্পন্দন নেই। নিজের উৎসের সন্ধানে বর্তমান দেশের রাজনীতি ক্লান্ত হয়ে মাথা খুঁড়ে মরছে।

—খাঁটি কথা বলেছেন। এইজন্মে রাজনীতি আমার ছচক্কের বিষ, বলতে বলতে সজ্জন কেতলি ওঠাল।

—কথায় কথায় চা একেবারে ঠাণ্ডা জল হয়ে গেছে, আবার তৈরী করব?

—আপনার জ্ঞে তৈরী করে দেব? আমি... হ্যাঁ, মনটা আমারও ভারী হয়ে গেছে... দেখুন না চা কফি সিগারেট এসব অবসর সময়ের সঙ্গী। মন যখন কোন গস্তীর বিষয় নিয়ে ডুবে থাকে তখন এসব একদম ভালো লাগে না। বলতে বলতে সজ্জন সিগারেট কেস বার করার জ্ঞে পকেটে হাত পুরে দিলে। কণ্ঠা ফট করে বলল— হাত ধুয়ে আশুন ঝাংগে। জিলিপির রসে চটচট করছে।

লজ্জিতভাবে বাঁ হাত দিয়ে কেসটা বার করতে করতে সজ্জন বললে— এসব পড়ে রয়েছে, দু পেয়লা চা তৈরী করে ফেলুন, কিন্তু আগে খেয়ে নিন।

—না, না, অনেক খাওয়া হয়ে গেছে।

—না, না, কোন কথা শুনব না। অগ্নায়ের সঙ্গে একবার যখন সুন্দ উপস্থানের লড়াই করতে বেরিয়ে পড়েছেন, তখন দয়া করে নিজে কোন অগ্নায় করবেন না। পুরুষের মত সমান অধিকার চাইছেন তখন সমানে সমান হয়ে জলখাবারটাও শেষ করে ফেলুন। সজ্জন বেশ অভিনয়ের ভঙ্গিতে কথাগুলো বলে ফেললে।

মুচকি হেসে কণ্ঠা বললে— নিজের বেলায় যখন তখন গ্নায়বিচার চাইছেন, অথচ আমি কিছু বললে তখনই ঘাড় নেড়ে দেবেন, তাই না? নারীমূলভ লজ্জা অভিমানে তার ফর্সা মুখখানা টাটকা গোলাপের মত রক্তিম হয়ে উঠেছে। সজ্জন হেসে ফেললে— আমাকে পরীক্ষা না করেই পাস-ফেলের হিসেব করে ফেললেন?

প্রসঙ্গ বদলে কণ্ঠা বললে— আপনাকে নয়, সারা পুরুষ জাতটাকেই সম্বোধন করে বলেছিলুম।

—দেখুন, এখানে যদি আপনি জাতিভেদের কথা বলেন তাহলে আপনার সঙ্গে আড়ি হয়ে যাবে কিন্তু। মেয়েরাও কারুর চেয়ে কম যায় না, কত বাড়িতে দেখেছি মেয়েরা পুরুষদের ভেড়া বানিয়ে রেখে দিয়েছে, তাদের কথায় পুরুষেরা কান ধরে ওঠবস করছে।

কথা খিল খিল করে হেসে উঠল।

—এই সেদিন এক উর্দু উপন্যাস পড়ছিলুম, তাতে এক বুড়ো মিয়াকে তার প্রেমিকা, একজন বেশী, নিজের সাজোপাজদের মন-মেজাজ খুশী করার জন্য গাছে চড়া আর নামার লুকুম জারি করলে...

কথা হাসতে হাসতে বলল— ও আশ্চর্য্যক লোকটার যোগ্য কাজই ছিল ওটা। তবে মেয়েমানুষটি একেবারে কঠোর, জল্লাদ ছিল বলতে হবে।

জলখাবারের পালা শেষ হল। ঠোঙা বাইরে ডাস্টবিনে ফেলে দিয়ে আবার কেতলিতে জল চাপানো হল। সজ্জন বিছানায় ভালো করে ঠেসান দিয়ে বসে সিগারেট ধরিয়ে, বাদশাহী চালে, জোরে এক টান দিলে। আজ বনকন্য়ার উপস্থিতিতে নিরানন্দ ঘরে আনন্দের হাট বসেছে।

হঠাৎ সজ্জন জিজ্ঞেস করলে— আপনার নামটা, আপনার মা-বাবা রেখেছিলেন?

—কেন? কন্য়ার চোখেমুখে কোতূহল ফুটে উঠেছে। সজ্জন ঠোটে সিগারেট চেপে বেপরোয়া ভাবে উত্তর দিলে, এ নাম আমাদের সমাজে প্রায় অচল, তাই না? কখন নাম বদলালেন? হাইস্কুলের পরীক্ষার সময়?

—আপনি জ্যোতিষবিদে জানেন বুঝি ?

—আপনার মাথায় গজিয়েছিল না অন্য কেউ...

—আমার মাথায় গজিয়েছিল, নামটা ভালো নয় ?

—হাঁ, ভালোই— তবে চলতি ভাষায় যেন কেমন বেখাপ্পা, বড় খটখটে... মানেটা আবার তেমনি জড়লী মেয়ে। দুজনে একসঙ্গে হেসে উঠল।

কণ্ঠা একটা ছবির দিকে ইশারা করে জিজ্ঞেস করলে— এ সত্যনারায়ণের ছবি না ? ... সুন্দর হয়েছে... বেশভূষা সব মারাঠি, কোথায় স্কেচ করেছিলেন ?

—কোল্‌হাপুরে।

—গরীবদুঃখীদের সঙ্গে থাকতে আপনার দ্বিধা বা সংকোচ নেই দেখে আমি সত্যিই খুব আনন্দিত হয়েছি।

—আপনার কল্পনায় যদি আমি বাধার সৃষ্টি করি মাপ করবেন, সত্যি যদি মনের কথা জানতে চান তাহলে বলব, ওদের সঙ্গে মেলোমেশায় আমি বেশ দ্বিধা বোধ করি।

—তাহলে ?

—কিন্তু মনোবল দিয়ে সেই আবরণ ছিঁড়ে ফেলার চেষ্টা করি।

—সত্যিই যদি আপনি বিজয়ী হতে চান তাহলে অজন্তা-ইলোরা গুহা ছেড়ে ঢুকে পড়ুন জীবন্ত মানুষের গুহায়। আমাদের দেশের বড় বড় নেতার চোখের সামনে তুলে ধরুন এদের জীবনযাত্রার জীবন্ত ছবি। কণ্ঠা উত্তেজিত হয়ে উঠেছে।

—আপনি আমাকে প্রেরণা দিচ্ছেন ? আমি এই মিশন নিয়েই এ পাড়ায় এসেছি। তবে অজন্তা-ইলোরার ছবি ঝাঁক। যে একদমই বাজে তা নয়।



—আমি ঠিক তা বলছি না।

—অজস্র-ইলোরা থেকে যদি সত্যিকারের প্রেরণা নিতে পারা যায় তাহলে, আমাদের জীবন অনেক সুন্দর আর উপযোগী করা যেতে পারে।

—আমি...

—আপনাকে সত্যি বলছি, গুহা দেখতে দেখতে হঠাৎ আমার চোখের সামনে মিশরের পিরামিডের ছবি ভেসে উঠেছিল। একটু ভেবে দেখলেই ছোটোর মধ্যে পার্থক্য বেশ বোঝা যায়। একদিকে ইজিপ্টের পুরুষেরা সারি সারি পাহাড় দাঁড় করিয়ে রেখে গেছে যা আজও তাদের শক্তি আর প্রতিভার নমুনা হিসেবে আমাদের চোখে ধাঁধা লাগিয়ে দেয়। ওরা নকল পাহাড়ের মধ্যে মড়ার জায়গা সুরক্ষিত করে রেখেছিল। অন্যদিকে আমাদের দেশের পূর্বপুরুষেরা পাহাড়কে কেটে কেটে কত সুন্দর লেখাপড়ার, ধ্যানের জায়গা তৈরি করে গেছেন। এবার দুই সভ্যতার বিভেদ স্পষ্টভাবে বুঝতে পারছেন বোধহয়? আমাদের এখানে আমরা দেখি প্রতি পদে আর্টের সঙ্গে জীবনের যোগাযোগ। আমাদের আর্ট অতি সুন্দর কিন্তু তা চোখে ধাঁধা সৃষ্টি করে না, তার মধ্যে আমরা দেখি সত্য শিব আর সুন্দরের অদ্বুত প্রকাশ। দুই সভ্যতার আধার শিলায় কত প্রভেদ। সজ্জনের অনর্গল বক্তৃতায় কণ্ঠা প্রভাবিত হল। সেও নিজের কথার মায়াজালে যেন নিজেই জড়িয়ে পড়েছে।

একটু থেমে কণ্ঠা বললে— ঠিক বলেছেন। আপনার অনুভূতি দিয়ে আজ আপনি আমাকে অনেক উচুদরের কষ্টিপাথরের সন্ধান দিয়েছেন, আমি কখনও ভুলব না— কিন্তু একটা কথা কিছুতেই

আমি বুঝে উঠতে পারি না। একদিকে সাহিত্য, শিল্প আর গভীর দর্শনশাস্ত্র অন্যদিকে বাড়ি বাড়িতে সত্যনারায়ণ, নানা কুপ্রথা, আমার বউদি আর আপনার সেই পাগল মহিলা, আমার বাবা, ভাই...

—আপনার ভাই? কেন তিনি আবার কী করলেন? সজ্জনের প্রশ্নে হঠাৎ কণ্ঠার মুখের রঙ ফ্যাকাসে হয়ে গেল, অস্ফুট স্বরে বললে— আমার বাড়ি সত্যিই এক চিড়িয়াখানা। আমার ভাই এক ভদ্রুত মানসিক রোগে আক্রান্ত... কী বলে বোঝাই আপনাকে, আপনি সমাজকে কাছে থেকে দেখে বুঝতে চান তাই আপনাকে বলছি, আমার বউদি নরমাল মেয়েমানুষ নয়... মানে...

চমকে সজ্জন কৌতূহলের স্বরে জিজ্ঞেস করলে— তার মানে? কণ্ঠা নিজের মনের আবেগ সামলে নিয়ে বললে— ভগবানের এক বিচিত্র বিচার, হ্যাঁ, এ জাতীয় মেয়েদের...

—ওঃ বুঝছি, হিজ...

—হ্যাঁ, একটু তফাত আছে, এদের দেহ মেয়েদের মতই বিকশিত হয়।

—এ বিয়ে কেমন করে হল?

—যেমন ধাপ্পা দিয়ে হয়ে থাকে। মা-বাবার হাতে পনেরো হাজার টাকা এল আর দাদা হাতে কিছু না পেয়ে রোজ বউদির হাড়গোড় ভাঙছে। এ বিষয় বিন্দুমাত্র সন্দেহ নেই যে দাদা সত্যিই খুব আঘাত পেয়েছে। তার মন শিশুর মত নরম। আজকাল ফিটের ব্যারামে ভুগছে। যখন ফিট হয় তখন রান্নাসের মত ব্যবহার করে। একদিন রাত্তিরে ঘুমন্ত বউদির বিনুনি কাঁচি দিয়ে কেটে রেখে দিয়েছিল। একদিন ভোরবেলা তাকে গোমতীর

ধারে চান করাতে নিয়ে গিয়ে বললে, চলো আজ দুজনেই মাথা কামিয়ে ফেলে ডুবে মরি...

—আহা হা।

—সেখানে এক নাটক আরম্ভ হয়ে গেল। শেষকালে বেগতিক দেখে বউদি বুদ্ধি করে দাদাকে বললে, আগে তুমি কামিয়ে ফেলো তারপর আমি। দাদা মাথা কামাতে বসতেই পেছন থেকে বউদি পালিয়ে রিকশায় বসে হাঁপাতে হাঁপাতে বাড়ি এল...

—আমাদের বাড়ি রোজই কুরুক্ষেত্র কাণ্ড হয়... আর... লজ্জায় আমার মাথা কাটা যায়... আমার বাড়ি এক গোলকধাঁধা... আমার জেঠী আর আমার মায়ের মধ্যে সাপে নেউলের সম্পর্ক। জেঠী নিজের স্বার্থ বজায় রাখার জন্তু নিজের এক দূর সম্পর্কের বিধবা বউয়ের সঙ্গে দাদার পরিচয় করিয়ে বাড়িতে অনাচার করাবার চেষ্টা করেছিলেন। দাদা ধর্মভীরু প্রকৃতির, তাই বউদির সায় নিয়ে ভেবেচিন্তে বিয়ের প্রস্তাব করে ফেলল। ইতিমধ্যে জেঠীর আসল চাল আমার মায়ের চোখে ধরা পড়ে গেল। মার মনটা খোলামেলা কিন্তু নিজের আধিপত্য জমাবার জন্তু হেন কাজ নেই যা করতে পারেন না। উনি আমার বাবাকে উস্কে উস্কে অধঃপাতের রাস্তায় নিয়ে গেলেন কেবল জেঠীকে ছোট করার জন্তু, তাকে নিজের মতই জ্বালিয়ে পুড়িয়ে মারার জন্তু, এ ছাড়া তার অন্য কোন উদ্দেশ্য ছিল না।

দীর্ঘ নিশ্বাস ফেলে সজ্জন বললে— মিস কন্যা, আপনার প্রতি সত্যি সহানুভূতিতে মন ভরে উঠছে।

—ধন্যবাদ, আমি কিন্তু সহানুভূতি চাই না। আমি একাই একশো হয়ে লড়ে যাব। আমার এতক্ষণের বকবকানির অর্থ হল

এই যে অজ্ঞতা-ইলোরাতে আমাদের সংস্কৃতি জড় পাথরের মধ্যে চেতনা সঞ্চার করতে পারে, কিন্তু আমাদের উঁচু উঁচু আদর্শ সমাজে কোন নতুন শক্তি না জাগিয়ে ক্রমশ লোপ পেতে বসেছে, এর কারণটা কি ? আমাদের মধ্যে এত নিষ্ঠা থাকা সত্ত্বেও কেন আমাদের জাতীয় চরিত্রের মধ্যে আমূল পরিবর্তন আনা যাচ্ছে না।

কন্যার কথায় সজ্জন চিন্তিতভাবে বললে— আমি কিছুতেই মানতে রাজী নই যে আমাদের জাতীয় চরিত্র বলে কিছু নেই। যে দেশের চরিত্র দুর্বল, তাদের মধ্যে কালিদাস, বাল্মীকি আর ব্যাসের মত কবি জন্মগ্রহণ করতেই পারেন না। আমাদের ইতিহাসের পাতায় সম্রাট অশোকের মত রাজা, বুদ্ধ আর গান্ধীর মত মহাপ্রাণ রয়ে গেছেন। গোটা দেশের সঙ্গে আপনার বাড়ির আবহাওয়ার তুলনা করাটা আপনার মস্ত ভুল। আমার মা আর তাছাড়া কত লোক আছে, এই তো আজ সকালেই গুনোমলের ওখানে পণ্ডিত শিবনাথ শাস্ত্রী থাকেন, বড় বিদ্বান, তাঁর সঙ্গে দেখা করতে গিয়েছিলাম। তিনি দেশের পুরোনো ট্রাডিশনের বিষয় অনেক জ্ঞানের কথা শোনােন, এর পরেও আমাদের ক্ষমতাকে অক্ষমতা বলে মেনে নিতে বলবেন ?

চায়ে কাপ এগিয়ে দিয়ে কন্যা উত্তর দিলে— আমি অস্বীকার অথবা স্বীকার করার কথা বলছি না। আমি বলতে চাই যে আমাদের সমাজের মধ্যে নিশ্চয় বিপরীত ধারা কোনখানে অন্তঃসলিলা হয়ে বয়ে যাচ্ছে, তাই যা-কিছু নৈতিক আদর্শ সব ভেঙে চুরমার হয়ে যাচ্ছে। চায়ে চিনি কম হয়নি তো ?

—না, ধন্যবাদ, একটু বেশী মিষ্টি হয়ে গেছে, আপনি বোধহয় দুচামচে দিয়ে ফেলেছেন। যাক্ বেশ ভালোই লাগছে।

ঠাট্টা গায়ে না মেখে কণ্ঠা বললে— দেখুন, সত্যনারায়ণের কথার মধ্যে কি আছে? কোটি কোটি বাড়িতে শ্রদ্ধাবনতভাবে শোনা হয়। আমি এর মধ্যে কোন আদর্শ খুঁজে পাই না। সম্পূর্ণ কথা আগাগোড়া পড়ার পর না সত্য, না নারায়ণ, কারুরই দর্শন হয় না।

সজ্জন কথাটা উড়িয়ে দিতে চাইল— আরে— সব সময় কমুনিজমের একই পটপটানি আর ভালো লাগে না, (প্রসঙ্গ বদলাবার জন্য) এই যা: শুধু কথা দিয়েই পেট ভরবে নাকি?

—কেন? এখুনি জলখাবার খেলুম যে?

—আরে সে তো নশ্টি, ওইটুকুতে পেট ভরে? বেলা ছুটো বাজল, এতক্ষণ পর্যন্ত অভুক্ত থাকলে আপনার বাড়িতে কেউ কিছু বলে না?

ধীরে ধীরে চায়ে চুমুক দিতে দিতে কণ্ঠার মুখ কঠিন হয়ে গেল—আগে রাগ করতেন—পরশু থেকে সব সম্পর্কই চুকে গেছে। বাড়ির দরজা আমার জন্য বন্ধ হয়ে গেছে।

—কবে?

—পরশু।

—বেশী ঝগড়াঝাঁটি হয়েছিল না কি?

—হ্যাঁ,... তা... বাবু শালিগরামের বর্ণনা অনুসারে আমার বাড়ির প্রত্যেকেই বাবাকে দেবতুল্য বলতে ব্যস্ত। সকলে বউদি আর ভল্লোবাবুকে দোষী ঠাওরাচ্ছিল, আমি পুলিশের সামনে মুখ না খোলার প্রতিজ্ঞা করলুম।

—ইস নরাধম সব... তাহলে এখন আপনি আছেন কোথায়? কমুনিষ্ট পার্টি...

—না, না, পরশু রাত থেকে আজ ছপুরের আগে পর্যন্ত এক বন্ধুর বাড়িতে ছিলুম। তার বাড়ির লোকেরা আপত্তি করাতে সেখান থেকে এক কمرেডের বাড়ি চলে গেলুম। এবার ভাগ্য কোথায় নিয়ে যায় দেখুন। চোখের সামনে সবই অন্ধকার। হতাশভাবে নিশ্বাস ফেলে কণ্ঠা চাপা কান্নার বেগে ভেঙে পড়ল।

সজ্জন উদ্বিগ্নভাবে বললে— না, না, আপনার কোন কষ্ট হতে দেব না, আমার এত বাড়িঘরদোর থাকতে আপনি...

—কিন্তু আপনার বাড়িতে আমি কেন থাকব?

—কেন?

—বেশ গভীরভাবে ছমিনিট ভাবলেই এর উত্তর নিজেই খুঁজে পাবেন— কণ্ঠার গলার স্বরে দৃঢ়তার স্পষ্ট ইঙ্গিত।

সজ্জন গম্ভীর হয়ে বললে— আমি আপনার মানসিক অবস্থা বুঝতে পারছি না তা নয়। যা-কিছু আপনি প্রতিদিন প্রত্যক্ষভাবে দেখেছেন তারপর পুরুষকে সন্দেহের চোখে দেখার অধিকার আপনার আছে। আমি পুরুষ হিসাবে খারাপ হতে পারি— তবু মিস বনকণ্ঠা— আমার মধ্যেও কোন গুণ আপনি পেতে পারেন।

চোখের বড় বড় পাতা সজ্জনের মুখের ওপর নিবদ্ধ করে কণ্ঠা মুচকি হেসে বললে— যদি এ ভরসা মনে না থাকত তাহলে সাহায্য চাইতে এখান পর্যন্ত ছুটে আসতাম না।

—আচ্ছা, তাহলে এবার উঠুন, চলা যাক।

—কোথায়?

—আমার বাড়ি, আজ পঁচিশে ডিসেম্বর, আমার বাড়িতে আপনার নিমন্ত্রণ।

—আমি একটু পুতুলের এগ্জিভিশন দেখতে যাব।

—হ্যাঁ, হ্যাঁ, তাহলে আপনার সঙ্গে আমিও একটু ঘুরে আসি।  
রাস্তায় মহিপাল আর কর্নেলকে ডেকে নেওয়া যাবে।

—সজ্জনবাবু— আমি...

—দেখুন, আর-কোন ওজর আপত্তি শুনব না। আজকের নিমন্ত্রণ আপনাকে স্বীকার করতেই হবে। আপনি পুরুষদের মধ্যে ওঠাবসা করেন না? তাছাড়া সেই হ্যাণ্ডবিলের বিষয় নিয়ে আপনাকে কর্নেলের সঙ্গে দেখা করতে হবে।

কন্ঠার সঙ্গে বাইরে রাস্তায় পা দিতেই সজ্জন তার জীবনে প্রথমবার এক নতুন অনুভবে অনুপ্রাণিত হয়ে উঠেছে, আজ জীবনে প্রথমবার সে নারীকে তার উচিত মর্যাদা দিতে এগিয়ে এল।

## তেরো

1951 সালে নির্ভেজাল সত্যি খবর শুনে চারিদিকে সোরগোলের সৃষ্টি হয়েছে। ইলেকশনের হৈ-হুল্লোড়ে আধুনিক গণতান্ত্রিক সমাজ প্রায় দিশেহারা, এমনি সময় 31 ডিসেম্বরের দৈনিক খবরের কাগজ পড়ে লক্ষ্মী শহরের তামাম মানুষের পিলে চমকে উঠল।

শহরের শেষ সীমানায় রেল লাইনের ধারে একটি মৃতদেহ মাটি-চাপা অবস্থায় উদ্ধার করা হয়েছে। কুকুরের দল তাকে নিয়ে টানা-হেঁচড়া করছে দেখে আশেপাশের ছেলে-ছোকরাদের টনক

নড়ল, সঙ্গে সঙ্গে খবর চারদিকে ছড়িয়ে পড়ল। প্রায় তিনদিন ধরে গর্তের মধ্যে পড়ে থাকায় মৃতদেহটিতে পচন ধরেছে। যুবতীর বয়স বছর পঁচিশ, গায়ে আকাশী রঙের ভয়েলের শাড়ি, হাতে প্লাষ্টিকের চুড়ি। তার এক পায়ের একপাটি স্ট্রাওল কাছেই পড়ে ছিল।

1952 সালের সুপ্রভাতের আগেই মৃত যুবতীর মনগড়া কৈচ্ছাতে সারা গলি বাজার সরগরম হয়ে উঠেছে। ইলেকশন প্রায় কাছে এসে গেছে, তাই কংগ্রেস রাজত্বের দায়িত্বহীন কাণ্ডকারখানা হিসেবে এই খবরের সঙ্গে নানা গুজবের লতাপাতা গজাতে বেশী সময় লাগল না। পুলিশ হয়রান হয়ে গেছে, কিন্তু যুবতীর নাম-ঠিকানা খুঁজে বার করা তখনও সম্ভব হয়নি। কেউ তাকে হিন্দু আর কেউবা মুসলমান সাব্যস্ত করতে বদ্ধপরিকর। কারুর মতে তার হত্যা চলন্ত ট্রেনে গলা টিপে বা বিষ দিয়ে করা হয়েছে।

...চারিদিকে অলস ভাব, দৈনন্দিন কাজে কারুর রুচি নেই। প্রত্যেকেই নতুন বছরের প্রথম দিনকে পুরোনো বছরের গাঁঠছড়ার সঙ্গে বেঁধে রাখতে চায়। জনসাধারণের জীবন আর্থিক অনটনের চাকিতে পিষে প্রায় গুঁড়িয়ে ছড়িয়ে পড়েছে। সমাজের শোষিত বর্গ আজ ধুঁকে ধুঁকে এগিয়ে চলেছে। প্রত্যেক সংসারে দুবেলা হুমুঠোর চিন্তা আগেই ছিল, তাতে গোদের ওপর বিষফোড়া হয়ে দেখা দিয়েছে ইলেকশন। প্রত্যেক পাড়ায় লাউড স্পীকার, নানা সভার চেষ্টামেচিতে কানের পর্দা ছিঁড়ে যাবার জোগাড়। রাজনীতির কচকচানিতে একে অণ্ডকে জনসাধারণের চোখে ছোট করার প্রাণপাত চেষ্টা চলছে।

নতুন বছরের প্রথম রাত যেন সারা শহরের হৃদয়ের বেদনাকে



আঁচলে লুকিয়ে নিয়েছে। বাজারে প্রায় বেশীর ভাগ গ্রাহকের সংখ্যা তাদের যারা ধার নিয়ে বিয়ে পৈতের উৎসব সেরে ফেলার ব্যবস্থা করছে, দাঁত খিঁচিয়ে কাষ্ঠহাসির মধ্যে লুকিয়ে আছে দেনা-শোধের চিন্তার আগুন।

চৌমাথা দিয়ে নদীর ঢেউয়ের মত সাইকেল, রিকশা, টাঙ্গা, পায়ে-হাঁটা লোকের ভীড় অনবরত চলেছে। অসংখ্য মানুষের নানারকম শব্দ ঠিক যেন শেঠজীর কারখানার হড়হড়ানির মত শোনাচ্ছে। উৎপাদনের ফিরিস্তি দেখলে বোঝা যায় যে কার্যক্ষমতার ব্যয় উৎপাদনের থেকে অনেক বেশী।— তাহলে উৎপাদন হচ্ছে কেন? শেঠজীর আত্মমর্যাদাকে বাঁচিয়ে রাখার জ্ঞান? কতদিন এভাবে চলবে? আর বেশী দিন নয়।

রেস্তোঁরায়, পানওয়ালা আর ময়রার দোকানে রেডিওতে খবর আসছে। বাজারের রাস্তা পেরিয়ে বাড়ির গলি পর্যন্ত রেডিওর অটুট স্বর সমানে সকলের কানে অমৃত ঢালার কাজ করে চলেছে। কোন কোন রাস্তার এমুড়ো থেকে ওমুড়ো পর্যন্ত একই বেতার কেন্দ্র খোলা রয়েছে। খেলাধুলোর খবর আসছে— ভারত আর ইংল্যান্ডের ম্যাচের আজ তৃতীয় দিন। রায়, উমরিগর, হাজারে কেবল আঠাশ রান করে একঘণ্টায় আউট হয়ে গেল। মঞ্জেরেকর আটচল্লিশ রান করে আজকের প্রাণহীন খেলায় প্রাণ এনেছে, এবার শুনুন আজকের আবহাওয়ার খবর...

রেডিওতে সময় সংকেত ভেসে এল। আগামী নতুন প্রোগ্রাম শোনার আশায় সজ্জন আর কণ্ঠা ছুঁকনেই উৎসুক হয়ে বসে আছে। বিগত চার-পাঁচদিনের মধ্যে তাদের পারস্পরিক ব্যবহারে অনেক পরিবর্তন দেখা দিয়েছে। একে অণ্ঠকে বুকে ফেলার

পালা প্রায় অনেকটা শেষ হয়ে এসেছে। রেডিও অ্যানাউন্সার বললে— আপনারা অল ইণ্ডিয়া রেডিও লস্কো, এলাহাবাদ, পাটনা শুনছেন— এবার মহিপাল শুরুর তাঁর নতুন রচনা পড়ে শোনাবেন— শ্রীমহিপাল শুরুর...

সজ্জন সোফায় হেলান দিয়ে চোখ বুজে বসল। কণ্ঠা একদৃষ্টে রেডিওর দিকে চেয়ে আছে যেন সেটটাকে গিলে ফেলবে। মহিপালের স্বরের সঙ্গে যেন সে তাকে স্বশরীরে চোখের সামনে দেখতে পাচ্ছে। তার আওয়াজ বেশ মিষ্টি অথচ ভারী। প্রত্যেকটা কথা যেন হৃদয়ে মোচড় দিয়ে ওঠে কিন্তু মনে হচ্ছে যেন সে বড় ক্লান্ত, কোনমতে টেনে টেনে বলার চেষ্টা করছে। রেডিও ঘড়ঘড় করে উঠল।

চোখ চেয়ে সজ্জন কণ্ঠাকে বললে— আওয়াজ একটু ঠিক করে দিন— ধন্যবাদ।

মহিপাল তন্ময় হয়ে গল্প পড়ছে—তার গল্পের বিষয়বস্তু হল— আদিম যুগে সত্য আর শ্রেষ্ঠতার জন্য স্ত্রী-পুরুষের সংঘর্ষ— গল্প পড়া শেষ হল।

—শ্রীমহিপাল শুরুর তাঁর লেখা গল্প এতক্ষণ আপনাদের শোনাচ্ছিলেন— মেয়েলী নাকী ঘ্যানঘ্যানানিতে সকলের ধ্যান ভঙ্গ হয়ে গেল।

—কেমন লাগল গল্প? সজ্জন টেলিফোনের কাছে যেতে যেতে জিজ্ঞেস করলে।

—মজার ছিল— ভালোই লাগল— কণ্ঠা তখনও গল্পের বিষয় ভাবছিল।

সজ্জন টেলিফোন করে সেখানের ডিউটি অফিসারকে ডাকল।

কণ্ঠা সোফা থেকে উঠে রেডিওগ্রামের কাছে দাঁড়াল— আপনার ঐ খেয়াল ভালো লাগছে ?

টেলিফোনের রিসিভার কানে লাগিয়ে অসম্মতিসূচক ঘাড় নেড়ে সজ্জন বললে— আমার একই খেয়াল পছন্দ, আমাদের দুজনের খেয়াল বুঝেছেন ? হ্যাঁ— হ্যালো— মহান লেখক মশাই, দিন দিন নাম চারিদিকে ছড়িয়ে— কেন ? উত্তরে বেশ ঘা কতক দিতে ইচ্ছে করছে, লজ্জা করে না, প্রায় পাঁচ-ছদিন হল তোমার দেখা নেই, হ্যাঁ, হ্যাঁ, রামো রামো— তবে তো বেশ পরিশ্রম করছ, আহাম্মক, তাই তো তোমায় কত বোঝাই যে এত বেশী টানা ভালো নয়— হা-হা-হা ভরী গুড— এখুনি এসো— আমার মতামত ? এখানে এলেই শুনতে পাবে। তোমার একজন মস্ত বড় ভক্ত— আচ্ছা, নাও টেলিফোনেই শুনে নাও ( টেলিফোনের রিসিভার কণ্ঠার হাতে দেওয়ার জন্য একটু কোমর হেঁট করে ) এদিকে আসুন, আপনার সঙ্গে প্রসিদ্ধ লেখকের পরিচয় করিয়ে দিই।

ক্লাসিকাল সংগীতের বড় একঘেয়ে প্রোগ্রাম হচ্ছে— ছত্তোর— কণ্ঠা উঠে গিয়ে রেডিওর কাঁটা কর্ণাটকী সংগীতে ঘুরিয়ে দিলে।

সজ্জন টেলিফোনে— ভাই মহিপাল— কথা বলো— হ্যাঁ এ প্রান্তে মিস বনকণ্ঠা আর ও প্রান্তে আমার এক আহাম্মক লেখক বন্ধু— বলতে বলতে রিসিভার কণ্ঠার হাতে ধরিয়ে দিলে।

কণ্ঠা একগাল হেসে রিসিভার হাতে নিয়ে— নমস্কার, অ্যা ( হাসি ) না না, আমি সত্যি মনে করিনি— আপনারা দুজনে প্রাণের এয়ার, প্রাণ খুলে পরস্পরকে যা ইচ্ছে বলুন— আমি কেবল আপনাদের গুণগ্রাহী— হ্যাঁ, ভালো লাগল— খুব ভালো বলতে পারছি না — এরচেয়ে আপনার 'দেবতা' গল্প বেশী ভালো লেগেছিল।

হঠাৎ এরোপ্লেনের ঘোঁ ঘোঁ শব্দে রিসিভারের আওয়াজ তুলিয়ে গেল। সজ্জন এরোপ্লেন দেখার কৌতূহল চাপতে না পেরে এক ছুটে বাইরের বালকনিতে গিয়ে কৌতূহলভরা চোখে আকাশের দিকে তাকাতে লাগল। অস্পষ্ট আওয়াজে বিরক্ত হয়ে বনকন্যা রিসিভার রেখে দিলে। মুহূর্তের জন্য বেতারকেন্দ্রের প্রোগ্রাম, দুটি এরোপ্লেনের কর্কশ ধ্বনির সামনে পরাজয় স্বীকার করতে বাধ্য হল। ইতিমধ্যে বেতারকেন্দ্রের টেলিফোন ক্রিং ক্রিং শব্দে বেজে উঠল, কর্নেল ফোনে মহিপালকে ডাকছে। রিসিভার ধরে মহিপাল বললে— এখানেই থামব? কেন? আমি সজ্জনের বাড়ি যাচ্ছি— এঁা, এয়ারপোর্ট থেকে বলছ? সেখানে মরতে কেন গেলেন?

আকাশে এরোপ্লেন ঘোঁ ঘোঁ শব্দে, বনবন করে শহর পরিক্রমা করছে। উনিশ শো বাহার সালের শীতের সন্কে, হঠাৎ আকাশে সোরগোলের শব্দে মিইয়ে পড়া শহরটি যেন আচমকা জেগে উঠেছে। পাঁচ মিনিট পর্যন্ত এরোপ্লেন একইভাবে পরিক্রমা করে চলেছে, বনবন শব্দে বাজার হাটের হট্টগোল নিমেষে থেমে গেছে, শীতের প্রকোপে যারা লেপের ভেতর আশ্রয় নিয়েছে, তারা বিছানা ছেড়ে উঠে দাঁড়িয়েছে। চারিদিকে উত্তেজনার সৃষ্টি হয়েছে, এরোপ্লেন হ্যাণ্ডবিল ফেলছে। চতুর্থীর এক ফালি টাঁদের জ্যোৎস্নার আলোয় সাদা সাদা হ্যাণ্ডবিল পায়রার মতো শহরের আকাশে ছড়িয়ে পড়েছে।

একসঙ্গে অসংখ্য হাত আকাশের দিকে কাগজ লুফে নেবার জন্য উঠে গেছে। কাগজের টুকরো উড়তে উড়তে ইলেকট্রিকের পোলের ওপর পর্যন্ত আসতেই সকলের চোখের সামনে রহস্যের

বর্ম খুলে পড়ল। ছোট বইয়ের অস্তিত্বকে সব ক'জোড়া চোখই এবার চিনে ফেলেছে।

যাদের হাতের মুঠোর মধ্যে সহজেই ছোট বই এসে ধরা দিয়েছে তারা এমনি আনন্দে আত্মহারা যেন এখুনি তারা ডার্বী লটারির টাকা পেয়েছে। হাতাহাতি ধাক্কাধাক্কি গালাগালি হৈচৈতে চারিদিকে হুলস্থূল বেধে গেল। মিনিট পাঁচেক চিৎকার চেষ্টামেচি চলল। যাদের হাত খালি রয়ে গেছে তারা হুগ্ধ হয়ে পাগলের মত এদিক-সেদিক ছুটোছুটি আরম্ভ করে দিয়েছে। যারা উর্দু পড়তে জানে না অথচ দৈবভূবিপাকে তাদের ভাগ্যে সেই ভাষার কাগজ জুটেছে, তারা তখুনি হড়বড়িয়ে পাড়ায় উর্দু লেখাপড়া জানা লোকের খোঁজে বেরিয়ে পড়ল। উর্দু জানা হাতে হিন্দীর কাগজ বাড়ির বাচ্চাদের ঘুম নষ্ট করে দিল, আধঘুমন্ত চোখ রগড়াতে রগড়াতে তারা বিছানায় বসে স্কুলের হিন্দী জ্ঞানের পরীক্ষা হিসেবে জোরে জোরে পাঠ শোনাতে লাগল। মুহূর্তের মধ্যে জনসাধারণের অবশ হাতে পায়ে যেন বিদ্যাতের শক্তি এসে গেছে। কয়েক মিনিটের ভেতরে প্রচার পুস্তিকা হাতাবার জগ্ধ ছোটখাটো কতই না দুর্ঘটনা ঘটে গেল। খানিক পরে যে যার ঐপে বসে মনোযোগ সহকারে আগাগোড়া পড়তে ব্যস্ত হয়ে পড়ল। পুস্তিকার ওপরের মলাটে তিনটে ঘোমটা দেয়া পেন্সিলের স্কেচ— নীচে বড় বড় অক্ষরে ছাপা ‘অবগুঠন সরাতে হবে— সরাতে হবে ভাই’— লেখিকা : কুমারী বনকণ্ঠা।

নিজের বাড়ির ঘটনার ফিরিস্তি দেবার পর শেষে বনকণ্ঠা লিখেছে, ‘পুরুষজাতটার প্রতি আমার মনে কোন ক্ষোভ নেই। যাদের জিভ একবার মানুষের শোধিত রক্তের আশ্বাদ পেয়েছে,

তারা কখনো শোষণ ছাড়তে পারে না। আমি আবেদন জানাচ্ছি আমার বোনদের উদ্দেশে, যারা স্কুল-কলেজে পড়ে গৃহে বন্দিমীর জীবনযাপন করতে বাধ্য হয়েছে। আমার মতে তাঁদের ‘প্রেম’ শব্দের মায়াজালে জড়ানো সমাজবিরোধী বিষধরের দংশন থেকে নিজেকে বাঁচাতে হবে। অত্যাচারী শাসক শোষিতকে পরাধীন করার আগে তার নৈতিক মনোবলকে ভেঙে শেষ করে দেয়। নারীজাতির করুণ ক্রন্দনে ভরা ইতিহাসের পাতা এ বিষয়ের সাক্ষী। বিবাহের মন্ত্রে কপটানো নারীর অধিকার আজ উপহাসের সামগ্রী হয়ে গেছে। ভারতের পুঁথিতে লেখা গণতান্ত্রিক শাসন প্রণালী আজ বিদেশে সম্মান পাচ্ছে কিন্তু এখানে অবস্থা ঠিক তার বিপরীত। বড় বড় ভাষণে জোর গলায় বলা হয় যে-গৃহে নারীকে সম্মান দেওয়া হয়, সেখানেই দেবতার বাস। কিন্তু এই চলতি কথার সারতত্ত্ব কেউ মানতে রাজী নয়। নারীজাতিকে সম্পূর্ণ পদদলিত করে রাখাই আমাদের সমাজের মহান ধর্ম। ধর্ম, ন্যায়, রাজত্ব করা সবই পুরুষের অধিকারে। পুরুষ অসহায় স্ত্রীকে যদি বাক্জালে জড়িয়ে দিয়ে মারে তাহলে সে বেচারিকে দোষী ঠাণ্ডরানো কি ঠিক? ধর্ম, প্রথা আর অত্যাচার-বিচারের মায়াজাল সরিয়ে দিতে হবে। আমাদের অধিকার হাসিল করার জন্য আমরা সমর প্রাঙ্গণে ঝাঁপিয়ে পড়বার জন্তও প্রস্তুত আছি।

‘আমি যেদিন আমার বাবার অত্যাচারের বিরুদ্ধে মুখ খোলার চেষ্টা করেছিলুম সেদিন স্বর্গীয়া বউদি আমার মুখে হাত চাপা দিয়ে ফুঁপিয়ে উঠেছিলেন। শত চেষ্টার পরেও আমি তাকে বুঝিয়ে উঠতে পারিনি যে অত্যাচার অত্যাচারের বিরুদ্ধে কখনো জাগিয়ে

তোলায় মানহানি হয় না। অত্যাচারীর সামনে মূক ছাগলের মত  
 বলি হয়ে যাওয়াই প্রকৃত মানহানি। স্ত্রীর আশেপাশে ‘প্রেমের’  
 মায়াজাল বিছিয়ে তাকে পুরুষ দিতে চায় বিশ্বাস, প্রতিদানে চায়  
 তার দেহ— চিরজীবনের নঙ্গিনী করার মিথ্যে ভাঁওতা দিয়ে তাকে  
 নিয়ে যায় অধঃপাতের পথে। একদিন সেই প্রেম অমৃতের বদলে  
 গরল হয়ে স্ত্রীর গলা দিয়ে নেমে যায়। প্রেমের বেদিতে তার  
 বিন্দু বিন্দু রক্তের ফোঁটা চোখের জলে ধুয়ে যায়— এই শ্রাব্য ?  
 এই কি প্রেমের প্রকৃত রূপ ? অষ্টপ্রহর বসে চোখের জল ফেলা  
 ছাড়া আর কি কোনই গতি নেই তার ? দাস্তিক, ছলকপটতায়  
 পারদর্শী পুরুষের জন্তু চোখের জল তার গালেই শুকিয়ে যায় তবু  
 সে বিচার পায় না। তার জীবনের সমস্ত আশা-আকাঙ্ক্ষা  
 প্রেমের আগুনে পুড়ে ছারখার হয়ে যায়। আশুন— এ নিয়ে  
 সজ্জবদ্ধ হয়ে অভিযান আরম্ভ করতে হবে, অবগুষ্ঠন সরাতে হবে।  
 যেদিন নারীজাতি সম্পূর্ণ এক হয়ে একস্বরে অত্যাচার দমনের  
 আহ্বান জানাব, সেইদিন হবে স্ত্রীজাতির জীবনের সুপ্রভাত।’  
 নীচে মহিপাল, সজ্জন আর কর্ণেলের সহি দিয়ে জনসাধারণের প্রতি  
 আবেদন লেখা— ‘বনকন্ঠার লেখায় কোন রাজনৈতিক ধাপ্পাবাজি  
 নেই, অতি সহজ সরলভাষায় নারীজাতির প্রতি অত্যাচারের বিশদ  
 বর্ণনা দেওয়ার চেষ্টা করা হয়েছে। আপনাদের কাছে আমাদের  
 করবদ্ধ প্রার্থনা যে আপনারা এ বিষয় গভীরভাবে বিবেচনা করুন।  
 বর্তমান সমাজের নারী আজ আপনাদের কাছে শ্রাব্য শিক্ষা চাইছে,  
 তাদের হৃদয়ের স্পন্দনের অনুভূতি আপনারা বনকন্ঠার লেখার  
 মধ্যে দিয়ে অনুভব করবেন। জনতার দরবারে শ্রাব্য শিক্ষার  
 জন্তুই আমাদের এই আবেদন।’

সজ্জন আর কথা দুজনে ধ্যানমগ্ন হয়ে পুস্তিকা পড়ছে। পড়া শেষ হতেই সজ্জন হেসে ফেলে বললে— এ ব্যাটা কর্নেলের আক্কেলখানা দেখুন একবার, সারাজীবন আহাম্মকই থেকে গেল। আমার আর মহিপালের নাম মিছিমিছি মাঝেখানে ঢুকিয়ে দিয়েছে। এর কোন মানে হয়? উঃ একেবারে বাজে স্টেটমেন্ট।

---আমার মনে হয় এর জ্ঞা মহাভারত অশুদ্ধ হয়ে যাবে না। যাঁই বলুন, কর্নেল মানুষটি ভালো, কেমন বুকঠুকে এগিয়ে এসেছেন। লাইটার দিয়ে সিগারেট জ্বালিয়ে সজ্জন বললে— হ্যাঁ, সেদিন ক্রিসমাসের দিন আপনার সামনেই তার হাতে আপনার লেখাটা দিয়েছিলুম, তারপর থেকে ব্যাটাচ্ছেলে একটা খবরাখবর পর্যন্ত দেওয়া দরকার মনে করলে না।

—এ কথা আপনি আমায় বিশ্বাস করতে বলেন? মুখ টিপে কথা হাসি চাপার চেষ্টা করছে। তার চোখে মান-অভিমান বিশ্বাস-অবিশ্বাসের ছায়া ঝিলিক মারছে। সজ্জন মস্তমুণ্ডের মত তার চোখের দিকে তাকিয়ে আছে। উঃ মেয়েদের এই ফাঁদটুকু অপূর্ব। আজ তাদের মধ্যের ব্যবধান ঘুচে গিয়েছে। এই মধুর অনুভূতিকে সে চিরজীবনের জ্ঞা নিজের স্মৃতির কোটরে সঞ্চয় করে রাখবে।

—এই স্কেচটা আপনার হাতের তৈরী...

সজ্জন অকারণে কাঁপুহাসি হেসে বললে— যে ভাবে ছাপা হয়েছে তাতে কর্নেলের ঐক্য মনে হচ্ছে না? আমার স্কেচের খাতা থেকে কোন্ সময় চুরি করে নিয়ে গেছে, হ্যাঁ এবার মনে পড়েছে, বটেশ্বর গ্রামের মেলায় এই স্কেচ এঁকেছিলাম। আরে আমায় যদি একবার বলত তাহলে তখনই নতুন স্কেচ এঁকে দিতুম।



—কেন, ভালোই তো হয়েছে... ওঁর বেশ কিছু খরচ হয়ে গেছে মনে হচ্ছে।

—তাতে কি? খরচের জন্যই তো মানুষ উপার্জন করে।

—না, তা নয়, নিজের স্বার্থের কথা সকলেই বড় করে ভাবে কিন্তু অন্যের স্বার্থকে বড় করে ভাবার মত মন কজনের আছে বলতে পারেন? কোন উদ্দেশ্যের জন্য খরচ করা আরোই কঠিন নয় কি?

কন্যার সামনে নিজের এবং বন্ধুদের মহানতার পরিচয় দেবার জন্য সজ্জন আকুলিবিকুলি করে উঠল। সে বোঝাতে চায় যে তারা সকলেই মহৎ উদ্দেশ্যের জন্য প্রাণ দিতেও পেছপা হবার পাত্র নয়। সজ্জন ছ' হাত আকাশের দিকে তুলে বলল— আমার জীবনে চিরদিনই এটাই উদ্দেশ্য ছিল এবং আজও তা আছে। যাদের মন উদার আমার মনের মিল ঠিক তাদের সঙ্গেই হয়, প্রত্যেক অ্যাভারেজ মানুষের চরিত্রে এই গুণের সমাবেশ হওয়া অত্যন্ত দরকার।

কন্যা খুসী হয়ে সজ্জনের মুখের দিকে তাকাল। সজ্জনের সঙ্গে তার মানসিক যোগাযোগ অতি নিকটের হয়ে গিয়েছে। তার ব্যক্তিত্বের আকর্ষণের সামনে চিরন্তন চাওয়া-পাওয়ার যেন যবনিকা উঠে গেছে। হঠাৎ সে নিজেকে বড় দুর্বল মনে করল। কন্যার হাবেভাবে তার হৃদয়ের কথা বুঝে নিয়ে সজ্জন মনে মনে আনন্দিত হল, কন্যার আকর্ষণে আছে প্রেমের অনুভূতি, সে তার জীবনের চলার পথের সত্যিকারের পাথেয়। কন্যার সামনে তাকে বার বার নিজের মনকে বশে রাখতে হচ্ছে। প্রসঙ্গ পালটাবার জন্য বললে— আপনার লেখাটা সত্যি খুব ভালো হয়েছে। এটা পড়ে জনসাধারণ নিশ্চয় প্রভাবিত হবে।

কণ্ঠা বিষমভাবে মাথা নীচু করে বললে— কিছুই ঠিক বুঝে উঠতে পারছি না। আপনাকে আমার মনের গোপন কথা বলব? যতদিন পর্যন্ত এই অত্যাচারের রহস্যোদ্ঘাটন হয়নি আমি সমানে ছটফট করেছি। আপনি কল্পনাই করতে পারেন না যে সেদিন লেখা নিয়ে এখানে আসার আগে, আমার মনের ওপর দিয়ে কত ঝড় বয়ে গিয়েছিল। আপনার আর কর্নেল সায়েবের সাক্ষ্যে আমি যেন হারানো মনোবল ফিরে পেয়েছিলুম। অত্যাচার সঙ্গে যুদ্ধে যাবার ক্ষমতা পেয়ে আমার মনে হল— আমি প্রতিকার করতে পারব। এখন ভাবছি এর পর কি? দুস্তিকা পড়ার পর ছ’ চারদিন রসিয়ে রসিয়ে সকলে চর্চা করে তারপর সবই ভুলে যাবে— কারুর হয়তো এ কথা ভুলেও মনে আসবে না যে সত্যি একটি মেয়ে এমনভাবে প্রাণ দিয়েছিল। সময়ের চক্রঘানে কত নাম-না-জানা পাপের মাংসপিণ্ড এইভাবে পিষে মরবে।

নিজের প্রিয়া— হ্যাঁ প্রিয়াই তো— তাকে সাক্ষ্য দেবার জন্য সজ্জন উত্তেজিত ভাবে বুক ঠুকে বললে— না, না, আমরা শেষবিন্দু পর্যন্ত অত্যাচারকে সমূলে শেষ করার জন্য যুদ্ধ করে যাব।

কণ্ঠা ছোট একটি নিশ্বাস ফেলে— কিন্তু এসব হবে কেমন করে? আমাদের বেশীর ভাগ রাজনৈতিক দল সমাজ থেকে বিচ্ছিন্ন হয়ে অন্ধের মত ছুটে চলেছে...

—ছুটে দিন— ছুটে দিন, জনসাধারণ নিজের থেকেই তাদের ছট আউট করে দেবে।

—ছট আউট করে সমাজের শৃঙ্খলা বজায় রাখা যায় না। সামাজিক চেতনায় আমূল পরিবর্তন দরকার, তা না হলে এ অত্যাচার চলতেই থাকবে। রাজনীতিকে উঠতে বসতে আমরা যতই

গালাগালি করে থাকি-না কেন, আমাদের সমাজের ষ্টিয়ারিং হুইল রাজনীতির হাতে এটা ভুলে গেলে চলবে না।

—আমি মানতে রাজী নই, সভ্যতা—

—হ্যাঁ, সভ্যতা পেট্রোলের মতই জরুরি ; পেট্রোল না থাকলে গাড়িই অচল। কিন্তু তাই বলে কি আপনি ষ্টিয়ারিং হুইলের কম মূল্য দেবেন ? যতদিন-না সমাজ এতটা সংস্কৃত ও সভ্যভাব্য হয়ে উঠছে যে সেক্রেটারিয়েট, পুলিশ বা মন্ত্রীদেব ওপর নির্ভর না করেই অনায়াসে কাজ চালিয়ে যেতে পারবে, ততদিন রাজনীতির এতটাই মূল্য থাকবেই। অন্ততঃপক্ষে একশো বছর তো ছুনিয়ার এই হাল থাকবেই।

কণ্ঠা চূপ করে গেল। সজ্জনও গভীর চিন্তায় তন্ময়। মনের এ গভীর চিন্তাটা আরও একটু প্রকাশ না করে থাকতে পারল না কণ্ঠা, বলল—যে কোন দলের হোক-না কেন আমাদের রাজনৈতিক নেতারা নতুন এই সাংস্কৃতিক দৃষ্টিকোণ থেকে ভাবতেই পারে না। আমাদের দেশের নেতাদের মাথায়ই ঢোকে না যে, সাংস্কৃতিক বিকাশ না ঘটলে পলিটিক্‌সে স্পিরিচুয়াল ফোর্স আসতেই পারে না। আর এটা না এলে পলিটিক্‌স চিরকালই পাওয়ার পলিটিক্‌স হয়ে থাকবে।

—আপনি তাহলে আধ্যাত্মিক ফোর্সে বিশ্বাস করেন ? আমি ভাবতুম কম্যুনিষ্টরা ওসব মানে না।

কণ্ঠা হেসে ফেলল—কম্যুনিষ্টরা না মানুষ কিন্তু সাধারণ মানুষ তো মানে ? আর তাছাড়া কম্যুনিষ্টরাও মানে। কারণ প্রত্যেকের জানার ও মেনে নেবার রীতিটা তার নিজস্ব জিনিস। সত্যি বলছি, আত্মা, আধ্যাত্মিক শক্তি এসব কথার মানে ঠিক ঠিক না

হুতলেও মনের ভাব প্রকাশ করার সময় আপনা হতেই জিভের  
উদ্যম এসে যায়।

সজ্জন কন্যার দিকে কটাক্ষ করে গলার স্বরকে যথাসাধ্য  
মোলায়েম করে বললে— হ্যাঁ, নিজের বিষয় আমি ঠিক এই কথাই  
বলতে পারি— আমার স্পিরিট, আত্মা, ভগবান— যা-কিছু সব ঠিক  
জালী মেয়ে...।

বনকন্যার চোখে অনুরাগ নাথানো এক কিলিক নিমেষে খেল  
গেল। তাড়াতাড়ি নিজেকে সামলে নিয়ে গম্ভীরভাবে সে নাথান  
নীচু করে মেঝের দিকে তাকাল।

দরজার বাইরে কর্নেল আর মহিপালের গলার আওয়াজ ভেসে  
এল। কর্নেল বলছিল— আরে বাবুনগাই— কাল সারা শহরে এর  
প্রভাব দেখে নিয়ো।

হুজনে ঘরে ঢুকতেই বনকন্যা নমস্কার করে উঠে দাঁড়াল।  
মহিপাল গম্ভীর চালে ওকে দেখল। কর্নেল আপনজনের মত  
তার দিকে তাকিয়ে সহজ হাসি হাসল।

—বলুন, আজকের তামাশা কেমন লাগল? কর্নেল কন্যাকে  
জিজ্ঞাস করল।

কন্যা উত্তর দেবার আগেই সজ্জন মহিপালের দিকে চেয়ে  
বললে— ভাই, কোন ভালো উকিলের সন্ধান দিতে পারো?

মহিপালের উত্তরের অপেক্ষা না করে উৎসাহের সঙ্গে কর্নেল  
হুজনের মুখের কথা কেড়ে নিয়ে বললে— উকিল? হ্যাঁ, হ্যাঁ,  
এখনি কোন করব? কেন দরকার আছে কিছু?

—হ্যাঁ, তোমার ওপর ‘চারশো-বিশির’ মোকদ্দমা দায়ের করব  
তাবহি। সজ্জন মুখটাকে যথাসম্ভব গম্ভীর করে বললে।

—নিশ্চয়, নিশ্চয়, দাও ঠুকে বাটাচ্ছেলেকে। জিভ কেটে  
নজ্জিত হয়ে মহিপাল কন্ঠার দিকে চেয়ে বললে—মাপ করবেন,  
মুখ ফসকে শব্দটা বেরিয়ে গেল।

কন্ঠা মুচকি হাসল। সজ্জন টেবিল থেকে ছোট পুস্তিকাটি  
হাতে নিয়ে বললে—এই দেখো, স্টেটমেন্টের কোন মাথামুণ্ড  
আছে? আমাদের নাম ছাপিয়ে বসে আছে। সজ্জনের কথা  
শুনে কর্নেল অপ্রস্তুত হয়ে গেল।

মহিপাল বিদ্রের মত বললে—সারা রাস্তা আমি বকতে বকতে  
এসেছি। একেবারে—তার সঙ্গে আমার নামটা...

—ভাষা দেখবেন না, অর্থ ভেবে দেখুন। ভাষার ভুল বড় বড়  
সাহিত্যিকেরাও করে থাকেন, ইনি সারা শহরে নতুন চেতনার সঞ্চার  
করে দিয়েছেন—সকলে চমকে উঠেছে, এটা কম প্রাপ্তি মনে করেন?

কর্নেল আনন্দে আটখানা হয়ে হো হো করে চৈচিয়ে উঠল—  
বাস, বাস, বাস, দীর্ঘজীবী হউন, আমার তরফ থেকে বুদ্ধিজীবীদের  
যা হিট করেছেন, এরা গাছের আম গোনে না খালি পাতাই  
দেখে বেড়ায়। সব বড় বড় আর্টিস্ট নাম করা...

—যাক্ আপনার সম্মানে আজ একে ছেড়ে দেওয়া গেল...  
আপনি বেশ ভালো লেখেন কিন্তু। মহিপাল কন্ঠার খোশামুদী  
করার ভঙ্গিতে বললে। কন্ঠা বিনয়ে মাথা নীচু করে উত্তর দিলে  
—অনেক ভুল আছে নিশ্চয়, ছাপাবার আগে একবার আপনাকে  
দেখিয়ে নেব ভেবেছিলুম কিন্তু হয়ে উঠল না।

সজ্জন তিড়িং করে লাফিয়ে উঠল—হ্যাঁ, আমার মতে লেখা  
বেশ হয়েছে কিন্তু এর মাথায় ভূত চেপেছে যে কারকে আগে  
দেখিয়ে মতামতটা জেনে নিলে ভালো হত।

—বাবুজী এটা পলিনির ব্যাপার। ইলেকশনে পুস্তিকার তত মূল্য নেই। আমাদের কোন্ পুস্তিকাটা বেরোবে কেউ যেন না জানতে পারে। পাবলিকের ওপর এটার কিন্তু ভয়ানক একটা প্রভাব পড়বে। কর্নেল বলে উঠল।

—প্রভাব না ছাই।

—কাল দেখে নিয়ো।

—না, প্রভাব মিস্ত্রি হবে, কন্যার মুখের কথা কেড়ে নিয়ে সজ্জন মুচকি হেসে বললে— এখুনি তুমি বলছিলে যে কিস্মি হবে না?

কন্যা লজ্জা পেয়ে সকলের দিকে আড় চোখে তাকিয়ে বললে—  
যান, ‘উন্টা বুঝিলি রান’ আপনার সেই অবস্থা— আমি বলছিলাম যে কর্নেল দাদার খরচটাই জেনে না যায়।

—ঠিক কথা, সমাজে পরিবর্তন আনতে হলে, বদলাতে হবে তার রুঢ় আস্থাকে। এরকম চাই ব্যাপক সংগঠন আর আন্দোলন। মহিপাল তার মতামত প্রকাশ করলে।

খানিকক্ষণ এদিক-ওদিক কথার পর সকলেই যাবার জন্য উঠে দাঁড়াল— দরজা পর্যন্ত কর্নেল আর মহিপালকে ছাড়তে এসে সজ্জন জিজ্ঞেস করলে— কত খরচ পড়ল কর্নেল?

—কেন, তুমি পেমেন্ট করবে নাকি?

—হ্যাঁ।

কর্নেল মহিপালের দিকে ঘাড় ফিরিয়ে বললে— শুনলে নবাব-পুতুরের কথা? (সজ্জনকে) মশাই এখন সবে কলির সন্ধে, এরপর আপনার প্রিয়াকে হাজার ছ’হাজারের উপহার দিতে হবে, তখন? বিল কেটে তোমার কাছে পাঠিয়ে দেব?

—হ্যাঁ ভাই, যা বলেছ। আমারও মনে হচ্ছে যে এ বিয়ে না হয়ে যায় না, বেশ মেয়েটি না ?

বন্ধুদের হাসি-ঠাট্টা তার মন্দ লাগছিল না, সে হেসে বললে—  
তোমাদের মাথার ঘিনুতে নানারকম পোকামাকড়ের উপদ্রব হচ্ছে—  
আমি বেচারিকে একটু সাহায্য...

—হ্যাঁ, তুমি একেবারে ধর্মপুত্রের যুধিষ্ঠির। কর্নেল হেসে বললে।  
মেয়েটি সত্যিই পছন্দ করার মত। কমুনিষ্টদের মত খটখটে নয়,  
চোখে বেশ লজ্জাভাব আছে।

ছুজনকে বিদায় দিয়ে সজ্জন কন্যাকে বাড়ি পর্যন্ত পৌঁছে দিতে  
গেল। দশটাকা মাসে ভাড়া দিয়ে একটি ছোট্ট কুটির নিয়ে কন্যা  
থাকছিল। গাড়ি থেকে নামার সময় কন্যার হাতে বড় খাম  
ধরিয়ে দেবার জন্য সজ্জন বললে— এটা রেখে দাও।

—এটা কি ?

—রেখে দাও না।

—টাকা ?

—হ্যাঁ, হ্যাঁ, কাজে লাগবে।

—না।

—দেখো, আমি বেঁচে থাকতে তুমি কষ্ট পাবে এ আমি সহ্য  
করতে পারব না।

—আমার কোন কষ্ট হচ্ছে না।

—তোমার কাছে হাত খরচের টাকা আছে ?

কন্যা চুপ করে রইল।

—তবে ? এটা রেখে দাও। কোন আজীবাজে কথা মনে  
এনো না কিন্তু।

—না, নমস্কার, কণা ধীরে ধীরে কুটিরের দিকে পা বাড়ান।

সজ্জনের জীবনে আজ প্রথম পরাজয়। বৈভবের ভঙ্গ্যরূপে আজ সে সোনার কণা খুঁজে পেয়েছে, আজকের অভিজ্ঞতা তার জীবনে শাস্ত্রত সম্পদ হয়ে থাকবে।

বন্ধ ঘরে বেড়ালের তিনটে ছানার চোখ ফুটেই তারা জেঠীর খাটিয়াতে চড়ে উৎপাত আরম্ভ করে দিয়েছে। একদণ্ড তারা এক জায়গায় স্থির হয়ে বসতে জানে না। তাদের চিন্তায় জেঠীর মন-মেজাজ সদাই থিঁচিয়ে থাকে। হলো বেড়ালের ভয়ে নালীর জল বেরুবার মুখে পাথর চাপা দেওয়া, সিঁড়ির দরজার শেকল সব সময় বন্ধ। বেড়ালছানাদের মাকে পর্যন্ত জেঠী দুচক্ষে দেখতে পারেন না। অনেক কষ্টে যদিও বা মায়ের ভাগ্যে তার বাচ্চাদের দুধ খাওয়াবার সুযোগ হয়, কিন্তু জেঠীর নজরে পড়লে আর রক্ষে নেই, তাঁর ঠেঙানি খেয়ে মিউ মিউ করে তাকে পালাতে হয়।

অন্ধকার ঘরে বেড়াল ওপরের তাক থেকে এক লাফ মেরে সোজা কলসীর ওপর ঝাঁপিয়ে পড়ল। মাকে দেখতে পেয়েই খাটিয়ায় বসা তিন বেড়ালছানা মিলে মনের আনন্দে মিউ মিউ করে উঠল। বেড়াল জেঠীর খাটে আরাম করে শুয়ে বাচ্চাদের



চুকচুক করে ছুধ খাওয়াচ্ছে। একজন বাচ্চা মায়ের পিঠে চড়ে ছুধ খাবার চেঁচায় ধীরে ধীরে সরে আসতে গিয়ে ল্যাঁদব্যাঁদ করে খাটিয়ার নীচে এসে পড়ল। তিনজন বাচ্চাকে একসঙ্গে কাছে পেয়ে বেড়াল আনন্দে ল্যাঁজ নাড়ছে।

জেঠী বাজার থেকে তাদের জন্তু মাটির ভাঁড়ে ছুধ নিয়ে আসছেন। পরভু তাড়াতাড়ি গালে পান টিপে সিগারেটের ধোঁয়া ছাড়তে ছাড়তে, একেবারে খলীফা তমোলীর রক থেকে এক লাফে জেঠীর মুখের গোড়ায় এসে, তাঁর লাঠি ধরে বসে পড়ল। হঠাৎ আক্রমণের টাল সামসাতে না পারায় জেঠীর ভাঁড় থেকে একটু ছুধ ছলকে মাটিতে পড়ে গেল।

পরভু বললে—জেঠী শুনছ? গঙ্গার মুখো পা হয়ে রয়েছে তোমার, ছুধটুধ বাচ্চারাই খায়। ভাঁড় এদিকে দিয়ে যাও, ওই দেখো ছুধ ছলকে গেছে।

জেঠী রাগে ফোঁস করে উঠলেন। পরভু আবার খোঁচা মেরে বললে—রাগ দেখালে তোমারই ক্ষতি, আমার কি? যেটুকু ছুধ আছে তাও পড়ে যাবে।

জেঠী আজ ভীষণ মুশকিলে পড়ে গিয়েছেন। জীবনে প্রথমবার সম্মুখ রণক্ষেত্রে পরাজয় স্বীকার করে চুক্তি করতে বাধ্য হলেন, নাকমুখ মিটকে বিরক্তিভরা স্বরে বললেন—ছাড়, ছাড় বলছি, পোড়ারমুখো বাচ্চাগুলো ক্ষিদেয় বসে আছে হয়তো।

—আরে— বাবাঃ আমিই তো তোমার একমাত্র পুষ্টিপুত্র, এ আবার চোরের উপর বাটপাড়ি করতে কে শালা এসে জুটেছে? যাক গে দেখা যাবে—যদি কেউ সাহস করে অনধিকার চেঁচা করেও থাকে তাহলে তার সঙ্গে বোঝাপড়া না করে ছাড়ছি না।

তুমি চোখ বুজলেই যা-কিছু সম্পত্তি আছে সব আমার, বুঝেছ ?  
 গলির দুধারের দোকানীরা সকলেই মজা পেয়ে হাসছে। আশে-  
 পাশের অহেতুক বত্রিশ পাটি দাঁতের সারি দেখতে দেখতে জেঠীর  
 মাথা থেকে পা পর্যন্ত রাগে থর থর করে কেঁপে উঠছে, কিন্তু  
 দুধ পড়ে যাবার ভয়ে তিনি কোনমতে নিতের সামনে রাখার  
 চেষ্টা করছেন। তাঁর মুখের তুবড়ি ছোট্টা হঠাৎ বন্ধ হয়ে গেল।  
 ঠান করে হাতের লাঠি ছেড়ে দিয়ে জেঠী এগিয়ে গেলেন। পরভু  
 স্বপ্নেও ভাবতে পারেনি যে জেঠী রাগে দিশাহারা হয়ে লাঠি  
 ছেড়েই চলে যাবেন। লাঠি ঠক করে মাটিতে গিয়ে পড়ল।  
 পরভুর হাতের কব্জিতে ঝাঁকুনি লাগল, উঠে দাঁড়িয়ে এগিয়ে যেতে  
 যেতে বললে— আচ্ছা, আচ্ছা— রাগ করছ কেন ? লাঠি নিয়ে  
 যাও— ও জেঠী !

জেঠী ততক্ষণে বেশ ক'পা এগিয়ে গিয়েছিলেন, থমকে দাঁড়িয়ে  
 তার দিকে তীক্ষ্ণ দৃষ্টি ফেলে বললেন— বাড়ি এসে দিয়ে যাবি  
 বুঝেছিন ? তা না হলে কাল ভোরে আর দেখতে হবে না—  
 তোমার বংশে সাঁকের পিড়িন নিতে কেউ থাকবে না।

ভয়ে পরভুর বুক ছুক ছুক করে উঠল। মূর্ত্তে হাসিটোটা সব  
 কর্পূরের মতই উবে গেল। সে ভয়ে আড়ষ্ট হয়ে দাঁতের সারি  
 হেসে বললে— তুমি কাল আমার বংশে আগুন লাগাবে আমিই  
 আজ সব চুকিয়ে দেব। এই পড়ে রইল তোমার লাঠি, ইচ্ছে  
 হয় উঠিয়ে নাও। আমার বায়ে গেছে তোমার বাড়ি গিয়ে দিয়ে  
 আসতে।

জেঠী মহাবীর মন্দিরের রকের পাশ দিয়ে তাঁর বাড়ির ফটকে  
 যাবার জন্ত মোড় ঘোরবার সঙ্গে সঙ্গেই বাজারের মধ্যে জটলা

আরম্ভ হয়ে গেল। সকলেই এ বিষয়ে একমত যে জেঠীর পেছনে লাগা মানেই মোচাকে ঢিল মারা। পরভু মশাই বেঁকে বসেছেন দেখে ধর্মভীরু এক সাকরা তার ছেলের হাতে লাঠি দিয়ে জেঠীর বাড়ি পাঠিয়ে দিল।

তড়বড় করতে করতে যেই জেঠী বাড়িতে পা দিলেন ওমনি দুই বেড়ালছানা লাফ মেরে খাটিয়ার তলায় আশ্রয় নিল। তৃতীয় ছানাটি পেটভরে দুধ খেয়ে কোন সময়ে আমেজে চোখ বুজতে গিয়ে ব্যালেন্স হারিয়ে খাটিয়ার নীচে পড়েছিল, জেঠীকে বারান্দায় পা দিতে দেখেই সে কুঁই কুঁই করতে করতে একদিকে ছুটে পালাল। খাটিয়াতে দুই ছানায় যুযুৎসু প্যাঁচ খেলতে খেলতে লদরবদর করে তৃতীয় ভাইয়ের সন্ধানে লাফ দিয়ে নীচে এসে দৌড় দিল। এ সময়ে নিয়ম মত তারা দুধ খেতে পায় এ জ্ঞানটা তাদের বেশ টনটনে আছে। তাদের মধ্যে হাড়গিলে বাচ্চাটি এক জায়গায় বসে টুকুর টুকুর দেখছে, বাকী দুজন সারা ঘর আর বারান্দাকে প্লেগ্ৰাউণ্ড ভেবে ম্যাচ খেলা আরম্ভ করে দিয়েছে।

ম্যাচ খেলে একটু চাঙ্গা হয়ে নিয়ে দুজনে জেঠীর পা চেটে চেটে তাঁর হাঁটাই মুশকিল করে তুলেছে। ভাঁড় থেকে মেনেতে একটু দুধ ফেলে দিয়ে কোনমতে পা বাঁচাতে বাঁচাতে জেঠী দাঙ্গানে উঠলেন। বারান্দার থামের কাছে রাখা অ্যালুমিনিয়ামের প্লেটে দুধ ঢেলে দিয়ে তিনজনকে উঠিয়ে দুধের কাছে রেখে এলেন।

ইতিমধ্যে দরজার শেকল নাড়ার শব্দ হল। মানুষের গন্ধ পেয়ে জেঠীর মন-মেজাজ আবার বিগড়ে গেল।

—জেঠী, ও জেঠী, তোমার লাঠি নিয়ে নাও— আওয়াজ শুনে

গালাগাল দিতে দিতে জেঠী দরজার দিকে ধম ধম করে পা ফেলতে ফেলতে চললেন। সেদিন রাত নটা পর্যন্ত বাজার সরগরম রইল। চারিদিকে গুজব রটে গেল যে পরভুর বদলে ভুল করে পরশোত্তম সাকরার ছেলের ওপর জেঠী মস্তপড়া তিল ছিটিয়ে দিয়েছেন। তার অবস্থা খারাপ, ওঝা, ডাক্তার দুই এসেছে। ভভুতি সাকরা সারা দিনের বেচাকেনার হিসেব নিকেশ বাক্সে ভরে চাকরের নাথায় চাপিয়ে সঙ্গে চৌকিদার নিয়ে বাড়ি ফিরেছেন। গলির মোড়েই তাঁর কানেও এ খবর পৌঁছুল। পরশোত্তমের দোকানের সামনে তার ছোট ভাইয়েব কাছে থেমে খবরাখবর জিজ্ঞেস করলেন। সকলেই জেঠীর প্রতি বিরূপ হয়ে উঠেছে। ভভুতি বললেন—একটু বাড়ি হয়ে এখুনি এলুম বলে।

ভভুতির বাড়িতে এ সময় নন্দ আর বড় বউ ছাড়া কেউ নেই। শঙ্কর নিজের বউকে নিয়ে সেকেশু শো সিনেমা দেখতে গেছে। নন্দর আশ্রয় তার আদরের নাডুগোপাল নাভিকে নিয়ে আজ ছ দিন হল, ভগ্নিপতির শ্রাদ্ধে কাঁসগঞ্জ গেছেন। মনিয়া কাল জিনিসপত্রের কিনতে কঙ্গকাতায় গেছে।

মনিয়ার হাতে মারপোর খেয়ে চুরির রহস্য ফাঁস হওয়ার দিন থেকে নন্দ বাড়ির চৌকাঠ ডিঙাতে পারেনি। জেঠীর বাড়ি তার আনাগোনাও মনিয়া বন্ধ করে দিয়েছিল। প্রথম দু'দিন সে মুখ খুঁড়ে একাই বন্ধ ঘরে পড়ে রইল, তারপর আস্তে আস্তে সংসারের কাজেকন্মে মন বসাল। তাকে দেখলেই আশ্রয় মুখ তেলা হাঁড়ি হয়ে যেত। হতাশ হয়ে শেষকালে সে একটি ফন্দি খুঁজে পেল। মনিয়ার ছেলেকে সে আশ্রয় ভালোবাসতে লাগল। বাৎসল্য-প্রেমের মরানদীতে আবার জোয়ার দেখা দিল। মনিয়ার নাইবার

খাবার সময় সে ইচ্ছে করে কাপড়-চোপড় নিয়ে কলে কাচতে বসে যেত। ইতিমধ্যে ভগ্নিপতির মৃত্যুর খবর পেতেই আশ্মা কঁাসগঞ্জে চলে গেলেন। তাঁর যাওয়ার সঙ্গে সঙ্গেই নন্দর চক্ষুলাজ্জা ধীরে ধীরে কমে গেল, বউদিদের সঙ্গে সংসারের কাজে সাহায্য করতে লাগল। ছোট বউ নাকালে দেবীতে উঠে চা-জলখাবারের পাট চুকিয়ে হাইস্কুল পরীক্ষার পড়া নিয়ে বসে, স্বামীর দেওয়া হোমওয়ার্ক শেষ করে পড়ী তারার সঙ্গে কিছুক্ষণ গল্পগুজব করতেই দিন কাবার হয়ে যায়। সংসারের কাজে সে বড় একটা হাত দেয় না। শান্তুড়ী যেতেই মনিয়ার রাজহা ঘর-সংসারের ভার একেবারে ছড়মুড় করে একা বড়র মাথায় এসে পড়ছে তাই নন্দ এসে সাহায্য করায় এর সঙ্গে বড়র বেশ জমে উঠেছে। বড় বউ আজকাল তাঁর কোলের মেয়ের সোয়েটারের ঘর তুলে নতুন নমুনা শিখছে।

ভভুতি দরজার কড়া নেড়ে হাঁক দিলে--- দরজা খোল। ঘরের ভেতরে নন্দ আর বড় খাটেতে পাশাপাশি শুয়ে খোশগল্লে মেতে আছে, একপাশে ছোট দোলনায় কোলের মেয়েটি দোল খাচ্ছে। রেডিওতে সিনেমার গান বাজছে।

অকলে মে বো ঘরতে তো হোদে

মিটাকর মুখকো তো পড়তে হোদে

হমারী এয়াদ আ বাতী তো হোদী।

ভভুতি বাড়ি ঢুকেই তাড়াতাড়ি আগে বাগর তালী বন্ধ করল, তারপর খাওয়া-দাওয়ার পাট চুকিয়ে মেয়েকে ভেতর থেকে শেকল বন্ধ করার হুকুম দিয়ে, পরশোত্তম স্বাক্ষর ছেলের খবরাখবর জানবার জন্ত বেরিয়ে গেলেন। নন্দে ভাজে আবার নিশ্চিন্ত

মনে তেতলায় বড় ঘরে আড্ডা মারতে গেল। আড্ডায় নন্দর মন বসছে না, কেননা তার নোলা সপ্ সপ্ করছে মিষ্টির জন্তে। বড়র বারণ না মেনে সে নিজের গাঁটের পয়সা বার করে বাইরে গলিতে বেরিয়ে গেল। সামনে বারান্দায় পাড়ার চৌকিদার দিবি বিহানা পেতে বসেছিল তাকে খোশামোদ করে আধসের মিষ্টি-নোস্তা মিলিয়ে আর আধ সেরটাক দুধ আনতে পাঠাল। কোলের মেয়ে একা ওপরে আছে ভেবে বড় তাড়াতাড়ি সিঁড়ি বেয়ে আবার ওপরে উঠে গেল। নন্দ সেখানেই চৌকিদারের প্রতীক্ষায় দাঁড়িয়ে রইল।

বড় বউ একলা ভয় পায় তাই কাল থেকে নন্দে ভাজে একসঙ্গেই শুচ্ছে। আন্মা যেতেই নন্দ তার সঙ্গিনী হিসেবে বড়কে খুঁজে পেয়েছে। পরস্পর স্নেহের রঙীন চশমায় সে যেন বড়কে নতুন রূপে দেখছে।

রোজগেরে বড় ভাইকে নন্দ কিছুতেই নারাজ করতে চায় না, মনিয়ার মন নরম, একটু খোশামোদেই গলে যায়। বিয়ের পর মনিয়া নতুন বউয়ের ভালোবাসায় হাবুড়বু খেত আর নন্দ কথার মারপ্যাঁচে বড়র মনের গোপন কপাট খোলার চেষ্টা করত। কিছুদিন পরে মনিয়ার জীবনের নতুন অধ্যায় আরম্ভ হল। নানা ফন্দিফিকির করে নন্দ বন্ধু সন্তোষ বউয়ের সঙ্গে মনিয়ার গোপন মেলামেশার সুযোগ করে দিয়ে তুর হাসি হাসল। সেদিন থেকে বড়র সঙ্গে তার শত্রুতা, লাগানি-ভাঙানি করে বড়র জীবন সে বিষময় করে তুলল। এরমধ্যে নাটকীয় সংঘাতের মতই একদিন মনিয়া আবার স্ত্রীর আঁচলের তলায় আপনা হতেই ধরা দিল। সেদিন থেকে ভাইবোনের মনকষাকষি আরম্ভ হল। হোঁচট খেয়ে মনিয়া

সাবধান হয়ে গেল, তাই সে বোনের দালালি করার প্রবৃত্তিকে দমন করার চেষ্টা করছে। বোন ভাইকে তোয়াক্কাই করে না, কেননা সে বাবার আছরে মেয়ে। ভাই বোনে ছুজনেই ছুজনের গোপন কাহিনী জানে কিন্তু মুখে আনার সাহস নেই। এতদিন অপরাধের ভার ছু দিকেই সমান চলছিল, কিন্তু ইদানীং নন্দর দাঁড়িপাল্লা ভারী দেখে মনিয়ার পোয়া বারো হল। সেদিন চুরির অজুহাতে নন্দর ঘর খানাতল্লাসী করতে গিয়ে তাকে একা পেয়ে সে বেশ ধমক দিয়েছে। নন্দের বাস্কে অশ্লীল ছবির গোছা বেরুতেই মনিয়া হিংস্র পশুর মত আফালন করে বললে— এখুনি তোমার মুখে চুনকালি মাখিয়ে দিতে পারি তা জানো? তুমি যদি আমার বিষয় কিছু বলতেও যাও, লবডকা, কেউ বিশ্বাস করবে না। কানে সরষের তেল দিয়ে ভালো করে শুনে রাখো যে আমার সঙ্গে শত্রুতা করে এ বাড়িতে থাকা অসম্ভব, চুলের মুঠি ধরে বিদেয় করে দেব। এ ভেবো না যে বাবা তোমাকে বাঁচাতে আসবে।

নন্দর গোপন রহস্যের দড়ি কঞ্চি মনিয়ার হাতে আসতেই সে ভাইয়ের অনুগত হয়ে গেল। নিজের পক্ষকে মজবুত করার জন্ত বড়র সঙ্গে ওঠাবসা বাড়িয়ে দিল। মেসোর প্রাণপাখি খাঁচাছাড়া হবার সঙ্গেই নন্দর দুষ্ট গ্রহ কেটে গেল, আশ্রয় অনুপস্থিতিতে মনিয়াকে সন্তুষ্ট করার সুযোগ আপনা হতেই তার হাতে এসে গেল।

আজকাল নন্দে ভাজে গলায় গলায় ভাব। সকালে উঠে বড়কে বলতে শোনা যায়— যে যাই বলুক আমাদের ননদিনী রায়বাঘিনী বটে কিন্তু লোক খারাপ নয়। ভালো সোসাইটিতে মিললে মিশলেই শুধরে যাবে।

মিষ্টি নোস্তা আর ছুধের ঘটি নিয়ে নন্দ তর তর করে ওপরে উঠে গেল। বড় একা ঘরে ক্ষণিক স্বাধীনতার হাওয়া গায়ে লাগিয়ে আপন মনে গুন গুন করে বিরহেশের লেখা গানের লাইন গাইছে— ‘সির সে কফন লপেটে নিকলে হৈঁ পেয়ার করে’।

নন্দ-ভাজে রসিয়ে রসিয়ে নানা গল্প জুড়ে দিল। নন্দর পাকা ঘুঁটির সামনে বড়র চাল কাঁচা হয়ে যাচ্ছে। ভূত আর বর্তমানের কাহিনী শুনে বড়র মন বিচলিত হয়ে গেল, সে হড়বড় করে তার মনের সব গোপন কথা নন্দর সামনে খুলে ধরল।

আম্মা প্রায়ই নন্দর বিষয় কথা হলেই বলে থাকেন— নন্দর পেট থেকে কথা বার করার সাধ্যি কার আছে? কাঁসগঞ্জ যাবার পূর্বে দুই বউকে নন্দদের দিক থেকে সতর্ক থাকার উপদেশ দিয়ে গিয়েছিলেন। ছোট বউ বেশ চালাক চতুর কিন্তু বড় একটু বোকা বোকা, তাকে সহজেই ভুলিয়ে ভালিয়ে কথাচ্ছলে হাত করা যায়।

অলিফ লয়লার প্রেম-কাহিনী থেকে আরম্ভ করে সাত সমুদ্র তেরো নদীপারের ভালোবাসার গল্প ঝাঁটিয়ে রসিয়ে রসিয়ে নন্দ বড়কে শোনাচ্ছে। কনুইয়ে ভর দিয়ে পেটের ওপর বালিশ রেখে বড় তন্ময় হয়ে তার মুখের প্রত্যেকটি কথা যেন গিলছে। প্রেমে অগাধ পাণ্ডিত্যের পরিচয় দেবার জন্য সগর্বে নন্দ বলল— আমি কুটনির কাজও করে থাকি, জানো? কেন করব না, এই ব্যাটাচ্ছেলে পুরুষেরা যদি করতে পারে তা আমরা কিসে কম? যাকে ভগবান রূপ দিয়েছে সে গয়না পরবে না কেন? পুরুষ জাতকে বিশ্বাস নেই, তাই মেয়েদের উচিত সব সময় পা থেকে



মাথা পর্যন্ত নিজেকে সোণায় মুড়ে রাখা। নিজের সঞ্চিত ধনের জ্ঞান এমন গুপ্ত জায়গার সন্ধান করা উচিত, যেখানে রাখলে কাক-পক্ষীতেও টের না পায়। কথার পিঠে কথা হতে হতে ফস করে নন্দ বড়কে চিমটি কেটে বলল— আরে ঘাবড়াচ্ছ কেন? কারুর সঙ্গে মনের মিল হলে টপ করে আমাকে জানিয়ে দিয়ো— ব্যস, তারপর দেখো কেমন ভেলকি বাজি খেলে সব ঠিক করে দেব।

নন্দর আশকারা পেয়ে বড় ধীরে ধীরে তাকে বিরহেশ-প্রেমোপাখ্যান শুনিয়ে ফেললে। নন্দর হাতে বড়র নাড়ি ধরা পড়ে গেল। সেই সময় ওপরে কারুর পায়ের ধম ধম শব্দে ছাত কেঁপে উঠল। ভয়ে দুজনের বুক থরথর করে উঠল, শুকনো গলায় কোনমতে ঢোক গিলে নন্দ কাঁই কাঁই করে ডাক দিল— শঙ্কর, ও শঙ্কর! পায়ের শব্দ ধীরে ধীরে জেঠীর ছাদে গিয়ে মিলিয়ে গেল।

জেঠী নিজের লেপের মধ্যে বেড়ালছানাদের নিয়ে দিব্যি নাক ডাকিয়ে ঘুমুচ্ছিলেন। বেড়ালছানাদের চোটে সারাদিন একদণ্ড বিশ্রাম করতে পান না। বালতি বালতি জল দিয়ে হাগামুত পরিষ্কার করতে করতেই দিন কাবার। পূজো করতে বসেও জেঠীর শাস্তি নেই, রাত্তিরেও কোলের মধ্যে কুঁই কুঁই করতে থাকে। তাঁর লেপের ভেতরে রীতিমত কুরুক্ষেত্র বেধে যায়। জেঠীর শীতে ভাঁজ করা শরীরকে রণক্ষেত্র ভেবে নিয়ে বাচ্চারা যুদ্ধে মেতে ওঠে।

আজ জেঠী নিবিষ্ট মনে একটি বাচ্চাকে কোলে নিয়ে আদর করতে করতে যেন তার চোখে দর্শন পেলেন তাঁর সাক্ষাৎ নাড়ু গোপালের। ভক্তিরসে বিভোর হয়ে, চোখ বন্ধ করে তাকে

জড়িয়ে লেপের মধ্যে নিয়ে ঘুমিয়ে পড়লেন। আজ প্রথম দিন তাঁর চোখের পাতায় ঘুম নেমেছে।

হঠাৎ ঘুম ভাঙতেই জেঠী দেখলেন যে তাঁর মুখে কাপড় ঠাসা। মুখে কাপড় জড়িয়ে জল্লাদের মত ছোটো লোক তাঁর খাটিয়ার কাছে দাঁড়িয়ে আছে। তারা লেপ সরিয়ে একদিকে ফেলে দিয়ে, মায়াদয়াহীন হয়ে ছোটছোট বেড়ালছানাদের ঘাড় ধরে নীচে ছুঁড়ে ফেলে দিল। আলনায় টাঙানো গায়ের কাপড় দিয়ে জেঠীকে ভালোভাবে আষ্টেপৃষ্ঠে বেঁধে দিল, কেবল নিশ্বাস নেবার জন্য মুখটাই খোলা রইল।

জেঠীর চোখের সামনে তাঁর গেরস্থালীর এক-একটি জিনিস উঠিয়ে তারা ফুটবলের মত কিক্ মেরে ছত্রাকার করে দিল। টোটকার বাস্ক হাতের কাছে পেতেই, তারা সিঁছরের পুড়িয়া ঘি দিয়ে গুলে জেঠীর চুলে নাকে মুখে বেশ করে মাখিয়ে, তার ওপর কারিগরী করে কাজলের আঁচড় কেটে নাক চোখ এঁকে দিলে। তারপর জেঠীর টাকার থলি নিয়ে তারা তাঁর চোখের সামনে উধাও হয়ে গেল। খালি বাক্সে পড়ে রইল কিছু তিল আর ধান।

বেড়ালছানারা খাটিয়ার কাছে বসে ভয়ে এদিক ওদিক তাকাতে তাকাতে কুঁই কুঁই করছে।

## পনেরো

বনকণ্ঠার সঙ্গে সজ্জনের আলাপ মৌখিক পরিচয়ের গণ্ডী ছাড়িয়ে অন্তরঙ্গ হয়ে উঠল। মেয়েদের সঙ্গে প্রগাঢ় ঘনিষ্ঠতার সম্পর্ক সজ্জনের জীবনে এই প্রথম নয়, কিন্তু এ যেন নতুন অভিজ্ঞতা, নতুন অনুভূতির মায়াজালে জড়ানো।

আজ পর্যন্ত যে কয়েকজন মেয়ের সম্পর্কে সে এসেছে তারা সকলেই এক এক করে তার স্মৃতির অতলে হারিয়ে গেছে, কিন্তু এ নতুন সম্পর্ক তেমন ঠুনকো নয়। কণ্ঠার আকর্ষণ তার জীবনের নতুন অধ্যায়ের সাদা পাতায় লেখা ছন্দে সাজানো ফুলের মত। প্রথম দিনের আলাপ থেকেই যেন কণ্ঠা তাকে প্রতি পদে চ্যালেঞ্জ দিয়ে চলেছে। বন্ধুবান্ধব সকলেই চোখমুখে ইঙ্গিত করে প্রায়ই হাসিঠাট্টা করে থাকে। প্রেমের দুর্নিবার আকর্ষণের শেষ পরিণতি বিয়ে-থা করে গেরস্থ হওয়া, এ কথা সবার মত সেও বেশ ভালো-ভাবেই বোঝে, সেজন্যই বুঝি তার স্বপ্নজড়িত চোখে ভবিষ্যতের রাঙা কল্পনা উকিঝুঁকি মারছে। সাতপাকের বন্ধনের বিষয় সে কোনদিনই জোর গলায় প্রতিবাদ জানাতে পারেনি। দিনরাত একই সমস্যা বিভিন্ন রূপ ধরে তার সামনে প্রশ্নচিহ্নর মত এসে দাঁড়িয়েছে। পরস্পরের প্রতি এই আকর্ষণের পরিণতির বিষয় কি কণ্ঠাও তার মত ভাবছে? সে কেবল তাকে দিয়ে নিজের হিসেবের খাতায় লাভের অঙ্কটাই বাড়াতে চাইছে না তো?

আঁচলের মোহে ফেঁসে সে ভুল পথে পা বাড়ানো না তো ?  
নানা আশঙ্কায় তার মন থেকে থেকে বিচলিত হয়ে উঠছে ।

কর্নেল বুদ্ধি খাটিয়ে কন্যার রচনাকে আজ প্রসিদ্ধির চূড়ায়  
পৌঁছে দিয়েছে । কাল সকালে দেশের দৈনিক খবরের কাগজে  
ছাপার পর বিশেষ আলোচনা এবং উদ্ভেজনার সৃষ্টি হবে । শহরের  
দৈনিক কাগজে নতুন বছরের প্রমুখ ঘটনা হিসেবে তার রচনার  
উল্লেখ করা হয়েছে । বনকন্যা দেখেছে সারা শহরে 'তার নামের  
জয়জয়কার । সকালে ঘুম থেকে উঠেই চেনা-পরিচিতের দল  
উৎসাহের সঙ্গে তাকে সকাল সকাল এসে অভিনন্দন জানিয়ে  
গেছে । কাগজের রিপোর্টারেরা এসে তার সাক্ষাৎকার লিখে,  
তার ছবিও তুলেছে । নিজের চারিদিকের বাতাবরণ দেখে বন-  
কন্যার চোখেমুখে আনন্দ যেন উপচে পড়ছে । সারাদিনের  
হট্টগোলের পর একা থাকার একটু সুযোগ পাওয়ামাত্রই সজ্জনের  
টনক নড়ল । নতুন বাতাস গায়ে লাগা মাত্রই বনকন্যা যেন এ  
কয়েক ঘণ্টার মধ্যে বদলে গেছে । সে কোনমতে সজ্জনের চোখ  
এড়িয়ে, সংক্ষেপে কথা সেরে নিয়ে দূরে চলে গেলেই যেন বাঁচে ।  
কন্যা গাড়ি থেকে তার সঙ্গে একসঙ্গে নামতে রাজী হল না বরং  
একাই নেমে পায়ে হেঁটে চলে গেল । সকাল থেকে মনের গভীরে  
সজ্জন যে কল্পনাকে পোষণ করেছিল কন্যা তাকে আহত করে  
চুরমার করে ভেঙে দিয়ে গেছে । সে ভেবেছিল আজ তার  
নায়িকাকে সঙ্গে নিয়ে সে একটু বেড়িয়ে আসবে । আজ সে  
হবে তার নায়িকার অপ্রতিদ্বন্দ্বী নায়ক । ক্লাবে রেস্টোরাঁয় বাজারে  
হাটে শহরের অলিতে গলিতে তার নামের সঙ্গে বনকন্যাকে নিয়ে  
আলোচনা শুরু হবে । লোকে বনকন্যার সঙ্গে সজ্জনকে দেখে

নিজেদের কপাল চাপড়াবে কিন্তু সব কল্পনাই নিমেষে ধুলিসাং হয়ে গেল। যেতে যেতে কণ্ঠা তাকে একটা কথা বলে যেতে ভোলেনি— মহিপালবাবুর ‘দেবতা’ গল্পে এক জায়গায় বেশ মজার উক্তি আছে— পড়লে আপনারও ভালো লাগবে— ভগবান যখন কোন সাধু ব্যক্তিকে সাজা দেন, তখন আগে তাকে দেবতার পদে ভূষিত করেন। তার কথার মধ্যে লুকোনো শ্লেষ যেন শূঁচের মত তার মনে বিঁধে গেছে। সেই থেকে সজ্জন সেই শূঁচের খচখচানির যন্ত্রণা যেন সব সময়ই অনুভব করছে। গ্রানিতে তার মন ভরে উঠল। কণ্ঠা তার সংকীর্ণ মনের আভাস পেয়ে হয়তো কোনদিনই তার কাছে আসবে না— নানা সাত-সাতেরো এলোমেলো চিন্তা তার মাথায় ঘুরপাক খাচ্ছে। বিষন্ন মনের হারিয়ে যাওয়া মনোবলকে ফিরে পাবার জন্য সে বেশ কিছুক্ষণ একা থাকতে চাইল। ঘর থেকে টেলিফোন বাইরে রেখে, চাকরদের হুকুম দিল যেন কেউ এলে তাকে বিরক্ত না করা হয়, এমনকি, কর্নেল, মহিপাল আর মেমসাহেব এলেও না। ঘরের ভেতরে একা বসে বসে সে কথায় কথায় চাকরদের ধমক দিল, মদ খেলো, রান্নাঘরে বার বার নতুন নতুন খাবার তৈরী করার অর্ডার দিল, বাড়ির প্রতিটি প্রাণীকে উদ্গ্রীব আর শশব্যস্ত করে তারপর শান্ত হল। অশান্ত মনকে শান্ত করার জন্য শেষকালে সে রেডিওর চাবি জোরে ঘুরিয়ে পট করে বন্ধ করে দর্শনশাস্ত্রের বইয়ের পাতা ফড় ফড় করে ওল্টাতে আরম্ভ করল।

গীতায় আছে কাম থেকে ক্রোধের উৎপত্তি হয় আর ক্রোধই বুদ্ধিবিক্রম ঘটাবার কারণ। বিচলিত মনকে শান্ত করার জন্য সজ্জনের মনও গীতার এই লাইনটায় এসে যেন কিছুটা মনের শান্তি

খুঁজে পেল। মনে মনে ভেবে ঠিক করল কামকে পরাজিত করার সংকল্প সে নিশ্চয় নেবে। নারীর কল্পনা থেকে নিজেকে দূরে রাখার চেষ্টা করবে। এক জায়গায় ভগবান বুদ্ধ আর শিষ্য আনন্দের মধ্যে কথোপকথন হচ্ছে—

—ভস্তু ! নারী জাতির প্রতি ব্যবহারের মাপদণ্ড কি ?

—অদর্শন— অর্থাৎ চোখে না দেখা।

—হঠাৎ দর্শনের উপায় ?

—কথা না বলা— বাক্যকে নিয়ন্ত্রিত করো।

—যদি ঘটনাচক্রে কথা বলতেই হয় তখন ?

—মন বিচলিত না করা।

—এবার থেকে সজ্জন এই পথই অবলম্বন করবে। নারী তাকে ফাঁদে ফেলার যথেষ্ট চেষ্টা করেছে কিন্তু এবার সে তার বিচলিত মনে অক্ষুশ লাগাবে। সে ব্রহ্মচর্য পালন করবে। নিশ্চয় করবে। ব্রহ্মচর্য আমাদের দেশের সংস্কৃতির মহান আদর্শ, আমাদের উচিত তাকে জিইয়ে রাখা, তাকে গতি প্রদান করা। এ পথের নতুন অভিজ্ঞতা হয়তো তাকে নতুন পথের সন্ধান দেবে, জীবনের মূল্যকে হয়তো সে বেশী ভালোভাবে বুঝতে শিখবে। পাতা ওলটাতেই দেখলে— এক জায়গায় বুদ্ধ বলে গেছেন— প্রাণীমাত্রেরই গতিমান কিন্তু দিশেহারা। যদি গতির সঙ্গে সংযম আর সাধনার দস্ত না থাকে, মায়ামোহমুক্ত সেবা ধর্মে দীক্ষিত, উচিত আত্মসম্মান জ্ঞান অথচ বিনয়ী, ক্ষত্রিয় ধর্মের জ্ঞান অথচ অহেতুক শত্রু গ্রহণ না করাই অসীমের সাক্ষাতের পথ। সজ্জনের চোখে এক নতুন অনুভূতির ঝিলিক দেখা দিল। সে তখুনি নিজের মনকে বোঝালো— বনকণ্ঠা মেয়ে, সে

একজন অসহায় মেয়ের সাহায্য করেছে মাত্র— পরোপকারে পুণ্যার্জন হয়।

আজ সকালের কাগজে সম্পাদকীয় কলমে কন্যার লেখার প্রশংসা বেরিয়েছে। সম্পূর্ণ ঘটনার এনকোয়ারির আবেদনের সঙ্গেই সব রাজনৈতিক দলের প্রতি আহ্বান জানানো হয়েছে যে তারা যেন নির্বাচন প্রচার-প্রণালীতে মনুষ্যেত্বের গলা টিপে না ধরে। চিরাচরিত পদ্ধতিতে চলা সমাজের বিশ্বাসকে হারিয়ে রাজনৈতিক দলেরা মড়ার মত নির্জীব হয়ে যাবে।

সজ্জনের মনে কন্যার প্রতি হিংসে ভাব জেগে উঠল, তখুনি সে মনকে বোঝালো সে এখন ব্রহ্মচর্য পালন করছে, কন্যা যেই হোক— যেখানেই থাক, তাতে তার কী আসে যায়? কোনমতে বিচলিত মনকে সামলে নিয়ে সে আবার তার নিত্য নিয়মে বাঁধা জীবনধারায় পা এলিয়ে দিল। এত বছর পরে ইঠাৎ তার মনে জেগে উঠল মায়ের প্রতি ভালোবাসা। ওঃ কতদিন সে মায়ের ঠাকুরঘরের দিকটাই মাড়ায়নি। বাড়ির দালানের পাশেই সুন্দর শ্বেতপাথরের ঠাকুরঘর, তার প্রপিতামহী তাদের আদিবাড়ির নমস্ত্র বিগ্রহের প্রতিষ্ঠা করিয়েছিলেন। বিলেত থেকে ফিরে আসার পরে ঠাকুর ঘরের দরজা কল্লোমলের জন্ত বন্ধ হয়ে গিয়েছিল। স্বামীর স্পর্শ থেকে তার মা দূরে থাকতেন। বংশপরম্পরার নিয়ম অনুযায়ী ঠাকুরসেবার ভার বাড়ির বউয়ের হাতে এল আর তিনি শেষ পর্যন্ত সে নিয়মের ব্যতিক্রম হতে দেননি। মায়ের সময়ের পুরুত ঠাকুরের ভাইপো আজকাল পূজা-অর্চনার ভার নিয়েছে। প্রতিদিন ঠাকুরের ভোগ আর চণ্ডিপাঠের পর সে এসে সজ্জনকে প্রসাদ আর চরণামৃত দিয়ে আশীর্বাদ করে যেতে ভোলে

না। বাস্ এইটুকুই সজ্জনের ধর্মর সঙ্গে সম্পর্ক। ভগবানের অস্তিত্বের বিষয় গভীরভাবে চিন্তা সে কোনদিনই করেনি। এমনিতে প্রায় কথায় কথায় সে ভগবান এবং ধর্ম নিয়ে খেলো কথা বলে থাকে। আজ স্নানের পাট চুকিয়ে যখন সে সোজা ঠাকুরঘরের দরজায় গিয়ে হাজির হল, চণ্ডিপাঠে আধঘুমন্ত পুরুত মশাই হঠাৎ সামনে ভূত দেখার মত আঁৎকে উঠলেন। মায়ের মৃত্যুর পর প্রথম ঠাকুরঘর দেখে তার চোখে জল এসে গেল। ঘরের আলো টিমটিম করছে, শ্বেতপাথরের ঠাকুরের রঙ বদ রঙ হয়ে গেছে। শিব ঠাকুরের মাথায় রূপোর জলের ছোট ঝারির ফুটোতে ময়লা জমে জল আটকাচ্ছে। বিগ্রহের মখমলের ওপর জরীর কাজ করা চান্দোয়া যেন ধুলোয় মলিন আর বিবর্ণ দেখাচ্ছে। চান্দোয়ায় দেওয়া রূপোর ঠেকনো পরিষ্কার না করার ফলে কালো হয়ে গেছে। নিস্তেজ ঠাকুরঘরে ফুলচন্দনে সাজানো মূর্তি যেন প্রাণহীন ম্যাড়ম্যাড় করছে। সজ্জন পুরুত মশাইকে ধমক দিয়ে বললে— তুমি কোন্ ধর্ম মানো পুরুত মশাই? যাকে সব থেকে পবিত্র মেনে পূজো করো, তাকেই ময়লা করে এত অপবিত্র করে রেখে দিয়েছ? এই কাজের জন্য মাসে মাসে মাইনে নেবার সময় তোমার গায়ে একটুও আঁচ লাগে না?

পুরুতের হাত-পা ভয়ে ঠক ঠক করে কেঁপে উঠল। কতবার এর আগে সে এ বিষয় সজ্জনকে বলার চেষ্টা করেছে কিন্তু সে মাত্র তিরিশটা টাকার মাস মাইনের চাকর, মালিকের সামনে কথা বলার সাহস কোথায়?

সব চাকরবাকরদের চারদিকে ঝকঝকে তকতকে রাখার আদেশ দিয়ে সজ্জন মালিকে ডেকে বললে— কাল থেকে



নিয়মিতভাবে সুন্দর ভালো ফুল, ফুলের মালা, ফুলের তোড়া এখানে আসা চাই— যেমন মায়ের সময় হত, বুঝলে? যদি কাল পর্যন্ত এখানকার সব ব্যবস্থা ঠিক না হয় তাহলে আমি সকলের মাইনে থেকে এ মাসে পাঁচ পাঁচ টাকা কেটে নেব। আর— হ্যাঁ, পুরুত মশাই, তুমি ঠিক করে নিবিষ্ট মনে পাঠ করবে, এটা ঘুমের ক্লাস নয় বুঝেছ? যদি না পারো তাহলে কাল থেকে অন্য ব্যবস্থা করতে হবে।

—না.না, কী বলেছেন হুজুর।

—বাজে বকবক শুনতে চাই না আমি, ঠিকমত উচ্চারণ করে শুদ্ধ পাঠ করাতে চাই, নিষ্ঠার সঙ্গে সব কাজ হওয়া চাই বুঝেছ?

পুরুত, চাকরবাকর সকলকে ধমক দিয়ে তার দৃষ্টি গিয়ে নিবন্ধ হল মূর্তির ওপরে। তার মনে কণামাত্র ভক্তিভাবের সঞ্চার হল না। প্রাণহীন প্রতিমাকে দেখে কেন লোকে ভাবে বিভোর হয়ে ওঠে? আশ্চর্য মানুষের মন, নিতান্ত পৌত্তলিকতা হলেও সেই পুতুলের গায়ে আঁচড় লাগলে বা ভেঙে পড়লে খানিকটা তার মন নিয়েই পড়ে বুঝি। তার ঠাকুমা মা সকলে ঘণ্টার পর ঘণ্টা এখানে বসে থাকতেন। বাড়িতে ইলেকট্রিকের পাখা ছিল অথচ মা ঠাকুরের সামনে হাতপাখা নাড়তেন। ভারতের অনেক মন্দিরে সে গেছে কিন্তু সেখানে প্রত্যেক মূর্তিকে শিল্পীর চোখ দিয়ে দেখার চেষ্টা করেছে, তার মধ্যের ভগবানকে দেখার চেষ্টা করেনি। সেখানে পূজারী আর পাণ্ডাদের অনাচার আর অত্যাচার সে স্বচক্ষে দেখেছে : কেন লোকে মন্ত্রমুগ্ধের মত দেবস্থানে যায়, এ প্রশ্নের উত্তর সে কিছুতেই খুঁজে পায়নি। পেতলের বড় বড়

পটলচেরা চোখের রাধাগোবিন্দের মূর্তি, শালগ্রাম, ছোট ছোট নানা আকারের ছুড়ি, গণেশ, শিবের জটা থেকে গঙ্গাবতরণের দৃশ্য ... সব যেন নিম্প্রাণ, তবু রোজ কতলোক তাদের নিয়মিতভাবে দেখে তাদের সামনে মাথা নত করে।

সজ্জন যেন হঠাৎ তার মানসিক রোগের ওষুধ হাতের কাছেই পেয়ে গেল। সে মনে মনে ভেবে ঠিক করে ফেলল যে কাল থেকে সে এখানে এসে নিয়মিতভাবে ধ্যান করবে। সে যে এই কঠোর নিয়ম পালন সহজ ভাবেই করতে পারবে এতটা আত্ম-বিশ্বাস তার ছিল।

আজ সকাল থেকে তার জেদী স্বভাব আবার মাথা চাড়া দিয়ে উঠছে। সজ্জন রীতিমত প্রতিজ্ঞা করল, এবার যদি কখনো বনকন্ঠা তার কাছে আসার চেষ্টা করে, সে তাকে বন্ধুর চেয়ে বেশী কিছু মনে করবে না। একবারটি সেও বরাক যে জেদের সামনে তার আকর্ষণের কোন মূল্য নেই।

বিরক্ত হয়ে, বাড়ির ছুজন চাকর, বালতি, ফুল, ফুলের তোড়া সব-কিছু নিয়ে সে চৌমাথার গলির ঘরের দিকে পা বাড়ালো। আজ সে একেবারেই অন্দর-বাইরের ময়লা ধোয়ার জন্তু মালকোঁচা মেরে বেরিয়ে পড়েছে— ব্রহ্মচর্য পালনের নেশাকে সে জিইয়ে রাখতে চায়।

চাকরদের সঙ্গে নিয়ে সে আজ প্রথম নিজের গলির ঘরে ঢুকেছিল। ড্রাইভার ছাড়া অন্য চাকরেরা কেউ তখনো এ গুপ্ত জায়গার সন্ধান পায়নি। তারা দুজনে দুর্গন্ধ শুঁকতে শুঁকতে মনিবের সঙ্গে গোয়ালঘরের দিকে এগিয়ে চলল। সিঁড়ি দিয়ে উপরে যেতে যেতে হঠাৎ জেঠীর খোলা ঘরের দিকে সজ্জনের

নজর পড়ল। চাকরের মাথায় ফুলের গোছা দেখে সে ভাবল জেঠী হয়তো কিছু ফুল পেলে খুশী হয়ে যাবেন। চাকরদের হাতে চাবি দিয়ে, ঘর ধোয়ামোছা করার জন্তু বলে ছোট্ট বাঁশের টুকরিতে বাছা বাছা ফুল নিয়ে সে তাঁকে দিতে এগুলো। বারান্দায় পা দিতেই তার মনে এল যদি গালাগালি দিয়ে সম্ভাষণ হয় তাহলে? যাক গে দেখা যাবে— যা থাকে কপালে!

উঠোনে বেড়ালছানারা লাইন দিয়ে বসে আছে— তাকে দেখেই কুঁইকুঁই করে তারা তার পায়ের আশেপাশে চক্রবাহ রচনা করে ফেলল। বাহ ভেদ করার চেষ্টায় সে ছুঁপা এগুচ্ছে আর চার-পা পেছুচ্ছে। হঠাৎ সামনে বারান্দার থামের কাঁছে খাটিয়াতে বাঁধা জেঠীর দিকে তার নজর পড়ল। জেঠীর ভয়ানক হুমুমানের মত সিন্দূরে মাখা মুখ দেখে সে আঁতকে উঠল। হাড় জিরজিরে হয়ে পড়া জেঠীর শরীরে এই ভীষণ মেক-আপ দেখে সে ভাবল হয়তো জেঠী পরপারে চলে গেছেন। তাঁর পার্শ্ব শরীরটাই এখানে পড়ে আছে। ইতিমধ্যে জেঠীর স্পন্দনহীন শরীরে প্রাণের সাড়া দেখা দিল— মাথা একটু নড়ে ওঠার সঙ্গেই সাদা সাদা চোখ পিটপিটিয়ে উঠল। সে সাহস করে কোনমতে এগিয়ে গিয়ে জেঠীর মুখে ঠামা কাপড় বার করলে। এতক্ষণে জেঠীর চোয়াল ধরে গিয়েছিল তাই তিনি কিছুক্ষণ হাঁ করা মুখ বন্ধ করতে পারলেন না। জেঠীর বাঁধন খুলে দিয়ে সজ্জন তাঁর হাতে পায়ে আর মুখে মালিশ করতে লাগল।

মালিশ করার ফলে রক্তপ্রবাহ ধীরে ধীরে ঠিক হ'ল কিন্তু তবু চোয়াল স্বস্থানে ফিরে আসছে না দেখে সজ্জন তাড়াতাড়ি গলায় মালিশ করতে লাগল। জেঠী কিছু বলার জন্তু ছটফট করে উঠলেন।

সজ্জন তাঁর কানের কাছে মুখ নিয়ে বলল— ‘ডাক্তার ডেকে দেব?’ জেঠী দুর্বল হাত নেড়ে মানা করলেন। উঠানে বেড়াল ছানাদের দেখে তিনি শুকনো গলা দিয়ে বিচিত্র স্বর বার করলেন।

কিছু বুঝতে না পারায় সজ্জন বললে— আমি এখুনি সৈঁকের ব্যবস্থা করছি, দরকার হলে ডাক্তার ডেকে আনব।

জেঠী সমানে উঠানের দিকে তাকিয়ে অস্ফুট স্বরে কিছু বলে যাচ্ছিলেন কিন্তু তাঁর মনের কথা সজ্জনের মাথায় না ঢোকায় সে উত্তর দিল— আমি আপনার ছেলের মত, লজ্জা পাবেন না।

জেঠী বার বার হাত উঠিয়ে উঠানের দিকে ইশারা করছেন। চাকরদের ডাকার জ্ঞাত সজ্জন বাইরে বেরিয়ে গেল কিন্তু এবারে সে আগের চেয়ে দেয়ানা হয়ে গেছে। কোনমতে পা টিপে টিপে একধার দিয়ে উঠানটা পেরিয়ে গেল, বেড়ালছানারা অন্য দিকে উৎপাত করতে ব্যস্ত।

যখন চাকর আর স্টোভ নিয়ে সজ্জন ফিরে এল তখন জেঠী খাটিয়ায় উঠে বসে নিজের মাথা আর মুখে ঝাঁকুনি দিয়ে চোয়াল ঠিক করার চেষ্টা করছিলেন। সে তাড়াতাড়ি খুব খানিকটা মালিশ করে, স্টোভ জ্বালিয়ে চাকরের মাফলার গরম করে সৈঁক দিতে লাগল। জেঠী আড়ষ্ট জিভকে কোনোমতে চালাবার চেষ্টা করতে করতে হঠাৎ কৌৎ করে বলে উঠলেন... দুধ। জেঠী হয়তো দুধ খেতে চাইছেন ভেবে সে তাড়াতাড়ি চাকরকে বাজারে পাঠাল। জেঠী আঁচলের গেরো খুলতে চেষ্টা করলেন।

দু’ মিনিট সজ্জনের মুখের দিকে চেয়ে জেঠী ক্লান্তভাবে বললেন— কল্লোমলের নাতি। আবার নিঃশ্বাস নিতে নিতে— নন্দর

বাপ এসেছিল। নিঃশ্বাস নিয়ে আবার চুপ করে গেলেন।  
জেঠীর সিন্দূর-মাখা মুখে সে দেখতে পেল আদিম পূজারিনীর  
ছায়া।

জেঠী কোনমতে হাত-পা সোজা করে উঠে দাঁড়িয়ে উঠানে  
যাবার জন্তু পা বাড়াতেই তাড়াতাড়ি সজ্জন এগিয়ে গিয়ে তাঁর  
হাত ধরে নিয়ে যেতে লাগল। রোয়াকে ক্লান্ত হয়ে বসে পড়ে  
জেঠী বেড়ালছানাদের আঁচলে উঠিয়ে নিলেন। আঁচলের গেরো  
থেকে পয়সা বার করে সজ্জনের দিকে হাত বাড়াতে বাড়াতে  
বললেন— একটু দুধ আনিয়ে দাও।

—আনতে দিয়েছি।

—এদের জন্তু চাই।

চাকর ফিরে আসা পর্যন্ত জেঠীর নতুন রূপের দিকে তাকাতে  
তাকাতে সজ্জন ভাবছে— জেঠী সকলের শত্রু, গালাগালি ছাড়া  
দুটো ভালো কথা বলতে জানেন না। প্রত্যেকের অন্তর কামনা  
করতে করতে দিনরাত জাহ্ন-টোটকার ব্যবস্থা করেন। অখচ  
তাঁর প্রাণ আটকে আছে এই বেড়ালছানাদের মায়ায়? তাদের  
ক্ষিদের চিন্তায় তিনি অস্থির। মানুষের জীবনে কত সৌন্দর্য  
লুকিয়ে আছে— এই পবিত্র সৌন্দর্যের অধিকারী হয়েও সে  
হিংসা শত্রুতা আর ঘৃণার জাল নিজের আশেপাশেই নিজেই বুনে  
চলেছে। তার মন জেঠীর প্রতি শ্রদ্ধায় ভরে উঠল।

জেঠীর আঁচলে বেড়ালছানারা আনন্দে একে অণ্ডের গায়ে  
লদরবদর করে পড়ছিল। দুটি তাঁর আঁচলে, তৃতীয়টি হাত বেয়ে  
কাঁধে চড়ে চোখ বুজে ঝিমুচ্ছে। আদরে জেঠীর ঘাড় তৃতীয়  
বেড়ালছানার ওপর কাত হয়ে পড়েছে। কাগজ-পেন্সিলের জন্তু

সজ্জনের আঙুল কেঁপে উঠল। অদ্ভুত মেক-আপের ভয়ংকরতার সঙ্গে এক করুণাময়ীর মূর্তি, হায় রে বিধির বিড়ম্বনা!

চাকর দুধ নিয়ে এল। আঁচলে বাচ্চাদের নিয়ে জেঠা উঠে প্লেটে দুধ ঢেলে নিয়ে সজ্জনকে বললেন— এবার তুমি যাও।

—একটু দুধ আপনিও মুখে দিন।

—আরে হাড় হাবাতে, আমার আজকে সকালে দর্শন করা হল না। হারামজাদার গুটি ওলাউঠায় মরবে। তুমি তোমার দুধ নিয়ে যাও। যাও।

বেড়ালছানারা ক্ষিদের চোটে তাড়াতাড়ি চোঁ চোঁ করে দুধটুকু শেষ করে নিয়ে খালি প্লেট চাটছে। সজ্জন আর তার চাকরদের বিদেয় করে জেঠী সদর দরজা বন্ধ করে ঘরে ঢুকে হত্থে হয়ে নিজের বাক্সের ওলটপালট জিনিসের মধ্যে কিছু খুঁজছেন। ঠাকুরের কাছে আলসেতে রাখা তাঁর জমা পয়সা সেখানেই পড়েছিল। পয়সা দেখে জেঠীর ধড়ে প্রাণ ফিরে এল। তাঁর রিজার্ভ ব্যাঙ্কে গচ্ছিত ধন দেখে নিয়ে তিনি চারিদিকের ছোট ছোট ব্যাঙ্কে রাখা খুচরোর সন্ধান করে ঘুরতে লাগলেন। জাঁতা মাটি থেকে উপড়ে ফেলে তার নীচে লুকোনো মাটির হাঁড়ি উধাও হয়ে গিয়েছে। পয়সার লোভে মিছিমিছি তারা উন্মুনও ভেঙে ফেলেছে। চোরে দালানের ভেতরের ছোট ঘরের মেঝে পর্যন্ত চারিদিকে খুঁড়ে ফেলেছে। হ্যারিকেন জ্বালিয়ে জেঠী দেখলেন— ঝাকড়ায় বাঁধা রূপোর টাকা গায়েব। অনেকক্ষণ সবকিছু খুঁজেপেতে দেখলেন। হতাশ হয়ে বিষন্ন মুখে মাথায় হাত দিয়ে মেঝেতে বসে পড়লেন। বেড়ালছানারা তাঁর আশে-পাশে খেলে বেড়াতে লাগল।

চারিদিকে ছড়ানো জিনিসপত্তর, জেঠী আবার গুছিয়ে জায়গায় রাখতে আরম্ভ করলেন। রান্নাঘরের দালানে ছড়ানো আটা চাল ডালের টিন, মশলার কোটো আর ছাঁদা মাটির ঘড়াকে আবার যথাস্থানে সাজিয়ে রাখলেন। ঘরদালান ধুয়ে স্নান করে নিয়ে সজ্জনের দেওয়া ফুল ঠাকুরের পায়ে অঞ্জলি দিয়ে, তিনি তাড়াতাড়ি সজ্জনের ঘরের দিকে যাবার জন্তু পা বাড়ালেন। ইতিমধ্যে চাকরে ঘরদোর ছাত সব পরিষ্কার তকতকে করে ঘরে ফুলের তোড়া সাজিয়ে রেখেছে। দরজায় জেঠীকে দেখে সজ্জন থতমত খেয়ে বললে— আশুন আশুন, ভেতরে আশুন জেঠী।

মেঘে ঢাকা মুখ আরো কঠিন করে জেঠী উত্তর দিলেন— ব্যাটাছেলেরা আমার তিন হাজার দুশো টাকা চুরি করে পালিয়েছে— মরুক! এদের সারা গায়ে কুষ্ঠ খিতিয়ে যখন রস গড়াবে তখন আমার প্রাণ জুড়াবে— তুমি দেখে নিয়ো।

সজ্জন ভাবল হয়তো চোরে জেঠীর কাছে পাই পয়সা ছাড়েনি তাই এদিক-সেদিকের কথা বলে তাঁকে সান্ত্বনা দেবার চেষ্টা করতে লাগল। হঠাৎ ফস করে জেঠী তাকে জিজ্ঞাসা করে বসলেন— তুমি বিয়ে করেছ?

—না, এখনো পর্যন্ত একাই আছি।

—আরে, আমার এখানে গোকুল মন্দিরে একজন আসে, আমাদেরই স্বঘর। তার মেয়ে বেশ ভালো, খুব সুন্দরী আর সংসারের কাজে চৌকস। ক্লাস ছয় পর্যন্ত ইংরেজী পড়েছে বাড়িতেই। তুমি যদি হ্যাঁ বলো তাহলে কথা পাড়ি।

—না, জেঠী না, এখন বিয়ে করব না।

—এখন করবে না তো কি বুড়ো বয়সে ছাদনাতলায় দাঁড়াবে?

কন্নোমল ধর্মভ্রষ্টে ছিল, তুমিও তাঁর যোগ্য বংশধর হবে ভাবছ নাকি ?

সজ্জন একগাল হেসে বললে— না জেঠী তা নয়— আমি বেশ সাদাসিদে ভাবে জীবন কাটাচ্ছি।

—রান্না কে করে বাড়িতে ? পণ্ডিতের হোটেলে খাও না কি ?

—না, না, আমার বামুন ঠাকুর রান্না করে, কখনো কখনো আমিও রান্নাঘরে গিয়ে হাতাখুস্তি চালিয়ে নি। জেঠীর সামনে নিজের পবিত্রতার বর্ণনা করতে গিয়ে সজ্জনের হাসি সামলানো দায় হয়ে উঠল।

জেঠী উৎসাহের সঙ্গে কথা তুললেন— তুই যদি রামচন্দরের মেয়েকে বিয়ে করতে রাজী থাকিস তাহলে ( গলা নাবিয়ে ) একশো তোলা সোনা তোর বউয়ের মুখ দেখানিতে দেব, দেখ, আমাকে যতই কেউ লুটেপুটে পালাবার চেষ্টা করুক— গোকুলনাথ আমার রক্ষাকর্তা, হারামজাদাদের বংশ শেকড় শুদ্ধ উপড়ে না যদি দি তাহলে আমার নামই... কিন্তু তুই বাপু কন্নোমলের বংশধর, বিয়ে করে ফেল— একশো তোলা...।

সজ্জন আর জেঠী মাথা তুলে দেখলে, সামনেই দরজায় বনকন্না দাঁড়িয়ে। সজ্জন কিছুটা নিজের জ্ঞান আর কিছু জেঠীর কথা ভেবে ঘাবড়ে গেল। জেঠী তার দিকে কৈফিয়ত চাওয়ার দৃষ্টিতে তাকাতে লাগলেন। কন্না, সামনে পাতা মাছুরে হাঁটু গেড়ে বসে পড়ল। জেঠী প্রশ্ন করলেন— এ আবার কে ? কন্নাকে সামনে পেয়ে সজ্জনের মন ধীরে ধীরে গলতে আরম্ভ করে দিয়েছে। হঠাৎ মুখে কোনো কথা না জোগাতে পারায় সজ্জন বলে উঠল— ইনি আমাদেরই বাড়ির মেয়ে।— ইনি, ইনি এঁর বাপের বাড়ি অন্য শহরে।



—এখানে স্বশুরবাড়ি বুঝি? কোথায় বিয়ে হয়েছে?

সজ্জন কণ্ঠকে কথা বলতে না দিয়ে নিজেই মিথোর পাহাড় তৈরী করে ফেলল! হঠাৎ কণ্ঠার খালি হাত দেখে তার মাথায় প্ল্যান এসে গেল— সে তাড়াতাড়ি তার হাতে চুড়ি না থাকার ঘটনাকে কাজে লাগানোর চেষ্টায় বেশ ফুর্তির সঙ্গে উত্তর দিল— ইনি এখানে মেয়েদের স্কুলে অধ্যাপিকা— এঁর স্বশুরবাড়ির সকলেই গত হয়েছেন।

—তা তোর কাছে কেন?

—কাজ শেষবার জন্ত এসে থাকি মাসিমা— কণ্ঠা মনে মনে ভাবল যে জেঠী হয়তো সজ্জনের কেউ নিকটআত্মীয়। তাই সে তাঁকে মনজোগানো উত্তর দিয়ে সন্তুষ্ট করার চেষ্টা করছে।

জেঠী ফট করে জিজ্ঞেস করে বসলেন— তাহলে তুই বিধবা বিবাহের চক্রে পড়বি নাকি?

—না, না, জেঠী আমি শিক্ষক, দশ টাকা মাস মাইনে নিয়ে কেবল পড়াই এই পর্যন্ত।

জেঠী কিছুক্ষণ চুপচাপ বসে ধাঁধা মেটাবার চেষ্টা করে উঠতে উঠতে বললেন— তোকে যে কথা বলেছিলুম সেটা মনে রাখিস আর ভালো করে ভেবে দেখিস, তবে সাত কান করিস না যেন।

—না, জেঠী আপনি যদি হুকুম দেন তাহলে পুলিশে রিপোর্ট লিখিয়ে আসি?

—না, না, পুলিশ কী করবে? আমি নিজেই হাড়হাবাতেদের সঙ্গে বোঝাপড়া করে নেব। বলতে বলতে জেঠী বাইরে চলে গেলেন।

—ইনি কে? কণ্ঠা সজ্জনকে প্রশ্ন করলে।

সজ্জন হেসে উত্তর দিলে— ভারতমাতা ।

কণ্ঠা তার অর্থ ঠিকমত বুঝলে না, তবু এই হাড় জিরজিরে বুড়ির মধ্যে ভারতমাতার কল্পনা মাত্রেই সে না হেসে থাকতে পারল না । কৌতুকের স্বরে বললে— আপনি এতগুলো জলজ্যান্ত মিথ্যে কথা আমার বিষয় কেন বললেন ।

প্রশ্ন শুনে সজ্জন হঠাৎ থতমত খেয়ে গেল, তারপর নিজেকে সামলে নিয়ে উত্তর দিল— যদি সত্যি বলে দিতাম তাহলে আমার আপনার বিষয় তাঁর ধারণা কিছু ভালো হত ?

হঠাৎ সজ্জনের মুখে আপনি সম্বোধন কণ্ঠার কানে বাজল । সজ্জনও একদিকে নিজের প্রতিজ্ঞা আর অন্যদিকে কণ্ঠার স্নিগ্ধ সহজ আর সরল আকর্ষণের মায়াজালে ধরা পড়ে গিয়ে ত্রিশঙ্কর মতো ঝুলছিল । কণ্ঠা ভাবলে যে তার কালকের ব্যবহারে হয়তো সে রেগে আছে । কণ্ঠা তার রাগের কারণ গবেষণা না করে বললে— আমি এখুনি কর্নেলদার ওখানে গিয়েছিলুম । আজ সকাল সকাল মথুরা থেকে এক ভদ্রলোক ( চৌচৌর কোণে হেসে ) কর্নেলদার সঙ্গে আমার ঘর খুঁজতে খুঁজতে এসে হাজির হয়েছিলেন ।

সজ্জন ততক্ষণে মনে লাগাম দিয়ে নিয়ে নিজেকে সামলে নিয়েছে । ওরা তোমার— আপনার ঘরের ঠিকানা জানল কি করে ?

—কাল খবরের কাগজে পড়ে এসেছিলেন । প্রথমে আমার বাড়ি গেলেন সেখানে অপমানিত হয়ে ফেরার পর কেউ তাঁকে কর্নেলদার ঠিকানা দিয়েছিল । তাঁকে সঙ্গে নিয়ে আমার ওখানে গিয়েছিলেন । কণ্ঠা ব্যাগ থেকে কয়েকটা ভাঁজ করা কাগজ বার করে সজ্জনকে দিতে দিতে বললে— এটা বউদির চিঠি— নিজের বাকুবীকে লিখেছিলেন ।

সজ্জন চিঠি পড়তে লাগল। মাজাঘষা মেয়েলি হাতের লেখাক  
করণ কাহিনী— আমি রাক্ষসের পাল্লায় পড়ে গেছি। ত্রিভুবন  
লালাজীর জ্বর ব্যাপার একটু গোলমালে তাই তিনি আমার সঙ্গে  
বিধবা বিবাহ করতে রাজী ছিলেন। শাশুড়ীর মত ছিল না কিন্তু  
তিনি ত্রিভুবনকে তাঁর বশে আনার জ্ঞাত জ্বরদস্তি মাথা নেড়ে  
সায় দিলেন। এ বাড়ির লোকেদের লীলাখেলার কথা কত আর  
তোমাকে লিখব। ত্রিভুবনের মনে কোন প্যাঁচ না থাকায় সে  
ভরা হাটে হাঁড়ি ভাঙার মত আমাদের বিয়ের কথা বেশ জোর  
গলায় সকলকে জানিয়ে দিলে। খুড়শুর আর খুড়শাশুড়ী উন্মূনের  
চেলা কাঠ নিয়ে আমায় মারতে এলেন। আমাকে বাঁচাতে গিয়ে  
শাশুড়ীও মার খেলেন। তারপর সেই খুড়শুর— সেই শয়তানকে  
এ নামে সম্বোধন করতে আমার জিভ যেন খসে যাচ্ছে— মার-  
ধোর জোর জ্বরদস্তি করে আমার সর্বনাশ করল। ভগবান  
মিথ্যে, পাথরের বিগ্রহ চূপ করে সব অত্যাচার দেখল।  
ত্রিভুবন বাপের সামনে মুখ খুলতে পারল না। কণ্ঠা, আমার  
ননদ সব সময়ই আমার সুপারিশ করে থাকে কিন্তু একা সে  
বেচারীই বা কত লড়বে? মনের কথা তোমাকে লিখে একটু  
মন হাল্কা হল। তুমি কিন্তু ভাই এ চিঠির জবাব দিয়ো না  
কেননা যদি রাক্ষসের হাতে এসে পড়ে, তাহলে আমায় আর  
আস্ত রাখবে না।

চিঠি কয়েকবার পড়ার পর সজ্জন মাথা নিচু করে গম্ভীর হয়ে  
বসে-রইল।

—কর্নেলদা বলছেন যে এই চিঠি দেখালে বাবাকে এখুনি  
ফাঁসানো যেতে পারে, উনি আমাকে ম্যাজিস্ট্রেটের ওখানে নিয়ে

যাচ্ছিলেন, আমি বললুম আগে আপনার মতামতটা জেনে নিয়ে তারপর যা হয় করা যাবে।

সজ্জন শ্বেষ মাথা স্বরে বললে— কর্নেল ঠিকই পরামর্শ দিয়েছে, আপনার ওখানে যিনি দেখা করতে গিয়েছিলেন তিনি কে জানতে পারি ?

সজ্জনের রুঢ় শ্বেষ-মাথানো কথা শুনে কণ্ঠা নিজের আঙুলের নোখ দাঁতে কাটতে কাটতে বললে— বউদির সেই বান্ধবীর স্বামী, বান্ধবী বেচারী ছ'মাস থেকে খাটে পঙ্গু হয়ে পড়ে আছে। ভদ্রলোকটি আমাকে সাহায্য করতে রাজী আছেন। তিনি বলছেন যে দরকার হলে কাছারির হুকুম নিয়ে মথুরায় গিয়ে তাঁর স্ত্রীর স্টেটমেন্ট করিয়ে দিতে পারেন— যদি আমি— আমরা বলি তাহলে।

—তাহলে আপনার কী মত ?

—আপনি ? যা ভালো বোঝেন।

পকেট থেকে সিগারেট বার করে চোখেমুখে দার্শনিক হাবভাব ফুটিয়ে সজ্জন বললে— আমার বলাবলির কথা এর মধ্যে উঠছে কোথায় ? এটা সম্পূর্ণ আপনার নিজস্ব ব্যাপার।

—সম্পূর্ণ একা আমারই ? মনুষ্যত্বের নয় ?

—না, আমি অন্য হিসেবে বলছিলাম। আপনার বাবা, আপনার পরিবারের মান-ইজ্জতের ব্যাপার কী না তাই...

—বাবার মান ইজ্জৎ ? কণ্ঠা আবেগে চোঁচিয়ে উঠল— তাদের ইজ্জতের সঙ্গে আমার নাম জড়িয়ে ফেলছেন কেন ? তারা কাল থেকে আমার ইজ্জৎ খারাপ করার জন্য আমার পেছনে গুণ্ডা লাগিয়ে দিয়েছে। তারা আমার অসম্মান করার ফিকির আঁটছে।

মান-অভিমানের পালা এক মুহূর্তে শেষ হয়ে গেল, ঘাবড়ে গিয়ে সজ্জন বললে— তোমার কোন ক্ষতি করেনি তো ?

—কাল রাত্তিরে আমার ঘরের দরজার সামনে দাঁড়িয়ে বাবা খুব লম্বাক্ষম করছিলেন। নাক কাটিয়ে দেবার ধমকি থেকে আরম্ভ করে কোন খারাপ কথা মুখে আনতে সংকোচ করেন নি। আমি তবু দরজা খুলিনি।

—তারপর ?

—তারপর উনি চলে গেলেন। তাঁর যাবার পরই তাঁর গুণ্ডার দল বন্ধ দরজার সামনে অকথা ভাষায় কিছু কিছু বলা আর শেকল ঠক ঠক করা আরম্ভ করে দিলে। কুলিমজুরদের বস্তু, তাই তারা সহজেই শালিগরামের কথায় আর পয়সার জোরে আমার বিক্রকে নেচে উঠেছে। তাদের পুঁচকে বাচ্চারা পর্যন্ত আমার ঘরের সামনে যা-তা বলতে থাকে। সেদিন কর্নেলদা গিয়েছিলেন সেই থেকে একটু... আমি এখনও ঘরে যাইনি। কণ্ঠার চোখ ঝাপসা হয়ে এল। নতুন ব্রহ্মচারীর আসন টলে উঠল। ব্রহ্মচার্যের পথে এগিয়ে যেতে যেতে আবার নারীর আকর্ষণের টান। সজ্জন উত্তেজিত হয়ে বললে— আপনি সেখানে থাকতেই বা গেলেন কেন ? আপনাকে কতবার অনুরোধ করেছি, আপনি বোধহয় ভেবেছেন আমি অন্তদের মত বাউণ্ডলে আর চরিত্রহীন।

—না, না, কখনো এ কথা আমি স্বপ্নেও ভাবতে পারিনি।

—তবে কী ভাবছেন ? আমার এত বড় বাড়ি পড়ে আছে— মানুষজন বিনে খাঁ খাঁ করছে। আপনি যদি বলেন তাহলে বাড়ির একটা দিক আপনার জন্তে খালি করিয়ে দিতে পারি— আর যদি

এর থেকে বেশী কিছু চান, তাহলে নিজের পয়সায় মাঝখানে দেওয়াল তুলে দেব। বাস্ দেয়ালের ওদিকটা সম্পূর্ণ আপনার নিজস্ব থাকবে। কত্যা হেসে ফেলে বললে— দেখুন, আপনার এই অকারণে রাগ হওয়ার কারণ কিছু বুঝতে পারলুম না। আমি কিন্তু কিছুই মনে করিনি— বুঝেছেন?

কত্যা'র কথা শুনে সজ্জন একদম বেকায়দায় পড়ে গেল— তার বৃকের ভেতরটা ছলং করে উঠল। প্রতিজ্ঞা তার পায়ে পায়ে এসে বাধা দেবার চেষ্টা করে চলেছে অথচ তার মন সেই নারীর আকর্ষণে বাঁধা দেবার জন্য ছটফটিয়ে মরছে। উফ্ আজ তারা একে অন্নের এত নিকটে তবু দুজনেই আত্মপ্রকাশের জন্য ছটফট করছে। বিচিত্র মানুষের মনের গতি!

আপনার এত বিরাট বাড়ির এক ভাগে থাকার মত অবস্থা আমার নয়। আপনি আমার মন ভুলিয়ে রাখার জন্য যদি মাসে দশ টাকা ভাড়া বলেন তাহলে সেটা কি ঠিক হবে।

আমি আমার ভাড়া দেওয়া বাড়িগুলোর মধ্যে একটা আপনাকে দিচ্ছি না— আর চাইলেও এখন কোনোটাই খালি নেই। আমি আপনার বন্ধু হিসেবে আজ বিপদের দিনে আপনার পাশে দাঁড়াতে চাই— সাহায্য করতে চাই মাত্র। এই যন্ত্রণার হাত থেকে অন্ততপক্ষে আপনি রেহাই পাবেন। ভাবুন, এই চিঠি নিয়ে যদি কেউ আপনার ওপরে হামলা করে তাহলে? সেখানে সব সময় আপনাকে প্রাণ হাতে নিয়ে থাকতে হবে।

—আপনি আমাকে তুমি বলতে বলতে আবার আপনার পর্যায়ে কেন নিয়ে গেলেন?

—আমি আজকাল ‘দেবতা’ হয়ে গেছি, রুঢ়ভাবে সজ্জন যেন

কথা ছুঁড়ে মারলে। কিছুক্ষণ দুজনেই চুপ থাকার পর কন্যা একটু কেসে, ঢোক গিলে বললে—একটা কথা বলব?

—কী?

কন্যার ফর্সা মুখ লাল হয়ে উঠল—যখন আপনার সঙ্গে প্রথম আলাপ হয় তখন এক ভদ্রলোকের কাছে বিপদে সাহায্য চাইতে আসা ছাড়া আর কোন অভিসন্ধিই আমার মনে ছিল না। আমাদের এই আলাপে এত তাড়াতাড়ি যে এক নতুন সম্পর্ক গড়ে উঠবে এ আমি ভাবতেই পারিনি। আপনার ওপর কোন দোষারোপ করতে চাই না। তবু আমার যা মনে হচ্ছে, আমায় আজ খোলাখুলিভাবে বলতে দিন। আপনি আমাকে সামান্য বন্ধুর চেয়ে অল্প কোন মর্যাদা দিতে ইচ্ছুক—তাই নয় কি? এই ধাঁধার জবাব আমি ভেবে পাচ্ছি না।

—আপনি যদি সত্যি কথা পটপট করে বলে ফেললেন তাহলে আমিও শুনিয়ে দি কেমন? আপনি নিজের ব্যবহারে হাবেভাবে সে কথা জানান নি? কন্যা লজ্জিত হয়ে পায়ের বুড়ো আঙুল মেঝেতে ঘষতে লাগল।

—হ্যাঁ, আমি স্বীকার করি যে সচ্চরিত্র সাধু না হলেও আমি চরিত্রহীন পাষণ্ড নয়। তোমাকে আমি যে চোখে দেখতাম—কাল পর্যন্ত দেখেছি, তার বিষয় এত তাড়াতাড়ি কিছু ধারণা করে নেওয়া ভুল হবে। যদি আমার কোন ভুল হয়ে থাকে, জোড়হাতে মাপ চাইছি ম্যাডাম। আমি যে নারীজাতিকে শ্রদ্ধা করি সেটা আমায় প্রমাণ করতে দাও।

—বিশ্বাস করুন, আপনাকে আমি কখনো অবিশ্বাস করিনি—আজ থেকে আমার জীবনের এক নতুন অধ্যায় আরম্ভ হল ...।

—হ্যাঁ, যা বলছিলাম— এই চিঠিটার কী করতে হবে ?

সজ্জন নিজের মনের নাগাল ধরার চেষ্টা করতে করতে বললে—  
চলো, কর্নেলের কাছে গিয়ে আজই এর বিহিত করে ফেলতে  
হবে। ( উঠে দাঁড়িয়ে ) কিন্তু এখন তোমার আস্তানা কোথায় ?  
আমি কিন্তু তোমায় সেখানে থাকতে দিতে পারি না।

মাথা হেঁট করে কণ্ঠা স্থিত হেসে বললে— আজকের মত হয়  
আপনার বাড়ি, নাহয় কর্নেলদার বাড়ি। কাল কিছু একটা ব্যবস্থা  
করে নেওয়া যাবে কিন্তু সে ভার আপনারই।

—আমার কেসরবাগের বাড়ির ওপরতলা করার নকশা পাস হয়ে  
গেছে। আমি তোমার জন্য নতুন ফ্ল্যাট তৈরী করিয়ে দেব, তত  
দিন... ততদিন তুমি আমার বাড়িতেই থাকতে পারো। কর্নেলের  
ওখানে তোমার থাকায় আমার কোন আপত্তি নেই তবে ওর স্ত্রী  
পুরোনো আচার-বিচার মেনে চলে তাই... আমি চাই না যে  
তোমার বিষয় কারুর মনে কোনরকম ভুল ধারণার সৃষ্টি হয়।

—কিন্তু আপনার বাড়িতে থাকলেই কি লোকে আমায় ছাড়ান  
দেবে ? কাল আমার বাবাই কত কথা শুনিye গেলেন। যাক  
গে সে-সব কথা— আপনি যা ভালো বুঝে ঠিক করে দেবেন  
তাই হবে।

কণ্ঠার মুখ থেকে তার মনোমত জবাব পেতেই সজ্জনের মন  
আনন্দে ভরে গেল। সমাজের সব বাধা অতিক্রম করে এ  
মুহূর্তে কণ্ঠাকে আপন করে পাবার ইচ্ছে সজ্জনের মনে বলবতী  
হয়ে উঠেছে।— হঠাৎ তার কানে বেজে উঠল মহাত্মা বুদ্ধের অমৃত  
বাণী .. মন বিচলিত কোরো না আনন্দ।



## ঘোলো

সজ্জনের দৈনন্দিন বাঁধাধরা জীবনযাত্রায় আজ হঠাৎ পরিবর্তন দেখা দিয়েছে। কর্নেলের বাড়ি সকালের জলখাবার খেয়ে তার গলির স্টুডিয়োতে যাবার বদলে সে নিজের বাড়ির দিকে যাচ্ছে। কাল থেকে মনিবের মতিগতি বদলেছে, ধর্ম পূজোআচ্চায় মন বসেছে দেখে আজ প্রভুভক্ত চাকরের দল পরম নিষ্ঠায় কাজে মন দিয়েছে। ঠাকুর ঘর আয়নার মত ঝকঝক করছে। বড় বড় কাপড়ের ফালিতে বাঁধা ঝাড় ফানুস খুলে পরিষ্কার করা হয়েছে। চান্দোয়াতে রূপো পালিসের হাত পড়ে চকচক করছে। বিগ্রহের আসনের পাশের থামের কাছে তৈরী শ্বেতপাথরের নারী মূর্তিটির রঙ আজ যেন বেশ সাদা দেখাচ্ছে। বিগ্রহের গলায় তাজা ফুলের মালা শোভা পাচ্ছে। গাঁদা ফুলের লম্বা লম্বা জালির মত গাঁথা মালা দিয়ে ঠাকুর ঘরের দরজা সাজানো। আজ পুরুতমশাই সময়ের আশ্রো আগে এসে ভক্তিভরে বিগ্রহকে স্নান করিয়েছেন। বিগ্রহকে নতুন সুন্দর পরিধান পরিয়ে তিনি মহা আড়ম্বরের সঙ্গে গলা ফাটিয়ে জয় জগদীশ হরে ওঁমঃ জয় জগদীশ হরে— ভক্তজনো-কে সংকট ছিন মে দূর করে... আরতি গাইছেন। দরজায় সজ্জনকে দেখেই যেন সামনে সাক্ষাৎ শমন দেখার মত পুরুতমশাই ঘাবড়ে গেলেন। কোনমতে ঢোক গিলে গিলে পুজোটা শেষ

করলেন। সজ্জন এক মনে বিগ্রহের দিকে তাকিয়ে রইল— আজ এখানে তাকে দেখে মায়ের আত্মা নিশ্চয় শান্তি পাচ্ছে। পুরুতের দাঁত চেপে চোক গিলতে গিলতে আরতি গান শুনে তার হাসি পাচ্ছে, এই ধর্মের দালাল ব্রাহ্মণটির মনে কি সত্যিই ধর্মের প্রতি নিষ্ঠা আছে?

নিজের ধর্মনিষ্ঠার কথা চিন্তা করতে করতে সে বাইরে বেরিয়ে এল। বাইরে আসতেই চাকর তার হাতে চিট ধরিয়ে দিয়ে গেল, বাবু শালিগরাম জয়সওয়াল আর জানকীসরণ তার প্রতীক্ষায় বাইরের ঘরে বসে আছেন।

—কতক্ষণ হল এসেছেন?

—কুড়ি মিনিট বোধহয় হুজুর...

—চা দিয়ে এসেছ?

—আজ্ঞে হ্যাঁ।

—ওদের কী বলেছ?

—বলেছিলাম যে এখন মনিব ঠাকুরঘরে আছেন।

—ঠিক আছে, সজ্জন কাপড় ছাড়তে লাগল।

তাকে বৈঠকখানায় ঢুকতে দেখেই, তারা দু'জনে বৈষ্ণবী বিনয়ের অবতার হয়ে প্রায় মাটিতে মিশে যাবার জোগাড়। বাবু শালিগরামের সঙ্গে তার পরিচয় নেই তবে জানকীসরণের সঙ্গে মাঝে মাঝে রাস্তাঘাটে দেখাসাক্ষাৎ হলে হাত তুলে নমস্কার হয় এই পর্যন্ত।

সজ্জন হাত জোড় করে ক্ষমা চেয়ে বসল— মাপ করবেন, আপনাদের বেশ খানিকক্ষণ বসে থাকতে হয়েছে।

ছিপছিপে চেহারা, পেলিলের মত গোঁফ, পাতলা নাক— প্রোট

লালা জানকীসরণ শশব্যস্ত হয়ে বললেন— আরে না, না, সত্যি বলতে আমরা খুব আনন্দিত যে তুমি পুজোআচ্চা করো। বাবু শালিগরাম, কটা ঘন গোঁফ, সাদা ধবধবে টুপি, চশমা নাকের ওপর স্বস্থানে রাখতে রাখতে দীনভাবে বললেন— হেঁ হেঁ, আরে কেন করবে না, ছেলে কোন্ বংশের? তারপর ইয়ে মানে এত বড় আর্টিস্ট— সরস্বতী বন্দনা করেই আর্টের সাধনা হয়— হেঁ হেঁ হেঁ।

জানকীসরণ ছড়ির রূপো-বাঁধানো বাঁটটায় হাতের ভর দিয়ে বললেন— আমরা খুব আনন্দিত যে আমাদের বাড়ির ছেলে দশ-জনের মধ্যে একজন হয়েছে। একদিন রাজা সায়েব নিজে এসে তোমার বিষয়ে আমাকে সব বলে গিয়েছিলেন। তিনি প্রায়ই তোমার খবরাখবর জিজ্ঞেস করে থাকেন। হ্যাঁ, আজকাল আমাদের পাড়াতেও তুমি কিছু কিছু কাজ আরম্ভ করেছ শুনতে পেলাম।

—হ্যাঁ, রাজামশাই আমার গুরুজন, আমার প্রতি তাঁর বিশেষ দয়াদৃষ্টি— সজ্জনের গলার স্বর কৃতজ্ঞতায় ভরা।

বাবু শালিগরাম মোসাহেবি ভঙ্গিতে দাঁত বার করে বললেন— আমরা এঁর দুই বন্ধুকে বেশ ভালোভাবেই চিনি কিন্তু এনার সঙ্গে পরিচয়ের সৌভাগ্য হয়ে ওঠেনি। আহা হা যেমন নাম তেমনি খুন, হেঁ হেঁ হেঁ...

বাবু জানকীসরণ নড়েচড়ে বসে, গোপন চুক্তি ফাঁস করার ভঙ্গিতে বললেন— আমি আজ একটা প্রস্তাব নিয়ে তোমার কাছে এসেছি, আমরা পরশু শালিগরামকেও রাজী করিয়েছি। আমি সকলকে বুঝিয়ে বললাম, রাজনীতি সবসময় চলতেই থাকে কিন্তু জনতা জনাদনের জগু সমাজ-কল্যাণের কাজ হওয়া নিতাস্তই

দরকার। ইনি রাজী, এখন তোমার মতামতটা জানতে এসেছি। মহিপাল আর কর্নেলের মতামতটা পরে জেনে নেওয়া যাবে।

সজ্জন বেশ আনন্দাজ করলে যে এঁরা সেই হাওয়াই পুস্তিকার টানে এখানে এসে হাজির হয়েছেন। —আমি যে-কোন ভালো সমাজ-কল্যাণের কাজের জন্য আপনাদের সঙ্গে আছি— বলুন আমায় কী করতে হবে ?

শালিগরাম মাথা ঝাঁকুনি দিয়ে বললেন— আমরা মশাই রাজনীতির পোকা। আমরা জলসা করা আর লম্বা বক্তৃতা করতেই জানি। আপনার কাছে জানতে এসেছি যে এ ছাড়া আর কী কী করা উচিত।

—হ্যাঁ, হ্যাঁ, তুমি তো অনেক ঘুরেছ। লেখাপড়া করেছ, মাথা খেলিয়ে এমন কিছু উপায় আবিষ্কার করো যাতে এই নিদ্রিত জনতা জাগরিত হয়ে ওঠে। আমার মতে সেই যে নিসাতগঞ্জে পুতুলের প্রদর্শনী হয়েছিল সেইটাই আমাদের পাড়ায় আনলে কেমন হয় ?

—তাতে বিশেষ কিছু লাভ হবে বলে মনে করেন ? অনেকে দেখে নিয়েছে আর তাছাড়া আপনাদের পুতুল খেলার ব্যয়স পেরিয়ে গেছে।

—হেঁ হেঁ হেঁ আমি পরামর্শ দিয়েছিলুম যে আপনার ছবির প্রদর্শনী হওয়া উচিত, তাহলে সকলেই আর্টের প্রগতির বিষয় অনেক কিছু জানার সুযোগ পাবে।

বাবু জানকীসরণ উৎসাহের সঙ্গে বললেন— আমরা রাজা সায়েবকে দিয়ে উদ্ঘাটন করাব। এ মাসের কুড়ি তারিখ পর্যন্ত যদি হয়ে যায় তাহলে কিন্তু খুবই ভালো হয়... হ্যাঁ, তা ভাই

সজ্জন, তুমি কিছু ছবি যদি জোগাড় করতে পারো তো ভালো, তা না হলে কেবল তোমার আঁকাই দিয়ে দিয়ো। হ্যাঁ, একটা গান্ধীজীর ছবিও চাই নিশ্চয়।

তারা দু'জনে মিলে এতক্ষণে সজ্জনের মন-মেজাজ বেশ কাবু করে ফেলেছে। একটু মুখ টিপে হেসে সজ্জন বললে— এ প্রদর্শনী আপনাদের ইলেকশনের প্রচার-প্রণালীর মধ্যে একটি নয় তো?

দু'জনে একটু খতমত খেয়ে নিজেদের সামলে নিলে। বাবু শালিগরামের মুখে চিন্তার ছায়া দেখা দিল। জানকীসরণ কাষ্ঠ-হেসে বললেন— হ্যাঁ, তা খানিকটা ঠিকই বলেছ তবে আমাদের প্রধান উদ্দেশ্য হচ্ছে জনতার সেবা।

নিজের এবং শহরের অন্য আর্টিস্টদের ছবি সংগ্রহ করে প্রদর্শনী করার ভার সজ্জন আনন্দে ঘাড়ে নিয়ে নিল। যেতে যেতে শালিগরাম প্রদর্শনীর হ্যাণ্ডবিলে তার এবং তার দুই বন্ধুর নাম ছাপার অনুমতি নিয়ে যেতে ভুললেন না। কন্ঠার কাছে গিয়ে তাকে সমস্ত কথা খুলে বলার জন্য সজ্জন মনে মনে ব্যাকুল হয়ে উঠল। সে তাকে ভালোভাবে বোঝাতে চায় যে প্রদর্শনীর জন্য যেন সে মনে কোন ভুল ধারণা নিয়ে বসে না থাকে। বাবু শালিগরামের জালে নিজে ধরা দেবার বদলে সে তাঁকেই তার জালে জড়িয়ে ফেলবে।

ফেরার সময় লাল জানকীসরণ সজ্জনের গাড়িতে এলেন। ঘরে এসে বাসী ফুল দেখেই সজ্জনের জেষ্ঠীর কথা মনে পড়ল। জেষ্ঠী আর তাঁর বেড়ালছানারা যেন এক অদ্ভুত নাটকীয় সংঘাত, যে এত ঘৃণ্য সে কখনো করুণাময়ী হতে পার? তাই যদি সম্ভব, তবে সে নিজের ব্যভিচারী মনকে কেন সদাচারী করতে

পারবে না। তার স্মৃতির কোঠায় কণ্ঠার মুখ কেন বার বার ভেসে ওঠে? তার ভালো বা মন্দ লাগায় তার কী আসে যায়? মন থেকে এলোমেলো চিন্তা দূর করে দিয়ে সে একাগ্রমনে জেঠীর ছবি আঁকতে বসল।

মহাকবি বিরহেশ ধীরে ধীরে তার ঘরের দিকে আসছে দেখে সজ্জন তেলে বেগুন জলে উঠল। মুখে কিছু না বলে সে চুপচাপ এঁকে চলল।

হেসে মহাকবি বোর বললে—আমি আগেই ভেবেছিলুম যে এ সময় আমাদের সজ্জন মশাই আটের সাধনায় মগ্ন আছেন নিশ্চয়... অ্যা, এটা কী ছবি?

মনে হ'ল বলে দেয়—তোমার মাথা... কিন্তু সে মুখে কিছু না বলে তাড়াতাড়ি ক্রশ চালাতে লাগল।

বিরহেশ বাইরের দরজায় ঠেস দিয়ে বসে পড়ল। পাশের বাড়ির বউয়ের দিকে বার বার আড় চোখে চাইতে চাইতে আর মাঝে মাঝে নিজের রচনা শোনাতে শোনাতে প্রায় পৌনে এক ঘণ্টা কাটিয়ে দিল।

ইশারায় বোঝাতে না পেরে সজ্জন তাকে সোজাশুজি বলল—বিরহেশ, এ সময় আমি একটু একা থাকতে চাই, আবার অন্য কোনদিন এলে ভালো করতে।

—হ্যাঁ, হ্যাঁ, অন্য দিন আসব, কিন্তু ভাই, তোমার এখানে এলেই নতুন প্রেরণা পাই। এখানে এসে নতুন স্মৃতি, নতুন চেতনা, নতুন প্রাণের সন্ধান পাই—আমি তোমাকে বিরক্ত করব না—আমি একদম মুখ বন্ধ করে বসে থাকব।

কিছুক্ষণ মহাকবি বোর চুপচাপ বসে বড়কে দেখে সময়

কাটালেন, তারপর ধীরে ধীরে শুরু হল গুন গুন গান। হঠাৎ কবির মনে চায়ের পিপাসা জেগে উঠল—চা তৈরী করব? আমার মুড আসছে, বলেই সজ্জনের উত্তরের প্রতীক্ষা না করে স্টোভ জ্বালিয়ে, জল চাপিয়ে দিয়ে এক দীর্ঘশ্বাস ফেলে বললে—  
ভাই সজ্জন, শোনো, গালিব ঠিকই বলে গেছেন।

ইস্ক পর জোর নহী হৈ বো আতিশে গালিব—

কি লগায় না লগে আউর বুঝায় না বনে

—আঃ সত্যি বলছি এবার তুমি দেখবে আমার অমর রচনা।

সজ্জন কিছু বলছে না দেখে বোর মশাই সোজা দরজায় গাল ঠেকিয়ে বড়র দিকে তাকিয়ে গুনগুনিয়ে গান ধরলে— বাট তুমারি তকতে পেয়ারী। অখিয়া হারী অখিয়ঁ হারী। গরম গরম চা পেটে পড়ল। সজ্জনের সিগারেটের পুরো প্যাকেট ধোঁয়া হয়ে উড়ে গেল। জানলা, দরজার ফাঁক সব জায়গায় দাঁড়িয়ে বিরহেশের কবি হৃদয় গান শুনিয়ে দিলে। একবার জানলায় মেয়েলী মুখ দেখেই খট করে প্রেমিক মশাই উটের মত গলা বাড়ালেন কিন্তু সেখানে নন্দর চেহারা দেখতে পেয়ে আবার বিরহের গানের রেকর্ড চালু হল।

সিঁড়ি দিয়ে ছাতে যেতে যেতে সজ্জন মহাকবির মানসিক অবস্থা এবং তার মরিয়্য হয়ে গান গাওয়ার ভঙ্গি দেখে বিরক্ত হয়ে উঠল। ইতিমধ্যে দরজায় কারুর পায়ের শব্দ শোনা গেল।

বিরহেশের মাথায় এক টাটি মেরে মহিপাল বললে— একটু পা মোড়ো তো মশাই, ভেতরে যাব। দরজা আটকে বসে সত্যাপ্রহ করছ নাকি?

—গুরু, গুরু— চট করে বিরহেশ মহিপালের হাঁটু জড়িয়ে ধরল,

লম্বা বাঁকড়া চুলে বাঁকানি দিয়ে মোটা ফ্রেমের চশমার ভেতর থেকে দীনভাবে দেখে বললে— গুরু দর্শন হয়ে গেল এবার আমার সব কাজ ফতে ।

পায়ের শব্দে কণ্ঠার আগমনের আশায় একজোড়া চোখ নিরাশ হয়ে গেল । তবু বন্ধুদের দেখে সে একটু হাঁপ ছেড়ে বাঁচল ।

মহিপাল ক্রান্ত হয়ে ধপ করে বালিশ নিয়ে বিছানায় বসে পড়ল । বিরহেশ কৃতাজ্জলি ভঙ্গিমায় বললে— গুরু, আজকাল নতুন গান লিখছি । সজ্জন ভদ্রতার মুখোমুখি ফেলল, বললে— বিরহেশ, মহিপালের সঙ্গে আমার একটু দরকারী কথা আছে ।

— হ্যাঁ, হ্যাঁ, আপনারা কথা বলুন, আমি ছাদে চলে যাচ্ছি । আজকে গুরুর কৃপায় হয়তো আমার গান লেখা হয়ে যাবে... আশীর্বাদ করুন গুরু মহারাজ, এ গান যেন আমার অমর গীতি হয়ে থাকে । এরপর সোজা ট্রেনে বসে বসে ।

নাক মুখ সিঁটকে সজ্জন গলা নামিয়ে বলল— এ ব্যাটা ছিনে জোক, কারুর কথা কানে তোলে না, কর্নেলকে যা একটু ভয় পায় . আরে তুমি আজ এত গম্ভীর কেন ? বউদির সঙ্গে কুরুক্ষেত্র হয়েছে নাকি ?

মহিপাল ঘাড় নাড়ল ।

—তোমার নিশ্চয় কিছু হয়েছে, কাল কর্নেল বলছিল তোমার শালার বিয়ে হচ্ছে ?

—হ্যাঁ, কাল বিয়ে হয়ে গেল, আজ বাসী বিয়ের খাওয়াদাওয়া ।

একটু গম্ভীর হয়ে চিন্তা করে সজ্জন বললে— বিয়েতে কাল উপহার দিতে হয়েছে কিছু— তাই নয় ?



—দিয়ে দিয়েছি।

সজ্জন সিগারেট কেস বার করে বিরক্তিতে প্রায় গলা ফাটিয়ে চোঁচিয়ে উঠল— এই বোর...

—গুরু একটা সিগারেট এদিকে, বলতে বলতে মহাকবি আবার ঘরে ঢুকল। মহিপালের সিগারেটের প্যাকেট থেকে সিগারেট নিয়ে হেসে বিরহেশ বললে— আমার কাজ এই গান লেখা।

—তোমার সংসার চলে কী করে? ছুঁবেলা পেটের ব্যবস্থা হয় কোথা থেকে? আমি শুনেছি তুমি বিবাহিত, বাচ্চাকাচ্চাও আছে।

—বাচ্চারা সব তাদের দাদামশাইয়ের কাছে থাকে। আপনাকে ছুঁখের কাহিনী আর কত শোনাব। আমার স্ত্রী এমনই অজমুখ যে তার সঙ্গে এক জায়গায় থাকলেই আমার কবিতা টবিতা সব লাটে উঠে যাবে।

—ছেলেমেয়ে কটি?

—গুরু তোমার আশীর্বাদে শুনে এই পাঁচটি। মহিপাল 'সংখ্যাটি' শুনে রাগে ফেটে পড়ল— পাঁচ পাঁচটা এণ্ডিগেণ্ডি আর তুমি বেকার বসে আছ? তোমার লজ্জা করে না? তাদের খরচা চলে কেমন করে?

বিরহেশ উত্তর না দিয়ে সিগারেটে কষে টান মারল। মহিপাল সজ্জনকে বললে— যদি বিশেষ কাজ না থাকে তাহলে তোমার বাড়িতেই চলো, এখানে আমার দম বন্ধ হয়ে আসছে।

—চলো, এখানে একজনের আসার কথা ছিল। মহিপাল কথার অর্থ বুঝে নিয়ে বললে— আসব বলে গোছে বুঝি?

—না।

বিরহেশ যেন সজ্জনের বদান্ততাকে চ্যালেঞ্জ দিলে— ভাই যাবার সময় কিন্তু ঘরের চাবিটা আমায় দিয়ে যেয়ো।

রাগে, বিরক্তিতে সজ্জন ফেটে পড়ল— এটা ধর্মশালা নয় বুঝলে ?

বিরহেশ হেঁ হেঁ করার আগেই মহিপাল সজ্জনের কাঁধে হাত দিয়ে বললে— উঠে পড়া যাক। আমার মন একদম এখানে টিকছে না। রাগে হয়তো কাণ্ডজ্ঞান হারিয়ে ছ-একটা চড়ই কষে দেব।

বিরহেশ সিগারেট ধরিয়ে চুপচাপ ছাদে চলে গেল। সজ্জন মনে মনেই বিড়বিড় করতে লাগল— জালিয়ে পুড়িয়ে খেলো, এলেই মন-মেজাজ খারাপ করে দিয়ে যাবে।

—তুমিই তো একে মাথায় চড়িয়েছ, মহিপাল বললে।

কথার প্রসঙ্গ বদলে সজ্জন সকালের কথাটা পাড়ল— সকালে বাবু শালিগরাম আর লالا জানকীসরণ এসেছিলেন আমার বাড়িতে। তারা পাড়ায় একটা আর্ট একজিভিশন করতে চায়।

—করতে দাও শালাদের।

—আমাদের কনভেনর করতে চান।

—না, না, আমি এসব ছোটলোকদের কোন কাজের মধ্যে থাকতে চাই না। এক বড়লোক আর এক কংগ্রেসী ছ'জনেকেই বিশ্বাস নেই। সময় সুযোগ পেলেই ফৌস করবে।

সজ্জন হেসে ফেলল— আমার মতে এসব সেই কল্লার লেখা হাওয়াই হামলার প্রতাপ, তবে আমি অনুমতি দিয়ে দিয়েছি... সেখানে সেখানে কোলাকুলি হয়ে যাক।

—তুমি নিজেকে বড় চালাক ভাবো তাই না ? দেখো, দড়ির চেয়ে কঞ্চি বড় না হয়ে যায় আবার।

—না, না, সে সবার কোন ভয় নেই আমাদের, ওদের সঙ্গে কোন গোপন রাজনৈতিক চুক্তি তো হতে যাচ্ছে না। এই সুযোগে পাড়ার সকলের সঙ্গে আমার পরিচয় হয়ে যাবে— এই আর কী।

—তার জন্তে অন্য পথ অনেক আছে। এদের নামের সঙ্গে নিজেদের নাম জড়িয়ে খারাপ বই ভালো হবার কিছু আশা নেই।

বিরহেশ কার্নিশে ঠেসান দিয়ে সামনের বাড়ির জানলার দিকে চেয়ে গান ধরেছে—

নহী আয়ে অব তক জো থে আনেওয়ালে।

কহাঁ ছিপ গয়ে মুঝকো তড়পানে ওয়ালে ॥

অজব মোহিনী ডাল দী এয়ার তুনে।

কি মরমরকে জীতে দিল দেনে ওয়ালে ॥

মহিপাল আর সজ্জন বাইরে বেরিয়ে গেল। সজ্জনের তাল বন্ধ করার আওয়াজে জানলা দিয়ে মহাকবি শ্রীমুখ বাড়িয়ে তাকালেন। তাল বন্ধ করে সজ্জনও পরে জানলার দিকে তাকাতেই দেখতে পেল, প্রেমের অগ্নিতে দগ্ধ মহাকবি গদগদ কণ্ঠে একের পর এক শোনা রেকর্ডের গান গেয়ে চলেছেন।

সজ্জন তাকে নীচে নেমে আসার জন্তে হাঁক দিতেই মহিপাল বেশ রুঢ়স্বরে বলে উঠল— আচ্ছা আচ্ছা, এখন গলা কাঁপিয়ে গানের ছাকরা একটু বন্ধ করো। সোজা নীচে নেমে এসো দয়া করে, আমাদের দেরী হয়ে যাচ্ছে।

বিরহেশ কোনমতে টপ করে চাবি নিয়ে আবার যেই আনমনা হয়ে সিঁড়ি চড়তে যাবে তখুনি হয়ে গেল এক প্রলয় কাণ্ড, অশ্রুমনস্কে সিঁড়ির প্রথম ধাপ থেকে দ্বিতীয় ধাপে পা দেবার

বদলে পা গিয়ে পড়বি তো পড়, পড়ল তৃতীয়টাতে, টাল সামলাতে না পেরে কবি মশাই সোজা সজ্জনের ঘাড়ে এসে পড়লেন। পিছনে মহিপাল দাঁড়িয়েছিল, সে কোনমতে দু'হাত দিয়ে দেয়াল ধরে টাল সামলে নিলে। সজ্জনের কাঁধে বেশ চোট লাগল। সরদারের বাড়ির সকলে— কী হয়েছে, কী হয়েছে? চৈঁচাতে চৈঁচাতে এসে দাঁড়াল। রাগে মহিপালের মাথার ঘিলু ফেটে পড়ার উপক্রম। এক হাতে বোরের চুলের মুঠি ধরে ঠাস ঠাস করে বেশ কবে চড়িয়ে মহিপাল বললে— অন্ধ, চোখ-কানের মাথা খেয়েছ? মারের চোটে কবিতার ভূত ভাগিয়ে দেব জানো?

বোর মশাই গুরুর পা ধরে মিন মিন করায় চেষ্টা করতেই মহিপাল তাকে জোরে এক ধাক্কা মেরে সজ্জনকে নিয়ে বেরিয়ে গেল।— হো হো কী মজা— মার খেয়েছে, তালি বাজিয়ে সরদারের বাচ্চারা হেসে লুটোপুটি খাচ্ছে।

বিরহেশের ওপর হাত চালিয়ে মহিপালের মন বিষন্ন হয়ে গেল। তার শালার বিয়ের বরযাত্রী এই শহরেই এসেছে। আত্মীয়-স্বজনের মধ্যে সে বড় একটা যায় না কিন্তু এখানে না গেলে নয় তাই গিয়েছিল। মেয়েদের বাড়ি গিয়ে সেখানে বাসী বিয়ের কুপ্রথার বিরুদ্ধে আলোচনা করতে করতে সে হয়তো কয়েকটা কড়া কথা বলে ফেলেছিল। তার কটুক্তি শুনে উত্তেজিত হয়ে এক টিকিবাঁধা ব্রাহ্মণ খেতে খেতে তার দিকে তাকিয়ে মুখ বিকৃতি করে বললেন— নাস্তিক, ছ্যা, ছ্যা, সনাতন ধর্মের নিন্দে করছ? প্রথমে এক বড়লোক শেঠকে কাঁসিয়ে বেশ কিছুদিন সংসার চালিয়ে নিলে, তারপর এখন লেডী ডাক্তার জুটিয়েছ। পয়সাই দেখলে, রামো রামো, খুস্টানের সঙ্গে এক থালায় খায়,

লজ্জার মাথা খেয়েছে মশাই। মহিপাল রাগে ফোঁস ফোঁস করছে দেখে তাড়াতাড়ি তার স্বশুর জামাইকে বুঝিয়ে সুঝিয়ে ঠাণ্ডা করলেন।

ভোর হতেই কল্যাণী সতীনের কথা বলে বলে ফোড়ন কাটতে শুরু করে দিয়েছিল। আজ সে মনমরা হয়ে ঘুরছে। মানসিক শান্তির বদলে দেখা দিলেন মহাকবি বিরহেশ, উফ্, তার মাথার শির যেন ছিঁড়ে যাবে মনে হচ্ছে।

সজ্জন তাকে বোঝালে— রাগ সামলাবার চেষ্টা করতে শেখো মহিপাল।

—আরে, ধুং, জীবনে বীতরাগ হয়ে পড়েছি।

ছ'জনে চুপচাপ গলি পেরিয়ে এগিয়ে গেল।

## সতেরো

মহিপাল আর তার ছই দিদি এবং ছোট ভাই ছেলেবেলা থেকে মামার বাড়িতেই মানুষ হয়েছে। তার দাদামশাই বনেদি বংশের জমিদার, আর বাবা ছিলেন জেলা হাইস্কুলের হেডমাস্টার। বাবা স্পষ্টবক্তা, চরিত্রবান এবং আত্মমর্যাদাসম্পন্ন ব্যক্তি ছিলেন। মহিপালের মাঠাকরনের স্বভাব ছিল ঠিক তার বিপরীত। বড় ঘরের মেয়ে, বাবা আর বড় ভাইয়ের অতি আদরে লালিতা পালিতা কত্তা হিসেবে তাঁর স্বভাবে অনেক দোষ ছিল। তিনি

বেশীর ভাগই বাপের বাড়িতে পড়ে থাকতেন, তাঁর দাপটের সামনে মামা মামী সকলেই হার মানতেন। বাপের বাড়িতে ছিল তাঁর একছত্র রাজত্ব। অন্তরমহলের কুটনীতির মারপ্যাঁচে তাঁর বেশ হাতযশ ছিল তাই তাঁকে কেউ বড় একটা সুনজরে দেখত না।

মহিপালের দুই দিদির বিয়ে বেশ ভালো ঘরে মামারাই ঠিক করেছিলেন। তাঁদের বাড়ি থেকেই বিয়ে হওয়ার দরুন নিজেদের যোগ্য মর্যাদানুযায়ী ধুমধাম খরচপত্রের বেশ ভালোই করেছিলেন। মহিপালের বিয়েও বেশ বড় ঘরেই হয়েছিল কিন্তু বিয়ের কিছুদিন পরেই তার ভাগ্যচক্রের গতি পালটে গেল। বাবা মারা গেলেন, এক বছরের মাথায় বড় মামাও স্বর্গে গেলেন। তার মার কপালেও ভাঙন ধরল— বড় মামার মৃত্যুর সঙ্গেই নিমেষে সংসারের ভোল পালটে গেল। যে সংসারে একদিন তিনি কর্তৃস্থানীয়া হয়ে রাজত্ব করছিলেন, সেখানে এখন তিনি চোখের জলে বুক ভাসাতে লাগলেন। বাড়ির লোকেরা যারা তাঁকে মনে মনে ঘেন্না করত অথচ মুখ ফুটে কিছু বলার সাহস পায়নি, তারা একজোট হয়ে তাঁর বিরুদ্ধে দাঁড়াল। লজ্জায় আত্মগ্লানিতে কারুকে মুখ দেখাতে না পেরে একদিন মা ঘরের কোণে গলায় দড়ি দিয়ে সব দুঃখের হাত থেকে নিষ্কৃতি পেলেন।

মা যাবার পর মহিপাল, তার স্ত্রী এবং ছোট ভাই জয়পালের পক্ষে সে সংসারে থাকা দুষ্কর হয়ে উঠল। মামীরা ননদের সম্ভানদের সে বাড়িতে থাকা দায় করে তুলল। সে সময় মহিপাল ইন্টারের ছাত্র আর ছোট ভাই জয়পাল ক্লাস নাইনে পড়ত।

মহিপাল ছোটবেলা থেকেই সাহিত্যের অনুরাগী। মাকে সে মান-সম্মম আর শ্রদ্ধার চোখে দেখেছে কিন্তু বাবাকে সে সত্যি

ভক্তি করত, ভালোবাসত। বাবার কথা ভাবলেই তার সংবেদনশীল বুকটা টনটন করে উঠত। ছোটবেলায় তার মনে হত সে ছুটে চলে যাবে বাবার কাছে, তার কোলে উঠে বসবে, কিন্তু মার জেদের সামনে হার মেনে চুপ করে থাকা ছাড়া আর কোন উপায় ছিল না। বাবা শাস্তুশিষ্ট, গম্ভীর বিদ্বান পুরুষ ছিলেন। তাঁর লেখা কবিতার সংগ্রহ সে নিজের বইয়ের আলমারীতে যত্নের সঙ্গে রেখে দিয়েছে। ইতিহাস সমাজশাস্ত্র এবং শিক্ষার বিষয়ে তাঁর সারগর্ভ রচনা দেশের বড় বড় নামী পত্রিকাতে বিশেষ স্থান পেয়েছে। ছোটবেলা থেকেই বাবার মত নামী লেখক হবার আশা তার মনে জেগে উঠেছিল। বাবাই ছিলেন তার আদর্শের প্রতীক, গাইডলাইট। তার মামারা যখন খাজনা আদায় করার জন্য নিরীহ চাষীদের ওপর অকথ্য অত্যাচার, জোর জুলুম চালাতেন, তখন তার ভাবুক বিদ্রোহী মন সমকালীন সমাজ-ব্যবস্থার প্রতি ঘেন্নায় ভরে উঠত। তার মামারা কেন এই কঠোর পরিশ্রমী গ্রামবাসীদের ওপর অত্যাচারের হাত ওঠাতে দ্বিধা বোধ করে না— এই ধরনের নানা এলোমেলো প্রশ্ন তার মনে প্রায়ই জেগে উঠত। চাষীদের পিঠে সপাং সপাং বেতের প্রহার, উলটো করে গাছে টাঙিয়ে নীচে ধুনি জ্বালিয়ে ধোঁয়া দেওয়া, বিনা পয়সায় ব্যাগার খাটিয়ে নিয়ে ক্ষিদেয় মারা, বাড়িঘরদোর লুটপাট করানো ইত্যাদি নানা অমানুষিক অত্যাচার দেখে দেখে তার শরীরে কাঁটা দিয়ে উঠত। তার চোখের সামনে তার তিন মামা মিলে কতবার গাঁয়ের যুবতী মেয়েদের বেইজ্জতি করেছে। কথায় বলে স্বভাব না যায় মলে, সেই অবস্থা তার প্রোট মেজ মামার। বুড়ো বয়সেও তিনি কুমারী মেয়েদের

সর্বনাশ করে পৈশাচিক আনন্দ পেতেন। তাঁর মেয়ের বয়সী ছোট ছোট মেয়েদের তাঁর দৈহিক কামনা মেটানোর সামগ্রী হিসেবে ব্যবহার করার সময়, হয়তো তিনি কোনদিনই তাঁর বিবেকের দংশন অনুভব করেন নি।

বছরে দু'বার, পুজো ও গ্রীষ্ম অবকাশের সময় সে চলে যেত বাবার কাছে। সবুজ মাঠে বড় বড় গাছের ছায়ায় লুকোচুরি খেলতে তার বড় ভালো লাগত, তাই মামার বাড়ি ফিরে এসে সে ছটফট করে উঠত, পিঞ্জরে আটকানো পাখির মত তার দম বন্ধ হয়ে যাবার জোগাড় হত। জমিদারিতে দিনরাত কেবল মদ, সিদ্ধি, গাঁজা, মারপিট, অত্যাচার, ব্যভিচার, বেষ্টাবৃত্তি ইত্যাদি পঙ্কিলতা দেখে দেখে তার মন উত্তেজিত হয়ে উঠত। তার বিদ্রোহী মন অব্যাক্ত বেদনায় মুখ ফুটে কিছু প্রতিবাদ না করতে পারায় এক নতুন পথের সন্ধান পেল। জীবনের সেই সন্ধিক্ষণে যুক মানুষের ভাষা হয়ে সাহিত্য তার জীবনে এল। প্রথমে কয়েকটি ছোট ছোট কবিতা রচনা করার পর সে গল্প লেখা আরম্ভ করলে। বাবার ডায়ারি লেখা অভ্যাস ছিল, সেই দেখে সেও তার ডায়ারি লেখা আরম্ভ করল। জীবনের অভিজ্ঞতা ডায়ারির পাতায় বাঁধা পড়ে জোগাতে লাগল তার ভাবপ্রবণ মনের খোরাক। ইন্টারমিডিয়েট পরীক্ষার আগে পর্যন্ত তার লেখা গল্প— 'চাঁদ' আর 'সুখা'র মত পত্রিকায় স্থান পেয়েছিল।

মা গত হবার পর মামার বাড়িতে সে অপমানিত বোধ করতে লাগল। হঠাৎ একদিন সংসারে জোর ঝগড়াঝাঁটি হতেই সে পরীক্ষার ফল বেরুবার প্রতীক্ষা না করেই, নিজের বালিকাবধূকে নিয়ে জীবিকা উপার্জনের সন্ধানে লক্ষ্মী চলে এল।



তখন 1930, আন্দোলন চলছে, নিরুপ দেশে সাড়া জেগে উঠেছে। ‘সুধা’ পত্রিকার সম্পাদকীয় বিভাগে চল্লিশ টাকা মাস মাইনায় সে কাজ আরম্ভ করল। হিন্দী জগতের বড় বড় নামকরা সাহিত্যিক ও কবি মুন্সী প্রেমচন্দ, নিরাল, সুমিত্রানন্দ পস্তু, রূপনারায়ণ পাণ্ডে, কৃষ্ণবিহারী মিশ্র, এঁদের দর্শন করে সে নিজেকে ধন্য মনে করল। সাহিত্য সৃষ্টির পথে সে দ্রুতগতিতে এগিয়ে চলল। কবি নিরালার সঙ্গে পরিচয় তার জীবনে এক নতুন অধ্যায়ের সূত্রপাত করলে। মাস মাইনের গণ্ডিতে বাঁধা চাকরিতে আত্মপ্রকাশের পথ বন্ধ, তবু আর্থিক অনটনের জাঁতায় পেশা সাহিত্যিক সেই গণ্ডির মধ্যেই অসহায় হয়ে পড়ে ছিল। তিন মাস পরে মহিপাল তার গর্ভবতী স্ত্রী আর ভাইকে নিয়ে অমীনাবাদে এই ছোট ভাড়াটে বাড়িতে চলে এল। তখন তার হাতে স্ত্রীর গয়না ছাড়া আর কোন সম্বল নেই।

মামার বাড়ি থেকে সে ভগবান ভরসায় বেরিয়ে পড়েছিল। ছোট ভাইকে সে আবার স্কুলে ভর্তি করিয়ে তাকে উচ্চশিক্ষার আশ্বাস দিলে। মহিপাল নিজে হাড়ভাঙা খাটুনি খাটতে লাগল। ‘সুধা’ পত্রিকার চাকরির সঙ্গেই সে ইতিহাস এবং অন্ত্র স্কুলের কোর্সের বই, প্রকাশনের জন্য লেখা আর অনুবাদ করা আরম্ভ করল। কপিরাইট বিক্রি করে আর মাসে ছ-একটা গল্প লিখে সে প্রায় একশো টাকা উপরি রোজগার করতে লাগল।

তখন দিনকাল মন্দ ছিল না। পত্রিকার সংখ্যা ছিল গোনা-গুনতি আর নামকরা সাহিত্যিকেরা উঠতি সাহিত্যিকদের সাহায্য করায় পেছ-পা হতেন না।

মহিপালের রচনায় ছিল সম্ভাবনীয় শক্তি আর বুকে ছিল এগিয়ে

চলার অদম্য সাহস আর আশা। তার ভক্ত পাঠক এক যুবকের সঙ্গে তার পরিচয় ধীরে ধীরে ঘনিষ্ঠ হল। যুবকের নাম রূপরতন, তার বাবা শেঠ ভজগোবিন্দ দাসের শহরে লেনদেনের কাজ। রূপরতন নিজে এক কাপড়ের কলের মালিক, তাছাড়া বস্ত্রিদের মাসমাইনেতে রেখে নানারকম আয়ুর্বেদের ওষুধ তৈরী করিয়ে বাজারে বিক্রি করেন। বড় বড় নেতাদের ওষুধের কারখানা দেখিয়ে সার্টিফিকেট লিখিয়ে নেওয়াতে তিনি একেবারে ওস্তাদ। এটা থেকে তাঁর বেশ মোটা মাসিক আয় হয়। রূপরতন কংগ্রেসের সহৃদয় যুবক নেতা, পার্টির কোষাধ্যক্ষ, আবার ভাগে বিলিতী মদের দোকানও চালান। ব্যবসায়ী রূপরতন মিষ্টভাষী, কথাবার্তায় তুখোর আর নবযুবকদের পথপ্রদর্শক একজন সমাজবাদী নেতা।

মহিপালের সঙ্গে রূপরতনের আলাপ হয় জিমখানা ক্লাবে। মহিপালের দূর সম্পর্কের মামাতো ভাইয়ের বিশেষ বন্ধু এবং ছ'জনে এক সঙ্গে লক্ষ্মী ইউনিভারসিটিতে পড়তেন। মহিপালের চালচলনে বেশ বড়লোকী ভাব আছে তাই ক্লাবে গিয়ে সে সহজেই সকলের সঙ্গে বন্ধুত্ব জমিয়ে নিতে পারে। লক্ষ্মী এসে পুরোনো শখ মেটাতে আর সংসারের খরচের কথা ভেবে সে খাদি পরতে আরম্ভ করেছিল। পয়সার অভাব ঢাকার এই উপায় হয়তো সবচেয়ে ভালো। ধীরে ধীরে রূপরতন আর মহিপাল এক গেলাসের ইয়ার হয়ে গেল, তাদের সম্পর্ক ঘনিষ্ঠ হল। রূপরতনের খবরের কাগজ বের করার প্রস্তাবে মহিপাল আনন্দে উল্লসিত হয়ে সায় দিলে। রূপরতনের বাবার কাছে এক দেনাদারের প্রেস বন্ধক পড়ে ছিল। রূপরতন তাড়াতাড়ি দেনার টাকা বাবাকে

চুকিয়ে দিয়ে বাকী কানুনী মারপ্যাচ সোজা করিয়ে প্রেসের মালিক হয়ে বসলেন।

সাপ্তাহিক 'নবচেতনা' প্রকাশিত হল। মহিপাল সম্পাদক হিসেবে কাজ করতে লাগল। তার রচনার জন্য কাগজ তিনবার মামলার ঝামেলায় ফেঁসে গেল বটে, কিন্তু অতীতের গ্রাহক সংখ্যা চার গুণ বেড়ে গেল। পরে রূপরতন সম্পাদক মশাইকে বুঝিয়ে সুঝিয়ে এ বিষয়ে রাজী করিয়ে নিলেন, রচনার দৃষ্টিকোণ প্রকাশনের বাঁধাধরা নিয়মের সীমা যেন অতিক্রম না করে। 'নবচেতনা' অফিসে প্রগতিশীল যুবকদের আড্ডা হতে লাগল। সাপ্তাহিক হঠাৎ বন্ধ হয়ে গেল।

রূপরতন এই প্রেসকে সমাজবাদের প্রতীক হিসেবে খুলেছিলেন, অতএব ছোট থেকে বড় সব কর্মচারীকেই সেই মস্ত্রে দীক্ষিত করে তাদের দিয়ে বেগার খাটিয়ে নিতেন।

মহিপালের জীবনযাত্রা বেশ কাটতে লাগল। মাসে পাঁচশো বেতন অথচ হাতে আসে মাত্র দুশো, বাকীটা ত্যাগ ও তপস্কার হিসেবের খাতায় কেটেকুটে ব্যালেন্স সাফ। রূপরতনের চালাকি মহিপাল একদম বুঝতে পারত না। মহিপালের সমাজবাদের প্রতীক প্রেসের জন্য ত্যাগ দেখে বাকী সব কর্মচারীরা ত্যাগ ও তপস্কার মালা জপতে বাধ্য হল। গ্রামে গ্রামে, শহরে শহরে ঘুরে মহিপাল রচনার পর রচনা লিখে যেতে লাগল। গ্রামের চাষীদের দুঃখের করুণ গাথা, কলকারখানার মজুরদের জীবনের সংঘর্ষ তার লেখনীতে প্রাণবন্ত হয়ে উঠল। রূপরতন তাঁর নিজস্ব স্বার্থসিদ্ধির জন্য বড় বড় ব্যবসাদার, শিল্পপতির বিরুদ্ধে মালমশলা মহিপালকে জুগিয়ে যেতেন। তার রচনায় ছিল শোষিতের জীবন-

স্রোতের গভীর প্রবাহ, ঢেউয়ে ঢেউয়ে নানা জটিলতা, প্রতিটি  
বাঁকে ছুঁখের অনুভূতিতে জড়ানো রক্তের মত সহজাত অথচ  
রহস্যময় চিত্রকল্পের সজীব রূপ। জয়পাল ইন্টারমিডিয়েট পরীক্ষা  
পাস করে ডাক্তারিতে ভর্তি হল। স্ত্রীর সঙ্গে চিন্তাধারা বিনিময়  
না হওয়ায় তার মিল হতে গিয়েও হত না, তাই সংসারে অশান্তি  
লেগেই থাকত। মহিপাল কিন্তু পথভ্রষ্ট হয়ে একেবারেই চরিত্রহীন  
হয়নি, রূপরতনের কামিনী আর সুরার মধ্যে সে কেবল  
দ্বিতীয়টিকেই বরণ করেছিল।

1936 সালের ইলেকশনে ‘নবচেতনা’ পুরোদমে আখড়ায় নেবে  
পড়ল। রূপরতন কংগ্রেস টিকিটে এম. এল. এ. হলেন।  
রাজনীতির নতুন খোলস পরে তিনি তাঁর সাপ্তাহিকের নীতি  
সম্পূর্ণ নতুনভাবে নির্ধারিত করার প্রস্তাব আনলেন। অফিসের  
ছোট ছোট কথায় টীকা-টিপ্পনি আরম্ভ করলেন। ত্যাগের নামে  
সমস্ত প্রেস-কর্মচারীদের দু’ বছরের বেশী মাইনে সমাজবাদী  
নেতার উদরস্থ হল। এতদিনে রূপরতনের চালাকি প্রেসের  
সকলেই ধরে ফেলেছিল কিন্তু মহিপালের ভদ্রতা, স্পষ্টবাদিতা  
আর ত্যাগে মুগ্ধ হয়ে তারা এতদিন মুখ খোলেনি। এবার সকলেই  
রূপরতনের পলিসি খোলাখুলিভাবে জানতে চাইলে। বেগতিক  
বুঝে এবার তিনি স্পষ্ট ভাষায় ‘না’ বলে দিয়ে এতদিনের নাটকের  
পূর্ণচ্ছেদ টেনে দিতে বাধ্য হলেন।

মহিপাল হঠাৎ আকাশ থেকে পড়ল। সে রিজাইন দিলে।  
রূপরতন তার সঙ্গে বন্ধুত্বের সম্পর্ক বজায় রাখার জন্যে অনেক  
প্রলোভন দেখালেন, কিন্তু মহিপালের মন কোন কথাতেই টলল  
না। অন্য কর্মচারীদের পক্ষ সমর্থন না করে কেবল নিজের

স্বার্থকে সর্বোপরি রাখায় সে কিছুতেই সায দিতে পারল না। হরতাল, হৈচৈ আরম্ভ হতেই রূপরতন পুলিশের হুমকি দেখালে, অনেকে ধরা পড়ল কিন্তু মহিপাল ধরা দিল না। মামলাটা চেপে যাওয়ার কিছুদিন পরেই রূপরতন তার সঙ্গে সব সম্পর্ক চিরদিনের মত ছিন্ন করে দিলেন। তার তাসের প্রাসাদ নিমেষে ধূলিসাৎ হয়ে গেল।

পণপ্রথার বিরুদ্ধে নিজের যুক্তির সমর্থনে মহিপাল তার ভাইয়ের বিয়েতে এক পয়সা পণ নিলে না। ডাক্তার জয়পালের স্ত্রী রূপবতী এবং গুণবতী। ডাক্তারী পাস করার পর সে ভাইকে উচ্চশিক্ষার জন্তে বিলেত যাওয়ার পরামর্শ দিলে। ভাগ্যের বিড়ম্বনা একেই বলে, যখন বিলেত যাওয়ার সুযোগ এল তখন সে কপর্দকহীন। ভাগ্যের কাছে মহিপাল হার মানতে রাজী নয়, বউয়ের গায়ের গয়না বেচে, তাকে নিরাভরণ করে, ভাইকে বিলেত পাঠিয়ে দিলে। কথায় বলে যখন দুঃসময় আসে তখন একা আসে না, তাই তার এই দুঃখের কূলকিনারা হবার আগেই মেজদিদি হঠাৎ বিধবা হলেন। মাথায় বজ্রপাত হল, মেয়ে শকুন্তলাকে নিয়ে সে তার আশ্রয়েই ফিরে এল। এতজন প্রাণীর ভরণপোষণের ভার তার একার মাথায় এসে পড়ল। দিনরাত কঠিন পরিশ্রম করেও মাসে দেড় পৌনে দু'শোর বেশী উপার্জন করতে সে সক্ষম হল না।

ইতিমধ্যে দ্বিতীয় মহাযুদ্ধ বেধে গেছে, সব ব্যবসা ফেঁপে উঠেছে। চারিদিকে কালোবাজারীর বাজার গরম। যুদ্ধ মহিপালের জীবনে আরো বিপর্যয়ের সৃষ্টি করল। একদিকে বাজারদর হু হু করে বেড়ে গেল, আর অন্যদিকে সংসার প্রায় অচল হয়ে পড়ল। ঐ দুঃসময়ে

জয়পাল সুদূর বিলেতে থাকায় তার মন সব সময়ই আকুলিবিকুলি করতে লাগল। 1941 সালে জয়পাল বিলেত থেকে পাস করে ফিরল। ভাইকে কাছে পেয়ে মহিপালের খড়ে প্রাণ ফিরে এল। ভাইয়ের পসার জমানোর অভিপ্রায় নিয়ে আবার সে লজ্জার মাথা খেয়ে রূপরতনের দরজায় গিয়ে দাঁড়াল। নেতার প্রভাবে জয়পাল মেডিকেল কলেজে চাকরি পেল। এতদিন পরে মহিপাল একটু নিঃশ্বাস ফেললে; কিন্তু হায় রে বিধির বিধান! দুই জীয়ে অবনিবনার সূত্রপাত হতেই জয়পাল যেন অগ্নি মানুষই হয়ে গেল।

1942 আন্দোলনে মহিপালের জেল হল, তার এই কঠিন সময়ে জয়পাল তার পরিবারকে নিরাশ্রিত একা ছেড়ে চুপচাপ আলাদা হয়ে গেল। দু'বছর জেলে রোগ ভোগ করার পর যখন সে ফিরে এল, দেখতে পেল তার এতদিনের গড়া তাসের ঘর ছত্রভঙ্গ হয়ে আছে। টাকাপয়সা উপার্জনের প্রতিযোগিতায় তাকে সকলেই পেছনে ফেলে এগিয়ে গেছে। লোকেদের ব্যাঙ্কে টাকা রাখার জায়গা নেই। তার আশেপাশের কত পোড়ো জমিতে সুন্দর অট্টালিকা তৈরী হয়েছে। পাড়ার একটি হাড়গিলে ছেলে আজ রেশন ইন্সপেক্টর হয়ে বেশ নাহুসনাহুস হয়ে ঘুরছে। ছোট ভাইয়ের আজ বাড়ি গাড়ি সবই আছে। জেল থেকে ফেরার ক'দিন পরে জয়পাল এসে দাঁড়িয়ে দাঁড়িয়ে দু' মিনিট দেখা করে সেই যে গেছে, দ্বিতীয়বার দাদার মরা-বাঁচার খোঁজখবর পর্যন্ত করতে আসেনি। জয়পাল বাইরে লোকেদের কাছে বলে বেড়াচ্ছে দাদা আমার জন্মে কী করেছেন? যদি আমার বিয়েতে দস্তুরমত পণ, নিতেন, তাহলে আমার বিলেতে যাওয়ার খরচা তাঁর ঘাড়ে

পড়ত না। তিনি যদি পাগলের মত তাঁর আদর্শের জন্য সব-  
কিছু ত্যাগ করেন, তাহলে এতে আমার করার কিছুই নেই।

বন্ধু রূপরতন, নিজের মায়ের পেটের ভাই, সকলের কাছ থেকে  
আশার বিপরীত ব্যবহার পেয়ে মহিপালের মাথা ঘুরে গেল।  
যুদ্ধের সময় এবং পরেও অনটনে সে একেবারেই ভেঙে পড়ে  
মেজাজী অস্থির স্বভাবের হয়েছে। কর্নেল আর সজ্জনের মত  
অন্তরঙ্গ বন্ধুর কাছে হাত পাততেও তার আত্মসম্মানে বাধে।  
ডাক্তার শীলার বন্ধুত্বের সঙ্গে সে সমানে প্রতিযোগিতা করার  
চেষ্টাই করে চলেছে। কর্নেল, সজ্জন, শীলা সকলেই জানে, যে  
দৈনন্দিন জীবনের অভাব অনটন, দুঃখ, মানসিক উদ্বেগে,  
অস্তিত্বের জটিলতায় উজ্জ্বল প্রদীপটি আজ অন্ধকারে নিবু নিবু  
হয়ে আছে। তাই তারা সর্বদাই তার আত্মমর্যাদা বাঁচিয়ে চলার  
চেষ্টা করে।

সভায় বসে এহেন লোকের আত্মমর্যাদাকে ঘা দেবার চেষ্টা  
করা, সে যে পয়সাওয়ালা শেঠ আর মালদার ডাঃ শীলার মাল  
লুটেপুটে নিচ্ছে এ কথা বলাটাই তার প্রতি অশ্রায় করা!  
মহিপাল তার দুর্নাম শুনে প্রায় পাগল হতে বসেছে।

গলিতে মহিপাল আর সজ্জন পাশাপাশি চুপচাপ অশ্রমনস্ক হয়ে  
হেঁটে চলল। মহিপালের বিষন্ন মলিন মুখের দিকে তাকিয়ে  
সজ্জন বললে— কী হয়েছে? বলো-না ভাই... তোমাকে আজ  
অশ্রুদিনের চেয়ে বেশী আপসেট দেখাচ্ছে, আমি জানি তুমি আমার  
দেওয়া সাহায্য হাত পেতে নিতে পারবে না... বাড়িতে খরচায়  
টানাটানি না?

মহিপাল তার কাঁধে হাত রেখে রাস্তার দিকে তাকিয়ে উত্তর

দিল—আপদে বিপদে তোমাদের কাছে আসব না তো যাব কোথায়? পৃথিবীতে আমার আর আছেই বা কে?

গলি সরগরম, বাজারে সব রকম নতুন পুরোনো আলোচনা রসিয়ে রসিয়ে ফেনানো হচ্ছে। হাওয়াই প্রচার-পুস্তিকা থেকে আরম্ভ করে শাকসজির বাজার দর, কোন কিছুর আলোচনাই বাকী থাকছে না। এক জায়গায় আধভাঙা রোয়াকে বসে জটলা হচ্ছে—ধর্ম থেকে আরম্ভ করে ইলেকশনের প্রচার-প্রণালীর সমালোচনা শুনতে শুনতে মহিপাল রাগে ক্ষেপে উঠে বললে—আমার হাতে যদি ছ’দিনের ক্ষমতাও শাসনদণ্ড আসে, তাহলে এই ধর্মের অবতারদের সোজা চৌমাথায় দাঁড় করিয়ে জুতোপেটা করিয়ে দি... যত সব পাজির দল।

সজ্জন হাসল—আরে যেতে দাও ভাই, এরা আবার তোমার পাকা ধানে কবে মই লাগাতে গেল?

—কেবল আমার একার কথা হচ্ছে না, এরা সম্পূর্ণ মানবতার অকল্যাণ করতে বদ্ধপরিকর। পঙ্কিল আচার-বিচারের কুলজি নিয়ে এরা সমাজ আর সংস্কৃতির শত্রু হয়ে দিনরাত ঘুরছে।

—তোমার শালার বিয়েতে চিরাচরিত প্রথা পালন দেখে মাথায় রক্ত উঠে গেছে নাকি? তোমার স্বশুরবাড়ির লোকেরা, মানে বরপক্ষ থেকেই সব প্রথা পালনের নির্দেশ ছিল নিশ্চয়, নয় কি?

হাঁটতে হাঁটতে মহিপাল বললে—ব্রাহ্মণরা বলে তারাই সমাজের বুদ্ধিজীবীদের প্রতিনিধিত্ব করে অথচ বাস্তবে দেখতে পাবে যে এদের চেয়ে নীচ, দান্তিক, মূর্খ হয়তো জংলীদের মধ্যেও নেই। আমার ওপর... দোষারোপ করতে সাহস করে, যে আমি



শীলার পরসায় মজা মারছি? রূপরতনের কত মাল লুটেপুটে  
নিজের ঘরে রেখেছি... উফ্! আর ভাবতে পারছি না।

কটু সত্য শ্রুতিমধুর হয় না। মহিপাল যদি এসময় রাস্তায় না  
থাকত তাহলে নিশ্চয় সজ্জনের ঠাট্টাকে শ্লেষ ভেবে রাগে চেষ্টায়ে  
উঠত। সে বিরক্ত হয়ে বললে— এই আহাম্মক হাড় ছাবাতের  
দল নীচ, নোংরামিতে ভরা, এঁরা সনাতন ধর্মের ব্যাখ্যা করতে  
আসে কোন্ মুখে? আমার মিথ্যে হুঁসুম রটাবার চেষ্টা? আমার  
যদি সেই স্বভাব হত তাহলে আজ মহিপাল শুক্লা লক্ষপতি হয়ে  
মসনদে বসে থাকত। গরীব লেখক হয়ে চটি টানতে টানতে  
হাঁটত না।

—আরে তুমি ক্ষেপে গেলে নাকি? কেন রাগ করছ?  
পৃথিবীর নিয়মই এই, যদি কেউ কারুকে একটু এগুতে দেখে,  
অমনি তাকে ল্যাং মেরে চিং করার চেষ্টা করে। এদের একবার  
দেখিয়ে দাও যে তুমি সংকটে যুঝতে জানো, তুমি হার মানার  
পাত্র নয়।

মহিপালের রাগ ঠাণ্ডা হয়ে এল। গন্তীর ভাবে হাঁটতে হাঁটতে  
বার বার কবি নিরালার লেখা একটি কবিতার লাইন তার মনে  
আসছিল, সত্যি জীবনের চলার পথে ক্লান্ত পথিক কবির বাণীতে  
পায় এক বিচিত্র শান্তি। লোক-লৌকিকতার মোড়কে বাঁধা মনের  
রাহুমুক্তি ঘটে।

লড়না বিরোধ সে হৃদয় সমর,  
রহ সত্য মার্গ স্থির নির্ভর...

## আঠারো

বনকণ্ঠা আজ এখনো এলো না। তার থাকার ঠিকমত ব্যবস্থা হল কিনা কে জানে। একবার ছুটে গিয়ে তাকে দেখে আসার তীব্র ইচ্ছা জেগে উঠল সজ্জনের মনে— হ্যাঁ, একবারটি গেলে হয়, বিপদের সময় তার পাশে দাঁড়িয়ে তাকে সাহায্য করা উচিত— না, না, সে তার আত্মমর্যাদায় ঘা দিতে চায় না— ও বাবা: যা অভিমানী মেয়ে।

সজ্জন গাড়ি নিয়ে সেই বস্তির দিকে গেল, যেখানে কণ্ঠা ঘর ভাড়া করেছিল। আশেপাশের লোকেরা তাকে জানাল যে কাল রাত্তিরে জিনিসপত্রের গাড়িতে তুলে নিয়ে সে ঘর খালি করে চলে গেছে। অচেনা অজানা গাড়ির মালিকের প্রতি সজ্জনের মনে ঈর্ষার সঞ্চার হল কিন্তু পরমুহূর্তে ব্রহ্মচর্য পালনের প্রতিজ্ঞা মনে পড়তেই সে সংযত হল। দূর ছাই, যেখানেই যাক আর যার সঙ্গেই যাক আমার মাথা ব্যথা কিসের? নতুন ব্রহ্মচারী তার অস্থির মনকে সাত-পাঁচ বোঝাবার চেষ্টা করছে বটে কিন্তু মন কণ্ঠার কাছে যাবার জ্ঞান ছটফট করছে।

ফিরে এসে সে সোজা কর্নেলের দোকানের সামনে গাড়ি দাঁড় করাল। মহিপাল আগে থেকেই বসে ছিল। কর্নেলের মন-মেজাজ গরম, কেননা একটু আগে মহিপাল সজ্জন-শালিগরাম

চুক্তির খবর তাকে দিয়েছে। সজ্জনকে ঢুকতে দেখেই কর্নেল রাগে ফেটে পড়ল— তুমি কাকে জিজ্ঞেস করে এসব গোলমালের মধ্যে পড়তে গেলে শুনি? আমার পরিশ্রম পণ্ড করে দিতে চাও, তাই না!

সজ্জন তার ভুল বুঝতে পেরেও না বোঝার ভান করল। একবার যখন সে হ্যাঁ বলে দিয়েছে তখন তার দৃঢ় হয়ে থাকাই উচিত। বিশেষ করে মহিপালের সামনে সে কিছুতেই নিজের ভুল স্বীকার করে ছোট হতে চায় না। সে রুদ্ধভাবে উত্তর দিল— তুমি যদি এর মধ্যে না পড়তে চাও, এসো না, বাস্ খালাস, আমি যা করেছি ঠিক করেছি। বেশ ভেবেচিন্তেই করেছি।

—ঠিক করেছ মাথা আর মুণ্ড। তুমি এ ফাঁদের মধ্যে কেন পা দিতে গেলে? সকাল সকাল শালিগরাম আর জানকীসরণ ঘুঘুর মত তোমার বাড়ি গিয়ে হাজির হল আর ওমনি তাদের মুখ দেখেই তুমি গলে গলে? এটা তোমার মাথায় ঢুকল না যে বিন্নোর ব্যাপার যেটা এখন চলছে, তার পরিণাম কী হবে?

‘বিন্নো’ নামটা তার কানে বাজল। পরক্ষণেই সে বুঝতে পারল যে কর্নেল আদর করে কণ্ঠার ডাকনাম ‘বিন্নো’ রেখেছে। এই নতুন ডাকনাম শুনেই কণ্ঠাকে নিয়ে আবার চিন্তা শুরু হল। কণ্ঠা এখন কোথায়? নিজের ভুলের জন্য সত্যিই সে দুঃখিত। সকালে তাদের প্ল্যান সমর্থন করার সময় কণ্ঠার কথা যে তার একেবারে মনে আসেনি তা নয় কিন্তু তবু যে সে কেন আহান্নকের মত হ্যাঁ বলে ফেলল। ব্রহ্মচর্য, ব্রহ্মচর্য, সে পাগল হয়ে যায়নি তো? তার মাথা ঠিক আছে তো? যতই সে এ বিষয় ভাবতে

চাইছে ততই যেন যজ্ঞায় তার মাথা ফেটে যাবে মনে হচ্ছে—  
তার মনের স্থৈর্য কোথায় গেল? রাগে উত্তেজিত হয়ে কর্নেলকে  
সে বিজ্ঞের মত উত্তর দিলে— আমি এ বিষয় অনেক ভেবেছি,  
নিজের পরম শত্রুকেও যে মিত্র ভেবে হাত মেলাতে পারে, সেই  
মানুষের মত মানুষ। এই আমাদের দেশের সভ্যতা। আমরা  
আমাদের কণ্ঠার কেসও লড়ে যাব আর প্রদর্শনীর ব্যবস্থাও  
করব। তোমাদের মন বড়ই ছোট— সংকীর্ণ মন নিয়ে ভাবা একজন  
আর্টিস্টের ধাতে সয় না বুঝেছ?

—সাবাস, আমার সঙ্গদোষে বুলি কপচাতে শিখে গেছ দেখছি—  
মহিপাল গম্ভীরভাবে বললে— তোমার স্বরে যদি একটুও খাঁটি  
কথার আওয়াজ পেতাম তাহলে সত্যি বলছি ভাই, এই এখানে  
এখুনি তোমায় টিপ করে প্রণাম করে ফেলতাম।

লজ্জায় রাগে সজ্জন থরথর করে কেঁপে উঠল। তার মনের  
ভাব মুখে ফুটে উঠবে, ঠিক এমনি সময় দরজার চিক থেকে সে  
দেখতে পেল, বনকন্ঠা সিঁড়ি দিয়ে নীচে নেমে আসছে। সজ্জন  
আর -চেয়ার ছেড়ে তাড়াতাড়ি উঠে গিয়ে চিক উঠিয়ে বললে—  
তুমি এখানে? আমি তোমাকে ওখানে দেখতে গিয়েছিলুম।

কন্ঠা ঠোট কামড়ে মুখটিপে হাসল। মহিপাল তাড়াতাড়ি  
কন্ঠাকে নমস্কার করে উঠে দাঁড়াল। কর্নেল চেয়ারে বসে বসেই  
হেসে বললে— তোমাকে এখানে দেখে আর্টিস্ট মঁশাইয়ের মাথা  
ঘুরে গেছে। আজ খুব কাজ করে এসেছেন নবাব পুত্র, আবার  
আমাদের শোনাতে এখান পর্যন্ত কষ্ট করে এসেছেন।

ঘরের কোণের চেয়ার টেনে বসতে বসতে কন্ঠা সজ্জনের দিকে  
চেয়ে বললে— কর্নেলদা আমাকে এইখানে ওপরে থাকার অনুমতি

দিয়েছেন। কাল ইনি জেদ করে গাড়ি নিয়ে গিয়ে আমার জিনিস-পত্তর ভুলে এনে এখানে সব ঠিকঠাক করে দিয়েছেন।

কর্নেল হেসে মহিপালের দিকে তাকিয়ে বললে—প্রথমে খুব মুখ চালালে। কম্যুনিষ্টরা বাকপটু হয় তো? আমি সোজামুজি বলে দিলাম—আগে জিনিসপত্তর নিয়ে এসো তারপর যত ইচ্ছে পটপটানি কোরো—আমার এ হুকুম তোমাকে মানতেই হবে—আমি তোমার দাদা নই? শালিগরাম ব্যাটা আর এর বাবা ছ’জনেই হাতে কামড়াচ্ছে। বিশ্বাস নেই, যে-কোন সময় কিছু করতে পারে। এদের চক্রে পড়ে ওর পিষে মরার জোগাড়।

—বেশ করেছ, তোমার ওপরের ঘর তো খালিই পড়ে আছে।

—হ্যাঁ, সস্তা কাঠের এই বাক্সপেটরা সব পড়ে আছে। আজ সকালে পেছনে অস্তাবলে রাখিয়ে দিয়েছি। বিন্নোর জন্তে ওপরে একখানা ঘর, বাথরুম সব-কিছুর ব্যবস্থা আছে।

তার সঙ্গে থাকলে লোকে ছুঁনাম রটাত? এখানে বেশ চুপচাপ শুড়শুড় করে থাকতে চলে এল, মুখে রা নেই! আশ্চর্য, কর্নেলের বাড়িতে থাকলে লোকে মুখে আঙুল রেখে চুপ করে থাকবে? তবে তার প্রতি কণ্ঠার মনে এ অবিশ্বাস কেন? সজ্জনের মনে ঝড় বয়ে গেল। শালিগরামের সঙ্গে চুক্তির কথা নিশ্চয় এরা বলবে। তার মনে সকলের প্রতি বীতরাগে ভরে উঠল। ঘর থেকে ছুটে বেরিয়ে যাবার কথা যে মনে এল না তা নয়; কিন্তু সঙ্গে সঙ্গেই যেন তার হাত-পা অবশ হয়ে গেল, সে ধপ করে চেয়ারে বসে পড়ল।

—বিন্নো বাইরে বেরোচ্ছ না কি?

—হ্যাঁ, এই যাব আর আসব।

—আমি চৌকিদারকে বলে দিয়েছি তুমি যখনই আসবে, তোমার জন্তে গেটের তালা খুলে দেবে।

কণ্ঠা হেসে বললে— আমার সেকেন্ড শো সিনেমা দেখার শখ নেই যে মাঝরাতে এসে চৌকিদারকে তালা খুলতে বলতে হবে।

মহিপাল প্রথমবার কণ্ঠাকে ‘তুমি’ সম্বোধন করে বললে— তুমি ঠিক বুঝতে পারোনি ভাই, কর্নেলের এসব কথায় পলিসি থাকে, এর ধারণা যে কম্যানিস্ট মেয়ে রাতভর কাস্তে আর হাতুড়ি নিয়ে চরে বেড়াবে।

কণ্ঠা খিল খিল করে হেসে উঠল। কর্নেল লজ্জা পেয়ে বললে— এইসব লেখক আর আর্টিস্টদের কথায় কান দিয়ো না বিয়ো। এরা সব সময় বাজে কথা ছাড়া কাজের কথা বলতেই জানে না।

কণ্ঠা আড়চোখে সজ্জনের চিন্তায় ঘোরালো মুখের হাবভাব ভালোভাবে লক্ষ্য করছিল। সজ্জন মাথা হেঁট করে মেঝের দিকে তাকিয়ে বসে আছে। কর্নেল আর মহিপাল কণ্ঠার মনের গভীরতাকে মেপে ফেলার ব্যর্থ চেষ্টা করে চলেছে। কণ্ঠার আড়চোখে সজ্জনের দিকে তাকানো আর সজ্জনের মাথা নীচু করে বসার দৃশ্য দেখে মহিপালের মনে কবিতার লাইন ছন্দোবদ্ধ হয়ে গেল। এই মুহূর্তে কণ্ঠার সামনে শালিগরামের প্রদর্শনীর কথা তুলে সজ্জনের মুখোস খুলে দিলে কেমন হয়! অনেক কষ্টে মনের ইচ্ছে চেপে মহিপাল কণ্ঠাকে জিজ্ঞেস করলে— তোমার কেসের কী হল?

কণ্ঠা চমকে উঠে সজ্জনের দিকে একবার চেয়ে নিয়ে মহিপালের মুখের ভাব বোঝার চেষ্টা করল। কর্নেল উত্তর দিলে— আমি আগে উকিলদের পরামর্শ নিয়ে দেখি। এর বউদির আত্মীয়স্বজন

কাল সব এসেছিলেন। তাদের সূর্য-হিন্দু হোটেলে ব্যবস্থা করে দিয়েছি। আজকে সারাদিন আমার ছোট গাড়ি দিয়ে তাদের শহর ঘুরতে পাঠিয়ে দিয়েছিলুম... হ্যাঁ, ভাই সজ্জন তোমাকে একটা সুখবর দিতেই ভুলে গেছি— বিয়ো গাড়ি ড্রাইভ করা শিখছে আজকাল। শিউমঙ্গল আজকে বলছিল যে দিদিমণি বেশ শিখে ফেলেছে।

সজ্জন ভাবলেশহীন চোখে কণ্ঠার দিকে তাকিয়ে দেখল, কণ্ঠা মুখ টিপে হেসে তার কাছে সাবাসী পাবার অপেক্ষায় চাইল।

সজ্জনের মনের ঝড় কিছুটা শান্ত হল। ছ'জনের মনের ভাবটা বুঝতে পেরে মহিপাল ভাবলে— মেয়েটি চালাক কম নয়। সজ্জনকে বিয়ে করে কমুনিষ্টের খোলস ছেড়ে বেরিয়ে আসার জন্যে এখুনি গাড়ি চালানো শিখছে।

কর্নেল প্রসঙ্গ বদলাবার জন্যে নিজের কথা আরম্ভ করল— আমি একবার ব্যারিস্টার ধবনকে জিজ্ঞেস করে দেখি। উনি যোলো আনা ঠিক পরামর্শ দেন। এ ভেবো না যে একা শালিগরামের সঙ্গে লড়লেই কাজ হাসিল হবে। এ সময় ইলেকশনের পুরো মেশিন আমাদের টক্কর দিতে এগিয়ে আসবে। এরোপ্লেনে প্রচার-পুস্তিকা ফেলার প্রভাব আশাতীতই হয়েছে, শহরের জনজীবনে এক নতুন আলোড়নের সৃষ্টি হয়েছে। কাল আমি এদের বিরুদ্ধে দরকারী কাগজ হস্তগত করেছি, তার প্রতাপে এদের আসন এবার টলল বলে। সব দেবদেবীর কাছে মানত করেছি... হ্যাঁ, আচ্ছা সজ্জন— আমি তোমার এবং শালিগরামের গোপন চুক্তিকে মেনে নিতে রাজী আছি। এই সুযোগে জনতার সামনে আমরা নিজেদের কেসের বিষয় ভালো করে বোঝাবার

চাল পাব। এরা মিটমিটে ডান, আমাদের মিত্র হয়ে গলায় ছুরি চালাবার প্ল্যান করেছে। আমরা তেমনি এদের সাত ঘাটের জল খাইয়ে চুবিয়ে দিয়ে তবে ছাড়ব। ছ' একদিনের মধ্যে শালিগরাম এদিকে নিশ্চয় আসবে, দেখা হতেই প্রথমে বেশ কড়া ছ'চারটে কথা শুনিয়ে দেব। বলব, একজন আর্টিস্টের ভদ্রতার সুযোগ নিয়ে আমাকে সকলের নজরে ছোট করার চেষ্টা— আমিও তোমাকে দেখিয়ে দেব যে শত্রুর ভালো কাজে আমরা সহযোগিতা করতে পেছ-পা হই না।

সজ্জনকে বেশ খুশী খুশী দেখাল, কণ্ঠার মুখে প্রশ্ৰুচিহ্ন দেখা দিল, আর মহিপাল কর্নেলের সমর্থন করাটা মোটেই ভালো চোখে দেখল না।

মহিপাল কণ্ঠাকে বললে— তুমি বোধহয় জান না। বাবু শালিগরাম, যিনি শহরের অভিজাত সম্প্রদায়ের একজন মাথা, লেনদেনের কারবারে ঘাঁর খাতায় সুদের অঙ্কটাই মোটা, কালকে তিনি সজ্জনকে খুশী করার জন্য তার কাছে চিত্রের প্রদর্শনীর প্রস্তাব নিয়ে এসেছিলেন। একজন আর্টিস্টকে লোভের পিচ্ছিল পথে টেনে নিয়ে যাওয়ার প্লানে তাঁরা সফল হয়েছেন।

বনকণ্ঠার মুখের রঙ কালো হয়ে গেল, সজ্জন রাগে উত্তেজিত হয়ে উঠল। কর্নেল তাড়াতাড়ি মহিপালের শ্লেষের ভাব কাটাবার জন্যে বললে— তুমি কথাটা ঠিকমত বোঝাতে পারলে না মহিপাল, সজ্জন ঠিকই বলেছিল, আমাদের মন বড় সংকীর্ণ। হ্যাঁ, বিম্বো, সজ্জন ঠিকই বলেছে যদি কেউ কোন ভালো কাজের প্রোপোজাল নিয়ে তার কাছে আসে তাহলে রাজনৈতিক দলাদলির মধ্যে না থেকে তাদের কাজে যথাসাধ্য সাহায্য করা উচিত।



কণ্ঠার চোখে সন্দেহ আর সমর্থনের ছায়া একসঙ্গে খিলিক  
 মারল। কণ্ঠার সামনে মনের কথা খুলে বলার জন্য সজ্জন ব্যাকুল  
 হল। চারজোড়া চোখের অব্যক্ত ভাষা হয়তো হাজার চেষ্টা  
 করলেও বোঝাতে পারা অসম্ভব। কণ্ঠার মনোভাব বুঝে সজ্জন  
 বললে— উনি আমার চিত্রের প্রদর্শনীর প্রস্তাব নিয়ে সকালে  
 আমার কাছে এসেছিলেন। ওঁদের প্লান আমি তখন বুঝে  
 ফেলেছিলাম। আমি চট করে ওঁদের কার্ডটার প্রোপোজাল  
 দিলাম যে পাড়ার সব মেয়েদের সেলাই বোনা ইত্যাদি সব রকম  
 হাতের কাজের প্রদর্শনী করা হোক। পাড়ার লোকেরাই  
 নির্ণায়ক হবে। আমি আমার মার নামে পাঁচশো টাকা প্রাইজের  
 জন্য দেব। নতুন আর্টিস্টদের আঁকা ছবি জোগাড় করে আমি  
 এখানকার লোকদের দেখাতে চাই, এই সুযোগে তারা নতুন  
 আর্টকে বুঝতে শিখুক। জানকীশরণের বড় হলঘরে চিত্রের  
 প্রদর্শনীর আয়োজন করা হবে। আমার কিছু ভুল হয়েছে?  
 মহিপাল বলছে যে আমি বাকী সবাইয়ের চোখে ধুলো দেয়ার  
 চেষ্টা করেছি, ব্যাপারটা ঠিকমত না বুঝে মিথ্যে অপবাদ দেওয়া  
 কি উচিত?

—আপনি যা ভালো বোঝেন, আমার মনে হয় আপনার  
 প্রতিষ্ঠার উপযুক্ত কাজই আপনি করেছেন, আমায় কী করতে  
 হবে বলুন? কণ্ঠা সজ্জনকে প্রশ্ন করলে।

—এসব ক্ষণিক উদ্বেজনা ছাড়া কিছুই নয়। ইলেকশনের  
 দাঁড়পাঁচের কথা কেন তোমাদের মাথায় ঢুকেও ঢুকছে না?  
 মহিপাল তার মতামত প্রকাশ করলে।

—আরে রাখো— রাখো, ওসব ছোট কথায় মন দিতে নেই।

আমাদের প্রদর্শনী দেখে সকলের চোখ ছানাবড়া হয়ে যাবে। এবার কিন্তু ভাই আমরা এক নতুন পার্টি গড়ব, যাদের মনুষ্যত্বের আস্থায় বিশ্বাস আছে তাদের সংঘবদ্ধ করব। আমরা বিশেষ কোন রাজনৈতিক পার্টির মধ্যে নিজেকে জড়িত না করে জনতার বিশাল সিঙ্কুর মধ্যে ডুব দেব, তাদের ভালোভাবে বাঁচার অধিকারের জ্ঞান যুঝে যাব। আমরা নিজেকে অধিকারে কোনরকম আঁচ লাগতে দেব না, কি বিপ্লো? তোমার কী মত?

মহিপাল চেয়ার ছেড়ে উঠতে উঠতে বললে— বিপ্লো আর কি বলবে? এখানে বসে লম্বা লম্বা কথা। সেখানে সেখানে কোলাকুলি করতে গিয়ে শেষকালে দেখবে যে তোমাদের প্রত্যেকের মাথায় শালিগরাম বেশ খানিকটা ঝাঁড়ের গোবর পুরে দিয়েছে। আহা হা, বেচারার বনকন্ঠা, মাঝখান থেকে তার ত্রিশঙ্কু অবস্থা হয়ে যাবে, দেখে নিয়ো তোমরা। ব্রাহ্মণের কথা মনে থাকে যেন।

সজ্জনও উত্তেজিত হয়ে চেয়ার ছেড়ে দাঁড়িয়ে পড়ে বললে— আমার বেদবাক্য তাহলে শুনে যাও, ব্রাহ্মণের কথা মিথ্যে প্রতিপন্ন করা মত মনোবল সজ্জন রাখে। তোমাদের কাছে মিথ্যে দস্ত করার মত ইতর মন আমার নয়।

মহিপাল নাকমুখ বিকৃতি করে ঘর থেকে বেরিয়ে গেল। কন্ঠার মন বিষিয়ে দেবার চেষ্টা দেখে সজ্জন আপন মনে স্বগতোক্তি করে বলল— ইডিয়ট কোথাকার। নিজে নোঙরহীন নৌকার মত ভেসে চলেছে, অণুকে উপদেশ দিচ্ছে। কর্নেল হেসে ফেলল— আরে ছাড়ো ছাড়ো, তুমিও যেমন, ওর কথায় কান দিতে আছে? মহিপাল লোক খারাপ নয়, মনটা কোমল

কিন্তু জিভে লাগাম নেই বলে সকলে ওকে ভুল বোঝে।  
দরকারের সময় লেখক মশাই প্রাণ দিয়ে কাজ করবেন।  
পৃথিবীতে শিশুর মত সরল সুন্দর নিষ্পাপ কজন আছে?

—সকলেই মাটির মানুষ হয় না তবু মহিপালবাবুকে আমি শ্রদ্ধা  
করি। মন উজ্জল না হলে কেউ স্বনামধন্য সাহিত্যিক হতেই পারে না।

তর্কবিতর্কে সজ্জনের দম বন্ধ হয়ে এল। তার দুর্বল মন  
মিথ্যে অহংকারের ভাঁজে মুড়ে শক্ত হয়ে গেছে। কণ্ঠ্য তার সঙ্গে  
একা রাস্তায় বেড়াতে চায় না। ব্রহ্মচর্য ভেঙে তার মন কণ্ঠ্যর  
মোহিনী রূপে ধরা দেবার জন্য উদ্গ্রীব হয়ে উঠল। কথা খুঁজে  
না পেয়ে সে ফস করে বেকুবের মত প্রশ্ন করলে— তোমার রান্না...

কর্নেলদা মানা করছেন। আমি কিন্তু দু' একদিনেই নিজের  
হাঁড়িকুড়ি নিয়ে রান্না আরম্ভ করে দেব।

—ততদিন তোমার খাবারদাবারের ব্যবস্থা?

—কাল রাতে দাদার কাছেই খেয়েছিলুম।

মুচকি হেসে সজ্জন কটাক্ষ করে বললে— কর্নেল জৈন ধর্ম  
মানে। এর চক্রে পড়ে শেষকালে মাছ মাংস ছেড়ে সন্ন্যাসিনী  
হয়ে যেয়ো না যেন।

সকলে হো হো করে হেসে উঠল। কোনমতে হাসি থামিয়ে  
কর্নেল বললে— তোমরা মাছ-মাংসের ভক্ত তাই আমাদের নিরামিষ  
রান্নার আশ্বাদ তোমাদের বোঝানো আমার কর্ম নয়। চেয়ার  
ছেড়ে উঠে ঘর থেকে বেরিয়ে যেতে যেতে সে বললে— আমি  
একটু ধবন সাহেবকে টেলিফোন করে আসি।

কণ্ঠ্যকে একা পেয়ে সজ্জন তাকে প্রশ্ন করলে— তুমি সত্যি  
মন থেকে আমার কথার সমর্থন করেছিলে?

—কোন কথার ?

—এই শালিগরামের সঙ্গে...

—আপনার মন এত সন্দিক কেন ?

সজ্জন নিজের চেয়ার ছেড়ে কণ্ঠার পাশের চেয়ারে বসতে বসতে বললে— আজ থেকে আমি তোমার কেনা গোলাম।

—আমি গোলামের পায়ের বেড়ি কেটে দিয়ে তাকে মুক্ত করায় বিশ্বাস করি সজ্জনবাবু।

—সে কথা ষোলো-আনা ঠিক, তবু আমি যে দাসত্বের কথা বলছি তাকে তর্কের জালে জড়িয়ে ফেলে প্রেম আর মনুষ্যত্বের বাঁধনে বাঁধা মানুষ আকাশে উড়ে যেতে চায় না, সে চায় আষ্টেপৃষ্ঠে বাঁধা পড়তে। কাল তুমি আমাকে কথা দিয়েছিলে যে আমার বাড়িতে থাকবে ?

কণ্ঠা মাথা নীচু করে দৃঢ় স্বরে বললে— আমার নিজের বাড়ি ভেবেই থাকতে রাজী হয়েছি।

সজ্জন কণ্ঠাকে আপাদমস্তক দেখতে দেখতে বলল— এ এক বিচিত্র অনুভূতি। অঞ্জলি ভরে ভালোবাসা পাওয়ার জন্ম উতলা হয়ে উঠে আকাজক্ষিতের সম্মুখীন হয়ে কেন সে বোবা হয়ে যায় ? জীবন-রহস্যের অন্তরালে লুকিয়ে থাকা এই প্রশ্নের উত্তর পাবার জন্ম আমার মত তোমার মনও ব্যাকুল হয়ে ওঠে না ?

কণ্ঠা প্রশ্নমূচক চাউনিতে খানিক সজ্জনের দিকে তাকিয়ে বললে— আমার মাথার ঠিক নেই। আমি যেন আজ সব বিশ্বাসই হারিয়ে ফেলতে বসেছি। ভালোবাসতে আমারই কি ইচ্ছা হয় না তবু আজ পর্যন্ত এর থেকে আমি দূরে থাকারই চেষ্টা করেছি। আমার মনের গভীর অন্তরালে লুকিয়ে আছে

এক অসমাপ্ত স্বপ্ন, আমি সেই স্বপ্নকে সফল করতে চাই।  
আমার বিপদের সময় আপনি পরম মিত্র হয়ে আমার পাশে  
দাঁড়িয়েছেন তবে হয়তো কৃতজ্ঞতার ভারে আমি এত বেশী মুয়ে  
পড়েছি যে...

—এতে কৃতজ্ঞতার কথা আবার কোথায় এল ?

—আপনার মনে না আসতে পারে তবে আমার মনে এটা  
আসা স্বাভাবিক।

—স্বাভাবিক কেন ?

—আপনার সঙ্গে এর আগে কোন চেনা পরিচয়, কোন  
আত্মীয়তাই ছিল না। আমরা আজ যে আত্মীয়তার সূত্রে বাঁধা  
পড়েছি...সেটা শূন্যতা, তাই নয় ?

সজ্জন চমকে উঠল— শূন্যতা কেন ?

কণ্ঠা উত্তেজিত হয়ে বলল— হ্যাঁ, হ্যাঁ আমি বলছি মস্ত বড়  
জীরো, এই পরিচয়ের এর চেয়ে অন্য পরিভাষা আছে কিছূ ?

কণ্ঠার উত্তর শুনে সজ্জন হতভম্ব হয়ে গেল।

কণ্ঠা আবার আরম্ভ করল— প্রেমের আবেগে প্রাণ দিতে বিধা  
বোধ না করা জীবনের রিক্ততা নয় ?

সজ্জন বাজুখান্নি গলায় প্রশ্ন করলে, কেন ?

—কেন জানতে চান ? লায়লা মজনুর অমর প্রেম কাহিনী  
দিয়ে, অমর প্রেমগীতি রচনা হয়েছে, অথচ ওরা বিয়ের বাঁধনে  
বাঁধা পড়ে নি বলেই অমর গীতি রচনা সম্ভব হয়েছে।

সজ্জন গম্ভীর ভাবে চিন্তা করে বলল— জীবনের রিক্ততাকে  
অনুভব করেই মানুষ তাকে পূর্ণ করার পরিশ্রম করে। লায়লা  
মজনুর ভালোবাসাই আজ গানে অমর হয়ে আছে।

কণ্ঠা মুখে হাত দিয়ে কেসে নিয়ে দু' মিনিট চুপ করে থেকে  
হঠাৎ চেয়ার ছেড়ে উঠে বললে— যে অনুভূতিকে কবির ছন্দে  
বাঁধার চেষ্টা করেছে তাকে আমি ভুল আর ভ্রান্তির জাল মনে  
করি। আঁকাবাঁকা কথা বলার ধরন আমি মোটেই পছন্দ করি  
না— সোজা কথা হল স্ত্রী-পুরুষের সম্পর্কের শেষ পরিণতি  
বিয়ে... আপনার আমার মধ্যে এখনো সে সম্পর্ক গড়ে ওঠেনি।

সজ্জনের বুকে কণ্ঠার প্রতিটি কথা শেলের মত বাজল।

দরজার কাছ পর্যন্ত এগিয়ে গিয়ে কণ্ঠা ঘাড় বেঁকিয়ে বললে—  
স্ত্রী-পুরুষের এই নিকটতম সম্পর্ক বড়লোকের, আর্টিস্টদের খেলার  
জিনিস নয়, দু'জনকেই অনেক কিছু ত্যাগ করতে হয়, জীবনের  
সবরকম পরিস্থিতির কষ্টপাথরে নিজেকে ঘষে মেজে দেখতে হয়।

কণ্ঠা চলে গেল। তার ব্যবহারে সজ্জন জ্বলে উঠল, উফ কী  
দাস্তিক মেয়ে। ওকে কণ্ঠা খেলনা ভেবেছে না কি? কেন  
ছলনার ফাঁদে ফেলে সে তার স্বপ্নকে চুরমার করে দিতে চাইছে।  
যতই সজ্জন দূরে সরে যেতে চায়, ও কেন তার জীবনে এসে  
কাঁচা স্নাতোয় বাঁধা তার প্রতিজ্ঞাকে ছিঁড়ে কুটিকুটি করে দিতে  
চাইছে।

হঠাৎ কর্নেল অঙ্ককার ঘরে লাইট জালিয়ে হো হো করে হেসে  
বলল— কি হল আর্টিস্ট মশাই? প্রেম নিবেদন কেমন হল?  
তোমাদের সুযোগ দেবার জগ্নেই আমি একটু আড়ালে চলে  
গিয়েছিলুম।

ভারী গলায় সজ্জন বললে— যা করেছ তার জগ্নে আমি  
কৃতজ্ঞ— আহাম্মক শালা...

## উনিশ

কর্নেলের বাড়ি থেকে বেরিয়ে আমীনাবাদ পার্কের জমজমাট রাস্তা দিয়ে হাঁটতে হাঁটতে উত্তেজিত মহিপালের সারা শরীরে অবসাদ নেমে এল। সে আজ নিজেকে একটা নোঙরহীন নৌকো ছাড়া আর কিছুই ভাবতে পারছে না। ভাবনার ছোট ছোট টুকরো সে এতদিন সংগ্রহ করে বেড়িয়েছে, আজ সে একটা পোড়ো ভগ্নমূর্তি ছাড়া আর কিছুই নয়। তার রক্তের মধ্যে ঝাঁঝ পোকাকার ডাক শুনতে পাচ্ছে। দেহের সঙ্গে মস্তিষ্কের স্নায়ুগুলিও ভারী হয়ে এসেছে। জীবনের সুখের পসারহাট নৌকোয় তোলার সময় সে বুঝতে পেরেছে তার লোকসানের অঙ্কটাই বেশী। জীবনের জুয়া খেলায় সে বাজি হেরে গেছে, আজ পাশার শেষ বাজিও সে হারতে বসেছে। সামনের বড় অট্টালিকায় ঝোলানো নিম টুথপেস্টের বিজ্ঞাপনের মতই তার অসফলতার কাহিনী যেন আজ সবার চোখের সামনে জ্বলজ্বল করছে।

তার জীবনের দিনগুলি যেন খুঁড়িয়ে খুঁড়িয়ে এগিয়ে চলেছে। তাতে গতি নেই কেন? না, না, পৃথিবীতে ভদ্রলোক হয়ে বেঁচে থাকা এক বিড়ম্বনা। সাদাসিধে মানুষকে সকলেই ঠকাবার চেষ্টা করে। শেঠ রূপরতন আর তার ছোট ভাই গটু, দু'জনেই তাকে ঠকিয়েছে এ কথা আজ কেউ বিশ্বাস করবে না। দিনরাত

তাকেই দোষী সাব্যস্ত করার চেষ্টা সকলের। সকলে মিলে প্রমাণ করতে ব্যস্ত যে শেঠ এবং ডাঃ শীলার যা কিছু আছে সব মহিপাল লুটেপুটে খেয়েছে আর এখনো খেয়ে চলেছে। শীলাকে দেওয়া তার প্রতিদানের খবর কেউ জানতে ইচ্ছুক নয়। সে একজন কপর্দকহীন লেখক, তার প্রতিদানের মূল্য বোঝার সময় কার আছে? বিবাহিতা স্ত্রী আর ছোট ছোট বাচ্চাদের আধপেটা খাইয়ে সে বাকী টাকাপয়সা খোলামকুটির মত ফুটি করে উড়িয়ে দিচ্ছে।

সামনে ভগত পানওয়ালার দোকানে হুঁজন লোক দাঁড়িয়ে আছে, এরাই কাল তার শালার বাসি বিয়েতে ছিল। তাদের চেহারা দেখামাত্র মহিপাল চোরের মত মুখ লুকিয়ে হন হন করে প্রায় ছুটতে আরম্ভ করে দিল। কেসরবাগের চৌমাথায় বাসের হন শুনে সে যখন থমকে দাঁড়াল তখন সে রীতিমত হাঁপাচ্ছে। কেন সে এত ভীতু হয়ে গেছে? এমন করে পালিয়ে বেড়ালে সে কি ছুঁনামের হাত থেকে রেহাই পাবে? কপালের ঘাম মুছে ফেলে সে ভাবতে লাগল— আর কতদিন মুখ লুকিয়ে ঘুরে বেড়াব? পৃথিবীতে বহুপত্নী, উপপত্নী, অবৈধ সম্পর্কের তালিকায় ভুক্ত কতজন তাদের উপভোগের জন্য মেয়েদের সাপ্লাই পর্যন্ত করে থাকে, সে কি তাদের চেয়েও অধম? না না, সে নিষ্পাপ, তার আর শীলার সম্পর্ক লৌকিক প্রথার বিরুদ্ধে হলেও তা পাপ নয়। আজ থেকে তিরিশ চল্লিশ বছর আগে পর্যন্ত বহুপত্নী প্রথা ছিল, অনেক মুনিঋষি পর্যন্ত বহুপত্নীবাদের সমর্থন করেছেন। শীলার সঙ্গে সে অগ্নিসাক্ষী রেখে সাতপাক ঘোরেনি বটে তবু সে তাকে মনে মনে বিবাহিতা স্ত্রীর মর্যাদা দিয়ে থাকে।



সে নিজের মনেই তর্ক চালাতে লাগল। শীলার নীরব দাবিকে সে কিছুতেই অগ্রাহ্য করতে পারল না। কল্যাণীর সঙ্গে তার সাতপাকের বন্ধনের সম্পর্ক, সমাজ আর পরিবারের ইচ্ছায় সে সম্পর্ক গড়ে উঠেছে। সমাজের স্বীকৃতির অভাবে শীলা তার ছেলেমেয়ের মা হওয়ার মর্যাদা থেকে বঞ্চিত হয়েছে।

নিজের ছেলেমেয়ের মায়ের মর্যাদা শীলাকে দিয়ে ফেলে তার মন আপনা হতেই চনমন করে উঠল। না... না... খেয়ালের মাথায় সে এসব আবোল তাবোল ভাবছে— যদি শীলার গর্ভে তার শিশুসন্তান জন্মগ্রহণ করে, তাহলে কেমন হয়? কল্যাণীর ছেলেমেয়ে, শীলার শিশুসন্তান! দু'জনেরই ছেলেমেয়ের পিতা সে একা! অদ্ভুত অমুভূতি! হঠাৎ রাজা দশরথের গল্প তার মনে পড়ল— বহুপত্নীবাদের চরম পরিণতি— উফ্ তিন স্ত্রীর চার সন্তানের পিতা হওয়ার কী দুর্গতি।

অন্যমনস্ক হয়ে হাঁটতে হাঁটতে সে ভিক্টোরিয়া পাকে এসে থমকে দাঁড়িয়ে পড়ল। অবসাদে তার হাত-পা অবশ হয়ে এল। নিজের শরীরের ভার কোথাও রাখতে পারলে যেন সে বাঁচে। পার্কের সিঁড়িতে ঠেসান দিয়ে সে ধপ করে বসে পড়ল। পকেট থেকে সিগারেট বার করে ধরিয়ে নিলে। শীতকালে নিঝুম রাত, চারিদিকে নিস্তব্ধতার রাজত্ব, সে একা বসে বসে এলোমেলো চিন্তার জাল বুনে চলেছে। প্রায় ঘণ্টা খানেক সে পাথরের মত বসে রইল। তার সংবেদনশীল মনে রাজ্যের আশঙ্কা। সারা রাত সে কোথায় কাটাবে? কার উপর সে নির্ভর করতে পারে? বাড়ির কথা মনে পড়তেই কল্যাণীর মুখখানি তার চোখের সামনে ভেসে উঠল। না না, সে কিছুতেই তাকে এ মুখ দেখাতে

পারবে না, নিজের বিবাহিতা স্ত্রী, তার ছেলেমেয়েদের মাকে বাড়িতে রেখে সে অশ্রু মহিলার অবৈধ সম্বন্ধ ছিন্ন করতে পারছে না। তার ছেলেমেয়েরা মনে মনে বাবার বিষয় কী ধারণা পোষণ করছে? কল্যাণী মূর্খ, তবু তার প্রতি নিজের ব্যবহার মোটেই ভদ্রোচিত নয়। মানসিক উদ্বেগে মহিপালের অবশ শরীর কিম্ব কিম্ব করতে লাগল।

চার বছর আগে কল্যাণীর বড় অসুখ করেছিল, সে পেটের যন্ত্রণায় ভুগছিল। সেই সময় কর্নেলের সঙ্গে ডাঃ শীলা, তার স্ত্রীর চিকিৎসা করতে আসে। ডাঃ শীলাকে পেয়ে সে যেন জীবনের হারানো সুর খুঁজে পেল। ধীরে ধীরে তার আর শীলার মাঝখানে বুদ্ধিগত সম্পর্ক গড়ে উঠল। কর্নেল ডাঃ শীলার সামনে তার বন্ধুর প্রশংসায় সদাই পঞ্চমুখ। শীলার বেশ মার্জিত রুচি, হিন্দী সাহিত্যে প্রেমচন্দ্রের লেখা ছোটো-একটা এবং শরৎচন্দ্রের হিন্দী অনুবাদ ছ-একটা পড়ে ফেলার সুযোগ তার হয়েছে। সাহিত্যের এইটুকু সঞ্চিত ভাণ্ডারের ওপর তাদের বন্ধুত্ব গাঢ় থেকে প্রগাঢ় হয়ে চলল। কর্নেলের কাছ থেকে টাকা ধার করে মহিপাল নিজের লেখা বইয়ের সেট কিনে শীলাকে উপহার দিলে। পরিচয় ঘনিষ্ঠ হতেই শীলা তার কাছ থেকে আর ভিজিট নিত না। তারই পরিশ্রমে কল্যাণী রোগমুক্ত হল। ধীরে ধীরে কল্যাণী আর ছেলেমেয়েদের সঙ্গে শীলা অন্তরঙ্গ হয়ে উঠল। লেখক এবং ব্যক্তি হিসেবে শীলার চোখে মহিপাল শ্রদ্ধার পাত্র। শীলার সৌজন্য, বুদ্ধির বিকাশ এবং তার সাহিত্যে রুচি যেন মহিপালের শুষ্ক জীবনকে নতুন প্রাণরসে সম্ভীষিত করে তুলল। মহিপাল মাঝে মাঝে তার সঙ্গে কফি হাউসে বসে কফিও খেত। সজ্জন

আর কর্নেলের সঙ্গেও তার ঘনিষ্ঠতা বেড়ে গেল। এইভাবে দিন এগিয়ে চলল।

একদিন মহিপাল একা কফি হাউসে বসে ছিল। শীলা এল। সেদিন তার মনটা ভালো ছিল না। কোথাও নিরিবিলিতে কিছু সময় কাটাবার প্রস্তাব করতেই শীলা তাড়াতাড়ি গাড়ি স্টার্ট করলে। হুঁজনে গাড়ি থেকে নেমে এক জায়গায় একটু নিরিবিলি দেখে গিয়ে বসল। মহিপালের চোখে দেখা দিল নতুন প্রেমের অভিব্যক্তি। তাদের হুঁজনের মধুর সম্পর্ক প্রেমে উজ্জ্বল হয়ে উঠল। এই কারণে মহিপালের পত্নীর প্রতি নিষ্ঠায় ফাটল ধরল। সেই থেকে দীর্ঘ চার বছর কেটে গেছে কিন্তু তাদের সম্পর্কের নতুনত্বকে সময়ের উইপোকা কাটতে পারে নি। আজও তার প্রেমে সেই প্রথম পরিচয়ের মধুরতা। শীলার চটুল ভাব-ভঙ্গিমার মাঝে সে পেয়েছে হারিয়ে যাওয়া পথের সন্ধান। মহিপাল বেশ একটু উগ্র প্রকৃতির। তার এই স্বভাবের জন্য শীলার সঙ্গে কথা কাটাকাটি হলেও কোনদিন ঝগড়াঝাঁটি হয় নি। শীলার শাস্ত, স্নিহা স্বভাবের সামনে তার উগ্র প্রকৃতি ধীরে ধীরে শাস্ত হয়ে যায়। শীলা কোনদিন মহিপালের বাড়ির কথা, তার সংসারের খরচপত্তর, আর্থিক অবস্থা জানার চেষ্টা করে নি। হুঁজনে নিজের নিজের কাজকর্মে ব্যস্ত।

স্মৃতির মণিকোঠায় শীলার নাম আসতেই মহিপাল ভাবলে— তার বাড়িতেই রাতটা কাটালে কেমন হয়?

মহিপাল উঠে দাঁড়াল। একবার তার পা যেন এগুতে গিয়ে ভারী পাথরের মত নিশ্চল হয়ে গেল। সজ্জনের বাড়ি যাবার কথা সে ভাবতেই পারে না, কেননা তার মতে সে একজন

হিপোক্রাট ছাড়া কিছুই নয়। কর্নেল একগাদা উপদেশ ঝাড়বে।  
এক শীলার বাড়ি ছাড়া আর কোন গতি নেই।

সে কোনমতে দৃঢ় নিশ্চয়ের সঙ্গে পা বাড়াল। ছ'পা এগুতেই  
তার পায়ের গতি মন্থর হয়ে এল— সে শীলার বাড়িতেই থাকবে ?  
তার সেখানে থাকা কি যুক্তিসংগত হবে ? তীব্র অবসাদে তার  
সারা শরীর মড়ার মত প্রাণহীন হয়ে গেল। তার জীবন অর্থহীন  
হয়ে গেছে, সে সংসার ত্যাগ করে সন্ন্যাসী হয়ে যাবে, সে  
পালিয়ে যাবে। শীলাকে শেষ বারের মত দেখার তীব্র ইচ্ছে  
তার মনে জেগে উঠল।

শীলার বাড়িতে পৌঁছে চাকরদের কাছে জানতে পারল যে  
মিস সাহিবা তখনো ভিজিট থেকে ফিরে আসেন নি। চাকরকে  
কক্ষি তৈরী করতে বলে সে গিয়ে সোজা সোফায় কাত হয়ে  
পড়ল। পনেরো-কুড়ি মিনিটেই শীলা ফিরে এল। শীলার খোঁপায়  
তিনটে হলদে গোলাপ শোভা পাচ্ছে আর কানে হীরার কানপাশা  
জ্বলজ্বল করছে। সে গুনগুন করে গান গাইতে গাইতে ঘরে  
দুকল। মহিপালকে দেখেই তার চোখেমুখে আনন্দ উপচে উঠল।

—ইউ রাশ্কেল, এত রাত্তিরে এখানে বসে কী করছ ? গিন্নী  
বাড়ি থেকে তাড়িয়ে দিয়েছে না কি ?

মহিপাল ফ্যাকাশে হাসি হেসে উত্তর দিলে— হ্যাঁ।

—সত্যি বলো, ঝগড়া হয়ে গেছে ?

—না না, আজ বিকেলে দুই বন্ধুর একজনের সঙ্গেও দেখা হল  
না। একাই পায়চারি করতে করতে বেশ কিছুক্ষণ ভিক্টোরিয়া  
পার্কে বসে রইলুম। তারপর ইচ্ছে হল তোমার সঙ্গে একটু  
দেখা করে যাই। তোমার খাওয়া হয়েছে ?

—এত তাড়াতাড়ি ? তোমার খাওয়া হয় নি নিশ্চয় ।

—তাই তো জিজ্ঞেস করলাম ।

—আবদুল !

‘জী মেম সাব’— দূর থেকে আওয়াজ ভেসে এল । মহিপালকে হাসতে দেখে শীলা জিজ্ঞেস করলে— হঠাৎ হাসলে যে বড় ?

—আবদুল তোমায় মিস বলে ডাকল, তাই । শীলা জোরে হেসে বিছানা থেকে বালিশ উঠিয়ে মহিপালের দিকে ছুঁড়ে মারলে । আবদুলকে সামনে দেখে নিজেকে সামলে নিয়ে শীলা গম্ভীর ভাবে বললে— সাহেব এখানে থাকেন, আজ কী কী রান্না হয়েছে ?

—মুরগী ।

—ঠিক আছে, টেবিল সাজাও... দাঁড়াও, মহিপাল, কিছু ড্রিং নেবে না কি ?

—নিশ্চয় ।

আবদুল শীলার কাছ থেকে দেরাজের চাবি চেয়ে নিয়ে আলমারী থেকে গেলাস আর ছইস্কি বার করে টেবিলে রাখল ।

ডিনার টেবিলে বসতে বসতে শীলা প্রশ্ন করলে— তোমার উপত্যাসের কী হল ?

—ইদানীং মুড আসছে না

—কতদিন ?

—এই পনরো-কুড়ি দিন ।

—এতদিনে কত পাতা লিখেছ

—চুয়ার পাতা মাত্র ।

—লেখা বন্ধ করে দিলে কেন ?

—বিশেষ কোন কারণে নয়। রেডিওর অনেক কাজ পেয়েছিলুম, তারপর স্কোজের দিনমজুরী থেকে ফুরসত পাই না।

—বেশ ভালো লেখা হচ্ছে, ওটা শেষ করে ফেলো।

ছুরি দিয়ে মুরগী কাটতে কাটতে মহিপাল মুখ বিকৃতি করে বললে— ওহঃ সে দেখা যাবে। শেষ হয়েই যাবে, কে পরোয়া করে।

—বাঃ, এ আবার একটা কথার কথা হল? সব লেখক যদি তোমার মত ভাবতে আরম্ভ করে তা হলে সাহিত্যের কী হবে?

—তুমি চিরাচরিত ঘষামাজা কথা বলছ। ঘ্যানর ঘ্যানর করে লেখক আর আর্টিস্টকে জ্বরদস্তি করে কিছু করানো যায় না। লেখকের মনের আকস্মিক অনুভূতি দিয়ে সৃষ্টি হয় সাহিত্য।

—আজকাল তোমার বিশেষ পরিস্থিতি কী, জানতে পারি?

—বিশেষ আর কি, শকুন্তলার বিয়ের চিন্তা। রোজ ঠিকুজি দেখানো, খোশামুদি করা, এইসব নিয়ে মন-মেজাজ একদম ভালো নেই।

—শকুর বিয়ের কথা পাকা হয়ে গেছে?

—আগে মোটা ব্যাঙ্কব্যালেন্সের ব্যবস্থা করি তবে তো এগুবো। মার্কেটে ছেলেদের উচু দাম দিয়ে কেনার জন্য পকেট গরম রাখতে হবে তো। আশ্চর্য সমাজের নিয়ম, ছেলে কেনার পরও মেয়েপক্ষকে মাথা নিচু করেই চিরজীবন থাকতে হয়।

—তুমি জাত-বেজাতির চকরের মধ্যে যাচ্ছ কেন? তোমার মত লোকেরা যদি এগিয়ে না আসে তা হলে সামাজিক প্রথা পরিবর্তন কারা আনবে?

—আরে, আমার কথা কে শুনছে? তোমার ওই কল্যাণী

নাকে কাঁদছেন বিষ খেয়ে প্রাণ দিয়ে দেব তবু এক কাঠি নীচু  
বংশে মেয়ে দেব না।

কল্যাণীর হুবহু নকল করা দেখে শীলা হেসে উঠল— তুমি  
কল্যাণীর যা নকল করো, বাবাঃ, হাসতে হাসতে পেটে খিল ধরে  
যায়। দাঁড়াও দেখাচ্ছি মজা, এবার দেখা হলে সব বলে দেব।

—আবছল! শীলা জোরে হাঁক দিলে।

—হুজুর।

—মিয়াঁ!, গেলাসে একটু ঢেলে দিয়ে যাও।

—বহুত আচ্ছা হুজুর।

—আমি তোমার চিন্তার কারণ বেশ বুঝতে পারছি, ছেলেপন্থ  
পণ চাইছেন অনশ্চয়।

—চাইতে দাও শালাদের। গেলাসে তরল পদার্থ পেটে যেতেই  
মহিপালের চোখে রঙিন নেশার ছোঁয়া লাগল— আমি এসব নিয়ে  
চিন্তা করা ছেড়ে দিয়েছি। কল্যাণীর যদি গরজ থাকে নিজেই  
করে নেবে— এই আবছল, আরো একটু ঢালো। আবছল তখন  
খানিকটা হুইস্কি ঢেলে সোডার বোতলের ছিপি ফট করে  
খুলে ফেলল।

—মহিপাল, তুমি বড় বাড়াবাড়ি করছ কিন্তু।

—না, আই নীড ইট— আবছল, মিস সায়েবকে দাও।

—না।

—আমার সঙ্গ দেবে না?

—না, সকালে উঠে রুগী দেখতে যেতে হবে।

—এক পেগ।

—আবছল, তুমি যাও, সোডা খুলে দিয়ে যাও। আবছলকে

বিদেয় করে শীলা ছুঁজনের গেলাসে এক এক পেগ ঢাললে।  
গেলাসে চুমুক দিয়ে খাবার খেতে খেতে শীলা প্রশ্ন করল— একটা  
কথা জিজ্ঞেস করব?

—কি?

—আমার অনেক টাকা ব্যাঙ্কে পড়ে আছে, খরচ করায়  
সাহায্য করতে পারবে?

—না।

—আগে আমার কথা ভালো ভাবে বোঝবার চেষ্টা করো, একজন  
ভালো লোক সিলেকশনে আমায় একটু সাহায্য করে দেবে।

—প্ল্যানটা কি?

—আমি পাবলিকেশনের কাজ করতে চাই। তুমি আমাকে  
তোমার সব বই ছাপার অধিকার দিয়ে দাও। সব জায়গার স্টক  
কিনতে আমি রাজী আছি। যে এডিশন বাজারে ফুরিয়ে গেছে,  
আমি নতুন করে ছাপাব। পাবলিকেশনের ব্যবসা বোঝে, এমন  
একজন ভালো ম্যানেজার রাখতে চাই। কি ব্যাপার? চুপ  
করে আছ? সাহায্য করবে তো? আগেই তোমাকে জানিয়ে  
রাখি এটা শ্রেফ আমার ব্যবসায়ী ফর্মুলা ছাড়া আর কিছুই নয়।  
এই মাগির দিনেও লোকে এক-আধটা বই নিশ্চয় কিনে পড়ে,  
তা ছাড়া মার্কেটে রিসার্চ করে আমি বিক্রি বাড়ানোর এমন  
স্কীম দেব যে তুমি হাঁ হয়ে যাবে।

মহিপাল হো হো করে হেসে উঠল— তোমার কাছে হাত না  
পাততেই লোকে দুর্নাম রটাচ্ছে। এরপর তোমার পয়সায়  
আমার বই ছাপা হয়েছে শুনলে তো আর রক্ষা নেই।

—ওহঃ, মহিপাল, তোমাকে কিছু বোঝাতে যাওয়া ভীষণ শক্ত।



জীবনের অধেকটা এমনি কাটিয়ে দিলে, আর কতদিন এভাবে চালাবে ? আমি অনেক ভেবেচিন্তে স্বীম তৈরী করেছি, আমাদের ছ'জনেরই লাভ হবে ।

—আমাকে শুনিয়ে কিছু লাভ হবে না ।

—তুমি ভুলে যাচ্ছ কেন, আমরা ছ'জনে সুখে-ছুখে পরস্পরের বন্ধু, অতের কথায় কান দেবার দরকারটা কি ?

—আমি ছুনিয়াকে ভয় পাই না শীলা, আমার বিবেক সারাক্ষণ আমার দিকে চোখ পাকিয়ে তাকায় ।

—ভয় ডর তুমি পাও না, আসলে বুদ্ধিশুদ্ধি বলে তোমার ঘটে কিছুই নেই— হেসো না, হাসবার কথা নয়— সিরিয়াসলি বলছি— তোমার এই মরচে ধরা বুদ্ধির জন্তু তুমি সাত ঘাটের জল খেয়েও কূল কিনারা দেখতে পাচ্ছ না । দেখ— স্কুল-কলেজে এমন ব্যবস্থা করা হবে তোমার লেখা বইয়ের যে সবচেয়ে ভালো সমালোচনা করবে সে প্রথম পুরস্কার পাবে । তোমার বই কিনে পড়ার জন্তু লাইন লেগে যাবে । খাঁটি সোনার সুরগই আলাদা ।

স্বীম শুনে মহিপাল যেন নিজের হারানো অস্তিত্ব ফিরে পেল । তার সারা জীবনের সুপ্ত বাসনাকে শীলা সাকার রূপ দিতে চায় । কিন্তু না, না, নিজের প্রসিদ্ধির জন্তু সে নিজের মর্যাদা বিকিয়ে দিতে পারবে না । শীলাকে নিরুৎসাহ করার জন্তু বললে— দেখো, এ কাজে প্রচুর সময় আর পরিশ্রমের দরকার । তোমার লাভ সময় কোথায় ?

—তুমি কি করে বুঝলে যে এ কাজের জন্তু আমি সময় বার করতে পারব না । তুমি একজন ভালো বিজনেস ম্যানেজার আমাকে জোগাড় করে দাও, তা হলেই সব ঠিক হয়ে যাবে ।

তুমি রয়েলটি পাবে আর আমার ব্যাকের পয়সা ভালো কাজে  
দ্বিগুণ হয়ে যাবে। সত্যি বলছি, এই মাগিয়গুণার দিনে তোমার  
বইয়ের বিক্রি চার ডবল হয়ে যাবে।

—খুব হয়েছে, এবার অন্য কথা বলো।

—আমি দরকারী কথাই বলছি।

—আমি ষতদিন বেঁচে আছি ততদিন এ স্বীম কোল্ড স্টোরেজে  
সযত্নে তুলে রেখে দাও। আমার মরার পর বার কোরো, কেমন ?

—মহিপাল, তুমি আজ পর্যন্ত আমার কোন কথাতেই কান  
দিলে না।

—মহিপাল, গেলাসে চুমুক দিয়ে ফিকে হাসি হেসে বললে—  
যাকগে, আজ আমি তোমার যে-কোন কথা মেনে নিতে রাজী,  
তবে সেটা আজই পূর্ণ হওয়া চাই।

—তার মানে ?

—আজ আমি তোমার কাছে চির বিদায় নিতে এসেছি।

শীলা থ হয়ে গেল— তোমার এ কথার মানে কি ?

\* \* \*

দুজনে শীলার খাটে বসে আছে, একই লেপের মধ্যে। তার  
জন্মে 'মহিপালকে ছনিয়ার লোকের কথা শুনতে হচ্ছে, শীলার  
চোখে জল এল। হঠাৎ মহিপালকে জড়িয়ে ধরে বললে—  
ছনিয়াকে যা ইচ্ছে তাই বলতে দাও।

—ছনিয়ার কথা নাহয় ছেড়েই দিলাম, কিন্তু কল্যাণী আর  
ছেলেমেয়েদের কানেও কথাটা উঠেছে। তোমাকে ওরা আর  
সুনজরে দেখতে পুরবে না, তাই আজ দুজনের মধ্যে একজনকে  
ত্যাগ করা ছাড়া অন্য কোন উপায় নেই। কিছুদিন পরে যখন

ছূর্ণামের কেনা ধীরে ধীরে খিড়িয়ে যাবে তখন আবার আমরা দেখাসাক্ষাৎ আরম্ভ করতে পারি, লোকেরা তখন আমাদের বেহারা ভেবে চুপ করে যাবে।

শীলা সোজা হয়ে বসতে বসতে বললে— আমরা দুজনে দুজনকে বুঝি, তবে কেন আমরা সত্যিটাকে লুকিয়ে রাখার চেষ্টা করছি? তুমি আমায় আজ একটা প্রশ্নের উত্তর দেবে? আমি কোনদিন কল্যাণীর অধিকার কেড়ে নেবার চেষ্টা যখন করিনি তখন আজ কেন তার জন্তে তুমি আমার অধিকার কেড়ে নিতে চাইছ?

—তুমি কল্যাণীর কাছ থেকে আমার ছিনিয়ে নিয়েছ শীলা। যে মানুষের ওপর আজ কুড়ি বছর ধরে তার একারই অধিকার ছিল, আজ তুমি তার অংশীদার হতে চাইছ, তাই না?

—কল্যাণীর কথা উঠছে না। তোমার কাছে পাবার জন্য আমার প্রচেষ্টার সাধনায় আজ সে কেন ভাগীদার হবে? আমাদের বয়স ছেলেখেলার নয়, কাঁচাপাকা চুল নিয়ে ছেলেমানুষী করা মানায় না। আমরা যেমন ছিলাম তেমনি থাকব—যা চলছিল তা চলবে, বুঝলে? কথা দাও তুমি ভীকু কাপুরুষের মত পালিয়ে বেড়াবে না?

মহিপালের সুপ্ত পৌরুষ জেগে উঠল—হ্যাঁ, আমি কথা দিচ্ছি আমাদের সম্বন্ধ অটুট থাকবে। আত্মমর্যাদার মূল্যকে সে নেশার ঘোরে হারিয়ে দিতে রাজী নয়, সে জ্ঞান তার টনটনে—শীলা, তোমাকেও পাকা কথা দিতে হবে যে আর কখনো আমার সামনে তুমি ওইসব ছাইভস্ম বিজনেসের কথা মোটেই তুলবে না। তুমি ‘লক্ষপতি’ হতে পারো কিন্তু আমার নজরে তুমি কেবল শীলা।

—আচ্ছা, আর কখনো এ কথা তুলব না। এবারটি মাপ

করো। লক্ষ্মীটি— বলেই শীলা মহিপালের বুকে মুখ লুকোলো। পুরুষের মন টলানোর বিচ্ছেদে সে ভালোভাবেই জানে।

রাত তখন প্রায় ছুটো। মহিপাল যাবার জন্তে উঠে দাঁড়িয়ে বললে— আর তোমাকে কষ্ট করতে হবে না। রাস্তায় যেতে যেতে কোন-না-কোন রিকসা বা টাঙ্গা পেয়েই যাব।

শীতের রাত, মহিপাল গোমতী নদীর ধারে চারিদিক খোলা শিব মন্দিরে বসে কাটিয়ে দিলে। ঠাণ্ডা হাওয়া সোঁ সোঁ করে বয়ে যাচ্ছে। উঃ কী নিয়তি, সে নিজের দুর্বলতার কাছে আজ পরাজিত অপরাধী ছাড়া আর কিছুই নয়। নিজের পরিবারের প্রতি তার দায়িত্ব আছে। মুখ লুকিয়ে পালিয়ে বেড়ানো পাপ। ভোর হয়ে আসছে— না, না, পালিয়ে কতদূর সে যেতে পারে? পালিয়ে বেড়ানো তার বিলাসিতা নয়? তার বিবাহিতা স্ত্রী, ছেলেমেয়েদের প্রতি তার নৈতিক কর্তব্য আছে, সেই ডোরকে ছিন্ন করে ফেলে দেওয়া কি এতই সহজ? তাকে জীবনের সঙ্গে সংঘর্ষ চালিয়ে যেতে হবে।

—বাড়ি যাব— কল্যাণীকে সব কথা খুলে বোঝাব তারপর দেখা যাবে।

দরজা পর্যন্ত পৌঁছে আবার মহিপাল ফিরে এল। দরজার কড়া নাড়ার সাহস পাচ্ছে না। সে সৌজা কর্নেলের বাড়ির রাস্তায় এগিয়ে গেল।

## কুড়ি

—আরে মশাই মেয়েটি ঠিকই বলেছে, আজকাল সাধু বৈরাগীদের কোন বিশ্বাস আছে ?

চৌমাথার মোড়ের কাছে চায়ের দোকানে বেশ ভীড় জমেছে। মজা দেখার লোকের অভাব হয় না। ভীড়ের মধ্যে অনেকেই তামাশা দেখার আগ্রহে গুটি গুটি এগিয়ে চলেছে। একটি মেয়েলী গলা বেশ ঝাঁঝালো স্বরে ঝগড়া করে চলেছে। চারদিকে বেশ সোরগোল।

সজ্জন গাড়ি থেকে নেমেই হাঙ্গামার কারণ জানার জন্য এগিয়ে গেল। সামনে চেয়ারে বসে উকিল মশাইয়ের পাগল বউ হাউ হাউ করে কান্নাকাটি করছে। কাছেই কৌপীনধারী এক বাবাজী দাঁড়িয়ে হাসছেন। পরিচিত পাগলীকে এই ঘটনার নায়িকারূপে দেখে সজ্জন চুপচাপ মুখ বুজে বোবার মত দাঁড়িয়ে থাকতে পারল না। এই দৃশ্য দেখে তার সারা শরীর যেন শিউরে উঠল। তাড়াতাড়ি এগিয়ে বউটার মাথায় হাত রেখে জিজ্ঞেস করলে—  
কি হয়েছে ?

সজ্জনকে দেখেই বউটির যেন ধড়ে প্রাণ এল, তাড়াতাড়ি উঠে দাঁড়িয়ে হাত জোড় করে বললে— ওঃ আপনি এসেছেন। আমাকে এই চণ্ডালের হাত থেকে বাঁচান। এ সাধু নয়, জহ্লাদ জহ্লাদ।

আমাকে বেশা করে রাখতে চায়। আপনি বলুন—আমি কি বেশা? আমাকে দেখে কী মনে হয়? আমি বড় ঘরের বউ। আমাকে এখুনি রাজেশের কাছে নিয়ে চলুন—আমার রাজেশ এই ব্যাটা সাধুকে সোজা গুলি করে মারবে। আমার রাজেশ ক্যাপ্টেন। সে এসে যখন এই ভীড়কে দেখবে, জানেন সে কি করবে? সোজা খট খট করে গুলি মেরে সকলকার মাথার খুলি উড়িয়ে দেবে, এই হারামজাদা সাধু...

গাগলী মুঠো পাকিয়ে বাবাজীকে মারার জন্য এগুতেই সজ্জন তার হাত ধরে ফেলে বললে—বাড়ি যাবেন?

—সেই বুড়োর কাছে? না, কখনো নয়। আপনি আমাকে রাজেশের ওখানে নিয়ে চলুন। এখুনি নিয়ে চলুন—বাস, কোন কথা শুনতে চাই না। এখানে আমি এক মিনিট দাঁড়াতে চাই না... চলুন, চলুন।

সজ্জন একবার সাধুকে আপাদমস্তক ভালোভাবে নিরীক্ষণ করলে। দন্তবিহীন চেহারায় বয়সের ছাপ আছে বটে কিন্তু শরীর লৌহ ধাতুর মতই পুষ্ট, রঙ বেশ এক পোঁচ কালো কিন্তু একটা চকচকে ভাব আছে। বাবাজীর দিকে একবার আড় চোখে তাকিয়ে গাগলী সজ্জনকে বললে—এর দিকে তাকাচ্ছ কেন? এ আমার কী করবে? আমাকে আটকাবার ক্ষমতা এর আছে?

বাবাজী সজ্জনের দিকে চেয়ে বললেন—লোক দেখে বাড়াবাড়ি আরম্ভ করেছে—রাম রাম, আপনি একটু কষ্ট করে আমার সঙ্গে আসুন, ওর হাতটা ছেড়ে দিন।

ভীড় থেকে বেরিয়ে সজ্জন গাগলীর হাত ছেড়ে বাবাজীর সঙ্গে যাবার জন্য যেই এগুলো, ওমনি গাগলী খপ করে তার কনুই ধরে

চোঁচাতে লাগল—না, না, আপনি এই বাবাজীর সঙ্গে যাবেন না—আপনাকে ব্যায়াম করিয়ে, গাঁজা মাজা খাইয়ে মেরে ফেলবে।

বাবাজী যেতে যেতে চায়ের দোকানের চাকরকে বলে গেলেন—বাবা, এর দিকে একটু নজর রেখো।

সজ্জন পাগলীকে বোঝাবার চেষ্টা করল যে সে বাবাজীকে হাজতে বন্ধ করতে যাচ্ছে। বাবাজী হাজতে বন্ধ হলেই সজ্জন তাকে এরোপ্লেনে বসিয়ে রাজেশের কাছে নিয়ে যাবে। পাগলী সন্তুষ্ট হয়ে একদিকে চুপ করে দাঁড়িয়ে রইল।

ভীড় থেকে বেরিয়ে সজ্জন আর বাবাজী দুজনে রাস্তার ধারে একদিকে দাঁড়িয়ে কথা আরম্ভ করলে। বাবাজী বললেন—রামজী, আমি মেয়েটির চিকিৎসা করছি। আপনি এর কোন আত্মীয় না কি ?

—আজ্ঞে না। একদিন ইনি গলি থেকে দৌড়ে যাচ্ছিলেন, আমি দেখতে পেয়ে এঁকে বাড়ি পর্যন্ত পৌঁছে দিয়েছিলাম। তখনি সব কথা জানতে পারলাম, এঁর স্বশুর...

স্বশুর মশাইকে খবর পাঠিয়ে দিয়েছিলাম রামজী, যে আপনার বউ আশ্রম ছেড়ে পালিয়ে এসেছে। বেচারী ভদ্রলোক বুড়ো মানুষ, হাটে বাজারে লজ্জায় দাঁড়াতে পারেন না তাই আসেন নি। আপনি তো জানেন, ভীড়ে ভালো মন্দ সব রকম লোকই জড়ো হয়। যে যা মুখে আসে বলতে থাকে, কার মুখে ধামা চাপা দেব বলুন ? মেয়েমানুষ রুগীর ওপর বল প্রয়োগ করা আমাদের নিয়মের বিরুদ্ধে। আপনি যদি কষ্ট করে একে ফুসলে ফাসলে ভুলিয়ে ভালিয়ে কোনমতে আশ্রমে পৌঁছে দিয়ে যান, তা হলে বড় উপকার হয়।

—আমার কাছে গাড়ি আছে।

দম্ভবিহীন মুখে হাসতে হাসতে বাবাজী বললেন— বাস বাস, তা হলে সব ঠিক আছে। আপনি নিজের গাড়ি নিয়ে আসুন আর আমি পা চালিয়ে আশ্রমে যাই। এই সামনে বাগান দেখছেন— তার পরেই সোজা রাস্তা, ঘাটের কাছেই আশ্রম।

নির্মল শিশুর মত সহজ বাবাজীর হাসি দেখে সজ্জন প্রভাবিত। তাঁর চোখের মণিতে যেন স্নেহরাশি ছলছল করছে। বাবাজী বললেন— সবই রামের ইচ্ছা, যা করেন মঙ্গলের জন্তে। আচ্ছা আসুন, আশ্রমে আবার দেখা হবে।

গাড়িতে বসে পাগলী খুব খুশী। গাড়িতে বসার আগে একবার সে একটু দ্বিধাবোধ করেছিল— আমি কি এমনিই যাব? আমার পায়ে স্টাণ্ডেল নেই, এই নোংরা শাড়ি, ছিঃ ছিঃ, ছেঁড়া শাড়ি পরে গাড়িতে বসব? না না, আমি গাড়িতে চড়ব না। সজ্জন তাকে অনেক করে বোঝালে যে সে তাকে এখুনি ভালো শাড়ি আর স্টাণ্ডেল কিনে দেবে। সজ্জন পাগলীকে শাড়ি আর স্টাণ্ডেল কিনে দিল।

শাড়ি স্টাণ্ডেল পেয়ে রাজেশের পাগলী বউ আনন্দে আত্মহারা। গাড়িতে বসে সে অনর্গল বকবক করে চলেছে— তার মধুর মিলনের রঙিন কল্পনায় সে বিভোর। সময় কাটানো সজ্জনের গন্ধে কষ্টকর হয়ে উঠল। নরনারীর গোপন মধুর সম্পর্কের বর্ণনা পাগলীর মুখে শোনা সত্যিই যন্ত্রণাদায়ক। উঃ, তার মনের গোপন থেকে গোপন রহস্যকে এমন বিকৃত ভাবে দমন করতে গিয়ে সেও পাগল হয়ে যাবে না কি? হায় ভগবান, ভাবতে গেলে শরীর মন শিউরে ওঠে।



মেডিকেল কলেজ, পাকা বাঁধানো নানা, বড় ইমামবাড়া, মচ্ছিভবন পার করে গাড়ি ঘাটের কাছে গলির মুখে এসে দাঁড়াল। সামনের ল্যাম্প পোস্টের মত বাবাজী দাঁড়িয়ে, তাঁকে দেখেই হাউ হাউ করে পাগলী কেঁদে উঠল, না না, আমি কিছুতেই যাব না, যাব না।

গাড়ির দরজা খুলে পাগলীকে টেনে হেঁচড়ে বার করার চেষ্টায় বাবাজী তার গালে ঠাস করে চড় বসিয়ে দিলেন। পাগলীর স্যাণ্ডেল, শাড়ি সব চারিদিকে ছত্রাকার হয়ে গেল। মারের যন্ত্রণা ভুলে বেচারী জিনিসপত্রের সামলাবার জ্ঞান আতুর হয়ে উঠল। চড় খেতেই পাগলী বোবার মত ফ্যাস ফ্যাল করে তাকাচ্ছে। বাবাজী মোলায়েম গলায় পাগলীকে প্রশ্ন করলেন—এসব কি?

নিজের হাত বাবাজীর মুঠো থেকে ছাড়াবার চেষ্টা করতে করতে সে প্রায় গর্জে উঠল—আমার স্যাণ্ডেল, শাড়ি, রাজেশ আমাকে কিনে দিয়েছে।

—ইনি কিনে দিয়েছেন?

—না না, আমি পরপুরুষের দেওয়া কোন জিনিস কেন নেব? আপনি আমাকে ছাড়ুন। আমায় রাজেশ বলছে যে সে আমাকে শাড়ি স্যাণ্ডেল পরিয়ে ..

—আচ্ছা যাও তোমায় ছেড়ে দিলুম। গাড়ির পেছনের সীট থেকে শাড়ি আর স্যাণ্ডেলের বাক্স উঠিয়ে নিয়ে বাবাজী বললেন—এসব জিনিস রাজেশ দিয়েছে?

—হ্যাঁ।

—ইনি দেন নি না?

—না।

—আচ্ছা, তা হলে আমি এসব গোমতীর জলে ফেলে দিচ্ছি।

বাবাজীর কথা শুনে পাগলী আধমরা হয়ে গেল। তাঁর হাত থেকে প্রাণপণে নিজের জিনিস ফেরত নেওয়ার জন্য সে হাত পা চালাতে লাগল। তিনি মুচকি মুচকি হাসতে হাসতে বললেন—  
রামজী বড় উপকার করলেন, আশ্রম এবার আশ্রমে চলা যাক।  
পাগলীর দিকে এক নজর দেখে সজ্জন বললে—না থাক,  
আপনার এখানে অনেক পাগল আছে না কি?

—হাঁ রামজী, আমি পাগলদের দুনিয়ার এক সেবক মাত্র, তাই  
এখানে ডিউটি দিবে থাকি। আচ্ছা এবার চলি তাহলে—  
রাভেশের দেওয়া জিনিস গোমতীর জলে ভাসিয়ে দি—কয়  
রামজী, উচ্চারণ করতে করতে বাবাজী জিনিস নিয়ে পাগলীকে  
ক্ষাপাবার জন্যে উচ্চস্বরে বললেন—এই নাও ফেলে দি—  
ফেলে দি...

পাগলী ব্যাকুল হয়ে তাঁর পেছনে ছুটতে লাগল। সজ্জন হাঁ  
করে দাঁড়িয়ে এই অদ্ভুত দৃশ্য দেখছে। বাবাজী আর পাগলী  
দুজনে ছুটতে ছুটতে খরশ্রোতা নদীর মত ধীরে ধীরে অদৃশ্য  
হয়ে গেল।

নিজের ঘরে এসে সজ্জন নিজীবের মত অসাড় হয়ে বিছানায়  
শুয়ে পড়ল। রক্তহীন মুখে পাণ্ডুর ছায়া, মনে এক অদ্ভুত জ্বালা  
—উফ্ বনকন্যাকে ঘিরে তার মনে কাম বাসনার আগুন জ্বলে  
উঠেছে, সেই নিয়ে দিনরাত তার অন্তরননে মানসিক সংঘর্ষ  
চলছে। কাল বিকেলে বনকন্যা তার প্রেমকে উপহাস করেছে।  
হইস্কি সোডা মিলিয়ে গেলাস মুখের কাছে এনে আবার টেবিলে  
রেখে দিলে। চাকরকে ডেকে চোখের সামনে থেকে ছাইভস্ম

সরাবার লুকুম দিল। আজ মন্দিরে সে একাগ্রচিত্তে বসতে পারে নি। এবারে সে কতটুকু দূর থেকেই বেশ কড়া কথা শুনিতে দেবে, তার সঙ্গে কোন সম্পর্ক রাখবে না। জেঠীর পছন্দ করা মেয়ের গলায় সে মালা দেবে।

সজ্জন তার নিজের গড়া মনের জেদ, তর্ক, সংঘম অসংঘম, আশঙ্কা আর সমাধানের ঘন অন্ধকারে পথ হারিয়ে ঘুরে মরছে। পাগলীকে দেখার পর থেকেই তার মনে অজ্ঞাত ভয় ঢুকে গিয়েছে, হয়তো সেও তার মতই পাগল হয়ে যাবে। নানা এলেমেলো চিন্তার জাল বুনতে বুনতে তার ছুঁচোখে ঘুম নেমে এল।

মহাকবি বোর হেঁ হেঁ করতে করতে ঘরে ঢুকে সজ্জনকে ঘুমতে দেখে নিশ্চিন্ত মনে জানালার দিকে চেয়ে গান ধরলে—

আ হা হা হা! ঠণ্ডী হওয়ায়েঁ লোটকে আয়েঁ

হম হেঁ য়হাঁ, তুম হো ওহাঁ— কৈসে বুলায়েঁ।

প্রথম গানের কোন প্রভাব হচ্ছে না দেখে দ্বিতীয় গানের লাইন শামের বাঁশির মত বেজে উঠল।

উনকে বুলাবে পে ডোলে মেরা দিল—

যাউ তো মুশকিল ন যাউ তো মুশকিল।

এত গলা ফাটিয়ে তবু প্রিয়ার মুখচন্দ্রের দর্শন না পেয়ে কবি মহারাজ আবার অন্য গানের তান ধরল—

দিল কিসীকো লীজিয়ে, দিল কিসীকো লীজিয়ে

জিন্দেগী হৈ চারদিন, যহী কাম কীজিয়ে।

দরজায় ঠেসান দিয়ে বসে কবি মহাশয় একের পর এক গানের কলি গেয়ে চলেছে। সজ্জনের ঘুমের ব্যাঘাত হল। চোখ

খুলতেই সামনে বোরকে গলা ছেড়ে গান গাইতে দেখে সে রাগে জ্বলে উঠল, পুরো দমে চেষ্টা করে উঠল— গেট আউট, বোর, আই সে গেট আউট !

হঠাৎ সজ্জনের মুখে এধরনের বুলি শুনে বোরমশাই খতমত খেয়ে হাত জোড় করে গাঁই গুঁই করে বললে— হেঁ হেঁ আপনি ঘুমিয়েছিলেন ? আমি ঠিক বুঝতে পারিনি যে আপনার ঘুম নষ্ট হয়ে যাবে। হেঁ হেঁ, আজকাল আমি অমর গীতি লেখার মুডে আছি কিনা তাই। নিজের অভদ্র ব্যবহারে সজ্জন নিজেই লজ্জিত হল। হাতে ঠোঙা নিয়ে বনকন্ঠা দরজার চৌকাঠে এসে থমকে দাঁড়াল। তাকে দেখেই সজ্জনের মনে পরস্পরবিরোধী ভাব জাগছে।

বনকন্ঠার দিকে চেয়ে বিরহেশ হাত জোড় করে বললে— আপনি হেঁ হেঁ, বনকন্ঠা, আমি এর আগে আপনাকে থিয়েটারে পার্ট করতে দেখেছি— হেঁ, হেঁ, সজ্জনবাবু আপনাকে প্রসিদ্ধির উচ্চ সোপানে পৌঁছে দিয়েছেন, ঠিক বলেছি কিনা ?

কন্ঠা গম্ভীরভাবে ‘হুঁ’ বলে ভেতরে চলে গেল। ঠোঙা টেবিলে রেখে সজ্জনকে জিজ্ঞেস করলে, তোমার শরীর কেমন ?

কন্ঠার মুখে ‘তুমি’ সম্বোধনে সজ্জনের দেহের রক্ত যেন ছলকে উঠল। কন্ঠার প্রেমের উত্তাপ অনুভব করে এক মিনিটের মধ্যে গলে জল হয়ে গেল।

—বিরহেশ, আমার শরীর ভালো নেই, আমি একটু একা থাকতে চাই বুঝলে ? বলে সজ্জন বালিশে মাথা রেখে চোখ বুজল।

কন্ঠা চিন্তিত হয়ে তার পাশে চেয়ার টেনে বসল। বিরহেশ

মুচকি হেসে চোখ টিপে, ভগবান করুন আপনার শরীর সুস্থ থাকুক, বলে ঘর থেকে বেরিয়ে ছাদে চলে গেল। তাকে ছাদে যেতে দেখে সজ্জন তেলে বেগুনে জ্বলে উঠল। কন্যা আবার প্রশ্ন করলে—

—তোমার শরীর কেমন?

—আমি মরতে বসেছি, তোমার কি?

কন্যা মুখ টিপে হেসে বললে—আমি সঞ্জীবনী ওষুধ সঙ্গে এনেছি।

সজ্জনের দেহের অবসাদ এক মিনিটে ঘুচে গেল। ভুল বোঝাবুঝির পালা শেষ হলে সে যেন বাঁচে।

—জানো কন্যা, ছোটবেলায় আমার ধাইমা এক রাজকুমারীর গল্প শোনাতেন তার কাছে ছিল মরণকাঠি আর জীবনকাঠি। সেই কাঠি দিয়ে ঘুমন্ত রাজকুমারকে জাগিয়ে তার সঙ্গে মন ভরে খেলা করে তাকে আবার মরণকাঠির ছোঁয়ায় ঘুম পাড়িয়ে সে চলে যেত।

সজ্জনের শিশুশূলভ ভাবভঙ্গি দেখে কন্যা প্রাণ খুলে হেসে উঠল। বাইরে ছাদে বসে প্রিয়ার দর্শনে ব্যাকুল বিরহী বিরহেশ গানের পর গান গেয়ে চলেছে। গান শুনে কন্যা বিরক্ত হয়ে সজ্জনকে প্রশ্ন করলে—ইনি আবার কে?

—আহাম্মক হতচ্ছাড়া একটা, পাগল করে ছাড়বে আমায়।

কন্যা গিয়ে ধড়াস করে জানালা বন্ধ করে দিল। টেবিলে পুরনো খবরের কাগজ পেতে ঠোঙা রাখতে রাখতে বললে—আমি চাকরি পেয়ে গেছি।

কন্যার কথা তীরের মত সজ্জনের মনে বিঁধে গেল। সে কেন

এতদিন কথার চাকরির চেষ্টা করেনি ? তবে কি কর্নেলের চেষ্টায় সে চাকরি পেয়েছে ? তার মনে অসংখ্য প্রশ্ন ।

প্রসাদী ঠোঙার এক কোণে লাগানো সিঁদুর আঙুলে নিয়ে কণ্ঠা সজ্জনের কপালে টিপ দিলে । তার শীতল হাতের স্পর্শে সজ্জন ভাববিহ্বল হয়ে গেল, তাড়াতাড়ি তার হাত ধরে বললে—  
আমি তোমাকে বিয়ে করতে চাই । কণ্ঠা গম্ভীর হয়ে হাত ছাড়াবার চেষ্টা করতে করতে বললে— এখন এ কথা তোলার কোন মানে হয় না । হাত ছাড়িয়ে কথার প্রসঙ্গ বদলাবার জন্য বললে— মহাবীরের প্রসাদ ।

সজ্জন প্রসাদের দিকে না চেয়ে আবার প্রশ্ন করলে— কোন মানে না হওয়ার কারণ জানতে পারি কি ?

—আমরা পরস্পরকে কতটুকুই-বা জানি ।

—এটা তোমার নিজস্ব মত, তুমি ভালোভাবেই জানো আমি তোমাকে ভালোবাসি ।

—নাও, চটপট করো, প্রসাদ গ্রহণে দেরী করতে নেই ।

—তুমি আমার জীবনে ভগবানের প্রসাদের মতই এসেছ । আমি তা গ্রহণে দেরী করতে চাই না । সজ্জনের চোখে অতৃপ্ত বাসনা ।

বাইরে থেকে বিরহেশের আওয়াজ ভেসে এল— বউদি, সজ্জনের জন্তে চা তৈরী হচ্ছে না কি ? তা হলে আমার জন্তেও এক কাপ ভুলবেন না যেন ।

কণ্ঠা রেগে দরজার কাছে গিয়ে চৌঁচিয়ে বললে— আপনি বড় অভদ্র লোক তো, আপনাকে এসব সম্পর্ক গড়ে ডাকার অধিকার কে দিলে ?

—যেতে দাও, ভেতরে চলে এসো, সজ্জন কণ্ঠকে ডাকলে।

ও বাড়ির বড় বউ এসে জানলার গরাদ ধরে দাঁড়িয়েছে। বিরহেশ চাতকের মত সেই দিকে একদৃষ্টে তাকিয়ে রয়েছে। হাত জোড় করে কোনমতে কণ্ঠার প্রশ্নের উত্তরে আনমনাভাবে বললে— আমি আমার অমর গীতি লেখার মুডে আছি। সে আমার হৃদয়ে আসন পাততে চাইছে। কণ্ঠা বোরের পাগলামো দেখে বিরক্ত হয়ে ঘরে চলে এল। কণ্ঠা যেতেই মহাকবি পট করে দরজাটা আবার ভেজিয়ে দিলে।

চার চক্ষুর মিলন, বড় বউ আর মহাকবি ইশারায় ভাব-বিনিময় আরম্ভ করে দিয়েছে। ছ'জনের চোখে মুখে নানা ইশারা। বড়র দেহের বাঁকে বাঁকে উদ্বেজনা। বিরহেশের শ্রোণ দৃষ্টি এড়ালো না। স্মৃত্যয় বাঁধা কাপড়ের থলি মনোহরণ ঐক্য নিয়ে বিরহেশের কাছে ঝুলতে ঝুলতে আসতে লাগল। এর আগে ছ-তিনবার এই থলির সাহায্যে চিঠির আদানপ্রদান হয়েছে। এর আগের বারে বড়কে দেখিয়ে বিরহেশ থলিকে বুকে চেপে কতই-না আদর করেছিল।

চিঠি লুফে নেবার জন্ত বোর সেই সিঁড়ির দিকে এগোলো। কিন্তু থলির স্মৃত্যকে ধরা মাত্রই কোথা থেকে ডাঃ শীলা থপ করে তার হাত চেপে ধরে ফেলল, তার পেছনে বর্মা। হঠাৎ আক্রমণে বিরহেশ হতভম্ব।

—এখানে কি হচ্ছে? ডাঃ শীলা বেশ উঁচু গলায় জিজ্ঞেস করল। ওদিকে বর্মাকে দেখেই, বড় বউ জানলার কাছ থেকে উধাও। হাতেনাতে ধরা পড়ে বিরহেশ ঘেমে নেয়ে উঠল। মুখ দিয়ে কথা ফুটল না। ছাদে গোলমাল শুনে সজ্জন দরজা খুলে

মানব অভিযর্থনা জানালে—হ্যালো শীলা! সজ্জন বর্মাকে নমস্কার করে বিরহেশকে জিজ্ঞেস করল, ব্যাপার কি?

কাঁদোকাঁদো হয়ে বোর বললে—আমার অমর গীতি এঁর হাত থেকে উদ্ধার করে দিন। ডাঃ শীলা থলি থেকে কাগজ বার করে পড়তে লাগল। লাইন টানা স্কুলের খাতার পাতা ছিঁড়ে মোড়লী হাতের টানা লেখায় প্রেমপত্র পড়ে শীলা খিলখিল করে হেসে উঠল। সজ্জনের হাতে চিঠি দিতে দিতে বললে—এঁর প্রেমগীতি একটু পড়ে দেখো।

হঠাৎ কণ্ঠার দিকে নজর পড়তেই শীলা ব্যাপারটা বুঝে নেবার চেষ্টা করল। ছুঁজনের কপালে ভিত্তে সিঁড়রের টিপ দেখে সে হেসে বললে—তুমিই মিস বনকণ্ঠা—না? ঠিক ধরেছি কিনা বলো?

সজ্জন জ্র কুঁচকে রাগতভাবে বললে—বিরহেশ, এসব কি হচ্ছে? ভদ্রলোকের পাড়ায় ছ্যাঁচড়ামো করে আমার সুদৃ বদনাম করিয়ে তবে তুমি ছাড়বে, যা দেখতে পাচ্ছি। আর যদি কখনো তোমায় এ তল্লাটের ধারে কাছে দেখেছি, তা হলে সোজা পুলিশে খবর দিয়ে দেব। এখুনি বিদেয় হও, যাও।

—যাচ্ছি, যাচ্ছি কিন্তু আমার চিঠি...

কবি মহাশয় ফৌস করে দীর্ঘশ্বাস ছাড়ল। সজ্জন চিঠিটা বিরহেশের মুখে ছুঁড়ে মারল। বর্মা চিঠিটা মোঝ থেকে তুলে নিয়ে টুকরো টুকরো করে ছিঁড়ে কড়া গলায় বললে—পাড়ার ইজ্জৎ কাগজের সঙ্গে বাইরে যাওয়া ঠিক নয়। এখানেই এটাকে শেষ করলাম। মানে মানে যাও এখান থেকে।

কণ্ঠা আর শীলা ছুঁজনে কথা বলতে বলতে ভেতরে চলে গেল।

বর্মা চালাকি করে ছেঁড়া চিঠির ভাঁজ সামলে পকেটে পুরছে



দেখে বিরহেশ তার দিকে আগ্নেয় দৃষ্টি হেনে বললে— গরীবের প্রেম তোমাদের বড়লোকদের সহ্য হয় না। নিজেরা দরজা বন্ধ করে দিবি প্রেমালাপ করবে আর অগ্নির বেলায়... সজ্জন গোথ পাকিয়ে তাকাতেই বিরহেশ তর তর করে নীচে নেমে গেল। বর্মা সজ্জনের কাঁধে হাত রেখে নীচু গলায় বললে— এই ব্যাটার প্রেমালাপ চলছে পাশের বাড়ির কারুর সঙ্গে। এই চিঠিটা এসেছে বড় ভাইয়ের ঘরের জানলা থেকে। আপনার বদনাম হয়ে যাবে।

সজ্জন চিন্তা করতে করতে গম্ভীরভাবে বললে— সর্বনাশ করছে। এখানে ব্যাটা কোথা থেকে এসে নিশানা লাগাচ্ছে।

—এই রাফেল— আর্টের জায়গায় আজকাল প্রেমের ক্লাস খুলেছ নাকি? শীলা ঘরে ঢুকে হাসতে হাসতে বললে।

—তুমিও এখানে তোমার প্রেমিকের খোঁজে এসেছ না কি?

—এখানে কাছেই এক রুগী দেখতে এসে ভাবলুম তোমার এখানে একটু দুঁ মেরে যাই। ভালোই হল, তোমার সব খবরা-খবর স্বচক্ষে দেখে গেলুম, শীলা কণ্ঠার দিকে চেয়ে স্নেহে বলল। কণ্ঠা সজ্জন দু'জনেই সলজ্জ হাসি হাসল।

—নাও, নাডু খাও, মহাবীরের প্রসাদ, ইনি চাকরি পেয়ে গেছেন।

—ভালো খবর, কোথায়? শীলা জিজ্ঞেস করলে।

—নবজীবনের সম্পাদকীয় বিভাগে, শীলার প্রশ্নের উত্তর দিয়ে কণ্ঠা জিজ্ঞেস করল— আমার মনে হয় এবার এক এক কাপ চা খাওয়া যাক।

—আমায় নাপ করবেন। হাতজোড় করে বলে বর্মা।

—কেন ? সজ্জন জিজ্ঞেস করল।

—এখান থেকে মোজা দোকানে যাব, বেশ দেবী হয়ে গেছে।

—ঠিক আছে, ঠিক আছে। এখনো কুড়ি পঁচিশ দিন হাতে সময় আছে। আপনি প্রসাদ মানত করে রাখুন, নিশ্চয় ছেলে হবে, কেমন ? শীলা মুচকি হেসে বললে।

বর্মা হাসতে লাগল— সময় সুযোগ আনতে দিন, আপনার বাড়িতে মিষ্টির হাঁড়ি নিয়ে হাজির হব। বর্মা ঘর থেকে বেরিয়ে যেতেই শীলা যেন হাঁপ ছেড়ে বাঁচল। বালিশে হেলান দিয়ে শুয়ে সামনে কন্যাকে দেখে হেসে বলল— দুর্জন মশাইয়ের ভাগ্য খুব ভালো। মিস বনকন্যা স্টোভ ধরিয়ে মনোযোগ দিয়ে কেমন চায়ের ব্যবস্থা করছে... দাঁও একটা নাড়ু খেয়ে দেখি... মহিপাল কিন্তু সেদিন আমায় বলছিল যে কন্যা কম্যুনিষ্ট।

—হ্যাঁ, আমি কন্যাকে জিজ্ঞেস করব ভেবেছিলুম ও মজলবারে মহাবীর দর্শন মানে নাকি ? পাশ বালিশে ঠেসান দিয়ে বিছানায় বসতে বসতে সজ্জন বললে।

কন্যা দুধের বোতল থেকে দুধ ডেকচিতে ঢালছিল, বললে— ভগবানের বিষয় আমি কখনো তেমন সিরিয়াসলি ভেবে দেখি নি। তাঁর অস্তিত্বকে কোন তর্ক দিয়ে ছোট করা আমার পক্ষে সম্ভব নয়। ভগবানই আমার সুখদুঃখের সাথী।

—ভগবানের বিষয় তর্ক করা নিছক ছেলেমানুষী ছাড়া আর কিছুই নয়। আমার মতে মানুষ তার সারাজীবনের কাজের মধ্য দিয়ে ভগবানের সাধনা করে, শীলা বললে।

—মহিপাল এধরনের কথা প্রায়ই বলে। সজ্জন যেন শীলার ক্ষতস্থানে অস্ত্রোপচার করল।

—তুমি কি ভাবো আমি তার থেকে আলাদা? আমাদের চিন্তার গতি এক নয়?

—এট, একেই বলে বিস্তৃত প্রেম, কণ্ঠকে শুনিয়ে সজ্জন বললে, কিন্তু তার চেহারা যেন অনেকটা নিস্পৃহ।

—পৃথিবীতে, বিশেষ করে আমাদের ভারতে ঈশ্বরের নামের মহিমা চিরকালই ছিল, আছে এবং ভবিষ্যতে থাকবে, এ বিষয় কোন সন্দেহ নেই।

—বিজ্ঞান নিশ্চয় একদিন এ রহস্যের সমাধান করবে। তাতে হয় এই ধারণার পুষ্টি হবে অথবা তাকে চিরকালের মত কবর দেবে। আমরা আজ বিজ্ঞানের জগতে বাস করছি, পৃথিবী থেকে অনেক দূরে অণু গ্রহ-উপগ্রহে যাওয়া যখন সম্ভব তখন এ রহস্যের মীমাংসা কেন হতে পারে না? দুধের ডেকটির দিকে কণ্ঠা দৃষ্টি ফেরাল। দুধ এবার উথলাবে।

—তার আগেই যদি প্রলয় আসে, তা হলে? সজ্জন অল্পরাগে ভরা চোখে কণ্ঠার দিকে তাকালে।

—প্রলয় যদি আসেই তা হলে সৃষ্টির শেষদিনে আমি ঈশ্বরের সামনে তোমার বিরুদ্ধে সাক্ষী দেব। খোদার সামনে তোমার বিরুদ্ধে অভিযোগ জানাব যে এই দুর্জন ভদ্রলোকটি একটি সুন্দরী, সাদাসিধে মেয়ের মন চুরি করে বসে আছে।

ইতিমধ্যে দুধ উথলে উঠতেই কণ্ঠা আঁচল দিয়ে ডেকচি ধরে ধপ করে নামিয়ে মেঝেতে রাখল। চায়ের জলের জন্ম সোরাই থেকে জল নিতে গিয়ে দেখল খালি। সজ্জন উঠতে উঠতে বললে— দাও, আমি ভরে নিয়ে আসি।

—কল কোথায়?

—নীচে ।

—তুমি বসো, আমি নিয়ে আসছি ।

—তুমি একা কোথায় যাবে ? রেফিউজিরা তোমায় দেখেই চমকে উঠবে ।

সোরাইয়ের কানা ছ'জনের হাতে ধরা, ছ'জনের চোখে রহস্যের ঝিলিক । কণ্ঠার চোখে লজ্জা আর সংযমের কপাট । লজ্জায় ঘাড় নীচু করে কণ্ঠা বলে— আমি এত ভয়ংকর দেখতে বুঝি ?

—আর কেউ ভয় করুক আর না করুক, আমি ভীষণ ভয় পাই কিন্তু । সজ্জন তাড়াতাড়ি সোরাই নিয়ে জল আনতে গেল ।

স্টোভের তেল পুড়ছে দেখে কণ্ঠা নিভিয়ে দিলে । শীলা আদর করে কণ্ঠার হাতে ফট করে এক চুমু খেয়ে বললে— তুমি বড় মিষ্টি, সত্যি ভাই, সজ্জন খুব ভাগ্যবান বলতে হবে । বাস, এবার তোমরা ঝটপট করে বিয়ের পিঁড়িতে বসে পড়ো আর আমরা হৈ চৈ করে বেশ পেট পুরে খাওয়া-দাওয়া করি ।

—এখন আমার ইচ্ছে নেই ।

—কেন ?

—আপনার সঙ্গে আপনার রুগীদের সম্পর্ক কতটা ? কেবল ফীস আর ভিজিট এই নয় ? কিন্তু যারা দিনরাত রুগীর সেবা করছে তাদের সঙ্গে তার সম্পর্ক আপনার থেকেও ঘনিষ্ঠ, তাই নয় ?

—তোমার কথা শুনে মনে হচ্ছে বিয়ের বন্ধন তোমার পক্ষে এক গভীর চিন্তার বিষয় । সত্যি বলো তো ভাই, যারা স্কুলের পরীক্ষার মত ধাপে ধাপে প্রেমের পরীক্ষা দিয়ে শেষকালে বিয়ের সার্টিফিকেট নেয় তুমি কি তাদেরই মধ্যে একজন ? এই আইন্মুকীর কথায় আমার ভীষণ হাসি পায় কিন্তু । নিজের ওপর

ভরসা করো, তোমরা যখন ছুঁজনেই লেখাপড়াজানা, বুদ্ধিমান, তখন তোমাদের প্রেমের বন্ধন টিলে হয়ে পড়ার কোন কারণই আমি ভাবতে পারছি না।

—আমি আপনার কথায় সায় দিতে পাচ্ছি না।

—আমাকে বার বার আপনি না বলে তুমি বলো ভাই, মাই ডিয়র। তোমাকে আমার ভীষণ ভালো লেগেছে। আমাদের সম্পর্ক অটুট বাঁধনে বাঁধা হয়ে থাকবে। তোমায় আমি আগেই বলেছি যে আমি মনের টানে বিশ্বাস করি।

সোরাই নিয়ে সজ্জন ঘরে ঢুকল। তাড়াতাড়ি এগিয়ে তার হাত থেকে সোরাই নিয়ে কণ্ঠা চায়ের সরঞ্জাম করতে গেল। তাকে সাহায্য করার বাহানায় সজ্জন তার হাতের কাছেই দাঁড়িয়ে রয়েছে। শীলা সজ্জনকে বললে— দুর্জন মশাই, স্ত্রী-পুরুষের সম্বন্ধ নিয়ে জীবনে আমি অনুভব করেছি প্রেম থিয়োরি নয়, প্র্যাকটিস, প্রেমের মাত্রার ওপর পরস্পর সম্পর্কের ভিত্তি প্রতিষ্ঠিত হয়। তোমার কি মত?

—আমি তোমার কথার বিপক্ষে যেতে পারি কখনো? বাহঃ, বেশ দামী কথা বলেছ, লাভ ইজ নট থিয়োরি বাট প্র্যাকটিস।

—দুর্জন, কাল পর্যন্ত যার ভিত্তিতে আমার বিশ্বাস প্রতিষ্ঠিত ছিল, আজ তা ভূমিকম্পে ধূলিসাৎ হয়ে গেছে। স্ত্রী বা পুরুষ দু'জনের জন্ম বিবাহের প্রথা কষ্টকল্পিত নাট্যের অসংলগ্ন বিজ্ঞাস নয়, তপস্যালব্ধ ধন। কেউ তাদের সম্বন্ধকে আইনের কষ্টিপাথরে কষে ঘণিত ইঙ্গিত করার সাহস করবে না। —বলতে বলতে শীলার চোখ জলে ঝাপসা হয়ে এল। সুখী একটি ছোট নীড় যেখানে কণ্ঠা হবে সুগৃহিণী, সজ্জনের ভাবুক মনে ভবিষ্যৎ কল্পনার

ছবি। শাস্ত্র গভীর কথা কেতলীর দিকে চেয়ে শীলার কথা মন দিয়ে শুনেছে। শীলার চোখের জল সজ্জনের দৃষ্টি এড়িয়ে গেল।

হঠাৎ শীলা স্তব্ধ করলে— আচ্ছা দুর্জন, এখুনি যে প্রেমিক-প্রেমিকার রহস্য হাতেনাতে ধরা পড়ল, এরা দু'জনেই বিবাহিত, না?

—বিরহেশ ছেলেমেয়ের বাবা, আর যে মেয়ের সঙ্গে সে প্রেম করছে...

—সেও নেহাৎ খুকী নয়, এই না? চিঠির ভাষাতেই তা বেশ বোঝা যাচ্ছে। পরের চিঠি এভাবে কেড়ে নেওয়া আমার পক্ষে মোটেই উচিত হয়নি... নিজেকে ধিক্কার দিতে ইচ্ছা করছে। সিঁড়ি দিয়ে আসার সময় স্বচক্ষে তামাশাটা দেখার পর আমার মাথায় বেশ রাগ চেপে গিয়েছিল। রাস্তা দিয়ে দেয়াল বেয়ে চিঠি আসা দেখে তোমার লম্বা ঝাঁকড়া চুলের প্রেমিক তখন আনন্দে আত্মহারা। আমার মতে এটা নিন্দনীয় কাজ, নয় কি?

—হ্যাঁ খুব খারাপ কাজ, লোকটাকে বেশ দু'ঘা বসিয়ে দেওয়া উচিত— স্টোভ বন্ধ করতে করতে কথা বলল।

—কেন? শীলার গলার স্বরে অব্যক্ত আত্ননাদ। চায়ের কাপ নেবার জন্য উঠে দাঁড়াতে দাঁড়াতে কথা বললে— এরা প্রেমের পূজারী নয়, এরা দেহের ভিখারী।

—এতে ক্ষতিটাই বা কি? শীলা চাপা গলায় প্রশ্ন করল।

—ক্ষতির বিষয় জানতে চান? এই বাসনার বহ্নিশিখায় আমি আমার বাড়িতে ছুটি প্রাণের আহুতি চোখের সামনে হতে দেখেছি। কত মেয়েরা এই পিচ্ছিল পথে একবার পা বাড়িয়ে চিরজীবনের মত এই গভীর খাদে পড়ে গেছে।

—এর জন্যে দোষী আমাদের সামাজিক ব্যবস্থা। দেহের

ক্ষুধাকে ঘণিত চোখে দেখার কোন সঠিক কারণ আমি ভেবে উঠতে পারছি না— যদি পেটের ক্ষুধা মেটানো পাপকর্ম নয়, তবে দেহের ক্ষুধা মেটানো পাপ কেন?

—ডাক্তার, এসব তোমার মনের কথা নয়, আমার পরীক্ষা নেবার ছলনা মাত্র? কণ্ঠার প্রতিটি কথা আগুনের ফুলকির চেয়ে কম মনে হল না। সজ্জন চুপচাপ বসে চা খেতে খেতে ছুঁজনের কথা শুনছে। কণ্ঠার যুক্তি আর শীলার ফাঁকা তর্ক, দুই বিপরীত বিচারধারার মধ্যে সে স্তব্ধ হয়ে গেছে। কণ্ঠার প্রশ্নের উত্তরে শীলা ফিকে হাসি হেসে বললে— যদি আমি বলি এ আমার মনের কথা, তাহলে?

—তাহলে তোমার সঙ্গে আমার ঘনিষ্ঠতা হতেই পারে না।

—এত ঘেরা?

—এই তো আমার সঞ্চিত ধন।

—কখনো তাকে কোন কারণেই হারাতে রাজী নও?

কণ্ঠা সজ্জনের দিকে একনজর দেখে বললে— এর উত্তর অণু কোন সময় দেব।

—যাকগে, তবে একটা কথার উত্তর দেবে? মানুষের দুর্বলতার পেছনে কি লুকিয়ে আছে? যে লোকটি এখানে এসে পরজ্ঞীর সঙ্গে প্রেম করছে, হয়তো এর স্ত্রী একেবারেই গৈয়ো ভূত। তাই বেচারী প্রেমের পিপাসা মেটাবার জন্তে...

—তবু এ আমার সহানুভূতির পাত্র হতে পারে না। নিজের ক্ষুধার জন্তু পরের জীবন নষ্ট করতে দ্বিধাবোধ করছে না।

—আমি এবার বুঝতে পেরেছি, তোমার আপত্তি কোন্‌খানে। বর্তমান সামাজিক গঠনে এরা মেয়েদের নষ্ট করার সুযোগ পাচ্ছে,

তাই নয় ? ধরো যদি সমাজ-গঠনে আমূল পরিবর্তন এনে দেয়া যায়, তা হলে ?

—তখনও ব্যাভিচারীর জন্ত ভদ্রসমাজে কোন স্থান থাকবে না। শীলা গম্ভীর, চুপ। কণ্ঠা ঠাণ্ডা চায়ে চুমুক দিতে দিতে সজ্জনকে জিজ্ঞেস করলে— আর-এক কাপ দেব ?

সজ্জন কাপ এগিয়ে দিলে।

—কখনো কখনো এমনও হতে পারে, ধরো আমি বিবাহিতা, ছেলেমেয়ের মা, স্বামীকে ভালোবাসি অথচ সজ্জনের মত এক ভদ্রলোক আমায় প্রভাবিত করতে পারে। ভদ্রলোকও বিবাহিত, ধীরে ধীরে আমরা পরস্পরের বন্ধু হয়ে যাই— এরমধ্যে যদি কখনো আমরা দেহের...

—আমি তোমাদের দু'জনকেই তাহলে ঘেন্না করব।

শীলা হার মানা অনুনয়ের স্বরে বললে— তুমি বড় জেদী মেয়ে। ঘৃণা বড় জিনিস নয়। মানুষকে তার দোষগুণের সঙ্গে ভালোবাসতে শেখো, তাকে আপন করতে শেখো। মনুষ্যত্ব মানুষের চারিত্রিক পবিত্রতা থেকে অনেক বড়।

তালি বাজিয়ে সজ্জন হেসে বনকন্টার দিকে চেয়ে বললে— হিয়র হিয়র, এ ভেবো না আমি তোমার বিরুদ্ধে ভোট দিচ্ছি, কিন্তু শীলাকে বাহবা দিয়া দিয়ে পারছি না। সত্যি শীলা, তোমার মনটা খুব অনুভূতিশীল, স্পর্শকাতর। তবু একটা কথার উত্তর আমাকে দাও— তোমার মনুষ্যত্বের মাপদণ্ডে তোমার অনুভূতির স্থান কোথায় ?

শীলাকে বড় করুণ দেখাচ্ছিল— পাপকে ঘৃণা করো কিন্তু পাপীকে ভালোবাসতে শেখো। তোমার প্রেমের স্পর্শে হয়তো সে কোনদিন তার ভুল বুঝতে পেরে প্রায়শ্চিত্ত করতে পারে।



—আমি আপনার অহিংসা পথের পথিক হতে চাই না। পাপকে শেষ করার জন্যে পাপীর গর্দান কাটাই শ্রেয়।

শীলা নিজের দুর্বলতাকে ঢাকবার চেষ্টা করে মলিন হেসে বললে— এই মেয়ে তোমাকে বিয়ের পর পিঞ্জরে আটকে রাখবে, বুঝেছ দুর্জন মশাই?

কন্যা হেসে উত্তর দিলে— যদি পিঞ্জরে থাকতেই হবে তা হলে বিয়ে করার দরকারটা কি?

—নামটাই সজ্জন কিন্তু আসলে এ মোটেই তা নয়। তাই আমি একে দুর্জন বলে ডাকি।

শীলার উক্তি সজ্জনের গায়ে বিঁধল কিন্তু সে চুপ করে রইল।

—আপনি এঁকে কাল পর্যন্ত দেখেছেন, আমি এঁকে আজ এই মুহূর্ত থেকে দেখছি। বিগত দিনের কথা আমি জানতে চাই না, কিন্তু ভবিষ্যতে যদি কোনদিন এঁর জন্য আমার গায়ে কোনরকম আঁচড়... আবেগে কন্যার গলার স্বর বুজে এসেছে, কপালে বিন্দু বিন্দু ঘাম দেখা দিয়েছে। সজ্জন অস্বস্তির নিশ্বাস ফেলে নড়েচড়ে বসল।

শীলা পাষাণের নিশ্চল প্রতিমার মত মাথা নীচু করে বসে রইল।

## একুশ

আজ সারাদিন কণ্ঠার উপস্থিতিতে সজ্জন এক নতুন পরিস্থিতির সম্মুখীন। ঝড়বাদলের আগে বাতাস যেমন ভারী হয়ে ওঠে, নারীর উপস্থিতিতে পুরুষের মনে আবেগের বশে দেখা দেয় উদ্বেগ আর আশঙ্কা। শীলা চলে যেতেই সজ্জন একটু ভালোভাবে হাত-পা ঝাড়া হয়ে বসতে বসতে বললে— আমার চরিত্রে যদি কোনদিন ব্যভিচার দেখতে পাও, তা হলে কী করবে কণ্ঠা?

—বউদির মত আগুনে পুড়ে মরব। উত্তর শুনে সজ্জন কাঁচুমাচু হয়ে আমতা আমতা করে বললে— আবে ছিঃ, পাগল হয়েছে?

—পরের আগুন নিয়ে আলোচনা করা খুব সহজ, কিন্তু তোমার চরিত্রে আগুনের ছোঁয়া সহ্য করা আমার পক্ষে সম্ভব নয়।

—কিন্তু ধরো, যদি আমাদের বিয়ে সম্ভব না হয় তা হলে?

—বিয়ে না হয় না হোক, তাই বলে এ সম্পর্ক ছিন্ন হতে পারে না। কণ্ঠা হেসে ফেললে— এ সম্পর্কের সূত্রপাত আমিই করেছি, যদিও তাতে রূপ দিয়েছ তুমি। সম্পর্কটাকে বজায় রাখার ভার আমার, কিন্তু তাকে রূপেরসে পরিপূর্ণ করার ভার তোমার।

সারাদিন কণ্ঠা তাকে নিজের কড়া শাসনে রাখার চেষ্টা করেছে। তাকে নিয়ে কর্নেলের কাছে যাওয়া, মথুরার উকিলকে নিয়ে

ম্যাজিস্ট্রেটের বাড়িতে গিয়ে স্বর্গীয়া বউদির হাতের লেখা চিঠি দেওয়া, পর পর সব কাজ সে বেশ নিপুণভাবে সেরে ফেলেছে।

ম্যাজিস্ট্রেটের বাড়ি থেকে বেরিয়ে কর্নেল কন্যাকে একটু বাজারের দিকে পাঠিয়ে দিলে, এতক্ষণে সজ্জন হাঁপ ছাড়ল। আজ সে নিশ্চিত যে কন্যা তার জীবনে পাকাপাকি ঘর বাঁধবেই, তার লাগাম বড়ই শক্ত। এ কথা সত্য যে যতনে রতন মেলে কিন্তু মন দেওয়া-নেওয়ার মাঝে এই সংযমের বাঁধকে টিকিয়ে রাখা কি সম্ভব হবে? উফ্! আর যেন সে ভাবতে পারছে না, কন্যার আকর্ষণের জালে ছটফট করতে করতে শেষে সে কি পাগল হয়ে যাবে।

সজ্জন গাড়ি নিয়ে সোজা গোমতীর ধারে পাগুলা আশ্রমে এসে হাজির হল। সেখানে অদ্বুত কাণ্ডকারখানা। পাকা বারহুয়ারীর চারিদিক আট-দশটা খাটিয়া পাতা, সামনে শুকনো ঘাসের ছাশ্মরের নীচে কৌপীনধারী যুবক রান্না করছে। মেয়েমানুষ রুগী ছাড়া বাকী সব পুরুষ রুগীদের মাথা ন্যাড়া আর কৌপীন আঁটা। ওপাশে কোণে মাটিতে জাঁতা পোঁতা রয়েছে। বাইরে একজন বৃদ্ধ সাধু গরম সোয়েটার পরে, কানে গামছা বেঁধে দু-তিনজনের সঙ্গে কথা বলেছেন। এক মারোয়াড়ী যুবক গীতা পাঠ করে উপদেশামৃত দিতে ব্যস্ত। বেঁটেখাটো এক বাঙালী ভদ্রলোক তাঁর সায়েবের গল্প শোনাতে মশগুল। থামে লোহার চেন দিয়ে বাঁধা এক পালোয়ান নিজেকে বন্ধনমুক্ত করার চেষ্টা করছে আর এক নিঃশ্বাসে হাজারটা গালাগালি দিয়ে বাবাজীর ভূত ভাগাচ্ছে। তার পাশে অন্য থামে বাঁধা এক জঙ্গলের ঠিকেদার হুমকি দিয়ে চলেছে—এ শালা পাকিস্তানী এজেন্ট।

রোজ রাতিরে এর এরোপ্লেন আসে। আমার আড়াই লক্ষ টাকা নিয়ে পালিয়েছে। মাঝ রাতে একে মেরে ফেলে আমরা উড়োজাহাজে পালিয়ে যাব। যোগাসনে বসার মত এক হাড়-জির-জিরে সিঁদ্ধি যুবক গালে জল ভরে গাল ফুলিয়ে বাবু হয়ে বসে আছে। হুজন মেয়েমানুষ গোমতী থেকে বালতি করে জল নিয়ে আসছে, তাদের মাথাও ঝাড়া। ক্যাপ্টেন রাজেশের পাগলা স্ত্রী শুয়ে ছিল আর ঠিক সে সময় তার মাথার চুল কেটে দেওয়া হয়।

সজ্জনকে দেখেই বুদ্ধ সাধু প্রসন্ন হেসে অভ্যর্থনা জানানেন, এতক্ষণে ওরই প্রতীক্ষায় ছিলেন। —রামজী আপনি সকালে সময়মত এসে আমার অনেক উপকার করলেন। লক্ষ টাকা দিলেও খুসী হতাম না। সামনে বসা লোকদের দিকে তাকিয়ে বললেন— এই রামজীই সকালে আমাকে বাঁচিয়েছে। এর কথাই জালে পাগলী সুড়-সুড় করে চলে এল।

সামনে বসা পণ্ডিতজী টিপ্পুনি কাটলেন— পৃথিবীতে এখনো উপকারী জীবের সম্পূর্ণ অভাব হয়নি মহারাজ। আপনাদের পুণ্য প্রতাপের দৌলতে এখনো পৃথিবী টিকে আছে। আজ বাজারে কত লোকের মুখে শুনতে পেলাম যে হয়তো বাবাজী এই মেয়েমানুষটির ওপর অনুচিত... আরে রামো রামো, আমি ভাবতেই পারি না, আপনার মত মহাত্মা...

—আমি সেবক মাত্র, না সাধু না বৈরাগী। আমার গুরু আমাকে উপদেশ দিতে আর গুরুদক্ষিণা নিতে কার্পণ্য করেন নি। একহাতে দিয়ে অন্য হাতে ফেরত নিয়েছেন। যা উপদেশ দিয়েছেন তাই আবার বচনের মোড়কে বেঁধে ফেরত নিয়েছেন। উপদেশ দিয়েছিলেন যে ছনিয়াটাকে আমারই রূপ ভেবে কোপীন

এঁটে তার সেবায় লেগে যাও, শেষ নিশ্বাস পর্যন্ত সেবায় যেন কোন ক্রটি না হয়। আমি রামজী এইটুকুই জানি।

ইঠাং সেই সিদ্ধি যুবক একলাফে খাটিয়া থেকে উঠে নালীতে গিয়ে হড়হড় করে খানিকটা বমি করে ফেললে। মেঝে, তার কাপড়-চোপড় সব নোংরা হয়ে গেল।

—এ আবার কি করলে? বলতে বলতে বাবাজী হনহনিয়ে সেইদিকে গেলেন। সজ্জনের মাথা ঝিম ঝিম করতে লাগল— ওহঃ বাড়িতে একজন পাগলের দেখাশোনা করতে হলে বাড়ির লোকদের মাথা ঘুরে যায় আর এখানে কত পাগল। চারিদিকে মারপিট হৈ হল্লা, মুখ খিস্তি।

—আপনাকে কি দিয়ে খাতির করব রামজী? সিদ্ধির শখটখ আছে নাকি? আনাব একটু?

—না না, আপনার আশীর্বাদই যথেষ্ট, ব্যস্ত হবেন না।

—একটু তাহলে চা খেয়ে যেতে হবে। আমার আশ্রমে এলেন আর কিছু খাবেন না, সে কি কথা।

—আপনি উন্টে কথা বলছেন, আমার উচিত আপনার সেবা করা।

—রামজী, মানুষের উচিত মানুষের সেবায় দীক্ষিত হওয়া। সেবায়ের অভাবে মানুষ ভুলভ্রান্তির জালে জড়িয়ে পথ ভুলে যায়।

—আপনার কথার অর্থ আমি ঠিক বুঝতে পারলাম না।

—খাঁটি সেবক সর্বদা শাস্ত আর সতর্ক থাকে। হাজার ভুল হলেও সে তার মনের শাস্তি হারায় না রামজী।

—আপনি সেবক হতে কেন উপদেশ দেন? দাস মনোভাব থাকা কি সমীচীন?

মুচকি হেসে বাবাজী বললেন— একই কথা রামজী। প্রথম জীবনে আমি মোটর সারানোর কাজ করতাম। মালিকের সঙ্গে খটাখটি হতে সোজা বিদ্রোহে চলে গেলাম। ত্রিকুটিতে গিয়ে ধ্যান, নির্জলা উপোস, কতরকমই করলাম। সেখানেই এক মহাত্মার দর্শন, তিনি জ্ঞান অমৃত দিয়ে বললেন— নিজের ডিউটি ছেড়ে পালিয়ে এখানে কী করছিস? যা দুনিয়াতে গিয়ে প্রাণীর সেবা কর। গুরু ঠিকই বলেছিলেন নিজের ডিউটি না করে কেউ নিজের কর্তা হতে পারে না, আমি কিন্তু সেবকের পদমর্যাদাতেই সম্বৃত্ত...

বাবাজীর ব্যক্তিত্বের প্রভাবে সজ্জনের মন শ্রদ্ধায় নত হল। তাঁর সেবাধর্মে আছে তৃপ্তি, আছে বিশ্বজগতের আত্মচেতনা। আমি সজ্জন বর্মা কেন সাধুসন্ন্যাসীর চক্রে ঘুরে বেড়াচ্ছি? সেবাধর্মের মহিমা হয়তো বিবেকানন্দ, গান্ধীজীর মত ব্যক্তিত্বের থেকেও মহান। সেবা... হঠাৎ চাকরবাকর, ড্রাইভার, পুরুত, মালী, বাবুর্চী, দেওয়ানজী, ক্লার্ক, পাহাড়ী চৌকিদার— সকলের সমবেত চিত্র তার সামনে ভাসতে লাগল। সে নিজে একাই এতগুলো লোক খাটাবার জন্মসিদ্ধ অধিকার রাখে, তারা তাকে সর্বক্ষণ হুজুর মা বাপ মালিক বলে খোশামোদ করে থাকে। নম্রতার প্রতিদানে তাদের ভাগ্যে জোটে সজ্জনের বকুনি গালাগালি আর ভ্রমকি। দূর থেকে ফুলের সুগন্ধ ঘ্রাণ নেওয়া সহজ, কিন্তু ফুলকে স্পর্শ করে আনন্দ উপভোগ করা ততই কঠিন। নিজের মনের বাসনার জ্বালায় আজ সে পরাজিত। নৈতিক মনোবল সে হারিয়ে ফেলেছে। সুদীর্ঘ বত্রিশ বছরেও সে নিজেকে চিনতে পারেন না। এতদিন পর্যন্ত সে কি তার পাপের বোঝা বাড়িয়ে চলেছে? যা ভেবেছে তাই করেছে, অসংযত মনে সংযমের

লাগামের অভাবে সে ভুলপথে এলোপাথারি ঘুরছে, তা হলে কি সে খারাপ লোক—পাপী?

—আপনি কিছু ভুল করেননি রামজী, অভিজ্ঞতার ভাণ্ডার সঞ্চয় করা ভুল নয়। আমার নিজের জীবনের ঘটনা শুনবেন?

বাবাজীর মুখে তার মনের প্রশ্ন শুনে সজ্জন চমকে উঠল। বাবাজী বললেন—প্রথম জীবনে আমি মোটর মেকানিকের কাজ করতাম। সবে তখন এ দেশে নতুন নতুন মোটর গাড়ি এসেছে। হাতের কাজ জানা লোকের তখন অভাব। ইউরোপীয়ান সায়েবরা খুসী হয়ে বকশিশ দিত। আমার সব মিলিয়ে প্রায় মানে আড়াই শো টাকার মত রোজকার হ'ত। আমার মত গাঁয়ের ভূত পয়সার গরমে অহংকারে সাপের পাঁচ পা দেখল। আজ থেকে পঞ্চাশ বছর আগে ছ'শো-আড়াইশো টাকা মানে অনেক টাকা। হাতে ছ'পয়সা হতেই সাহেব সাজার শখে কোট প্যান্ট পরলাম। ছ'বেলা নিয়ম করে একসারসাইজ করা, সিদ্ধি ঘোঁটা, ঘি দুধ রাবড়ি খাওয়া, মানে রাজের হালে থাকতে লাগলাম। খরচখরচা বাদে বাকী যা একশো সওয়া শো বাঁচত, বাবাকে মনিঅর্ডার করে দিতাম। ভালো ভালো আহারের কলে মুটিয়ে গেলাম। গোড়া থেকেই ডিউটি জ্ঞান আমার টনটনে। আদিম বাসনাকে সদাই উপেক্ষা করে চলার মত চরিত্রের মনোবল আমার ছিল। পালোয়ানী করার শখ ছিল তাই সর্বদাই বুক চিতিয়ে হাঁটতাম। একদিন একটি লোক আমার বিরুদ্ধে মালিকের কানে ভুজুংভাজুং দিলে—আমার ওপরে মালিকের পয়সা চুরি করার অভিযোগ শুনেই আমার মাথায় রক্ত চড়ে গেল। মিথ্যে বদনাম সহ্য করার পাত্র আমি নই। দিনের বেলা যে ট্রাকটা সারাচ্ছিলাম সেটাকেই

বিকেলে চালিয়ে দেখার বাহানা করে বেরিয়ে পড়লাম। নিজের ঘরের সামনে দাঁড় করিয়ে বেশ অনেকখানি সিদ্ধি খেললাম। তারপর মাঝ রাস্তিরে ট্রাক নিয়ে সোজা ফুটপাথের ওপর চালিয়ে দিলাম। সেই লোকটা খাটিয়া বিছিয়ে ফুটপাথের ওপর শুয়ে ছিল। বাস, আর দেখতে হল না, হাড়গোড় সব গুঁড়িয়ে গেল। আমি ফুল স্পীডে ট্রাক চালিয়ে দেয়াল টেয়াল ভেঙে সোজা কারখানায় এসে হাজির। আমার মালিক, এক ইংরেজ সায়েব সেই কম্পাউণ্ডেই থাকতেন। সোজা তাঁর কাছে গিয়ে সব ঘটনা খোলাখুলি ভাবে বলে দিলাম। সায়েব আমার কাজে খুব সন্তুষ্ট ছিল, তাই সব-কিছু শোনার পর বেশ চিন্তিত হ'ল। কিছুক্ষণ ভেবেচিন্তে সে আমাক বললে— আচ্ছা যাও, সত্যি কথা আমাকে বলে ভালোই করলে কিন্তু একজন খুনীকে কারখানায় রাখা আমার দ্বারা সম্ভব নয়... যা বলছিলাম রামজী, মূর্থ মানুষ অভিজ্ঞতায় ঠেকে শিখে তারপর সদৃশ সঞ্চয় করার চেষ্টা করে।

বাবাজীর কাহিনী শুনে সজ্জনের মনে এক অদ্ভুত প্রতিক্রিয়া হল। খুনী আর সেবাব্রতধারী বাবাজী দুই রূপের কল্পনা তার মনে ধাঁধার সৃষ্টি করল। বাবাজীর জীবনের অদ্ভুত কাহিনী তার জিজ্ঞাসু মনকে প্রশ্নর কুয়াশায় ঘিরে ফেলল। তার মুখের দিকে চেয়ে বাবাজী বললেন— কুয়াশা যতই বাড়াবে ততই অন্ধকার হয়ে আসবে। যতই ছেঁটে ফেলার চেষ্টা করবে, ততই আলোকের সন্ধান পাবে।

বাবাজীর কথা শুনে সজ্জন আবার চমকে উঠল। তিনি হেসে বললেন— আশ্চর্য হবার এতে কিছুই নেই রামজী। তুলসীদাসজী ঠিকই বলে গেছেন, সকল পদার্থ এ জগমাহী, কর্মহীন নর পাবত নাই।



বসে বসে সজ্জনের চোখ ঘুমে বুজে এল। নানা চিন্তা তার মাথায়। তার মনে হল যেন বাবাজীর চোখের জ্যোতির আবেশে তার হৃদয় উন্মিলিত হচ্ছে। সে অনুভব করল যেন তার অন্ধকার হৃদয়ে জ্যোতির উৎসারণ হয়েছে, সেই আলোতে সে অন্তরীক্ষে বনবন করে ঘুরে চলেছে আর তাঁর দৃষ্টি অসীমকে ধরার চেষ্টা করছে। নিজের দাস্তিক স্বভাবের জ্ঞাত সে সহজে পরাজয় স্বীকার করতে রাজী নয়। ভীষণ ঘুমে চোখের পাতা বুজে আসছে... এমন সময় সামনে ছোট এলাচ, দারচিনি আর মোরী দেয়া বেশ কড়া এক গেলাস চা দেখে তার ঘুমের ঘোর অনেকটা কেটে গেল।

## বাইশ

বাবাজীর আশ্রম থেকে ফিরতি পথে রাস্তায় মহিপালের সঙ্গে দেখা। সে একমনে ছতর মঞ্জিলের পাশ দিয়ে মাথা হেঁট করে হেঁটে যাচ্ছিল। সজ্জনের ডাকে সাড়া দিয়ে বললে— যাক, ভালোই হল তোমার সঙ্গে দেখা হয়ে। আমাকে শীলার বাড়ি পর্যন্ত ছেড়ে দিও। গাড়িতে মহিপাল একথা-সেকথার পর কণ্ঠা আর সজ্জনের বিষয়ে তার মন্তব্য আরম্ভ করলে। শীলার সঙ্গে কণ্ঠার তুলনা হতেই সজ্জন আর চুপ করে থাকতে পারল না— শীলাকে আমি শ্রদ্ধা করি কিন্তু কণ্ঠার সঙ্গে তার

তুলনা করা নিরর্থক। আমার স্বর্গীয়া মা ছাড়া কণ্ঠা নিষ্ঠায় অশ্রু মেয়েদের থেকে অনেক শ্রেষ্ঠ।

—নিষ্ঠায় আমার বিবাহিতা স্ত্রীও কারো চেয়ে কম নয়।

—তবে? তাকে ছেড়ে শীলা....।

—শীলা আমার জীবনে নেশার অভাব মেটায়। তুমি জানো, আমি মদ খাওয়া বড় একটা পছন্দ করি না কিন্তু শীলার সঙ্গে আমার জীবনের উপরি নেশা নয়, সেখানে আমি পাই অন্তরের মিল। সজ্জন, তোমাকে মিথ্যে বলছি না, পকেট শূণ্য অবস্থায় আমার জীবন-সংগ্রামের কাহিনী তুমি ভালোভাবেই জানো। আমার রিক্ত জীবনপাত্রে সে সুখা ঢেলেছে। আমার অন্তরে যে হাহাকার তার কল্পনা করা হয়তো তোমার পক্ষে সম্ভব হবে না। বুকের কাছে তীব্র বেদনা। শীলা আমার অর্থহীন ক্লান্ত জীবনের মনোবল। কর্নেলকে দেখলে আমি আমার হারানো সুর খুঁজে পাই, কিন্তু তোমাকে দেখা মাত্রই মন ভারাক্রান্ত হয়ে যায়। কিছু মনে করলে না তো?

—হতে পারে। কিন্তু নতুনত্বের আকর্ষণে নিরপেক্ষ হয়ে তুমি তোমার বিবাহিতা স্ত্রীর চেয়ে শীলাকে বেশি মর্যাদা দিতে পারবে? আমি নিজেকেই নিজে চিনতে পারি না, তবু আজ আমার মন অতিরিক্ত চঞ্চল। মাঝে মাঝে কী মনে হয় জানো? কণ্ঠার মত মেয়েকে স্ত্রীরূপে পেয়ে আমি হয়তো সুখী হতে পারব না।

—কল্যাণীকে নিয়ে আমার যা সমস্যা, তোমারও ঠিক তাই না কি?

—আবার ভাবি যে কণ্ঠার মত খাঁটি সোনার আভরণে হীরের জৌলুসের একান্ত প্রয়োজন। আমার ক্ষণিক দুর্বলতাকে জয়

করার পণ নিয়েই সে আমার জীবনে এসেছে। আমার চরিত্রের দুর্বলতা আমাকে হাজার টানার চেষ্টা করলেও আমি জানি যে শেষকালে কণ্ঠার নিষ্ঠার সামনে তারা হাঁটু গেড়ে পরাজয় স্বীকার করতে বাধ্য হবে।

সজ্জনের কথা শুনে মহিপাল ছটফট করে উঠল— না না, কল্যাণীর জন্য শীলাকে ত্যাগ সম্ভব নয়।

গাড়ি থেকে নেমে মহিপাল শীলার কাছে এল, বুকে মুখ লুকিয়ে বলল— তুমিই আমার জীবনের দুর্বলতা, তুমি আমাকে ছেড়ে যেও না।

তার চুলে মাড়ুল বোলাতে বোলাতে গভীর অনুরাগে শীলা বললে— ছেড়ে যাবার কথা তোমার মনে কেন ওঠে? অপবাদকে এত ভয়?

—না না, লোকের বলাবলির আমি পরোয়া করি না। সত্যি কথা স্বীকার করতে আমার লজ্জা নেই, আমার নিজের মন আমাকে ধিক্কার দেয়। বিশ্বজগতের সৃষ্টিকর্তা ঈশ্বর অন্তর্যামী, তাঁকে ভয় করি। পরের অধিকার কেড়ে নেওয়া পাপ ছাড়া আর কি?

—এ কথা মেনে নিতে পারলুম না। আমরা মনুষ্যজীবনের জন্মসিদ্ধ অধিকার চাইছি। আমরা দু'জনে পরস্পরের সুখ-দুঃখ-বেদনার সঙ্গী হয়ে বেঁচে থাকতে চাই। আমাদের এ সম্পর্ক পাপ নয়।

—হ্যাঁ, তবু কল্যাণীর কথা একবার ভেবে দেখেছ? তার জীবন কত একনিষ্ঠ, পবিত্র।

—ঠিক আছে, একনিষ্ঠ হয়ে থাকাই তার স্বভাব হয়ে গেছে।

সে বাঁধা পড়েছে সেই একই সংস্কারের ডোরে। সে তোমার বিবাহিতা স্ত্রী তবু আমরা তার চেয়ে আদর্শের মাপকাঠিতে কম কিসে? আমরা একনিষ্ঠতার দাস হয়ে বাঁচতে চাই না এই কি আমাদের অপরাধ?

—লোকেদের মত হয়তো আমারও স্বভাব হয়ে গেছে... কিছু ভেবে উঠতে পারছি না। দুর্ঘোষনের মত মানসিক অবস্থার শিকার হয়ে গেছি। ধর্মকে জানা এবং বোঝা সত্ত্বেও তাতে বিশেষ রুচি নেই আর অধর্মের হাত থেকে রেহাইও পাচ্ছি না। মনের ডাকে ভেসে চলেছি (দীর্ঘশ্বাস ফেলে) শুধু ভেসে চলেছি।

—এই দর্শনশাস্ত্র সব থেকে ভালো। মানুষ যদি তার ইমোশনাল নীড্‌স বুঝতে শেখে, তবেই তার থেকে মুক্ত হতে পারে। তোমার কল্যাণী যদি আজ তোমার চরিত্রের এই অভাব পূরণ করতে সক্ষম হত, তা হলে আজ তুমিও একনিষ্ঠ হয়ে জীবন অতিবাহিত করতে। এতদিনের পরিচয়ে তোমাকে চিনতে আশা করি আমার ভুল হয়নি, যে-কোন শ্রেষ্ঠ আদর্শবাদীর সামনে তুমি মাথা উচু করে দাঁড়াতে পারো।

প্রশংসা শুনে মহিপাল আনন্দে আত্মহারা। আলিঙ্গনবদ্ধ মহিপাল আর শীলার হৃদয় একসঙ্গে ঝনঝনিয়া বেজে উঠল।

একটু পরে নিজেকে মামলে নিয়ে মহিপাল শীলাকে বললে— শীলা, আমাদের বেশ বয়স হয়ে গেছে। তর্কবুদ্ধি অন্ধ যৌবনের তরঙ্গকে লাগাম লাগিয়ে রাশ টেনে ধরে। ভবিষ্যতের কল্পনা করা বৃথা, আমার বুদ্ধি যেন ভোঁতা হয়ে গেছে। আমার বাড়ির লোকেদের কানে উঠেছে। একা কল্যাণীর বিরুদ্ধে বিদ্রোহ করে

তোমার সঙ্গে সম্পর্ক রাখা সম্ভব ছিল, কিন্তু ছেলেমেয়েদের সামনে তা কি করে সম্ভব? তারা আমাদের বিষয় কী মনে করবে? তোমাকে আমি আমার জীবনের প্রেরণা হিসেবে মর্যাদা দিয়ে থাকি আর তারা তোমায় নীচ, কুলটা, ঘর-ভাঙানি কত কী নাম দেবে— আমি তা কী করে সহ্য করব বলো? সংসার, ছেলে-মেয়েদের প্রতি কর্তব্যের আহ্বান শুনতে গেলে তোমাকে ত্যাগ করতেই হবে। যদি তোমার সঙ্গে সম্পর্ককে নির্ণায়ক ভিত্তি দিতে চাই তা হলে আমার সমস্ত জীবনটাই ব্যর্থ হয়ে যাবে।

— কেন?

—তোমার কাছে থাকার সংকল্পের সঙ্গে জড়িয়ে আছে আমার সংসারের ভবিষ্যৎ। তাদের থেকে আলাদা থাকতে গেলে আমাকে সংসার-খরচ হিসেবে মাসোহারা দিতে হবে... তবু আমরা এক বাড়িতে, এক জায়গায় থাকতে পারব না। লোকেরা অপবাদ দেবে তোমার পয়সার লোভে আমি তোমার দরজায় পড়ে আছি।

—তুমি তোমার সংসার ছাড়তে যাবে কোন্‌ হুঁখে? এসব এলোমেলো কথা ভাবছ কেন?

—আর কী উপায় আছে বলো?

—ডোন্ট বি ফানি মাই ডিয়র— তুমি বড্ড বেশী ভাবুক হয়ে পড়ছ। কল্যাণী আর ছেলেমেয়েরা সূর্যের মতই তোমার জীবন আলোকিত করে রেখেছে। তাদের থেকে দূরে গিয়ে তুমি নিজেকে হারিয়ে ফেলবে। আমরা, হ্যাঁ, আমরা নিজেকে সম্পর্ক শেষ করে ফেলতে পারি কিন্তু হুঁজনেরই জীবন অর্থহীন হয়ে যাবে। তুমি ঠিকই বলেছিলে, আমাদের বয়েস হয়ে গেছে। এ

বয়সে আমাদের সম্পর্ক দৈহিকের চেয়ে মানসিকই বেশী। আজ থেকে আট-দশ বছর আগে যদি তোমার সঙ্গে এ ধরনের সম্পর্ক গড়ে উঠত, তা হলে হয়তো তোমার বিরহে কিছুদিন চোখের জলে বুক ভাসিয়ে আবার নতুনের কল্লনায় ডুবে যেতাম। এখন, জীবনের যে সন্ধিক্ষণে এসে আমরা দাঁড়িয়েছি সেখান থেকে চোখের জল ফেলে রিক্ত হাতে ফিরে যেতে আমি পারব না।

—শীলা, তাই করো। তোমার কাছে থাকলে আমি হয়তো পৃথ্বী হতে পারব কিন্তু তুমি অশান্তির আগুনে দিনরাত জলে পুড়ে মরবে। তুমি ভেবে নাও যে আমি এ পৃথিবী থেকে বিদায় নিয়েছি। কিছুদিন পরে ভালো দেখে শুনে কোন ভদ্রলোককে বিয়ে-থা করে শান্তিতে থাকার চেষ্টা করো। এবার কিন্তু জীবনের পাকা হিসেব-নিকেশ করে নিও। মানবসমাজে থাকতে গেলে বিয়ের বন্ধনে ধরা দেওয়াই বুদ্ধিমানের কাজ।

—ভেবে নাও, আমার বিয়ে হয়ে গেছে। ভবিষ্যতে আর কখনো এ-সব বাজে কথা মুখ দিয়ে বার করবে না বলে দিলাম কিন্তু।

—কর্নেল সায়েবের টেলিফোন হুজুর— চাকর দরজার পর্দা আড়ালে দাঁড়িয়ে আওয়াজ দিল। হুঁজনে চমকে দরজার দিবে তাকালে।

—কাকে চান? শীলা প্রশ্ন করলে।

—হুঁজনেরই নাম বলছেন হুজুর।

—যাও, তুমিই কথা বলে নাও। আমি এখানে আছি। তাকে বলে দিও এ সময়ে আমি একটু একা থাকতে চাই।

শীলা টেলিফোন রিসীভ করতে অস্থির হয়ে চলে গেল। মহিপাল

বিষমভাবে বিছানায় শুয়ে ভাবছে, হয়তো কেউ বাড়ি থেকে তার সন্ধানে কর্নেলের কাছে গিয়ে থাকবে। কাল সকাল থেকে বাড়ির মুখ দেখেনি। কল্যাণী, ছেলেমেয়েরা সকলেই চিন্তিত হয়ে আছে নিশ্চয়— যাকগে চিন্তা করুক, চরিত্রহীন বাপ তার ছেলেমেয়েদের সামনে কোন্ মুখে গিয়ে দাঁড়াবে? কল্যাণী নিজের বুদ্ধির দোষে এতবড় কাণ্ডটা নিছক বাধিয়ে ফেলল। তার মুখ এ জীবনে আর দেখব না।

শীলা ঘরে ঢুকে তার কাছে এসে জিজ্ঞেস করলে— কাল রাস্তিরে কোথায় ছিলে?

মহিপাল উত্তর দিল না, চোখ বুজে শুয়ে রইল।

—কাল থেকে তুমি বাড়ি যাওনি, কাজটা ভালো করোনি কিন্তু। মহিপালের কপালে হাত বোলাতে বোলাতে বললে— একটু কিছু খেয়ে নাও, তারপর আমি তোমায় বাড়ি ছেড়ে আসব।

—না, বাড়ি যাব না। কাল সারারাত ঘুমুতে পারি নি। বাড়িতে গেলে আজ সারারাত ঝগড়াঝাঁটিতেই কেটে যাবে। আমি আজ এত ক্লান্ত হয়তো একটু কথা-কাটাকাটি সহ্য করতে পারব না। কর্নেলকে ফোন করে বলে দাও, বাচ্চাদের বলে দেবে তারা যেন আমার জগে চিন্তা না করে, আমি সজ্জনের বাড়িতেই রাস্তিরে থাকব।

কথা প্রসঙ্গে শীলা জেনে নিলে কাল সারারাত মহিপাল অনাথের মত শীতে কাঁপতে কাঁপতে কাটিয়েছে। সে তাকে যেতে দিল না।

আজ প্রথম মহিপাল শীলার বাড়িতে রাত কাটাবে।

## তেইশ

শ্রীকৃষ্ণের লীলাভূমি মথুরা। কন্যার সঙ্গে এখানে এসেও সজ্জন যেন শাস্তি পাচ্ছে না। আত্মহোমের বহিষ্কারে সর্বক্ষণ তার মন জ্বল পুড়ে যাচ্ছে। দু'দিন মথুরায় কন্যার সামনে সে যেন পরীক্ষার্থীর মত একের পর এক পরীক্ষাই দিয়ে চলেছে। মায়ের কৃষ্ণ-প্রেম, তার নিজের বৈষ্ণবী সংস্কার, দুয়ে মিলিয়ে ভগবানের পায়ে আত্মনিবেদনের জন্ত যেন হুটফুটিয়ে উঠছে।

সজ্জন নিজেকে অষ্টপ্রহর কন্যার সান্নিধ্য থেকে বাঁচিয়ে চলার চেষ্টা করছে। শ্রীকৃষ্ণের পায়ে আত্মসমর্পণ করে আবার নতুন করে ব্রহ্মচারী হওয়ার দৃঢ়সংকল্প করেছে। মথুরায় পৌছোবার পরই সে কন্যাকে বাড়িতে ছেড়ে একাই বেড়াতে বেরুল। বিশ্রাম ঘাট, দ্বারকাধীশ, কিশোরীরমন, বিহারীজী, রাধাকৃষ্ণের মন্দির ঘুরে ঘুরে দর্শন করে সে তার মনের সায়েবীভাবকে জলাঞ্জলি দিয়ে ফেঙ্গলে। তার নিজের মধ্যে সেই অনন্ত মহাশক্তির দর্শনের জন্ত সে ব্যাকুল, যার প্রতাপে এ দেশের জনসাধারণের মধ্যে থেকেই অসাধারণ ব্যক্তিত্বসম্পন্ন মহাপুরুষেরা জন্মগ্রহণ করেছেন। সুরদাসজী আর মীরার ভক্তিশ্রোতের রহস্য কি? জিজ্ঞাসু মনের সমাধানের জন্ত সে প্রত্যেক মন্দিরে ঢুক সেই ব্রজলালার দর্শনের জন্ত আতুর



হয়ে ঘুরল, কিন্তু প্রত্যেক জায়গায় দেখতে পেল কেবল নিছক আড়ম্বর।

টাঙ্গাওয়ালা তাকে কৃষ্ণ ভগবানের জন্মভূমি দেখাতে নিয়ে চলল। কৃষ্ণের জন্মভূমি ভাবতেই তার মনে কোতূহলের সঞ্চার হল। যে কৃষ্ণ ভগবান সাধারণ মানুষের মতই এই পৃথিবীর বুকে কংসের কারাগারে জন্মগ্রহণ করেছিলেন, ঈশ্বরের অবতার রূপে আজ এই ভারতের ঘরে ঘরে তাঁর পূজাচর্চা হয়। হঠাৎ মন্দিরের কাতারের মাঝখানে মসজিদ দেখে সে হকচকিয়ে গেল। টাঙ্গাওয়ালা ইতিহাসের ঘটনা শোনাতে শোনাতে মসজিদের দিকে সংকেত করে বললে—মোগল বাদশাহ ওরঙ্গজেব মন্দিরকে ভেঙে এখানে মসজিদ তৈরী করিয়েছিলেন।

সজ্জনের কানে যেন কেউ খানিকটা তপ্ত শীশে ঢেলে দিলে। বিজাতীয় একটা মনোভাব চাড়া দিয়ে উঠল। সহসা তার মনে হল যেন কৃষ্ণর এই লীলাভূমির ভগ্নস্তূপের মধ্যে পাথরের মসজিদের জায়গায় কণ্ঠা দাঁড়িয়ে আছে। ওরঙ্গজেবের মসজিদের সঙ্গে কেন কণ্ঠার ছবি তার মনে ভেসে উঠছে? মসজিদের কাছে ভগ্নস্তূপের ওপরে হাত রেখে সজ্জন মন দিয়ে কারাগার নিরীক্ষণ করতে লাগল.. মসজিদের দিকে তাকাতেই রাগে তার সর্বাঙ্গ জ্বলে গেল। তার মনকে ভক্তিভাবের সোপানে নিয়ে যাবার পথে যেন একটি বাধার সৃষ্টি করছে, উক্ বিরক্তিতে তার নাকমুখ আপনা হতেই কুঁচকে গেল।

প্রতিহিংসার শিখা তার মনে জ্বলে উঠল, দিল্লীর জুম্মা মসজিদ ভেঙে যদি সেই জায়গায় কেশবদেবের মন্দির তৈরী করানো যায়, তা হলে কেমন হয়? মুসলমানদের ধার্মিক অনুভূতিতে আঘাতটা

কেমন করে বাজবে? মুসলমানদের মধ্যে বড় বড় সুফী, ভক্ত জন্মেছে যারা মসজিদে খোদাকে দেখেছে। কবীর নিষ্ঠূর্ণ রাম-রহিমকে চিনেছেন। মীরা যার প্রেমে আত্মহারা, সুর তুলসী যার ভক্তিসিদ্ধিতে ডুব দিয়ে ভাবসাগর পার হয়ে গেলেন— সেই এক ঈশ্বর।

মসজিদের প্রতি তার মনে প্রতিহিংসার ভাব জাগায় সে নিজেই লজ্জিত বোধ করল। জুম্মা মসজিদের জায়গায় মন্দিরের কল্পনা সত্যিই তার সংকীর্ণ মনের পরিচায়ক, কিন্তু এই মিথ্যে ধর্মান্ধতাকে সে যেন কিছুতেই ক্ষমা করতে পারছে না। প্রত্যেক ধর্মের প্রতিক্রিয়াবাদী শক্তির সঙ্গে যুঝতেই হবে, এইটাই মনুষ্যধর্ম, এইটাই মানুষের কর্তব্য।

যা হয়ে গেছে যাকগে— অভিমান-ক্ষুব্ধ মন ভবিষ্যতে কণ্ঠার সঙ্গে কোন সম্পর্ক রাখতে চায় না। তাকে ঘৃণা, না না, সে তাকে ঘৃণার পাত্র কিছুতেই মনে করতে পারে না। তাকে ঘৃণা করা অনায়াস, মস্ত বড় পাপ। কণ্ঠাই তাকে তার চরিত্রের দৃঢ়তা দিয়েছে। সেই তাকে দিয়েছে নতুন জীবন, নতুন পথের সন্ধান। প্রতিদানে সে তাকে দিয়েছে তার সংকীর্ণ মনের পরিচয়। পরশু দিনের ঘটনার পর সে কণ্ঠার সামনে যাবার সাহস পাচ্ছে না। কণ্ঠাকে মহান... সে নীচ, তা হলে সে এত দান্তিক কেন? তার মনে অহংকার কেন দানা বেঁধেছে? তার পয়সা? না না, পয়সা দিয়ে সস্তা কেনার দিন ফুরিয়ে এসেছে, তবে? সে একজন বড় শিল্পী তাই? এই প্রশ্নের মীমাংসা খুঁজতে সে কি লোভের বশে তার মনের শাস্তি হারাতে চায়?

আত্মগ্লানিতে তার সমস্ত শরীর জর্জরিত। ইংরাজী সভ্যতার

চটক ভক্তির সামনে বেশীক্ষণ মাথা তুলে টিকতে পারল না।  
ঈশ্বরপ্রেমে মাতোয়ারা হয়ে ভেসে যাবার কল্পনা বড়ই মধুর।

\*

\*

\*

কালোঘন রাতের অন্ধকার ধীরে ধীরে নেমে আসছে। নানা  
চিন্তা-আশঙ্কায় কণ্ঠা অস্থির—সজ্জন কোথায় গেলেন? কিছু  
বিপদ-আপদ ঘটেনি তো?

তার স্বর্গীয়া বউদির পদ্ম বান্ধবী এর মধ্যে কতবার সজ্জনের  
খোঁজ নিয়েছে। বান্ধবীর স্বামী লাল। মুরগী মনোহর বেচারি  
ক'বার দোকান থেকে এসে উৎকণ্ঠা প্রকাশ করেছেন। সকালের  
জলখাবার থেকে শুরু করে ছপূরের রান্নাবান্ন। সবই যেন কেমন  
ওলটপালট হয়ে গেছে। সজ্জন এ-বাড়ির হবু জামাই তায় আবার  
বড়লোক। সবাই চিন্তিত—কোথায় গেলেন? কেন এখনো  
ফিরলেন না? পুলিশে রিপোর্ট করা উচিত কি না?

কণ্ঠা কোনমতে আবেগ সামলে কৃত্রিম হাসি হেসে সকলকে  
বোঝাবার চেষ্টা করলে—উনি একজন বড় শিল্পী, হয়তো মন্দিরে  
ঘুরতে ঘুরতে বৃন্দাবন চলে গিয়ে থাকবেন।

রাত্রিবেলা শোবার ঘরে নিজেকে একা পেতেই কণ্ঠার  
হুঁচোখের বাঁধ ভেঙে পড়ল। বিশ্বাস-অবিশ্বাসের দোলায় তার  
মন ছলে উঠল—না না, সজ্জন তাকে এভাবে একা ছেড়ে যেতে  
পারে না, লঙ্কো ফিরে গেলেন না তো? আজ তার সঙ্গে কোন  
কথা-কাটাকাটিও হয় নি—হ্যাঁ, পরশু সকালের ঘটনার পর থেকে  
তিনি যেন কেমন চুপ হয়ে গেছেন কিন্তু আমি তাঁকে আশ্বস্ত  
করার বহু চেষ্টাই করেছি—আমারই ভুল হয়েছে, হ্যাঁ ভুল  
আমারই।

কণ্ঠার চরিত্রে অহংকারের মাত্রা বেশী। এই অহংকারের পেছনে আছে তার নৈতিক শক্তি। বাড়ির নোংরা পরিবেশের মধ্যেই তারা দুই ভাইবোন যৌবনে পদার্পণ করেছে। বড় ভাই বিয়ের ট্রাজেডীর সঙ্গে যুঝতে যুঝতে মানসিক সংযম হারিয়ে পাগল হয়ে গেল। তার অবস্থা দেখে কণ্ঠা নিজের চালচলনে যেন আর-একটা কষে গেরো বাঁধল। এই ঘটনার পর থেকে সকলের সামনে খোলাখুলিভাবে সে গুরুজনদের কুকাজের নিন্দে করতে দ্বিধা বোধ করত না। তার প্রগতিশীল বান্ধবীর উৎসাহে ধীরে ধীরে ইণ্ডিয়ান পীপল্‌স থিয়েটার আর কম্যুনিষ্ট পার্টির সঙ্গে তার যোগাযোগ হল। সে তার বিদ্রোহী মনের খোরাক পেল বটে কিন্তু তার গুরু আর দাদার সংস্পর্শে থাকার জন্য ঈশ্বরের বিরুদ্ধে বিদ্রোহ করায় সে সায দিতে পারল না। যদিও তার প্রগতিশীল মন এতেই সন্তুষ্ট কিন্তু তার বৌদ্ধিক আর ভাবাবেগের বিচারধারার মধ্যে সদাই আলোড়নের সৃষ্টি হচ্ছে।

তার গোপন মনের রহস্যের হাঁড়ি সে মাঝ হাতে ভাঙতে চায় না। বাড়িতে দাদাকে সে সমীহ করে তাই তার সামনে সে কোনদিন কিছু বলতে সাহস করেনি। বাইরের কোন ব্যক্তির কাছে মনের গোপন তথ্য উজাড় করে সে তার চরিত্র সম্বন্ধে সন্দেহের ছায়া সৃষ্টি করতে চায় না। একদিকে বাবার বিকৃত কামক্রীড়া, কাকীমার চরিত্রহীনতা, তার সুন্দর দেহের আশেপাশে ভ্রমরের গুঞ্জন, অশ্লুদিকে ধর্ম এবং আদর্শের সংযম শিক্ষা— দুই বিরুদ্ধ গতির মাঝে সে যেন নির্বাক দর্শক। আজ পর্যন্ত সে সমাজকে যতটুকু দেখেছে তাতে তার ঘৃণার মাত্রা বেড়েছে বই কমে নি। ভারতীয় সমাজে পুরুষেরা সদাই নারী জাতিকে

পায়ের তলায় চেপে রাখার চেষ্টা করেছে। মাঝে মাঝে তার আত্মাভিমানী মন পুরুষের প্রতি বিদ্বেষ করার কথা ভেবে উদ্বেজিত হয়ে ওঠে। যদিও ইদানীং গত ছ'বছর থেকে নানা যুক্তিতর্কের মাধ্যমে সে এক নতুন সিদ্ধান্তে পৌঁচেছে, এবার সে ঠিক করে ফেলেছে যে যদি তার মতই কেউ সিদ্ধান্তবাদী পুরুষ তার জীবনে আসে, তা হলে সে তার গলায় জয়মালা দেবে। এই সিদ্ধান্ত নেবার পর থেকেই সে বেশ শাস্ত ও গম্ভীর হয়ে গেছে।

বউদির আত্মহত্যার পর পুলিশের গোলমালের মধ্যে সজ্জনের সঙ্গে তার পরিচয়। আর্টিস্ট সজ্জনের খ্যাতি তার আগেই সে শুনেছিল। প্রগতিশীল ক্যাম্পের সকলেই তার মহৎ উদ্দেশ্যের জন্তু তাকে শ্রদ্ধার চোখে দেখে। তার চিত্রের প্রদর্শনী একবার সে দেখেছে, দূর থেকে সে তাকে এর আগে কয়েকবার না দেখেছে তা নয়। খ্যাতি আর উচ্চ আদর্শের পটভূমিকায়, সাময়িক উদ্বেজনার মুহূর্তে তার সঙ্গে সে পরিচিত হয়েছিল। সজ্জনের ব্যক্তিত্বে আছে প্রভাবিত করার ক্ষমতা। কণ্ঠার মন কৃতজ্ঞতায় ভরে উঠল। সজ্জন তার প্রতি আকৃষ্ট হয়েছে, বিয়ের প্রস্তাব করেছে।

কণ্ঠা অনুভব করেছে যে জীবনে প্রথমবার সে কোন পুরুষের আকর্ষণে পুরোপুরি ভাবে ধরা দিল। আত্মমর্যাদার কড়া পাহারায় নৈতিক আদর্শকে এতদিন যেভাবে সে রক্ষা করে এসেছে আজ তাকে সহজে উজাড় করে এক পুরুষের পায়ে নিবেদন করার কল্পনায় তার দান্তিক মনে যেন ঘা লেগেছে। তার মত অদ্বুত মেয়ের পাল্লায় পড়ে সজ্জনের বেশ ছরবস্থা।

বাপের বাড়ি থেকে বেরিয়ে যখন সে কাহারদের কম্পাউণ্ডে

ঘর ভাড়া নিল, তখন পাড়ার কুকুরদের ঘেউঘেউ আর লোকজনের নোংরা ইঙ্গিতে কণ্ঠা বেশ ভয় পেয়েছিল। এর ফলে ভাবতে আরম্ভ করেছিল যে আজকের যুগে পুরুষের ছত্রছায়া মেয়েদের জন্য অতি আবশ্যিক। সজ্জনের প্রেমের বাঁধনে ধরা দিয়েও সে তার ভাড়াটে বাড়িতে থাকতে পারল না। অথচ কর্নেলের বাড়িতে থেকেও সে সব সময় যেন সজ্জনের আশ্রয়ে রয়েছে। সবই যেন কেমন আশ্চর্য—এতদূরে একা সজ্জনের সঙ্গে আসায় সে একটুও সংকোচ বোধ করে নি।

পরশু সজ্জন হঠাৎ যেন প্রলুব্ধ ব্যবসায়ীর মত তার অধিকার কেড়ে নেবার চেষ্টা করেছিল। তার প্রস্তাব শুনে হাজার মোড়কে সুরক্ষিত তার মন যেন হঠাৎ নেচে উঠেছিল। সজ্জনের শ্রীতি-ডোরে বাঁধা মন, সেই বাঁধন খোলার কল্পনাকে মন ঠাই দিতে প্রস্তুত নয়। সজ্জনের মনে আঘাত দেওয়া তার মস্ত ভুল, এ কথা সে বার বার স্বীকার করছে—এখুনি এই মুহূর্তে যদি সজ্জন তাকে বধূরূপে গ্রহণ করতে ইচ্ছুক থাকে, তা হলে সে এক-কথায় রাজী হয়ে যাবে।

কেন, কেন, আজ সে তাকে এ অবস্থায় ছেড়ে চলে গেল? যদি যাবারই ছিল তবে তাকে পরের বাড়িতে এভাবে ছেড়ে যাবার মানে? সকলের সামনে তাকে ছোট করার জ্ঞা? সে চায় যে সকলে তাকে নিয়ে ঠাট্টা-তামাশা করুক? রমা বউদি তার বিষয় কী ভাবছে? হুজনে হয়তো তাদের শোবার ঘরে বসে এই নিয়েই আলোচনা করছে। কি করে আমি মুখ দেখাব...? এঁর জ্ঞে আজ আমি সবার সামনে অপদস্থ হলাম।

ডাঙায় তোলা মাছের মত কণ্ঠা বিছানায় শুয়ে ছটফট করতে

লাগল। কিছুক্ষণ কাঁদার পর তার মনের ভাব খানিকটা হাল্কা হল বটে তবে ঘন ঘন দীর্ঘশ্বাস পড়তে লাগল। তার মত লেখাপড়া জানা, দাস্তিক, প্রগতিশীল মেয়ে আজ বিরহে কাতর। মার্কস, গান্ধীর দর্শন, ইলেকশন—রাজনীতির কিচির মিচির, নারীমুক্তি আন্দোলন সব যেন এ যুহুর্তে তার সামনে অর্থহীন। তার এই নতুন চেতনায় নেশার আমেজ নেই, আছে হারিয়ে যাওয়া স্বপ্নের মূর্ছনা, বিরহে দক্ষ রাধার অন্তরের হাহাকার আর চোখে প্রেমাক্ষধারা! তার মনটা চৈত্রে ঘূর্ণিঝড়ের মতই আজ উদ্ভাস্ত।

\* \* \*

সারাদিনের পর ক্লান্ত সজ্জন বৃন্দাবনের এক ধর্মশালায় রাসলীলা দেখছে। গুজরাতি শেঠ-শেঠানিদের ভক্তমণ্ডলীদের জন্ম এই রাসের ব্যবস্থা তবু প্রায় তিরিশজন লোক জড় হয়েছে। সজ্জন সেই ধর্মশালার একটি ঘরে থাকার ব্যবস্থা করছিল। বৃন্দাবন দর্শনের পর সে হতাশ। এখানকার লোকগীত, লোকনাটক সদাই ভারতের সাহিত্যকে প্রেরণা জুগিয়ে গেছে। যেখানে ঘরে ঘরে ভগবান কৃষ্ণের বাললীলার স্মৃতি, সেখানে সে প্রভুর দর্শন থেকে বঞ্চিত থেকে গেল। যে ভক্তির স্রোতে সে মথুরা থেকে বৃন্দাবন পর্যন্ত ছুটে এল, এখানে আসার পর চারদিকে ধর্মের অভাব দেখে তার ভক্তি প্রায় শুকিয়ে যাবার জোঁগাড়! বার বার তার এ কথা মনে হচ্ছে যে এটা পয়সা লোটবার ষড়যন্ত্রে ভরা তীর্থভূমি। ভক্তিরসে আপ্লুত নরনারীর মধ্যে সে আসল বৃন্দাবনের স্বরূপ খোঁজার ব্যর্থ প্রয়াস করছে। রামলীলার অর্কেষ্ট্রা বাজতেই যে যার ঘর ছেড়ে বেরিয়ে এল।

বন্দনা আরতির পর লীলা আরম্ভ হল। কৃষ্ণ নিজের আত্ম-প্রশংসায় বেশ কিছুটা লম্বা লম্বা বুলি আওড়ান গেলেন। সজ্জন বিরক্তি অনুভব করলে—তার মনে হচ্ছে রাসলীলা মণ্ডলীর প্রোপ্রাইটর আর এই-সব যত পাণ্ডা-পুজারী দলের পয়সা লোটবার মাধ্যম ছাড়া কৃষ্ণের অন্য কোন অস্তিত্বই নেই। যে ধর্মপ্রচারের বাহানা নিয়ে ঐ কপচানি, সে এখানে মন্দিরে আর প্রসাদে বিকিয়ে যাচ্ছে। মানসিক অবসাদে তার মাথা দপ্‌দপ্‌ করে উঠল। এই ধর্মের আসল রূপ কি? এই রূপই কি তার স্বর্গীয়া মায়ের এবং ভারতের কোটি কোটি নরনারীর সংস্কারের ফলে তাদের মজ্জাগত হয়ে গেছে?

বাঁশের মত লম্বা এক পুরুষ কেসরিয়া রঙের উড়ানি গায়ে, লম্বা ঘোমটা টেনে যশোদা মাতা সেজে দেখা দিলেন। তিনি ফাটা বাঁশের মত গলায় মুখস্থ বুলি আওড়াচ্ছেন—আজ আমার কানাই ছল্লাল কিছু মুখে না দিয়েই খেলতে বেরিয়ে গেল। পুত্রের জন্ম ব্যাকুল যশোদা মাতা পায়চারি করতে লাগলেন। অন্তরিক থেকে ময়ূর-মুকুটধারী মুরলীধরের প্রবেশ, তাঁকে দেখা মাত্র যশোদা ককিয়ে উঠলেন—আয়রে বাছাধন আমার আয়, কোলে আয়। তুমি যে দিনরাত কেবল খেলেই বেড়াচ্ছ? দেখো বাবা, এত দূরে দূরে আর খেলতে যেও না, ভূত আছে, বাঘ আছে, জুজু আছে।

কৃষ্ণ হেসে—আরে মা কাকে এ-সব বলছ? চারবেদ সঙ্গে নিয়ে শঙ্খাসুর দানব জলে গিয়ে লুকিয়ে আছে। গভীর জলে যাবার সাহস কারুর নেই দেখে শেষকালে আমি মৎস্য রূপ ধারণ করে তাকে সমলোকে পাঠিয়ে এলাম। তোমার জুজু বুড়িকে কিন্তু কোথাও দেখতে পেলাম না।



—মৎস্য রূপে দানবকে তুমিই মারলে ?

—হ্যাঁ মা, আমি ।

—( চমকে ) তুমি ?

—( প্রসঙ্গ বদলাবার জন্য ) মা, আমি যমুনার তীরে গোক-  
বাছুর নিয়ে চরিয়ে বেড়াই আর পাতালে গিয়ে কালীয়া নাগের দমন  
করে এলাম, কিন্তু কই, সেখানেও তোমার জুজু দর্শন হল না  
তো ? এর পর ভগবান গড়গড় করে কচ্ছপ, বরাহ, নৃসিংহ, বামন  
সব অবতারের বর্ণনা করতে লাগলেন ।

যশোদা ( আশ্চর্য হয়ে মুখে আঙুল দিয়ে ) আরে, বাবা আমার  
বামন রূপ ধারণ করে বলি-রাজাকে তুমিই ছলনা করেছিলে ?

—হ্যাঁ মা ।

—তা হলে তোমার চরণেই গঙ্গার উৎস ?

—আরে না মা, আমাকে বাবা প্রায়ই এ-সব গল্প শোনান ।

—আরে তাই তো বলি, সারাদিন খেলা আর খেলা । এর  
মধ্যে ছেলের মাথায় এত বুদ্ধি গজালো কবে ?

সজ্জন মুগ্ধ হয়ে বসে আছে । আদিকাল থেকে মনুষ্যরূপী  
ভগবান পৃথিবীর কোলে জন্ম নিয়ে ইতিহাসের রচনা করে যাচ্ছেন  
তবু তাঁর মধ্যে অহংকার নেই, তিনি বিনয়ের অবতার । ধরিত্রী  
মাতা সদাই তার সেই বালগোপাল রূপই দেখছেন । বালগোপালের  
অদম্য বীরত্বের কাহিনী স্নেহময়ী মার কাছে বিশ্বাসযোগ্য নয়,  
কেননা মার কাছে সন্তান সর্বদাই শিশু ।

সজ্জনের স্মৃতিপটে মার ছবি ভেসে উঠতেই তার চোখের কোণে  
জল চিকচিক করে উঠল । দর্শকেরা সবাই তার মত মাতৃপ্রেমের  
অনুভূতিতে গদগদ । সর্বশক্তিমান ভগবান তার ভক্তদের ভয়মুক্ত

করার চেষ্টা করছেন। মমতাময়ী মা তাঁকে জুঁজু বুড়ির ভয় দেখাচ্ছেন কিন্তু তিনি আনন্দে বিভোর।

সজ্জনের কূটবুদ্ধি দর্শনশাস্ত্রের বিভিন্ন প্রশ্নকে যাচাই করে দেখতে চায়। সর্বশক্তিমান ভগবান তারই হাতের তৈরী হাইড্রোজেন বোমা দেখে ভয় পেয়ে অজানা দেশে লুকিয়ে বসে আছেন কেন? যেদিন তিনি ভয়মুক্ত হয়ে আবার এই পৃথিবীর বুকে বালকরূপে জন্মগ্রহণ করবেন সেদিন নতুন সংস্কৃতির সৃষ্টি হবে। কচ্ছপ, বরাহ, নৃসিংহ এই-সব অবতারের পর যেদিন ‘অ্যাটমানুর’ সংহার করবেন, সেদিন ধরিত্রী মাতা সত্যিই সহজে ভয়মুক্ত হবেন। ভগবানের অস্তিত্বে বিশ্বাস করা উচিত। ভগবানই মানুষের আত্মবিশ্বাসের প্রতীক। ভগবানের বিভিন্ন অবতার, ভক্তিরস, দানবের সংহার ইত্যাদি ভাবতে ভাবতে সে ঘুমিয়ে পড়ল। কণ্ঠার কথা এক লহমার জন্তুও তার মনে এল না।

সকালে উঠে সে মন্দিরের বাইরে পাথরের রোয়াকে বসে ‘জ্ঞান ভাণ্ডারের’ স্কেচ তৈরী করছে আর ওদিকে কণ্ঠা তাকে হন্তে হয়ে নিধিবনে খুঁজে বেড়াচ্ছে। কণ্ঠা জেদ করে বৃন্দাবনে এসেছে। লাল। মুরলীমনোহর অনেক করে তাকে বোঝালেন যে বৃন্দাবনের অপরিচিত গলিঘুঁজির মধ্যে মানুষ খোঁজা বড়ই কষ্টকর কিন্তু কণ্ঠা কারুর কথা কানে তুললে না।

সজ্জনের খোঁজে কণ্ঠা নিধিবনের চারিদিকে পাগলের মত ছোটাছুটি করলে। সেখানে তার দেখা না পেয়ে সে কিন্তু হতাশ নয়— তানসেন আর বৈজুবাওয়ার গুরুর তপোভূমি। এখানকার পাতায় পাতায় আছে মেঘমল্লারের জাহ্নব ছোয়া। নিধিবনে এসে সত্যিই মনে হয় যেন সাক্ষাৎ কৃষ্ণ সামনে দাঁড়িয়ে বাঁশি বাজাচ্ছেন।

চারিদিকে ঘন লতাপাতা, ভগ্নস্থপ, জায়গায় জায়গায় তিন-চারটে  
বৃক্ষ পরস্পর আলিঙ্গনবদ্ধ হয়ে সুন্দর আচ্ছাদন তৈরী হয়েছে।  
পাখির কিচিমিচি, নদীর কলরব আর বাঁদরের উৎপাত, হরিণ-  
শিশুর লাফালাফি—কণ্ঠা এদের মধ্যে পেল অসীম শান্তি।

হরিদাস বাবাজীর সমাধির ওপর এ ক সাধু বেসুরো গলায় গাইছে—

মাইরী সহজ জোরী প্রকট ভই যো রঙ্কী

গৌর শ্যামঘন দামিনী জৈ সৈ।

প্রথম হুঁ হুতি অবজ্জ আগে হুঁ

রহে হৈ ন টরি হৈ তৈ সৈ

অঙ্গ অঙ্গ কী উজরাই সুঘরাই

চতুরাই সুন্দরতা ঐসৈ।

সজ্জনের দেখা না পেয়ে কণ্ঠার ব্যাকুল মন যেন গানের মধ্যে  
শান্তি খুঁজে পেল। তার আর সজ্জনের, স্ত্রী আর পুরুষের সম্পর্ক  
সমস্ত দেশকালের ব্যবধান ছাড়িয়ে চির পুরাতন হলেও নিত্য নতুন।

## চব্বিশ

স্বামী-স্ত্রীর সম্পর্ক চিরাচরিত হলেও নিত্য নতুন। অটুট বন্ধনে  
বাঁধা ছুটি হৃদয়।

মহিপালের মনে কালবৈশাখীর ঝড় বয়ে যাচ্ছে। সমাজের  
ঝড়ো হাওয়া যেন তুণের মত উড়িয়ে নিয়ে যাচ্ছে তার শীলাকে,

তাকে আঁকড়ে ধরে রাখা মানে কল্যাণীর প্রতি অশ্রায় করা। কল্যাণীকে সে অগ্নিসাক্ষী করে সমাজের সামনে পত্নীরূপে গ্রহণ করেছে। তাদের দুজনের বন্ধন অটুট, পুরাতন হলেও নতুন! মানুষ একটানা নতুনত্বের শ্রোতে ভেসে যেতে ভালোবাসে না, তাই সে ফিরে যেতে চায় তার পুরোনো আস্তানায়। ছেলেমেয়েদের কাছে, বাড়ি ফিরে যাবার জন্য মহিপাল কর্নেলের গাড়িতে উঠে বসল।

শালার বাসী বিয়ের দিন শীলা আর তার প্রেমের কুৎসা আর কলঙ্কের কাহিনী নিয়ে স্বামী-স্ত্রীর মধ্যে বেশ ফাটল ধরেছে। মনের গভীরে সে ছ'দিন যাবৎ অনেকবার ডুব দিয়েছে। মহিপাল আর শীলা, সে আর কল্যাণী, উফ্ এ দোটারার মধ্যে সে বাঁচতে চায় না। অন্তরবৃন্দ্রের এই জটিলতার মধ্যে ভবিষ্যতের অস্পষ্ট ছবি যেন বার বার অস্পষ্ট হয়ে যাচ্ছে।

সকালে, এই ঘণ্টাখানেক আগে— কর্নেল যখন তাকে নিতে শীলার বাড়িতে গিয়েছিল, তখন তার মনের একেবারে দেউলে অবস্থা। সমুদ্রের প্রস্তু জোয়ারভাটার মত ক্ষণিক উত্তেজনার পর আসে অবসাদ। শীলাকে ছেড়ে নিজের বাড়ি যেতেই হবে। শব্দরবাড়ির ভিটে ছেড়ে বাপের ভিটেয় যাওয়ার কল্পনা কত মিষ্টি, কত রোমাঞ্চকর। স্বামী-স্ত্রীর অটুট বন্ধনে বাঁধা সেই পুরাতন সত্যের চোখে ধুলো দেওয়ার ক্ষমতা তার নেই।

সন্ধ্যা আর ভোগবিলাসের অতৃপ্তির মধ্যে ছ'দিন কাটিয়ে সে আজ কর্নেলের সঙ্গে বাড়ি ফিরে যাচ্ছে। বাড়ি থেকে নিরুদ্দেশ বালক যেমন পুলিশের হাতে ধরা পড়ে সুবোধ বালকের মত শূড় শূড় করে মাথা হেঁট করে বাড়ির দরজায় গিয়ে দাঁড়ায়, আজ তার অবস্থা অনেকটা সেরকম।

বিদায় মুহূর্তে শীলা শূন্য দৃষ্টিতে তার দিকে তাকিয়ে ছিল, পর্বতের গায়ে যেন নির্ঝর ঝরনা বয়ে যাচ্ছে। মহিপালের ক্ষুব্ধ মন যন্ত্রণায় বার বার মোচড় দিয়ে উঠেছিল। বুকের সেই যন্ত্রণাই বুঝি স্বর্টিকের মত দানা বেঁধেছে। স্বামী-স্ত্রীর সম্পর্ক ক্রবতারার মতই সত্য এবং উজ্জস্ম। মহিপাল তার দরদী মনকে তাই বোঝাবার চেষ্টা করছে।

কর্নেলের ওষুধের দোকানে পেছনের ঘরে কল্যাণী ছোট ছেলে তপোধনকে নিয়ে বসে আছে। কর্নেল তাকে সেখানে ডেকে পাঠিয়েছিল। এই দু'দিনের তপস্যা কল্যাণীর ব্যক্তিত্বে যথেষ্ট পরিবর্তন এনেছে। গভীর বেদনায় অভিভূত তার গম্ভীর মুখ দেখে মনে হয় যেন সে সন্তঃস্নাতা সাদা গোলাপের পাপড়ি। তপোধন চেয়ারে বসে পা দোলাচ্ছে।

কঠিন মুখভাব নিয়ে মহিপাল আর তার পেছনে পেছনে কর্নেল ঘরে ঢুকল। এক সেকেন্ডের জন্য কল্যাণী আর মহিপালের দৃষ্টি-বিনিময় হল কিন্তু পরমুহূর্তেই পরস্পর পরস্পরকে না দেখার ভান করল। নিমেষে যেন ছুজনে নতুন করে নিজেদের চিনতে শিখলে কিন্তু তারা চোখাচোখি করার সাহস পেলো না। কল্যাণী মাথা নীচু করে মেঝের দিকে দেখছে, এই কঁাকে মহিপাল তপোধনকে প্রাণভরে দেখে নিলে।

ছোট বাচ্চা হকচকিয়ে গেছে। মহিপালকে তার দিকে তাকাতে দেখে সে ভয়ে আড়ষ্ট হয়ে গেছে। ক্যাপা বাঘকে সামনে দেখার মতই তাকে দেখে তপোধনের হাত-পা পেটের মধ্যে সঁধিয়ে গেল। পিতৃস্নেহে জোয়ার এল। তার চোখে বাৎসল্যের ঝিলিক। অপরাধী পিতা আজ তার বাচ্চাদের সামনে ক্রমাপ্রার্থীর মত দাঁড়িয়ে, 'হ্যাঁ,

এরা আমার ছেলেমেয়ে, আমি এদের পিতা, তাদের মা ভিন্ন অণ্ড্রীর সঙ্গে আমার সম্পর্ক অণ্ডায়, পাপ, অপরাধ।’

পুরোনো প্রশ্ন মনে জাগা মাত্রই মনের ক্ষতস্থান আবার টনটনিয়া উঠল। তপোধনের উপস্থিতির সামনে এক অপরাধী পিতা আজ লজ্জিত তবু কোনমতে নিজেকে সামলে নিয়ে ছেলের তেল-না-দেয়া রুক্ষ চুলে হাত বুলিয়ে জিঙ্কেস করল— কিরে, আজ স্কুল যাবি না?

—এখুনি যাব।

অণ্ডীর দিকে চেয়ে— ছেলেমেয়েরা আজ কিছু না খেয়েই যাবে না কি?

কল্যাণী প্রথমে উত্তর না দিয়ে চুপ করে রইল। উত্তরের প্রতীক্ষায় অণ্ডীর মহিপাল রাগের মাথায় কিছু বলার আগেই কল্যাণী ডান পায়ের বুড়ো আঙুল দিয়ে মেঝেতে দাগ কাটতে কাটতে মৃদু গলায় উত্তর দিল— রজ্জো আর শকুন্তলা বাড়িতে রান্নাবান্না করছে। তপ্প বাবা, চলো বাড়ি চলো, আমরাও এখুনি আসছি।

—হ্যাঁ, আমরা এখুনি আসছি। যাবার আগে তপ্প এমন দীন করুণভাবে একবার মা তারপর বাবার মুখের দিকে তাকাল যেন সে চোখের ভাষায় তার প্রতিবাদ জানাচ্ছে— আমার মাকে আর কষ্ট দিও না।

তপোধনের যাবার পর কেউই কোন কথা বলতে পারছে না। কল্যাণী মাথা নীচু করে বসে, মহিপাল চুলের বিলি কাটায় ব্যস্ত, কর্নেল ঠোট চেপে ছুজনের দিকে শূণ্য দৃষ্টিতে তাকিয়ে আছে।

হঠাৎ মহিপাল কর্নেলকে প্রশ্ন করলে— এরা মথুরা থেকে কবে ফিরবে?

—কাল নয়তো পরশু সকালেই এসে যাবে। বিয়ো কেবল চারদিনের ছুটি নিয়েছে।

ইঠাং কল্যাণীর দিকে চেয়ে কর্নেল বলল— বউদি, যা হয়ে গেছে সে-সব নিয়ে আর মাথা খারাপ করার কোন মানে হয় না। এখন দুজনের নালিশ শোনা বা নালিশ করার সময় নয়, কেননা বাড়িতে বড় বড় ছেলেমেয়েরা আছে, তারা কি ভাবছে? তাদের কথা ভেবে আপনাদের খুব সামলে চলা উচিত।

—ইনি? এঁকে বলছ? এ জন্মের কথা ছেড়েই দাও ইনি চুরশী হাজার জন্মেও এ কথা ভেবে চলার পাত্রী নন। যে কথা আমি বলতে মানা করব, ইনি ঠিক দশ লক্ষ বার তাকে বলে তবে অন্নগ্রহণ করবেন। গিগাসো পাণ্ডেবংশের মেয়ের নাক সদাই উচু থাকা চাই, কথা মেনে চললে নাকটা কাটা যাবে না?

—মহিপাল, তুমি ভাই চুপ করবে একটু? এত বড় লেখক হয়ে...

—চুলোয় যাক লেখক, লেখকের কোন মান মর্যাদা বলে কিছু আছে? নিজের থাকার আস্তানা পর্যন্ত বরাতে লেখা নেই। যেদিন ইনি বিধবা হবেন সেদিন হাড়ে হাড়ে টের পাবেন— বলতে বলতে মহিপাল হন হন করে ঘরে পায়চারি করতে লাগল।

কল্যাণী মাথা হেঁট করে বসে আছে। কর্নেল কথার খেই ধরার চেষ্টায় কল্যাণীকে বললে— মহিপাল আপনাকে অনেক কষ্ট দিয়েছে বউদি কিন্তু সে আপনাকে মনেপ্রাণে ভালোবাসে, এ কথা আমি এর সামনেই বলছি।

মহিপালের অপরাধী মন সমর্থন পেয়ে উত্তেজিত হয়ে উঠল— তুমি কেন, যদি স্বয়ং ব্রহ্মা এসে এঁকে এ কথা বোঝান তবু এঁর

মাথায় কিছুই ঢুকবে না। কথায় আছে না স্বভাব না যায় মরলে, ইচ্ছত না যায় ধুলে, সেই হয়েছে এঁর অবস্থা। মুখের কথায় বোঝানো ছেড়েই দাও, আমার ব্যবহারেও এতদিনে আমি এঁকে বুঝিয়ে উঠতে পারলুম না। আমার ভালোবাসার মূল্য এঁর কাছে কানাকড়িও নেই। আর হবেই বা কেন (দাঁত পিষতে পিষতে) আমি যে এঁর গত জন্মের শত্রু। মোটা বুদ্ধি...

—মহিপাল !

—কল্যাণী আমার জীবন বিষময় করে দিয়েছে। কোনদিন আমার কথা মন দিয়ে শোনার বা বোঝার চেষ্টা করে নি। আমি একজন মানুষ— আমি কী চাই— আমার মনের চাহিদা...

—আচ্ছা বাবা আচ্ছা, এবার আমার কথা শোনো।

—কর্নেল, আমি উত্তেজিত নিশ্চয় কিন্তু রাগে কাণ্ডজ্ঞান হারাই নি। আমার সমস্ত গোপন কথা আজ কল্যাণীর সামনেই খোলা-খুলিভাবে তোমায় বলতে চাই। আজ আমার বেয়াল্লিশ বছর বয়স। ঝগড়াঝাঁটি করে ভুলে যাওয়ার বয়স নয় এ কথা তুমিও মানবে নিশ্চয়। এখন আমি একটু উত্তেজনার পরই ক্লান্ত হয়ে পড়ি। আমারও চাই মানসিক আর শারীরিক শক্তি। আন হয়তো আট-দশ বছর কাজ করতে পারব। জীবনকে সাকল্য-মণ্ডিত করার জন্য চাই শান্তি কিন্তু বাড়ির গৃহিণীর কাছে আমি পাই অশান্তি।

—কর্নেলদা, আপনি এঁকে বলে দিন, ইনি যেখানে শান্তি পান সেখানে...

—দেখো, শুনলে কর্নেল— শুনলে ?

—আমি বলছি তুমি চুপ করো মহিপাল। কর্নেল মহিপালকে



ধমক দিয়ে তারপর গলার স্বর মোলায়েম করে বললে— বউদির সঙ্গে আমায় কথা বলতে দাও, খবরদার মাঝখানে পট পট করার চেষ্ঠা কোরো না। হ্যাঁ, বউদি, দেখুন কথাটা একটু প্যাঁচালো, যদি আমার মুখ দিয়ে কোন অশোভন কথা বেরিয়ে যায় তাহলে মাপ করবেন। আমি মানছি মহিপালের চরিত্রে অনেক দুর্বলতা আছে, তবু এ কথা আপনাকে মানতেই হবে এর মত সাদাসিদে মানুষ আজকের জগতে আঙুলে গোনা যায়। আমি একটুও বাড়িয়ে বলার চেষ্ঠা করছি না, কিন্তু বউদি, সারাদিন দোকানে বসি, মানুষকে এক নজরে চিনতে পারি। মহিপালের গুণ আর যোগ্যতার সামনে বড় বড় লোকদের শ্রদ্ধায় মাথা হেঁট করতে দেখেছি।

আঙুলের ফাঁকে সিগারেট চেপে মহিপাল তন্ময় হয়ে প্রশংসা শুনছে। কর্নেলের প্রতি সে কৃতজ্ঞ। কর্নেল বলে চলেছে— বউদি, মহিপালের মত লেখকের সম্মান বিলেতেই সম্ভব। এর মত বুদ্ধিদীপ্ত লেখক যেভাবে জীবনের ব্যর্থতার সঙ্গে সংগ্রাম করে চলেছে, তার চরিত্রের দু-একটি দুর্বলতাকে ক্ষমার চোখেই দেখা উচিত।

তিনজনেই মাথা নীচু করে ভাবছে। কর্নেল নবরত্নের জড়োয়া আংটি ডানহাতের আঙুল দিয়ে ঘোরাতে লাগল। ডান হাতের আঙুলে বেশ বড় দামী পাথর চক চক করছে। একটু কেসে গলা পরিষ্কার করে কর্নেল বললে— আমি এ কথা বলছি না যে আপনি মহিপালকে স্বেচ্ছাচার করতে দিন কিন্তু রাশ টানার সময় যদি একটু এর মুড দেখে বোঝার চেষ্ঠা করেন তাহলে কোন গোলই বাধে না। বড় বড় ছেলেমেয়েদের সামনে আপনাদের

হুজনের ঝগড়া আর তার কারণটা ফাঁস হয়ে গেল, এটা কি ভালো হল ? এখন দিনকাল মোটেই সুবিধের নয়, অবিবাহিত ছেলেমেয়েদের বিপথে যেতে দেবী লাগে না।

কল্যাণী এতক্ষণ চুপচাপ কথাবার্তা শোনার পর সত্যি উত্তেজিত হয়ে উঠেছে— এইজন্মেই এঁকে আমি বোঝাই যদি বদনামের কাজ কিছু করতে ইচ্ছে হয়, তাহলে আমায় বিষের পুরিয়া এনে দিলেই পারো, সব ঝামেলা চুকে যাবে। আমার সংসারে আমি কলঙ্ক বরদাস্ত করতে কিছুতেই রাজী নই, সে ছেলেমেয়েই হোক আর তাদের বাপই হোক।

কল্যাণীর জেদী আর গোঁয়ার স্বভাবের জন্মই সে তার সাহিত্যিক জীবনের প্রেরণা হতে পারেনি। সব ব্যাপারে সে তার বিরুদ্ধে, বিপরীত লক্ষ্যের দিকে তার দৃষ্টি— পতিব্রতা সতী অথচ মহামূর্খ কল্যাণী আমার সাহিত্যিক জীবনের প্রেরণাকে এক মুহূর্তে মরুভূমিতে পরিণত করেছে, এই আমার স্ত্রী। রাগে মহিপাল চৈচিয়ে উঠল— আমি তোমার বাপের কেনা চাকর নয় বুঝলে ? তোমার যদি গরজ থাকে তাহলে আমার সঙ্গে থাকো নাহলে আমি তোমাকে এক মিনিটের জন্ম বরদাস্ত করতে চাই না, দেমাক দেখাচ্ছে ! নীচ, স্বার্থপর...

—কী যা তা বলছ, মহিপাল ? কর্নেল মহিপালকে ধমক দিল। কর্নেল যখন ঝগড়ার মিটমাট করতে চায় তখন ওর কথা না শুনলে একজনকে তো শাসন করতেই হবে। কর্নেল সায়েব, লাল। নগীনচন্দ আজ পর্যন্ত অনেক ঘরে অশান্তির আগুন নিভিয়েছেন। আদেশের স্বরে আঙুল নাচিয়ে কর্নেল বললে— দেখো মহিপাল, আমার ওপর বাজে মাতব্বরী করতে এস না,

বুঝলে ? আমি এখন একদম সিরিয়াস যুডে আছি। আমি তোমাদের স্বামী-স্ত্রীর এই ঝগড়ার নিরপেক্ষ দর্শক, যা ঠিক তাই বলব। সমস্ত দোষ একা তোমার। যতবড় বুদ্ধিজীবী হও-না-কেন তুমি বউদির মত সতীসাক্ষী স্ত্রীর নখের যোগ্য নও।

মহিপালের হঠাৎ মনে হল যেন কর্নেল তার কথার মারপ্যাচে তাকে ফাঁপরে ফেলতে চায়। সজ্জনের সামনে এ ধরনের কথাবার্তা সে হয়তো সহ্য করত কিন্তু কল্যাণীর চোখে তাকে তুচ্ছ করার চেষ্টা সে কিছুতেই মুখ বুজে সহ্য করবে না। কর্নেলকে শুনিয়ে দেবার জ্ঞান মনে মনে কয়েকটা কড়া কথা ভাঁজতেই কর্নেল এক কথায় তার মুখ বন্ধ করে দিলে—লেখক হয়ে হয়তো তুমি মানুষকে চিনতে পেরেছ, কিন্তু মানুষকে তুমি আজও ঠিকমত বুঝে উঠতে পারো নি। মানলুম বউদি জেদী স্বভাবের, কিন্তু তুমি একটা মূর্খ। এত বছর একসঙ্গে থাকার পরও বউদিকে তুমি বুঝতে পারলে না, অথচ আমি বুঝে গেলাম। এর মত পবিত্র দেবী কোনদিনই নোংরামি বরদাস্ত করতে পারে না, বুঝলে মশাই ? কতবার বুদ্ধিজীবী হিসেবে তোমাকেও আমি সমাজের এ ধরনের নোংরামি দেখে উত্তেজিত আর উদ্বিগ্ন হতে দেখেছি।

কর্নেলের স্পষ্ট কথায় মহিপালের ক্ষুব্ধ মন শান্ত হতে গিয়ে আবার উত্তেজিত হয়ে গেল—আমি সকলের সামনে উঁচু গলায় বলতে পারি যে কল্যাণী আমার তুলনায় বেশী একনিষ্ঠ। আমি আজ আঠারো বছর স্ত্রীর প্রতি কর্তব্য পালন করে এসেছি। আজও এই মূর্খ স্ত্রীকে আমি ভালোবাসি, তাকে শ্রদ্ধা করি। আজ কল্যাণীর সামনে স্বীকার করায় কোন লজ্জা নেই শীলার আর আমার সম্পর্কের মধ্যে আমি কোন নোংরামি

দেখি না, যে আমার শীলাকে ঘৃণার চোখে দেখে সে আমারও ঘৃণার পাত্র।

‘আমার’ শব্দটি উচ্চারণে মহিপালের স্বর পঞ্চমে উঠতে দেখে কল্যাণী দীর্ঘশ্বাস ফেলে করুণভাবে স্বামীর দিকে তাকালে—  
আমার ভরাডুবি হবে না তো কি? এ তুমি কী বললে?

উত্তেজনার আবেগে কথাগুলো মুখ ফসকে বেরিয়ে যাওয়ার পর মহিপাল সত্যিই লজ্জিত। পরাজয়, করুণা আর প্রতিবাদের ভাষা কল্যাণীর চোখের জলে টলমল করছে। পুরাতন চিরাচরিত সত্যকে মহিপাল কিছুতেই মানবে না। যে-কোন নারী এবং পুরুষের প্রেম অটুট বন্ধনের ডোরে বাঁধা, তারা স্বামী-স্ত্রী নাইবা হ’ল। কল্যাণী সত্যী হয়ে আছে, থাকুক। আমরা পতিত হলেও মহান। শীলা আমার প্রেরণার স্রোত, তার হৃদয়ের আমি অধিপতি। সমাজ সেই সম্বন্ধকে অবৈধ ভাবে, সমাজ শীলা আমার প্রেমকে অবৈধ ভাবে কোন্ সাহসে? মহিপাল সহসা উত্তেজিত হয়ে চেয়ার ছেড়ে উঠে দাঁড়িয়ে বললে— কর্নেল, আমি যাচ্ছি। এঁকে বলে দাও আমার মাসিক আয়ের থেকে নিজের হাতখরচার জন্য সত্তর-আশি টাকার মত রেখে, বাকীটা সংসার-খরচের জন্য পাঠিয়ে দেব।

মহিপালকে দরজার কাছে যেতে দেখে কর্নেল তাড়াতাড়ি জিজ্ঞেস করলে— আজ থেকে তাহলে তুমি শীলার বাড়িতেই থাকবে ঠিক করলে না কি?

সহজ প্রশ্নের মধ্যে প্রশ্নের আভাস পেয়ে মহিপাল রুঢ় গলায় উত্তর দিল— মেয়েমানুষের পয়সার জন্যে তার গোলামি করার মত কুকুর আমি নই।

—তোমার পরম শত্রুও তোমায় এ কলঙ্ক দিতে সাহস করবে না। নিজের সর্বস্বকে আঁকড়ে ধরার প্রাণপণ চেষ্টায় কল্যাণী ঠোট কামড়ে মনের আবেগকে সংযত করে বললে— তুমি চলে গেলে ছেলেমেয়েদের আমি কি জবাব দেব? ছুনিয়াকে এ মুখ দেখাব কি করে?

— কেন? তুমি সতীসাক্ষী স্ত্রী, সকলে দেবীর মত তোমায় পিঁড়িতে বসিয়ে পূজা করবে আর আমার মত বাউগুলের মুখে থু থু ফেলবে, এই না?

—আজ মুরাদাবাদের ছেলেপক্ষরা শকুন্তলাকে দেখতে আসছে, তাই আমি কর্নেলদাকে তোমার কাছে পাঠিয়েছিলুম।

কল্যাণীর কথা শুনে মহিপালের মানসিক উত্তেজনা, প্রতিজ্ঞা, ভবিষ্যতের প্ল্যান সব এক মিনিটে কর্পূরের মত উবে গেল। জীবনের পটভূমিকায় বংশের ভবিষ্যৎ ভেসে উঠতেই তার দেউলে মন স্থানুর মত স্থির হয়ে গেছে। স্ত্রী-প্রেম-প্রেমিকা সব স্বপ্ন যেন নিমিষে কঠিন বাস্তবের ধাক্কায় চুরমার হয়ে গেল। মহিপাল কোনমতে দৃঢ় মনোবলের পরিচয় দেয়ার জন্ত বললে— কেউ আসুক আর যাক, আমি সাতোও নেই পাঁচোও নেই, তোমার সঙ্গে আমার সম্পর্কের এখানেই ইতি।

কর্নেল এগিয়ে এসে মহিপালের কাঁধে হাত রেখে বললে— মহিপাল, যাঃ, কি ছেলেমানুষী করছ? বউদির সঙ্গে ঝগড়া করে তুমি সাত সমুদ্র পার চলে যেতে পারো, কিন্তু ছেলেমেয়েদের কার ভরসায় রেখে যাবে? ঢের বীরত্ব হয়েছে, যাও এবার বাড়ি যাও। ছুঁদিনে তোমার বাড়ির যা হাল হয়েছে স্বচক্ষে গিয়ে দেখো গে যাও।

—আমার মনের ওপর দিয়ে যে কী ঝড় বয়ে গেছে, তার কেউ খবর রাখে ? কর্নেল, তোমায় আমি বলছি কল্যাণীর সঙ্গে বোঝাপড়া অসম্ভব ।

—দেখো...

—দেখার এতে আর কিছু নেই । জীবনের চব্বিশ বসন্ত যে স্ত্রীর সঙ্গে কাটালুম সে যদি আজ পর্যন্ত আমায় ভুলই বুঝে গেল, তা হলে তার মুখ দেখার প্রবৃত্তি আর আমার নেই ।

থাকবে কোথায় ? শীলার কাছে যাবে ? আমার বা সজ্জনের কাছে থাকলে তোমার মানে আঘাত লাগে । তা হলে—

মহিপালের চোখের সামনে গোমতীর ধারের শিবালয় ভেসে উঠল যেখানে সে পরশু সারারাত কাটিয়েছে, অশান্ত মনকে শান্ত করার সবচেয়ে ভালো জায়গা । এক নতুন আত্মবিশ্বাস, নতুন ফুটিতে তার অবসন্ন শরীর চাঙ্গা হয়ে উঠল ।

—আমার মত সাহিত্যিকের থাকার জন্য রাজমহলের দরকার হবে না । একটা কোপীন এঁটে, শুকনো রুটি চিবিয়ে আর এক গেলাস ঠাণ্ডা জল ঢক ঢক করে খেয়ে নিলেই ব্যাস ।

—এসব দর্শনশাস্ত্রের কপচানি আমারও বেশ জানা আছে, তবে আমি যেটা তোমাকে বলছি সেটা একটু চিন্তা করে দেখো । বাড়িতে আজ ছেলের বাড়ি থেকে লোকজন আসছে । কাল থেকে বউদি বেচারী কেঁদে কেঁদে সারা হয়ে গেছে । যদি আমার মনের কথা জানতে চাও তাহলে বলি তোমায় ডাকার ইচ্ছে আমার একদমই ছিল না, কিন্তু বউদির অবস্থা দেখে আর চুপচাপ বসে থাকতে পারলুম না । যাক, আজ বউদির দর্শন হয়ে গেল, ভবিষ্যতে তোমার বাড়ি গেলে আর আমায় দেখে এক গলা

ঘোমটা টেনে আড়ালে চলে যাবেন না। কর্নেল ঠাট্টা করে কথার প্রসঙ্গ বদলাবার চেষ্টা করলে।

কল্যাণী আশ্বস্ত হয়ে নড়েচড়ে বসল।

—আচ্ছা বউদি, শ্লেচ্ছর বাড়ির চা খাবেন তো? যদি চায়ে আপত্তি থাকে তা হলে মিষ্টিমুখ তো করবেনই— বলতে বলতে কর্নেল লম্বা লম্বা পা ফেলে ঘর থেকে বেরিয়ে গেল।

একাঘরে স্বামী-স্ত্রী মুখোমুখি বসে। কল্যাণীর করুণ চাউনির সামনে মহিপাল যেন সব বাজি একসঙ্গে হেরে গেছে। স্ত্রীর সামনে আজ সে পরাজিত, কল্যাণী আজ বিজয়ী সিকন্দর আর সে পরাজিত রাজা পুরু।

\*

\*

\*

বিচিত্র মানসিক পরিস্থিতির মধ্যে মহিপাল বাড়ি ফিরে যাচ্ছে। নিজের ছেলেমেয়েদের মুখোমুখি দাঁড়াবার সাহস সে যেন হারিয়ে ফেলেছে। বাড়ির দরজার চৌকাঠে এসে সে থমকে দাঁড়াল। বৈঠকখানার দরজার কাছে টাঙানো চিঠির বাক্সে কয়েকখানা চিঠি ঊকিঝুঁকি মারছে। কল্যাণীকে ডেকে বললে— বৈঠকখানার চাবিটা একটু পাঠিয়ে দাও। তুমি নিজেই দিয়ে যেও।

ততক্ষণ মহিপাল গলিতেই পায়চারি আরম্ভ করলে। পাড়ার একজন রাস্তা দিয়ে যেতে যেতে তাকে দেখে নমস্কার করে দাঁড়িয়ে পড়ল— কি ব্যাপার পণ্ডিতজী, এবার ভোট কাকে দেবেন ঠিক করলেন?

—চুলোয় যাক ভোট, এ-সবে আমার ঘেন্না ধরে গেছে।

ভদ্রলোক মুখ মচকে বললেন— হ্যাঁ খাঁটি কথাই বলেছেন, তবে আমি শুনলাম যে আপনি কর্নেলের সঙ্গে মিলে মিশে কম্যুনিষ্টদের

সাহায্য করছেন? সেদিন এরোপ্লেন থেকে প্রচার-পুস্তিকা ফেলার কাজটা খুব জোরদার হয়েছে। এ বিষয়ে সকলেই একমত যে পার্টির এ ধরনের প্রচার-কার্য এই প্রথম দেখা গেল। আমি একবাক্যে আপনার সুখ্যাতি করে বলেছি যে এ পণ্ডিতজীর ব্রেন না হয়ে যায় না— হেঁ হেঁ হেঁ

রাগে মহিপালের পিঙ্গি পর্যন্ত চটে গেল, তবু চুপ করে থাকা ছাড়া অন্য উপায় নেই। কল্যাণীকে দরজার আড়ালে নড়তে চড়তে দেখে সে কোনমতে ভদ্রলোককে বিদেয় করে চাবি নেবার জন্ত হাত বাড়ালে।

—এবার তুমি নেয়েধুয়ে ফেলো - ভেতরে যেতে যেতে কল্যাণী বলে গেল।

—আগে ছেলেমেয়েদের খেতে দাও।

—ওরা সকলে চলে গেছে। বাড়িতে এখন তপ্পু, রজ্জা আর শকুন্তলা আছে।

—কেন?

—শকুন্তলাকে বাইরে যেতে মানা করলুম। ভাবলুম রজ্জা আজ আমার সঙ্গে কাজে সাহায্য করবে।

কল্যাণী বাড়ির ভেতর যেতেই মহিপাল বৈঠকখানা খুলে ভেতরে ঢুকল। চিঠির বাস্কে কেবল দুখানা চিঠি আর একটি ম্যাগাজিন পড়ে আছে। নতুন ম্যাগাজিন আকর্ষণীয় প্রচ্ছদপট আর নানা রঙিন ছবিতে ভর্তি। পড়ার সামগ্রীর নিতান্ত অভাব। খাম খুলে চিঠি বার করতেই অল ইণ্ডিয়া রেডিওর বার্তা বিভাগের কন্ট্রোল হাতে এল। চতুর্থ মহাযুদ্ধ শীর্ষক। বার্তা সিরীজের প্রথম কন্ট্রোল পেয়েছে মহিপাল— বিষয় ‘নরনারীর মধ্যে চতুর্থ মহাযুদ্ধ’।



মহিপাল একাই হেসে ফেললে— বিষয়টা খুবই মুখরোচক—  
স্ত্রী-পুরুষের মাঝেই নির্ঘাত চতুর্থ মহাযুদ্ধ বাধবে। পৃথিবীর আর্থিক  
অসামঞ্জস্য শেষ হবার পর এই সমস্যা সকলের সামনে বিকট হয়ে  
দাঁড়াবে। দ্বিতীয় খাম খুলতেই রহস্যের ধোঁয়া যেন এক মিনিটে  
পরিষ্কার হয়ে গেল। ‘সাবিত্রীসমানেষু কল্যাণী’ নীচে ইতি তোমার  
দাদা চিঠি পড়তেই মহিপালের আপাদমস্তক রাগে কঁপে উঠল।  
কল্যাণী তার ভাইয়ের কাছ থেকে কিছু টাকা ধার চেয়ে পাঠিয়েছিল,  
তার উত্তরে সে তার আর্থিক অনটনের কথা জানিয়ে ক্ষমা চেয়েছে।  
মহিপালের বড়শালা লিখেছে তার বাবার অসম্মানজনক ব্যবহারের  
জন্ত সে ছোট ভাইয়ের বিয়েতে লক্ষ্যে যাচ্ছে না। সে বোনের  
চিঠিতে বিয়ের খবরাখবর জানার আগ্রহ প্রকাশ করেছে। শেষের  
এক লাইনে লেখা— আমাদের লেখক জামাইবাবুর কি খবর?  
আজকাল সাহিত্যের বাজার মন্দা চলছে না কি?

রাগে মহিপাল দাঁতে দাঁত পিষলে। তার মনে প্রতিহিংসার  
আগুন জ্বলে উঠল। তার চোখে দেখা দিল হিংস্র চাউনি।  
বৈঠকখানার দরজা বন্ধ না করেই ভেতরের বারান্দা, উঠোন, সিঁড়ি  
সব পার করে সে সোজা এক নিঃশ্বাসে বড় ঘরে গিয়ে দম নিলে।  
সেখানে তপ্ত বসে ছেঁড়া ঘুড়ি জোড়া দিতে ব্যস্ত। বাবার চেহারা  
দেখে সে ভয়ে কাঁচুমাচু হয়ে গেল। মায়ের কাছে শোনা রাক্ষসের  
গল্পর মতই মহিপালের জায়গায় সেই রূপের কল্পনা করা মাত্র তার  
শিশুমন ভয়ে ছুরু ছুরু করে উঠল। ভাঁড়ার ঘরের দিকে যেতেই  
দেখতে পেল, কল্যাণী পান দোক্তা মুখে দিয়ে চিবুচ্ছে, পাশেই  
মামীর কাছে বসে শকুন্তলা অতিথিদের জন্ত বেদানা ছাড়িয়ে  
রেকাবিতে রাখছে। রজ্জা মায়ের সামনে বসে চায়ের সেট মেজে

ধুয়ে শুকনো কাপড় দিয়ে পরিষ্কার করছে। কল্যাণী মিষ্টির দোনা খুলে আলাদা আলাদা কাঁসার রেকাবিতে সাজিয়ে রাখার জন্ত শকুন্তলাকে নির্দেশ দিচ্ছে। পাশেই মেঝেতে কোলের ছেলেটি ঘটিকে গেলাসের মধ্যে ফিট করতে ব্যস্ত। দরজায় মহিপালকে দাঁড়িয়ে থাকতে দেখে এক মুহূর্তে সকলের মুখ ভয়ে বিবর্ণ হয়ে গেল। কর্কশ, কঠোর গলায় মহিপাল টেঁচিয়ে কল্যাণীকে বললে—আমার সঙ্গে এসো। স্বামীর রুদ্রমূর্তি দেখেই কল্যাণী ভয়ে কাঁঠ। তাড়াতাড়ি হাত ধুয়ে পেছনে পেছনে ছুটল, আসন্ন বিপদের আশঙ্কায় তার রক্তহীন মুখ পাণ্ডুবর্ণ হয়ে গেছে।

তেতলার একদিকে একখানা বেশ বড় সাইজের ঘর আছে। ভিড়ভাড়া থেকে আলাদা মহিপাল প্রায় এখানে বসেই নিজের কাজ করে থাকে। কল্যাণী ভেতরে ঢুকতেই সে ধড়াস করে দরজা বন্ধ করে দিয়ে স্ত্রীর চোখে চোখ রেখে জিজ্ঞেস করলে—তুমি তোমার দাদাকে টাকার কথা কিছু লিখেছিলে?

প্রশ্ন শুনতেই কল্যাণী একেবারে থ, মহিপাল আবার পঞ্চম স্বরে গলা চড়িয়ে বলল, টাকা পাঠাতে লিখেছিলে?

—গেল মাসে তুমিই বলছিলে যে বইয়ের রয়েলটি পেতে একটু দেরী হবে। এদিকে ছোটকার বিয়েতে ওরা সকলে এই শহরেই আসছিল তাই...

—ছোটকার বরযাত্রী শহরে আসবার ছিল বা জঙ্গলে যাবার ছিল, সে কথা হচ্ছে না, তুমি বাইরের লোকের সামনে হাত পেতে আমার ইজ্জত লাটে ওঠাবে ভেবেছ?

—দাদার কাছে চেয়ে পাঠিয়েছিলুম।

—দাদা হোক আর শালা যেই হোক, আমাকে জিজ্ঞেস না

করে তোমার এ ছঃসাহস হল কি করে? তুমি আমাকে কেন বললে না? পরের সামনে আমাকে অপমানিত করার মানে?

—ভুল হয়েছে, দাদা...

—দাদার আত্মরে বোন! ঠাস করে কল্যাণীর গালে কষে চড়, ছয় ছেলেমেয়ের মা, আটত্রিশ বছরের প্রোঢ়া গৃহিণী, শারীরিক আর মানসিক আঘাতে যেন হতভম্ব হয়ে গেল— হারামজাদী তুই আমার ইজ্জত খারাপ করে তবে ছাড়লি, হারামজাদী তুই সতী সেজে বাহবা লুটছিস। তুই, তুই...

রজ্জো দরজায় কান লাগিয়ে দাঁড়িয়ে আছে। বাবার হিংস্র চেহারা দেখে আসন্ন ঝড়ের আশঙ্কা সে আগেই করেছিল। শকুন্তলা আর রাজ্যশ্রী সকলেই এখন বুঝতে পেরেছে যে ডাঃ শীলার সঙ্গে মহিপালের প্রেম এ বাড়ির ঝগড়ার প্রধান কারণ। কৌতূহল চেপে না রাখতে পেরে রজ্জো দরজায় কান লাগিয়ে দাঁড়াবার জন্য একতলা থেকে ছুটে পালিয়ে এসেছে। মায়ের চিৎকার, বাবার হুমকি, চুপ, খবরদার যদি বাইরে আওয়াজ, ফৌস ফৌস নিশ্বেস, অস্পষ্ট গালাগালি, ধাক্কাধাক্কি, চড়-চাপড়ের শব্দে ভয়ে রজ্জো জোরে জোরে দরজায় ধাক্কা দিয়ে চেষ্টা করে, বাবা বাবা, খোলো খোলো, মাকে মেরো না বাবা...ও শকুন্তলাদি, তাড়াতাড়ি এসো...

দরজা ফট করে খুলল। কল্যাণী দরজা খুলতেই রজ্জো মাকে জড়িয়ে ধরে কাঁদতে লাগল। দরজা খোলার আগে কল্যাণী নিজেকে অনেক সংযত করার চেষ্টা করেছিল কিন্তু মেয়েকে বুকের কাছে পেয়ে তার ছঃখের বাঁধ ভেঙে গেল। মহিপাল দেয়ালের দিকে চেয়ে দাঁড়িয়ে। মেয়েকে দেখেই সে বেশ লজ্জিত অনুভব করছে। গোলমাল শুনে শকুন্তলা অনামিকাকে কোলে নিয়ে ছুটে এল।

আঁচল দিয়ে চোখ মুছে কল্যাণী মেয়েদের বললে— নীচে যা, আমি এখুনি আসছি।

মেয়েরা একপাশে নড়ল না। মহিপাল দরজার দিকে এগুলো। রজ্জ্বা আর কল্যাণী ছুঁজনে ছাদে এসে দাঁড়ালে। মহিপাল এগিয়ে কল্যাণীর পা ছুঁয়ে বলল— আমায় ক্ষমা কোরো, বলে নীচে নেমে গেল। রাস্তার হট্টগোল, ভিড়ভাড়া, কাছারীর কম্পাউণ্ড, শাহী ফাটক পার হয়ে মিউজিয়মের জনশূণ্য পোর্টিকোর কাছে এসে মহিপাল ধপ করে বসে পড়ল। বিগত দিনের সঞ্চিত স্মৃতির ভাণ্ডার মিউজিয়মে যেন তার খণ্ডিত ব্যক্তিত্ব আশ্রয় পেল। ফোঁস করে দীর্ঘশ্বাস ফেলল, যেন তার বুক ফেটে চৌচির হয়ে গেল। তার পাপ-পুণ্য ধর্ম-অধর্মের ঝোড়ো শব্দ যেন কান পাতলেই শোনা যাচ্ছে। তার আশ্রয় কোথায়? সে দয়ালু, বিবেকবান, সিদ্ধান্তবাদী অথচ বোকার মত সং ও অসতের ছুরড়া চাদর গায়ে দিয়ে সে কি পেতে চায়? শূণ্য, হায়রে অভাগা। তুই কোথায় যাবি? কি করবি? তুই কৌরবরাজ হুঁয়োধনের মত ধর্মকে চিনিস কিন্তু তার দিকে এগোবার প্রবৃত্তি তোর নেই, অধর্মের জ্ঞানও আছে কিন্তু তার থেকে তোর নিবৃত্তি নেই। আমার হৃদয়ে দেবতা কেন মুখ বুজে বসে আছেন? কেন তিনি আমায় পথের সন্ধান দিতে চান না? তার মাথায় যেন আকাশ ভেঙে পড়েছে।

শকুন্তলার বিয়ে, ছেলেমেয়েদের লেখাপড়া, তাদের সুখ-সুবিধে, তাদের ভবিষ্যৎ, পত্নীব্রত ধর্ম, প্রেমিকের ধর্ম, সাহিত্যিক হিসেবে দেশের প্রতি তার কর্তব্য, অমর লেখক হবার আকাঙ্ক্ষা, সমৃদ্ধির মাঝে বাঁচার লালসা, তপস্বীর মত আশ্রমবাসী হয়ে সাহিত্য সাধনা করার স্বপ্ন, সারা জীবনের ব্যর্থতা ঝড়ের মত মহিপালের জীবনের

প্রেরণাকে চুরমার করে দিচ্ছে। 'অনেক কিছু স্বপ্ন দেখার পর সব যেন গুঁড়িয়ে গেছে। সাফল্যমণ্ডিত হয়ে বাঁচার ইচ্ছে তবু সফলতা তার নাগালের বাইরে। ভগ্নমূর্তির পাশে খণ্ডিত ব্যক্তিত্ব, সব যেন ফেটে চৌচির, সবই অপূর্ণ। দীর্ঘশ্বাসের পর দীর্ঘশ্বাস, এই কি তার জীবনের পাথর? কে উত্তর দেবে? তার জীবনের রিক্ততাকে সে কি কেবল স্মৃতিমন্ডন দিয়েই পূর্ণ করে যাবে।

## পাঁচিশ

গিরি-গোবর্ধনের কাছে বিশাল জলকুণ্ডের পাশে দীঘল গাছগুলোর ছায়ায় সজ্জন আর কণ্ঠা খাওয়ার পর বিশ্রাম করছে। চারিদিকে ময়ূরের ডাক, পাখির মধুর কলরব, আকাশে বাতাসে বিচিত্র মাদকতা। কণ্ঠা টিফিন-কেরিয়র বন্ধ করে একদিকে রাখল। কিছু দূরে তিন-চারটে বাঁদর খাবারের টুকরোর অপেক্ষায় বসে আছে। বাঁদরের ভয়ে কণ্ঠার টিফিন-কেরিয়র শাল দিয়ে ঢাকা, হুজনে কোটোর ভেতর থেকে স্টাণ্ডাইচ, প্যাঁড়া, সরভাজা বার করে মনের আনন্দে খাচ্ছে। কাছে রাখা ছড়ির ভয়ে বাঁদরের দল দূর থেকেই হুমকি দিয়ে ক্ষান্ত, কাছে আসার সাহস নেই। কৃষ্ণ কানাইয়ের জীবদের সন্তুষ্ট করার জন্তু কণ্ঠা আর সজ্জন দু'জনেই খাবারের টুকরো-টাকরা তাদের দিকে ছুঁড়ে ছুঁড়ে ফেলছে।

—কমরেড, প্যাঁড়া দু-একটা আরো এদের দিয়ে দাও।

- না, ঢের হয়েছে, নীচে ট্যাক্সি ড্রাইভার বসে আছে।
- কেন? সে নিজের খাবার সঙ্গে নিয়ে এসে থাকবে।
- তাতে কি? বেচারী রোজ ফল মিষ্টি কোথায় পায়?
- আর এই বাঁদরের দল...
- আমার কাছে পশুর চেয়ে মানুষ...
- কমরেড, গিরিরাজে এসে এ-সব বুলি ভুলে যাও, সব জীব মাত্রই সমান—

‘সকলে সমান

সবে এক প্রাণ’

- ত্যাগ... কমরেড, সিগারেটের জন্তু মন আনচান করছে।
- আনচান করছে যখন, তখন ধরিয়ে নাও।
- না না, গোপালের এই পবিত্রভূমিতে...
- ধরিত্রী মাতাই গোপালের, পৃথিবীর কণায় কণায় তাঁর নিবাস।
- আচ্ছা বাবা আচ্ছা, আমিই হার মানছি।
- হু-তিনটে প্যাঁড়া বাঁদরের দলের দিকে ছুঁড়ে দিয়ে কণ্ঠা হেসে বললে— হাত জোড় করছি মহারাজ, আমার সঙ্গে হারজিতের সম্পর্ক দয়া করে রাখবেন না।

—কেন?

—আজ হার স্বীকার করে কাল আমাকে জেতার জন্তু উৎসাহিত করবে— এই তো? তোমার শিল্পী মনের মুডের হাত থেকে আমায় রেহাই দাও দয়ানিধান!

মাটি থেকে কোট উঠিয়ে পকেট থেকে সিগারেট বার করতে করতে সজ্জন বললে— আর্টিস্টকে বিয়ে করে তার জীবনসঙ্গিনী হতে চাও অথচ তার মুডকে এত ভয়?

—হ্যাঁ সত্যি ভয় করি। আর্টিস্ট মানুষের মুড়ের সঙ্গে তাল মিলিয়ে চতুর বারবনিতাই চলতে পারে, ভালো ঘরের গৃহিণীর কর্ম নয়। সে যত চতুর আর কর্মপটু হোক-না-কেন, হার মানতে বাধ্য হয়।

সজ্জনের রসিক মনে যেন হঠাৎ ব্রেক লাগল। সিগারেট ঠোঁটের কোণে চেপে বলল—তুমি সব আর্টিস্টদের এক লাইনে দাঁড় করিয়ে জবাই করে ফেলার মতলব করছ না কি? আমার মতে তাদের অন্তর বড়ই কোমল, খোলসটার ওপরে যাই...

—সেই জীবনের কথাই আমি বলছি। একা তোমার কথা নয়, আমার মনে হয় প্রত্যেক শিল্পীর জীবনে আছে এক বিরাট হাহাকার, রিক্ততা, তাই দুঃখের সঙ্গে সংঘর্ষ করার ফলে তার মন হয়ে ওঠে সংবেদনশীল। দাঁড়াও, আমায় বলে নিতে দাও, দুঃখের পাহাড়ের নীচে চাপা আর্টিস্টের দরদী মন শেষকালে হয়ে যায় পাথরের মতই কঠোর, পরের দুঃখে কাতর হবার মত অনুভূতি তখন চলে যায় তার নাগালের বাইরে।

—তোমার বলা শেষ হয়েছে?

—হ্যাঁ, কথা মুখ টিপে হাসল।

সামনে প্রাচীন গোড় মঠের ভগ্ন দেওয়ালের দিকে নজর পড়তেই সজ্জন বললে—দেখো ডার্লিং, আর্টিস্ট কি মানুষ নয়? সাধারণ মানুষের চেয়ে ভিন্ন ধরাতলে তাকে তুমি রাখতে চাও কেন? আমি একজন আর্টিস্ট তবু তুমি আমি তোমার হতভাগিনী স্বর্গীয়া বউদি, তোমার বাবা, আমরা সকলেই এমনকি এই বাঁদরের দল, পাখির প্যাম্পা পেটের আর দেহের ক্ষিদে অনুভব করে। প্রত্যেক মানুষের মনে এক সংবেদনশীল হৃদয় আছে, আমার মনেও ঠিক সেই অনুভূতি...

—সংক্ষেপে কথা সেরে ফেললে ভালো হত না ?

—সংক্ষেপে সারতে যাওয়া জীবনেরই এক অভিজ্ঞতা, টাইম কালচক্র...

—কালচক্র !

—হ্যাঁ, কালচক্রের অবিরাম গতি। সংসারের প্রত্যেক জীবমাত্রই সেই গতির দাস। মানুষ আর অন্য প্রাণীর মধ্যে তফাত শুধু বুদ্ধির, মানুষ নিজের বুদ্ধি দিয়ে কালচক্রের অভিজ্ঞতাকে অনুভব করে তা বর্ণনা করার ক্ষমতা রাখে। অনুভূতি দিয়েই হয় তার রচনাশক্তির বিকাশ। মানুষের সম্পূর্ণ জীবন সেই অনুভবের বিরাট ইতিহাস।

—অনুভূতির বর্ণনা অনেকটা বোবার মতই নয় ? মানুষের নিজের মনের অনুভূতি সব সময় সম্পূর্ণভাবে প্রকাশ করতে পারে না। আমার কথাই ধরো, আমার বিষয় তোমার মনের অনুভবের সঠিক বর্ণনা তুমি করতে পারবে ? আমার রূপই একমাত্র চোখের উপজীব্য নয়। সৌন্দর্যের সঠিক বর্ণনা করা তোমার পক্ষে কি সম্ভব ?

—না, আমার দৃষ্টিতে দৈহিক সৌন্দর্যবোধ জীবনের অনুভূতি নয়, কণ্ঠা। আমি স্বীকার করছি তোমায় সামনে পেয়ে আমার মনের সুপ্ত বাসনা জেগে ওঠে। মনের সেই ইচ্ছা খুঁজে বেড়ায় তোমাকে কাছে পাওয়ার সুযোগ।

—সেই সুযোগের কল্পনাই জীবনের এক অনুভূতি নয় কি ?

—হতে পারে, তার বিষয় আর একদিন কথা হবে। আজ আমি তোমায় বলতে চাইছিলুম যে সেদিন তোমার যে তিক্ত অনুভূতি হল...



—আমি যদি বলি যে সে অনুভূতি তিক্ত ছিল না, তাহলে ?

—যাক সে কথা, আমার মতে সেদিন....

—তিন্ত নিশ্চয় হত যদি তুমি সেদিন প্রকাশ না করতে ।

—তোমার কথায় অভিনবত্বের স্বাদ আছে কিন্তু মানুষের দৈনন্দিন আচরণের উৎস, কি তা তুমি গভীরভাবে ভেবে দেখার চেষ্টা কোরো । আমি কেবল অনুভবের কথাই বলছি, এখানে ভালো-মন্দের প্রশ্নই উঠছে না ।

...বাঃ তুমি নিজেই ভালোমন্দের কথা তুলেছিলে, কণ্ঠা ঠোট চেপে হাসল ।

তার ঠোটের কোণের হাসির ঝিলিকে সজ্জনের প্রলুব্ধ মন যেন সাড়া দিয়ে উঠল । তার শিরায় শিরায় যেন সেই হাসির নির্ঝর ঝর্না কল কল বেগে প্রবাহিত হতে লাগল । রূপ, রস, সুগন্ধ, গুঞ্জন আর স্পর্শ—এই হাসির মধ্যে যেন সব একাকার হয়ে আছে । অন্তরের আনন্দের স্বাদ পেয়ে যেন তার সম্পূর্ণ বাহ্যিক জ্ঞান অসাড় হয়ে গেছে । তাদের দু'জনের মাঝে মাত্র গজ পানেকের ব্যবধান তবু সে যেন তার কত নিকটে, তার অন্তরের মাঝেই তার বাসা । তার জীবনের রিক্ত পাত্র আজ পরিপূর্ণ । তার মনের সমস্ত বিকার আজ শান্ত । গোবর্ধন, বড় বড় দীঘল গাছের ছায়া, পশুপক্ষী, গোড় মঠ, আকাশ বাতাস সবের মধ্যে সেই একই রূপ পরিব্যাপ্ত—দু'জনের অস্তিত্ব আজ সেই রূপের মধ্যে মিশে গেছে । বিচিত্র অনুভূতি, বিচিত্র কালচক্রের গতি ।

সজ্জনের চোখের ভাষার ইঙ্গিতে কণ্ঠা যেন ধীরে ধীরে নিজেকে হারাতে বসেছে । সজ্জন তারই প্রিয়তম, সে তাকে চট

করে আদর করে গালে চুমু খেয়ে নেবে, ছিঃ ছিঃ এ-সব ছাইভস্ম  
কল্পনা তার মনে কোথা থেকে এল ? বাসনার ছাই-ছাপা  
আগুন বাতাস পেয়ে আবার পুরোদমে জ্বলে উঠছে না কি ?  
কল্পনার জাল তাড়াতাড়ি গোটাতে গোটাতে সলজ্জ হাসি হেসে  
কণ্ঠাবলল— কি ব্যাপার ! আর্টিস্ট অনুভূতির বর্ণনা করবেন না কি ?

—তোমার কাছে পরাজয় স্বীকার করছি, তবে এ পরাজয়ের  
মধ্যে লুকিয়ে আছে তোমার জয়, ঠিক বলেছি তো ?

—আবার সেই জয়-পরাজয়ের দাঁপি খুলে বসলে ? যাই বল-না  
কেন, আমি ভেবে ঠিক করেছি তোমার শিল্পী মুণ্ডের প্রত্যেক  
কথায় সায় দেওয়া আমার কর্ম নয় । এবার চলো ওঠা যাক ।

—একটু দাঁড়াও, আমি রসখান কবির কবিতার লাইন মনে  
করছি ।

—কবিতা ?

—হ্যাঁ, ধেংতেরী, পেটে আসছে মুখে আসছে না, কি মুশকিল ।

—আমারও মনে আসছে না । আমার আবার কবিতা টকিল  
মনে থাকে না । এইবার ওঠা যাক ।

তেরে কহে সব সোয়াংগ করোগী .. হ্যাঁ এবার মনে পড়েছে

মোর পন্থা সির উপর রাখিহৌ গুজ কী মাল গলে পহিরোগী ।

ওড়ি পীতাম্বর লয় লুকটি বন গোধন গোয়ালিনী সঙ্গ ফিরোগী ॥

ভাবতো বোহী মেরো রসখান সো তেরে কহে সব সোয়াংগ করোগী ।

বা মুরলী মুরলীধর কা অধরান ধরী অধরান ধরোগী ॥

—আহঃ কণ্ঠা, এক সেকেণ্ড ওখানেই দাঁড়িয়ে থাকো । সজ্জন  
কাগজ পেন্সিল বার করে স্কেচ করতে লাগল ।

—তুমি...

—এক মিনিট চুপ করে দাঁড়িয়ে থাকো।

স্বেচ তৈরী হচ্ছে। কৃষ্ণ মাথায় মুকুট, গলায় গুঞ্জমাল, পীতাম্বর, বাঁ হাতে লকুটিয়া আর ডান হাতে বাঁশি, শ্রীরাধার চোখে লাজ, ঠোটে বাঁকা হাসি, জু একটু কোঁচকানো, দেহের ত্রিভঙ্গী যুগ্ম, ডান হাতের আঙুলে যৌবনের চপলতা।

বনকন্ঠার এ খেলা মন্দ লাগছে না। শিল্পীর প্রেরণার বাজে কথার জাল থেকে নিজেকে সে মুক্ত রাখতে চায়। আজ সে শিল্পীর প্রেরণা নয়, এক সমর্পিতা নারী। যেদিন সে প্রথম দর্শনে সজ্জনের চোখে প্রেমের ঝিলিক দেখেছিল, সেদিন থেকেই অনুরাগে রঞ্জিত হয়ে আছে তার দেহ মন। বহুবার মনের রাশ টানার চেষ্টা করেও সে পারে নি। সজ্জনের চোখের আড়াল হলেই যেন তার অতৃপ্ত অন্তরে আসে ভাবান্তর। নারীর অধিকার, পুরুষের অত্যাচার, পুরুষের প্রতি ঘৃণা, লেখাপড়া, চিন্তা-দর্শন, তার সমস্ত ইচ্ছা-অনিচ্ছা সজ্জনের সম্মুখীন হলেই যেন নিস্তেজ হয়ে যায়। সজ্জন তারই ইচ্ছার প্রতীক। যে নারী কোন পুরুষের আস্থানে আজ পর্যন্ত সাড়া দেওয়া উচিত মনে করে নি, সজ্জনের সামনে আজ সে পুরোপুরি পরাস্ত। তার মনে পরাজয়ের গ্লানি নেই, পরশু রাতে চোখের জলে মান-অপমানের ভাবনা ধুয়ে মুছে গেছে। কাল দুপুরে একা বৃন্দাবনের গলিঘূঁজিতে ঘুরতে ঘুরতে তার চোখের সামনে ভবিষ্যতের ভয়াবহ ছবি ভেসে উঠেছিল, সংসার, পরিচিতদের থেকে দূর অনেক দূর চলে যাওয়ার কল্পনার মাঝে যেন সহসা সে শ্যামের বাঁশি শুনতে পেল। সেবাকুঞ্জের পাশের গলি থেকে সজ্জন যেন তার নাম ধরে ডাকছে। সে নিজেই কিছুক্ষণ নিজের কানকে বিশ্বাস করতে

পারে নি। সজ্জনকে ঘরের দরজার সামনে দেখে সে আনন্দের আতিশয্যে আত্মহারা হতে বসেছিল। দশহাত দূরে সজ্জনের কাছ পর্যন্ত যাওয়ার ক্ষমতা যেন তার হাতেপায়ে ছিল না, অবশ্য অসাড় দেহ নিয়ে সে কোনমতে দরজার কপাট ধরে টাল সামলে নিলে। তাড়াতাড়ি সজ্জন এগিয়ে এসে তাকে না ধরলে হয়তো সে মাথা ঘুরে পড়েই যেত। তার অবস্থা দেখে সজ্জনের ব্রহ্মচারী মনের বৈরাগ্য গলে জল হয়ে গেল। তার কঠোর মন ভূমিকম্পে ধসে যেতে বসেছে। সজ্জন সে সময় এক প্রোটা বাঙালী বিধবা বোষ্টুমির বাড়ি বসে রাধামাধবের ছবি এঁকে তাকে পাঁচ টাকা দিয়েছে। বোষ্টুমির সহস্র আশীর্বাদ শুনে সজ্জন সেই গলির দিকেই আসছিল। কন্যাকে তাড়াতাড়ি সঙ্গ করে সেই বাড়িতেই নিয়ে গেল। চতুর বোষ্টুমির রাধামাধবের আশীর্বাদে হাতে সত্তা পাঁচ টাকা এসেছে, আরো প্রাপ্তির আশায় সে কন্যার সেবায় ক্রটি করল না। দালানের খাটিয়াতে তাড়াতাড়ি নিজের পুরানো কাঁথা বিছিয়ে দিলে, কুয়ো থেকে ঠাণ্ডা জল তুলে এনে খাওয়ালে, সজ্জনের কাছ থেকে কিছু খুচরো নিয়ে চট করে বাজার থেকে দুধ কিনে এনে গরম গরম চা তৈরী করলে, লুচি, পায়েস তরিতরকারী মুখরোচক রান্নাবান্না করে যশোদা মাতার মত স্নেহের সঙ্গে পিঁড়িতে বসে ছুজ্জনকে খাওয়ালে। উঠতে বসতে আশীর্বাদ, এখান-সেখানকার গল্প— করতে করতে বউয়ের সিঁথিতে সিঁতুর নেই কেন, বলে মিষ্টি ধমক দিতেও ভুলল না। বিদায়ের সময় শ্রীরাধামাধবের মালা ছুজ্জনের গলায় পরাতে পরাতে আশীর্বাদের পুঁথিমালা সবটা আওড়ে দিলে। সজ্জন নিজের পার্স কন্যাকে দিল, বোষ্টুমিকে।

দক্ষিণা দেবার জন্ত। বোষ্টুমির একাঘরে ছুজনে চার ঘণ্টা পরস্পরের মুখোমুখি বসে কাটল তবু ছুজনে যেন কথা খুঁজে পাচ্ছে না—কেমন আছ? ভালো আছি—কেন এলে? তাড়াতাড়ি চা খেয়ে নাও—কণ্ঠা আমায় ক্ষমা করো, ছাড়া কোন কথাই হল না। ছুজনেই মৌন সমবেদনায় ব্যথিত, ভারাক্রান্ত! বিকেলে মথুরা থেকে ফিরে এসে বাড়ি যাবার আগে সজ্জন বাজার থেকে সাড়ে আটশো টাকার চারখানা শাড়ি, একখানা দামী শাড়ি কণ্ঠার রমা বউদির জন্ত আর তিনখানা কণ্ঠার জন্ত কিনলে। কণ্ঠার পায়ে পুরোনো স্ট্রাওয়েল দেখে আগ্রহ করে নতুন স্ট্রাওয়েল কিনে দিলে। শাড়ি আর স্ট্রাওয়েলের সঙ্গে ম্যাচ করা দামী ভ্যানিটি ব্যাগ, দামী শালও কিনতে ভুলল না। কণ্ঠা দু-একবার চাপা গলায় প্রতিবাদ করলে বটে কিন্তু সজ্জনের আগ্রহের সামনে তার মুখে আর বেশী কথা জোগাল না। দুঘণ্টার মধ্যে প্রায় বারোশো টাকা খরচ হয়ে গেছে। বাড়ি ফিরে ছুজনেই রমা বউদি আর মুরলীধরের মনের সন্দেহ হাবেভাবে মিটিয়ে দিলে। রাস্তিরে প্রিয়তমের ইচ্ছানুসারে সেজে, কণ্ঠা তার সঙ্গে সিনেমা দেখতে গেল।

সজ্জন তার রাধাকে রসখান কবির সবৈয়ার মতই চিত্রিত করেছে। রাফ স্কেচে ময়ূর-মুকুট, গুঞ্জমাল, পীতাম্বর মনোমোহন কৃষ্ণর সাজে রাধা, পুরুষ বেশে মুরলী ধরতে বারণ করা রাধার অপরূপ রূপ। সজ্জন নিজের শিল্পকলা দেখে যেন নিজেই মুগ্ধ হয়ে যাচ্ছে। আজ থেকে পাঁচ-ছয়দিন আগে কণ্ঠাকে তার বাড়িতে একা পেয়ে সে মুগ্ধ হয়েছিল। কিন্তু সেদিনের আর আজকের মধ্যে আকাশ পাতাল তফাত, কণ্ঠার মুখের ওপর মুগ্ধ

দৃষ্টি ফেলে সে তাকে কাছে পাবার জন্য আকুল হয়ে উঠল। এই মুহূর্তে তাকে বড় সুন্দর দেখাচ্ছে ঠিক পরীর মত। তাড়াতাড়ি উঠে দাঁড়িয়ে কণ্ঠার গলা জড়িয়ে সে তাকে বুকের কাছে টেনে নিলে। বাহুবন্ধনে আবদ্ধ কণ্ঠার সমস্ত অনুভূতি যেন আচ্ছন্ন হয়ে এল। দুই দেহের আগুন যেন ভাঁটির মত জ্বলে উঠেছে। গালে গরম গরম শ্বাস প্রশ্বাসের...

—দেখো, সব ব্যাটা বেটিদের কাণ্ডকারখানাটা একবার দেখো। বিলিতি মাছের টিন সব খালি করে ফেলে, এখন গিরিরাজে এসে চুমু খেয়ে আদর করার ব্যবসা চালু করেছে এরা।

মঠের এখানে দাঁড়িয়ে দস্তহীন গৌসাইজী, জোরে জোরে কথাগুলো শুনিয়ে শুনিয়ে বললেন। কণ্ঠার মুখ লজ্জায় লাল হয়ে গেল। সে তাড়াতাড়ি চোখ নাক কান বন্ধ করে দিলে এক ছুট। সজ্জন ঘাবড়ে তাড়াতাড়ি স্কেচ বই, পেন্সিল, ক্যামেরা, ফ্লাস্ক, টিফিন-কেরিয়ার সব-কিছু গুটিয়ে নিয়ে হাঁটতে শুরু করল। খালি পায়ে কণ্ঠা কাঁকড় পাথরে বেশী দূর ছুটতে পারল না। গাছের ঝোপঝাড়ের পাশে কণ্ঠাকে দেখতে পেয়ে সজ্জন চৈঁচিয়ে বললে—  
আরে, গুরু মশাই, দাঁড়ান, আমি আসছি।

কণ্ঠার কাছে পৌঁছে ঠাট্টা করে বলল— বিলিতি নারী, টিনে বন্ধ মাছ সব সাবাড় করে কোথায় পালানো হচ্ছে?

—যাঃ কি বকবক করছ? তুমি লোক মোটেই সুবিধের নয়। কণ্ঠা হেসে বললে।

—মানহানির মোকদ্দমা ঠুকে দেব। আমাকে মন্দ লোক বলার মানেন? আমার মধ্যে মন্দটা কী দেখলে তুমি? বিলিতি নারী...  
টিনবন্ধ মাছ সাবাড় করে আমার পবিত্র কর্মকে মন্দ বলার ছঃসাহস...

—তুমি বড় ছুঁ, কণ্ঠা খিলখিল করে হেসে উঠল।

—অনেক ধন্যবাদ, থ্যাঙ্ক ইউ ফর দি কমপ্লিমেন্ট।

—ঠাট্টা নয়, আমার বুক এখনো ধড়ফড় করছে।

—বুকের আওয়াজ জীবনের চিহ্ন। তুমি একদম ভীতু।

—ভীতুই সই, এবার থেকে আমার মনকে শাসনে রাখব।  
তোমাকে সামনে পেলেই সব বুদ্ধিশুদ্ধি লোপ পেয়ে যায়।

—তুমি তিলকে তাল করার চেষ্টা করছ। আরে ব্যাটা  
ঘাটের মড়া যদি দেখেই নিয়েছে তাতে এত ঘাবড়াবার কি আছে ?  
সজ্জনের চোখেমুখে বিরক্তিভাব ফুটে উঠল।

—তোমার পক্ষে হয়তো এটা ছোটখাটো মজার ব্যাপার, কিন্তু  
আমার জীবনের এ অতি পবিত্র অনুভূতি।

—পাগল হয়েছ তুমি ? স্ত্রীপুরুষের সম্পর্কের মধ্যে আবার  
পবিত্র-অপবিত্রের কোড এল কোথা থেকে ? আসলে তোমার  
বাড়ির নোংরামি দেখে দেখে মাথার মধ্যে ভুল ধারণা ঢুকে গেছে।  
আমার হবু পত্নীর পবিত্রতার খেয়াল আমার যথেষ্ট আছে। আমি  
তোমাকে কোনদিন ধোঁকা দেব না।

কণ্ঠা মাথা হেঁট করে শুনতে শুনতে সহসা ফিকে হাসি হেসে  
বললে— আমাকে দেবী শকুন্তলার মত কাঁদতে হবে না তো ?

—কি ?

—কারুর অভিশাপগ্রস্ত হয়ে যাই যদি ?

—অভিশাপ, বর্তমান যুগে ?

—দৃষ্টির শাপ এযুগেও লাগে।

—তোমার মন থেকে আমার প্রতি বিশ্বাস উঠে গেছে, নয় ?  
পাশাপাশি হাঁটতে হাঁটতে সজ্জন বললে।

—বিশ্বাসই জীবনের অবলম্বন।

—এ কথা আমি স্বীকার করি আমার চরিত্র নিকোনো উঠানের মত চকচকে উজ্জ্বল নয়। বড়লোকের একমাত্র ছেলে। অল্প বয়েসে বাবা-মাকে হারালে সচরাচর যা হয়ে থাকে, আমার ক্ষেত্রেও তাই হয়েছে। আমার চরিত্রে দুর্বলতার জন্মে হয়তো তুমি আঘাত পেয়েছ কিন্তু মানুষ হিসেবে আমি খারাপ নয়।

—খারাপ লোককে দেখে ভয় হয় না। কেননা তার ছায়া না মাড়িয়ে চলার চেষ্টা করা যায়। ভয় করে চরিত্রের দুর্বলতাকে, যে হাজার হাজার ভালো লোকের অন্তরে লুকিয়ে আছে, সময় সুযোগ পেলেই সহসা একদিন সে খপ করে তার শিকারকে বন্দী করে ফেলে।

কন্যার উপদেশ শুনে সজ্জনের প্রেমাসক্তি হাওয়াই ফানুসের মত আকাশে উড়ে গেল। তার বিদ্রোহী মন হাজার প্রশ্নের উত্তর পাবার জন্য আকুল হয়ে উঠেছে—মদ খারাপ জিনিস কেন? গঙ্গাজল পবিত্র কেন? স্ত্রীপুরুষের দৈহিক সহজ আকর্ষণের ফলে দৈহিক মিলনে কোন দোষ আছে কি? চুশন করা কি পাপ? বিদ্রোহী মনের উদ্বিগ্নতাকে চাপা দেবার জন্মে সে কন্যাকে বললে—দাঁড়াও, আগে আমার কথা শোনো, তুমি যাকে খারাপ মনে করো সে শুধু সমাজের আহাম্যক বিজ্ঞদের লম্বা লম্বা কপটানি ছাড়া আর কিছুই নয়। যদি তোমার মত ঠিক হয় তাহলে বুদ্ধ আর শঙ্করাচার্য পর্যন্ত নারীর বিরুদ্ধেই বলে গেছেন, নারী নরকের দ্বার, সমস্ত পাপের মূলে নারী, এবার তোমার কিছু বলার আছে?

—বুদ্ধ আর শঙ্করাচার্য যদি নারী হতেন তাহলে লিখতেন যে পুরুষ সাক্ষাৎ নরক, নারী সেই নরককে দেয়াল দিয়ে ঘিরে



সীমাবদ্ধ করে রাখে। প্রকৃতি আর জীবকে নারীই বিষধরের দংশন থেকে বাঁচায়। কণ্ঠা বেশ রুঢ় গলায় বললে।

রাগে আপেলের মত লাল কণ্ঠার মুখখানা দেখে সজ্জনের মানসিক অবস্থা একেবারে কাহিল। হাতের দ্বিক কণ্ঠার কাঁধে রেখে সোহাগের সুরে বলল—মাই ডিয়ার, রাগ করছ কেন? এই স্বাধীন দেশের একজন নাগরিক পুরোনো কালের মতই হজুরের গোলাম হয়ে থাকতে সম্পূর্ণ রাজী আছে। লোহার বেড়ায় ক্ষুদ্র বাঘিনী যেন স্টিকের স্পর্শে এক মুহূর্তে পোষা গোকুর মত দীন করুণ ভাবে তার প্রিয়তমের দিকে তাকাচ্ছে। সজ্জন তার কাঁধে হালকা স্টিকের টোকা দিয়ে বললে—দেখো পণ্ডিত কণ্ঠাপ্রসাদ, আমরা দুজনেই দুজনের পুরক হয়ে বোঝাবুঝির পালা প্রায় শেষ করে ফেলেছি। ট্রেনের কিছু ঘণ্টার ঠুনকো পরিচয়ের মত সম্পর্ক গড়ে তারপর প্লাটফর্মে নামার সঙ্গেই এর শেষ করার ইচ্ছে আমার নেই। লক্ষ্মী পৌঁছে আমরা পরিণয়সূত্রে আবদ্ধ হয়ে ঘরকন্না পেতে বসব। তুমি বুঝতে পেরেছ কিনা জানি না কালকের ঘটনার পর আমার মনের ওপর দিয়ে বেশ একটা ঝড় হয়ে গেছে। আমার সংবেদনশীল মন পেয়েছে আজ তার উচিত পথের সন্ধান—আলোকে উদ্ভাসিত আমাদের চলার পথ। পত্নীর অধিকার হিসেবে তুমি আমার চরিত্রের দুর্বলতাকে শেকড়শুদ্ধ উপড়ে ফেলার চেষ্টা করবে কিন্তু একটা কথা গ্লীজ মনে রেখো, স্কুলের শিক্ষয়িত্রীর মত উপদেশ দিতে আরম্ভ করে দিও না যেন। বিগত দিনের কথা তুললে স্বামী-স্ত্রীর মধ্যে চুলচেরা ফাটল ধরার ভয় থাকে। এ-সব কথা সাধারণ লোকেদের জন্য ঠিক আছে কিন্তু আমাদের বিষয় এ-সব যুক্তি খাটে না।

কণ্ঠ। মিষ্টি মিহি স্বরে উত্তর দিলে— আমি তোমার লম্বা লম্বা কাহিনী শুনে কি করব? বিগত দিনের ইতিহাস সাক্ষী হয়ে থাকুক। নতুন পরিস্থিতির মধ্যে তোমার চরিত্রের দুর্বলতা আপনা হতেই লোপ পেয়ে যাবে। চলার পথে তুমি নব ইতিহাস নির্মাণ করবে।

—মানুষের স্বভাবে এত তাড়াতাড়ি পরিবর্তন হওয়া কি সম্ভব?

—কেন সম্ভব নয়? সাধারণ মানুষের চেয়ে তোমার চেতনা-শক্তি ঢের বেশী বিকশিত। বিয়ের পর অণু স্ত্রীর অভাব জীবনে অনুভব করা তোমার পক্ষে সম্ভব নয়। তুমি আমারই, কেবল আমারই হয়ে থাকবে।

হুজনে চুপচাপ হেঁটে চলেছে। সামনে পাথরের কারুকার্য করা সুন্দর ছাত দেখা যাচ্ছে। দূরে সাদা বাড়িটার কাছে তাদের ট্যান্ডি দাঁড়িয়ে। এতক্ষণে কণ্ঠার হুঁশ হল যে সজ্জনের কাঁধে সব জিনিসের বোঝা চাপিয়ে দিয়ে সে বেশ ঝাড়া হাত-পা হয়ে হাঁটছে। সে তাড়াতাড়ি সজ্জনের হাত থেকে কোট আর ক্যামেরা নিয়ে নিল। সজ্জন কণ্ঠার চোখে প্রথমবার দেখতে পেলো সমর্পিতা নারীর মৌন নিমন্ত্রণ।

## ছায়াশ

ভভূতি স্মারকর বাড়ির সামনের গলিতে মহাকবি বিরহেশ সিগারেট হাতে পায়চারি করে বেড়াচ্ছেন। নন্দর নিমন্ত্রণে তিনি আজ এখানে উপস্থিত, মাঝে মাঝে আগমনী সংবাদ দেবার জন্য গলা খাঁকারী দিচ্ছেন। ইতিমধ্যে ভেতরের দালানে খটখট শব্দের সঙ্গে খুঁট করে সদর দরজার হুকো খোলার শব্দ হল। দরজার আড়াল থেকে নন্দর কৃত্রিম কাসির আওয়াজ ভেসে এল। মহাকবি বোর দরজার ফাঁক দিয়ে শরীর ভেতরে গলিয়ে দিতেই ফট করে কপাট বন্ধ হয়ে গেল।

নন্দ বৈঠকখানার দরজা খুলে দিয়ে আলো জ্বালিয়ে বিরহেশকে হাতছানি দিয়ে ডাকলে। বাইরের দরজায় শেকল লাগিয়ে দিয়ে নন্দ মহাকবির গায়ে গা রগড়ে আড় চোখে তাকে দেখে নিশ্চিত মনে বৈঠকে ফিরে এল। বৈঠকখানার দেয়ালে প্রায় তিন-চার ফুট পর্যন্ত টাইল লাগানো। ফায়ার প্লেসের ওপর সুন্দর ম্যান্টেলপীস, ফায়ার প্লেসের চারিদিকে জ্বালির কাজ করা আঙুরের গোছার ডিজাইন, ছোট ছোট টিয়া পাখি সেই গোছায় টোকা মারছে। টাইলে রাধাকৃষ্ণ, ওঁ লেখা। সমাধিস্থ গঙ্গাধর শিবের মূর্তি এক কোণে রাখা আছে। বৈঠকে সোফা সেট, দু-চারটে চেয়ার আর একটা সেন্টার টেবিল সাজানো।

নন্দ এসে সেন্টার টেবিলের পাশে দাঁড়াল। মহাকবি অ্যাশট্রেতে সিগারেট ঝেড়ে চেয়ারে বসতে বসতে নন্দর দিকে চেয়ে মুচকি হাসলে।

—নন্দ বিবি গায়ে গা ঘষে যে আঙুন লাগালে, জল ঢালার কাজটা কার জিন্মায়?

—এই যাঃ।

—তোমার মাথার দিব্যি— নন্দ বিবি— ব'লে বিরহেশ আতুর হয়ে নন্দর দিকে এগুতেই সে ছিটকে ছুঁহাত দূরে সরে যেতে যেতে বললে— না না, আমাকে ছুঁয়ে দিও না যেন, এখন আমার গোমতীতে চান করতে যাবার সময়।

—আরে তুমি যদি গোমতীর দিকে যাচ্ছই তা হলে আমার প্রাণেশ্বরীকে এখানে পাঠিয়ে তবে যেও। এই জানুয়ারি মাসের শীতে সকাল চারটেয় বাড়ি থেকে তোমার ছকুম পেয়েই বেরিয়ে পড়েছিলুম। শীতে দাঁতে দাঁত লেগে যাচ্ছে, এবার কিন্তু উত্তাপ না পেলে জমে হিমখণ্ড হয়ে যাব।

—এটা বেশাবাড়ি না কি? তুমি ভেবেছটা কি? নন্দ বিবি, বিবি বলতে বলতে ঢুকে এলেই হল, আমরা কুটনি ছিনাল না কি?

নন্দর কথার মারপ্যাচ বিরহেশের মত লোকের অজানা নয়, তাড়াতাড়ি হাত কচলাতে কচলাতে বললেন— না না, হিঁ হিঁ।

—তোমাদের দুজনের প্রেম দেখে আর চুপ করে থাকতে পারলুম না। বউদি অষ্টপ্রহর তোমার নামের মালা জপ করছে আর চোখের জলে বুক ভাসাচ্ছে, তাই দয়া করে...

—সে তো বটেই নন্দ দেবী, তুমি আমাদের ত্রাণকর্তা।

—এটা জানতে চাইলে না আমি তোমার ঠিকানা জোগাড় করলাম কি করে?

—তুমি যাহু বিত্তে জানো নিশ্চয়।

—তুমি তো প্রেমের রোগ লাগিয়ে চলে গেলে, এদিকে বউদির অবস্থা সঙ্গীন।

—আমারও সেই অবস্থা নন্দ বিবি, তোমার বউদি আমার চোখের ঘুম কেড়ে নিয়েছে, আমার সবকিছু...

—একশো টাকা এনেছ?

—নন্দ বিবি, তোমার জন্তে গোলামের প্রাণ হাজির। বাবুগঞ্জ থেকে পায়ে হেঁটে এখানে এসেছি। আজকাল দিনকাল মোটেই ভালো নয়। পয়সার জন্তে খুনখারাপি করতে লোকে দ্বিধা করে না। অঙ্ককারে একা একশো টাকা নিয়ে আসতে কেমন যেন... বিকেলে যেখানে বলবে সেখানে পৌঁছে দেব।

—তুমি তো খুব চালাক লোক দেখতে পাচ্ছি। মজা...

—আরে না না নন্দ বিবি, তোমার জোয়ানীর দিবি, তোমার লাল লাল গালের দিবি, তোমার বউদির দিবি তোমাকে ধোঁকা দেব না। তোমার আমার একদিনের ব্যাপার নয়। এই নাও পঁচিশ টাকা রেখে নাও, একশো টাকা পুরো গুনে আবার দেব। ক্ষিদেয় পাগল বাঘিনীর সামনে যেন মাছির ভোঁ ভোঁ, নাক উচিয়ে, ঠোট উন্টে নন্দ বললে— রেখে দাও তোমার পঁচিশ টাকা, এখানে লক্ষ টাকার কারবার চলছে। আমার ভাইয়েরা দাঁড়িয়ে দাঁড়িয়ে সিনেমা হাউস কেনার বুলি দেবার ক্ষমতা রাখে।

কৈলাস নন্দর প্রাণের বান্ধবী। সে তার ব্যবসার সঙ্গিনীও বটে। দুদিন আগে সিনেমা হাউসের গেট-কীপার বিরহেশকে নিয়ে

কৈলাসের বাড়িতেই নন্দর দেখা করিয়ে দিয়েছিল। সিনেমা জগতের সমস্ত খবরাখবর দেওয়ার পর মহাকবি, তাদের সকলকে অভিনেত্রী হবার স্বপ্ন দেখিয়ে দিলে। নন্দ ছল-চাতুরীতে কারুর চেয়ে কম নয়, একশো টাকা বিরহেশের কাছে চাইলে। সেদিন তার সামনে বিরহেশ প্রায় পঞ্চাশ টাকা কৈলাসের চা, সিগারেট আর হুইস্কিতে ওড়াচ্ছে দেখে নন্দর লোভ আরো বেড়ে গেল। যদিও গেট-কীপার তাকে এই কবি বাবুটির বিষয় সাবধান করে দিয়েছিল, তবু নন্দ ভাবলে সে তার নতুন গ্রাহক ভাঙিয়ে নেবার ফন্দি করছে। মাত্র পঁচিশটি টাকা দেখেই বুদ্ধিমতী নন্দ এক লহমায় কবির পকেটের অবস্থা বুঝে নিলে।

—আজ তো বউদির আসা মুশকিল, আমার দাদা কালই রাত্তিরে কলকাতা থেকে ফিরেছে।

—কিন্তু তুমিই তো বলেছিলে আজ...

—তখন কি আর জানতুম যে মনিয়া ভুট করে এসে হাজির হবে। সেদিন লিখেছিল যে ফিরতে আট-দশদিন দেবী হতে পারে মা বাবা সংক্রান্তি স্নান করতে কালই এলাহাবাদ চলে গিয়েছেন।

মহাকবি খপ করে নন্দর পাছটো জড়িয়ে ধরে বললে— যা হয় একটা কিছু ব্যবস্থা করে দাও, নন্দ বিবি। একবার মোহিনীকে আমার কাছে নিয়ে এসো। দূর থেকে দর্শন করে প্রাণ পাখি তাকে কাছে পাবার জন্য ছটফট করছে। মোহিনীকে কাছে পেলে, তাকে দুই বাহুর বন্ধনে— আরে ছাড়া, ছাড়া, কি হচ্ছে? নন্দ নিজেকে মহাকবির বাহুজাল থেকে মুক্ত করতে করতে বললে। মহাকবি নন্দকে জাপটে ধরে ভাববিহ্বল কণ্ঠে বললে— আমার প্রাণেশ্বরীর সঙ্গে একবার দেখা করিয়ে দাও। আমার হৃদয়ের

শুণ্ড অমর গীতি আজ আবার জেগে ওঠার জন্ত ব্যাকুল হয়ে উঠেছে।

—জাহান্নামে যাক তোমার অমর গীতি, ঢের ঢের ধাপ্পাবাজ দেখেছি, আগে আমার টাকা রাখো তারপর অন্য কথা।

—টাকা আমি তোমায় বিকলে এনে দেব। তুমি একশো চেয়েছিলে আমি দুশো দেব। তোমার জন্তে প্রাণও উৎসর্গ করতে পারি নন্দরানী।

—আমার এসব বাজে কথা মোটেই ভালো লাগে না। ঠাকুরজীর সেবায় দিন কাটাই।

—ভগবান তোমাকে ভক্তিরসে আকণ্ঠ ডুবিয়ে রাখুন, তুমি দয়ার অবতার, এই দেখ আবার তোমার পায়ে হাত...

মহাকবি পায়ে হাত দেবার জন্ত হেঁট হতেই বাঁ হাতের সোনার ঘড়ি চক চক করে উঠল। নন্দর চোখে ঘড়ি যাদুমন্ত্রের কাজ করল।

—তুমি বার বার জেদ করে-চলেছ। তোমায় আগেও বলেছি যে এ বড় বেইমানী কাজ। আমার মনিয়া জল্লাদের চেয়ে কম নয়, এই যাঃ ঘড়ি খুলে গেছে? নন্দ ঘড়ির ওপর হাত রেখে বললে— তোমার জন্তে চেষ্টা করে দেখি, তারপর ভগবান যা করেন।

ঘড়ি বোরের হাত থেকে নন্দর হাতে হাজির, মহাকবির মুখ ফ্যাকাশে হয়ে গেল। মনিয়া তখন গভীর ঘুমে অচেতন। ঘুমন্ত কোলের মেয়েকে নন্দ নিজের কাছে শোয়ালে।

নন্দ, বিরহেশ আর বড়কে বেশীক্ষণ একা থাকার চান্স দিলে না। মনিয়া জেগে উঠলে— এইটুকুই বিরহেশকে বিদেয় করার অব্যর্থ মন্ত্র, কিন্তু ততক্ষণে মহাকবি নন্দর চাল ধরে ফেলেছে। বড়র

হাত ধরে বললে— আরে ইনি মিথ্যে ভয় পাওয়াচ্ছেন, নন্দ বিবি ঘাবড়ো মাত, তোমার একশো টাকা আজই দিয়ে দেব।

—কিসের টাকা? বড় বিফারিত চোখে জিজ্ঞেস করলে।

—কোহিনুরের দাম দিতে হবে না? ইনি আমার ঘড়ি নিয়ে নিয়েছেন। বিরহেশ বড়র দিকে চেয়ে হেসে বললে।

—কেন?

—সেসব কথা ছেড়েই দাও। ঘড়ি যদি ফেরত পাই তা হলে ভালোই হয়, আমি বিকেলে নিশ্চয় টাকা দিয়ে যাব। বড় কাকুতি মিনতি করে নন্দকে বললে— তোমার পায়ে পড়ি, রাজী হয়ে যাও, ইনি মস্ত বড় কবি, তোমার টাকা নিশ্চয় দেবেন। নন্দ রাজী হয়ে গেল। বিরহেশকে তার আর বড়র সঙ্গস্থ দিতে অমর গীতি রচনার পুরো সুযোগ সুবিধে দিয়ে দিলে।

সেদিন বিকেলে কিন্তু একশো টাকা পাওয়া গেল না। বড় প্রেমের ছোঁয়া পেয়ে সারাদিন সখী সখী ভাবে বিভোর হয়ে রইল। পরের দিন ভোরবেলা ঠিক সেই সময় মহাকবির আবার আবির্ভাব। আজ সে পঞ্চাশ টাকা নিয়ে এসেছিল। অনেক বাহানা করলে, পরের দিন অনেক জিনিস আনার আশা দিলে, বড় নন্দের পায়ে তেল দিলে, কিন্তু এ ভবি ভোলবার নয়। নন্দের মন কিছুতেই টলল না।

—নিজেকেই চলে যাবে, না চেষ্টাব এখুনি? নন্দ বাজখাঁই গলায় বিরহেশকে এক তাড়া দিয়ে, বড়কে হুমকি দিয়ে বলল— ওদিকে চলো। বড় ভয় পেয়ে গেল। বোরের কোন বাহানাই কাজে এল না, তাকে যেতেই হল। দরজার কপাট সন্তর্পণে বন্ধ হয়ে গেল।



বড় মনে মনে নন্দর মুণ্ডপাত করলে। ভয়ে শুকনো বিরহেশের মুখ কল্পনা করতেই তার মন প্রতিহিংসায় জ্বলে উঠল। দরজায় খিল দিয়ে নন্দ বললে— ও বড়, এ লোকটা ভীষণ জাঁহাবাজ, এ আমি তোমায় বলে দিলুম। আমি এমন জায়গায় তোমার হিসেব-কিতেব ফিট করে দেব যে প্রাণভরে প্রেমসুখাও পান করবে আর মাথা থেকে পা পর্যন্ত সোনায় ঝলমল ঝলমল করবে।

—গয়নাগাঁটিতে আমি লাথি মারি। মানুষ প্রেমের ভিখারী, গয়নাকাপড় দিয়ে নীচরাই প্রেমের তেজ্জারতী করে। বলতে বলতে বড় নন্দর খাটিয়া থেকে মেয়েকে কোলে তুলে নিয়ে নিজের ঘরের বিছানায় শোয়ালে। পালক নড়তেই মনিয়ার ঘুমে ব্যাঘাত হল।

—কি হয়েছে ?

—কিছু নয়, নীচে দরজায় খিল দিতে গিয়েছিলুম।

মনিয়া বড়কে জড়িয়ে আবার ঘুমিয়ে পড়ল। বিরহতপ্ত বড় তখন স্বামীর বাঁধনে অস্বোয়াস্তি অনুভব করছে। নন্দর হাতের পুতুল হয়ে সে ভালো করে নি, নন্দর ভীষণ কূটবুদ্ধি।

নন্দ ভয় পেলে যে বড় আবার তার বিরুদ্ধে মনিয়াকে না লাগায়। একেই মনিয়া আজকাল নন্দর প্রতি একদম বিরূপ হয়ে আছে। বোর তাকে ফাঁকি দেবার চেষ্টা করেছিল। তার সমস্ত রাগ গিয়ে পড়ল বড়র ওপর। নন্দর আজও গোমতী যাওয়া হল না। বাড়িতেই নেয়ে ধুয়ে নিজের ঘরে বসে মনিয়াকে বশ করার চিন্তায় ডুবে রইল।

ঘণ্টা দেড়েক পরে নাইতে ধুতে নীচে নেমে দেখলে সামনেই

মনিয়া লেপের ম - শুয়ে শুয়ে সিগারেটের ধোঁয়া ছাড়ছে। নন্দ ভাইয়ের কাছে এসে দাঁড়াতেই মনিয়া বিরক্ত হয়ে জিজ্ঞেস করল—  
কি চাই?

নন্দ মেঝেতে উবু হয়ে বসে বললে— আজকাল আমি তো তোমার শত্রু হয়ে গেছি, তাই না?

মনিয়া উত্তর দিল না।

—তুমি যে খাঁটি কথা আমায় সেদিন বলেছিলে, আমি চিরদিনের জন্তে গাঁট বেঁধে রেখেছি। সকালবেলা, গোমতী নেয়ে সবে আসছি, নারায়ণ জ্ঞানেন, বাবু আর আশ্বার কথা হয়তো কোনদিন কানে নাও তুলে থাকতে পারি কিন্তু আজ পর্যন্ত তোমার কোন কথার খেলাপ করার সাহসই করি নি। সন্তোর বউ আমায় কতবার ডেকে পাঠালে। তোমার জন্তে কতবার কেঁদে কেঁদে আমাকে ডাকিয়ে পাঠালে কিন্তু তুমি যেদিন থেকে বারণ করে দিয়েছ, সেদিন থেকে বাড়ির চৌকাঠের বাইরে পা পর্যন্ত রাখিনি। আমি পরিষ্কার বলে পাঠালুম আমার ভাইয়ের ছকুমের আগে কারুর কথা আমি শুনব না।

মনিয়া চুপ করে শুনতে শুনতে সিগারেটের ছাই ঝাড়তে লাগল। নন্দ একটু মুখ টিপে হেসে আবার শুরু করলে—  
কলকাতা থেকে আমার জন্তে কিছু আনলে না। আজ আমি নালিশ নিয়ে এসেছি তোমার কাছে। বিয়ে হয়ে বোনের কদর একদমই থাকে না, কে পোঁছে? আরে তবু মায়ের পেটের বোন চিরকাল তোমারি শুভাকাঙ্ক্ষী থাকবে।

মনিয়ার রাগ এতক্ষণে জ্বল হয়ে গেছে।

—কি চাই তোমার?

—আমার ? সাত সকালে আমার আর কিছু চাই না । তুমি শূন্য থাকো, ভালো থাকো, বলতে বলতে পালঙ্কের পায়ার কাছে নজর পড়তেই নন্দ আংকে উঠল । মনিয়া ঝুঁকে দেখতে দেখতে জিজ্ঞেস করলে— ওখানে কি ?

—কালো সূতোয় বাঁধা কাগজ— দেখি ভালো করে... হায় রাম, কেউ গণ্ডাবণ্ডা ( গুণতুক ) করে গেছে । একে ছুঁয়ে দিও না যেন, আমার মাথার দিব্য রইল— রামোঃ রামোঃ বলতে বলতে নন্দ তাড়াতাড়ি গণ্ডা হাতে নিতেই মনিয়া তার দিকে রাগত ভাবে চেয়ে বললে— তুমিই কিছু কারচুপি করে রেখেছ, ডাইনী সব ।

—তুমি আমায় যা ইচ্ছে তাই বলে নাও কিন্তু বাবু আর আমার দিব্য আমি কিছু করিনি । ( গণ্ডার সূতো খুলে কাগজ খুলতে খুলতে ) রামঃ রামঃ পাঁচ পীরের গণ্ডা ।

মনিয়া ঝুঁকে কাগজ দেখলে । বাঘের মত জানোয়ার, মাথায় শিং, তাকে যে রান্ধস মারছে তার মাথায় এক শিং আর ঞাজ, বিচ্ছিরি ভয়ংকর ছবি দেখে মনিয়ার মন রাগে বিধিয়ে উঠল । তার দৃঢ় বিশ্বাস যে নন্দই এসব ষড়যন্ত্রের মূল । রাগে লেপ একদিকে ছুঁড়ে ফেলে দাঁতে দাঁত পিষতে পিষতে বললে— সত্যিকথা সব বলে দে নন্দ, না হলে খুন করে ফেলব ।

তুমি যা ইচ্ছে তাই করো । যে কাজ আমি করিনি, বাজে ভয় পেতে যাব কেন ? বাইরে যাই করি-না-কেন, তাই বলে নিজের বাড়িতে কেউ আগুন লাগায় ? মা বাপ ভাই সকলেই আমার আপন । যে মেয়েমানুষ নিজের স্বামীর চোখের আড়ালে পরপুরুষের সঙ্গে প্রেম করে বেড়ায়, পথের কাঁটা সরানোর জন্যে

এ তারই চাল। মনিয়া উৎসুক হয়ে চেষ্টা করে— কি কথা? সব খুলে বল।

—এমনি এসব সাতেপাঁচে থাকার আমার কি দরকার, তবে যদি কেউ আমার ভাইয়ের প্রাণ নেবার চেষ্টা করে তা হলে আমি নিশ্চয় সব বলে দেব। এ তোমার প্রাণেশ্বরীর কর্ম, যার জন্তে তুমি তোমার বোনকে হুচকে দেখতে পারো না। আজকাল তোমার স্ত্রী পরপুরুষের প্রেমে হাবুডুবু খাচ্ছেন। এই তোমার জানলার ওদিকে জেঠীর ঘরে যে ভাড়াটে এসেছেন, তারই ওখানে চিঠি চালাচালি করে। আমি একদিন হঠাৎ দেখে ফেলেছিলুম।

—সত্যি বলছ নন্দ? মনিয়া গলা নামিয়ে বললে। তার চোখেমুখে সন্দেহের মেঘ ঘনিয়ে এসেছে।

—আমি কেন মিথ্যে বলতে যাব? আমি স্বচক্ষে দেখেছি একজন বড় বড় ঝাঁকড়া চুলওয়ালা লোক আসে, তাকে বউদি খলিতে চিঠি রেখে পাচার করে। তারও চিঠি আসে।

—কোথায় সে চিঠি, মনিয়া, গর্জে উঠল।

—এখানে হবে, ওর বাক্স-পেটরা খুলে দেখো। আমি বাবা কোন সাতে-পাঁচে নেই। এ একেবারে পাঁচ পীরের গুণ্ডা।

মনিয়া বাক্স-পেটরা খুলে জিনিস তহনছ করে ফেললে। নন্দ চুপচাপ সেখান থেকে পিটটান দিলে। কাপড়ের ভাঁজের মধ্যে সিল্কের রুমালে বাঁধা চিঠি মনিয়ার হাতে ধরা পড়ল। মনিয়া গজরাতে গজরাতে ঘর থেকে বেরিয়ে চেষ্টা করে— হারামজাদী, কোথায় গেল?

বড় তখন সিঁড়ির নীচের গোসলখানায় চান করতে ব্যস্ত। নন্দ

ইশারায় দেখিয়ে দিলে। গোসলখানার দরজায় ধাঁই করে এক লাথি মেরে চেষ্টা— খোল, ছিনাল, হারামজাদী! তোর...

বড় ভিজ়ে শাড়ি কোনরকমে গায়ে জড়িয়ে দরজা খুলে দিলে। মনিয়া ক্ষাপা বাঘের মত হুমকি দিয়ে তাকে হাত ধরে টানতে টানতে নিয়ে এল। অকথ্য ভাষায় গালাগাল, লাথি, কিলচড়, বাড়িতে হাঙ্গামা বেঁধে গেল। গলি, পাড়াপড়শী সকলের কানে বড়র চিংকার আর মনিয়ার গালাগালি পৌঁছে গেল।

নন্দ তার পুজোর ঘরে ঠাকুরজীকে স্নান করাতে ব্যস্ত।

শঙ্কর হাত ধরবার চেষ্টা করতেই মনিয়া বুক চিতিয়ে চেষ্টা— সরে যাও মাঝখান থেকে। এসব তোমার জ্ঞেই হয়েছে, তুমিই যত সব বদমাইস বাড়িতে ঢোকাও। আজ প্রত্যেককে খুন করে ছাড়ব। হারামজাদী আমার ইজ্জৎ মাটি করে দিলে, শালী মাটি খুঁড়ে পুঁতে দেব, প্রেম করা হচ্ছে।

মনিয়া মারতে মারতে বড়র অবস্থা কাহিল করে দিলে। ভিজ়ে শাড়ি দিয়ে দেহের লজ্জা ঢাকা দায় হয়ে উঠল। হট্টগোল শুনে গলিচলতি লোক জড়ো হয়ে গেল। চারিদিক থেকে ‘আরে, আরে, কি হল, যথেষ্ট হয়েছে, আর মেরো না’ ইত্যাদি আওয়াজ শোনা যাচ্ছে। ইতিমধ্যে দুজন মেয়েমানুষকে নন্দ নিজের ঘরে নিয়ে গিয়ে বড়র ইতিহাস তাদের রসিয়ে রসিয়ে শোনাচ্ছে।

—হায়, হায়, ঘোর কলিযুগ, গুল্লো পণ্ডিতাইন সব কথা শুনে কপাল চাপড়ে বললে। বলোলালা দরজার চৌকাঠে বসে ঝুঁকে পড়ে জিজ্ঞেস করলে— পণ্ডিতাইন, কি হয়েছে?

কপাল ঠুঁকে ফোঁস করে নিশ্বেস ফেলে গুল্লো বললে— তোমাকে আর কি বলি ভাইয়া, ঘোর কলিযুগ। এমন কার্তিকের মত

সুন্দর লম্বা চওড়া জোয়ান রোজগারে স্বামী ছেড়ে — আমাদের মনিয়া কারুর চেয়ে কিসে কম? ভগবান করুক কোন ভদ্রঘরের মেয়ে এ বাড়ির বউ হয়ে আশুক, বেচারা তিষ্ঠতে পারবে। এই হারামজাদী ছোট ঘরের মেয়ে, রাজার বাড়িতে থেকেও পরের বাড়ির গু চাটতে যাওয়ার অভ্যাস যায় নি। ঘোর কলিযুগ, হায় হায়! ছি ছিঃ, জাতজন্ম মানসম্মত কিছু রইল না, এ গলিতে এমন নোংরা কাণ্ড।

—এসব সাহেবীয়ানা চল, পণ্ডিতাইন, আজকাল স্বাধীন দেশের নারী সব। এখন এঁরা ভোটের অধিকারী হয়েছেন, যা ইচ্ছে তাই করবেন। তুমি আমি সব পুরোনো চালের লোক, আমাদের বাপ-ঠাকুরদার নাক কাটিয়ে এখন চুপচাপ একদিকে বসে থাকার যুগ এসেছে। কালকে নিশ্চয় কোন পার্টি এই ঘটনা নিয়ে প্রচার-পুস্তিকা তৈরী করে এরোপ্লেন থেকে ফেলা শুরু করবে। নাক তো কেটেইছে, কাল থেকে লোকে মুখের উপর থুথু ফেলে যাবে।

—আমি এক এক করে সব ব্যাটারদের স্বর্গের বাতি দেখিয়ে তবে... মনিয়া উঠোনে দাঁড়িয়ে চেষ্টা চালাবে।

—আরে ভাইয়া সামলে, সব বড়লোকেদের ব্যাপারে...

সকালের রোদ ধীরে ধীরে দেয়াল পর্যন্ত ছড়িয়ে পড়েছে, তারই সঙ্গে সঙ্গে ভূতী স্মারকর বাড়ির সামনে ভিড় জড়ো হচ্ছে। মিস্টার বর্মার বাড়ির আগে পর্যন্ত লোক গিজ গিজ করছে, গলি থেকে বেরনো মুশকিল। দু-চার মিনিট বিশ্রাম নিয়ে মনিয়া আবার জোর লাখি— কিল-চড়-চাপড় বসিয়ে দিচ্ছে। বড়র সারা শরীর কাদায় মাখামাখি। ভিড়ের মধ্যে অনেকে

টিপ্পুনি কেটে মস্তব্য প্রকাশ করছে, উপদেশায়ত শুরু হয়ে গেছে। নন্দর ঘরের বেতার কেন্দ্র থেকে প্রচারিত খবরের জন্ত সকলেই উৎসুক হয়ে কান পেতে আছে। শেষকালে এ বিষয় সকলেই একমত হল যে পড়শী তারা বর্মা আর সজ্জন মোটেই সুবিধের নয়, তারাই পাড়ায় ছুরাচারের আড্ডা খুলে বসেছে। সকলের মস্তব্য শুনতে শুনতে মনিয়ার রক্ত গরম হয়ে গেল।

—আমি হারামজাদী বেণ্ডাকে এক মিনিট এ বাড়িতে টিঁকতে দিতে রাজী নই। এখুনি বেরিয়ে চলে যাক তার এয়ারের কাছে। বেরো, বেরো শালী।

মনিয়া বড়কে টানতে টানতে উঠোন, দালান, উঁচু নীচু চৌকাঠের বাইরে নিয়ে গিয়ে ছেড়ে দিলে। জ্যান্ত লাশ ধপাস করে বাড়ির বাইরে গিয়ে পড়ল। মার খেতে খেতে সারা শরীরে রক্ত বেরিয়ে এসেছে। বড় তাড়াতাড়ি উঠে কোনমতে শাড়ি টেনে মাথার ঘোমটা দিয়ে হাঁটুতে মুখ লুকিয়ে স্বস্তির ভিটের দরজায় বসে রইল।

ভিড় বাড়তে লাগল। তাজা গরমাগরম পরচর্চার বিষয়। বউয়ের প্রেমিক একজন কবি, পাশের বড়লোক শিল্পীর বাড়িতে বদমাইসদের আড্ডা জমে, তারই বাড়ির ছাদে এই প্রেমের সূত্রপাত হয়েছে। কণ্ঠা, সজ্জন, এরোপ্লেনের প্রচার-পুস্তিকা সব-কিছু নিয়ে আলোচনা আবার নতুন করে ফেনিয়ে উঠেছে। বড়লোকেদের বিরুদ্ধে জনসাধারণের মনের ঘৃণার আগুন বাতাস পেয়ে দ্বিগুণ ভাবে প্রজ্জ্বলিত হয়ে উঠল।

মনিয়ার ছোটভাই আর তার বউয়ের, তারা বর্মার হাল ফ্যাশান, পাড়ায় বেহায়াপনা কোন চর্চাই বাদ গেল না। ধুলোয়, কাদায়,

মাথা থেকে পা পর্যন্ত কোনমতে ঢাকা পরিত্যক্তা নারী আজ সমাজের আশ্রয়-সংহিতার হাড়িকাঠে উপস্থিত, সমাজের সতর্ক প্রহরীদের সামনে আজ সে অপরাধিনী। ভিড়ের সকলেই বর্তমান সমাজের নৈতিক, সামাজিক সমস্যার বিষয় মুখরোচক মন্তব্য করতে করতে যে যার স্কুল কলেজে অফিসের দিকে রওনা হয়ে গেছে।

বড় একা, সম্পূর্ণ একা।

## সাতাশ

বড় ভাইয়ের রাগ, গালাগালি, খুন করার ভ্রমকি শুনে নিজের মান বাঁচিয়ে শঙ্করলাল ওশরে চলে গেল। দোতলায় ছোট তখন ভয়ে জড়সড় হয়ে একদিকের থামে ঠেসান দিয়ে দাঁড়িয়ে, বাড়ির পরিস্থিতি দেখে ছোটের মুখ পাণ্ডুবর্ণ হয়ে গেছে। স্বামী-স্ত্রী দুজনে আড়ালে দাঁড়িয়ে অবস্থা বোঝার চেষ্টা করতে লাগল।

তারা আর বর্মা দুজনেই পড়শীর খবর জানার জন্য উৎসুক হয়ে আছে। শেষকালে স্ত্রীর উসকানীতে বর্মা নিজেই ভভুতির ছাদে নামল। হঠাৎ ছোটের নজর ছাদে যেতেই সে স্বামীকে ইশারা করলে। বর্মা ইশারায় দুজনকে কাছে ডেকে দীর্ঘশ্বাস ফেলে বললে— মিস্টার লাল, এবার পুলিশকে খবর দিন। পাড়ার লোকেরা একদম ছোটলোক। এ ব্যাটা মনিয়াকে শিখিয়ে-



পড়িয়ে বেচারী মোহিনীকে প্রাণে শেষ করিয়ে তবে এদের শাস্তি।

ছোট ফৌস ফৌস করে কেঁদে ফেললে— হ্যাঁ, ধরিয়ে দাও, না হলে এরা সকলে মিলে দিদিকে শেষ...

—আমার কোন আপত্তি নেই, কিন্তু ভাবছি, যে পুলিশের এনকোয়ারীতে বেচারী সজ্জন ফেঁসে যাবে। এমনিতেই পাড়ার লোকেরা কেবল ওকেই নয় সঙ্গে আমাদেরও যা তা বলছে। শঙ্করলাল বললে।

—তাহলে এঁর কি হবে? বাপের বাড়ির কাউকে ..

—বাপের বাড়িতে বেচারীর আপন বলতে কেউ নেই। সৎ ভাই আছে, কিন্তু মেকি আর এ অবস্থায় রাখতে রাজী হবে... কি বল স্বরূপ?

দীর্ঘশ্বাস ফেলে ছোট উত্তর দিলে— পুরুষের একছত্র রাজত্বে অত্যাচারের নমুনা, নিজেরা যা ইচ্ছে তাই করবে কিন্তু স্ত্রী যদি...

—তাহলে আপনি মিস্টার সজ্জন বর্মাকেই খবর পাঠিয়ে দিন। বর্মা শঙ্করকে বললে।

—উনি এখানে নেই, বাইরে গেছেন।

—বিরহেশ বাবুকে খবর দেয়া উচিত, ভুল যাই হয়ে যাক, উনিই তো মোহিনী দেবীর লাভার।

—হ্যাঁ, হ্যাঁ, ওকে নিশ্চয় খবর দেওয়া উচিত— তারা স্বামীর কথায় সায় দিয়ে ছোটকে বললে— স্বরূপ, খুকির বোধহয় ক্ষিদে পেয়েছে, কান্নার আওয়াজ আসছে।

—আজ আমাদের এখানে দমট আসেনি— ছোট উত্তর দিলে।

—আমার বাড়িতে চলো। আচ্ছা শঙ্করবাবু, আপনি এখুনি বিরহেশকে খবর দিন।

—কী মুশকিল, তার ঠিকানা আমার কাছে নেই। হ্যাঁ, মনে এলো, মহিপালের কাছে গেলে হয়তো খোঁজ পাওয়া যেতে পারে, উনি একজন সাহিত্যিক...

—ডু প্লীজ, তাড়াতাড়ি যান। বর্মা বললে।

—চলুন, আপনার ওদিক থেকে বেরিয়ে যাই। আপনার সাইকেলটা...

—হ্যাঁ, হ্যাঁ, চলুন।

—আমাদের বাড়ির দরজা দিয়ে বেরুনো ঠিক হবে না।

—হ্যাঁ, ঠিক কথা, আসুন।

সকলেই বর্মার বাড়ি যাবার জন্তু ওপরের ছাদে চলে গেল। খুকিকে, ছোট স্বামীর কোলে দিয়ে বললে— তুমি যাও, আমি ঘরে তাল দিয়ে আসছি।

ঘন্টা দেড়েকের মধ্যে মহিপাল আর কর্নেল এসে হাজির হল। তখনো দু-চারজন বসে এ ঘটনার রেশ 'টেনে' চলেছে, মনিয়া স্তম্ভীর হয়ে বৈঠকখানায় বসে সিগারেটে টান দিচ্ছে। নন্দর দরবার তখন ঘর থেকে সরে দালানে পৌঁছে গেছে। বড়র খুকিকে নিয়ে ছোট তারার বাড়িতেই স্বামীর প্রতীক্ষা করছে। বর্মা আজ আর দোকানে গেল না।

বর্মা তার ঘরের দরজার সামনে দিয়ে কর্নেল আর মহিপালকে যেতে দেখলে। শঙ্করলাল তাদের সঙ্গে ছিল না। এরা গাড়িতে এসেছে, কর্নেলের ড্রাইভার সঙ্গে আছে।

ভিড় সরিয়ে মহিপাল আর কর্নেল বড়র কাছে গিয়ে দাঁড়াল।

অথও সমাধিমগ্ন যোগীর মত দু'হাঁটুর মধ্যে মুখ লুকিয়ে সে যেন পাথর হয়ে গেছে, ভিজ়ে শাড়ি রোদ লেগে গায়েই শুকিয়ে গেছে।

মহিপাল এগিয়ে গিয়ে বড়র মাথায় হাত রেখে বললে— ওঠো বোন, আমার সঙ্গে এসো।

বড় তেমনি পাথরের মত নিশ্চল হয়ে বসে রইল। কর্নেল ভিড়ের দিকে চেয়ে এক ধমক দিলে— এখানে আপনারা ভিড় করে দাঁড়িয়ে আছেন কেন? এখানে তামাশা দেখতে এসেছেন না কি? গলিতে নতুন গলার আওয়াজ শুনে মনিয়া বৈঠকখানা থেকে বেরিয়ে এল। ভিড়ের মধ্যে থেকে একজন রসিক হেসে কর্নেলকে জবাব দিলে— তামাশাই তো হচ্ছে— লায়লা মজমুর প্রেম কাহিনী পুনরাবৃত্তি...

—আপনাদের লজ্জা বলে কিছু নেই? হাসি-ঠাট্টার সময়-অসময় জ্ঞান দেখছি আপনাদের একেবারেই নেই। একজন অসহায় মহিলার দুর্দশা দেখে আপনারা বেশ উপভোগ করছেন, না? আমি আপনাদের চ্যালেঞ্জ দিচ্ছি, আপনাদের মধ্যে যদি এমন কেউ থাকেন, বচন আর কর্ম দিয়ে আজ পর্যন্ত পাপ করেন নি তিনিই এগিয়ে এসে এই মহিলাটির নিন্দে করতে পারেন। এই মহিলাটি মন্দ কর্মের ভাগী হয়ে দুঃখ পাচ্ছেন কিন্তু আপনাদের মধ্যে যারা সচ্চরিত্র, তাঁরা একটু এগিয়ে এসে যদি দর্শন দেন...

মহিপালের চ্যালেঞ্জ শুনে সকলেই হতবাক। মনিয়া বারান্দায় বুক চিতিয়ে দাঁড়িয়ে হাঁক দিলে— আপনি কে বাবু?

মহিপাল অপমানিত বোধ করলে, ক্রা কুঁচকে বললে— আপনি জিজ্ঞেস করার কে?

—আমি এই মেয়েমানুষটির স্বামী।

—তাহলে এঁকে তাড়াতাড়ি বাড়ির ভেতরে নিয়ে যান।

—আপ...

—আপনি আপনি করার মানেকটা কি? তোমার বিবাহিতা স্ত্রীর ওপর হাত তোলার অধিকার তোমায় কে দিলে? চালচলন ঠিক ছিল না, কোর্টে কেস করতে পারতে। আইনকানুন হাতে নিতে গেলে কেন? কর্নেল মনিয়াকে বললে।

—আপনি তাহলে এয়ারদের মধ্যে...

মহিপাল মনিয়ার হাত ধরে এমন জোরে এক টান দিল যে মুখের কথা শেষ না করে সে হঠাৎ আক্রমণের টাল সামলাতে না পেরে সোজা গলিতে লাফিয়ে পড়ল। দরজার নীচে গলিতে নামার ছোট সিঁড়িতে এক হোঁচট খাওয়ার সঙ্গেই গালে মহিপালের কষে এক চড়। মনিয়ার চোখে রক্ত নেমে এল। মহিপাল বাঁহাতটা ধরে ছিল, মনিয়ার ডান হাত উঠতেই সে খপ করে কজ্জিটা চেপে ধরল। দু'জনের মধ্যে রীতিমত মল্লযুদ্ধ আরম্ভ হয়ে গেল।

কর্নেল ভিড়ের দিকে চেয়ে চাঁচালে— ডাইভার, ডাইভার...

শিউমঙ্গল ভিড় চিরে বেরিয়ে এল। কর্নেল তাকে জোরে চাঁচিয়ে হুকুম দিলে— লালা জানকীসরণের বাড়ি গিয়ে কোতোয়ালিতে টেলিফোন করে দাও। আমার নাম নিয়ে শুক্লাজীকে বলো যে এখুনি ডেকেছেন।

ভিড়ের মধ্যে কেউ মধ্যস্থতা করার জ্ঞা, কেউ বা বিদ্রোহমার্কী আবার কেউ বা মজা দেখার বাহানায় জড়ো হয়। পুলিশের নাম শুনেই মজা দেখার পাত্ররা সকলেই পরনিন্দা, চর্চা করতে করতে যে যার কেটে পড়ল। মধ্যস্থতা করার পাত্ররা সবাই মিলে

ঝটপট মল্লযুদ্ধের মাঝে হাঁ হাঁ করতে করতে লাফিয়ে পড়ল।  
বিদ্রোহীমার্ক। একজন মুন্সীজী পুলিশের নাম শুনেই কর্নেলকে  
বললে— হ্যাঁ হ্যাঁ, পুলিশ কেন মিলিটারি ডাকুন। আজকাল  
বড়লোকদের রাজত্ব। শালা পাড়ায় এসে অনাচার ব্যভিচার ছড়াবে  
আর ওপর থেকে পুলিশের ভয় দেখিয়ে চোখ রাঙাবে।

অন্যজন বললে— আরে আমরা এদের আর এদের পুলিশ,  
সকলকে এখানেই মাটি খুঁড়ে পুঁতে দেব।

মনিয়া উত্তেজনায় হাঁপাতে হাঁপাতে বললে— আমার স্ত্রী, আমি  
মারব, যে মাঝখানে সাধু সেজে বাঁচাতে আসবে তাকেও হুঁচকা  
বসিয়ে দেব।

—যেতে দাও, যেতে দাও।

—শালা, নেতাগিরি ফলাতে এসেছ এখানে, আমার লক্ষ টাকার  
ইজ্জত— এই হারামজাদীকে এর এয়ারদের সামনেই— মনিয়া  
জোরে বড়কে এক লাথি বসিয়ে দিলে। লোকেরা মনিয়াকে  
আবার জাপটে ধরে শুরু করলে— হাঁ হাঁ আরে যেতে দাও বাবু  
সায়েব! আরে মনিয়া, কেন শুনছ না। মারধোর করে ফল  
আছে কিছূ? যদি স্ত্রীকে না রাখতে চাও, তাহলে শালীকে দূর  
করে দাও। বাপের বাড়ি পাঠিয়ে দাও শালীকে।

—জাহান্নামে যাক হারামজাদী। মনিয়াকে পাড়াপড়শীরা মিলে  
ঘরের ভেতর ঠেলে নিয়ে চললে। মহিপাল তার থেকে বেশী  
শক্তিশালী, তাকে বেশ একচোট দিয়েছে। মনিয়া অপমানে ফোঁস  
ফোঁস করছে।

লালা জানকীসরণ পুলিশ ইন্সপেক্টর আর দুজন সেপাই নিয়ে  
এসে হাজির হলেন। তাঁকে দেখেই হুটগোল শাস্ত হয়ে গেল।

কিছুক্ষণ বোঝাবার পর মনিয়া জানালে যে তার স্ত্রীকে এরপর বাড়িতে রাখা তার পক্ষে মোটেই সম্ভব নয়, সে যেখানে খুসী যেতে পারে।

মনিয়াকে সকলে মিলে বৈঠকখানায় নিয়ে গিয়ে বসালে। লাল। জানকীসরণ, কর্নেল আর দু-চারজন মিলে ভিড় সরাবার চেষ্টা করছে। শঙ্করলাল বউদিকে উঠিয়ে নেবার চেষ্টা করতে লাগল।

দুই আড়াই ঘণ্টা পরে বড় ঘাড় তুললে। দু'চোখ পাথরের মত ভাবলেশহীন।

বড় বর্মার বাড়ি যেতেই ছোট আর তারা দুজনে তাকে জড়িয়ে ধরলে। বড় কিন্তু পাথরের মূর্তির মত নিশ্চল হয়ে রইল, মারের চোটে শরীরে জায়গায় জায়গায় কালশিটে পড়ে গেছে। কর্নেল লাল। জানকীসরণের বাড়ির দিকে যেতে যেতে বললে—মহিলাটিকে ভীষণভাবে মেরেছে, আমি ডাঃ শীলাকে এখনি টেলিফোন করে ডেকে পাঠাচ্ছি। ভেতরে কোন আঘাত লাগতে পারে, আসল টাটানি এবার হবে। তাড়াতাড়ি একটু দুধ আর ব্র্যাণ্ডি খাইয়ে দাও।

লালা জানকীসরণের বাড়ি বসে স্থির হল যে মামলার রিপোর্ট কোতোয়ালিতে লেখানো উচিত হবে না। পাড়ার ব্যাপার, ইন্সপেক্টর বেশ কিছু মেরে দেবে, ভভুতি হারামজাদা মোটা আসামী। শঙ্করলালকেও সেখানে ডাকা হল। লাল। তাকে একদিকে আলাদা নিয়ে গিয়ে অনেক বোঝালেন। শঙ্করলাল পাঁচশো টাকার চেক লাল। জানকীসরণের নামে কেটে দিলে, লাল। চুপচাপ নগদ নোট শুক্রার পকেটে রেখে দিলে। মহিলাটির বিষয় এই ঠিক করা হল যে তাকে বিরহেশের কাছে ছেড়ে

আসা উচিত, এক কবির দরজা ছাড়া কোন দরজাই তার ভেত্রে খোলা নেই।

ডাঃ শীলা তখন এক জরুরি অপারেশনে ব্যস্ত। পেশেন্টকে তার কাছে নিয়ে আসার কথা বলতেই কর্নেল মহিপালকে জানালে যে সে এখুনি তাকে নিয়ে পৌঁছোবে।

—আমি বোরের খোঁজে যাচ্ছি। মহিপাল বললে।

—বোরের সঙ্গে আমি ভালো করে বোঝাপড়া করে নেব, হারামজাদা আমার কাছে টাকা ধার নিয়েছে, এখুনি কোতোয়ালিতে নিয়ে গিয়ে জুতোপেটা করাব শালাকে।

—বোরের ওখানে আমি যাচ্ছি। ওর বাড়ি খুঁজে বার করা তোমার কর্ম নয়।

মহিপাল নিজে তার স্ত্রীর ওপর অত্যাচার করে, তাই সে এ সময় শীলার সামনে এ প্রসঙ্গ ওঠার আগেই কেটে পড়ার তালে আছে। বিবাহিতা পত্নী ছেলেমেয়ে সব ছেড়ে সে পরকীয়া প্রেমে অন্ধ। সে সত্যিই শীলাকে ভালোবাসে, তা হলে সে বিরহেশ আর বড়র ভালোবাসাকে কলুষিত কেন মানবে? কিন্তু—মহিপাল সেই ‘কিন্তু’ থেকে নিজেকে বাঁচাতে চায়। সে শীলার ছায়া থেকে দূরে সরে যেতে চায়। তার ছায়া যেন আজ তাকেই উপহাস করছে—না না, সে কেবল এক বিবাহিতা স্ত্রীর স্বামী, গৃহস্থ ধর্মই তার একমাত্র ধর্ম—মনে অন্য কোন চিন্তার উদয় হওয়া পাপ। মহিপাল, নিজের সমস্ত চিন্তাকে ভস্ম করে ফেলো, বিগত জীবনের সব-কিছু ভুলে যাও—ভুলে যাও।

নিজের ঘরে শীলা বড়কে বোঝাচ্ছে—যা হয়ে গেছে তা ভুলে যাও, নতুন জীবন আরম্ভ করো।

কিছুক্ষণ পরে মহিপাল বিরহেশকে শীলার বাড়িতে ছেড়ে চলে গেল। কর্নেল, শীলা, এমনকি শঙ্কর আর ছোট পর্যন্ত বিরহেশের সঙ্গে সাম-দাম-দণ্ড-ভেদ নীতির ব্যবহার করলে। বিরহেশ পরিত্যক্তা নারীর ভার নেবে এই প্রতিজ্ঞা করলে।

বিদায় মুহূর্তে ছোট বড়কে জড়িয়ে ধরে কেঁদে বুক ভাসালে, শঙ্করের চোখ দিয়ে জল গড়িয়ে পড়ল, কর্নেলের চোখ চকচকিয়ে উঠল কিন্তু বড় শূণ্য দৃষ্টিতে তাকিয়ে রইল। অবস্থাবিপাকে পড়ে তার চোখের জলও শুকিয়ে গেছে।

বিরহেশ তার হৃদয়হারিনীর হাত ধরে দরজার দিকে এগলো। নতুন বউয়ের মত মাথা হেঁট করে ধীরে ধীরে যেতে যেতে বড় চৌকাঠের কাছে এসে থমকে দাঁড়িয়ে ছোট আর শঙ্করলালের দিকে চেয়ে কেঁদে ফেললে – মুনাকে (খোকা) আশ্রয়ী সামলে নেবেন, আমার বিটটীকে (খুকী) তোমরা দেখো। আমার বি-ট-টী-বি-ট-টী বলতে বলতে দাঁত কপাটি লেগে বড় বেহুঁশ হয়ে পড়ল।

সেইদিন রাত্তিরে 'আটটার সময়ে পাড়ার লোকেরা মিলে সজ্জনের ঘরে হামলা করলে। বড় আর বোরের প্রেমকাণ্ডের জ্ঞান সকলে সজ্জনকে দোষী ঠাণ্ডরালে। সকলে বিজ্ঞের মত মাথা নেড়ে বলতে ব্যস্ত এমনটা যে হবে তারা আগেই জানত। সম্পাদকের নামে চিঠিতে আগেই সকলে সন্দেহ প্রকাশ করেছিল যে সজ্জনের ঘরে ছুরাচারের আড্ডা জমবে, ঠিক তাই হয়েছে। মনিয়ার বন্ধু-বান্ধব উত্তেজিত হয়ে উঠেছে। নেতা শালিগরাম আর জানকীসরণ লোকেদের উসকানী দিচ্ছেন। উত্তেজিত ভিড় এসে সজ্জনের ঘরের ওলা ভেঙে ফেললে। সজ্জনের তৈরী পেটিং ছিঁড়ে



কুচিকুচি করে ফেললে। রঙের টিউব নিয়ে জুতোর তলায় পিশে দিলে। ছোট একখানা ঘরে প্রায় কুড়িজন লোক ঢুকে পাগলের নাচ আরম্ভ করে দিয়েছে। দেয়ালে তিনখানা পেন্টিং টাঙানো ছিল, একটার ওপর ঠা করে স্টোভ গিয়ে পড়ল, দ্বিতীয়টা চায়ের পেয়ালার মার খেয়ে টুকরো টুকরো হল, তৃতীয়টার ওপর স্টুলের শক্তির পরীক্ষা হল। বিছানার চাদর কুচিকুচি হয়ে চারিদিকে উড়ছে। স্টোভের তেল বিছানার তোষকে আর বালিশে ছিটিয়ে তাতে দেশলাই ধরিয়ে দেওয়া হয়েছে। ভাঙা কাঁচ, হেঁড়া পেন্টিং আর চাদরের টুকরোতে ঘর ভরে গেল।

আশেপাশের বাড়ির ছাদ, জানলা থেকে লোকেরা এই নেতা দেখলে, গালাগালি অকথ্য ভাষায় ঠাট্টা সব একসঙ্গে যেন সারা গলিকে ভয়াবহ করে তুলেছে। পাগলের মত ভিড়ের দল গোয়ালঘরের ছোট ফাটক দিয়ে ঢুকছে। যে যেখানে আছে সবাই মজা দেখতে বেরিয়ে ভিড়ের সংখ্যা বাড়াচ্ছে। নীচে ভিড়, আশেপাশের বাড়িতে ভিড়, সজ্জনের ঘরে, ছাদে প্রতিহিংসায় উদ্ভাদ ভিড়ের হাঙ্গামা, এর মধ্যে হঠাৎ ফট করে জেঠীর ঘরের দরজা খুলল। এক হাতে সিঁহুর নিয়ে, ভাঁটার মত গোল গোল কোটরাগত চোখ বার করে, কালো কালো মুলো মুলো দাঁত কিড়িকিড়ি করে, সাতপুরুষের বাপাস্ত করে মস্তুর পড়তে পড়তে জেঠী বেরিয়ে এলেন।

জেঠীকে দেখে ভিড়ের মধ্যে অনেকের মনে হাসিঠাট্টা করার ইচ্ছে চাগা দিয়ে উঠল কিন্তু তারা সভয়ে দেখলে জেঠী দুপাশের ভিড়ের ওপর সিঁদুর ছড়াতে ছড়াতে বিড় বিড় করে চলেছেন—  
ওঁ নমো নারায়ণা শঙ্কর কামরূপ কামাখ্যা সতীর দোহাই, মা

কালীর দোহাই, পঁ.৫ পীরের দোহাই, শঙ্খিনী, ডাকিনী এসো, শত্রুকে খাও, কালো পাখি চিকচিক করুক, সকলকে নির্বংশ করুক, শত্রুর নাশ—বীভৎসভাবে মস্তুর পড়তে পড়তে ভিড় চিরে তীরের মত জেঠী সকলকে স্তম্ভিত করে চলে গেলেন। জেঠীর কুখ্যাত সিঁহুর আর মস্তুর পড়া দেখে সকলের বুক ভয়ে ছুর ছুর করতে লাগল। এবার যে যার পালাবার রাস্তা খুঁজছে। ওপরে সিঁড়ি দিয়ে উঠতে উঠতে জেঠী চিঁড়েচ্যাপটা হবার জোগাড়। চারিদিক থেকে ঠেলাঠেলি আর কনুয়ের গুঁতো খেয়ে জেঠী রাগের মাথায় এক বুড়োর মুখে দিলেন এক খামচি। জেঠীর নোখের খামচি আর সিঁহুরের হোঁয়া লাগতেই বুড়ো ভয়ে চিৎকার করে উঠল। চারিদিকে রটে গেল যে জেঠী বুড়োর রক্ত চুষে নিচ্ছেন।

নীচে থেকে সরু সিঁড়ি, ওপরের ছাত আর সজ্জনের ঘর পর্যন্ত জেঠী গলা চিড়ে চোঁচাতে চোঁচাতে সকলকে অভিশাপ দিতে দিতে গেলেন। সিঁড়িতে কেউ জেঠীর খালাটা তাঁর ওপরেই উল্টে দিলে, সিঁহুরে রাঙা জেঠীর মুখ দেখে অনেকের হাত-পা ভয়ে পেটের মধ্যে সঁদিয়ে গেল।

কাপুরুষদের ভিড়কে জেঠী কাবু করে ফেললেন। ক্ষর দুঃশূনের বিশাল সেনার সামনে একা রাম আর লক্ষ্মণের বিজয় কাহিনীর আজ পুনরাবৃত্তি হল।

ফিরতি পথে বর্মার বাড়ির সামনেও সকলে মনের বাকী সাধটা মিটিয়ে মুখখিস্তি করে নিলে। সজ্জনের বন্ধ দরজা ঢোলের মত পেটালে। মনিয়ার ঘর কাছেই, তাই উত্তেজিত ভিড়ের সহানুভূতির জোয়ার আবার পুরো বেগে প্রলয়ংকরী মূর্তি ধরে ফিরে এল। এরা সমাজের এক বিশেষ দল, যারা সায়েবীয়ানার বিরুদ্ধে

জেহাদের ডুগডুগি বাজাচ্ছে। শঙ্কর আর ছোট নিজেদের ঘরে ভয়ে কাঠ, মনিয়া মদের নেশায় বুঁদ হয়ে পড়ে আছে।

সেদিন জেঠী হ্যারিকেনের আলো নিয়ে প্রায় অর্ধেক রাত্তির পর্যন্ত সজ্জনের ছবির টুকরো বেছে বেছে জড়ো করে রাখলেন।

## আটাশ

জেঠী নিজের ঘরে এসে আগে চান করতে ঢুকলেন। পৃথিবীশুদ্ধ সকলকে গালিয়ে হাঁস ছাগল করতে করতে ঠাকুরের পিদ্মি জ্বালালেন। বেড়ালছানাদের অ্যালুমিনিয়ামের বাটিতে দুধ ঢেলে ডাক দিলেন। জেঠীর আওয়াজ কানে আসতেই ‘ললিতা’ আর ‘বিশাখা’ ল্যাজ নাড়তে নাড়তে এসে হাজির হল কিন্তু ‘কিশনা’র দেখা নেই। জেঠী সারা বাড়ির এমুড়ো ওমুড়ো ‘কিশনা কিশনা’ করতে করতে ঘুরপাক খেয়ে গেলেন। কিশনার দেখা না পেয়ে জেঠী গালাগালির জপমালা জপতে জপতে ধপাস করে নিজের দোলনার মত খাটিয়াতে শুয়ে পড়লেন। বেড়ালছানা এখন বেশ বড় হয়ে গেছে। এ বাড়ির ছাদ থেকে ও বাড়ির ছাদে লাফাতে লাফাতে তারা এখন পাড়াময় বেরিয়ে বেড়ায়। জেঠীর হয়েছে মুশকিল, তাদের না খাইয়ে তিনি নিজে অল্পজল গ্রহণ করেন না। নিরুপায় হয়ে শুয়ে শুয়ে তিনি বকবক করতে লাগলেন, বেড়ালছানাদের মাকে সাত সতীনের গালাগালি দিলেন— যে কেন সে তাঁর গলায় এ আপদ ঝুলিয়ে গেছে।

জেঠীর মন-মেজাজ এখন মোটেই ভালো নয়। কিশনা হুধ খায়নি, কল্লোমলের নাতির এত বড় লোকশান হয়ে গেল, কাল তাঁর সতীনের নাতির আশীর্বাদের খাওয়াদাওয়া। নন্দ মুখপুড়ি এখনো এসে বলে গেল না ছাই, যে দুটো যস্তুর শ্মশানে ঠিক জায়গায় পুঁতে দিয়েছে কিনা— পাড়ার লোকেদের পেছনে লাগার মতই এইসব এলোমেলো চিন্তা জেঠীর মনের শাস্তি নষ্ট করে রেখেছে। সজ্জনের ঘরের ভিড়ের ছবি তাঁর চোখের সামনে ভেসে উঠছিল, মনে মনে সকলের নামে সর্বনাশের সিঁহুর ফেলতে লাগলেন।

কোতোয়ালিতে রাত একটার ঘণ্টা বাজল। ললিতা বিশাখা ঘরের কোণে শিকার ধরে ফেলেছে। ইঁহুর চুঁ চুঁ করতে করতে প্রাণত্যাগ করলে। বেড়াল বাচ্চারা এখন মস্ত শিকারী। তাদের শিকার করা দেখে জেঠীর সারা শরীর ঘেন্নায় রি রি করে উঠল।

জেঠীর কানে আওয়াজ ভেসে এল। ললিতা বিশাখার মধ্যে কেউ একজন শিকার পায়ে চেপে বসে আছে আর অন্যজন তাকে হাতাবার জন্তু ফন্দি ফিকির করছে। একটু পরেই দুজনে মল্লযুদ্ধ আরম্ভ করে খাঁউ খাঁউ খোঁ খোঁ শব্দে কুরুক্ষেত্র বাধিয়ে দিল। মর, মর সব, জ্বালিয়ে পুড়িয়ে খেলে, রাত্তিরে দু'মিনিট চোখ বুজতে দেবে না, উফ্। জেঠী কয়েকবার ললিতা-বিশাখার ঝগড়া থামাবার চেষ্টা করলেন কিন্তু এ সময় তিনি বড় ক্লান্ত, শরীরের গাঁটে গাঁটে ব্যথা। আজ ভিড়ের মধ্যে জেঠী একেবারেই চিঁড়ে চ্যাপ্টা হয়ে গিয়েছিলেন। তাঁর সিঁহুর আর মস্তুরের প্রভাব থেকে নিজেকে বাঁচাবার জন্তে প্রত্যেকেই পালাবার রাস্তা খোঁজার সময়ে তাদের জুতো চটি দিয়ে জেঠীর পা বেশ করে মাড়িয়ে দিয়ে গেছে। যদিও

শেষকালে জেঠীর জয়ডঙ্কা বেজেছিল বটে কিন্তু দুর্দশাটাও কিছু কম হয়নি।

জেঠীর কানে যেন কোন মেয়েমানুষের গোঁঙানির আওয়াজ এল। জেঠীর কান খাড়া হতেই গোঁঙানি বন্ধ হয়ে গেল। মুখের ওপর থেকে লেপ সরিয়ে জেঠী এদিক-ওদিক দেখতে লাগলেন। খুব কাছেই পাড়ার কোন স্ত্রীর প্রসব-পীড়া উঠেছে— কার বাড়ি জানার কৌতূহলে জেঠীর আর শোয়া হল না। জেঠী উঠে বসলেন। তাঁকে বসতে দেখে দুর্বল কিশনা তাড়াতাড়ি তাঁর কোলে এসে বসল। হঠাৎ জেঠীর বুদ্ধি খেলে গেল, তাঁরই ভাড়াটে তারার প্রসব-পীড়া উঠেছে নিশ্চয়।

জেঠীর মনের আক্রোশ সুদর্শন চক্রের মত বন বন করে চরকি কাটতে লাগল। রাঁড় মরে গেলেই বাঁচি। ছেলে বিয়োবে নিশ্চয় তাই এত জোরে জোরে কাতরাচ্ছে।

তারার প্রসব-পীড়ার গোঁঙানি শুনে জেঠীর মন তেপাস্তুরের মাঠ পর্যন্ত চকর লাগিয়ে এল। কাল তার সতীনের নাতির আশীর্বাদ, নাচগান, খাওয়া-দাওয়া হবে। শহরের অনেক নিমন্ত্রিত অতিথিদের মাঝে তাঁর সতীন রানীর মত সেজেগুজে বসবে, তার ছেলের বউয়ের অহংকারের চোটে মাটিতে পা পড়বে না। চারদিন পরে বিয়ে, তারপর বছর ঘুরতে না ঘুরতেই নাতবৌ আবার পটাপট বিয়োতে শুরু করবে— রক্তবীজের ঝাড় সব। তাঁর সতীন বেটি ঠাকুমা হবে আর তাঁর স্বামী রাজা সাহেব— রাজা সাহেবের কথা মনে আসতেই ঘেন্নায় যেন জেঠীর সারা শরীর কঁকড়ে গেল। ক্রুর আবেশের ঝোঁকে তিনি ছটফটিয়ে বিছানা ছেড়ে উঠে দাঁড়ালেন। কিশন এতক্ষণ চোখবুজে কোলে ঘুমুচ্ছিল, হঠাৎ

ঝাঁকুনি খেয়ে সেও জেগে উঠল। তাঁর পেয়ারের কিশনার দিকে নজর দেবার এখন একদম সময় নেই। কানের পাশে প্রসব-পীড়ার গোড়ানি সংগীতের মত তার কানের পর্দায় পৌঁছে গেছে, কিন্তু তিনি তখন নন্দর কথাই ভাবছেন— সে এতক্ষণে হয়তো তাঁর সতীনের বাড়িতে আর শ্মশানে যন্ত্রর পুঁতে এসে থাকবে। হে সত্যনারায়ণ স্বামী, কাল সূর্যি ডোবার সঙ্গে সঙ্গেই বেটির সোহোগের নাতি যেন কাটা কলাগাছের মত ভুঁয়েতে পড়ে। সব আনন্দ নিরানন্দ হয়ে যাবে, চারিদিকে হাহাকার পড়ে যাবে, আবাগীর বেটি সতীন বুক চাপড়ে চাপড়ে ডুকরে কেঁদে উঠবে, তাঁর স্বামী মাথায় হাত দিয়ে বসে পড়বেন। হিংস্র আনন্দের আবেগে জেঠীর পান খাবার ইচ্ছে হল। শিয়রে রাখা হ্যারিকেনের বাতি উচু করলেন। হ্যারিকেন পুজোর দালানে রেখে উঠানে হাত ধুতে নামলেন। তারার প্রসব-বেদনার আওয়াজ এবার একদম কানের কাছেই শুনতে পেলেন, হাত ধোবার জলের কাছেই বন্ধ দরজার ওপারে তারার বাড়ি। জেঠী হাত ধুয়ে দরজায় কান লাগিয়ে খানিকক্ষণ দাঁড়িয়ে রইলেন। বন্ধ দরজার ওপাশে সরু গলিপথ সোজা চলে গেছে তারার রান্নাঘর পর্যন্ত। তার পরে উঠান, দালানের পরে তারার শোবার ঘর। এই মুহূর্তে তারার বন্ধ দরজার আর শোবার ঘরের দূরত্ব যেন কমে গেছে। জেঠীর চোখের সামনে তারার চেহারা ভেসে উঠল, ব্যথায় বিকৃত মুখ যেন স্পষ্ট দেখতে পেয়ে হাজারটা গালাগাল দিতে লাগলেন। জেঠীর ঠোঁটের কোণে ক্রুর হাসি দেখা দিল। তারার পিণ্ডি চটকাতে চটকাতে জেঠী দালানে এসে পানের বাটার কাছে ধপ করে বসে পড়লেন। কিশন, ললিতা, বিশাখা, তিনজনে পানের

বাটার কাছে বসে ল্যাজ নাড়তে নাড়তে টুকুর টুকুর জেঠীর পান সাজা দেখছে। সাদা গায়ে হলদে কালো ছোপ দেয়া বাচ্চাগুলো বেশ সুন্দর দেখতে হয়েছে। হঠাৎ যেন বাচ্চাদের সৌন্দর্য নতুন চোখে জেঠী দেখলেন। সতীন বেটির নাতি নিয়ে অহংকারে মাটিতে পা পড়ে না— গর্বে তাঁর বুক ফুলে দশহাত হয়ে থাকে। কেমন ভালোমানুষের মত বসে আছে তিনটিতে মিলে, যখন শিকার ক'রে হত্যা করে তখন...

জেঠী পান ধোবার জন্তে বাটিতে জল নিয়ে বসেছিলেন, বিশাখা তাতে মুখ দিয়ে দিলে। জেঠী আবার বিরক্ত হয়ে ওপরে চলে গেলেন। যখন থেকে বেড়ালছানা এ বাড়িতে এসেছে, তখন থেকে জেঠীর দিনে একশোবার ধর্ম নষ্ট করে ছাড়েছে। সারা বাড়ি নোংরা করে রাখছে। সারাদিন ধুতে ধুতে প্রাণ বেরিয়ে যাচ্ছে। ইঁহর মেরে খেয়েদেয়ে আরাম করবার সময় ফট করে জেঠীর কোল, বৈষ্ণবী জেঠী ঘেম্নায় মুখ বিতিকিচ্ছি করে তাদের ধাক্কা মেরে দূরে সরিয়ে দেন। ছানারা বার বার তাঁর আশেপাশে ঘুর ঘুর করতে থাকে। জেদ করে আদর কাড়ানো বেড়ালের স্বভাব দোষ। শেষকালে নিরুপায় হয়ে জেঠী তাদের দূর দূর করতে করতে আবার কোলে তুলে নেন। অখাড়া-কুখাড়া খেয়ে সেই জিভে তারা জেঠীর হাত চাটতে চাটতে কখনো কখনো তাঁর শুকিয়ে আমসি মুখও চেটে নেয়। কিশন, ললিতা, বিশাখা ছুটোছুটি করে খেলতে খেলতে সোজা ঠাকুরের সিংহাসনের ওপর এক লাফ মেরে সব জিনিস ছত্রাকার করে ফেলে। জেঠী তাদের সব উপদ্রব সহ্য করেন। গরগর করতে করতে জেঠী আবার বাটিতে জল নেবার জন্তে উঠলেন। তারার প্রসব-পীড়ার করুণ চিৎকার

জ্যেষ্ঠীর মনে তাঁর পঁয়তাল্লিশ বছর আগেকার প্রথম আর শেষ প্রসব-পীড়ার কথা মনে করিয়ে দিলে। পান সেজে কৃষ্ণার্পণ করে মুখে পুরলেন, এক চিমটি দোস্তা নিয়ে 'জয় শ্রী কৃশন' বলে খেয়ে হাত ধুয়ে ধীরেন্দ্রেন্দ্রে হ্যারিকেন উঠিয়ে ঠাকুরঘরে গিয়ে ভাঁড়ারের চাবির গোছা বার করলেন

কৌতূহলের খোঁচা খেয়ে আজ কত বছর পরে জ্যেষ্ঠীর বসত-বাড়ির বন্ধ দরজা ( তারার দিকের ) খুলছে।

\* \* \*

ব্যথা সমানে বেড়ে চলেছে, হাতের কাছে কোন ব্যবস্থা নেই দেখে মিঃ বর্মা ঘাবড়ে পায়চারি করছেন। স্ত্রীর মা বাবা এই শহরেই আছেন কিন্তু কারুর কোন সাহায্যের আশা করাই বৃথা। পাড়ায় সকলেই তাদের প্রেম বিবাহকে সুনজরে দেখতে পারেন নি। তারার কষ্ট দেখে সমাজের কুপ্রথার বিরুদ্ধে বর্মার বিদ্রোহী মন আরো উত্তেজিত হয়ে উঠছে। স্ত্রীর প্রাণরক্ষার জন্তে সে বিচলিত হয়ে পড়েছে। তারা স্বামীকে ঘর থেকে নড়তে দিতে রাজী নয়, কিন্তু বর্মা কোনমতে তাকে বুঝিয়ে সুঝিয়ে কোন ভালো ধাইকে ডেকে আনার জন্তু কাপড়চোপড় পরে বাইরে বেরুলো। দালানে এসেই সামনের রান্নাঘরের দালানে পাশের গলিপথে যেখানে কাঠ বোঝাই করা আছে, এক মনুষ্য আকৃতি দেখতে পেল, হ্যারিকেনের আলো হাতে নিয়ে এক নারীদেহের আকৃতি, সাদা শাড়ি ডাইনীর মত এগিয়ে আসছে। ভূতের কল্পনা মাথায় আসতেই ভয়ে বর্মার হাত-পা ঠক ঠক করে কাঁপতে লাগল। এক অস্ফুট আতর্জনাদ করে বর্মা কাটা কলাগাছের মত ভয়ে বেহঁশ হয়ে পড়ে গেল।



স্বামীর চিংকার শুনে তারা ভয়ে আঁকে উঠল। এ সময়ে বিজানা থেকে নেমে যাওয়া সম্ভব নয়, ভয়ে তার আত্মারাম খাঁচাছাড়া। গর্ভের জীব যেন নড়েচড়ে মার সঙ্গে সহানুভূতি জানালে। নিরুপায় হয়ে নিজেকে যমরাজের হাতে সমর্পিত করে তারা বেহুঁশ হয়ে গেল।

জেঠী তাড়াতাড়ি উঠোন পেরিয়ে দালানে এলেন, সামনে সোফার কাছে বর্মা বেহুঁশ পড়ে। এক সেকেণ্ড দাঁড়িয়ে জেঠী পা চালিয়ে সোজা ভেতরে চলে গেলেন। তারার দুর্দশা দেখে জেঠীর সারা শরীর শিউরে উঠল। পরিস্থিতির সঙ্গে যুববার জন্তে তিনি আটঘাট বাঁধতে লাগলেন। একা প্রাণী, দুর্বল শরীর তবু দৃঢ় মনোবলের জন্তে জেঠী জগৎ সংসার এক করে ছেড়ে দিতে পারেন।

জ্ঞান ফেরার সঙ্গে সঙ্গেই বর্মা তাড়াতাড়ি ঘরের দিকে পা বাড়ালে। দৈবী সাহায্যের মতই জেঠীর আবির্ভাব হবে, বর্মা স্বপ্নেও ভাষেনি। জেঠী বর্মাকে জল গরম করার হুকুম দিয়ে ছুরি আনার জন্তে বললেন। বর্মা মুখ বুজে তাঁর আদেশ মেনে চলেছে। রান্নাঘরের দালানে স্টোভ জ্বালার ব্যবস্থা করতে করতে তার কানে ‘ওয়াঁ ওয়াঁ’ নতুন আগন্তকের কান্নার স্বর ভেসে এল— পিতৃপ্রেমের শিহরণে তার সারা শরীর রোমাঞ্চিত হয়ে উঠল। পত্নীর প্রাণের চিন্তায় স্টোভ জ্বালানো ছেড়ে সে ঘরের দিকে ছুটল। জেঠীর ভয়ে দরজার সামনে থমকে দাঁড়িয়ে সেখান থেকেই জেঠীকে জিজ্ঞেস করলে— জেঠী, কি হল?

জেঠী রেগেমেগে বললেন— আরে জল গরম করলে কিনা? বাপ হতে চলছেন!

বর্মা মশাই ঘাবড়ে এক ছুটে সোজা রান্নাঘরে। জেঠীর হঠাৎ আবির্ভাব তার স্বপ্নেরও অতীত। সারা পাড়ার পৃথিবীশুদ্ধ লোকের সর্বনাশের ব্যবস্থা যে জেঠী করেন, তিনিই আজ সঙ্কটমোচন হিসেবে আবির্ভূত হয়েছেন। এই নিষ্কাম-সেবাবর্ষ, পরের জগৎ চিন্তা, আজ জেঠীর মনে সহসা জেগে ওঠার কারণ কি? প্রশ্নের সঙ্গে তার উত্তর রহস্যের ধোঁয়ায় মিলিয়ে গেল। ঘৃণাময়ী জেঠীর রহস্যময়ী করুণাময়ী মূর্তি দেখে বর্মা আজ অবাক।

## উনত্রিশ

সজ্জন আর কণ্ঠা দুজনে আজ সকালেই মথুরা থেকে ফিরেছে। স্টেশনে নেমেই সজ্জন কণ্ঠাকে অনেক করে বললে তার বাড়ি যাবার জগৎ, কিন্তু কণ্ঠা রাজী হল না। সে সমানে এই যুক্তিই দিলে যে কর্নেলদা রাগ করবেন। সজ্জন বেশী আগ্রহ প্রকাশ করা উচিত মনে করল না। চারদিন প্রায় চব্বিশ ঘণ্টা কণ্ঠার সঙ্গে থাকার সুযোগে সে তার স্বভাব বেশ বুঝে নিয়েছে, তার মজির বাইরে তাকে দিয়ে কোন কাজ করানো অসম্ভব। কণ্ঠা আর অন্য আধুনিকাদের মধ্যে প্রভেদ আছে, তার মার মতই সে জেদী প্রকৃতির। সে যতই তাকে কাছে পাবার বা তার থেকে দূরে সরে যাবার চেষ্টা করেছে— কণ্ঠার জেদের সামনে তাকে পরাজয় স্বীকার করতে হয়েছে। সেই পরাজয়ের গ্লানি তাকে

বিজয়ের লালসার দিকে টেনে নিয়ে যেতে চাইছে। মনের এই উদ্বেজনাকে চেপে রেখে সে এ সময়ে কণ্ঠার সামনে সভ্য আর সুসংস্কৃত সেজে থাকার প্রয়াস করছে। কণ্ঠার সামনে সে নিজের যে প্রকৃতির পরিচয় দিয়েছে আজ সে তার বর্বরতার কলঙ্ক ধুয়ে মুছে ফেলবে। সে কণ্ঠার হৃদয়ে, তার বিশ্বাস পেতে চায়, তার দেহকে বশে আনার আগে তার হৃদয় অধিকার করতে হবে। কালই যখন কথা হচ্ছিল, সৌন্দর্যকে পিষে ফেলার বর্বর প্রকৃতির লোকেদের আলোচনা যখন সে করছিল, কণ্ঠা তার দিকে অর্থপূর্ণ ইঙ্গিত করে বলেছিল— দেখো, নিজের মুখের কথা পরে ভুলে যেয়ো না যেন। সজ্জন আজ নিজের কাছেই নিজে পরাজিত, সেই কথা ভুলে যাওয়ার প্রয়াস করছে। এরপর সে গম্ভীর হয়ে গিয়েছিল, কণ্ঠার সঙ্গে সাধারণ ঠাট্টা পর্যন্ত করেনি। ট্রেনে সে কণ্ঠাকে অজন্তা, ইলোরা, আবু, খাজুরাহো, চিদম্বর, মাছুরা ইত্যাদির শিল্পকলার বর্ণনা করলে। দুটো বার্থের একটা ছোট কম্পার্টমেন্ট পেয়েও সে নিজের আবেগকে সংযত রেখে শিল্পের সৌন্দর্য চর্চা করলে। কৃত্রিমতার আবরণে অনেকক্ষণ নিজেকে ঢেকে রাখার পর সে ক্লান্ত হয়ে ওপরের বার্থে চড়ে ঘুমিয়ে পড়ল। আজ সকালে স্টেশনে যখন কণ্ঠা তার বাড়ি যেতে রাজী হল না, তখন সে নিজের ক্ষুব্ধ মনে লাগাম লাগিয়ে, শিল্পী-মনের শাস্ত্র পরিচয় দেবার ভাঁড়ামি করার চেষ্টা করেছে।

মথুরা থেকে সজ্জন টেলিগ্রাম পাঠিয়েছিল, স্টেশনে ড্রাইভার গাড়ি নিয়ে এসেছে। কণ্ঠাকে ছাড়তে সে কর্নেলের ওষুধের দোকানে গেল। সে সময়ে কর্নেল লাল জ্ঞানকীসরণের সঙ্গে দোকানের পেছন দিকের ঘরে বসে ছিল। সজ্জনের ঘরের তখনই অবস্থার

খবর পেয়ে কর্নেল রীতিমত রেগে উঠে লালা জানকীসরণকে মিষ্টি মিষ্টি করে ছুনিয়াদারি ভাষায় চিত্রকলা প্রদর্শনীর বিষয়ে জবাব দিয়েছিল। লালা জানকীসরণ খোঁতা মুখ ভোঁতা করে বেরিয়ে যাচ্ছেন— এমন সময়ে সজ্জন আর কণ্ঠা ঘরে ঢুকল।

ছজনকে দেখে কর্নেলের চেহারায় খুসী খুসী ভাব ফুটে উঠল। লালা জানকীসরণের চোখে এক অর্থপূর্ণ কুৎসিত ইঙ্গিত দেখা দিল।

কর্নেল চাকরকে ডাকলে—ও ভোলা, গাড়ি থেকে বিম্বোর জিনিসপত্তর নামিয়ে ওপরে পৌঁছে দাও। লালা জানকীসরণ সজ্জনকে বললেন—আরে মশাই কোথায় গায়েব হয়ে গিয়েছিলে? খবর রাখো, দুদিন পরে—তোমার চিত্রের প্রদর্শনী। আমি এমন বিজ্ঞাপন ছাপিয়েছি যে সারা শহরে সাড়া পড়ে গেছে।

সজ্জনের মুড খারাপ হয়ে গেল, নিজেকে সামলে নিয়ে উত্তর দিলে—হ্যাঁ মথুরা গিয়েছিলুম, ফেরার সময়ে রাস্তায় এ খবর আমি পেয়েছি যে আপনি সারা শহর তোলপাড় করে ফেলেছেন।

লালা জানকীসরণ লজ্জিত হয়ে আর কথা খুঁজে পেলেন না—আচ্ছা আচ্ছা, তুমি যা ভালো বোঝো তাই করো, আমাদের দ্বারা যতটা সম্ভব সেবা করেছি। কাল রাত্তিরে বেচারী শালিগরাম গলিতে পড়ে গিয়ে হাড় ভেঙে বসে আছে।

—আরে, কি করে পড়ে গেলেন? সজ্জন সহানুভূতির সঙ্গে জিজ্ঞেস করলে।

লালা জানকীসরণ মুচকি হেসে বললেন—সকলে বলছে যে তোমার বাড়িউলী জেঠী টোটকা করেছেন।

সজ্জন হেসে ফেললে—কেন? কেন? উনি শালিগরামকে...

—তুমি সবে এসেছ, নেয়ে ধুয়ে আরাম করো, তারপর কর্নেলের মুখেই সব শুনতে পাবে'খন।

—আচ্ছা চলি তা হলে, রাজাসায়েবের বাড়ি একটু দূর মেরে আসি।

—কেন? খবরটবর ভালো তো?

—আজ্ঞা আশীর্বাদের খাওয়াদাওয়া।

—হ্যাঁ হ্যাঁ, আমি ভুলেই গিয়েছিলাম। সজ্জন বললে।

—আজ্ঞাকাল তোমার মাথার ঠিক থাকে না, কী ব্যাপার? কী ভাবো এত? আচ্ছা ভাই কর্নেল, চলি তা হলে, জয় রামজী কী।

—রাজাসায়েবকে বলে দেবেন যে আমি একটু গরে হাজির হব—সজ্জন লাল। জানকীসরণকে বললে।

লাল। জানকীসরণের যাওয়ার পর এটা সেটা অনেক কথা হল। কর্নেল কণ্ঠ্যাকে বললে—তোমার মথুরা যাওয়ার পর এখানকার কাজ অনেকটা এগিয়েছে। আজকেই তোমার বাবাকে শ্রীঘরে পাঠাবার ব্যবস্থা করে দিয়েছি, এবার শালিগরামকে এমন ধোলাই দেব যাতে সারাজীবন কর্নেলকে মনে রাখে।

শালিগরামের প্রসঙ্গের সঙ্গেই সজ্জনের ঘরের লুটপাটের খবর পেয়ে সজ্জন আর কণ্ঠা দুজনেই রাগে উত্তেজিত আর উদ্বিগ্ন হয়ে উঠল। সজ্জন ঠিক করলে বাড়ি যাবার আগে একবার সে তার ঘরের দুর্দশা স্বচক্ষে দেখে তবে যাবে।

\*

\*

\*

নিজের চিত্রশালার ধ্বংসাবশেষ দেখে সজ্জন রাগে দিগ্বিদিক-জ্ঞানশূন্য হয়ে উঠল। খুন করা টুকরো টুকরো লাশের মতই

ঘরের অবস্থা, ধ্বংসলীলার পরের দৃশ্য মতই ভয়াবহ মনে হচ্ছিল। পেটিংএর ছেঁড়া এক-আধটা টুকরো এদিক-ওদিক পড়ে আছে। ঘরের এক কোণে ছোট স্টুল আধপোড়া হয়ে ক্যাঙারুর মত দু-পা উচিয়ে দাঁড়িয়ে আছে। জলের সোরাইয়ের টুকরো, ভাঙা কাঁচের টুকরো, পেটিংএর ছেঁড়া টুকরো জেগী এক কোণে জমা করে গিয়েছিলেন। সমস্ত টুকরোর ব্যথা যেন অসংখ্য সূচের মত তার সারা শরীরে ছড়িয়ে পড়ল। খোল থেকে বেরিয়ে ভেংচি কাটার মত পড়ে আছে। ঘরের একটা জিনিস আস্ত নেই। সজ্জন, কণ্ঠা আর কর্নেল অনেকক্ষণ পর্যন্ত ঘরের অবস্থা দেখলে, রাগের চোটে সজ্জনের চোখ দিয়ে বারুদের গোলার মত অগ্নি ফুলিঙ্গ বেরুচ্ছে।

কণ্ঠা সজ্জনের মৌনতা দেখে রীতিমত ভয় পেয়ে গেল। সজ্জনকে তার উত্তেজনার অগ্নি থেকে বাঁচাবার জন্য সে যেন কথা খুঁজে পাচ্ছিল না। এই ছোট ঘরটি ছিল তার নতুন-সংসারের প্রবেশকক্ষ, এখানেই তার সজ্জনের সঙ্গে প্রথম আলাপ। ‘দৈনিক নবজীবন’ অফিসে চাকরি পাবার পর মহাবীরের প্রসাদ নিয়ে সে এই ঘরে এসে সজ্জনের কপালে গোলা সিঁহুরের ফোঁটা লাগিয়ে প্রথমবার তাকে ‘তুমি’ সম্বোধন করেছিল, সেই-সঙ্গেই তার সংকোচের ব্যবধান আপনা হতেই সরে গিয়েছিল। এই সেদিনের কথা, সামনে সত্যনারায়ণের ছবি রাখা ছিল, মহাকবি বোর ছাদে বসেছিল, ডাঃ শীলা ঘরে বসে চা খাচ্ছিলেন, ওহঃ সুন্দর সাজানো ঘরটার কী দুর্দশা হয়েছে।

—তুমি ঠিকই বলেছিলে, পৃথিবীতে বোধহয় বেশীরভাগ মানুষ সৌন্দর্য থেকে প্রভাবিত হয়ে তাকে রক্ষা করার বদলে ধ্বংস

করাতেই বিচিত্র আনন্দ অনুভব করে। ইতিহাসের পাতায় লেখা আছে যে মথুরা একবার বর্গীরা এসে লুটপাট করেছিল, যে-লোকেরা তোমার সুন্দর শিল্পের রচনাকে কুটিকুটি করে ছিঁড়েছে তারাও সেই বর্গীদের চেয়ে কম বর্বর নয়। উত্তেজিত হয়ে কণ্ঠা বললে।

—আরে ভাই, আমি তো আগেই বলেছিলাম যে এসব নোংরা পাড়ায় থাকা ভদ্রলোকের কর্ম নয়। এটা ছোটলোকদের বস্তু, এদের হৃদয়ে সৌন্দর্যের অনুভূতিকে রঙের তুলিকায় অমর করতে এসেছিলে, উচিত শিক্ষা হয়েছে তো? কর্নেলের কথায় শ্লেষ ছিল।

সজ্জন বিদ্রূপের চিমটিটা বরদাস্ত করতে পারলে না— যদি এখানকার লোকেরা ভেবে থাকে ভয় পেয়ে আমি পাড়া ছেড়ে চলে যাব তা হলে এটা তাদের মস্ত ভুল ধারণা। আমি এখানেই থাকব। আমি এই মূর্থদের বর্বরতার সঙ্গে সমানে যুদ্ধে যাব। অসভ্য কোথাকার! এরা অজস্র-ইলোরার দেশের বাসিন্দা? ইচ্ছে করে এদের মুখে অ্যাসিড ঢেলে দি।

—কি ছেলেমানুষী করছ? এত কঠোর হতে পারবে তুমি? কণ্ঠা দীর্ঘশ্বাস ফেলে বললে।

—আমার মতে প্রদর্শনী না হওয়াই ভালো, ক্যান্সেল করে দাও। পাড়ার লোকেরা সকলেই তোমার শত্রু। সেদিন যদি কোন গোলমাল বেধে যায় তা হলে বড়ই মুশকিল হবে। বড় বড় সম্মানিত অতিথিদের সামনে তোমার মাথা তোলা দায় হয়ে উঠবে। কর্নেল তার মতামত প্রকাশ করলে।

—না কর্নেলদা, প্রদর্শনী নিশ্চয় হবে। যা-কিছু হয়েছে মানুষের স্বভাবের দোষ নয়, এটা তার সীমাবদ্ধ জীবনের পরিচয়।

প্রদর্শনীর সাহায্যে যদি এখানকার লোকেদের মধ্যে শিক্ষার প্রচার হয় তবেই না সজ্জনের এদের মধ্যে থাকতে আসা সফল...। সজ্জন রাগে ফেটে পড়ল—আমি এখানে থাকব। আমি এদের মাথায় পা দিয়ে হাঁটব। এই অসভ্য প্রতিক্রিয়াবাদী শক্তিকে ভয় পেয়ে পালানোর মত কাপুরুষ আমি নই।

ছাদে জেঠীকে পুঁটলী নিয়ে আসতে দেখা গেল। কণ্ঠা হাত জোড় করে নমস্কার জানাল। জেঠী কোন উত্তর না দিয়ে চোখ পাকিয়ে তার দিকে তাকিয়ে সজ্জনের হাতে পুঁটলী দিয়ে বললেন—কন্নোমলের নাতি, এ তোমার ছবির টুকরো। আজ লেই তৈরী করে দেব, সব ঠিকমত জুড়ে নিয়ো।

ক্রোধের জোয়ার আবার মিলিয়ে গেল। জেঠীর স্নেহমমতায় ভরা হৃদয় যেন প্রলয়ের সময় নৌকোর কাজ করলে। সজ্জন পুঁটলী নিয়ে নিল। জেঠী আঙুল মটকে বললেন—যারা যারা তোমার লোকশান করেছে, আটদিনের মাথায় সব নির্বংশ হবে। তুই আর এ ঘরে নিজের কোন জিনিস রাখিস না, আমার বাইরের ঘরে বসে কাজ করিস—বলতে বলতে কণ্ঠা আর কর্নেলকে দেখে, তোমরা যাও, এখান থেকে যাও।

কণ্ঠা তখনি বেরিয়ে গেল। কর্নেল অপমানিত বোধ করলে। সজ্জন কর্নেলের হাত ধীরে টিপতেই, সংকেত পেয়ে সেও বেরিয়ে গেল। জেঠী সজ্জনের কানের কাছে এসে বললেন—দেখ ভাই কন্নোমলের নাতি, তুই এবার বিয়ে থা করে ঘর সংসার পেতে বোস, তোমার বউকে একশো তোলা সোনা দেব। এখুনি যে দাঁড়িয়েছিল, এ রাঁড় আবার কোথা থেকে জুটেছে? বেহায়া কোথাকার। পুরুষদের সঙ্গে মাথার কাপড় খুলে খিঙ্গির মত ঘুরে বেড়াচ্ছে।



সজ্জন গেলবারের মত ঠাট্টাচ্ছিলে মিথ্যে না বলে সোজাসুজি খোলসা করে বললে— জেঠী, এ খুব ভালো মেয়ে, আপনি যদি আমায় ভাড়াটে রাখেন তা হলে এও এখানে আসবে।

জেঠী দুমিনিট সজ্জনের মুখের ভাব বোঝার চেষ্টা করে ধীরে ধীরে বললেন— কলিযুগ, ঘোর কলিযুগ আর কাকে বলে? এ এখানে আসবে, আমুক, বেটি থাকুক নিজের সোহাগের সোয়ামীর সঙ্গে, আমার দিকের দরজা আমি বন্ধ করে দেব। জেঠী সোজা তোপের মুখে বাকুদের গোলার মত ছিটকে ঘর থেকে বেরিয়ে গেলেন।

## ত্রিশ

রাজাসাহেবের নাতির আশীর্বাদে খুব ধুমধাম, খাওয়াদাওয়া হল। দুই প্রদেশের গভর্নর, তিনজন কেন্দ্রীয় মন্ত্রী, প্রাদেশিক মন্ত্রীগণ, অনেক পুরোনো তালুকদার, কানপুর, কলিকাতার দু-চারজন কোটিপতি সকলেই সমারোহের শোভা বাড়াতে এলেন। খাওয়াদাওয়ার সময়ে মহিপাল বাক-সংযম না রাখতে পারায় দু-একটা অপ্রিয় কথা বলে ফেলল। খাওয়া শেষ হবার পর সজ্জন তাকে বাগানের দিকে নিয়ে গিয়ে বোঝালে— মহিপাল, তুমি খুব ক্রান্ত, তোমার বিশ্রামের প্রয়োজন, কিছুদিনের জন্য বাইরে কোথাও ঘুরে এসো। কিছুদিন থেকে মহিপালের মনেও এই কথাই ঘুরপাক খাচ্ছে।

— হ্যাঁ ভাই, তুমি ঠিকই বলেছ। ক্রান্তিতে আমার স্বভাব খারাপ হয়ে গেছে, আমি বেজায় খিটখিটে হয়ে গেছি। কদিন আগে আমার মামাতো ভাইয়ের চিঠি এসেছে, ভাবছি কিছুদিনের জন্য গ্রামে ঘুরে আসি। সংসারের চিন্তা থেকে জ্বরদস্তির ছুটি নেয়া যাবে।

গ্রাম্য জীবনের অনুভূতিকে আবার অনুভব করার সুযোগ পাওয়া যাবে এ কল্পনা মাথায় আসতেই মহিপাল বিদায় নিয়ে চলে গেল। পরিচিত মুখের অভাবে যেন নিজেকে বড় একা মনে হল, সজ্জন চুপচাপ বাড়ি যাবার জন্য বাইরে বেরিয়ে এল। বাইরে বেরোতেই সামনে চিত্রা রাজদানের সঙ্গে দেখা। মরুভূমির মত তার অবিবাহিত জীবনে চিত্রা মাঝে মাঝে তার আকর্ষণ পিপাসা মিটিয়েছে। বাড়ি ফেরার জন্য সে কোন গাড়ির খোঁজে চারিদিক তাকাচ্ছে। চিত্রা চিরজীবন অবিবাহিতই থেকে গেল, একজনের পত্নী না হয়ে সে অনেকের ভোগের সামগ্রী। বয়সের সঙ্গে ঝরে যাওয়া ফুলের রূপ সৌন্দর্য এখনো বেশ বজায় আছে। কণ্ঠার সঙ্গে চারদিনের সংঘমে ভরা সহবাসের পর তার আভিজাত্য, শিল্পীর জেদী প্রবৃত্তি আর ভোগেচ্ছা যেন আবার জেগে উঠেছে, এমন সময়ে তার চিত্রার সঙ্গে দেখা।

সেদিন রাত্তিরে মদের নেশায় সে কণ্ঠাকে উচিত শিক্ষা আর দারুণ আঘাত দেবার জন্য চিত্রাকে বিয়ে করার কথা ভেবেছিল। কণ্ঠাকে নির্মম দণ্ড দেওয়া হবে আর তার নাকের ডগায় সে চিত্রাকে বধূরূপে গ্রহণ করে আদর্শ স্বামী আর পতিভোক্তার আদর্শ উপস্থিত করবে। এক টিলে দুই পাখি মারা হবে।

দ্বিতীয় দিন ভোরবেলায় রাজাসাহেবের বড় ছেলে নিজে এসে তাকে ডেকে নিয়ে গেল। রাজা সাহেব, লالا জানকীসরণ,

শালিগরাম তাঁর পায়ে ব্যাণ্ডেজ বেঁধে বসে আছেন। রাজা-সাহেবের প্রভাবে আর উপস্থিত দুই ব্যক্তির অনুন্নয় বিনয়ের সামনে ভদ্রতার খাতিরে সজ্জন তাদের কথা দিলে যে কন্ঠার বাবার কেসে সে সাহায্য করবে না। কথা দেওয়ার পর নিজেই লুকিয়ে বেড়াচ্ছে, গত দুদিনের মধ্যে কর্নেল আর কন্ঠার সঙ্গে দেখা করার সাহস জোগাড় করতে পারে নি। চিত্রা তার বাড়িতেই রয়েছে। ওদিকে কর্নেল আর কন্ঠা মিলে কেসের ব্যাপার অনেক দূর নিয়ে গেছে, খবরের কাগজে পড়ে সজ্জনের মাথা গরম হয়ে গেল। তিনদিন বাউণ্ডলের মত হন্তে হয়ে ঘোরাফেরা করার পর চতুর্থ দিন দেওয়ানজীকে কিছু ফার্নিচার, ডেকোরেশনের আর দরকারী জিনিস জেঠীর বাইরের ঘরে পৌঁছে দেবার হুকুম দিলে। দুপুরবেলা নিজেই জেঠীর সঙ্গে দেখা করতে গেল। ললিতা, বিশাখা, কিশনা তিনজনে এক সূতলীতে বাঁধা অথচ ছোট্টাছুটি করছে। জেঠী সজ্জনকে তাদের ধরে আনতে বললেন। সজ্জন তাদের তিনজনকে থামের সঙ্গে বেঁধে দিলে :

—জেঠী, আমার জিনিস এসে গেছে ?

—হ্যাঁ রে, আমি সব জিনিস ঠিকমত রাখিয়ে দিয়েছি। তোর বসবার ঘর আমি শ্বশুরের বৈঠকখানায় করে দিয়েছি। আরে শোন কন্ঠামলের নাতি—বিদ্দিন কিশোরীর ছেলের খাওয়ান-দাওয়ানে গিয়েছিলে না কি ?

—হ্যাঁ জেঠী।

—কেমন খাওয়ালে ? শুনলাম অনেক লোক খেয়েছে ?

—না না জেঠী, এই ছ'সাতশো লোক হবে। সজ্জন ইচ্ছে করে মিথ্যে কথা বললে।

—করকমের মিষ্টি তৈরী করিয়েছিল রে ?

—গুণতিতে বেশী ছিল কিন্তু খেতে তেমন সোয়াদ... কিছুক্ষণ চুপ থেকে জেঠী বললেন— কল্লোমলের নাতি, তুই বিয়ে থা কর। এমন ভিয়েন বসাব যে সতীন রাঁড়ের চোখ ছানাবড়া হয়ে যাবে। তা হলে কথা পাকা করি ? মেয়ে তোকে আগে দেখিয়ে দেব, বড় সুশীল মেয়ে।

সজ্জন বিয়ে সমস্যাতে ফিলহাল মূলতুবী রাখার জন্তে বললে— জেঠী, আমার ঠিকুজিতে লেখা আছে আগামী ছবছরের মধ্যে বিয়ে করলে আমার জীব নির্ঘাত বৈধব্য যোগ।

জেঠী হতভম্ব হয়ে— কি বললি ? ঠিকুজি আমি নিজে ভালো করে মিলিয়ে দেখব, যার ভাগ্যে স্বামীর সোহাগ পুরো লেখা— গলা নামিয়ে ধীরে রহস্যজনক ভাবে বললেন— আমার মনের অনেকদিনের সাধ নিজে দাঁড়িয়ে কারুর চারহাত এক করি। সতীন রাঁড় ভাবছে যে ওরই ছেলে আর নাতি আছে। খুব দেমাক হয়েছে। আরে আমি আগে এই ছেলের...

কড়া নাড়ার শব্দে জেঠী দরজা খুলতে চলে গেলেন। সজ্জন দেউড়ির বাইরে গলির দিকে চলে এল। লাল জ্ঞানকীসরণ বারান্দায় বসে ফলওয়ালার সঙ্গে দর-কষাকষি করছিলেন। তাকে দেখতে পেয়ে বললেন— জেঠীর কোলজোড়া হয়ে বসলে নাকি ?

সজ্জনের ঠাট্টার উত্তর দেবার মুড ছিল না। লাল জ্ঞানকীসরণকে দেখে সে সংকুচিত হয়ে গেছে। লালাজী বললেন— এসো এসো, বসো দু মিনিট, আরে এসো ভাই।

ভদ্রতার খাতিরে তাকে লালাজীর রোয়াকে উঠতে হল।

—তোমরা ছেলেছোকরার দল আমাদের ভুলেই গেছ, বয়সে যারা তোমাদের শ্রদ্ধেয় তাদের মনে কষ্ট দিতে নেই। আজ সকালের খবরের কাগজ দেখে রাজাসায়েব বিশেষ দুঃখিত। দুপুরে ওঁর টেলিফোন এসেছিল।

—এ বিষয়ে আমি কিছু জানি না লালাজী, আমি সাথে পাঁচে কিছুতেই নেই।

—কিন্তু কর্নেল...

—কর্নেল এ বিষয়ে আমার মতামত না নিয়েই...

—হাঃ হাঃ হাঃ তা হলে এই ব্যাপার! বাবুমশাই, আমার পঁয়ষট্টি বছর বয়স, তোমার বাবা আমার চেয়ে ছোটই ছিলেন। আমি তোমাকে আর কি বলি? ভগবানের দয়ায় তোমার খ্যাতি আছে, বুদ্ধিমান ছেলে তুমি, বলার মানেটা এই যে জীবনে যা শখটখ করার ইচ্ছে করে নাও কিন্তু বাবা নিজেকে একটু শাঁচিয়ে, গ্যাড়া নেড়ীর কাণ্ড যেন না হয় এই আর কি! যে মেয়ে নিজের বাপের মর্যাদা হাটে বেঁচে দিলে তার কোন ভরসা আছে?

লালার কথা সজ্জনের গায়ে বাজল, কিন্তু সে যেন নিজেকে অপরাধী মনে করল। কণ্ঠার বিরুদ্ধে মন্তব্য শোনার পরও সজ্জনের মন যেন তার প্রতি বিরূপ হতে নারাজ। লালাজী জানকীসরণ তাকে তাঁর নিজে বড় দুখানা ঘর দেখালেন, ঘরে আলো কম। সজ্জন ইলেকট্রিকওয়ালাকে খবর দেবার জন্য লালাজীকে বললে। পরের দিন সকাল আটটায় আসার কথা দিয়ে সে সোজা জেঠীর বসতবাড়ির দিকে রওনা হল। বরে ঢুকতেই কণ্ঠাকে দেখে সজ্জনের চেহারা কঠিন হয়ে এল। সে চুপচাপ দেওয়ালের দিকে মুখ করে আরামচেয়ারে শুয়ে পড়ল।

—রাগ করেছ নাকি ? কণ্ঠা জিজ্ঞেস করলে ।

— ...

—রাগ করার মত কোন কথাই হয়নি...

—আমার ধড়ে ছোটো মাথা গজায় নি যে আমি আপনার ওপর রাগ করব ।

আমি স্বপ্নেও আশা করিনি যে তুমি অত্যাচারের সমর্থন করবে ।

—আমি অত্যাচারের সমর্থন করি তাই লোকে আমায় বদনাম দেয় ।  
সজ্জন বিরক্ত হয়ে বললে ।

—তা হলে ?

—এ ক্ষেত্রে, আমি তোমার অত্যাচার দেখছি !

—কেন ?

এই প্রশ্নের উত্তর সজ্জন খুঁজে পেল না । কণ্ঠা বললে— আমি  
আমার বাবার বিরুদ্ধে অত্যাচার করছি ? তুমি এটা উচিত মনে  
করো যে নারী সর্বদাই পায়ের নীচে দলিত হবে ?

সজ্জন আত্মসংযম হারিয়ে প্রায় চেষ্টা করে উঠল— আজ্ঞে না,  
নারীকে দলিত করার ক্ষমতা কোন পুরুষের আছে ? পুরুষেরাই  
পিষে যাবে...

—তুমি ভালোভাবে বুঝেছো কথা বলো, রাগ করে উদ্বেজিত  
হবার কোন কারণই নেই । আমি তোমাকে কোনরকম ধোঁকা  
দিয়েছি নাকি ? যেদিন আমি প্রথমবার তোমার কাছে  
এসেছিলাম সেইদিনই সব কথা খোলাখুলিভাবে হয়ে যায় নি ?

—এ বিষয়ে আমার কোন নালিশ নেই । আমি এইটুকুই  
নালিশ জানাচ্ছি যে আমি যখন তোমায় চারদিন থামতে বলেছিলাম,  
তুমি কেন থামতে পারলে না ?

—সজ্জন, আমি জানি তোমার কাছে বড় বড় রাঘব বোয়ালদের সুপারিশ পৌঁচেছে, আমার বাবাকে বাঁচাবার জন্তে নয় কিন্তু শালিগরামের মানরক্ষা করার জন্তে! আমি কেন রাজী হব? শালিগরামের তৈরী তাসের ঘর ভাঙবে কি কংগ্রেসের বদনাম হবে, এ-সবে আমার কী আসে যায় বলতে পারো?

—মিস বনকন্না, আমি আপনার রাজনৈতিক চাল বেশ ধরতে পেরেছি, এতদিন...

—সজ্জন, কি সত্যি সেটা তুমি ভালোভাবেই জানো। যাকগে আমি এ নিয়ে বেশী তর্ক করতে চাই না।

আমিও বাজে তর্ক করে সময় নষ্ট করতে চাই না— বলে সজ্জন মুখ আবার দেয়ালের দিকে ফিরিয়ে বসল। কন্না উঠে এসে সজ্জনের মাথায় হাত বোলাতে বোলাতে জিজ্ঞেস করলে— আর কথা বলবে না?

—না।

—কতক্ষণ?

—চিরদিনের জন্তে।

—তুমি না-হয় নাই বললে, আমি কিন্তু বলব। বনকন্নার স্পর্শমুখ সজ্জনকে উত্তেজিত করে তুলছে। উত্তেজনার বশে তার মেজাজ আরো খিটখিটে হয়ে গেল। বনকন্নার স্পর্শ শীতল আর পবিত্র। সজ্জনের মনের অপবিত্রতা যেন তাকে ভেংচি কাটছে। পবিত্র অপবিত্রের যুদ্ধের মাঝে সে যেন নিজের হৃদয়ের স্পষ্ট প্রতিচ্ছবি দেখতে পাচ্ছে। নিজের আসল প্রতিচ্ছবিকে দেখে সে যেন কন্নার পবিত্রতাকে অপবিত্রতার মুখোস পরাবার জন্য ব্যস্ত

হয়ে উঠে দাঁড়ালে— এ তোমার মনের কথা নয়, আমার পয়সা, আমার মান, সম্ভ্রম ..

—দ্বিতীয় বার তোমার মুখে শুনছি।

—তুমি সদাই বেহায়ার মত শুনতে থাকবে।

রাগে বনকন্ঠার মুখ লাল হয়ে উঠল কিন্তু যথাসাধ্য নিজেকে সংযত করে নিয়ে বললে— যেদিন আমার পুরোপুরি বিশ্বাস হবে যে তুমি সত্যিই আমাকে এত ছোট ভাবো সেদিন এ মুখ তোমাকে দেখাতে আর কোনদিন আসব না। বলে বনকন্ঠা একদিকে সরে দাঁড়ালো।

—ও কল্লোমলের নাতি!

—হ্যাঁ জেঠী, কি বলছ?

—শোন, এই তোর ইনি যে দাঁড়িয়ে আছেন, একে একটু বলে দে যে তারার নন্দ হয়ে একটু ষষ্ঠী পূজো করে দেবে। হাড় হাবাতের দল সব—বেজাতের ব্যাপার—ওর জন্তে পিসী কোথায় পাই!

সজ্জন তাড়াতাড়ি স্বাধিকারে কন্ঠার দিকে চেয়ে বললে—হ্যাঁ, হ্যাঁ, জেঠী।

কন্ঠা তাড়াতাড়ি উত্তর দিলে—হ্যাঁ আমি নিশ্চয় পিসী হয়ে পূজো করব জেঠী, কিন্তু আমি বেজাত নয় জেঠী, কন্ঠা পরিহাসের সুরে বললে।

গলির এক কুকুর ভেতরে ঢুকে এল। ঘরের দরজায় দাঁড়িয়ে জেঠীর নজর সেদিকে পড়তেই হ্যাট হ্যাট করতে করতে পেছনে পেছনে ছুটলেন। কুকুর ঘাবড়ে ফটকের দিকে যাবার বদলে দালানের দিকে ছুটল। জেঠী ডুকরে উঠলেন—আরে তোর



সর্বনাশ হোক— ধর ধর আমার ঘরে ঢুকে গেল এখুনি— আমার ললিতা— আমার বিশাখা—

সজ্জন ইতিমধ্যে দালানে ছুটে গিয়ে কুকুর তাড়াচ্ছে। কুকুর সোজা দালান পার হয়ে ফটকের দিকে ছুট দিয়েছে। সজ্জন ফটক বন্ধ করতে গেল। ভারী নকশীদার ফটক বন্ধ করতে করতে বাবা রামজীকে গলি দিয়ে যেতে দেখতে পেল।

—কি খবর তোমার রাম ভগতওয়া? বাবাজী দস্তবিহীন মুখে হাসলেন। তাঁর চোখে স্নেহ ঝলমলিয়ে উঠল। বাবাজীকে দেখে সজ্জন ঘাবড়ে গেছে, সে যেন চুরি করতে গিয়ে হাতেনাতে ধরা পড়েছে। বাবাজী ফটকের মধ্যে ঢুকলেন, পেছনে পেছনে তাঁর মোটা লাঠি আর কমণ্ডলু নিয়ে এক গ্যাড়া, কৌপীনধারী চেল। সজ্জন ফটক বন্ধ করে সঙ্গে সঙ্গে ভেতরে এল। দালানে জেঠী দাঁড়িয়ে, সামনে সাধু দেখে তখুনি তাঁর পায়ে ভক্তিভরে প্রণাম করলেন।

—সুখী থাকো, সুমতি হোক, শান্তি হোক।

—মহারাজ, কোথা থেকে আসা হয়েছে?

—রামজীর বাড়ি থেকে এসেছি, রামভক্তনিয়াঁ, তুইও সেই এক ঠিকানা থেকেই এসেছিস।

—আরে, এ কথা সকলেই জানে মহারাজ, আমি জিজ্ঞেস করছিলুম যে— আপনি পাগলদের চিকিৎসা আর সেবা করেন না?

—হ্যাঁ, আমি পাগলদের চিকিৎসা করি। যেখানে কেউ পাগল হয় সেখানেই আমি তার সেবার জন্মে উপস্থিত থাকি। ঠিক বলছি কিনা রামজী?

সজ্জনের অপরাধী মনে যেন রামজী এক খোঁচা মারলেন। সে মাথা নীচু করে চুপ করে রইল।

—আচ্ছা, আচ্ছা, আপনিই তিনি, আপনার কথা গোকুল-  
দ্বারেতে শোনার সৌভাগ্য হয়েছে। কল্লোমলের নাতি আপনাকে  
আগে থাকতেই চিনত বুঝি ?

—আরে ইনি রামজী, ইনি কাকে না চেনেন, কী না জানেন ?  
এঁর থেকে বেশী সত্যকে চেনার জ্ঞান আর কার আছে। সজ্জন  
মাথা হেঁট করে বসে রইল। বাবাজী কণ্ঠার দিকে নজর পড়তেই  
জেঠীকে প্রশ্ন করলেন— তোমার মেয়ে বুঝি ?

—আমার কেন হতে যাবে, মরণ ?

—আরে তোমারি মেয়ে রামভক্তনিয়েঁ, তুমি এর জন্তেই তো  
একশো তোলা সোনা নিয়ে বসে আছ অথচ একে গালাগাল  
দিয়ে চলেছ।

—আমি আজ পর্যন্ত কারুর এক কানাকড়ি নিইনি। হ্যাঁ,  
একশো তোলা সোনা আমি একে ( সজ্জনের দিকে চেয়ে ) এর  
বউকে দেব যদি আমার পছন্দমত বিয়ে করে তবে।

—আরে, কুমারীকেই দিয়ে দে রামভক্তনিয়েঁ।

—না বাবাজী।

—পরোপকার হবে গো। যদি চোরে নিয়ে যায় তখন কি  
করবি ?

—আমার বাড়ির চুরির খবর তুমি পেয়েছ বাবাজী ?

—তোমার বাড়িতে সত্যিই চুরি হয়ে গেছে রামভক্তনিয়েঁ ?  
আমি তো উদাহরণ দেবার ছলে বলেছিলাম— ব'লে বাবাজী  
খানিকক্ষণ হো হো করে হেসে নিয়ে বললেন— আচ্ছা তা হলে  
চুরির পর থেকে কারুকে একশো তোলা দিয়ে দেয়ার কথা মনে  
আসছে রামভক্তনিয়েঁ ?

—হ্যাঁ বাবাজী, আসল কথাই তাই, বলে জেঠী তাঁর অলুক্ষে চেহারা, ভাঁটার মত চোখ, কালো মূলো মূলো দাঁত বার করে বললেন— আমার আর কে খাবে? মরে ভূত হয়ে আগলাবার ইচ্ছে নেই। ভূত হবে সতীন রাঁড়। (বাঁ হাতের তেলোয় ডান হাতের তেলো ফটাস করে মেরে) আমি সোজা ড্যাগ ড্যাগ করে পুষ্পক বিমানে বসে স্বর্গে যাব, দেখে নিয়ো।

—হ্যাঁ হ্যাঁ রামভক্তিন তুই নিশ্চয় ছন্দুভি বাজাতে বাজাতে যাবি। তোর জন্তে কৃষ্ণ ভগবান স্বর্গ থেকে স্পেশাল বিমান পাঠাবেন। কৃষ্ণ ভগবান তোর ওপর অতি প্রসন্ন। আমি সেই দিনটা স্পষ্ট দেখছি যেদিন তুই বৈকুণ্ঠে যাবি আর আমি তোর লাঠি নিয়ে পালাব—বাবাজী খিল খিল করে হেসে উঠলেন।

সজ্জনের দিকে বাবাজী ঘুরে তাকালেন। সে নিস্তেজ হয়ে বসে ছিল। বাবাজী বললেন— আজ বিজয়ের দিনে মৌন ব্রত ধারণ করেছ কেন?

—বাবাজী, শোনো, জেঠী বাবাজীকে ইশারায় এক পাশে ডেকে নিয়ে গিয়ে বললেন— মন্তুরে কাজ হয় বাবাজী?

—হ্যাঁ, রামভক্তনিয়াঁ, ডাকিনী-যোগিনী যাকে বলে তাকেই...

—বাবাজী, তাহলে আমার সতীনের নাতিনের সর্বনাশ করো, ঠিক আশীর্বাদের লগ্নে যেন কাটা কলাগাছের মত শুয়ে পড়ে।

—তাতে তোমার কী লাভ হবে রামভক্তনিয়াঁ?

—আমার বুকের আগুন ঠাণ্ডা হবে, সতীনের বংশে সন্ধ্যা পিদিম দিতে কেউ থাকবে না। আমার মেয়ে যদি বেঁচে থাকত তা হলে তার বংশ হত। (গলা নামিয়ে) ভগবানের আশীর্বাদে আমার কিছুর অভাব নেই, যদি তুমি আমার মনোবাঞ্ছা

পূর্ণ করে দিতে পারো তাহলে ভগবানের দিবা তোমাকেই সব-  
কিছু দিয়ে যাব। বাস্ একশো তোলা সোনা কন্নোমলের নাতির  
বউকে...

—আমি তোকে একটা কথা বলি রামভক্তনিয়াঁ, তুই বে<sup>শ</sup>  
বড় একটা উৎসব করে দে। এই যে রামজী আর এই তোর  
সীতা দাঁড়িয়ে...

—এসব বাজে খোশামুদী করার লোক আমি নই মহারাজ।  
তোমায় সত্যি কথা বলছি, এদের ছুজনের যুগল মূর্তি আমি  
ছুচক্ষে দেখতে পারি না। না জাত না ধর্ম। এদের মত একজন  
আমার ভাড়াটে হয়ে এসেছে। রাঁড় জাতের বাইরে বিলিতি  
মতে বিয়ে করে ছেলে বিয়োতে এল আমারই বাড়িতে?  
ছুপাতা পটর পটর ইংরেজী বলতেই শিখেছে, সংসার ধর্মর জ্ঞান  
একেবারেই শূন্য, আমাকেই ভুগতে হচ্ছে। আমি না থাকলে  
বাচ্চার ষষ্ঠী পুজোই হত না।

কন্না আর সজ্জন ঘরে দাঁড়িয়ে, বাবাজীর চেলা হাঁটু মুড়ে উবু  
হয়ে বসে। জেঠী বলতে লাগলেন— আমি কারুকে ভয় করি  
না। কন্নোমলের নাতি আমার অসময়ে এসেছিল, তার উপকার  
আমি কখনো ভুলব না। এর বাবা মা ঠাকুমা সকলকে আমি  
দেখেছি। শ্বশুর বেঁচে ছিলেন যখন, তখন এদের বাড়ির সঙ্গে  
আমাদের একেবারে ঘরোয়া ব্যাপার ছিল। তাইতো একে কত  
করে বলছি এসব ফন্দি ফিকির ছেড়ে আমার পছন্দমত বিয়ে থা  
কর, সব খরচপসুর আমি করব, তোকে কিছু ভাবতে হবে না।  
আমার মনের সাধ, আমার নাতি হত, তার পৈতে দিতুম, দাঁড়িয়ে  
থেকে বিয়ে থা দিতুম, আমার বাড়িতেও আশীর্বাদের তত্ত্ব

আসত... বলতে বলতে বোধ হয় একযুগ পরে আজ জেঠীর চোখ ছলছলিয়ে উঠল।

বাবা রামজী বুক চিতিয়ে সোজা হয়ে দাঁড়ালেন, বৃদ্ধর চোখে স্নেহের জ্যোতি— রামভক্তিন, তুই সীতারামজীর বিয়ের ব্যবস্থা নিজের হাতে করে ফেল। আমার রামজী আর তোর সীতাজী। খুব ধুমধাম হবে, বাজনা বাজিয়ে বরযাত্রী আসবে। মনের সব সাধ মিটিয়ে নে রামভক্তিন, সীতাজীর চেয়ে ভালো মেয়ে কোথায় পাবি?

জেঠী গম্ভীর হয়ে শুনছিলেন, তাঁর মুখের ভাবে মনে হল যেন তিনি বেশ প্রভাবিত, কিন্তু সহসা চমকে উঠে বললেন— যদি তুমি এই মেয়েকে সীতা সাজিয়ে আমার গলায় ঝোলাতে চাও তা হলে...

—আরে না না রামভক্তিন, সুন্দর মূর্তি এনে প্রাণ প্রতিষ্ঠা করে তবে আমি আমার ছেলে নিয়ে যাব। তুমি দস্তুরমত তোমার মেয়ের জন্তে আমার কাছে কথা পাকা করতে এসো।

--আমি সীতারামের বিয়ে দেব না।

—কেন ভাই রামভক্তিন?

—না মহারাজ, ধর্ম অধর্মের কথা, আমি রাধাকৃষ্ণের বিয়ে দেব।

—আরে, রাধা যে চিরকুমারী সধবা, রামভক্তনিয়ঁ।

—তা হলে আমি এবারে তাকে বিয়ে দিয়ে পুরোপুরি সধবা করে ছাড়ব, যাক ভালোই হল তুমি এসে গেলে।

—কিন্তু এ মনে কোরো না যে আমি ফালতুই এসে গেছি। আমার রামজীর বিয়েতে চাহিদাব ফিরিস্তি বেশ লম্বা, তোমাকে

একটা মেয়েদের স্কুল খুলিয়ে দিতে হবে আর পাগল আশ্রমের  
জন্তে একখানা ঘর তৈরী করিয়ে দিতে হবে।

—আচ্ছা সব দিতে রাজী আছি, বলে জেঠী বাবাজীকে পা  
ছুঁয়ে প্রণাম করে বললেন— চলি এবার, আমার আবার গোকুল-  
দ্বারে যাবার সময় হয়ে গেল— তারপর কন্টার দিকে চেয়ে—  
তুই শুনে রাখ, ছেলের ষষ্ঠী পূজোর দিন এসে যাস, পিসীর  
পাওনা তোকে দেব। তুমিও এসো সেদিন মহারাজ, ব্রাহ্মণ-  
ভোজন করাব। আজ না-জানি কত বছর পরে আমার শ্বশুরের  
ভিটেয় বাচ্চার কান্না শোনা গেছে, যারই হোক-না কেন।

বাৎসল্য প্রেমে হাবুডুবু খেতে খেতে জেঠী তর তর করে দালান  
পেরিয়ে নিজের বাড়ি চলে গেলেন। জেঠী চলে যেতেই রামজী  
সকলের দিকে ভালো করে তাকালেন। তাঁর রুগী পাগল  
একহাতে মোটা লাঠি আর অন্য হাতে কমণ্ডলু নিয়ে উবু হয়ে  
বসে থু থু ফেলছে। বাবাজী রোগীর কাছে যেতে যেতে বললেন  
—কী ব্যাপার রামভগত? পাগল অর্থহীন হাসি হেসে মাথা  
নেড়ে বললে— কী বাবাজী?

কন্টার দিকে চেয়ে বাবাজী বললেন— একটু জল দিয়ো তো  
মা— কন্টা ঘরে চারিদিকে সঁকানী চোখ ফেললে। সজ্জন একটু  
নড়েচড়ে আবার স্থানু হয়ে গেল। ঘরের এক কোণে লোহার ক্রেমে  
বসানো ঘড়া দেখতে পেয়ে কন্টা তাড়াতাড়ি জল দিতে এগলো।

—রামজী, আমি ভেবেছিলুম যে আপনি রামজী—হেঁ হেঁ হেঁ  
কিন্তু আপনি সজ্জন...

বাবাজীর উক্তি শুনে সজ্জন যেন মাটির সঙ্গে মিশিয়ে গেল।

## একত্রিশ

রাত প্রায় আটটা নাগাদ দোকান থেকে বাড়ি যাবার আগে কর্নেল কন্ঠার সঙ্গে দেখা করতে গেল। ঘরের দরজা বন্ধ, দরজার ফাঁক দিয়ে টিমটিমে আলো দেখা যাচ্ছে। কর্নেল দরজায় টোকা দিলে।

ভেতরে চেয়ার সরানোর আওয়াজের সঙ্গেই খুট করে দরজার খিল খুলল। কন্ঠার ধোঁয়াটে মানসিক পরিস্থিতি যেন তার মুখে আভা হয়ে ছড়িয়ে পড়েছে। দরজা খুলে দিয়ে কন্ঠা আবার চেয়ারের পাশে গিয়ে দাঁড়াল। কর্নেল সামনের চেয়ারে মাথা নীচু করে বসে পড়ল।

—বসো বিনো।

কন্ঠা চেয়ারে বসল।

—সজ্জনের সঙ্গে দেখাসাক্ষাৎ হয়েছে?

—হ্যাঁ।

—জেষ্টার বাড়িতে ওর জিনিসপত্তর...

—এসে গেছে।

কর্নেল কন্ঠার প্রসঙ্গ বদলাবার জন্যে জিজ্ঞেস করলে— খুব রাগ হয়েছে বুঝি? কন্ঠা কোনমতে চোখের জল সামলে চুপ করে রইল।

কর্নেল-বন্ধুর হয়ে সুপারিশ আরম্ভ করলে— রাজাসায়েব ওকে বলেছিলেন বলে ওর কথাটা ভালো লাগে নি— কিন্তু সব ক্ষেত্রে ভদ্রতা বজায় রেখে চলা সম্ভব হয় না, তুমি কিছু চিন্তা কোরো না বিনো, দুদিন পরে মাথা ঠাণ্ডা হলে নিজেই এসে বলবে কর্নেল তুমি ভালোই করেছ। আমি ওকে হাড়ে হাড়ে চিনি কিনা। কর্নেল কঁাকা হাসি হেসে কণ্ঠার মনোহুঃখ লাঘব করার ব্যর্থ চেষ্টা করল।

কিছুক্ষণ হুজনে একেবারে চুপ। কর্নেল এক নজর ঘরে বুলিয়ে নিয়ে জিজ্ঞেস করলে— আজ তুমি রান্নাবান্না চাপাও নি? কণ্ঠা চুপ করে রইল।

—তোমার শরীর যদি ভালো না থাকে, তা হলে আমি এখনি তোমার খাবার পাঠিয়ে দেবার ব্যবস্থা করছি।

—না না কর্নেলদা।

—চিন্তা কোরো না বিনো, আমি তোমাকে বলছি সব ঠিক হয়ে যাবে, একটু মান-অভিমান, কথা-কাটাকাটির পালা তো চলতেই থাকবে। হ্যাঁ একটা কথা জিজ্ঞেস করব?

—বলুন।

—তোমাদের নিজেদের মধ্যে কোন ফৈসলা হয়ে গেছে?

\*

\*

\*

—দেখো বিনো, পৃথিবী বড়ই কঠিন জায়গা, আমি তোমাকে আজ স্পষ্ট বলতে চাই মেয়েদের ব্যাপার বড়ই ডেলিকেট। তুমি যতই স্বাধীন হও-না কেন, তবু তুমি সজ্জনকে বিয়ে করতে চাও? আমায় আজ মনের কথা খোলাখুলিভাবে জানিয়ে দাও।

কণ্ঠা মাথা নীচু করে ডান পায়ের বুড়ো আঙুল দিয়ে মেঝেতে দাগ কাটছে।



কর্নেল— তোমাদের মধ্যে এ বিষয় কোন কথা হয়েছে ?

—হ্যাঁ ।

—বিয়ের কথা হয়েছে ?

—হুঁ ।

—কবে ? এই হালেই ?

কন্যা ঘাড় নেড়ে স্বীকার করলে ।

—তোমাকে সে কী বললে ? আমার কাছে কিছু গোপন করার চেষ্টা কোরো না । কবে বিয়ে করবে কিছু বলেছে ?

—মথুরাতে ঠিক হয়েছিল যে এখানে এসেই আয়োজন করা হবে ।

—তাহলে আয়োজন শুরু করে দেব ? বিন্নো, আমি এ বিষয়ে আর বেশী দেরী করা ঠিক মনে করছি না । একবার সজ্জনকে সাত পাকের শেকলে বেঁধে ফেলতে পারলে, আপনা হতেই সব ঠিক হয়ে যাবে ।

—আমি কারুর ঘাড়ে বোঝা হয়ে চাপতে চাই না ।

—এতে বোঝার কথাই উঠছে না । সজ্জন একেবারে সাধু না হলেও মানুষ হিসেবে খারাপ নয় ।

কর্নেল চলে যাবার পর কন্যা দরজা বন্ধ করে নিজীবের মত বিছানায় শুয়ে পড়ল । সে যেন আজ পরাজিত, সব-কিছুতে সে বাজী হেরে গেছে, এ এক বিচিত্র অনুভূতি । পরের দিন সকালে কর্নেল সজ্জনের বাড়ি গেল । ঘরে চিত্রাকে দেখেই তার টনক নড়ল তবু মুখে কিছু না বলে সে বৈঠকখানায় গিয়ে বসল । সজ্জন আর কর্নেল মুখোমুখি চুপ করে বসে, সামনে গরম চায়ের পেয়ালায় ধোঁয়া উঠছে ।

—শোনো ভাই, আহাম্মকী করার একটা বয়স থাকে, আমি তোমার এই আর্টিস্টপনা আর বরদাস্ত করতে পারছি না।

সজ্জন বকুনি খেয়ে উত্তেজিত হয়ে উঠল— আমি আর ছেলে-মানুষটি নেই যে...

—তুমি ছেলেমানুষেরও অধম, তুমি একটা আস্ত জানোয়ার, বুঝলে? শালা আর্টিস্ট হয়েছেন, বুদ্ধিজীবী হবার ভান করেন।

—কর্নেল, আমি এসময় খুব সিরিয়াস মুডে আছি।

—আমিও সেই মুডেই আছি। তুমি একদিকে আদর্শবাদী সঙ্গে খবরের কাগজে মহান হয়ে উঠেছ আর অন্যদিকে নিজেকে সংযত করার স্পৃহা তোমার মধ্যে একটুও নেই।

সজ্জন ক্র কুঁচকে চুপ করে রইল। শুকর একটা প্লেটে সোনালুয়া নিয়ে টেবিলে রাখতে এল দেখে কর্নেল চৈঁচিয়ে উঠল— উঠিয়ে নিয়ে যাও, কিছু চাই না। শুকর তাড়াতাড়ি প্লেট উঠিয়ে রান্নাঘরে চলে গেল।

—একটি লেখাপড়াজানা ভালো মেয়ের সঙ্গে প্রেমের নাটকের অভিনয়, তাকে বধূরূপে গ্রহণ করার কথা দিয়েছ। নারীমুক্তি আন্দোলনের বিষয়ে আমাকে লম্বা লম্বা উপদেশ শোনাতে আসো আর নিজে এক বারবণিতাকে... বাড়িতে রেখেছ?

এক মুহূর্তের জ্ঞা দুজনের চোখাচোখি হল। কর্নেল বললে— এখনি যদি বিয়ে এসে চিত্রকে এখানে দেখত তাহলে কী হত বলো তো? বেচারীর মন ভেঙে যেত।

—আমি লোকের চোখের আড়ালে কোন কাজ করতে চাই না।

—খুব সাধু ব্যক্তি তুমি না? পবিত্র-অপবিত্রের, ভালো-মন্দের মধ্যে তফাতটা জানা আছে? তা জানবে কেমন করে? সকলের

চোখে ধুলো দিয়ে বাইরে মহত্বের নাটক করতে আর ঘরের ভেতরে...

—কর্নেল, আমি চিত্রাকে বিয়ে করব। কর্নেলের মাথায় যেন সহসা বজ্রাঘাত হল। এক সেকেণ্ড সজ্জনের মুখের ভাব লক্ষ্য করে বলল— তুমি বিন্নোকে কথা দিয়েছ।

—আমি আমার মতামত পালটে ফেলেছি।

—কেন ?

—এ প্রশ্নের কোন মানেই হয় না।

—মানে নেই কেন ? তুমি একটি মেয়েকে কথা দিয়ে...

—শুধু কথাই দিয়েছিলুম, ওর সঙ্গে কোন অভদ্র ব্যবহার করি নি।

—অভদ্র-ব্য-বহার— যেন তুমি আত্মসংযমের জ্যান্ত পুতুল, না ? হারামজাদী রাস্তার বেণী মাগী, সমাজের ব্যভিচার যার সর্বান্তে সে তোমার কাম্য হতে পারে! লেখাপড়াজানা ভদ্র মেয়ে তোমার কথায় উঠতে বসতে যাবে কেন ? ভালো করে শুনে নাও সজ্জন, বিন্নোর সঙ্গে তোমার সম্বন্ধ 'ছিন্ন হওয়ার সঙ্গেই আমাদের সম্পর্ক চিরদিনের জন্য শেষ হয়ে যাবে। তুমি তোমার কথার খেলাপ করতে পারো কিন্তু আমি একজন ভদ্রলোক, যাকে একবার বোন বলেছি তাকে কোনদিন আঘাত দিতে পারব না। এরপর আমি কোনদিন তোমার মুখ দর্শন করব না— বলে কর্নেল চেয়ার ছেড়ে উঠে দাঁড়াল— শুকরু... একটু বেল টিপে ডাকো তো! ঘন্টির আওয়াজের সঙ্গেই শুকরু ছুটে এল।

—শুকরু, টেলিফোন এদিকে নিয়ে আয়, সোন হালুয়ার প্লেট

এখানে রাখ আর চারটে টোস্ট বেশ করে স্নেকে আন। হুকুম দিয়ে কর্নেল বসে পড়ল।

—আমি আজকে এই মাগীকে বের করে তবে যাব।

—এটা আমার সম্পূর্ণ ব্যক্তিগত ব্যাপার।

—সজ্জন, এটা আমারও ব্যক্তিগত ব্যাপার।

—তুমি আমায় ভাবতে কিছু সময় দাও।

—আমার কাছে আর টাইম নেই।

—সেদিন তুমি রাজাসায়েব, জানকীসরণ আর শালিগরামের সামনে...

—বিনোকে জ্বরদস্তি রাজী করাবার ভার আমি নিই নি। সে সময় রাজাসায়েবের মান বজায় রাখার প্রশ্ন ছিল।

—রাজাসায়েবের কথা রাখার প্রশ্ন এখন আর নেই নাকি। কন্ঠার চেয়ে রাজাসায়েবের পোজিশন আমার কাছে অনেক বড়... ঢের উঁচু। নাও কথা বলতে বলতে চা ঠাণ্ডা হয়ে গেল, আবার গরম চা তৈরী করতে বলছি। সজ্জন টেবিলের তলায় লাগানো কল বেলের সুইচ আবার টিপলে।

—রাজাসায়েব কি জানেন সে মেয়ে কেমন? তবে কেন তিনি অন্তায় পক্ষকে সমর্থন করছেন? শালিগরাম রাজাসায়েবের আড়ালে আমার সঙ্গে চালবাজি খেলবে, এ আমি বরদাস্ত করতে পারব না। বিনোর সঙ্গে তোমার বিয়ে হবে আর তাড়াতাড়ি হবে, বুঝেছ?

চাকর এসে কেতলী নিয়ে গেল। আর এক চাকর রেকাবিতে সোন হালুয়া রেখে গেল।

—বিয়ে সারাজীবনের...

—তা হলে বেশ ভেবেচিন্তে আগে পা বাড়ানো উচিত ছিল। আমিও ঢের ঢের লোক দেখেছি। এই দশ বছরের মধ্যে তোমার সঙ্গে যে কটা রঙিন প্রজাপতিদের দেখার সুযোগ হয়েছে তাদের মধ্যে একজনকেও ‘বোন’ বলে সম্বোধন করার প্রবৃত্তি আমার হয় নি। এই মেয়েটিকে প্রথমবার দেখেই আমি খাঁটি সোনা চিনতে পেরেছিলুম।

টোর্স্ট আর চায়ের কেতলী এল। সজ্জন একটা টোর্স্ট উঠিয়ে সুকরুকে চা তৈরী করতে বললে। সে কর্নেলের বাক্যবাণের প্রহার থেকে নিজেকে বাঁচাবার জন্য আড়াল খুঁজছিল, সে যেন আজ তার সামনে অপরাধী। মথুরায় চারদিন কন্যার সান্নিধ্য জাগিয়ে গেছে তার মনের সুপ্ত বাসনাকে, তাই চিত্রাকে পেয়ে সে যেন কন্যার প্রতি প্রতিশোধ নিতে চায়। কন্যা তার ইচ্ছার বশে নয়, এই তো তার একমাত্র অভিযোগ।

চায়ের পেয়ালা ছুজনের সামনে রেখে সুকরু হাত জোর করে একদিকে দাঁড়িয়ে আছে। কর্নেল তাকে ঘর থেকে যাবার আদেশ দিলে।

—তুমি ওর মধ্যে এমন কী দোষ দেখলে যে হঠাৎ মত পালটে ফেললে?

—বড় জেদী।

—আর তুমি বেশ রসিক, এই না? নিজের দোষ কখনো বিচার করে দেখেছ?

সজ্জনের মুখে আর উত্তর জোগাল না। চাকর এসে চায়ের বাসন উঠিয়ে নিয়ে গেল। সাড়ে সাতটা বাজছে দেখে কর্নেল বললে—  
এবার চলা যাক, কাপড়চোপড় বদলাবে, না এই পরেই চলবে?

—এই ঠিক আছে। সজ্জন উঠে দাঁড়াল।

—দেখো, এরা আমাদের ছুঁনাম রটবার জন্তে কোন-না-কোন ফন্দি ফিকির আঁটতেই থাকবে। তুমি এদের ফাঁদে মোটে পা দিয়ে না বুঝলে? আজ বিন্নোকেও আমি সব বুঝিয়ে সুঝিয়ে দেব। তুমি একজন মরদ কা বাচ্চা, বুক চিতিয়ে পরিস্থিতির মোকাবিলা করো, বিন্নোর ওপর যেন কোন আঁচ না আসে।

—কর্নেল, আমাকে সময় দাও।

—কিসের জন্তে সময় চাইছ? একবার যখন এ পথে পা বাড়িয়েছ— আর ফিরে তাকানোর কোন মানে হয় না! তোমার খোশামুদি করছি ভেব না, সত্যিই তোমার স্বভাবের জন্ত মহিপালের চেয়ে তোমাকে আমি বেশী শ্রদ্ধা করি।

সজ্জন মাথা হেঁট করে চুপচাপ শুনছে। কর্নেল বেলের সুইচ টিপে চাকরকে ডেকে বললে— সুকরু, মেম সায়েব উঠলে তাকে চা খাইয়ে বলে দিস যে সায়েবের সঙ্গে আজ আর দেখা হবে না। আজ সায়েব আমার বাড়িতেই খাওয়া-দাওয়া করবে। আরে হ্যাঁ, যা বলছিলুম, বাড়ির সব জিনিসের ওপর নজর রেখো, মেয়েমানুষটি যেন কিছু নিয়ে না পালায়।

—জোসেফকে গাড়ি বার করতে বলো। সজ্জন আজ বড় ক্লান্ত, বড় আনমনা। কর্নেলের পিছু পিছু মাথা হেঁট করে সে এমনভাবে যাচ্ছে যেন আজ এক প্রবল বিদ্রোহী নিরস্ত্র হয়ে পুলিশের হাতকড়িতে বন্দী হয়ে চলেছে।

## বত্রিশ

সজ্জনের মন-মেজাজ আজ ভালো নেই। শালিগরাম তাঁর প্রচেষ্টায় সফল হয়েছেন। শহরের দৈনিক খবরের কাগজে বড় বড় হরফে খবর বেরিয়েছে এই প্রদর্শনীর আয়োজন ওয়ার্ড কমিটির দিক থেকে করা হয়েছে। শহরের স্বনামধন্য ব্যক্তি লাল। জানকীসরণের বাড়িতে প্রদর্শনীর আয়োজন করা হয়েছে। রাজধানীর খ্যাতনামা শিল্পীদের সহযোগিতার দ্বারা আয়োজনকে সাফল্যমণ্ডিত করে তোলার চেষ্টা করা হচ্ছে। প্রদর্শনীর উদ্ঘাটন স্বয়ং 'হার এম্বেলেন্সী' করবেন। মধ্যবিত্ত জনজীবনকে উন্নত করাই এই প্রদর্শনীর একমাত্র উদ্দেশ্য। এ পাড়ায় এ ধরনের আয়োজন এই প্রথম, সুপ্রসিদ্ধ নেতা শ্রীশালিগরাম জায়সওয়াল অভূতপূর্ব জনকল্যাণ-চিন্তা ও কর্মদক্ষতার পরিচয় দিয়েছেন। খবরের কাগজ পড়া শেষ করে সজ্জনের রাগে গা জ্বলে গেল। সকাল সকাল কর্নেল তাকে নিস্তেজ করে হতোংসাহিত করে গেছে, তার ওপর এই খবরে যেন মড়ার ওপর খাঁড়ার ঘা পড়ল।

সজ্জন বেলা বারোটা পর্যন্ত সমস্ত ছবি সংগ্রহ করে লাল। জানকীসরণের বাড়িতে নিয়ে গেল। কর্নেল আর কণা সেখানে উপস্থিত ছিল না। তাকে দেখেই লাল। জানকীসরণ এগিয়ে

এসে কোলাকুলি করে বললেন— ভাই, আমি অনেকক্ষণ থেকে তোমার পথ চেয়ে বসে আছি।

সজ্জন উত্তর দিলে না। মজুরদের মাথায় ছবির বোঝা দেখে লালাজী তাড়াতাড়ি চাকরদের বোঝা নামাবার হুকুম দিলেন। চাকর গোঁয়ার গোবিন্দের মত ছবির বোঝাকে আক্রমণ করছে দেখে তাড়াতাড়ি সজ্জন এগিয়ে বোঝা নিজেই নামিয়ে রাখবার ব্যবস্থা করলে। ছবি যথাস্থানে রেখে মজুরদের বিদেয় করিয়ে লালাজী তাঁর নকল দাঁতের পাটি বার করে হাসতে হাসতে বললেন— বড় পরিশ্রম গেছে তোমার সকাল থেকে, এই ব্যাটা শালিগরাম এমন ছোটলোক তোমায় আর কি বলি?

লালা জানকীসরণ মুখ অন্ধকার করে বসে পড়লেন। শালিগরামের বিরুদ্ধে জানকীসরণের মন্তব্য শুনে সজ্জন যেন আকাশ থেকে পড়ল, বিচিত্র সংসারের গতি।

—আমি রাজাসায়েবকেও ফোন করে এ বিষয়ে পরামর্শ নিয়েছি। ছনিয়াদারির ব্যাপার তুমি ভালোই বোঝো, তোমায় আর কি বোঝাব? আজ যদি কনোমল বেঁচে থাকতেন তা হলে রাজাসায়েবের মত তিনিও— আসলে কথাটা হচ্ছে সকালে রাজাসায়েব টেলিফোনে শালিগরামকে বেশ ধমকে দিয়েছেন। আমাকে বললেন সে বড় আহাম্মকীর কাজ করে ফেলেছে। আমি অনেক করে তাঁকে বোঝালুম এ সময় মাথা গরম করা উচিত হবে না— ‘হার এক্সেলেন্সী’ আসছেন, আয়োজন ভালোভাবে মিটে যাক, তারপর দেখা যাবে।

সজ্জন রাগে ফেটে পড়ল— আমি যদি এখনি সব ছবি উঠিয়ে নিয়ে চলে যাই তাহলে শালিগরামবাবু হাড়ে হাড়ে বুঝবেন যে



কত ধানে কত চাল। আমি যদি সকলের কাছে ঘুরে ঘুরে ব্যবস্থা না করতুম তাহলে একে কে...

—হ্যাঁ হ্যাঁ, এ কথা একেবারে ষোলো-আনা সত্যি এ-বিষয়ে কোন সন্দেহ নেই।

—সে কথা থাক, পাবলিসিটি পাওয়ার ইচ্ছে আমার মোটেই নেই। ভগবানের আশীর্বাদে আমার খ্যাতি যথেষ্ট আছে। শালিগ্রামকে কেবল এই শহরের লোকেরাই চেনে, সজ্জন বর্মার খ্যাতি দেশ-বিদেশের কাগজে লোকেরা পড়ে।

—আরে বাবাজী, আমি সব বুঝি, তুমি আমার ছেলের মত, তোমার প্রশংসা শুনে আমার বুক ফুলে দশ হাত হয়ে যায়। ভগবানের বিচার, তোমার বাড়িতে আপনার বলতে কেউ রইল না (লালাজী ধূতির কোঁচার কোণ দিয়ে চোখ মুছে ফৌস করে দীর্ঘশ্বাস ফেললেন) বেঁচে থাকো, ভগবান করুন তোমার খ্যাতি দিন দিন ছড়িয়ে পড়ুক। তোমার জন্তেই আজ আমার বাড়িতে হার এক্সেলেন্সী আর বড় বড় নামকরা লোকদের পায়ের ধুলো পড়বে। যতদিন এ ধড়ে প্রাণ ধুকধুক করছে, তোমার যশোগান গাইতে থাকব, হরি ইচ্ছা—প্রভো।

সহসা শব্দবাস্ত হয়ে দাঁড়িয়ে উঠে লালাজী জিজ্ঞেস করলেন—  
খাওয়াদাওয়া হয়নি নিশ্চয়? আমার বাড়িতে চলো, খাবার একেবারে রেডি আছে।

—আজ্ঞে না, আজ কর্নেলের বাড়ি আমার নেমস্তন্ন, এখনো এল না?

—না, এসে চলে গেছে। কর্নেল আমার ওপর খাপ্পা হয়ে আছে। কর্নেলের সঙ্গে সেই মেয়েটি এসেছিল যার জন্তে

রাজাসায়েবের সঙ্গে তোমার একটু মন-কষাকষি হয়েছিল। একটা কথা বলব কিছু মনে কোরো না যেন, নগীনচন্দ্র তোমার বন্ধু আর আমার পরিচিত কিন্তু ওর ব্যবহার মোটেই ভদ্র নয়। আরে ওর বাবা মোতীচন্দ্রবাবুর সঙ্গে আমার ভালো পরিচয় ছিল। আমি গঙ্গাজল হাতে নিয়ে এ কথা বলতে প্রস্তুত যে তোমার স্বভাব যেমন নম্র, ধীর, শুশীল তোমার বন্ধুদের ঠিক তার উল্টো। কারুকে চিনতে বাকী নেই, তোমার বন্ধু মহিপালকে তখন থেকে চিনি যখন সে আমার জামাইবাবু রূপরতনের সঙ্গে খবরের কাগজ বের করত। বনেদি বংশের কথাই আলাদা, কর্নেলের বাবাই ছ-পয়সা রোজগার করেছিল তাই বলে কি আর বড় বংশের ভদ্রতা শিখতে পেরেছে। লক্ষ্মীর কৃপা হলেই কেউ—রাজাসায়েব আর তোমার কথা আলাদা, বংশ-পরম্পরায় লক্ষ্মীর মহিমা চলে আসছে। যাক সে-সব কথা, চলো, খেয়ে নাও।

—আজ্ঞে না, আমি একবার কর্নেলের সঙ্গে দেখা করতে চাই, কোথায় গেল, আপনাকে কিছু বলে গেছে?

লালাজী গম্ভীর হয়ে এক মিনিট মুখ বিকৃতি করে থাকার পর কুঁতিয়ে কাঁতিয়ে উত্তর দিলেন—নগীনচন্দ্র আমাকে জানিয়ে দিয়ে গেছে যে প্রদর্শনী আমার বাড়িতে হবে না। সে... সে... জেঠীর বাড়িতে ব্যবস্থা করছে।

সজ্জন স্তম্ভিত হয়ে গেল। কর্নেলের নতুন ব্যবস্থা শুনে সে আনন্দিত হল কিন্তু পরমুহূর্তেই উত্তেজিত হয়ে উঠে দাঁড়িয়ে বললে—আমি এখুনি আসছি।

—আরে শুনে যাও...

—আজ্ঞে, আমি এলুম বলে— সজ্জন ভাড়াভাড়ি জেঠীর বাড়ির দিকে রওনা হল।

কন্যা, কর্নেলের তিনজন চাকর, বাবা রামজী আর তাঁর চারজন ষণ্ডামার্কী শুষ্ট পাগল উঠানে বসে ছোট ছোট রঙবেরঙের কাগজের ঝালর তৈরী করে বোলাতে ব্যস্ত। জেঠী নন্দর পাশে দাঁড়িয়ে দেখছেন। সকলের চেহারায় বেশ হাসিখুসী ভাব।

—এসো রামজী, দেখো এখানে কেমন আনন্দের হাট বসেছে। সজ্জনকে দেখেই কন্যার মুখের হাসি সহসা মিলিয়ে গেল।

—আরে ও কল্লোমলের নাতি, অমন হাঁড়ির মত মুখ ফুলিয়ে আছিস কেন? জানকীসরণ মুখপোড়াকে নির্বংশ করে ছাড়ব।

—আরে তোমার কথা তোমার কাছেই রেখে দাও জেঠী, তোমার দ্বারা কারুর কোন অমঙ্গল হয়েছে আজ পর্যন্ত শুনিনি, নন্দ বললে।

—রাঁড়! তুই এ-সবের কী বুঝিস? তোকে দিয়ে যা কাজ করালুম সব উন্টোই হয়ে গেল, পাপের পুঁটলী একটা। হাত লাগাতেই সব ছাই।

—আরে জেঠী তুমি— নন্দ জেঠীর মুখের গালাগালি শুনে অপ্রতিভ হয়ে চুপ মেরে গেল। নন্দকে যুদ্ধক্ষেত্রে নামতে দেখে জেঠী হাত-পা নেড়ে পঞ্চম স্বরে চৈঁচিয়ে বললেন— আমাকে মুখনাড়া দিতে আসিস কোন্ সাহসে? আমার সারাটা জীবন এক আঁচে পুড়ে শেষ হয়ে গেল, আমাকে আঙুল দেখাতে পারে এমন লোক এ পৃথিবীতে জন্মায়নি। তুই কালোমুখি নিজের নষ্টা, পৃথিবীমুদ্রকে নষ্ট করে...

—রামভক্তনিয়া, শুভ কাজের সময় তীর চালানো কিছুক্ষণ বন্ধ

রাখলে ভালো হয় না? (সজ্জনের দিকে চেয়ে) তুমি যে কাজে হাত দিয়েছিলে তার কী হল?

—আজ্ঞে হ্যাঁ, ছবি সংগ্রহ করে এনেছি।

—শুনলাম এরা তোমায় নাকি ধোঁকা দিয়েছে? তুমি কিছু চিন্তা কোরো না রামজী, জগৎটাই এইরকম—জ্যেষ্ঠী আর নন্দর বাকবিতণ্ডা আবার আরম্ভ হল। নন্দর বিড়বিড় শুনে জ্যেষ্ঠীর বুড়ো শরীরে যেন গরম তেলের ছিটে পড়ল—এই হারামজাদী, এত লাফালাফি কিসের? এখুনি হাটে হাঁড়ি ভাঙব নাকি? আমার সঙ্গে লাগতে এলে দু'চারদিনে এমন গতি করে দেব যে গলির কাদা মেখে মেখে ঘুরবি, এই বাবাজীও তোকে ঠিক করতে পারবেন না।

—ধেঁৎ তেরেকী রামভক্তনিয়াঁ, বাবাজী চোখ বার করে নন্দকে দেখলেন—জগৎজ্যেষ্ঠীর সঙ্গে লাগতে এসেছ?

সজ্জন এ সময়ে ঠাট্টা-তামাশা করার মুডে নেই। সে জানতে চায় কর্নেল কোথায়? কাকে জিজ্ঞেস করবে? কন্যাকে জিজ্ঞেস করলে কেমন হয়? বাবাজীর সামনে কন্যার প্রতি অনুরাগ দেখালে কেমন হয়? কিন্তু অনুরাগ দেখাবার উপায়? আজ তার বাকপটুতার পরীক্ষার দিন না কি? নিজের সমস্ত মনোবল সঞ্চয় করে সে প্রশ্ন করলে—

—কন্যা, কর্নেল কোথায়?

—খাবার ব্যবস্থা করতে গেছেন।

—এঁদের, আমার, সকলকার?

—তুই এখনো অভুক্ত রয়েছিস কল্লোমলের নাতি? আমাকে কেন বলিস নি তুই, চারখানা লুচি ভেজে দিতে কতক্ষণ লাগে?

—না না জেঠী, এখুনি খাবার এলো বলে, আপনি কেন কষ্ট করবেন।

ইতিমধ্যে কর্নেলকে আসতে দেখা গেল। সজ্জন আর কর্নেল দুজনে নিজেদের কথার ঝাঁপি খুলে বসলে।

—আমি রাজাসায়েবকে পরিষ্কার ভাবে বলে এলুম যে প্রদর্শনী লালাজীর বাড়িতে হতেই পারে না তা সে লাটই বলুক আর বেলাটই বলুক। ওরা যদি ফন্দি ফিকির আঁটতে পারে আমরাও তার মুখের মত উত্তর দিতে জানি। আমি কিছু ভুল বলেছি কি? কর্নেল সজ্জনকে জিজ্ঞেস করলে।

—ঠিক বলেছি।

—তুমি এই মুহূর্তে যাও আর গিয়ে সব ছবি উঠিয়ে এখানে নিয়ে এসো। এ জায়গা ওখান থেকে ঢের ভালো— ফাস্টক্লাস।

ছবি উঠিয়ে নিয়ে যাবার কথা শুনে লালাজী জানকীসরণ সজ্জনকে বুড়ো আঙুল দেখিয়ে দিলেন। তিনি ভালোভাবে এ কথা জানিয়ে দিলেন যে হার এক্সেলেঙ্গী দ্বার-উদ্ঘাটন করার পরই ফেরত দেবার প্রশ্ন ভেবে দেখা যেতে পারে। দুই বনেদি বংশের বংশধরদের মধ্যে বেশ খানিকটা কথা-কাটাকাটি হয়ে মন-কষাকষি হয়ে গেল। উফ্ মানুষ এত তাড়াতাড়ি ভোল পালটাতে পারে।

কর্নেল সান্ত্বনা দিয়ে বললে— এখন না-হয় যেতে দাও, বিকেল সাড়ে চারটে বাজতে আর বেশী দেরী নেই। উদ্ঘাটনের সময় হার এক্সেলেঙ্গীর সামনেই জানকীসরণ আর শালিগরাম— দুজনেরই স্বরূপ খুলে দেব, দুজনেরই অতি বুদ্ধির গলায় দড়ি করে ছাড়ব। তুমি চুপচাপ শাস্ত শিষ্ট সুবোধ বালকটি হয়ে বসে থাকো। এদের জগ্রে আমি একাই একশো।

কর্নেল জেঠীর বাড়ির সামনে কাগজের ঝালর দিয়ে সাজালে।  
ওদিকে লাল। জানকীসরণ গাঁদা ফুলের ডেকোরেশন করতে ব্যস্ত।  
চৌমাথায় কলের কাছে একটা প্রবেশদ্বার, বাড়ির সামনে একটা,  
রঙিন বাল্‌বের মালা লালাজীর বাড়ি থেকে নিয়ে চৌমাথা পর্যন্ত  
ঝালর দিয়ে সাজানো।

সজ্জন ক্রোধের আগুনে জ্বলে পুড়ে যাচ্ছে। কর্নেল আরাম-  
চেয়ারে চোখ বুজে বসে আছে। বাবা রামজী তাঁর চেলাদের  
নিয়ে চলে গেছেন। কর্নেলের চাকরেরা উঠোনে বসে আছে।  
কন্যা জেঠীর সঙ্গে তারা বর্মার বাড়ি চলে গেছে।

সাড়ে তিনটে পৌনে চারটের সময় লাল। জানকীসরণের চাকর  
এসে বলল— রাজাসায়েব এসেছেন, আপনাদের ডাকছেন।

—না, ওখানে গিয়ে দরকার নেই। চোখ বন্ধ অবস্থায় কর্নেল  
উত্তর দিল। চাকর হতভম্ব হয়ে এক সেকেন্ড ছুজনের দিকে  
চেয়ে আশ্চর্য আশ্চর্য বললে— তাহলে ছজুর।

—হ্যাঁ হ্যাঁ যাও, বলে দিলাম না তোমায়? আবার কিসের  
গাঁই গুঁই?

চাকর চলে যাচ্ছে দেখে সজ্জন কর্নেলকে বললে— একটু হয়ে  
আসি, রাজাসায়েব...

—রাজাটাজা যে যার বাড়িতে, তাই বলে আমাদের মাথা কিনে  
রেখেছে নাকি? আমার মতে তোমার ওখানে যাওয়া উচিত নয়।  
ব্যবহারের ভদ্রতাই মানুষের আসল পরিচয়।

—আমি একবার ঘুরে আসি। সজ্জন চেয়ার ছেড়ে উঠে  
দাঁড়াল।

—আমি বলছি তুমি যেতে পাবে না। সজ্জন বসে পড়ল।

পাঁচ মিনিট পরে রাজাসায়েবের মেজা ছেলে এসে হাজির—  
বাবা আপনাদের ডাকছেন।

সজ্জনের সামনে ধর্মসংকট, সে আড় চোখে কর্নেলের মুখের  
ভাব লক্ষ্য করছে। সামনেই ত্রিভুবনদাশ দাঁড়িয়ে, মহা ফ্যাসাদ,  
কর্নেল আকার-ইঙ্গিতের ভাষা ব্যবহার করতে না পেরে সোজাশুজি  
বললে— দেখুন ত্রিভুবনবাবু, এক পক্ষকে সমর্থন করা অন্তায়।  
শালিগরাম শালাকে পরোয়া করি না, কিন্তু আমাদের সকলের  
আপসদারীর মধ্যে লাল জ্ঞানকীসরণ...

—আরে কর্নেল, এ সময় তাঁর মানসম্মত বাঁচানো দায় হয়ে  
উঠেছে।

—আমাদেরও মান অপমান আছে।

—সজ্জন তুমি যাও, ত্রিভুবনদাশ সজ্জনের হাত ধরে ওঠালেন,  
কর্নেল নিজের জেদ বজায় রাখার জন্য গোলমাল না বাধিয়ে চুপ  
করে রইল। সজ্জন চলে গেল।

হার এক্সেসেলেন্সীর গাড়ি রাস্তায় দাঁড়াবার সঙ্গে সঙ্গে রাজা-  
সায়েবের নেতৃত্বে দশ-বারো জন গণ্যমান্য ব্যক্তির দল দাঁত বার  
করে এগুলেন। গলি থেকে জ্ঞানকীসরণের বাড়ি পর্যন্ত, লাল  
কার্পেট বিছানো, প্রত্যেক বাড়িতে ঝুড়িভরা ফুল আগেই রাখা  
হয়েছে। হার এক্সেসেলেন্সীর ওপর পুষ্পবৃষ্টির ব্যবস্থা করা  
হয়েছে। চোমাথার ফাটক থেকে এমুড়ো ওমুড়ো স্নতো দিয়ে  
বেঁধে ফুলের সাজি ঝুলছে। গলির মুখে প্রবেশ করতেই ছ’  
মুড়োর স্নতোয় টান পড়ল, সাজি থেকে মস্ত বড় বড় গাঁদা  
ফুলের মালা ঝগ করে হার এক্সেসেলেন্সীর গলায় পড়ল।  
জ্ঞানকীসরণের বাড়ির সামনে লোকে লোকারণ্য, ডাক্তার, উকিল,

ধনী গণ্যমান্য ব্যক্তি, সরকারী অফিসার, পাড়ার পরিচিত-অপরিচিতর ভিড়। শহরের খ্যাতনামা শিল্পীরা আয়োজনের শোভা হয়ে জ্বল জ্বল করছেন, তাদের পদার্পণে আজ এ পাড়ার বরাত খুলে গেছে। চারদিকে পুলিশের বেশ ভালো ব্যবস্থা। বাবু শালিগরাম আর জানকীসরণ দু'জনেই আশঙ্কিত যে কর্নেল আর কন্যা আয়োজনের মাঝে বিঘ্ন ঘটাবার চেষ্টা না করে। হার এক্সেন্সেসী দ্বার উদ্ঘাটন করলেন। রাজাসায়েব প্রধান অতিথির প্রশংসার মাল গাঁথে ফেললেন। পাড়ার সুপ্রতিষ্ঠিত ব্যক্তিদের গুণগান করতে তিনি ভুললেন না। শালিগরামের নেতৃত্বের প্রশংসা করতে করতে সজ্জনের প্রশংসায় দু'চারটে বাক্য বলে দিলেন।

লাল। শালিগরামের পায়ে ব্যাণ্ডেজের জন্য উঠে দাঁড়াতে পারছেন না। তিনি ত্রিভঙ্গমুরারি হয়ে কোনমতে বক্তৃতা করলেন। দেশের শিল্পীদের সহযোগিতার জন্য ধন্যবাদ দেবার সময় তিনি সজ্জনের নামও উচ্চারণ করলেন না। হার এক্সেন্সেসী তাঁর বক্তৃতায় দেশের বয়োবৃদ্ধ শিল্পীদের গুণগান করে আর্টের মহিমার বিশদ বর্ণনা দিলেন। বক্তৃতার সময় তিনি তাঁর পাশে বসে দেশবিদেশে খ্যাতিপ্রাপ্ত লক্ষ্মীর বৃদ্ধ শিল্পীর উল্লেখ করতে ভুললেন না। হার এক্সেন্সেসী আয়োজনের জন্য রাজাসায়েবকে ধন্যবাদ জানিয়ে দরজায় বাঁধা ফুলের ঝালর কাঁচি দিয়ে কেটে দিলেন। তালির শব্দের সঙ্গেই ভিড় ভেতরে ঢুকল। ঘরে ঢুকেই সজ্জন স্তম্ভিত হয়ে গেল। শহরের অনেক প্রসিদ্ধ ব্যক্তিদের সামনে মাথা তোলার কথা ভাবতেই তার নিজের মাথা বেঁ। বেঁ। করে ঘুরতে লাগল। পঞ্চাশ খানা ছবি পাখার সঙ্গে বেঁধে টাঙিয়ে দেওয়া হয়েছে। একদিকে টেবিলে লাইন করে



মূর্তি রাখা। ঘরে একটাই জিনিস সকলের দৃষ্টি আকর্ষণ করছিল—আলোর বাল্ব দিয়ে তৈরী ভারতমাতা, তাঁর হাতে রাষ্ট্রীয় পতাকা সুদর্শন চক্রের মত বন বন করে ঘুরছে। চিত্রকলার ছন্দশা দেখে সজ্জনের চোখ জ্বালা করতে লাগল। তাড়াতাড়ি সে মুখ লুকিয়ে ভিড় ঠেলে বেরিয়ে এল। তার চলে যাওয়ার দিকে নজর দেবার সময় এখন কার আছে? সকলেই হাঁ করে হার এক্সেসেলেন্সীকে দেখতেই ব্যস্ত, কর্নেল আর কন্যা ঘরের এক কোণে দাঁড়িয়ে আছে। হার এক্সেসেলেন্সী এক নজর বুলিয়ে চারিদিকে দেখে নিলেন। রাজাসায়েব, বড় বড় অফিসারেরা সকলেই হার এক্সেসেলেন্সীর পদানুসরণ করলেন। প্রখ্যাত শিল্পীরা তাঁদের আর্টের অপমান সহ্য করতে না পারায় ধীরে ধীরে সেখান থেকে পিটুটান দিতে আরম্ভ করেছেন।

সজ্জনের বন্ধু দু-চারজন আর্টিস্ট এক জায়গায় দাঁড়িয়ে এই নিয়ে আলোচনা আরম্ভ করলে। এ বিষয় তারা একমত যে আজ ভারতমাতা এবং পতাকার ব্যবহার শিখণ্ডী করা হয়েছে। তাদের মধ্যে একজন টিপ্সুনি কাটলে সজ্জন নাকি বড়লোকদের সঙ্গে একজোট হয়ে তাদের এজেন্ট হিসেবে এদের গলায় ছুরি চালাতে দ্বিধা বোধ করেনি।

কন্যা কাছেই দাঁড়িয়েছিল, সজ্জনের বিষয় রিমার্ক শুনে তার মন-মেজাজ যেন আরো মিইয়ে গেল। কর্নেলকে ধারে কাছে কোথাও দেখা যাচ্ছে না। পাড়ার লোকেরা পাখার সামনে দাঁড়িয়ে ছবির অজানা ভাষাকে বোঝার প্রয়াস করছে। নির্বাক চিত্রকলার ভাষা এদের কাছে অর্থহীন। এক যুবক আর্টিস্ট পায়চারি করতে করতে তার মনের তীব্র অসন্তোষের ধোঁয়ার

আভাস দেবার জন্যে লম্বা লম্বা বুলি আওড়ানো শুরু করে দিলে। অন্যজন মস্তব্য প্রকাশ করলেন— তুমি কেন বাজে বক বক করে নিজের এনার্জি নষ্ট করছ? তুমি যদি প্রতিষ্ঠিত নাগরিকদের শ্রেণীভুক্ত হতে তাহলে হয়তো চা জলখাবার কপালে জুটত, এখন সে গুড়ে বালি।

তৃতীয় জন তেলে বেগুনে জ্বলে বললেন— আমাদের গভর্নমেন্ট এদের প্রতিষ্ঠিত শ্রেণীর মধ্যে এনে দাঁড় করিয়েছে, তা নাহলে এইসব হাত-পা-ভাঙাদের আবার কেউ...

—এরা আমাদের কদর যখন বুঝছে না তখন আমরাও এদের ডাম কেয়ার করি। সজ্জন কোথায় গেল?

কন্যা উত্তেজিত হয়ে সকলের প্রশ্নের উত্তর দেবার জন্যে এগিয়ে এল— এরা সকলে মিলে একজোট হয়ে সজ্জনকে ধাক্কা দিয়েছে। পেটিং আনার পর তাকে একবারটি এ ঘরে ঢুঁ মারতেও দেয়নি। চিত্রকলার প্রদর্শনী এদের বাহানা মাত্র। বড় বড় লোকদের ডেকে নিজেদের পাবলিসিটি করানোই এদের একমাত্র উদ্দেশ্য।

বিজ্ঞের মত হেসে তাদের মধ্যে একজন বললে— পাবলিসিটি এ দেশের নেতার একচেটিয়া ব্যাপার হয়ে দাঁড়িয়েছে। বড় বড় সাহিত্যিক, বৈজ্ঞানিক আর শিল্পীদের ডেকে বড় বড় সভার আয়োজন করা হয় কিন্তু পরের দিন খবরের কাগজে কেবল নেতাদের নাম আর তাদের বক্তৃতাই ওঠে, সাহিত্যিক, বৈজ্ঞানিক আর শিল্পীদের নামের উল্লেখ করা পর্যন্ত কেউ উচিত মনে করে না।

—আপনারা এদের কাজে সহযোগিতা না করলেই পারেন! ব্যাটারদের সোজা লবডকা দেখিয়ে দিন। এরা নিজেদের কেউকেটা

মনে করেন। যত নেতা-ফেতার দল— এই লোকগুলিকে অস্পৃশ্য করে সমাজ থেকে বার করে দেওয়া উচিত। যে মানুষ সমাজ থেকে মানবিক ব্যবহার জানে না, তাকে বহিষ্কার করা ছাড়া অন্য কোন উপায় নেই।

—সজ্জন আমাদের বলেছিল যে পাড়ার লোকেদের সাংস্কৃতিক উন্নতির জন্য এই প্রদর্শনীর আয়োজন করা হয়েছে, প্রত্যেকটি ছবির সঙ্গে শিল্পীর নাম এবং তার ভাবের বিষয় লেখা কার্ড বুলবে, সে কি হল?

—হ্যাঁ, প্লান এইরকমই ছিল কিন্তু আমরা কিছু করার সুযোগই পেলাম না। ছবি সংগ্রহ করা পর্যন্ত আদর-আপ্যায়ন তার পরেই বড়ো আঙুল দেখিয়ে দিলে। একজন এগিয়ে এসে বললেন— আহা হা এ আপনারা করছেন কি? একটু গলা নামিয়ে কথা বলুন, পাশের ঘরেই সব বড় বড় লোকেরা...

—এমন বড়লোকদের নিকুচি করি। সজ্জনকে ডাকো? কোথায় সে? আমাদের আর্টের অপমান করিয়েছে সে।

—আমরা এর জন্যে অন্য ব্যবস্থা করেছি। এই বাড়ির কাছেই বেশ ভালো জায়গায় আয়োজন করা হয়েছে। আজ যদি এরা ফন্দিফিকির করে সব ছবি না নিয়ে নিত, তা হলে উদ্ঘাটন সেইখানেই হত। আমরা ঠিক করেছিলাম যে কোন গরীব মহিলা যে চিকনের শাড়িতে এমব্রয়ডারী করার কাজ করে, তাকে দিয়ে উদ্ঘাটন করানো হবে। আপনারা যদি একমত হন তাহলে সব ছবি নামিয়ে ফেলে...

চারিদিক থেকে সমস্তরে আওয়াজ উঠল— নামিয়ে ফেলো, নামিয়ে ফেলো।

আর্টিস্টরা নিজেরাই সকলে মিলে যজ্ঞে আত্মত্যাগ দেওয়ার কাজে হাত দিলে। লালার জানকীসরণের দুই ছেলে সেপাই নিয়ে ঘরে ঢুকে গর্জে উঠল— খবরদার, কেউ যেন ছবিতে হাত দেবার চেষ্টা না করে।

জানকীসরণের ছেলের গর্জন শুনে আর্টিস্টের দল যেন ভ্রমকি দিতে গিয়ে দু মিনিট থেমে আবার উত্তেজিত হয়ে উঠল। চিত্রকলা প্রদর্শনীর কামরা আর্টের মধুর আবেশে স্নিগ্ধ হওয়ার বদলে বিচিত্র সার্বজনিক কোলাহলের স্থান হয়ে গেছে।

পাশের ঘরে চায়ের পেয়ালায় চুমুক দেওয়ার সময় এই হট্টগোল বাধল। রাজাসায়েবের ভ্রাতৃ কুঁচকে গেল। শালিগরাম জানকীসরণ সকলেই যেন আসন্ন ঝড়ের চিহ্ন দেখতে পেল। আমন্ত্রিত অতিথিরা কেমন উসখুস করছে।

কল্যাণ প্রদর্শনীর কামরা থেকে আওয়াজ দিচ্ছে। সকলেই একবাক্যে কল্যাণের সমর্থন করছে। সকলে সম্মিলিত ঘোষণা করে জানালে যে কাল পর্যন্ত যদি তাদের ছবি নামাতে না দেওয়া হয় তা হলে তারা সংগঠিত হয়ে আক্রমণ করার বিষয় চিন্তা করবে। হ্যাণ্ডবিলের সাহায্যে, খবরের কাগজে ছাপিয়ে এইসব ধনীমানী ব্যক্তিদের মুখে থু থু ফেলার পুরোপুরি ব্যবস্থা করা হবে।

—ডাকো, পুলিশকে ডাকো, কারুক ডাকো। আমরা আমাদের ছবি নিয়ে তবে নড়ব, তা না হলে আমাদের লাশ এখান থেকে উঠবে।

কল্যাণের উত্তেজিত কথার মধ্যে কর্নেল তার দুই চাকরের কাঁধে এক বড় মই রেখে হাসতে হাসতে ঢুকল। হার একসমেলেনী তখন সকলের কাছে বিদায় নিয়ে গাড়িতে উঠছেন। তাঁর সঙ্গে

প্রতিষ্ঠিত ব্যক্তিদের ভিড় চলেছে, মোচাকের আশেপাশে মোমাছির ভেঁ ভেঁ। কর্নেল তাড়াতাড়ি জ্ঞানকীসরণকে ডাক দিয়ে বললে —সালাজী, সেপাইদের বাইরে বার করে দিন, তা না হলে আপনার মান বজায় রাখা মুশকিল হয়ে যাবে, ইলেকশন লড়ার স্বপ্ন আর পুরো হবে না। - রাজাসায়েব, লাল। জ্ঞানকীসরণ সকলে রেগেমেগে তার দিকে তাকাতে তাকাতে বেরিয়ে গেলেন। তাদের মতে, কর্নেল আজ ঘরের শত্রু বিতীষণ হয়ে রামের সেনায় যোগ দিয়েছে। হৈ-হুল্লোড়ের অনিয়ন্ত্রিত ভিড়কে নিয়ন্ত্রিত করার চেষ্টায় কত্যা ব্যস্ত হয়ে আছে। নামাবার সময় একটা ছবিতেও আঁচড় না লাগে, কত্যা সে দিকেও নজর আছে।

সব ছবি নামিয়ে নেওয়া হল। পুলিশে কোনরকম দখল নেবার চেষ্টা করলে না। স্বয়ং আর্টিস্টরা নিজেদের আর্ট কাঁধে করে বয়ে নিয়ে চলেছে।

—ভাইসব, কাল সন্দের সময় জেঠীর বাড়িতে চিত্রের প্রদর্শনীর উদ্ঘাটন হবে। কর্নেল বেশ জোর গলায় ঘোষণা করলে।

প্রদর্শনীর অসফলতার ভারে যেন সজ্জনের ব্যক্তিত্ব পিষে গেছে।

## তেত্রিশ

কর্নেলের বাড়িতে রাত তিনটে পর্যন্ত প্রদর্শনীর প্ল্যান তৈরী হল, কত্যাও সেখানে নিজস্ব মতামত প্রকাশ করেছে। এবিষয়ে সকলে একমত যে উদ্ঘাটন আবার করা হোক এবং ভয়েলের শাড়িতে ভালো চিকন কাজ যাঁরা করেন, তাঁদের মধ্যে কোন বিধবা মহিলাকে ডেকে উদ্ঘাটন-সমারোহ করালে ভালো হয়।

—আমি আমার চিত্রের প্রদর্শনীর সময় বড় বড় সব নাম বাদ দিয়ে লক্ষ্মীর একজন মৃৎশিল্পী শ্রীরেবতীরামকে ডেকে প্রদর্শনী উদ্ঘাটন করিয়েছিলুম। ডাঃ রাধাকমল মুখার্জী উদ্‌বোধন ভাষণ দিয়েছিলেন। আর্টিস্ট মদন বললে।

কর্নেল আর কত্যা দুজনেই মদনবাবুর চিন্তাধারার প্রশংসা না করে পারলে না। ইউনিভারসিটির বড় বড় প্রফেসার, সাহিত্যিক, সাংবাদিক সকলকে ডাকার কথা ভাবা হল কেননা কর্নেল ভালোভাবেই জানে যে জানকীসরণ আর শালিগরাম অপমানের প্রতিশোধ না নিয়ে ছাড়বে না।

সকলে একের পর এক স্বীম তৈরী করতে ব্যস্ত। কত্যা'র মন বারবার সজ্জনের দিকে কিন্তু সজ্জন প্ল্যান করায় একদম মত্ত হয়ে রয়েছে। এ-কথা সে-কথা কত কথা, লাউড স্পীকার লাগানো হবে, একটা জেঠীর বাড়ির ভেতর দিকে আর-একটা ফাটকে, বড়

বড় সাহিত্যিক, উকিল, প্রফেসর, জজ, ডাক্তার সকলের ভাষণ শোনার ব্যবস্থা করা হবে। প্রদর্শনীর বিষয় তাদের মতামত জনতাকে যথেষ্ট প্রভাবিত করবে। মাঝে মাঝে ভজনের রেকর্ডও বাজানো হবে। সহসা কর্নেলের মাথায় এক নতুন বুদ্ধি খেলল।

—বিন্নো, লক্ষ টাকার আইডিয়া মাথায় এসেছে, কাল পরশু আর তরশু তিনদিন প্রদর্শনীর সময় ছেলেমেয়েদের মিষ্টি বিতরণের ব্যবস্থা করা হবে। আরে বড়জোর এক হাজার দোনা রোজ বিলি হবে, পাঁচ-ছশো টাকার চেয়ে বেশী খরচ হবে না। ছ'চারজন বুড়োকে মিষ্টি খাওয়ালে কে দেখতে যাচ্ছে? বাচ্চাদের মিষ্টি খাওয়ালে তারা ঘরে ঘরে গুণগান গেয়ে বেড়াবে। আমার মাথায় এই স্বীম— আরে তুমি কি ভাবছ বিন্নো?

—না, কিছু নয়, আপনার স্বীম মন দিয়ে শুনছিলুম। পাঁচ-ছ'হাজার বাচ্চাদের মিষ্টি বিলি করা কম ব্যাপার নয়, এত খরচ

—শোনো বিন্নো, সজ্জনের কথা ভাববার দরকার নেই, তা হলে আমি কি আর চুপ করে বসে থাকতাম? আমি তোমাকে পুরো দৃশ্য একের পর এক বলে দিতে পারি। প্রদর্শনী থেকে মুখ লুকিয়ে পালিয়ে নবাব পুস্তুর মনে মনে খুব বিরক্ত হয়ে থাকবেন। কিছুক্ষণ বকশীদের পুকুরপাড়ের রাস্তায় র্যাশ গাড়ি চালিয়ে সোজা বাড়িতে এসে ব্রেক লাগিয়ে নিজের চাকরদের কোন-না-কোন ছুতো ধরে বকাবকি করে তারপর বেশ খানিকটা টেনে... অভ্যেসটা ভালো নয়। বিন্নো, এইজন্মেই বেশী বয়স পর্যন্ত আইবুড়ো কার্তিক হয়ে বসে থাকা আমি মোটেই পছন্দ করি না। স্বভাবে অনেক খুঁত এসে যায় তবে মানুষ কেউই পারফেক্ট হয় না, তুমি মন খারাপ কোরো না।

—না না, আমি বলছিলাম যে এত মিষ্টি...

কর্নেল হেসে ফেললে— পাঁচ-ছ'হাজার বাচ্চাদের মিষ্টি খাওয়াব কিন্তু সে আজ নয়, তোমার শুভ বিবাহের দিন। এখন কেবল হাজার দেড়েক দোনা হলেই চলবে।

টেলিফোনের ক্রিং ক্রিং শোনা গেল। জগৎচন্দ্র হরখচন্দ্র শ্রাকরার ফোন। তারা খবর দিলে রাজাসায়েব, কর্নেল আর সজ্জনের ওপর বেজায় খাপ্পা হয়ে আছে। এই কিছুক্ষণ আগে তাঁর বাড়িতে শহরের বাছা বাছা লোকদের বৈঠক হয়েছে। সেখানে শালিগরাম আর জানকীসরণ উপস্থিত ছিলেন। তোমাদের বিরুদ্ধে অভিযোগ, তোমরা চরিত্রহীন এবং কোন কমুনিষ্ট মেয়েকে তোমরা রক্ষিতা রেখেছ। তোমরা কমুনিষ্ট পার্টির সঙ্গে যোগাযোগ স্থাপিত করেছ। কাল যে সময় তোমাদের ওখানে প্রদর্শনীর উদ্ঘাটন হবে ঠিক সেই সময়, লাল। জানকীসরণের রোয়াকে লাউড স্পীকার লাগিয়ে তোমাদের খারাপ চালচলনের বিষয় জনতাকে জানানো হবে। সেইসঙ্গে কিছুদিন আগে পাড়ায় ঘটিত প্রেমকাণ্ডের বিষয়ে সজ্জনের জবাব তলব করা হবে। রাজাসায়েব নিজে এই প্রস্তাবের সমর্থন করাতে জনতার ভেতরে নিশ্চয় এর প্রতিক্রিয়া দেখা দেবে। রাজাসায়েব স্বয়ং আগামী কালের সভায় উপস্থিত থাকবেন না কিন্তু তিনি শহরের নামী বড় বড় শ্রাকরাদের ফোন করে দিয়েছেন। সমস্ত কথা শুস্থিরে শুনে নিয়ে কর্নেল বললে— দেখুন জগৎচন্দ্রজী, আমাদের মনের কথা এক ভগবানই জানেন, এই মেয়েটিকে নিয়ে যদি আমাদের মনে কোন পাপ থাকে তা হলে যেন দাদা গুরুজীর চরণে মাথা ঠেকানোর আগেই আমার... আমি কুকাজকে ভয় পাই, দুর্নামকে নয়।



কণ্ঠার কাছে সব পরিস্থিতি যেন আয়নার মত পরিষ্কার হয়ে গেল। লজ্জায়, ক্রোধে তার হুকান যেন ঝাঁঝী করছে।

কর্নেল হেসে বললে— ভগবান যা করেন ভালোর জন্তে। আমার মনে হচ্ছে যে এবারে রাজাসায়েবের ঠিকুজিতে নাক-কাটানোর যোগ আছে। এতদিন শালিগরামের পিটপিটুনি বন্ধ করার ব্যবস্থা করা হচ্ছিল, এবার রাজাসায়েবের মুখে চুনকালি মাখিয়ে তবে অকথ্য। আমরা সাদাসিদে লোক, সর্বদা সোজা পথে যাওয়াই আমাদের অভ্যাস বিনো, আমাদের জিং অবশ্যভাবী। যেখানে সূঁচ রাখার জায়গা নেই সেখানে এরা কোদাল চালাবার কথা ভাবছে। জানো, আমি এদের কী উত্তর দেব? কাল সকালে তুমি আর তোমার বউদি দুজনে গিয়ে সব বড় বড় বাড়িতে প্রদর্শনীর নিমন্ত্রণ করে এসো... আঃ, এমন সময় সজ্জন সব মাটি করে দিলে। কাল সকালে টেলিগ্রাম করে মহিপালকে ডেকে পাঠাব। বিনো, তুমি আমার নাম দিয়ে ঝটপট করে একটা আর্টিকেল লিখে দাও, আমার মনের...

কণ্ঠা গভীর সিন্ধুতে ডুবে গিয়ে যেন কিনারে আসার জন্তে ছটফটিয়ে মরছে। সজ্জন তার জীবনের অভিশাপ, নিরাধারকে সে কেন আধার মেনে গর্বিত হয়ে ছিল— ওহঃ তার জীবননৌকো মাঝি বিনে কিনারা খুঁজে পাবে কি?

\*

\*

\*

চিত্রপ্রদর্শনীর আয়োজনের সঙ্গে মেয়েদের হাতের তৈরী সূচের কাজের প্রদর্শনীর সফলতায়, রাজাসায়েব আর জানকীসরণের মাথা কাটা গেল। জনসংঘ, প্রজাসোসালিস্ট, কমুনিষ্ট ইত্যাদি বিরোধী দলের লোক কংগ্রেসের বিরুদ্ধে প্রচারকার্যের মশলা

পেল। বনকন্ঠার বাবার হাজতে যাওয়া, সজ্জন আর কন্ঠার মথুরায় গিয়ে প্রমাণ সংগ্রহ করার অদ্ভুত মুখরোচক গল্প, যা হয়তো কন্ঠা আর সজ্জন নিজেরাই জানে না, বিপক্ষ দলের মুখে শোনা যাচ্ছে। ইলেকশনের খবরের সঙ্গে সজ্জন আর কন্ঠা দুজনেই উনিশশো বাহান্নর লয়লা-মজনুর খেতাব পেল। কর্নেলের লাউড স্পীকার রাস্তায় বিভিন্ন রাজনৈতিক দলের মধ্যে নিজেদের নীতির বিষয়ে ঘোষণা করে বেড়াচ্ছে— আমরা কেবল নারীজাতির প্রতি অত্যাচারের বিরুদ্ধে একজোট হয়ে লড়াই করে যাব। আমরা এই ইলেকশনের ধাপ্পাবাজির মধ্যে নিজেদের ব্যালেন্স বজায় রেখে চলতে চাই।

তৃতীয় দিন শালিগরামের প্রচারকার্যে পরিবর্তন দেখা গেল। ওয়ার্ডে তাঁর প্রচারকার্যে নিযুক্ত দুই মিনিষ্টারের গাড়ি ঘেরাও করে জনতা তাদের বেশ করে গালাগালি শুনিতে দিলে। সকলেই বেশ উত্তেজিত।

শেষ রূপরতন আর-একজন মিনিষ্টার কর্নেল আর সজ্জন, বাবু শালিগরাম, লালী 'জানকীসরণ সকলের মধ্যে মিটমাট করিয়ে দেবার জন্যে আমন্ত্রণ জানালেন! সজ্জনের মন-মেজাজ বিগড়ে আছে। চিত্র প্রদর্শনী আর মেয়েদের হাতের সুচের কাজের মেলার পরদিন থেকে সেখানে যাওয়া তার বন্ধ। আজকাল সে মুক্ত বিহঙ্গ। এ কয় দিন চিত্রা কঠোর শ্লেষমিশ্রিত বাক্যবাণ দিয়ে তার মনটাকে যেন ঝরঝরে করে ফেলেছে। আত্মপ্রাণিতে অভিভূত সে যেন জড় হয়ে গেছে। দুদিন থেকে তার প্রিয় চাকর তার ঘরে ঢোকান সাহস করছে না, কেননা তাদের মনিব আর তাদের কারণ-অকারণে বকছেন না, তাদের কেমন যেন

সব বেশুরো ঠেকছে। চা, সিগারেট, হুইস্কি সব ফরমাইশ বন্ধ। সারাদিন তাদের মনিব পাথরের নিশ্চল মূর্তির মত বসে থাকেন, বড় দেওয়ানজী কর্নেলের দোকানে গিয়ে সব কথা খুলে বলে এল। কর্নেল এদিকে ব্যস্ত থাকায় সজ্জনের সঙ্গে দেখা করার সময় করে উঠতে পারে নি।

—তুমি ঘাবড়ে যেওনা, আমি ছ-একদিনে আসব। কর্নেল বললে।

—আর অন্য কিছু চিন্তার কারণ নেই কিন্তু তাঁর টেবিলে ..

—আপনি সব সময় ঘরে নজর রাখুন।

—তবু...

—আপনি নিশ্চিত হয়ে যান। কার ভাগ্যে কী লেখা আছে... কে জানে? তবে এটুকু আমি বলতে পারি নিজের হাতে নিজের জীবন শেষ করার মত আহম্মক সে নয়।

কর্নেলের গাড়ি কন্যাকে সকাল দশটায় সজ্জনের বাড়ি পৌঁছে দিলে। কন্যা ঘরে ঢুকল। সজ্জন সামনে সোফায় বসে সিগারেট খাচ্ছে। দরজা খোলার শব্দে সামনে কন্যাকে দেখে চমকে উঠল। সহসা যেন চোরের মুখের ওপর সার্চলাইট পড়েছে—তার মুখে ওঠা স্বাভাবিক। হকচকিয়ে সে সিগারেট আঙুলের ফাঁকে লুকিয়ে নেওয়ার চেষ্টা করতে গিয়ে হাতের তেলোয় ছাঁকা লাগল। কন্যা সহজভাবে মুচকি হেসে তার কাছে গিয়ে নিজের কোর্টটা তার কোলে ছুঁড়ে দিয়ে বলল—আজকাল শিল্পীর মনের জোয়ার কোন্‌দিকে বইছে? সে সজ্জনের রুক্ষ চুলে আঙুল চালাতে চালাতে বললে—এই দেখো, তোমার এসব খামখেয়ালীপনা আর আমি কিছুতেই বরদাস্ত করতে রাজী নই। এবার এসো—আমরা দুজনে দুজনের জন্ত কিছু কিছু

তাগ স্বীকার করি! বলো? সন্ধিপত্রে দস্তখত করতে রাজী  
আছ তো?

সজ্জনের অস্থির মন কণ্ঠার চোখের স্থিরতাকে বুঝে নেবার চেষ্টা  
করাছে। কণ্ঠা সজ্জনের ভয়ভীত, সরল আর জেদী চোখের মধ্যে  
তার প্রেমের আবেশ দেখার জন্য উৎসুক ভাবে তার দিকে  
একদৃষ্টে তাকিয়ে আছে।

—এ তিন-চারদিনে, সত্যি বলছি, তোমাকে এক সেকেন্ডের  
জন্য ভুলতে পারিনি কিন্তু কাজের মধ্যে এত ব্যস্ত ছিলাম যে  
দেখা করা সম্ভব হয় নি। তোমার মুড দেখে প্রথমে আমি  
আঘাত পেয়েছিলুম কিন্তু তারপর এই মেলা আর সামাজিক  
প্রতিদ্বন্দ্বিতা ছায়ে মিলে যেন আমার জীবনে এক নতুন প্রাণের  
সঞ্চার করলে। আমাদের উদ্দেশ্য এক, আমরা তারই জন্য  
সংঘর্ষ চালিয়ে যাব!

বনকণ্ঠা সত্যিই আজ নতুন আবেগে অনুপ্রাণিত। তার মধুর  
ব্যবহার আর মিষ্টি কথা যেন কুসুমের স্নিগ্ধতায় ভরা। সজ্জনের  
দেউলে মনের আত্মগানির মুহূর্তকে সে যেন সুবাসিত করে দিতে  
এসেছে।

—সজ্জন, আজ দুঘণ্টা ক্রী হয়ে তোমার কাছে থাকব বলে  
এসেছি। প্রথমে কিছু জলখাবার তৈরী করতে বলি, তারপর  
খেয়েদেয়ে চলে যাব।

—আনতে বলো।

—না, সেদিন থেকে তোমার চাকরদের কিছু না বলার প্রতিজ্ঞা  
করেছি।

সজ্জন তাড়াতাড়ি উঠে সুইচ টিপে বললে— আমি তার জগ্নে...

দরজা খুলে সজ্জিত সিংহ কাঁধের গামছা ঠিক করে রাখতে রাখতে ভেতরে ঢুকল।

—ঠাকুর, আজ থেকে এ বাড়ি আমার নয়— এঁর, আর কারুর নয়— বুঝলে ?

এতটা বলতে গিয়ে উত্তেজনায় তার সমস্ত শরীরের স্নায়ুগুলে টান ধরল, প্রায়শ্চিত্তের নেশায় যেন তার সারা শরীর থরথর করে কাঁপছে। হাত তখনো কলবেলের সুইচ টিপে চলছে। নিরুপায় হয়ে চাকর খতমত খেয়ে এদিক-সেদিক দেখছে।

কণ্ঠা হেসে বললে— ঘণ্টিকে এবার রেহাই দাও, আর্টিস্ট মশাই।

ইতিমধ্যে ঘণ্টির আওয়াজ শুনে ছয়জন চাকর মনিবের সেবায় লাইন লাগিয়ে দাঁড়িয়ে গেছে। চাকররা সায়েবের মুড় দেখে কিছুটা হাঁপ ছেড়ে বাঁচল, যে তাদের সায়েব আগের মানুষ হয়ে গেছেন, তাঁর বাড়ির আসল লক্ষ্মী এবার এতদিনে পায়ের ধুলো দিয়েছেন! সজ্জন হেসে চাকরদের বললে— যাক, যখন তোমরা এসেই পড়েছ তখন খালি হাতে ফিরে যাবে কেন? তোমাদের বকশিশ দেব। সামনের মাস থেকে তোমাদের মাইনে ডবল করে দেওয়া হবে। এবার থেকে এঁর হুকুম মানতে হবে।

কমুনিষ্ট কণ্ঠার সামনে চাকরদের লাইন— তার যেন কেমন কেমন লাগছে। সজ্জন মুখটিপে হেসে কণ্ঠাকে বললে— এবার হুকুম দিন।

—যাঃ কী যে তামাশা করছ। অনেক কষ্টে চাকরদের দিকে তাকিয়ে আমতা আমতা করে কণ্ঠা বললে— এই একটু কিছু জলখাবার নিয়ে আসুন— আর লাঞ্চ ঘণ্টা দেড় দুই পরে।

—জী হজুর।

—আজ আপনারা যা ইচ্ছে তাই রান্না করুন, আমি দেড়টার সময় যাব, বাস, এইটা একটু মনে রাখবেন। কন্যা কোনমতে উত্তর দিলে।

চাকরের দল ঘর থেকে বেরিয়ে যাবার পর যেন হুজনে হুজনকে নতুন করে চিনল। সজ্জন তখনো যেন নিজেকে সামলে নিতে পারছে না, তবু যেন এই মধুর সম্পর্কের স্থিরতার আভাস সে অনুভব করছে। চিত্রার সঙ্গে বিপরীত আচরণে যে প্রতিক্রিয়া হয়েছিল তার আবরণ ধীরে ধীরে সরে যাচ্ছে। সে এখন নিজেকে অনেক সুস্থ, সুখী মনে করছে।

সেইদিন রাত্রে শেঠ রূপরতন শালিগরাম আর জানকীসরণের সঙ্গে কর্নেল আর সজ্জনের আপসে মিটমাট করার জন্যে তাদের ডেকে পাঠালেন। মেয়েদের মেলার বিবরণ কন্যা সজ্জনকে শোনাচ্ছে, কন্যা আজ আনন্দে গদগদ, নিজের প্রিয়তমের স্বপ্নকে সাকার করে তোলার এক তীব্র অনুভূতি। সজ্জন মস্তমুগ্ধের মত কন্যার নতুন অভিযানের কাহিনী তন্ময় হয়ে শুনছে। যাবার সময় কন্যার মাঝের আঙুলে হীরের আংটি জ্বলজ্বল করছিল কন্যা চলে যাবার পর সজ্জন অনেকক্ষণ আপনমনে একা বসে বসে চিন্তার জাল বুনে যেতে লাগল, ভাবতে ভাবতে সহসা রামজীর কথা মনে আসতেই তাঁকে দর্শন করার জন্যে ব্যাকুল হয়ে উঠে দাঁড়াল।

ছপুরের পড়ন্ত রোদ গোমতীর ধারে ছড়িয়ে পড়েছে। বাবাজীর রুগীরা রেস করছে। বাবাজী ঘাটে দাঁড়িয়ে ওদের রেস দেখছেন।

ঘাটে গিয়ে বাবাজীর সঙ্গে দেখা করতে সজ্জন যেন কেমন কুণ্ঠিত বোধ করছে। বাবাজী তাকে দেখতে পেয়ে দূর থেকে

হাত বাড়িয়ে হেসে উঠলেন। তাঁকে প্রণাম করার আগেই তিনি তাকে জড়িয়ে ধরলেন।

—আপনার দর্শন করে কোটি টাকা প্রাপ্তি হল রামজী। আপনার প্রতীক্ষায় বেশ কয়েকদিন তপস্যা করতে হয়েছে।

আশ্রমের নিত্যনৈমিত্তিক কাজ আরম্ভ হল, কসরতের পর প্রার্থনা তারপর আয়ুর্বেদের ঔষধ পান। হাতের কাজ শেষ করে বাবাজী নিশ্চিন্ত হয়ে সজ্জনের কাছে বসলেন।

—প্রায়শ্চিত্তের মত দেউলে নেশাকে ধারে কাছে ঘেঁষতে দিও না। দুঃখ করতে নেই, ভাবো যে তোমার জীবনের অভিজ্ঞতা সঞ্চয়ের পালা চলছে। বিগত কালের কথা ভেবে চোখের জল ফেলা মূর্থতা, রামজী, যে যাই বলুক, আমি এ পৃথিবীটাকে মায়া বা মিথ্যা মনে করি না। যদি ভগবানের অস্তিত্বকে আমরা মানি, তা হলে তাঁর সৃষ্টিও তাঁরই মত সত্য। যেখানে সত্য ও রূপের মিলন, তাকে উপভোগ করো, অসত্যের সঙ্গে সর্বদাই যুদ্ধে যাও।

—তাই হবে। সজ্জন মনের বিকার থেকে রেহাই পেল, সে যেন চলার পথের কাঁটা সরিয়ে নরম তৃণের সন্ধান পেয়েছে। চিত্রার বিষয় বাবাজী পরামর্শ দিলেন, ওর ভালো দেখে বিয়ে দিয়ে দাও অথবা যদি কাজ করতে চায় কাজ করুক আর ভরণপোষণের খরচা নিতে থাকুক। যদি কাজ করতে রাজী না হয় তা হলে বসিয়ে ভরণপোষণের খরচা দেবার দরকার নেই। আলসে কুঁড়েকে সাহায্য করা মানে অমানুষিকতাকে প্রশ্রয় দেওয়া।

সজ্জন বিকেলে জেঠীর কাছে গেল। বাড়ির ভেতরে মেয়েদের মেলার ব্যবস্থা হয়েছে, তাই বর্মা চেয়ার টেনে দালানে বসে আছে। সজ্জন বর্মার পাশের চেয়ারে বসল। গলিতে ছেল মেয়ের দল

হট্টগোল করতে করতে আসছে। কণ্ঠা সূচাকু ভাবে প্রোগ্রাম চালিয়ে যাচ্ছে। প্রদর্শনীতে মেয়েদের হাতে করা সূচের কাজ দেখার মত, অনেক বিক্রিও হয়েছে। মেয়েরা চা-পানের দোকান দিয়েছে। কণ্ঠা এখন অনেক যুবতী হৃদয়ের হিরোইন। দশ-বারোজন মেয়ে এঁটো দোনা এক কোণে ফেলার কাজে ব্যস্ত। চারিদিক দিয়ে ঘেরা, বন্ধ জায়গায় এত লোকের ভিড়, তবু নোংরামির নামগন্ধ নেই, সব পরিষ্কার তকতক করছে। ছোট ছোট মেয়েদের নাচগান আর থিয়েটারের প্রোগ্রাম হচ্ছে। কর্নেল উৎসাহের সঙ্গে ঘোষণা করলে যে কয়েক দিনের মধ্যেই অমীনাবাদে এ ধরনের প্রদর্শনীর আয়োজন করা হবে। যে মেয়েরা সমাজে নিষ্পেষিত হয়ে যাচ্ছে তারা স্বাধীন বাতাসে নিশ্বাস নিয়ে বাঁচবে। তাদের জীবনে দেখা দেবে এক নতুন উৎসাহ। ইতিমধ্যে পণ্ডিত শিবনাথ শাস্ত্রীর সঙ্গে সজ্জন বিয়ের লগ্নের বিষয় পরামর্শ করে নিলে। রাত আটটার সময় সকলে এক জায়গায় জড়ো হল, এর মধ্যে প্রত্যেকের জীবনে যেন বেশ খানিকটা পরিবর্তনের ঝড় বয়ে গেছে। রাত্তিরে শেঠ রূপরতনের বাড়িতে কর্নেল, সজ্জন, বাবু শাণিগরাম আর একজন মিনিস্টার উপস্থিত ছিলেন। রূপরতন এবারের ইলেকশনে দাঁড়ালেন না। তিনি ব্যবসা-সংক্রান্ত ব্যাপার নিয়ে এক বছরের জন্য আমেরিকায় যাচ্ছেন, নতুন মেশিনের এজেন্সি নিতে চান। এ সময় মধ্যস্থতার নীতি তাঁর বিজনেসের পক্ষে লাভপ্রদ।

—কর্নেল মশাই, আপনাদের কাছে আমি এমনটা আশা করি নি। মিনিস্টার বললেন।

—আরে ইলেকশন ছুদিনের মামলা, চক্ষুলজ্জা রাখা উচিত।



—আমরা কোনরকম ওসকানি দেওয়ার কাজ মোটেই করিনি, কিন্তু অত্যাচার যদি বিনা কারণেই পেছনে লাগে তাহলে...

—পেছনে লাগা আপনারাই প্রথমে আরম্ভ করলেন, এরোপ্লেন থেকে কাগজ কে ফেলিয়েছিল? শালিগরাম প্রশ্ন করলেন।

—আমরা অত্যাচারের বিরুদ্ধে...

—আরে ভাই, তাই যদি করার ছিল, আমরা তো মরে যাই নি। তোমাদের মধ্যে কেউ এসে আমায় বলতে সে কথা, আমি নিজে সব ঠিক করে দিতুম। রূপরতন তাঁর নেতাগিরি ফলালেন।

—আরে ছাড়ুন এসব লম্বা লম্বা কথা। আমি বুক ঠুকে বলতে পারি যে শালিগরাম ইলেকশনের পাঁচ ফেলে এক নিরীহ মহিলার প্রাণ...

—এও আমার ঘাড়েই চাপাবে কর্নেল। বাবু শালিগরাম ব্যাণ্ডেজ বাঁধা পায়ে হাত বুলিয়ে বললেন— আমি এর মধ্যে নাক গলাতে যাইনি। পুলিশ নিজেরাই...

—আর উন্টে রোমায়ণ পাঠে দরকারটা কি? আপনাদের মত নেতাদের সঙ্গে ঘোরাফেরা করে আমার অভিজ্ঞতাও কারুর চেয়ে কম হয়নি।

—আচ্ছা, থাক সে-সব কথা, মিনিস্টার মশাই কাজু চিবুতে চিবুতে বললেন— এ কথা আপনাদের মনে রাখা উচিত যে কংগ্রেসের ভেতর যতই দোষ থাকুক-না-কেন, এসময় দেশের শাসন ব্যবস্থা এক এই পার্টিই চালাতে পারে, আর অন্য কোন রাষ্ট্রীয় পার্টি নেই। এসময় কংগ্রেসের বিরুদ্ধে কাজ করা মানে দেশের প্রতি বিশ্বাসঘাতকতা করা।

—হ্যাঁ, তাই আমি বলাই যে নারীর প্রতি অত্যাচার করা মানবতার প্রতি বিশ্বাসঘাতকতা করা।

—আপনি তাহলে কম্যুনিষ্ট পার্টি..

—আপনি পার্টি-ফার্টির কথা কেন তুলছেন? আমার বউদি বেচারী কোন পার্টির দলাদলির মধ্যেই ছিল না আর আমার বাবা কোনদিন কংগ্রেসের সমর্থক ছিলেন না। তাদের অপরাধের উচিত শাস্তি দেবার কষ্ট আপনি নিজেকে ঘাড়ে কোনদিনই নিতেন না যদি আমার বাড়িতে...

—আচ্ছা, যাকগে, যা হয়ে গেছে তার পুনরাবৃত্তি করে কোন লাভ নেই।

—লাভ নেই কেন? সব গোলমালের মূলেই....।

—তুমি একেবারে কম্যুনিষ্ট হয়ে গেছ কর্নেল।

—তুমি এমন করে বার বার বলছ, যেন এটা একটা গালাগাল, সজ্জন বললে।

—আমি ভেবেছিলুম যে আমাদের সজ্জনবাবু চিত্র তৈরী করতে করতে নিজেই কারুর সামনে চিত্রলিখিত হয়ে গেছেন।

মিনিষ্টারের ঠাট্টা শুনে রূপরতন আর শালিগরাম দাঁতো হাসি হাসলেন।

—মিস বনকণ্ঠা, আমি আপনাকে, আর আপনার পার্টিকে সাবাসী না দিয়ে পারছি না যে আপনারা আমাদের পুরোনো কর্মঠ বন্ধুদের এত তাড়াতাড়ি নিজেদের দলে ভিড়িয়ে নিলেন।

—আমি কম্যুনিষ্ট পার্টির মেম্বারও নয় আর ওরা আমাকে মাতাহারীর মত এ কাজের জ্ঞান নিযুক্ত করেননি। কণ্ঠার চেহারা রাগে রক্তিম হয়ে গেল।

মিনিষ্টার গম্ভীর হয়ে গেলেন, সকলে মুখ চাওয়া-চাওয়ি করছে।  
কর্নেল হেসে বললে— নিন, আরো কিছু বচন শোনার ইচ্ছে  
থাকে তো বলুন ?

—না না, কারুর মনে দুঃখ দেবার আমার ইচ্ছে ছিল না  
কিন্তু আমার খারাপ নিশ্চয় লেগেছিল তাই...

—সজ্জন হেসে কণ্ঠার দিকে চেয়ে বললে— আরে আজ মিনিষ্টার  
হয়েছে আমাদের পুরোনো বন্ধু, বেশ করে ছ'কথা শুনিয়ে গায়ের  
ঝাল ঝেড়ে নাও।

শেঠ রূপরতন স্বেযোগ বুঝে হেঁ হেঁ করে বললেন— আরে সে কি  
আজকের কথা, কোন যুগ থেকে আমাদের চেনা পরিচয়...

মিনিষ্টার হাসতে হাসতে উঠে দাঁড়ালেন। বাবু শালিগরাম  
চেয়ারের পিঠে হাত রেখে সংকেত করতেই মিনিষ্টার বললেন—  
শালিগরাম, সব ঠিক হয়ে গেছে বুঝলে ? কর্নেল, আজ তোমার  
মীনাবাজারে আমাদের কংগ্রেসের পাবলিসিটির জন্তু কিছু পোস্টার  
পাঠিয়ে দেব।

—দেখুন, আমি সিদ্ধান্তের কথা বলছি, পার্টি স্পিরিটে...

মিনিষ্টার সজ্জন আর কণ্ঠার দিকে চেয়ে বললেন— আপনারা  
দুজনেই সর্বার্থসাধক ভাণ্ডার, আপনাদের বিয়ে কবে ?

লালা জানিকীসরণ আর রূপরতন কাঠফাটা হাসি হাসলে।  
মিনিষ্টার মুখ টিপে হাসলেন। কর্নেল বললে— বাস, আর বেশী দেরী  
নেই। আপনাদের বাড়িতে খুব শীঘ্রই বিয়ের নেমস্তন্ন চিঠি পাবেন।

—আচ্ছা, খুব আনন্দের কথা, আমার শুভকামনা জানিয়ে  
গেলাম। মিনিষ্টার সজ্জনের সঙ্গে হাসতে হাসতে শেকহ্যাণ্ড করে  
বিদায় নিলেন।

## চৌত্রিশ

বর্মার বাড়ির দালানে এক লম্বা বেঞ্চি আর ছোটো চেয়ার পাতি। সজ্জন, শঙ্করলাল, বর্মা, কর্নেল আর মহিপাল বসে আছে। বর্মার ছেলের আজ ষষ্ঠী পুজে, সেই উপলক্ষে জেঠী সকলকে নিমন্ত্রণ করে খেতে ডেকেছেন। ভুরিভোজনের পর এক জায়গায় বসে গল্প হচ্ছে। ভেতরে মেয়েদের খাওয়াদাওয়া তখনো শেষ হয়নি। অন্দরমহলে ঢোলকের সঙ্গে গানের আওয়াজ ভেসে আসছে—

জিয়া জলভুন যায়,

রাজা চলে চাকরিয়া।

সাস কোলায় লোটা নঁনদী কোলায় লুটিয়া,

হায় জিয়া জল ভুনযায়,

হামকো লায় মটুকিয়া।

বালিশে ঠেসান দিয়ে মহিপাল হাঁটুর ওপর অজন্তা রেডিও ইঞ্জিনিয়ারিং ওয়ার্কসের লেটার প্যাডের ওপর গান নোট করে চলেছে।

—সাহিত-টাহিত্য তোমার কর্ম নয়, আজ থেকে ঢোলকের জন্য গান আরম্ভ করে দাও। কর্নেল হেসে বললে।

মহিপাল উত্তর দিলে না দেখে সজ্জন মুচকি হেসে কর্নেলকে

বললে— দেখলে, ইনি তোমার কথার উত্তর পর্যন্ত দেওয়া উচিত মনে করলেন না।

—উত্তর জোগালে তবে তো দেবে! শালার অভ্যাস বদলাবে না। সেদিন দেড়টা টাকা টেলিগ্রামে খরচ করে ঐকে ডেকে পাঠালুম। চারিদিকের অপোজিশন দেখে ঘাবড়ে গিয়ে ভাবলুম যে মহিপাল শিরোমণি এলে হয়তো কোন সুরাহা হবে, কিন্তু ইনি এসে পর্যন্ত মুখে তালি ঢাবি ঐটে বসে আছেন।

—আরে মশাই, আমার বাড়ির মিষ্টি ছেড়ে দিয়ে তোমার এই গোলমালের মধ্যে মাথা গলাতে যাবে কেন?

—আজ তা হলে কেন দর্শন দিলে?

—জেষ্ঠীর বাড়ি নেমন্তন্ন খেতে।

—জেষ্ঠী তোমাকে আবার কবে নিমন্ত্রণ করতে গেলেন? আমার মুখে শুনে সোজা ছুটে এসেছ, তাই নয়?

—আরে বামুন কখনো ইনভিটেশনের পথ চেয়ে বসে থাকে না... আহাঃ কী সুন্দর গান হচ্ছে।

সকলে অন্তরমহলের নতুন গান কান লাগিয়ে শোনার চেষ্টা করছে। মহিপালের কাগজ-পেন্সিল নিয়ে গান লেখার মূদ্রা দেখে কর্নেল হেসে বললে— আচ্ছা, ঢের হয়েছে, এবার তোমার এই ভণিতা শেষ করে সোজা হয়ে ভদ্রভাবে বসো। কর্নেল মহিপালের হাত থেকে কাগজে টান দিতেই— আরে, কি হচ্ছে? আমার দরকারী কাগজ— বলতে বলতে মহিপাল কাগজ ভাঁজ করার ভান করলে।

—যাই বলো-না কেন ভাই, আমাদের জেষ্ঠী এক বিচিত্র ক্যারেক্টর। সজ্জন সিগারেট ধরালে।

—আরে মশাই, ছেলে হয়ে পর্যন্ত জেঠী আমাদের নাকে দম দিয়ে ছেড়েছেন। তাঁর উপকারের বোঝা মাথায় নিয়ে চূপ করে বসে থাকা ছাড়া উপায় নেই, না ওগরাতে পাচ্ছি আর না গিলতে পাচ্ছি, বিচিত্র পরিস্থিতিতে ফেসে গেছি আমরা।

—কেন, কেন, কি হল? কর্নেল হোসে জিজ্ঞাসু চোখে বর্মার মুখের দিকে তাকাল।

—প্রত্যেকদিন আমাদের আর আমার জ্বীকে গ্লেচ্ছ, বিধর্মী, নাজানি কত কি বলে গালাগালি করেন, আমাদের একেবারে হেনস্তার নজরে দেখেন অথচ খোকার জন্তে দিনরাত প্রাণপাত করছেন। আঁতুড়ের দেখাশোনার ভার সব তিনি নিজের জিম্মায় নিয়েছেন। নানারকম পাক, বাদাম, ঘি, সব আমার জ্বীকে খাওয়াচ্ছেন। তাঁর মতে এসব খেলে মায়ের বুকে দুধ হবে, বাচ্চার পেট ভালো করে ভরবে। সকলে হেসে উঠল। ভেতর থেকে ঢোলকে গানের আওয়াজ আসছে—বচ্চামেরী ঝীংগুর সে ডর গইরে।

জেঠীর বসতবাড়ি আজ গুলজার। তারার রান্নাঘরের পাশের দালানে ভিয়েনের বড় মাটির উলুন তৈরী হয়েছে। অণু দালানে ঢোলক বাজিয়ে পাড়ার মেয়েরা গান ধরেছে। গোকুলদ্বারের মুখিয়া, কীর্তনিয়া সকলে সেখানে বসে শুনছে। মেয়েরা থালায় মিষ্টি সাজিয়ে বাইরের ঘরে রেখে রেখে আসছে। ব্রাহ্মণ-ভোজন আর জ্ঞাতি-ভোজন দুই সারা হয়ে গেছে। জেঠী আজ গুণে একশো এক বামুন খাইয়েছেন। জ্ঞাতি কুটুম্ব, চেনা অচেনা কেউ বাদ যায়নি, সতীনকে পর্যন্ত খবর পাঠিয়েছিলেন। এ সময় মেয়েরা খেতে বসেছে। সকলেই জেঠীর বস্তীর খাওয়ানোর মুখরোচক আলোচনায় মশগুল। নন্দ যেহেতু জেঠীর প্রতি

আজকাল বিরূপ তাই গলা নামিয়ে আশেপাশের মেয়েদের মধ্যে নিন্দেমন্দ করছে।

ছোট বউ আর কত্যা তারার ঘরে আছে। কত্যা আজ প্রথম তারার সঙ্গে এতক্ষণ বসে কথা বলার সুযোগ পেয়েছে। ছোটর সঙ্গে আজ তার প্রথম দেখা। ছোট আর তারা দুজনে বড় বউয়ের কথা মনে করে খানিক চোখের জল ফেললে। আজ যদি সে উপস্থিত থাকত তাহলে কতই-না আনন্দ করত। বড়র বিষয় কত্যা আজই সব কথা ভালোভাবে জানতে পারল। ছোট বললে শঙ্করলাল বিরহেশের বাড়ি গিয়ে বড়র সঙ্গে দেখা করে এসেছে, সে ভীষণ মনমরা হয়ে থাকে। বিরহেশ তাকে ত্র' মিনিটের বেশী শঙ্করলালের সঙ্গে কথা বলতে দেয়নি। আগে কত গলায়-গলায় ছিল আর এখন মুখ সোজা করে কথা বলা ছেড়ে ভবিষ্যতে বড়র সঙ্গে দেখা না করতে আসার ছমকি দিয়েছে। বিরহেশের বাড়ির অবস্থা খুবই খারাপ। একখানা ঘর, সাইজ বড় হলে কি হবে একেবারে ভগ্নস্তূপের নমুনা। তারই একপাশে স্নতলি দিয়ে পর্দা টাঙানোর ব্যবস্থা। পর্দার কাপড় চিরকুটে ময়লা আর ছেঁড়া। যখন শঙ্করলাল সেখানে গিয়েছিল তখন তার ঘরে দু'তিনজন বাউণ্ডলে ছোকরা বসে মদ খাচ্ছিল। বিরহেশ তাদের সঙ্গে এক গেলাসে চুমুক দিতে দিতে নোংরা ঠাট্টাতামাশা করে হাসছিল। কত্যা এসব শুনে দুঃখিত হল, আজকের সমাজে নারী হয়ে জন্ম নেওয়াই এক অভিশাপ, বড়র অন্ধকারে ঢাকা ভবিষ্যৎ সে যেন চোখের সামনে দেখতে পাচ্ছে। মর্মান্তিক পীড়া সহ্য করতে করতে একদিন তার প্রাণপাখি কঙ্কালসার দেহত্যাগ করে উড়ে চলে যাবে। কত্যা তার স্বর্গীয়া বউদির কথা ভেবে দুঃখে

অভিভূত হয়ে পড়ল। স্ত্রী আর পুরুষ সচরাচর একে অণ্ডের মানসম্মান রক্ষা করে চলে না, স্ত্রী আর্থিক দিক দিয়ে পুরুষের আশ্রিতা, তার নিজস্ব স্বতন্ত্র ব্যক্তিত্বের সম্পূর্ণ অভাব। এদেশের মেয়েরা সর্বদাই এই ছুঃখের বোঝা বয়ে চলেছে। সীতা আর দ্রৌপদীর মত দেবীরাও এর হাত থেকে পরিত্রাণ পাননি।

তিন-চারজন মেয়ে মিলে ঢোলক বাজিয়ে তন্ময় হয়ে গান গাইছে। প্রত্যেকের গলা বেসুরো। সামনের চারটে ভাঙা দাঁতের পাশে দোক্তায় কালো মাড়ি আর দাঁতের সারির মধ্যস্থান থেকে এক অদ্ভুত ধুতু ধুতু শব্দ বার করে গাইছে, পাড়ার পঞ্চান্ন বছরের সুরমিলি, তার তানের সামনে দাঁড়ায় কার সাধিয়া! নিজের সামনে তখন সে যুবতী সরবতীকে গ্রাহ্যের মধ্যে আনতেই রাজী নয়। সরবতী আজকাল পাড়ার হিরোইন। সে এ পাড়ার কানা এক পয়সা-ওয়ালার সাদী-করে-আনা সাত নম্বরের স্ত্রী। বরকে সে একদম তোয়াক্কা করে না। বাড়িতে খোলাখুলি দিনরাত তার এয়ার-দলের যাতায়াত চলতে থাকে। মাথা থেকে পা পর্যন্ত সোনা দিয়ে ঢাকা। গানবাজনার শখ আছে তাই বড় বড় ঘরের অন্তরমহলে তার যাওয়া-আসা আছে। বিগতযৌবনা ধরা-সুন্দরী সুরমিলি তাকে হিংসের চোখে দেখে। কিশন সিংহের ছেলের বউ মঞ্জিরা বাজাতে বাজাতে পান খাচ্ছে আর দুই সুন্দরীর গানের মল্লযুদ্ধ দেখে মুচকি মুচকি হাসছে। কিশন সিংহের ছেলের বউ নারদমুনি হিসেবে এ পাড়ায় যথেষ্ট খ্যাতি অর্জন করেছে। ঝগড়া বাধাতে সে অদ্বিতীয়, তার জুড়ি এ তল্লাটে মেলা ভার, সঙ্গে একটা গুণও আছে, মন-কষাকষি সৃষ্টি করার সে বিরুদ্ধে। আজ প্রায় চল্লিশ বছর এ পাড়ায় সে আছে, এক ছ'বছর কম



করে সে প্রায় এত বছর ধরে বৈধব্য জীবন যাপন করছে।  
অনেকে চাপা গলায় দুর্নাম রটায় এক প্রতিষ্ঠিত পণ্ডিতজীর সঙ্গে  
তার নাকি অনেক দিনের সম্পর্ক। পছাহী ক্ষত্রিয় আর  
আগরওয়ালাদের সামাজিক আচার-বিচার সব তার কণ্ঠস্থ।  
পরামর্শদাত্রী হিসেবে সুখ্যাতি আছে, মুখ মিষ্টি আর ঠাট্টা-তামাশায়  
বড়র চেয়ে বড়কে ধুয়ে দেবার বিদ্যা জানে। গোকুলদ্বারের  
ভিতরিয়াজী নিজের বিশাল ভুঁড়ি আর লম্বা দাড়ি তুলিয়ে হাত  
নাচিয়ে সরবতী আর সুরমিলিকে শুনিয়ে শুনিয়ে বললেন— আ  
মলো যা রাঁড়, তোমরা গানও ভালো করে গাইতে জানো না,  
আমি ছোটবেলায় এমন গান গাইতুম যে একেবারে মণ্ডলীমুদ্র  
লোক ভাবে বিভোর হয়ে উঠত।

—তাহলে রাঁড়, তুমি এ রূপ ধরে বসে আছ কেন? দশ হাত  
দাড়ি নিয়ে এসেছেন আমাদের গানে ক্রটি খুঁজতে— সরবতী মিহি  
সুরে বললে।

ভিতরিয়াজী সরবতীর সোনার আর রূপোর ঝলমলানি দেখে মুগ্ধ  
হয়ে হার মানার পাত্র নয়— ওমনি গরম তেলে যেন জলের ছিটে  
পড়ল— আরে তোমার গলার আওয়াজ ঠিক যেন রেলের সিটি।

আশেপাশের মেয়েরা সকলে খিলখিল করে হেসে উঠল।  
কিশন সিংহের ছেলের বউ বললে— ভিতরিয়াজী তোমার পায়ে  
পড়ি, সভার মধ্যখানে এমন করে বোলো না, এখুনি এর এয়ারদের  
কানে কথা গেলেই তারা তখুনি তিড়িবিড়িয়ে...

—আমি না একে ভয় পাই আর না এর এয়ারদের কেয়ার  
করি। না ভালো গান জানে আর না সুর করে গাইতে পারে,  
একেবারে মাটি...

—নাও, সারা পাড়ায় সরবতীর গানের নামডাক আছে আর ইনি বলছেন গাইতে জানে না। কিশন সিং-এর ছেলের বউ চোখ নাচিয়ে বললে।

সরবতীর নিন্দে শুনে সুরমিলি সুন্দরী পারলৌকিক সন্তোষ পেলে। ভিতরিয়াজীকে ওসকানি দেবার জন্তে বললে— আমাদের ভিতরিয়াজীর গান গোকুলদ্বারে অনেক শ্রুতি, কী ভালো গলা আহা হা...

—আরে সেখানে কেবল ভজন গাই আর এখানে, নিয়ে আয় ঢোলক, আমায় দে, বলে ভিতরিয়াজী ঢোলকের মত গোল পেট নিয়ে উঠে দাঁড়ালেন। সরবতীর হাত থেকে ঢোলক নিয়ে বললেন— আরে যা যা, দেখো, ঢোলক বাজিয়ে গান করা আমার কাছে শেখো। চলো, সুরমিলি আরম্ভ করে দাও।

ভিতরিয়াজীর ঢোলক বাজানো দেখে এ বিষয়ে তাঁর যে দখল আছে এটা সকলেই মনে মনে মানতে বাধ্য হল। ভিড়কে মন্ত্রমুগ্ধ করে বাহবা লোটবার বিড়ো তাঁর বেশ জানা আছে। হাতপা মটকে তিনি আরম্ভ করলেন— (আরে এ এ)

ছনিয়া মে পৈদা ছয়ে ছুঃখসুখ উঠানে কে লিয়ে।

মেরে দিল মে এয়সী আবে সৈর বাগো কী করুঁ,

লে চলো জালিম মুখে সৈর করানে কে লিয়ে।

মেরে দিল মে এয়সী আবে সৈর ভালো কী করুঁ,

লে চলে জালিম মুখে কপড়ে ধুলানে কে লিয়ে।

বাইরে বসে মহিপাল হো হো শব্দে হেসে উঠল। মহিপালের হঠাৎ দমকা হাসি শুনে বাকী সকলে চমকে উঠল। শঙ্করলাল আর কর্নেল তখন তন্ময় হয়ে সজ্জনের মথুরা, বৃন্দাবন যাত্রার

বর্ণনা শুনছে এমন সময় কাঠ-ফাটানো হাসি যেন তাদের কেমন কেমন ঠেকল।

—এ কোন নতুন বুদ্ধিজীবী স্টাইল নাকি? কর্নেল রুক্ষ স্বরে প্রশ্ন করলে।

মহিপাল পায়ের তলায় হাত বোলাতে বোলাতে উত্তর দিলে—  
এ গান নিশ্চয় কোন গেরস্থ ঘরের গৃহিণীর রচনা। বেচারী  
অন্ধকার ঘরে বসে সারাদিন সংসারের কাজকর্ম করে যখন ক্লান্ত  
হয়ে পড়েছে, এমন সময় এক নবযুবতী নায়িকা কল্পনাতে তার  
প্রেমিকের সঙ্গে পুকুরের ধারে বেড়িয়ে বেড়াচ্ছে। হনিমুন করতে  
গিয়ে আর কিছু জুটল না তো কাপড়ই কাচা আরম্ভ করে  
দিলে... হা হা হা আমাদের সমাজের নারীমনের সজীব চিত্রণ।

—শোনো। বনকন্ঠা দরজার পাশে দাঁড়িয়ে ডাকছে। সজ্জনের  
শিরায় শিরায় যেন প্রেমের স্রোত বয়ে গেল, সে তাড়াতাড়ি উঠে  
দাঁড়াল।

—জ্যেষ্ঠীর কাছে কত কি পাওনা হল?

—এখন কোথায় কর্নেলদা, বিকেলে ষষ্ঠী পূজো। গলা নামিয়ে  
সজ্জনকে—খোকার পিসী হয়েছি, প্রেজেন্ট দিতে হবে যে?

—আজকেই চাই। তারা নিজের দিক থেকে আমায় দেবার  
জন্মে দামী বেতারসী আনিয়েছে।

—কি বলো কর্নেল, বিয়ের আগে স্বামী-স্ত্রী গলা নামিয়ে কানে  
কানে কথা কয়, লক্ষণ তো ভালো নয়—মহিপালের কথায়  
সকলে হেসে উঠল। কন্ঠার চোখে লজ্জার ছায়া পড়ল। সজ্জন  
হাসতে হাসতে বললে—কথায় আছে না যে সব মিয়ঁাবিবি  
রাজী তো কেয়া করেরা কাজী, আমাদের দেখে তোমাদের হিংসে

হচ্ছে না কি ? আবার হাসির ঢেউ উঠল। কণ্ঠা আনন্দে বিভোর, তার চাউনিতে আছে গর্ব, আছে প্রেমের মাদকতা। সে চাউনি দেখে কর্নেল বেশ আনন্দিত কিন্তু মহিপালের বুকে যেন ঈর্ষা ঝিলিক দিয়ে উঠেছে।

সজ্জন গলা নামিয়ে কণ্ঠাকে জিজ্ঞেস করলে— যা কিছু আনতে হবে বলে দাও, এখুনি বাজার থেকে এনে দিচ্ছি।

স্বামীন্দ্রীর মধ্যে লোকলৌকিকতার পরামর্শ এ যেন এক নতুন অনুভূতি। সজ্জনের অসাড় দেহে যেন এক নতুন প্রেরণার সঞ্চার হল। সাদাসিদে মানুষের স্বভাবের সৌন্দর্য এমনিভাবেই বৃদ্ধি ধরা পড়ে।

স্বামীন্দ্রীর এক মধুর সম্পর্ক, তবে কেন কণ্ঠা মুখ ফুটে কিছু বলতে গিয়ে সংকুচিত হয়ে যায় ? স্বরূপ আর তারার মুখে— আমাদের ইনি, আমাদের উনি, শুনতে কণ্ঠার বড় ভালো লাগে। এই নতুন মধুর সম্পর্কের অনুভূতিতে অনুপ্রাণিত হয়ে সে আজ তার ইচ্ছা জানাতে সজ্জনের কাছে যাবার সাহস করেছে। সবার চেয়ে দামী প্রজেক্ট দেবার কথাটা সে যেন কিছুতেই জ্বিভের ডগায় আনতে পারছে না। সে এখন একজন লক্ষপতির বাগদত্তা পত্নী।

সজ্জনকে ভালোবেসে সমাজের সামনে তার পত্নীর মর্যাদা পাবার বাসনা তার হয়েছে। সাধারণ মধ্যবিত্ত ঘরে অভাব-অনটনের মধ্যে এতদিন জীবন কাটাবার পর আজ তার জীবনে এসেছে নতুন উল্লাস, সে সবার সঙ্গে পায়ে পা মিলিয়ে হাঁটার আপ্রাণ চেষ্টা করছে। সর্পে রজ্জুভ্রম না হয়ে যায় বলে সে সদাই মনের গোপন রহস্য মনেই ধামাচাপা দেয়ার শিক্ষা পেয়ে এসেছে। সজ্জনের প্রশ্নের উত্তর দিতে গিয়ে তার গলা শুকিয়ে

এল, কোন রকমে গলা ভিজিয়ে আমতা আমতা করে বললে—  
কী আর চাই? এরা আমার জন্তে দামী শাড়ি কিনেছে।  
স্বরূপ খোকার জন্তে সোনার কুমকুমি এনেছে... বুঝেবুঝে যা  
তালো মনে করো, না-হয় কর্নেলদার সঙ্গে পরামর্শ করে নাও।

বলেই কণ্ঠা তখুনি ভেতরে চলে গেল। ভেতরে ঢোলকের  
আওয়াজ শোনা যাচ্ছে। মহিপাল বর্মার সঙ্গে ষষ্ঠী পুজোর বিষয়  
আলোচনা করতে বাস্তু। আমাদের হিন্দুদের মধ্যে ষোলোটি  
মাতুরূপের কল্পনা আছে, ষষ্ঠী তাঁদের মধ্যে একজন।

সজ্জনের মনে চিন্তাধারার প্রবাহ চলেছে, পরিস্থিতির বিপাকে  
পড়ে আজ তাকে বর্মার মত মধ্যবিত্ত ঘরের সঙ্গে দেওয়া-নেওয়ার  
সম্পর্ক স্থাপিত করতে হচ্ছে। তার বাগদত্তা হিসেবেই তারা  
কণ্ঠার জন্তে দামী শাড়ি কিনেছে কিন্তু সে যদি দামী প্রেজেন্ট দেয়  
তাহলে এদের মত ছাপোষা মানুষের পক্ষে তাকে ভালোভাবে  
গ্রহণ করা কি সম্ভব হবে? সেই নিয়ে নানা টিপ্সুনি কেটে তারা  
কথাকে ফেনাবার চেষ্টা করবে। তাদের ঘর অনুযায়ী প্রেজেন্ট  
দেওয়াই ঠিক হবে।

—ষষ্ঠী পুজোর দিনে আমাদের ঘরে বিধাতা ভাগ্যালিপি লেখেন,  
কাউকে রাজা আর কাউকে ফকির করেন। কেউ বদমাইশ আর  
কেউ সাধু। অনেক সময় দশচক্রে ভগবান ভূত হয়ে যায়।  
সাদ্বিক ব্যক্তি অবস্থা-বিপাকে পড়ে দুর্নামের ফলস্ব মাথায় নিয়ে  
ঘোরে। মহিপাল কথা বলতে বলতে উদাস হয়ে গেল।

—আর?

—সত্যি, ভাগ্যের লেখা কে মেটাতে পারে? কর্নেল বললে।

—তুমি ভাগ্য মানো মহিপাল?

—না যেমেও মানিতে বাধ্য হয়েছি।

—যদি ভাগ্য মানো! তাহলে শিক্ষা অশিক্ষা, গরীব বড়লোকের  
কিভেদ...

—এর জন্য পুঁজিবাদীদের ঘাড়ে দোষ চাপাতে চাও না কি?

—হ্যাঁ।

—সজ্জন, নতুন চেতনার উদয় হয় নতুন অভিজ্ঞতা দিয়ে।  
অনুভূতিকে প্রমাণ করার জন্য ব্যক্তিকে যা করতে বা সহ্য করতে  
হয়, তাই তার ভাগ্য, তার ভাগ্যের সঙ্গে সমাজের দায়িত্ব জড়ানো  
—বলতে বলতে মহিপালের স্বর গম্ভীর হয়ে এল— পূর্বজন্মের  
ফলভোগ এ জন্মে করতে হবে, কেউ তার হাত থেকে নিকৃতি  
পাবে না— মহিপালের গলায় যেন শব্দ আসিতে আসিতে বাধা  
পেল। মানুষের ভাগ্যচক্রের অবিরাম গতির রহস্য অতি নির্মম,  
বড়ই মর্মান্তিক।

গত দুদিন থেকে সজ্জনের মনে হয়েছে মহিপাল যেন কোন  
প্রায়শ্চিত্তের আশুনে জ্বলছে, গভীর অবসাদে তার ব্যক্তিত্ব যেন  
মিইয়ে পড়েছে। তার মনোবেদনার কারণ জানার সুযোগ হয়নি।  
কিন্তু তার প্রতিদ্বন্দ্বী শিল্পী বন্ধুর হৃৎথের ভারকে লাঘব করার  
ইচ্ছে তার মনে জাগেনি, উপরন্তু সে যেন সুখীই হয়েছে।

সজ্জন জোরে হেসে বললে— কোন গভীর অপরাধের খোঁচা  
খেয়ে মনের ঘা চড় চড় করছে না কি?

মহিপাল যেন সহসা ধরা পড়ে গেছে, তাড়াতাড়ি নিজেকে  
সামলে, গলার স্বর যথাসাধ্য স্বাভাবিক করে দেতো হাসি  
হেসে বললে— আমার মত কুটিল কুচক্রী... কোন পাপের কথা  
তোমায় বলি?

মহিপালের উত্তর যেন সজ্জনের বুকে শেলের মত বাজল, সেও কত পাপী, কেউ যদি তাকে এই প্রশ্ন করে তাহলে ? নিজেকে পাপ স্বীকারের বেদীতে দাঁড় করানোর মত, সজ্জন গভীর আবেগে বললে— আমি পাপী, বন্ধু, আমি পাপী, তোমার সিদ্ধান্ত অনুযায়ী আসছে জন্মে আমার কপালে না জানি কত দুর্ভোগ লেখা আছে !

—আমরা প্রত্যেকেই পাপী, সকলে যে যার কর্মফল ভোগ করছে। কর্নেল বললে।

—হ্যালো, ডাঃ শীলা কন্ঠার সঙ্গে দালানে এসে দাঁড়াতেই সামনে মহিপালকে দেখে অপ্রস্তুত হয়ে গেছে। মহিপাল থতমত খেয়ে যেন পাথরের মত নিশ্চল হয়ে গেল। এক মহিপাল ছাড়া বাকী সকলেই চেয়ার ছেড়ে উঠে দাঁড়াল।

কন্ঠা সজ্জনকে আড় চোখে দেখে নিয়ে চোখ পাকিয়ে বললে— এখনো তুমি যাওনি ?

—এই যে, এখুনি যাচ্ছি।

মহিপালকে তীক্ষ্ণ দৃষ্টিতে লেখে নিয়ে শীলা কন্ঠার দিকে তাকিয়ে ঠাট্টাচ্ছিলে বললে— বেশ করেছ। দুর্জনকে বেশ কড়া শাসনে রাখো, এইবার জব্দ হবেন।

—আরে বাবা, আমাকে চটিপেটা করুন, আজকাল আপনাদেরই রাজত্ব। সজ্জন হেসে বললে।

—বলেছেন ঠিক কিন্তু পুরুষের জাত যা বেহায়া, আমাদের কমজোর চটির তলা ছিঁড়ে যাবে কিন্তু এদের লজ্জা বলে...

সকলে একসঙ্গে হো হো করে হেসে উঠল। মিঃ বর্মা চেয়ারের কাছ থেকে দূরে সরে যেতে যেতে ডাঃ শীলাকে বললে— আশুন

আসুন বসুন। লোক বেশী আর বসার জায়গা কম দেখে বর্মা বললে— কি আর বলব, আজকাল মেয়েদের রাজত্ব...

—আমি যাচ্ছি। মাথা হেঁট করে মহিপাল বললে।

—কেন? বসো, বসো-না, ডাঃ শীলার স্বরে আগ্রহ, চোখের চাউনিতে করুণ মিনতি। যেদিন কর্নেল মহিপালকে শীলার বাড়ি থেকে নিয়ে এসেছিল, তার পরে আজ তাদের প্রথম দেখা।

মহিপাল অসহায়, করুণভাবে শীলার মুখের দিকে তাকিয়ে, পর মুহূর্তে নিজেকে সংযত করে বললে— না, আমাকে যেতেই হবে।

—দাঁড়াও আমি যাচ্ছি, কর্নেল, এদিকে শোনো, সজ্জন বললে।

—আমি আসার সঙ্গেই আপনারা উঠে পড়লেন যে— বেদনা-মিশ্রিত হাসি হেসে শীলা বললে।

—না না, কর্নেলকে তোমার চাপরাশী হিসেবে ডিউটিতে বসিয়ে যাচ্ছি আর আমি এখুনি ফিরে আসব। আজকাল স্বাধীন পাখি খাঁচায় ধরা দিয়েছে। সজ্জন স্নিগ্ধ দৃষ্টিতে কণ্ঠার দিকে তাকাল।

—পুরুষেরা মেয়েদের হয় অধীনে রাখবে নাহয় নিজেরা গোলামি করবে। স্বামীরা তাদের দাপটে স্ত্রীকে সদাই তটস্থ রাখতে চায়। সমানে সমান ভাবটা যেন এরা কিছুতেই মানতে রাজী নয়। কণ্ঠার চোখে প্রেম-মিশ্রিত মিষ্টি চাউনি ফুটে উঠল।

কণ্ঠার প্রেম পবিত্র, নির্মল স্নিগ্ধ, সজ্জন কেন তার মত গুণের অধিকারী হতে পারছে না। কণ্ঠার নির্মল প্রেমের সঙ্গে তার কলুষিত প্রেমের সঙ্গমে তার প্রেমও নির্মল হতে পারে না?

\*

\*

\*

সজ্জন আর মহিপাল পাশাপাশি হাঁটছে। ছুজনের মনে গভীর চিন্তা।



—আমি ভীষণ নীচ... কৃত্যের মত সচ্ছরিত্র মেয়ের যোগ।  
আমি নই... কিন্তু আমি নিজের কলুষিত হৃদয়ের সঙ্গে ঘুবে চলব,  
আমি পবিত্র হবার চেষ্টা করব। সজ্জনের মন কলুষের নির্মল  
সিদ্ধিতে ডুবে নির্মল হয়ে গেছে।

—আমি অতি তুচ্ছ— আমার জীবনে ধিক... হে ভোলা!  
শিব মহারাজ, আত্মগানিতে ভরা মহিপালের বুক যেন ফেটে  
চৌচির হয়ে যাচ্ছে।

গলিতে ইলেকশনের আলোচনা, সরগরম। জনসংঘ আর  
কংগ্রেসের টক্কর। দুপুরের পর উড়ো খবর শোনা গেল যে,  
কৃষান-মজদুর-প্রজাপাটির প্রতিনিধির অবস্থা একেবারেই কাহিল।  
বিভিন্ন পার্টির ইলেকশন চিহ্নের বিষয় সকলেই মন্তব্য প্রকাশ  
করে বিজ্ঞের মত মাথা নাড়ছে।

## পর্যটন

গলি থেকে বেড়িয়ে দুজনে চৌমাথার মোড়ে এসে পৌঁছাল। চৌক  
আজ লোকে লোকারণ্য। লাউড স্পীকারের আওয়াজের চোটে  
কান ঝালাপালা, আশেপাশের লোকের টেকা দায় হয়ে উঠেছে।  
ভিক্টোরিয়া পার্কের দু'পাশে চায়ের দোকানে সারি সারি চেয়ার  
মাথুবে ভর্তি। ভিক্টোরিয়া পার্কে আজ ভোটের ব্যবস্থা হয়েছে।  
পুলিস, ফাইল বগলদ্রাবা করা অফিসার, গাড়ি, জনতার ভিড়,

হৈ ১৫ ইউগোল। ইলেকশনের গোলমালে গাড়ি পার্ক করে ছেড়ে দেওয়া মোটেই বুদ্ধিমানের কাজ নয় তাই আজ সজ্জন ড্রাইভার সঙ্গে নিয়ে এসেছে। চারিদিকে ইলেকশনের গুঞ্জন শোনা যাচ্ছে কিন্তু হাতের পায়ের কেরামতি দেখা যাচ্ছে না, শান্তি রক্ষার ব্যবস্থা খুব ভালো বলতে হবে। গাড়ির কাছে এসে ড্রাইভারকে না পেয়ে সজ্জনের মন-মেজাজ খারাপ, মহিপাল বোঝালে— আরে যেতে দাও। রাগ করছ কেন? মেলা-ঠ্যালার দিন, কতক্ষণ একা গাড়িতে মুখ বুজে বসে থাকত? আশেপাশেই দাঁড়িয়ে আছে নিশ্চয়, এসো ততক্ষণ পান খাওয়া যাক, কতদিন ইয়ে গেল ভালো একখিলি পান মুখে পড়েনি।

সজ্জন ড্রাইভারের কথাই ভাবছে। কন্যা প্রতীক্ষা করবে। চারটির পর জেঠীর ওদিকে যাওয়া অসম্ভব, মেলা আরম্ভ হয়ে যাওয়ার পর মেয়েদের ভিড়ের মধ্যে কন্যাকে ডেকে পাঠানো মুশকিল ব্যাপার। কন্যার প্রতি তার অনুরাগ ইঠাৎ যেন আবার জিয়োন কাঠির ছোঁয়া পেয়ে চনমনে হয়ে উঠেছে। সময়মত এসে চিত্রা তাকে লজ্জার হাত থেকে বাঁচিয়েছে তাই সে কৃতজ্ঞ কিন্তু চিত্রা কি তার যোগ্য? চিত্রা রক্ষিতা হতে পারে কিন্তু পত্নী হবার যোগ্যতা তার কোথায়? কন্যার তুলনায় চিত্রা? চিত্রা কোনদিনই কন্যা হতে পারে না। অবিবাহিত জীবনের অনিয়মিত জীবন-যাত্রায় পর আজ সে বড় ক্লান্ত, আজ পর্যন্ত সংসারের দায়িত্বের ভার থেকে নিজেকে বাঁচিয়ে রাখার জন্য সে কেবলই পালিয়ে বেড়িয়েছে, বনের স্বাধীন হাতীর মত সে গলায় শেকল পরানোর বিরুদ্ধে। ব্রজের মাটিতে, কন্যার সান্নিধ্যে, তাকে প্রেমপাশে আবদ্ধ করে সে তাকে বাসনার আগুনে পুড়িয়ে মারতে চেয়েছিল

কি ? কণ্ঠার পবিত্র প্রেমের এই কি প্রতিদান ? তাকে বাসনার পিচ্ছিল পথে টেনে নিয়ে যাওয়ার চেষ্টা বিফল হবার পর থেকেই সে যেন কেমন বিক্ষিপ্ত হয়ে গিয়েছিল। মনের স্পষ্ট বাসনা চিত্রার বাতাস লেগে আবার আগুনের শিখা হয়ে জ্বলে উঠেছিল। তবু কেন চিত্রার সহবাস নৈতিক মানদণ্ডে তার কাছে যন্ত্রণাদায়ক হয়ে উঠেছে ? চিত্রার সান্নিধ্যে সে পেয়েছে এক অব্যক্ত যন্ত্রণা, কেবল জৈবিক উত্তাপের স্পর্শ। আজ তার সে সাধ গেছে চূকে, আসল মুক্তার সন্ধান সে পেয়েছে। কণ্ঠা তার অসংযমের জীবনে সভ্য, সুসংস্কৃত সংযমের ছোঁয়া দিয়েছে। তার দাস্তিক স্বভাবে সে এনেছে তার স্নেহশীতল অনুভূতির ছোঁয়া, সে তার মনের বিকারকে দূর করেছে, সে জানিয়ে দিয়েছে যে সে তার গৃহকর্ত্রী, তার ঘরের লক্ষ্মী। তার স্মৃতি, তার স্পর্শ, তার দর্শন—সজ্জনের মনের বিকার দূরে সরিয়ে দিয়েছে। কণ্ঠার আত্মত্যাগ তাকে মুগ্ধ করেছে। এই সময় ড্রাইভারের অনুপস্থিতি তার যেন ভালো লাগল না, তবু এখন তার রাগ অনেকটা পড়ে এসেছে। সত্যিই তো, বেচারী ড্রাইভার একা মুখ বুজে কতক্ষণ গাড়িতে বসে ঢুলত ? সে বেচারাও রক্তমাংসের তৈরী মানুষ।

অন্যমনস্ক সজ্জনকে মহিপাল হাত ধরে টেনে সচেতন করে তুলল—এসো এসো, সাতপাকের আগেই এই অবস্থা তা হলে পরে কি হবে ? এখন থেকেই দাসানুদাস হবার প্র্যাক্টিস—আমাদের মত লোকেরা ভালো স্ত্রীর অধীনে থাকলেই সুখী থাকবে—তাই নয় কি ?

জমনা পানওয়ালার দোকানে তারা পানের প্রতীক্ষায় দাঁড়িয়ে, হ্যাঁ, প্রতীক্ষাই বটে, গ্রাহকের ভিড় যা, বাপ্‌স্‌। লাল মহারাজের

সিদ্ধির দোকানে ইলেকশনের গরমাগরম খবর শুনে পান মুখে দিয়ে সজ্জন বললে— এসো, যাওয়া যাক !

মহিপাল এক সেকেণ্ড কিছু ভাবলে, সজ্জন তারপর বললে— তুমি যাও, আমি এখানেই একটু পায়চারি করব, বেশ ভালো লাগছে।

—তোমার কোন কাজ ছিল না ?

—না না, এমনি তোমার সঙ্গে চলে এলাম। আচ্ছা, এবার তুমি যাও। তোমার ডাইভার কোথায় ?

সজ্জন তার মুখের ভাব ধরে ফেলার চেষ্টা করতে করতে বললে— না যদি এসে থাকে, তা হলে বাসে চেপে বসব।

সজ্জন চলে গেল। মহিপাল পার্কের দিকে পা বাড়াল। ইলেকশন ছাড়া কারুর মুখে অন্য কোন কথাই নেই। বৃদ্ধ, রুগী, পঙ্গু সকলে ভোট দিতে আসছে। মেয়েদের মধ্যে খুব উৎসাহ দেখা যাচ্ছে। দেশের ইতিহাসে তারা প্রথমবার ভোট দেওয়ার অধিকার পেয়েছে, অনেকে নিজেদের পছন্দমত ভোট দিচ্ছে, অনেকে দিচ্ছে স্বামীর ইচ্ছেমত লোককে। এক ভদ্রলোক বার বার তাঁর গিন্নীকে জনসংঘের প্রদীপে চিহ্ন দেবার নির্দেশ দিচ্ছেন, অথচ গিন্নী কংগ্রেসের বলদজোড়ার মহিমায় প্রভাবিত, হুজনে এই নিয়ে বেশ ঝগড়া বেধে গেছে। আশেপাশের লোকেরা গৃহযুদ্ধের মজা দেখছে আর হাসছে। রেগেমেগে শেষকালে ভদ্রলোকের গিন্নী গলা ফাটিয়ে চিৎকার করে উঠলেন— দেখো, আজ জীবনে প্রথম ভোট দিতে এসেছি, যাকে খুসী তাকে দেব, তুমি নাক গলাবার কে ? এবারে মুখ চালালে কিন্তু ভালো হবে না বলে দিচ্ছি।

স্বামী-স্ত্রীর মধ্যে বৃষভ-দীপক পালা নাটকীয় সংঘাতের কাছা-

কাছি পৌছাবে এমন সময় পুলিশের সেপাই এসে স্বামী মশাইয়ের  
কমুই ধরে বললে— ভোট স্থানে প্রচার করা অপরাধ—

— বাবুনিহার দল সঙ্গে গুজে ভোট দিতে এসেছে। স্বাধীনতার  
কীর্তনে মশগুল সভ্যসমাজের গালে যেমন এই দল ঠাস করে কয়ে  
এক চড় দিলে। প্রশ্ন— বাবার নাম? উত্তর—টাকা। আবার  
প্রশ্ন : স্বামীর নাম, উত্তর : টাকা। এদের মধ্যে একজন চঞ্চল  
বাইশ-তেইশ বছরের বাইজী বখ নাড়া দিয়ে বলল—না না, এই  
ইনি আমাদের ভোট দেওয়াতে নিয়ম এসেছেন তাই ফিলহাল  
ইনি সম্পর্কে আমাদের স্বামী। সকলে মুখে কাপড় চাপা দিয়ে  
খিল খিল করে হেসে উঠল।

ইলেকশনের হৈ হুল্লোড়, মেহোবাজারের জীবন্ত ছবি দেখতে  
মহিপালের মন লগছে না। দেশের গণতন্ত্র প্রণালীতে, প্রাপ্ত-  
বয়স্কদের ভোটাধিকার দিয়ে গড়া আমাদের এই ডেমোক্রেটিক  
শাসনতন্ত্র দেখে মাথায় হাত দিয়ে বসে পড়তে হয়। প্রাচীন  
ভারতে সামন্ত শাসনতন্ত্রে কোন শ্রী, কারীগর, ব্যবসায়ী, শূদ্র—  
করুর কোন অধিকারের প্রশ্নই ছিল না। জনতাকে শাসন  
করার একমাত্র অধিকার ছিল সামন্ত ক্ষত্রিয়দের হাতে। আজকের  
প্রগতিশীল সমাজের বহু আলোচিত ইলেকশন প্রণালী যেন বড়ই  
অর্থহীন হৈ-হুল্লা। হঠাৎ কলকতার শেয়ার মার্কেটের ভেতরের  
কোলাহলের কথা মহিপালের মনে পড়ল, শেয়ার বাজারের হাঙ্গামা  
জার গণতন্ত্রের সার্বভৌমিক ইলেকশন লড়ার একই টেকনিক।  
আমাদের বিধান কেবল লক্ষী আর চেয়ার হস্তগত করার বিচ্ছেদ  
আমাদের শেয়ার। আমাদের প্রাচীন দেশের পৌরবয় ইতিহাসের  
পাঠ্য খুলে আমরা গর্বে বুক চিতরে ইটি, অথচ আজকের

সমাজের সভ্য সুশিক্ষিত জনসেবকরা এ অল্পসংখ্যক চোখ বুজে কেন  
সহ্য করে যাচ্ছে? ছিল্লোড়বাজি করে অন্ধ বিকশিত হতে  
পারে না। তবে? ছর্নীতি ও সংকীর্ণ স্বার্থের উলঙ্গ নৃত্য, ক্রুর  
চালাকি, সব মিলে আজ সভ্য মানুষ দিগ্ভ্রান্ত হয়ে পাপনের মত  
নিজের পায়ে নিজেই কুড়ল মারছে।

চিন্তাধারার প্রবাহে যেন ইঠাৎ বাধা পড়ল, নিজের অজান্তেই  
জিত দাঁতের মাঝে চেপে গেছে— উঃ!। সভ্যতা, সংস্কৃতি, আদর্শ,  
শ্রম, সৌন্দর্য, সভ্য মানবতা ইত্যাদি শব্দকে যে সাহিত্যিক নিত্য  
নতুন পরিভাষায় সাজিয়ে প্রস্তুত করেছে, আজ সে আত্মগানির  
আগুনে জলে পুড়ে শেষ হয়ে যাচ্ছে। তার মানসিক জড়তা আজ  
তাকে উপহাসাম্পদ করে ছেড়েছে।

না না, আমার মানসিক দেউলেপনাকে আমি কিছুতেই বরদাস্ত  
করতে রাজী নই— আমাকে আমার পরিস্থিতির সঙ্গে যুঝতেই  
হবে। শকুন্তলার বিয়ে, দেনা-পাওনা, লৌক-লৌকিকতার জগ্ন  
অনেক খরচ তাকে করতেই হবে। যদিও সে জানে খোলামকুটির  
মত পয়সা ওড়ানো খারাপ, বিয়েতে যা কিছু খরচ সব বাজে,  
অর্থহীন তবু তাকে সামাজিক ব্যবস্থার সামনে মাথা হেঁট করতেই  
হবে। একা একশো হয়ে বর্তমান ব্যবস্থাকে পাণ্টে ফেলতে  
পারবে না, একা মহিপাল শুরু কত কি করবে? কল্যাণী  
বেচারীকে সে কতদিন এমনভাবে দারিয়ে রাখবে? শকুন্তলার  
বিয়েতে জাঁকজমক করার তার বিশেষ ইচ্ছে, এই সুযোগে সে  
তার উদার মনের পরিচয় দিতে চায়। আজকাল ননদের মেয়ের  
বিয়ে দেবার কথা কোন্ বাড়ির স্ত্রী ভাবে? বাস্ এ মাসে  
শকুন্তলার যোগ্য বর খুঁজে তার বিয়ে দিয়ে ফেলবে। একটা

বোঝা ঘাড় থেকে নাবিয়ে তারপর আবার ভাবা যাবে, নিজেরও তো ছেলেমেয়ে আছে। তাদের শিক্ষা দিয়ে মানুষ করে জীবনে প্রতিষ্ঠিত করবার ভার তার একারই ঘাড়ে। নিজের কর্তব্য থেকে বিমুখ হওয়া উচিত নয়।

বর্তমান জীবনযাত্রা জটিল থেকে জটিলতর হয়ে চলেছে। এরজন্তে দায়ী কে? আমাদের সমাজের কুরীতি, সমাজের সঙ্গেই জড়িত রয়েছে ব্যক্তির জীবন। সমাজ আর ব্যক্তি দুজনে একই নাগরদোলায় বসে ঘুরপাক খাচ্ছে। আজকের সমাজের পঙ্গু ব্যক্তিই নিজের নিজের আদর্শকে ভেঙে চুরমার করে দিচ্ছে কেন? মনের রেণুতে রেণুতে যে আদর্শবাদ তা সমাজের চাপে নষ্ট হয়ে যাচ্ছে। শিক্—মহিপাল যেন এক যন্ত্রচালিত মানুষ, তার সম্পূর্ণ অস্তিত্ব আজ মিথ্যে হয়ে গেছে। তার অন্তর্দৃষ্টি আজ সংকুচিত। শূন্য দৃষ্টিতে চোখ মেলে চারিদিকে তাকাতে তাকাতে মহিপাল একেবারে রাস্তার মধ্যখানে এসে দাঁড়িয়ে পড়ল। কানের কাছে হর্ন শুনে সে চমকে উঠল—

—আরে পণ্ডিতমশাই তুমি এখানে? রূপরতন গাড়ি থেকে গলা বাড়িয়ে জিজ্ঞেস করলে—আমবে? তোমার সঙ্গে আমার একটু দরকার ছিল।

—চলো যাক্, ইলেকশনে আমার কোন বিশেষ ইন্টারেস্ট নেই, এমনিই ঘুরতে ঘুরতে মজা দেখতে দাঁড়িয়ে পড়েছিলাম। গাড়িতে যেতে যেতে মহিপাল প্রশ্ন করলে—এবারে তুমি ইলেকশনে দাঁড়ালে না?

—সত্যি বলব? বেনের ছেলে আগে ব্যবসা তারপর অগ্নি কথ। মহিপালের মনে বিগত দিনের ছবি ভেসে উঠল—এই

সেই রূপরতন, কত লম্বা লম্বা সমাজকাদী কথা বলে লোক ঠকাত, সমাজসেবার ভাঁওতা দিয়ে তাকে বোকা বানিয়ে রেখেছিল। হঠাৎ মহিপালের কাঁধে হাত রেখে রূপরতন বললে— মন্ত্রীপদ পাবার কোন আশা নেই, আমার চেয়ে অনেক বড় বড় সব ইলেকশন লড়ছেন। উপমন্ত্রী পদের নিলামে আমি আর এগুলাম না। তুমি তো জানো এসব আমার সহ্য হয় না। এ ছাড়া আজকাল মাগিয়ার দিন, বিজনেসে সময় না দিতে পারলে শেষকালে ছ'মুঠো জোটানো মুশকিল হয়ে পড়বে।

—আরে তোমার মত লক্ষপতি মাগিগণ্ডার কথা ভাবে? হাঃ হাঃ...

—হাঃ হাঃ হাঃ, জলপ্লাবন যখন আসে তখন সে বড় ছোট সকলকেই টানে। সেইজন্মে সব সময় সাবধান থাকতে হয়।

—তুমি রাজনীতির কচকচানি থেকে দূরে চলে এসে ভালোই করেছ।

—না, একেবারে গঙ্গাস্নান করিনি, যাক সে-সব কথা। একটা প্রোপোজাল আছে, তোমার নতুন বই সব আমায় দিয়ে দাও, আর তোমার পুরোনো বইয়ের কপিরাইট তোমায় ফেরত দিয়ে রয়েলটি বেসিসে নিয়ে নেব। কুড়ি পারসেন্ট দেব, বলো রাজী?

মহিপাল ভাবতে লাগল, রূপরতন নতুন পজিশনের স্বীম তৈরী করে এনেছে তাই আমায় লোভ দেখাচ্ছে... এই সুযোগ ছাড়া বুদ্ধিমানের কাজ হবে না। গলা নাবিয়ে মহিপাল বললে— হ্যাঁ, আমার তো তাতে লাভই তবে ভবিষ্যতে সতর্ক...

—যা হয়ে গেছে তা ভুলে যাও। সত্যি কথা বলতে কি তুমি তখন তোমার স্বপ্নকে সাকার করার নতুন উৎসাহ নিয়ে এ লাইনে



খাপিয়ে পড়েছিলে। তোমার আমার বন্ধুত্বে কোনদিন আঁচড়  
লাগেনি, আজও আমি তোমার সেই রূপরতন, সেই ভালোবাসা,  
সেই ওঠা-বসা...

—বলার দরকার নেই, ব্যবহারেই সব বোঝা যায়। আমার  
বইয়ের দরুন আগাম টাকা কত দেবে?

—কটা বই?

—আমার তিনখানা বইয়ের নতুন এডিশন বেরোয়নি, প্রকাশক  
মশাই দেউলে হয়ে বসে আছেন। যাক আজকাল এক নতুন  
উপন্যাস...

—তিন-চার হাজার যা বলবে দিয়ে দেব।

—আর আমার পুরোনো বই?

—বাঃ পণ্ডিত মশাই দেখছি ইদানীং বেশ চালাক চতুর হয়ে  
গেছেন।

—জীবনের অভিজ্ঞতা অনেক কিছু শিখিয়ে...

—হ্যাঁ হ্যাঁ, আমাদের বনবে ভালো। যা ইচ্ছে হয় বলো,  
পেয়ে যাবে।

—নতুন কোন সাপ্তাহিক বার করবে না কি?

—হ্যাঁ, বার করতেও পারি। তোমাকে দেখেই প্রেরণা পাচ্ছি।  
এবারে প্রকাশক হয়ে এ দিকটাতেই বেশী নজর দেব ভাবছি।  
এ লাইনে আমি এক নতুন এক্সপেরিমেন্ট করতে চাই, ভারতীয়  
ভাষার উপন্যাসে পেন্সুইন সারীজ বের করব, পাবলিসিটি  
আমেরিকান স্টাইলে হবে। ভারতের প্রত্যেক বড় শহরে মহিপাল  
শুকের উপন্যাস নিয়ে— আই মীন যে লেখকদের বই আমি  
প্রকাশিত করব— সাহিত্যিক গোষ্ঠীতে আলোচনা হবে, পেনপার্স

পড়া হবে, প্রত্যেক স্কুল, কলেজ, স্টেশনের প্ল্যাটফর্মে, খবরের কাগজে সব জায়গায় তোমার নাম ছড়িয়ে পড়বে। আমার বিশ্বাস এর আগে হিন্দী বইয়ের বিক্রির বাজারে এ ধরনের এক্সপেরিমেন্ট কেউ করেনি।

গাড়ি শেঠজীর বাড়লো বাড়ির পোর্টিকোতে এসে দাঁড়াল। ইতিমধ্যে মহিপালের মনের অবসাদ মেঘ হয়ে উড়ে গেছে, নতুন প্রপোজনের সঙ্গে জড়িত তার উজ্জ্বল ভবিষ্যতের কল্পনায় সে মশগুল।

শেঠজীর লাইব্রেরিতে বসে ছদ্মটা ধরে এই নিয়ে আলাপ-আলোচনা হল। মহিপাল বললে— আমার এক কাজ করে দেবে?

আমি একটা গলার হার বেচতে চাই।

—সোনার?

—না, নবরত্নের জড়োয়া কাজ করা।

—কোথায় পেলেন?

—মায়ের হার— বেশ ভারী।

—কেন বিক্রি করছ?

—ভাগ্যীর বিয়ে দিতে হবে।

—কত খরচ করবে?

—এই পনেরো হাজার।

—বড় বেশী হবে না? তোমার নিজের ছেলেমেয়ে আছে...  
মামার বাড়ির সাহায্য...

—কল্যাণী আর গট্টুকে নিয়ে যেদিন সে বাড়ি থেকে চলে এসেছি, আজ পর্যন্ত এক পয়সার সাহায্য হাত পেতে নিইনি। জমিদারি শেষ হয়ে গেছে। তাদের অবস্থাই এখন পড়তির দিকে, পরন্তু আবার সেখানে ডাকাতি হয়ে গেছে।

—তাই না কি ?

—হ্যাঁ, আমি ঘটনাস্থলে ছিলাম ! আমার হাতে একজন ডাকাত মারা পড়ল ।

—আচ্ছা !

—সে আর বলতে, ডাকাতের গল্প অনেক শুনেছিলাম, সেদিন প্রত্যক্ষ দর্শন করে নিলাম ।

—তোমার মামাবাড়ির কারুর...

—হ্যাঁ, এক চাকর গুলি খেয়ে সেখানেই ঠাণ্ডা হয়ে গেল, অণ্ড একজনের অবস্থা ভালো নয়, হয়তো কাল পর্যন্ত হেঁচকি তুলবে । দুজনের মামুলী চোট লেগেছে ।

—কত লোকসান হল ?

—দেড় লক্ষ টাকার গয়নাগাঁটি নিয়ে গেছে, বেশ বড় লোকসান হয়ে গেল ।

—হ্যাঁ তা তো বটেই ।

—আমি এইজন্মে বেশী চিন্তিত ।

—কেন ?

—আরে সেই হারের কথা...

—হ্যাঁ হ্যাঁ নিয়ে এসো, দেখে নেব... ডাকাতের সংগঠন, সে যুগের কমান্ডিজম । পয়সাওয়ালাদের লুটে নিয়ে গরীবদের মধ্যে বিলিয়ে দেওয়া ।

—আমি এর মধ্যে সামন্তবাদের আভাস পাচ্ছি, ডাকাতেরা বলশালী হবার পর রাজা হয়ে বসত ।

—তোমার কথা আমি ঠিক বুঝতে পারছি না ।

—মহেনজোদারো আর হরপ্পার মত নগর রাজ্যকে নষ্ট করে

সামন্তরা জনতাকে এক নতুন আশ্বাস জানিয়েছিল, পৃথিবীতে সব জায়গায় ছড়িয়ে পড়ো, লাঙল যার জমি তার, সামন্ত কেবল তার রক্ষক তাই সে চাষার কাছ থেকে আনাঙ্কের ছয় ভাগের এক ভাগ আদায় করে নেয়, বাকী যা রইল সে চাষীর লাভ। ধীরে ধীরে চাষারা স্বতন্ত্র হয়ে উপার্জন করা আরম্ভ করে দিলে, প্রগতির ইতিহাসে এক নতুন অধ্যায় লেখা হল।

আমার মনে হয় যে ইতিহাসের তথ্যকে তুমি ইচ্ছেমত ছমড়ে মুচড়ে এক নতুন ধিয়ারি...

—না, সে কথা নয়, ভারতের ইতিহাসের পর্যালোচনা করার পরই তার দুর্বলতার পরিচয় পাওয়া যায়। মহেনজোদারো আর হরপ্পার ঐতিহাসিক অন্বেষণ কেবল কোতূহল তৃপ্ত করার জন্ম হয় নি। আমাদের অনেক বৈদিক পৌরাণিক কাহিনীকে নিরর্থক প্রতিপাদিত করেছে আমাদের সভ্যতা বিকাশের পরিকল্পনা। যেমন ‘পুরন্দর’ শব্দকে নিয়ে নাড়াচাড়া করলে বুঝতে পারবে এই শব্দের মধ্যে লুকিয়ে আছে সেই যুগের প্রতীক। নগর রাজ্যের শাসক সামন্তদের শত্রু ছিলেন কেননা তাঁরা বাণিজ্য করতেন। আর্য সামন্তরা মিলে চাষের ব্যবস্থায় আনলে আমূল পরিবর্তন। ছোট ছোট কারিগর যারা বড় মহাজনদের আশ্রিত ছিল, তারা চাষ আবাদ করে ক্রমশ স্বাধীন হয়ে গেল। ‘উত্তম খেতী মধ্যম বান’ শ্লোগান চারিদিকে ছড়িয়ে পড়ল। সামাজিক গঠনে পরিবর্তন দেখা দিল।

—বেশ লাগছে শুনতে, আচ্ছা চা টা কিছু খাবে?

—না, আমি বাড়ি যাব।

—ড্রিং করে স্ত্রীর কাছে যেতে ভয় করছে বুঝি? হাঃ হাঃ

এইখানে থেকে যাও, তোমার শ্রীমতীকে খবর পাঠিয়ে দিচ্ছি  
তার কতটা এখানে।

—একবার বাড়ি ঘুরে আসি, হারটা নিয়ে আসব। দাম্পত্য  
জিনিস বাড়িতে রাখা...

—কেন? তোমার জ্বর কাছেই রাখা আছে নিশ্চয়।

—হ্যাঁ হ্যাঁ ওর কাছেই রাখা আছে, তবু যখন থেকে ডাকাত  
হয়েছে তখন থেকে...

তুমি সেই ভীতু বামুনই রয়ে গেলে। ডাকাত সোজা তোমার  
বাড়ি হামলা করতে আসবে না।

মহিপাল লজ্জা পেয়ে দাঁতো হানি হেসে বললে—না না,  
একবার ঘুরে আসি। আচ্ছা, আজ তোমার কাছেই থেকে বাই,  
বাড়িতে বলে চলে আসব।

রূপরতন কলবেল টিপলেন। চাপরাশী এসে হুকুমের জ্ঞান দাঁড়াল।

—গাড়ি গ্যারেজ থেকে বের করতে বলে।

## ছত্রিশ

দোলের আগের দিন বিকেলে, সজ্জন পেন্টিং করার পর ক্লান্ত  
হয়ে পেছনের বারান্দায় বসে চা খাচ্ছে। হঠাৎ পুরোনো দরওয়ান  
এসে খবর দিলে হজুরের শাওড়ী ঠাকরুন এসেছেন, সঙ্গে হজুরের  
শালা মশাই আর একজন মহিলাও এসেছেন। নতুন সম্পর্কেব

ঘোষণা শুনে সজ্জন যেন চমকে উঠল, এ কথা ঠিক যে বিয়ে করলেই আত্মীয়তার পরিধি বাড়ে কিন্তু তাই বলে একেবারে হঠাৎ ঘাড়ে এসে হাজির ?

স্বর্গীয় রায়বাহাদুর লাল কল্লোমলের আর্টিস্ট নাতি আর নিজের জামাইয়ের বৈঠকখানা বেশ ভালো করে দেখছেন— বাবু জগদম্বা সহায়ের পত্নী। তিনি তাঁর নিজের পেটের মেয়ের ভাগ্যকে ঈর্ষা না করে যেন পারছেন না। তাঁর পাশেই ছেলের হতভাগিনী বউ কাঠের পুতুলের মত বসে, সামনের সোফায় শালা মশাই হাঁটু মুড়ে বাবু হয়ে, কপালে সিঁহরের কোঁটা লাগিয়ে ধ্যানমগ্ন বসে আছেন।

সজ্জন বড়লোকী চালে ঘরে ঢুকলে। শাশুড়ীকে দেখলে, লম্বা দোহারা চেহারা, বয়সকালে নিশ্চয় সুশ্রী ছিলেন, পান দোকান কালিমায় ঠোঁট কালো হয়ে গেছে, চোখের কোণে একগাদা পিচুটি। দূর থেকে দর্শন করলেই বোঝা যায় যে তিনি বেশ কয়েকদিন থেকে জলের ঘটি গায়ে ঢালার কষ্ট করেননি। দ্বিতীয় মহিলাটি যদিও পর্দানশীন নয় তবু যেন কেমন চাপাচুপি ভাব, তার শ্যামবর্ণ চেহারায় ছুটি চোখের চাউনি বড়ই করুণ, দুঃখে তার শ্যামবর্ণ মুখ পাণ্ডুবর্ণ হয়ে গেছে। শালা মশাইকে দেখেই তার যেন কেমন কেমন লাগল, মনে মনে না হেসে পারলে না। সজ্জনকে দেখে তার শাশুড়ী আর শালাজ ঝটপট দাঁড়িয়ে উঠলেন। শাশুড়ীর ছেলের ধ্যানভঙ্গ হল, চোখ খুলে ঘাড় নীচু করে একটু হাঁটু নাড়িয়ে তিনি ধ্যানাবস্থিত মুদ্রায় বসে এমনভাবে ভগ্নিপতির দিকে তাকালেন যেন শিব তাঁর তৃতীয় নেত্র খুলে ভস্ম করে দেবেন।

সজ্জন বিনয়ের অবতার হয়ে হাত জোড় করতেই শাশুড়ী ঠাকরুন হাত তুলে অটেল আশীর্বাদ ঢেলে দিলেন।

—আমার মেয়ে নন্থী (খুকী) পূর্বজন্মে অনেক পুণ্য করেছিল বাছা, তাই এজন্মে তোমার মত ঘর বর পেয়েছে। সত্যি কথা বলতে কি আমরা তোমার মত ধনীমানী ব্যক্তির পায়ের ধুলোও নয়। বলতে বলতে শাশুড়ী ঠাকরুন কোমরে গাঁজা রুমাল-বাঁধা আংটি বের করে সজ্জনের দিকে হাত বাড়িয়ে—  
এই...

—এ আবার কি ?

—এটা নিতেই হবে। আচার-বিচার মেনে বিয়ে করলে কত কী হত—দেনাপাওনা, আশীর্বাদ, গায়ে হলুদ—তুমি বাছা আমাদের কানাকড়িও খরচ হতে দাওনি—শাশুড়ী ঠাকরুনের পিচুটি ভরা চোখে বাৎসল্য রস ঝিলিক মারলে। জামাইয়ের ডান হাতের দামী পান্নার আংটির পাশে সস্তার পাতলা টিলেঢালা আংটি আঙুলে গলিয়ে দিয়ে আশীর্বাদের বুড়ির বাদবাকী সবটুকু উজাড় করে দিলেন। শাশুড়ীর ব্যবহার তার মোটেই ভালো লাগল না। মাতৃস্নেহের নাটক তিনি ভালোই করলেন, কিন্তু জামাতাকে সন্তুষ্ট করতে পারলেন না।

—হরি ওম্ ব, শালা সায়েব সমাধিভঙ্গ করে চারিদিকে তাকিয়ে ফৌস করে দীর্ঘশ্বাস ফেলে মিটমিটে চোখে ভগ্নিপতিকে খুঁটিয়ে খুঁটিয়ে দেখছেন। রোগা পাণ্ডুবর্ণ দুঃখী শালাজ বেচারী মাথা নীচু করে জড়সড় হয়ে বসে আছে।

—নন্থা (খোকা), ভগ্নিপতির মুখমিষ্টি করাও, এমন করে দেখছ কি ? (সজ্জনকে) ছোটবোন তো, বড় ভালোবাসে। আমার

মেয়েও দাদা বলতে অজ্ঞান। কি আর বলি তোমাকে বাছা, ভগবানের মার ছনিয়ার বার...

বাইরে পোর্টিকোতে গাড়ি এসে দাঁড়াল, দরজা খোলার আওয়াজ শোনা গেল। সজ্জন হাঁপ ছেড়ে বাঁচলে, চোখেমুখে খুসী উপচে উঠল, দরজার দিকে সতৃষ্ণ নয়নে তাকাল। চিকনের শাড়ি, হাক্কা পেস্টা রঙের সাদা গরম ব্লাউজের ওপর হাক্কা চকলেট রঙের শাল, পায়ে সরু পট্টির চটি পরে কন্যা সত্যিই মোহিনীরূপে দেখা দিল।

মাস্টার জগদম্বাসহায়ের স্ত্রী আজ কতদিন বাদে তাঁর সম্মানকে দেখলেন। চাল-চলন হাবভাব, সব যেন বদলে গেছে কিন্তু বাড়ির লোকদের দেখে তাকে শিশুর মত খুসীতে লাফিয়ে উঠতে দেখে তিনি যেন তাঁর মেয়ের স্বভাবের বিষয় খানিকটা আশ্বস্ত হলেন। খুকী তার মায়ের হাজার দুর্ব্যবহারের পরও সেই খুকীই রয়েছে। মা, মায়ের চেয়ে বেশী পাণ্ডুবর্ণ উদাস পাথরের মূর্তি বউদিকে দেখে কন্যার চোখে যে আনন্দমিশ্রিত অশ্রু চিকচিক করে উঠেছে, সেই দৃশ্য সজ্জনের মানসপটে যেন বড় মর্যাস্তিক চিত্র এঁকে দিলে। রক্তের সম্পর্ক যতই কঠিন ততই হয়তো সহজ। কত ভঙ্গুর তার টান অথচ কত মজবুত। কন্যার দাদা সোফায় যথাবৎ বসে আছেন, মাঝখানে এক-আধবার আধখোলা চোখে তিনি দেখার চেষ্টা করলেন, আশ্রা আর নন্থীর মিলন দৃশ্য, এই অসার সংসারের মায়াকে বেশীক্ষণ না দেখে তিনি আবার ধ্যানে লীন হয়ে গেলেন।

কন্যা বউদিকে জড়িয়ে ধরল। মার সঙ্গে হেসে হেসে কথা বললে। দাদাকে প্রণাম করলে কিন্তু তিনি নিশ্চল, সমাধিমুদ্রায় তাঁর ক্র এমনি কোঁচকানো যেন একটি শূন্য মানে একেবারে গোল, যেন কার্টুনের ছবি।



—এ শালা সত্যিই গালাগালের আসল ব্যাণ্ড শালা— সজ্জন আপন মনেই ঠাট্টা করে হাসল।

সজ্জনের শাশুড়ী মেয়ের গলায় মটর মালা পরাচ্ছেন, সে দৃষ্টে আন্তরিকতা আর পবিত্রতার সম্পূর্ণ অভাব।

—হরি ওম্, বজ্ররঙ্গবলি, শালা সায়েব সমাধি থেকে জাগলেন। গোল গোল চোখ মটরের দানার মতই স্থির নয়। আত্মা বললেন— আরে নন্থা, বোনের বাড়ি বেড়াতে এসে চুপচাপ বসে...

—হ্যাঁ, মিস্টার সজ্জন বর্মা, আপনার মহলে বসে ধূমপান করা যায়? বিড়ি ধরাতে পারি কি?

—দাদা, কি যা-তা বলছ? বিড়ি ধরাতে হয় ধরিয়ে নাও, কত্তা ভাইকে সচেতন করার জন্তে বললে।

সজ্জন তার গাউন থেকে সিগারেট কেস আর লাইটার বের করে শালার দিকে বাড়ালে। শালা বাহাদুর বললেন, উঃ আপনার বাড়ির জলস্পর্শ করতে মানা।

সজ্জন সিগারেট কেস পকেটে রেখে নিয়ে কত্তাকে বললে— আমি তাহলে চলি ডার্লিং, আমার একটু কাজ আছে, তুমি মাকে...

—বাহা, তোমার সঙ্গে একটু দরকার ছিল। সজ্জন যেতে যেতে আবার দাঁড়িয়ে পড়ল। বনকত্তা বট করে স্বামীর মুখের ভাব বোঝার চেষ্টা করলে, মুড ভালোই মনে হচ্ছে। শাশুড়ী জামাইকে তার পাশে বসার আগ্রহ প্রকাশ করলেন কিন্তু সজ্জন মাথা নেড়ে বললে— আমার পায়চারি করা অভ্যাস। মাস্টার জগদন্মাসহায়ের স্ত্রী কিছু বলার জন্তে মুখ খুলতেই শালা সায়েব তাঁর ভগ্নীকে ডাকলেন— নন্থী।

—হ্যাঁ।

—আজ আমার এখানে আসার কারণটা বুঝতে পেরেছ ?  
কাল রাত্তিরে শঙ্করের সঙ্গে এই নিয়ে বেশ খানিকক্ষণ তর্কাতর্কী  
হয়ে গেল। সে বললে যে বোনের স্বস্তুরবাড়ি যাওয়া আমার  
কর্তব্য, আমি বললুম যে আমি কখনো সেদিক মাড়াব না। এই  
কথার ওপর আমাদের মধ্যে জেদাজেদী হয়ে গেল। শেষকালে  
বেগতিক দেখে আমার আলীগঞ্জের হনুমান মন্দিরের হনুমানজী  
সাক্ষাৎ এসে মিটমাট করিয়ে দিলেন।

সকলে তার দিকে স্তম্ভিত হয়ে চেয়ে আছে। কস্তার মা মেয়ের  
সঙ্গে ছোটো প্রাণের কথা করে নেবার জন্য আতুর কিন্তু নন্থা মশাই  
কথা শেষ করার পাত্র নন।

—হ্যাঁ জানো নন্থী, আগের থেকে আমি এখন অনেক উচু  
দরের ভক্ত, সিদ্ধি এসে গেছে হাতে, আমি যদি ইচ্ছে করি তাহলে  
এই মুহূর্তে তোমার বাড়ির সাজসজ্জা আমার বাড়ি পৌঁছে দিতে  
পারি কিন্তু না থাক, মায়ামোহের চক্রে পড়ে কোন লাভ নেই।  
যেদিন আমার কাছে সিদ্ধি দেবী এসেছিলেন সেদিন তিনি কানে  
কানে বলে গিয়েছিলেন যে যদি আমার মনস্কামনা প্রবল হয়,  
তাহলে প্রতিদিন এক হাজার টাকার করকরে নোট বালিশের  
তলা থেকে পাব। আমার জায়গায় যদি মা হতেন তাহলে ঠিক  
লোভের ফাঁদে পা দিয়ে বসে থাকতেন কিন্তু আমার গুরু বজ্রবলী  
কানে কানে বলে গেছেন—বিষ্ণুসহায়, মায়ার ফাঁদে পা বাড়িও  
না, তার চক্রে পড়ে বৃথাই জীবন নষ্ট হবে, আমি তোমাকে  
ভগবানের দর্শন করিয়ে...

—নন্থে, কি বাজে বকবক করছ ? একটু কিছু কাণ্ডজ্ঞান—  
কস্তার মা বললেন।

—তুমিই যখন তখন বাজে কথা বলতে থাক, তুমি আমার সিদ্ধিকে অবিশ্বাসের চোখে দেখ? সজ্জনের শালা বাহাদুর তার মায়ের দিকে চেয়ে হুঙ্কার ছাড়লেন। বউয়ের পাণ্ডুবর্ণ চেহারা ভয়ে শুকিয়ে গেছে—আম্মা, বলে দিন আপনি বিশ্বাস করেন, বউ দয়ার ভিক্ষা চাইলে। নন্থে মশাই দাঁতে দাঁত চেপে মায়ের দিকে এগুচ্ছেন দেখে সজ্জন তাড়াতাড়ি তার হাত ধরে জোরে ঝাঁকানি দিয়ে বললে—চুপ করে বসে থাকুন এখানে।

ভগ্নিপতির রুদ্রমূর্তি দেখে শালা মশাইয়ের পুরুষ শাস্ত হয়ে গেল, মুখের মধ্যোই ধীরে ধীরে বকবক করা শুরু করলেন—আমাকে বিড়ি খেতে দেবে না। আমি শঙ্করলানকে গিয়ে বলছি এখুনি, আমার গুরু তোমাকে দেখে নেবেন। দাঁতে দাঁত পিষে ফোঁস ফোঁস করে তিনি নিঃশ্বাস নিতে লাগলেন।

মাস্টার জগদম্বাসহায়ের ধর্মপত্নী নিজের মেয়েকে সম্বোধন করে বললেন—সেদিনকার পর থেকে এর এই অবস্থা হয়েছে। মিনিটে মিনিটে উৎপাত করে মেরে ফেলল। আমরা যে কীভাবে দিন কাটাচ্ছি এক ভগবানই জানেন। সংসারের হাড়ির হাল তোমায় আর কত শোনাব... (সজ্জনকে) এমন মানুষের সঙ্গে এক ছাদের তলায় বাস করা চাট্টিখানি কথা নয়। প্রত্যেকের সংসারেই জোড়াতালির ব্যাপার আছে, আমি একা কি কসুর করেছি বলতে পারো? তুমিই গায় বিচার করো বাছা আমার।

—এসব কথা এখন থাক আম্মা। কণ্ঠা যথাসম্ভব নিজেকে সংযত করে মাকে বললে।

বিষ্ণুসহায় (নন্থাবাবু) হঠাৎ উঠে দাঁড়িয়ে খপ করে টেবিলে রাখা মিষ্টির হাঁড়িতে হাত ঢুকিয়ে দিলেন, মা কণ্ঠার কথার উত্তর

দিতে গিয়ে ছেলের কাণ্ড দেখে ধমক দিয়ে উঠলেন— নন্হা, মাথায় কি একেবারেই গোবর পোরা? ছোট বোনের বাড়ির...

—সব মায়া, মিথ্যা, চুপ করো— বলে বিষ্ণুসহায় একসঙ্গে পাঁচ-ছয়টা মিষ্টির টুকরো মুখে পুরে দিলেন।

সজ্জনের শাণ্ডী করুণ দৃষ্টিতে জামাইয়ের দিকে তাকিয়ে বললেন— এই অবস্থা— এর জন্তে আমরা দুদণ্ড শান্তিতে চোখবুজে ঘুমুতে পারি না, বাড়ির কোন কাজ এর জ্বালায় করার জো নেই। রান্নাঘরে ঢুকে রান্না করা খাবার লাথি মেরে ফেলে ছত্রাকার করে দেয়, কখনো বাড়া ভাত বাইরে কুকুরকে খাইয়ে আসে... তোমাকে আর কি বলি বাছা, পেটের ছেলের হাতে মার খেয়ে খেয়ে হাড়ে হাড়ে ব্যথা হয়ে গেছে। প্রাণ কোনগতিকে শরীরে আটকে আছে এই পর্যন্ত। নন্হী তুই নিজের বাবাকে জেলখানায় পাঠিয়েছিস, এবার ভাইকে পাগলা গারদে পাঠিয়ে আমার জন্তে একটু বিষ কিনে এনে দে, তাহলে— আমাদের গলা বন্ধ হয়ে এল, চোখের জল গড়িয়ে পড়ল, শাড়ির আঁচল দিয়ে মোছার সঙ্গেই কিছুটা পিচুটি বেরিয়ে যেতে, চোখ পরিষ্কার হয়ে গেছে। কণ্ঠার কাঁধে হাত রেখে সজ্জন গলা নামিয়ে বললে— এঁকে বাবাজীর কাছে পাঠিয়ে দেব?

কণ্ঠা মনের বেদনা আর অনিশ্চয়তার সর্পিল পথের কথা ভেবে স্বামীর দিকে চেয়ে বললে— আমাদের জিজ্ঞেস করে দেখো।

কথাটা আমাদের কানে যেতেই তিনি তাড়াতাড়ি উত্তর দিলেন— ভিমরতি হয়ে গেছে, বাড়িতে কেউ পুরুষ নেই তাই বাঘ হয়ে... হঠাৎ তিনি জামায়ের পায়ে মাথা খুঁড়তে লাগলেন। সজ্জন হকচকিয়ে গিয়ে তাড়াতাড়ি শাণ্ডীর হাত ধরে বললে— একি? একি? উঠুন।

—বাছা, আমার হাতের নোয়ার দিবি, ওঁকে ছাড়িয়ে এনে দাও। ভগবান তোমাকে অনেক কিছু দিয়েছেন, তিনি আমার জীবনের একমাত্র আশা ভরসা, তাঁর জন্তে কত দুঃখই না সয়েছি।

—বাবা আইনের হাতে বন্দী, আমরা এতে কিছুই করতে পারি না।

—আমি তোমাকে কিছু করতে বলিনি নন্থী। যার জোর পেয়ে তুমি বাপকে জেলখানায় পাঠালে, সে তখন আমার কেউ ছিল না। বটে তবে আজ সে আমার জামাই, পুত্রস্থানীয়, তার ওপর আমারও অধিকার আছে, আমি তার মাতৃস্থানীয়া।

রাগে কণ্ঠার চেহারা লাল হয়ে উঠল। কণ্ঠার ক্রোধ দেখে সজ্জন নিজেকে সংযত করে যথাসাধ্য সহানুভূতির স্বরে শাওড়ীকে বোঝাল—আপনার অধিকার নিশ্চয় আছে, আমি বোলো-আনা স্বীকার করছি, কিন্তু এ বিষয় কিছু না করলে ভালোই করতেন, আমার হাতে সত্যিই কিছু নেই। কোর্টে তাঁর বিরুদ্ধে কেস চলছে।

—সকলে বলছে তুমি তাঁকে জামীনে খালাস করাতে পারো, তোমার সব জায়গায় চেনাশোনা...

স্বামীর দিকে চেয়ে বনকণ্ঠা মাকে বললে—তোমার পায়ে পড়ি, আর যা দরকার হয় বলো কিন্তু কোন অণ্ডায় কাজ এঁকে করতে বোলো না।

—যদি একবার ভুল হয়...

—বাবা ভুল করেননি, অপরাধ করেছেন, মা।

—অপরাধ? রাগে গলা পঞ্চম স্বরে চড়িয়ে মা বললেন—এসব তোর কাকীমার কীর্তি, তাকে ধরিয়ে দিতে পারিস না?

হারামজাদী যেমনি সারা জীবন আমাকে জ্যান্তে জালিয়ে পুড়িয়ে  
খেয়েছে ( ডুকরে কেঁদে ) আমার পাথর চাপা কপাল, হে ভগবান  
— যেমন কুকাঙ্ক করেছে তেমন দন্ধে দন্ধে মরে হারামজাদী, গায়ে  
পোকা পড়ুক ।

—জল, শাশুড়ীর গলা শুকিয়ে কাঠ, তাড়াতাড়ি সজ্জন  
কলবেল টিপে চাকরকে জল আনতে বলল । শালা বাহাদুর এক  
হাতে মিষ্টির হাঁড়ি নিয়ে অন্য হাতে গলার মালিশ করছেন, তার  
এই মুদ্রা দেখে সজ্জনের যেন মাথা কাটা যাচ্ছে, দরজার পরদার  
ওপাশে বাড়ির চাকরেরা সকলেই তার শ্বশুরবাড়ির এই অদ্বুত  
জীবদের দেখে টিটকিরী মারছে হয়তো । নোংরা শাড়ি পরা  
শাশুড়ী পাগল শালা— উফ্ এরা কণ্ঠার মা ভাই, এদের সঙ্গে  
আত্মীয়তা বজায় রাখতেই হবে কেননা কণ্ঠা তার স্ত্রী । কণ্ঠা  
আর তার ছুজনের মান সম্মান সব চুলোয় গেল । অভাব অনটনে  
মানুষ কণ্ঠা, তবু সে কত ধীর, স্থির, নম্র । বড়লোকের চাকরেরা  
মনিবের চেয়ে বেশী শকুনির নজর রাখে, তারা পর্যন্ত কোন দিন  
কণ্ঠার ব্যবহারে কোন ত্রুটি বার করতে পারেনি । আজ মা আর  
ভাই এসে কণ্ঠার এতদিনের প্রভাবকে এক মিনিটে ভেঙে দিলে ।

চাকর ঘটিতে জল রেখে গেল । নন্থা বাবুর এখনো এক হাতে  
হাঁড়ি, অন্য হাতে জলের ঘটি নিয়ে ঢকঢক করে বেশ খানিকটা  
জল খেয়ে তৃপ্ত হয়ে জোরে এক ঢেঁকুর তুলে বললেন— জয়  
বজরঙ্গবলি ( ভগ্নিপতির দিকে চেয়ে ) আপনি সাধনা-টাধনা  
করেন না কি ?

প্রশ্ন শুনে সজ্জন থতমত খেয়ে গেল । চাকর তখনো ঘরে  
দাঁড়িয়ে, তার সামনে উত্তর দেওয়াটা ঠিক হবে না ভেবে কণ্ঠাকে

ভেকে আলাদা একদিকে নিয়ে গিয়ে বললে— কণ্ঠা, দয়া করে এদের হাত থেকে আমায় বাঁচাও, যদি কিছু টাকা দিয়ে সাহায্য করতে হয় তো বলো এখুনি...

বাইরে পোর্টিকোতে গাড়ি এসে থামল। সজ্জনের শরীর যেন আনচান করে উঠল, যদি বাইরের কেউ হয় তাহলে এই শালাকে দেখার পর সে কি ভাববে! চাকর এসে খবর দিল— ডাক্তার মেমসায়েব এসেছেন, হুজুর।

—সজ্জন কণ্ঠার দিকে তাকিয়ে—শীলা এসেছে, যাও তুমি ওকে...

—তুমি এগিয়ে গিয়ে— আমি এখুনি এদের বিদেয় করে দিচ্ছি। সজ্জন বারান্দায় বেরিয়ে দাঁড়াল।

—হ্যালো, ডাঃ শীলার স্বরে যেন কত ক্লান্তি।

—হ্যালো শীলা, রুগীদের ছেড়ে আজ অসময় এখানে যে বড়?

—জাপলিং রোডে এক রুগীকে দেখতে এসেছিলাম, ভাবলুম এক মিনিট দাঁড়িয়ে তোমার খবরাখবর নিয়ে যাই।

—এসো, ওপরে গিয়ে বসা যাক।

—না, বাইরে এসো, তোমার সঙ্গে কথা আছে।

পোর্টিকোর বাইরে ফুলের কেয়ারীর পাশ ছুজনে চুপচাপ হাঁটছে। বাগানে ঢুকতেই সুন্দর লতাপাতা দিয়ে ছাওয়া বাঁশের কঞ্চি দিয়ে তৈরী আঁচের কাছ পর্যন্ত এসে শীলা যেন থমকে দাঁড়িয়ে গেল— ছুজনে— করুণ দৃষ্টিতে বড় মর্মান্তিক আর্তনাদের মত শোনাল— তোমার বন্ধুটি কি আমার সঙ্গে আর কোনদিনই দেখা করবে না? সজ্জনের মনের কোণে কোথায় যেন অব্যক্ত যন্ত্রণা আবার মাথা নাড়া দিয়ে উঠল— তোমার সঙ্গে ইদানীং দেখা হয়নি?

—ক মাস হয়ে গেল, সেই জেঠীর বাড়িতে খাওয়ানো-দাওয়ানোর দিন দেখা হয়েছিল, বাস্, ইট ওয়াজ ইন জানুয়ারি, বোধহয় 25 তারিখ ছিল।

—কোন বিশেষ কথাবার্তা হয়েছিল?

—কি আর বলব? ওর স্ত্রীর প্রতি আমার কোন নালিশই নেই তবে এ কথা ঠিক মহিপালের মত জিনিয়াসকে সে চিনতে পারলে না। ইদানীং ওর চেহারা কেমন খারাপ হয়ে গেছে। কালকে দূর থেকে দেখলুম, অমীনাবাদের রাস্তায়— আর যেন সহ্য করতে পারছি না— বলতে বলতে শীলার স্বর বুজে এল, ব্যাগ খুলে রুমাল বার করলে।

শীলার কাঁধে হাত রেখে সজ্জন তাকে সান্ত্বনা দিলে— ডোন্ট বী ফুলিশ শীলা, আমি জানি মহিপাল তোমায় কত ভালোবাসে, তোমাকে ছাড়া তার জীবন শুকনো মরুভূমি যেখানে আছে কেবল জীবনান্ত তৃষ্ণা।

—আমি মিসেস শুক্লার অধিকারের অংশীদার হতে চাই না কিন্তু আমি ফীল করি তার স্বামীর ওপর আমার কিছুটা অধিকার আছে বৈকি।

সজ্জন গভীর চিন্তায় ডুবে গেল, একদিকে পরিনীতা স্ত্রী আর অণ্ডদিকে প্রণয়িনী, অধিকারের গোলকধাঁধার মধ্যে দুটি পাখি ডুকরে কেঁদে মরছে। প্রেম কি শাস্ত্রের বাঁধাধরা নিয়মের দাস? প্রেমের কণা সঞ্চয় করে কেউ যদি তার প্রিয়তমকে পৃথিবীর সমস্ত বাধা ঠেলে দিয়ে পেতে চায় তাহলে? হঠাৎ তার শাশুড়ীর কথা মনে এল, যিনি এখুনি তাঁর স্বামী আর ছোট জায়ের প্রেমকাণ্ডের বর্ণনা করছিলেন কিন্তু এ প্রেম তার মত কলুষিত,



ঘৃণিত নয়। যত নির্মমই হোক-না-কেন তবু এ যেন কাঁটা দিয়ে কাঁটা তোলা...

—তুমি ওকে নিশ্চয় বোলো। শীলা বললে।

—আমি ওকে তোমার কাছে পাঠিয়ে দেব। আমি কাল সকালেই তার কাছে যাব।

—এ নিয়ে কারুকে কিছু বলার দরকার নেই, তোমার স্ত্রীকেও কিছু বোলো না, বুঝলে?

—না না, সে বিষয়ে নিশ্চিত থাকো। তুমিও এ নিয়ে বেশী ফীল কোরো না, কেমন?

—আচ্ছা, তোমার ওয়াইফ কেমন আছে? সজ্জন উভয়সংকটের মধ্যে পড়ল।

কণ্ঠা ভেতরে আছে জানতে পারলে হয়তো এখনি শীলা গটগট করে তার সাথে দেখা করতে বাড়ির ভেতরে চলে যাবে। বিচিত্র শালা আর অদ্ভুত শাকুড়ীর কথা ভাবতেই তার বুকেটা যেন কেঁপে উঠল।

—তুমি ভাবছ কেন শীলা, তুমি তো জানো মহিপাল একজন বড় আর্টিস্ট আর স্বলার কিন্তু বড় অস্থির প্রকৃতির। আমি তোমায় কথা দিচ্ছি তাকে নিশ্চয় তোমার কাছে নিয়ে আসব।

—ওর শালার বিয়েতে কেউ আমাদের বিষয় পাঁচজনের মধ্যে কিছু বলছিল। ওর ওয়াইফ সেই নিয়ে বাড়িতে তুমুল কাণ্ড বাধিয়ে দেয়, সে সময় দুদিন মহিপাল আমার কাছেই ছিল।

—আচ্ছা! আমি এ-সবের কিছু জানি না।

তুমি তখন মথুরা গিয়েছিলে। তোমায় সংকেত দিয়ে দিলাম যাতে দেখা হলে ভালোভাবে তাকে হ্যাণ্ডেল করতে পারবে।

আচ্ছা তাহলে চলি, এবার ছ'পা এগিয়ে শুকনো গলাকে কোনমতে ঢোক গিলে ভিজিয়ে বললে— মহিপাল বড় ভালো মানুষ, ইদানীং যেন বড় বেশী চালাক হবার চেষ্টা করছে। জবরদস্তি একটা মিথ্যে ভড়ংয়ের আবরণ গায়ে দিয়ে কতদিন ঘুরতে পারবে? আমার কি মনে হয় জানো? বেশীদিন এই আবরণের মধ্যে থাকলে তার দম বন্ধ হয়ে আসবে, সহ্য করতে না পেরে আর-একটা নতুন কিছু না বাধিয়ে বসে থাকে।

সজ্জন পোর্টিকোর দিকে এগুতে এগুতে সাস্থনা দিয়ে বললে— শীলা, মহিপাল আমাদের একটুও বদলায়নি, সেই মাটির মানুষই আছে। কালকে হ্যাঁ কালই তো এখানে সে সকালবেলাই এসে হাজির হয়েছিল— আর তুমি বললে বিশ্বাস করবে না রাত দশটা পর্যন্ত আমরা বসে বসে কথা বলছিলুম। স্ত্রী-পুরুষের সম্বন্ধ, জাতির ব্যাপার, আর্থ অনার্থের সভ্যতা, তার মধ্যে সেই পুরোনো উৎসাহ দেখতে পেলাম। সে বক্তা ছিল তার আমি শ্রোতা। কতক্ষণ একনাগাড়ে অনর্গল বকে যাবার পরও সে ক্লান্তি অনুভব করেনি।

—আজকাল কিছু লিখে?

—আমার মনে হয় আজকাল সময়ভাবে লেখা বন্ধ। আমি তোমার কথার অর্থ বেশ বুঝতে পারছি শীলা, মহিপালের স্বাস্থ্য ভালোই আছে। আমি নিজেই কখনো কখনো মাসখানেক পরে তুলি ধরি— এটা কিছু অস্বাভাবিক নয়।

—আচ্ছা তা হলে চলি।

সজ্জন শীলাকে গাড়িতে চড়িয়ে ফিরে এসে যা দেখলে, তার মাথা একেবারে বোঁ করে ঘুরে গেল। বৈঠকখানার গালচের

ওপর মিষ্টির হাঁড়ি টুকরো টুকরো হয়ে পড়ে আছে আর কন্ঠার কানের পাশ দিয়ে রক্ত গড়িয়ে পড়ছে। কন্ঠার বউদি নিজের আঁচল দিয়ে ননদের গাল পরিষ্কার করে দিচ্ছে, আশ্মা দাঁড়িয়ে দেখছেন আর শালা মশাই সমাধি মুদ্রায় বসে আছেন।

জামাইয়ের চেহারা দেখা মাত্র শাশুড়ী মেয়ের জন্তে বিচলিত হয়ে পড়লেন— দেখো দিকিন বাছা, আমার কপালের গেরো— তুমি একে পাগলা গারদেই পাঠিয়ে দাও। অনেক উপকার করেছ, আর-একটা উপকার করে দাও, শান্তিতে মরতে পারি যাতে।

ইরানী গালচের ছরবস্থা দেখে শালা সায়েবকে কষে বেশ ছুঁঘা বসিয়ে দেবার কথা সজ্জনের মনে এল। ভাঙা মাটির বাসনের সঙ্গে মানুষের মৃত্যুর যোগাযোগের অলঙ্কণে কথা তার মনের কোণে উঁকিঝুঁকি মারছে। শাশুড়ীকে উত্তর না দিয়ে কন্ঠাকে বললে— কন্ঠা, মায়ের সঙ্গে দেখা হয়ে গেছে, এবার ভেতরে যাও।

—তা বাছা, তোমার দরবারে আমাদের প্রার্থনা তাহলে মঞ্জুর হল না?

—আজ্ঞে না, অন্তায় কাজে আমি কাউকে সাহায্য করি না। কন্ঠা, যাও।

—বউদিকে আমি নিজের কাছে রেখে নিচ্ছি আশ্মা, পরে পৌঁছে দিয়ে আসব।

—না না ঢের হয়েছে, আমাদের মত পাপী তাপী ঘরের মানুষ তোমার মহলে থাকলে সব অশুদ্ধ হয়ে যাবে না? নন্থে চল, ওঠ, পেটের মেয়ে যখন পর হয়ে গেল তখন কাকে আর দোষ দিই! যে মেয়ে নিজের বাপকে গারদে পাঠাতে পারে তার কাছে আশা করে আসাই ভুল হয়েছে। যাবার সময় একটা

কথা বলে দিচ্ছি, অতি বাড় বেড়োনা, ঝড়েতে মুড়াবে, কাল যদি তোমার সোয়ামী কিছু ভুল করে তখন...। কন্যার সংযমের বাঁধ এবারে ভেঙে গেল।

—এঁর মত মানুষ ভুলেও কাকুর ভাল বই মন্দ করবে না বুঝলে? এঁর এ ধরনের ভুল কখনো হতেই পারে না। এঁর মত মানুষ পৃথিবীতে কটা...

—থাক্, থাক্ ঢের হয়েছে—চুপ করো কন্যা, ভেতরে যাও। সজ্জন চাকরকে ডাকার জন্য সুইচ টিপল।

—রামগুলাম, এঁদের জন্য টাঙ্গা ডেকে নিয়ে এসো আর ঘরের জঞ্জাল পরিষ্কার করে ফেলো।

সজ্জনের মুড একেবারে খারাপ, এ সময় সে জনসাধারণের দুঃখ বা মানসিক বিকার থেকে অনেক দূরে তার নিজস্ব সীমাবদ্ধ সামাজিক স্তরের কথা ভাবছে। সে কন্যার হাত ধরে টেনে নিয়ে যেতে যেতে, রামগুলামকে সেখানেই থাকার আদেশ দিয়ে গেল।

বাইরে গ্যালারী থেকে এক চাকর বৈঠকখানায় পাঠিয়ে দিলে যাতে দুই চাকরে মিলে পাগলের ওপর কড়া নজর রাখতে পারবে, আবার না কোন কীর্তি করে রাখে।

এই ঘটনার পর উচ্ছ্বসিত আবেগে ভেঙে পড়ল, কন্যা একরাশ বোবা কান্না যেন বুকে জমাট বেঁধেছে। সজ্জন তার সায়েবীখানা ন্যাকরা দেখাতে গিয়ে ধমক খেলে। স্বামীর সোহাগ-সন্তুষ্ট কন্যা তার প্রিয়তমের মন থেকে এই বিচিত্র ঘটনার দাগ মুছে ফেলতে চায়। প্রসঙ্গ বদলাবার জন্যে কন্যা এদিক সেদিকের অনেক কথা তুললে—সেলাই বোনা শিখতে আসে যে মেয়েরা তাদের টুকিটাকি

দীর্ঘশ্বাস, আরো কত অসংখ্য বৈচিত্র্যহীন ঘটনার বর্ণনার যেগুলো সাধারণতঃ মনে থাকার কথা নয়, তবু ঘুরে ফিরে সেই বিকেলের প্রসঙ্গই যেন ছুঁজনের বাকশক্তি রুদ্ধ করে দিয়ে যাচ্ছে।

কন্যা মনে মনে আত্মবিশ্লেষণ করছে— চিন্তার মাঝে সে যেন সম্পূর্ণ ডুবে গেছে। বাবাকে তাঁর অপরাধের জ্ঞান দণ্ডিত করতে সাহায্য করে সে কি কোন অণ্ডায় কাজ করে ফেলেছে? একই প্রশ্ন ঘুরে ঘুরে তার মানসিক শাস্তি নষ্ট করছে, সে কি সত্যিই অপরাধী? তার কাছে সেলাই বোনা যারা শিখতে আসে, তাছাড়া শিক্ষিত মহিলা, যাদের সমাজসেবায় বিশেষ রুচি আছে সকলেই একবাক্যে বলে কন্যা বড় অধার্মিক— অভারতীয় কাজ করে ফেলেছে। বাবার বিরুদ্ধে দাঁড়াবার সাহস করা মানেই কি পাপ? আজ মাও বেশ স্পষ্ট করে তাই শুনিয়ে গেলেন। সজ্জন যখন বাইরে ডাঃ শীলার সঙ্গে কথা বলছিল তখন ভেতরে তার মা তাকে শাসাচ্ছিলেন, বড়লোকের খেয়াল আজ চোখে ভালো লেগেছে কাল যদি ভালো না লাগে তখন পুরোনো আবর্জনার মত লাথি মেরে তাড়িয়ে দেবে। নিজের ঘরের বিয়েতে বনিবনা হয় না— এ তো বেজাতের বিলিতি বিয়ে, এর ভরসা নেই। প্রথমে কন্যা মার কথা গায়ে মাখল না কিন্তু যখন তিনি ভদ্রতার সীমা ছাড়িয়ে গেলেন, তখন সে তেলে বেগুনে অলে উঠেছিল, তার মা আজ তাঁরই সন্তানের স্বামীভাগ্য আর ঐশ্বর্য দেখে হিংসে করছেন! মায়ের সংকীর্ণ মনোবৃত্তির কথা ভাবতেই রাগে সে নিজের চোঁট নিজেই বেশ জোরে কামড়ে ফেললে।

চিন্তার খরস্রোতা নদী বয়ে চলেছে, দাদা মিষ্টির মাটির হাঁড়ি সোজা তার মুখে ছুঁড়ে মেরেছিল। তার ভাগ্যি ভালো যে মুখে

না লেগে চেয়ালের হাড়ে জোরে লাগার পর কানের পাশ দিয়ে গিয়ে মাটিতে পড়ে সেটা ফেটে চুরমার হয়ে গেল। গাল রক্তারক্তি হয়ে গেছে, জীবনে এই প্রথম সে দাদার হাতে মার খেল। মা বাবা কাকীমার হাতের মার খেতে সে অভ্যস্ত, বিধবা কাকী প্রায়ই তাকে পিটিয়ে তাঁর গায়ের ঝাল মেটাতেন। কাকীমার হাত ওঠাবার সঙ্গেই বাড়িতে কুরুক্ষেত্র আরম্ভ হয়েছিল, মেয়ের দিক হয়ে বলতে গিয়ে বাবার হাতে আশ্রমার কম দুর্গতি হয়নি, চেলা কাঠের মারে পিঠে কালশিটে পড়ে গিয়েছিল। জন্মেস্তুক সে তার বাড়িতে মেয়েদের ওপর হাত তোলার রেওয়াজ দেখেছে, যখন মায়ের গ্রহ অনুকূল ছিল তখন কাকীমা ছড়ির মার খেতে খেতে আধমরা হয়ে কাতরাতেন, তারপর কাকীমার গ্রহ প্রবল হতেই আশ্রমার সেই হাল হল। তার অভাগী বউদিও মার খাচ্ছে তার স্বামীর হাতে। কন্যার স্বর্গীয়া খুড়তুতো ভাইয়ের বউ, মৃত্যুর এক বছর আগে পর্যন্ত, যখন থেকে কন্যার মার ষড়যন্ত্রের শিকার হয়ে সে তার বাবার পশুবৃত্তির কবলে পড়েছিল, খুড়শ্বশুর খুড়শাশুড়ী সকলে মিলে তাকে বেদম মার দিত। আজ বিবাহিতা শ্রীমতী বনকন্যা দাদার হাতে মার খেয়ে সেই ঘটনাকে মন থেকে মুছে ফেলার চেষ্টা করছে।' (দাদাকে সে ভীষণ ভালোবাসে) কিন্তু এই সুযোগে সে বাপের বাড়ির মার খাওয়ার ইতিহাস মনে করছে।

দামী কাঠের কাজ করা পালঙ্কের ওপর ডানলপের তোষক পাতা বিছানায় কন্যা আরাম করছে। এত বড় ঘর, ঐশ্বর্য, চাকর-বাকর, মান সম্মান সব আছে কিন্তু তার নিজের বিগত জীবনের কালিমার কথা ভাবলেই সে যেন আঁকে ওঠে, উফ্ লজ্জায় তার

মাথা কাটা যাচ্ছে। স্বামী স্ত্রী দুজনের মনে একই সিন্ধু-মহন চলছে। তাদের ভালোবাসার অস্তিত্বটা আপনজনের গরমিলে ধুলিসাৎ হয়ে যাবে না তো?

—পরিবারের বন্ধন এক অদ্ভুত ডোরে বাঁধা, কেবল গাঁঠের পর গাঁঠ জুড়েই চলে। কণ্ঠা বললে।

—কেবল ভাবুক আর ভদ্র লোকেদের সম্বন্ধেই এ কথা খাটে— বলতে বলতে সজ্জন পালঙ্কের পাশে রাখা চেয়ারে বসে পাছটো পালঙ্কের ওপর তুলে দিলে।

—হ্যাঁ হ্যাঁ, কিন্তু মা-বাপ-ভাই-বোন এসব সম্বন্ধ কখনোই নাকচ করতে পারা যায় না। ধরে নাও যদি কাল আমাকে ছেড়ে দিয়ে তুমি অন্য মেয়েকে বাহুডোরে ধরা দাও তা হলে...

—বলে ফেলো। যা ইচ্ছে বলে যাও, তোমার মিষ্টি ছুরির মত কথা শুনতে মন্দ লাগছে না। কণ্ঠা হেসে ফেললে— আমি কেবল উপমা দিচ্ছিলাম এরকম হতেও তো পারে? আজ চার চক্ষুর মিলন, কাল বিয়ে, পরশু ডাইভোর্স, এর পরে তারা জীবনে কখনো তাদের সম্পর্কের কথা ভুলতে পারবে?

—আমার মতে তা কখনোই সম্ভব নয়। মহাকবি বায়রনের ডাইভোর্সের পর তাঁর স্ত্রীর সঙ্গে প্রেম গভীর থেকে গভীরতর হয়েছিল— কিন্তু এর মধ্যে আমার কথাটা উঠছে কেন?

—তুমি ঠাট্টা তামাশা একদম বোঝো না, তার মানে তোমার মনের কোণে চোর লুকিয়ে আছে না কি?

—হে প্রণয়িনী, ঠিক এই কথাই তোমাকে জিজ্ঞাসা করতে পারি কি? সজ্জন অভিনয়ের মুদ্রায় হাসতে হাসতে বললে। কণ্ঠা মুখ টিপে হাসল— এর মানে আমার মনে চোর আছে বলছ?

—হ্যাঁ ম্যাডাম, ইফ ইউ ডোন্ট মাইণ্ড...

—আমার মাথায় পাখির দানা নেই যে অনর্গল কিচির মিচির করেই যাব, এবার...

—বলুন।

—তুমি যখন ডাঃ শীলার সঙ্গে দেখা করেছিলেন তখন আমরা আমাকে ভয় দেখাচ্ছিলেন। তাঁর কথা ভেবে এখনো হাসি পাচ্ছে, বলে কন্যা জ্বরদস্তি ঠোঁটের কোণে হাসি টেনে আনার চেষ্টা করলে।

পবিত্র শিশুর মনোভাব বুঝতে সজ্জনের দেবী লাগল না, কন্যার মন শিশুর মতই সরল, তাকে দেখে সত্যিই মায়া হয়। সুশীল, কর্মনিপুণ, সরল গিন্ধীর খালে হাত বুলিয়ে আদর করে সজ্জন বললে—কন্যা, জীবনের চলার পথে যে-কোন মোড়ে তুমি আমার পরীক্ষা নিয়ে দেখতে পারো। তোমার স্বামীর চরিত্রে অনেক দুর্বলতা থাকতে পারে কিন্তু তার সঙ্গে মস্ত বড় একটা গুণও আছে। সাগরের ঢেউয়ের মত ভাসতে-ভাসতে যেদিন আমি এক জায়গায় ধরা দিয়ে স্থাণু হয়ে যাব, সেদিন এই নিশ্চল পাথরকে সরায় কার বাপের সাধ্য।

কন্যার চোখে আত্মবিশ্বাসের জ্যোতি দল করে জ্বলে উঠল, মনের মধ্যে অজস্র ভালোবাসার কুঁড়ি বসন্তের দোলা লেগে ফুটেছে, সত্যিই সে আজ কত ভাগ্যবতী!



## সাঁইত্রিশ

দোলের পরদিন সজ্জনের বাড়ি খাওয়ার নেমস্তন্ন, বাবাজী আর তাঁর স্ত্রী রুগীরা সকলেই নিমন্ত্রিত। চার ঘণ্টার জন্য একটা বাস ভাড়া করা হয়েছে, বাবাজী আর তাঁর মণ্ডলী তাতে চেপে নেমস্তন্ন রক্ষা করতে এলেন। সজ্জনের সাজানো গোছানো বিরাট অট্টালিকায় বাবাজী সান্নাৎ শিবের মত পদার্পণ করলেন। মার ঠাকুরঘরে স্কুলের বসার ব্যবস্থা, কন্যা রান্নাঘরে ব্যস্ত আছে। সজ্জন আজ বিশেষ হাসিখুসী মুডে আছে, মা মারা যাবার পর আজ এ বাড়িতে প্রথম উৎসবের আয়োজন করা হয়েছে। এ বেলা বাবাজী খাবেন—ওবেলা মহিপাল আর কর্নেল সপরিবারে আসবে। বাড়ির প্রত্যেক চাকরকে এক এক টাকা বখশিশ, মিষ্টি, ধূতি, জামা আর বাসন্তী রঙের পাগড়ি দেওয়া হবে।

আজ ভোরবেলা থেকে কন্যার দম ফেলার সময় নেই, চাকর-বাকর ছুটোছুটি করছে। আজকের হাড়ভাঙা খাটুনির পর কালকের ছুটির ঘোষণা কন্যা আগেই করে দিয়েছে।

মন্দির ফুল দিয়ে সাজানো, ঠাকুরের বিগ্রহে দোলের রঙ ছিটিয়ে নতুন বস্ত্র পরানো হয়েছে। রূপোর ছুটি বড় বড় বাটিতে রঙ গুলে বিগ্রহের সামনে রাখা, সঙ্গে ছুটো ছোট ছোট পিচকিরিও আছে। মায়ের ছবিতে বড় বড় ফুলের মালা গেঁথে টাঙানো।

বাবাজী সজ্জনের প্রশ্ন মুখ দেখে বললেন— কি রামজী, এমন সুখ এর আগে কখনো ভোগ করেছিল ?

—না বাবাজী ।

—গৃহস্থ আশ্রম বাকী আশ্রমের চেয়ে শ্রেষ্ঠ ।

—তা কি করে হতে পারে বাবাজী ? আমার মতে সাধু-সন্ন্যাসীর জীবন সব থেকে সুখী ।

সন্ন্যাসী জীবনের এক অদ্বুত সুখ, এ বিষয় কোন সন্দেহ নেই কিন্তু দেশকালকে দেখার পর আমার মতে পরম জ্ঞানের আনন্দে একা লীন হয়ে থেকে কি লাভ ? কর্মযোগেই বাস্তব আনন্দ আর গৃহস্থ আশ্রম কর্মযোগের প্রধান কর্মভূমি, কি বোলো রামজী ?

—কিন্তু সংসার কর্মই সমস্ত দুঃখের কারণ, গৃহস্থ ধর্মেই মানুষ একে অন্যের প্রতি অত্যাচার করে, নানা পাপ কাজ করে ।

—আর এই আশ্রমেই সে পুণ্যও অর্জন করে, করতে পারে । গৃহস্থ না হলে পৃথিবীর রূপ কেমন কেমন হয়ে যাবে না ? আমার মতো সবাই লাঙ্গট কষে যদি বেরিয়ে পড়ে তাহলে সৃষ্টি চলবে কেমন করে ?

—না চললেও কোন ক্ষতি নেই বাবাজী, চলেই বা কি মাথামুণ্ড হচ্ছে ? অ্যাটম বোমা, হাইড্রোজেন বোমা নানা বোমা দিনরাত তৈরী হচ্ছে । ভবিষ্যতে মানুষ আরো কত মানুষমারা কল তৈরী করবে । ছারপোকার মত মরার জন্মে সৃষ্টি বাড়িয়ে কিছু লাভ আছে কি ? বাবা রামজী হাসলেন— ভগবান মানো ? সজ্জন প্রশ্ন শুনে প্রথমটা হকচকিয়ে গেল, তারপর নিজেকে সামলে নিয়ে উত্তর দিলে— মহারাজ এ প্রশ্নের উত্তর দেওয়া বড়ই কঠিন । সেদিন মথুরায় গিয়ে ভগবান কৃষ্ণর বাল্যভূমি দেখার পর মনে হল

মানুষের মধ্যেই ভগবানের বাস। আমাদের দেশে রাম কৃষ্ণ ইত্যাদি যত অবতার হয়েছেন সকলেই মানুষ রূপেই জন্মগ্রহণ করেছিলেন।

—ঠিক বলেছ রামজী, আমিও তাই মানি। ভগবান কেবলমাত্র মানুষেই নয় বরং প্রত্যেক জীবের মধ্যে সমান রূপে অবস্থান করছেন। হ্যাঁ, এ কথা বলা যেতে পারে যে মানুষের মধ্যেই চেতনা আছে। ব্যাসদেব বলে গেছেন মানুষই সৃষ্টির শ্রেষ্ঠ জীব। তা হলে মানুষের মত মহান জাতি শেষকালে আত্মঘাতী হয়ে পৃথিবীর বুক থেকে নিশ্চিহ্ন হয়ে যাবে? এ বিষয় ভাবাও কষ্টকর, বেদনাদায়ক, রাম সর্বব্যাপী— তাঁর ওপর আস্থা রাখাই মঙ্গল।

সজ্জনের মনে কোতূহল জেগে উঠল কিন্তু প্রশ্ন করতে কেমন যেন বাধা বাধা ঠেকল। আত্মহোমের অনেক কথা যেন গলার কাছ পর্যন্ত এসে রুখে গেছে। বাবা রামজীর ছোট ছোট চোখে জ্ঞানের দীপ্তি জ্বলে উঠছে— অভ্যাসবশতঃ আমিও জীবমাত্রের মধ্যে ভগবানের দর্শন করে থাকি কিন্তু পরম রূপের দর্শন আজ পর্যন্ত আমার কপালে সম্ভব হয়নি। যারা সে জ্ঞানচক্ষু দিয়ে দর্শন করেছে, তারা বলে রামজী পরম সিদ্ধরূপে প্রত্যেক জীবের মধ্যে দিয়ে দর্শন দিয়ে থাকেন। আমি তাদের মতামতকে শ্রদ্ধা করি, বাকী যা সত্য তা অনুভবেরও বাইরে। ভগবানের দর্শন যদি পাই ভালো, না পাই ভালো, নিষ্কাম সেবাই পরম আনন্দের মূল স্রোত। ভগবানকে জীবের মধ্যে বিচরণ করতে দেখে আনন্দ পাই, পরমানন্দ আর আত্মসন্তুষ্টি।

—আর বাবাজী আপনি এখানে বসে বসে সকলের মনের খবর রাখেন, ভবিষ্যৎ বলেন...

বাবাজী খিল খিল করে হেসে উঠলেন।

—রূপকথার মত রহস্য এতে কিছুই নেই রামজী। যার জুতোয় পেরেক ফোটে সেই তার যন্ত্রণা বোঝে। অনুভব দিয়ে সব-কিছু প্রমাণ করা অসম্ভব। আর অনুভব প্রাপ্তি হয় সাধনার মধ্যে। এ পৃথিবীতে মানুষের উপভোগের জন্য সব পদার্থই আছে কিন্তু কর্মবীর মানুষই তাকে ভোগ করে।

বাবাজীর দর্শনশাস্ত্র শুনে সজ্জন দার্শনিকের মত চিন্তা করতে লাগল। এই রহস্যময় দর্শনশাস্ত্রের প্রধান উৎসধারা তা হলে এতই সহজ? বাবাজীর মত সাধনা করা সম্ভব, সে কেমন ধারা সাধনা? সে নিজে করে দেখতে পারে না।

—কেন করতে পারবে না রামজী? মানুষের শব্দকোষে ‘অসম্ভব’ শব্দ লেখা নেই, তার পক্ষে সবই সম্ভব, ইচ্ছে করলেই সব-কিছু করা যায়।

—ইচ্ছা করলেই তার পক্ষে সাধনা করা সম্ভব— ভাবাবেগে সজ্জনের মন নতুন স্ফুর্তি, আনন্দের তন্ময়তায় ভরে উঠল।

—হ্যাঁ, সব-কিছু পাওয়া যায় কিন্তু তার জন্যে চাই মনোবল, যে মানুষের মধ্যে সংযম আর ধৈর্য নেই, সে সাধক হতে পারে না।

—কিন্তু আমার বিশ্বাস যে আমি করতে পারব।

—তা হলে ঠিক আছে, নিজের বিশ্বাসকে কর্মযোগের কণ্ঠিপাথরে কয়ে যাচাই করে দেখলেই বুঝতে পারবে।

—আমাকে কী করতে হবে?

—সেবা।

—কার?

—রানের, রাম যিনি পৃথিবীর অণুতে অণুতে ব্যাপ্ত আছেন, তোমাকে তোমার...

—বাবাজী, ক্ষমা করুন, এখানে আমার মনে সন্দেহের সৃষ্টি হচ্ছে, আমি ভগবানের দাস হতে যাব কেন ?

—ঠিক আছে, বাৎসল্য ভাবে পূজা করো, সখ্যভাবে, আত্মভাবে তাকে পাবার চেষ্টা করো। যেভাবেই তুমি পূজো করো-না কেন, দাস তোমাকে হতেই হবে। যা তার শিশুর সেবা করে, বন্ধু বন্ধুর সেবা করে, মানুষ স্বয়ং তার নিজের শরীরের সেবা করে। সেবা কোন ছোট ব্যাপার না কি রামজী ? মনে আছে এর আগেও তুমি এ প্রশ্ন আমায় করেছিলে।

সজ্জন লজ্জিত হয়ে বললে— আজ্ঞে হ্যাঁ, অতিবুদ্ধির সামনে অনেক সময় কর্তব্যবুদ্ধি ভোঁতা হয়ে যায়।

—নিজেকে বুদ্ধিমান ভাবায় কোন দোষ নেই রামজী, বুদ্ধি ভগবান রামের মানুষকে দেওয়া সর্বশ্রেষ্ঠ উপহার। আমি রামজী মুখাশুখা মানুষ, লেখাপড়া কিছু জানি না, হ্যাঁ, নিজের অভিজ্ঞতার ভাণ্ডারে সঞ্চিত বিচারধারা থেকেই নানা কর্ম করে থাকি। তুমি অনেক লেখাপড়া করেছ, শুনেছি বড় বড় বিদ্বানের সান্নিধ্যে থাকার সুযোগ পেয়েছ। কেমন বড় বড় বিশাল মন্দির, ভবন, মূর্তি, বিজ্ঞানের জাতুকরী সব নিজের কল্পনাশক্তির সাহায্যে পৃথিবীর সামনে ফুটিয়ে তোলার চেষ্টা করেছ। তোমার মধ্যে নিহিত সেই শক্তি উপাসনা করো, তাতেই লীন হয়ে যাও।

—বড় কঠিন মনে হয়।

—হ্যাঁ, কঠিন আমারে! মনে হয়— তুমি রামজী এত সুন্দর ভব্য ছবি তৈরী করে, আমরা পারি না। তুমি এত কঠিন কাজ কি করে কর রামজী ?

শ্রদ্ধার আবেগে সজ্জন তাড়াতাড়ি বাবাজীর পায়ের ধুলো মাথায়

ঠেকালে। বাবাজী যেন স্নেহের প্রতিমূর্তি, তাকে জড়িয়ে ধরে বললেন— গীতায় ভগবান বলেছেন যে অভ্যাসে যোগ হয় অর্থাৎ কর্মের কুশলতাই বাস্তবিক যোগ, যতই মন বচন কর্ম দিয়ে কোন বিশেষ কাজে লীন হয়ে থাকবে ততই তাতে কুশল হয়ে যাবে।

—বড় কঠিন কাজ মহারাজ। মায়া মোহ বিকারের বন্ধন পদে পদে এসে পায়ে জড়িয়ে যায়, সংসারে গৃহস্থধর্মের পালন করে...

—রামজী, এ একজন অজ্ঞানীর মতামত, বৈজ্ঞানিকের নয়। আনায় বলতে পারো যে এই বোমা তৈরী করে যারা, তারা কি কোন সঘন বনের গুহায় গিয়ে বসবাস করে? সমাজের মধ্যে থেকে সাধনা দিয়েই তারা বিজ্ঞানকে প্রমাণিত করেছে।

—কিন্তু বিজ্ঞানের সংহার পক্ষকেও তারা প্রমাণিত করেছে।

—ঠিক আছে, তুমি নির্মাণ করো। যার চেতনা বিরাট রূপ ধারণ করবে, বিজয়লক্ষ্মী তার গলায় বরমালা ছুলিয়ে দেবেন। সৃষ্টিতে প্রতিমূহূর্তে দম্বযুদ্ধ চলেছে, এর আবরণেই লুকিয়ে আছে মানব-বিকাশের রহস্য। আমার মতে গৃহস্থ আশ্রমে থেকেই সাধনা সম্ভব।

কণা এল। তাকে দেখে বাবাজী বললেন— কী ব্যাপার রামভক্তনিয়া, লক্ষ্মীর কুপার সুখ ভোগ করছ?

কণা লজ্জায় মাথা হেঁট করে মুচকি হাসি হেসে উত্তর দিলে— হ্যাঁ বাবাজী, কিন্তু ততটাই ভোগ করছি যতটা আমার দ্বারায় সম্ভব।

—কেন? এই দেখো, কী সুন্দর বিরাট অট্টালিকা তোমার, এত চাকরবাকর, তোমার কিসের অভাব? আরামে পালঙ্কে শুয়ে শুয়ে কেবল ছকুম চালালেই যথেষ্ট।

বাবাজীর কথাশ্রুত শুনে স্বামী-স্ত্রীর মনে খাটি সোনার সুরণ দেখা দিল। সজ্জন হাতজোড় করে বাবাজীকে বললে— দেহরূপী মহলের ভেতরে আসল লক্ষ্মীর নিবাস, সে সুখের কল্পনাই আমাদের অগোচর...

—সুখদুঃখ মনের ভাব ছাড়া আর কিছুই নয়, রামজী। যাতে সুখের অনুভব হয় সেই লক্ষ্মী। অঞ্জলি ভরে পান করে। সেই আত্মার মহত্ত্ব, দেখতে পাবে তার জ্যোতি, এই জ্যোতিই প্রাতঃকালের সূর্যের মত নিজের তেজ দিয়ে পুরো পৃথিবীটাকে প্রকাশমান করে তুলবে।

সজ্জন লক্ষ্মীর নতুন রূপের বর্ণনা শুনে চকিত হয়ে বাবাজীর মুখের দিকে তাকিয়ে রইল।

—বাঙলাদেশে রামজী, রামকৃষ্ণ পরমহংস মহারাজ ছিলেন, তিনি একহাতে সোনা আর অন্য হাতে পাথরের ছুড়ি নিয়ে নিজের মনে সমভাবে স্থিত করে দিতেন, তার কারণ কী ছিল? কেননা তিনি অনন্ত শ্রী দিয়ে বিভূষিত ছিলেন। রাজা জনক ছিলেন, তাঁর চাকরবাকর, সৈন্য সামন্ত, মহল ঐশ্বর্য কোন কিছুর অভাব ছিল না। ভগবান রামের স্বশুর, জগদম্বার বাবা, গৃহস্থ, রাজা, তবু তিনি মোহমুক্ত ছিলেন কেন? কেননা তিনি অনন্ত শ্রী দিয়ে বিভূষিত ছিলেন।

—আপনার কথা শুনতে বেশ ভালোই লাগছে বাবাজী, কিন্তু বোঝা একটু কঠিন। আমরা যে পরিস্থিতিতে বাস করি তার প্রভাব কি পড়ে না? আমি নিজেকে দিয়ে বলতে পারি, এত বছর পর্যন্ত দারিদ্র্যের সঙ্গে যুদ্ধ করে এসেছি, পয়সাওয়ালাদের ঘণার চোখে দেখেছি কিন্তু আজ লক্ষ্মীর বরদহস্ত মাথার ওপর

দেখে এক অদ্ভুত আনন্দ পাচ্ছি। বৈভব বিলাসের এক বিশেষ আনন্দ আছে। সাধু সংযমী ব্যক্তির কাছে যদি বৈভব আসে, সেও ধীরে ধীরে এই আনন্দে মগ্ন হয়ে যায়। আমার নিজস্ব নৈতিক আর সামাজিক মাণ্ডল্য হয়তো আমাকে সামলে...

—হ্যাঁ তুমি ঠিক বলেছ রামভক্তনিয়েঁ, এই নিয়ম-সংযম, আচার-বিচারের মধ্যে বাস্তবিক শ্রী খুঁজে পাবে। এখন তোমার কাছে বেশী ধন নেই তাই তুমি নিজের তুলনায় বেশী ধনী ব্যক্তি, লক্ষপতি, কোড়পতিকে দেখে প্রভাবিত। তোমায় এক কিংবদন্তি শোনাই। রাজা জনক বিদেহী নামে প্রসিদ্ধ ছিলেন। সব ঋষি-মুনিরা ভাবলেন যে আমরা বনের ফলমূল খেয়ে তপস্যা করছি অথচ বিদেহী রাজা হয়ে আমাদের পদবী পেয়ে গেলেন। এক মহাত্মা একদিন রেগেমেগে সোজা রাজা জনকের রাজদরবারে গিয়ে হাজির হলেন। তিনি রাজাকে প্রশ্ন করলেন যে এত রাজ ঐশ্বর্য ভোগ করেও তুমি বিদেহী কি করে হলে? ভগবানের পাদপদ্মে তোমার মনস্থির হয় কি করে? মহাত্মা তৎক্ষণাৎ প্রশ্নের উত্তর চাইলেন, নতুবা তিনি রাজার সব ভাঁড়ামি প্রজাদের মাঝে প্রচার করার ভয় দেখালেন। রাজা জনক আগ্রহ প্রকাশ করলেন—মহারাজ, ক্রমাগে আপনি বিশ্রাম করুন, ভোজন করুন তারপর বসে কথা বলা যাবে। মহাত্মার খুব আদর-অভ্যর্থনা হল। যখন তিনি স্নান ধ্যান থেকে নিবৃত্ত হলেন তখন রাজা তাঁকে নিয়ে রান্নাঘরে ঢুকলেন। ইতিমধ্যে রাজা এক চাল খেললেন, যেখানে মহাত্মার খাবার আসন পাতা হয়েছিল, ঠিক তাঁর মাথার ওপর পাতলা সূতো দিয়ে তলোয়ার বেঁধে ঝুলিয়ে দিলেন। মহাত্মাজীর প্রাণ-পাখি খাঁচাছাড়া। খেতে বসে তাঁর সমস্ত মন জুড়ে সে



একই তলোয়ার ছাড়া দ্বিতীয় চিন্তা নেই। খেতে খেতে রাজা প্রশ্ন করলেন—মহারাজ, কটী (বেসমের বড়া আর দই দিয়ে তৈরী) কেমন রান্না হয়েছে? নাড়ুর আশ্বাদ কেমন? উত্তরে মহাত্মা কেবল হুঁ হুঁ করে সেরে দিলেন। যখন জনক মহারাজ আবার প্রশ্নের পুনরাবৃত্তি করলেন তখন মহাত্মা প্রাণের কথা খুলে রাজাকে বললেন—সত্যি কথা যদি জিজ্ঞেস করেন মহারাজ, মন একনিষ্ঠ করে আমি খেতে পারিনি, সর্বক্ষণ মাথার ওপর ঝোলানো তলোয়ারের চিন্তায় খাবারের আশ্বাদ বুঝতেই পারিনি। রাজা হেসে বললেন—এইতো সেই রহস্য, মন যেখানে একনিষ্ঠ করা যায় সেখানেই থাকে।

ছুই চুষক পাথরের আকর্ষণে বাঁধা সজ্জন বিষ্ময়ে স্তব্ধ। তার শিরায় শিরায় যেন সেই আকর্ষণ শক্তি প্রবাহিত হয়ে চলেছে। কণ্ঠা বাবাজীকে ভোজন করাতে নিয়ে গেল, সে চুপচাপ তার অনুগমন করল।

বাবাজী আগেই আদেশ দিয়েছিলেন যে তাঁর জন্ম আলাদা রান্না করার ব্যবস্থা না হয়, তিনি সকলের সঙ্গে ভোজ গ্রহণ করবেন। আজ দোলের দিন তাই লঙ্কা, গরম মশলা না দিয়ে পাতলা তরকারী আর পায়েস খাবার অনুমতি বাবাজী সকলকে দিয়েছিলেন। আসনে বসে বাবাজী স্বামীজীর দিকে তাকিয়ে বললেন—ব্রাহ্মণ সাধুকে ভোজন করাতে হলে দক্ষিণা দিতে হয় জানো? বলো তো রামভক্তনিয়াঁ, তোমরা আমায় কী দক্ষিণা দেবে?

—আজ্ঞা করুন। ভাববিহ্বল কণ্ঠে সজ্জন উত্তর দিলে।

—নিজের এই বৈভব আমাকে দান করবে রামজী?

—মনে এইরূপ বাসনা আছে বাবাজী তবে বলতে পারছি না যে শেষ পর্যন্ত দৃঢ় থাকতে পারব কিনা। কিছুদিন ভাবতে সময় দিন।

—তাহলে ততদিন থালা এইভাবে সাজানো...। কন্যা সজ্জনের মুখের ভাব লক্ষ্য করল, তার চোখেমুখে ফুটে উঠেছে অন্তর্দ্বন্দ্বের ব্যথা।

—রামজী, হয় তুমি নিজের সংকল্পে দৃঢ় হয়ে থাকো আর তা না হলে পৃথিবীর বাকী লোকের মতই চরকিবাজী খাও। ভাবনা-চিন্তায় কতদিন কাটাবে? কেবল ভাবনাচিন্তার জালে জড়িয়ে পড়ে ত্রিশঙ্কুর অবস্থা হয়ে যাবে না?

—আপনি সকলের কাছে এই দক্ষিণাই চান নাকি? সজ্জন জিজ্ঞেস করলে।

—এর উত্তর শুনে তোমার কি লাভ হবে? ভেবে নাও আজ প্রথমবার তোমার ঐশ্বর্য দেখে লক্ষ্মী পাবার লোভ সামলাতে পারিনি।

—আমি আজীবন অভাব-অনটনেই মানুষ, বৈভবের অভাবে আমার কোন কষ্ট হবে না। কন্যা তার স্বামীকে উত্তর দেওয়ার হাত থেকে রেহাই দিলে।

—তাহলে আমারও কোন কষ্ট হবে না বাবাজী, আপনার আজ্ঞা শিরোধার্য। অনেক সুখভোগ করেছি, এবার অন্তরের ত্রী চাই। আপনি ভোজন গ্রহণ করুন। পরশু কাছারি খুললেই আমি সব-কিছু আপনার নামে লেখাপড়া করে দেব।

—কোন্ কাছারিতে? বাবাজী খিল খিল করে হেসে উঠলেন। আমার লেখাপড়া এই মুহূর্তে হয়ে গেছে, এ ধন আর তোমার নয়। আজ থেকে তুমি কেবল খাজাকি, কাজের বদলে মাস মাইনে পাবে।

—ঠিক আছে, তাই হবে, আজ থেকে সম্পত্তির ওপর আমার কোন দাবি রইল না।

—হ্যাঁ, এই মুহূর্ত থেকে তুমি স্থির হবে, তুমি তোমার কর্তা হতে চেয়েছিলে না? প্রতি মুহূর্তের সাধনা তোমায় সেই পথেই নিয়ে যাবে। তুমি কর্তা হয়ে বসে বিষয় ভোগ করবে, এর মধ্যোই পাবে জ্ঞান ধর্মের মহিমা। দোলের হাসিখুসীতে ভরা উৎসব তত্ত্বজ্ঞানপূর্ণ হয়ে গেল। এতদিন তার অস্থির মন সাংসারিক সুখের তরঙ্গে ভেসে বেড়াচ্ছিল, আজ সে সাধনার জগতে প্রবেশ করল। পৃথিবীতে সবাই কোন-না-কোন মানসিক রোগে, চারিত্রিক দুর্বলতায় ভুগছে, আজ সে অসীমের সন্ধান পেয়েছে। এতদিন এই অন্ধের ভিড়ে সেও তাদের মতই হাতড়ে হাতড়ে পথ খুঁজে বেড়িয়েছে। এবার তার চোখে জ্বলে উঠেছে আত্মজ্ঞানের জ্যোতি।

## আটত্রিশ

প্রায় দু'ঘণ্টা হল, বাবাজীর খাওয়াদাওয়ার পাট শেষ হয়ে গেছে। পোট্টিকোর বাইরে তাঁর বাস দাঁড়িয়ে। সজ্জন আর কণ্ঠা দু'জনে বাবাজীকে বাস পর্যন্ত এগিয়ে দিয়ে এল। সজ্জন সোজা ওপরের ঘরে চলে গেল। কণ্ঠার এখনো ঘর সংসারের অনেক কাজ বাকী, চাকরবাকরদের খাইয়ে, ভাঁড়ার বন্ধ করে তবে তার ছুটি।

চাকরদের পরিবেশন করে খাইয়ে বখশিশ দেওয়ার পর তাদের

বিশ্রাম করার জন্য ছ'ঘণ্টার ছুটি দিয়ে দিলে। ঠাকুরঘরের পুজোর বাসনকোসন মেজে ঘষে ঝকঝকে করে সাজিয়ে রেখে কিছুক্ষণ কত্যা একদৃষ্টে শাণ্ডীর ছবির দিকে তাকিয়ে রইল। বিগ্রহের সামনে ঘি়ের প্রদীপ জ্বলছে, পলতেটা একটু উঁচু করে, ধূপবাতির ছাই ঝেড়ে আবার সোজা করে গুঁজে দিলে। ঠাকুরঘরের ঝাড় ফানুসের দিকে কিছুক্ষণ তাকিয়ে দাঁড়িয়ে রইল। ঘরের ছাদে আর দেয়ালে সব সেকালের চিত্র আঁকা। শূন্যদৃষ্টিতে চারিদিকে চোখ বুলিয়ে নিয়ে সে ধীরে ঠাকুরঘরের কপাট বন্ধ করে বেরিয়ে এল। বাইরের রোয়াকে এসে এক মিনিট চুপচাপ দাঁড়িয়ে থেকে লন পার করে রান্নাঘরের সামনের বারান্দা দিয়ে ক্লাস্ত পায়ে, অন্তমনস্ক মনে, ওপরের সিঁড়ির দিকে পা বাড়ালে।

এ বাড়ির প্রত্যেকটা ঘরে দামী আসবাবপত্রের ভিড়। স্টুডিও ছাড়া (যেখানে সজ্জন বসে আছে) বাদবাকী ঘরগুলোয় সে একাই ঘুরে ঘুরে দেখতে লাগল। কখনো এদিক, কখনো সেদিক দাঁড়াচ্ছে, কখনো পুরোনো ফার্নিচার বা মূর্তির ধুলো ফটফট করে পরিষ্কার করছে, সে যেন তার মনের গভীরতাকে মাপকাঠি দিয়ে মাপার চেষ্টা করছে। এ বাড়ির প্রত্যেকটা জিনিস তার, সে এখানকার গৃহস্বামিনী। আজ থেকে পাঁচ-ছয় মাস আগে পর্যন্ত সে কোনদিন ঐ রাজ-ঐশ্ব্যের কল্পনা স্বপ্নেও করেনি। বাপের বাড়িতে তার আশেপাশের আবহাওয়ায় যেন সর্বদাই আসন্ন ঝড়ের ইঙ্গিত থাকত, তাই সে কোনদিনই প্রাণ ভরে মুক্ত বাতাসে নিঃশ্বাস নিতে পারেনি। আর্থিক অভাব-অনটনের মধ্যে সে মানুষ হয়েছে। মনের অসন্তুষ্টিকে চেপে রাখার জন্যে কখনো সাহিত্য-সাধনা, কখনো স্টেজে অভিনয় করার পর শেষকালে রাজনীতির

ক্ষেত্রে প্রবেশ করেছে। বিলাসিতার বিষয় তার কেতাবী জ্ঞান আছে কিন্তু রাজরাজড়াদের বৈভব স্বচক্ষে দেখার সুযোগ এর আগে কখনো পায়নি। সে সর্বদাই বড়লোকদের ঘৃণার চোখে দেখেছে, প্রত্যেক কথায় তাদের বাক্যবাণ দিয়ে শরাস্ত করতে পারলেই সে যেন সন্তুষ্ট হত। সজ্জনকে স্বামীরূপে পাবার পর যেন সব কেমন ওলটপালট হয়ে গেল, এখানকার ঐশ্বর্যে তার চোখে যেন ধাঁধার সৃষ্টি করেছে। বিয়ের পর সজ্জন তার হাতেই সমস্ত রাজপাটের ভার দিয়ে নিশ্চিত হয়ে গেছে। নতুন জীবনের নতুন অভিজ্ঞতা পুরোপুরি উপভোগ করার জন্যে একদিন সে বউরানী সঙ্গে শাশুড়ী, দিদিশাশুড়ীর সব গয়না পরে সঙ্গেগুঙ্গে পোট্টেটের মডেল হয়ে বসেছিল, এ যেন তার জীবনের এক বিচিত্র অভিজ্ঞতা! আপাদমস্তক প্রায় আশী হাজারের জড়োয়া গয়না দিয়ে মোড়া সে যেন এক জীবন্ত মমি। ক্রমশ সব যেন তার ধাতে সয়ে গেছে, আর ভারী গহনা পরে তার দমবন্ধ হয়ে আসে না। যখন সব-কিছু সাধারণভাবে ভোগ করার মত মানসিক স্থিতি হল, এমন সময় ত্যাগের ছুরি এসে তাকে বিঁধল। ভাগ্যের বিচিত্র বিড়ম্বনা! অনেক বিচার বিশ্লেষণ করেও সে এই ত্যাগের বিরোধিতা কিছুতেই করতে পারল না, তবু যেন কোথায় সব গরমিল হয়ে যাচ্ছে। ত্যাগের কথা ভাবতেই তার সুখী মন উদাস হয়ে যাচ্ছে। থেকে থেকে এক অব্যক্ত পীড়ায় বুকটা যেন মুচড়ে উঠছে। যদিও বাবা রামজী তাঁর সঙ্গে এ বাড়ির কুটোটিও নিয়ে গেলেন না তবু তার মনে হচ্ছে যেন সব বিকিয়ে গেছে, যা ছিল সব হারিয়ে গেছে, এখন মৌচাক খালি।

নতুন জীবনের নব উল্লাস যেন ত্যাগের কুয়াশায় ঢাকা পড়ে

গেছে। ক্ষণিক আধ্যাত্মিক গরিমা গৃহস্থ ধর্মের পালনে সাহায্য করলেও করতে পারে কিন্তু তাই বলে গৃহস্থ থেকে সব-কিছু ত্যাগ করা কি সম্ভব? এ ঘরসংসার আমার, আমি সুখী, সৌভাগ্যবতী, নিজের গৃহস্থ জীবনকে ভালোভাবে উপভোগ করতে চাই।

এতক্ষণে মনের অবসাদ অনেকটা হালকা হয়েছে। উঠে শোবার ঘরে এল। সজ্জন ঘরে নেই। আয়নার সামনে দাঁড়িয়ে নিজের প্রতিচ্ছবি দেখে সে যেন চমকে উঠল। লাগ্ন্যা কোথায় গেল? দেহের লাবণ্যের কাঁচাসোনা যেন সহসা ত্যাগের কণ্ঠিপাথরে ঝুটো হয়ে গেছে। নিজের এই ফ্যাকাসে শুকনো চেহারা নিয়ে সে সজ্জনের সামনে দাঁড়াবে কি করে? তাড়াতাড়ি সাবান দিয়ে ভালো করে মুখ ধুয়ে, ক্রীম পাউডার মেখে সিঁহুরের টিপ পরলে। চুল ঠিক করে ওয়ার্ডরোব খুলে, নীল রঙের ব্যাঙ্গালোর শাড়ি বার করে তারপর হীরের সেটের বাক্স খুললে। কানে টব্‌স্, নাকে নাকছাবি, গলায় হার, ডানহাতে চুড়ি, বাঁ হাতে হীরে বাঁধানো জড়োয়া ঘড়ি। সজ্জনের কেনা হীরের সেট সে আজ প্রথমবার পরছে। আয়নায় তার প্রতিচ্ছবি এবার যেন বড় ভালো দেখাচ্ছে, নতুন সাজসজ্জায় তার রূপ ফেটে পড়ছে।

সজ্জন নিজের স্টুডিওতে বসে ছবি আঁকছে, সামনে কন্যাকে দেখে সে বিস্ময় বিক্ষারিত চোখে বললে—হ্যালো! আনন্দমিশ্রিত আবেগে সে কন্যাকে মাথা থেকে পা পর্যন্ত খুঁটিয়ে খুঁটিয়ে দেখছে দেখে কন্যা মিষ্টি হেসে বললে—নজর দিচ্ছ নাকি?

—সে পালা সাজ হয়ে গেছে, এখন তোমাকে ভরপুর চোখে দেখে তৃষ্ণা মেটানোর পালা আরম্ভ হয়েছে।

—আমি ভাবলুম, তুমি বলবে যে এত শখ করে কিনে আনা

সেট— কণ্ঠা গন্তীর হল, ত্যাগের আগে একবার গ্রহণ করার বাসনা জেগে উঠল।

আদর করে কণ্ঠার গালে টোকা মেরে সজ্জন বলল— আমি এতক্ষণ এ বিষয় নিয়েই চিন্তা করছিলুম, উত্তর খুঁজে পেয়েছি। কণ্ঠা তার মুখের ভাবান্তর লক্ষ্য করল।

—দেখো কণ্ঠা, অভাব হয় মনোবলকে দৃঢ় করে নতুবা তাকে শেষ করে ছাড়ে। আমার মনে হয় অভাবের মধ্যে থেকে মনোবল দৃঢ় করার ক্ষমতা আমাদের ছুজনের আছে। আমার মনের কোণে ছাই চাপা অতৃপ্তির আগুন ধিকিধিকি জ্বলছে। আমার কথার হেঁয়ালি হয়তো তুমি ঠিক বুঝে উঠতে পারছ না। নতুন নতুন বিয়ের পর প্রত্যেক দম্পতির মনে অনেক আশা-আকাঙ্ক্ষা জেগে ওঠে। আমার একান্ত ইচ্ছে তোমায় নিয়ে অনেক দূর দূর পর্যন্ত ঘুরে আসি, পৃথিবীটাকে ভালোভাবে দেখে তার সৌন্দর্যকে উপলব্ধি করি। আমার মনের এই বাসনাকে দাবিয়ে দেওয়া আমার পক্ষে বিশেষ কঠিন হবে না কিন্তু এরপর আমি হারিয়ে ফেলব আমার মানসিক শান্তি, অতৃপ্ত মনের ছটফটানির বজ্রণা বড়ই কষ্টদায়ক।

সজ্জনের চিন্তাধারার আভাস পেয়ে কণ্ঠার চোখে প্রেমের ঝিলিক দেখা দিল। তার প্রেমের বর্ণালী ডানা যেন আজ স্বামীমোহাগের সোনালী আভায় ভরে গেছে। তার চাউনিতে মাদকতা আর উচ্ছ্বাস কিন্তু তার মধ্যে কামনার উত্তাপের বদলে ভোরের ঝিরঝিরে হাওয়ার তৃপ্তি আছে।

—বেড়াতে আমারও ভালো লাগে, কণ্ঠা বললে।

—হ্যাঁ কণ্ঠা! আজ হতে নিজের খরচ কম করতে আরম্ভ করব

কিন্তু মানুষ অভ্যাসের দাস— হঠাৎ অভ্যাস ধরা বা ছাড়া ছুয়েতেই হয় দেহের পীড়া, তাই আমি সহসা ত্যাগের ঝুলি কাঁধে নিতে নারাজ। তুমি ভেবো না আমি ধাপ্পা দেওয়ার জন্তে বলছি, সত্যিই আমি নিজেকে গণ্ডির মধ্যে বেঁধে ফেলার আগ্রাণ চেষ্টা করব। হ্যাঁ, এটা ঠিক নিজের বংশধরের সুখের ব্যবস্থা করার ফিকিরে আমি পূর্বপুরুষের সম্পত্তি হাতাতে চাই না, আমি এটা অনুচিত মনে করি। আমার হাতে এসময় মোটামুটি আটলক্ষ টাকার সম্পত্তি আছে। আমার বাবা প্রায় আট-দশ লক্ষ টাকা নিজের বিলাসিতার পেছনে খোলামকুটির মত উড়িয়ে গেছেন। প্রায় চার-পাঁচ লক্ষ টাকা কোর্ট অফ ওয়ার্ডসের সময় শুভার্থীর দল লুটেপুটে খেয়েছে। যাকগে সে-সব কথা, আমার হাতে যা আছে তার থেকে অর্ধেক দিয়ে আমি একটা ট্রাস্ট সমাজ-কল্যাণ কাজের জন্ত তৈরী করে দেব।

কথা উৎসাহিত হয়ে উঠল— তুমি আমার মনের কথা বুঝে ঠিক ব্যবস্থা করে ফেলেছ। দেখো সজ্জন, তোমার কাছে আমি প্রাণ খুলে সব কথা বলতে পারি। আজ আমি স্বীকার করছি আমাদের মনের মিলের মাঝখানে সোনা-রূপোর কল্লনা কোনদিনই আমার মনে আদেনি। তোমাকে স্বামীরূপে পাওয়ার কল্লনার সঙ্গে এ বাড়ির ঐশ্বর্য জড়িত ছিল না, কিন্তু গৃহস্বামিনী হয়ে আসার স্বপ্ন আমি যে না দেখেছি তা নয়। বধূরূপে এ বাড়িতে পা দেওয়ার পর আমি নিজেই এই বৈভবের জালে জড়িয়ে পড়লাম— তোমার প্রেম, তোমার ব্যবহারই হয়তো এরজন্তে বেশী দায়ী... আমি যেন ঠিক তোমায় বোঝাতে পারছি না, কিন্তু দয়া করে তুমি যেন আমায় ভুল বুঝো না।



—আমি ঠিকই বুঝছি।

—আজ বাবাজীর প্রস্তাবে আমি বিন্দুমাত্র বিচলিত হইনি, আমি জানি ত্যাগ আমার পক্ষে অতি সহজ কিন্তু একা এতক্ষণ ধরে— বলতে বলতে কণ্ঠার গলা বন্ধ হয়ে এল, অপরাধীর মত মাথা হেঁট করে পায়ের বুড়ো আঙুল দিয়ে মেঝেতে দাগ কাটার চেষ্টা করতে লাগল।

সজ্জন হো হো করে হেসে উঠল। সেই হাসিতে কণ্ঠার চমক ভাঙলো, অসময় হাসি শুনে তার মন-মেজাজ খারাপ হয়ে গেল। সজ্জন তাকে ছ'বাহুর বন্ধনে জড়িয়ে ধরে বুকের কাছে টেনে আদর করে তার কচি লালচে ঠোঁটে চুম্বনের উপহার দিয়ে বললে— একেবারে ছেনেমানুষ— তাইতো তোমায় এত ভালোবাসি।

সজ্জন দাঁড়িয়ে উঠে আলমুখি ছাড়লে। নিজের অসম্পূর্ণ ছবির দিকে তাকিয়ে বললে— এ ধরনের কথাবার্তা সাদানিদে মানুষের পক্ষে জীবন মরণের প্রশ্ন হয়ে যায়। সাধারণ প্র্যাক্টিকাল মানুষের সামনে এসব কথা বললে তারা আমাদের নিয়ে গিয়ে সোজা পাগলা গারদে পুরে দিয়ে আসবে, হোঃ হোঃ হোঃ। বলবে, সত্যযুগের সাধু কলিযুগে অবতার হয়ে জন্মেছেন... এসো।

কণ্ঠা উঠে দাঁড়িয়ে বলল— আজ জীবনের নতুন অভিজ্ঞতা হল, পয়সাকড়ির মোহ সহজে অস্বীকার করা সম্ভব নয়।

—এ পৃথিবীতে আমি এমন সব কিপটে লোক দেখেছি যে তারা সারা জীবন পয়সাকে বুকে ঝাঁকড়ে রইল কিন্তু তা উপভোগ করল না। তারা সারা জীবন ভালো খাওয়াপরা জন্তে হাপিত্যেশ করে শেষকালে রুগী হয়ে বিনা চিকিৎসায় প্রাণ হারায়। এমন লোকের পয়সা কারুর কাজেই লাগে না।

—এরাই মরে গিয়ে শুনেছি সাপ হয়ে সেই রক্ষিত ধনের ওপর ফণা উচিয়ে পাহারা দিতে থাকে। কণ্ঠা হেসে বললে। দুজনে শোবার ঘরে ঢুকল। সজ্জন বালিশে ঠেসান দিয়ে বসে বললে— সাপের কথা বিশ্বাসযোগ্য না হলেও আমি তা বিশ্বাস করি, যদিও এখনো পর্যন্ত যুক্তি দিয়ে বুঝতে পারিনি। আমাদের বাড়িতেও সাপের জোড়া ছিল।

—কোথায় ?

—ঠাকুর ঘরে।

—ঠা-কু-র-ঘরে !

—হ্যাঁ, ওর নীচে গুপ্তঘর আছে। কখনো এ নিয়ে কথা হয়নি তাই তোমাকে বলতে বা দেখাতে ভুলে গেছি। বাবার মৃত্যুর পর সেটা ওপর থেকে ভরাট করে বন্ধ করে দিয়েছি। আমি নিজেই আজ পর্যন্ত কখনো সেখানে যাইনি। খুব ছোটবেলায় একবার সেই ঘর খুলতে দেখেছিলাম, আবছা আবছা মনে আছে।

—ওখানে সাপ ছিল ?

—হ্যাঁ, বাবা তাদের মেরে ফেললেন। তার পরই কয়েক মাসের মধ্যে তিনি নিজেই মারা গেলেন। আমাদের বাড়িতে সকলেরই বিশ্বাস সাপেদের ওপর হাত ওঠাবার ফল তিনি পেলেন। মা আমাকে বলতেন আমার প্রপিতামহ যখন এ বাড়ি তৈরী করেন, তখন সোনার বটলেইতে ( গামলার মতো গোল মুখের বাসন ) করে সাপের জোড়া এ বাড়িতে আনা হয়েছিল। প্রপিতামহ সেকালে বিলেত ঘুরে এসেছিলেন। ফিরে এসে প্রায়শ্চিত্ত করতে রাজী হননি, প্রগতিশীল ব্যক্তি ছিলেন, তবু এই সাপের জোড়াটি সম্বন্ধে তাঁর দুর্বলতা ছিল। শোনা কথা যে আমার পূর্বপুরুষ রঘুমল

এবং তাঁর স্ত্রী এ জন্মে জোড়া হয়ে মায়া আগলে বসে আছেন। তিনিই নবাব সআদত আলি খাঁর সঙ্গে দিল্লী থেকে লক্ষ্মী এসেছিলেন।

—তারপর কি হল?

—তিনি কাপড়ের মস্ত কারবার করতেন। তিনি খুব চালাক চতুর ছিলেন তাই নবাবকে বেশ হাতে রেখেছিলেন। এখানে আসার পর লক্ষ্মীর কৃপায় তাঁর ভাণ্ডার ফুলে ফেঁপে উঠতে লাগল। মৃত্যুর পর তিনি স্ত্রীকে স্বপ্নে আদেশ দিলেন যে গিনির যে বড় হাণ্ডার ওপর আমি বসে আছি তার আশেপাশের চারটে হাণ্ডাতে (বড় গোলমুখো হাঁড়ি) যেন কেউ হাত না দেয়। যদি কখনো আমাদের পরিবার আর্থিক সংকটের সম্মুখীন হয় তখন প্রতিদিন এক বাটি আসরফী এর মধ্যে থেকে বার করে নিতে দেব আর এক বাটি দুধ এখানে আমার জন্তে রেখে দিও।

—তারপর?

—তারপর আর কি? তাঁর আদেশমত সব ব্যবস্থা হল।

—তার মানে স্বপ্নে দেখার পর সত্যিই সাপ...

—হ্যাঁ, কিছুদিন পরেই তাঁর স্ত্রী মারা গেলেন, তখন লোকেরা গিয়ে সে জোড়া স্বচক্ষে দেখছিল।

—সেই আসরফীতে কেউ হাত দেয়নি?

—না। হয়তো দরকারই হয়নি। রঘুমলজীর পর আমাদের বংশে ধন দৌলত সমানে বেড়েছে, কখনো কমেনি। আমার পূর্বপুরুষেরা খুব চালাক-চতুর আর প্র্যাক্টিকাল ছিলেন। দরবারে তাঁদের ইজ্জত ছিল। আশেপাশের হাওয়ার দিশা দেখে তাঁরা সেইদিকেই ঝুঁকে পড়তেন, ব্যবসা করে বড় শেঠ হলেন তারপর

বড় ভালুকদার। হ্যাঁ আমার প্রপিতামহ, যিনি এই বাড়ি তৈরী  
করিয়েছিলেন, গৃহপ্রবেশের সময় কানে শোনা কথাকে যাচাই করে  
নেওয়ার জন্যে তিনি একদিন এক হাণ্ডার মধ্যে থেকে কিছু  
আসরফী বার করে সেই সময় আলাদা রেখে দিয়েছিলেন। সেই  
রাত্রিরে তিনি স্বপ্নে আদেশ পেলেন আসরফী হাণ্ডার মধ্যে না  
রাখলে তাঁর ছেলে-বটকে কালের গ্রাস হতে হবে। তিনি তারপর  
দিনই সেই আসরফী নিয়ে গিয়ে যথাস্থানে রেখে দিয়েছিলেন।  
আমার ঠাকুর্দা জ্যাম্বে কখনো তাকে ছোঁবার চেষ্টা করেননি।  
ভাগ্যের পরিহাস, তিনি বেশ কম বয়সেই মারা গেলেন আর  
সমস্ত সম্পত্তি কোর্ট অফ ওয়ার্ডসে চলে গেল। বাবা প্রাপ্ত-  
বয়স্ক হওয়া পর্যন্ত অনেক সম্পত্তি সকলে লুটেপুটে খেল। তারপর  
বাবা প্রাপ্তবয়স্ক হলেন, তাঁকে বিলেত পাঠানো হল। বিলেত-  
ফেরত হয়ে আসার পর তাঁর ভোলই পালটে গেল। উচ্ছৃঙ্খল  
জীবনের নেশার ঘোরে একদিন তিনি সেই সাপের জোড়াকে  
মেরে ফেললেন। তার কিছুদিন পরেই তিনি মারা গেলেন। মা  
বলতেন পূর্বপুরুষের অভিশাপে এমনটা ঘটল।

—আর সেই আসরফীর হাণ্ডা?

—বাবা সব গালিয়ে ফেলেছিলেন।

—গুপ্তঘরে এখন কী আছে?

—জানি না।

ফোঁস করে দীর্ঘশ্বাস ফেলে কণ্ঠা বলল— সাপেরা রক্ষিত ধন  
পাহারা দিয়ে তার ওপর কুণ্ডলী পাকিয়ে বসে থাকত, এ গল্প  
আমি এর আগেও শুনেছি কিন্তু বিশ্বাস করিনি।

—আমিও বিশ্বাস করতে পারিনি কিন্তু মা নিজে দেখেছিলেন।

সাপের জোড়ার সঙ্গে আমাদের বাড়ির ইতিহাস জড়িয়ে আছে...,  
বিচিত্র ব্যাপার।

—সত্যি কথাই, এ দেশ বিচিত্র ব্যাপারে ভর্তি, বড় বেশী  
পরস্পরবিরোধী ভাবধারার মধ্যে আমরা জীবন কাটাই। এক  
দিকে তর্ক, জ্ঞান, দর্শন, গণতন্ত্র ইত্যাদির মত কঠিন ভাব আর  
অন্যদিকে সাপ, যোগী, জেঠীর জাহ্নমন্ত্র, এ-সব অন্ধবিশ্বাস ছাড়া  
আর কি ?

—কিন্তু কন্যা, বিশ্বাস না করে উপায় নেই। আমাদের বাবাজীকে  
দেখো-না, এঁর আত্মিক শক্তিকে অবিশ্বাস করা কি সম্ভব ?  
কন্যা বিছানায় কনুইয়ের ভরে মাথা রেখে এলিয়ে পড়ল।

সজ্জন বলল— মোহ আর ত্যাগ ..

—সাপ আর যোগী— দুজনেই ..

—দুজনেই সীমা ছাড়িয়ে গেছে। দুজনেই অতি প্রাচীন  
পরম্পরার মধ্যে চলছে। ভারত সেই মহেজ্জাদারো আর হরপ্পার  
যুগ থেকে বৈভব সংগ্রহ ও তাকে উপভোগ করা জানে। তারই  
প্রতিক্রিয়াস্বরূপ সেই ভোগকে এক মুহূর্তে ত্যাগ করে সাধনার  
পথে বেরিয়ে পড়াও সে যুগ থেকে সমান্তরাল ভাবে চলে এসেছে।

—মেম সাহেব। বাইরে চাকর সাড়া দিল।

—ভেতরে এসো শীতল ! কন্যা উঠে বসল।

—চা নিয়ে আসব হুজুর ?

—নিয়ে এসো— সজ্জন উত্তর দিলে। চাকর চলে গেল।

—একটু পরেই চা জলখাবার ট্রেতে সাজিয়ে চাকর নিয়ে এল।  
সজ্জন আর বনকন্যা আজ যেন নিজেদের মনের গোলকধাঁধায়  
নিজেরাই ধরা দিয়ে বাকশক্তি হারিয়ে ফেলেছে। সজ্জন চুপচাপ

চায়ের পেয়ালায় চুমুক দিচ্ছে। কণ্ঠার হাতের চা ঠাণ্ডা জল হয়ে গেছে।

—সজ্জন, যদি আজ আমরা আদর্শের সিঁড়ির প্রথম সোপানে চড়তে গিয়ে পা ফসকে পড়ে যাই তাহলে আত্মগ্লানির আর সীমা থাকবে না। খেয়েদেয়ে আনন্দ করে গায়ে হাওয়া লাগিয়ে ফুরফুরিয়ে বেড়ানো মানে বিলাসিতার বিষকে আকর্ষণ পান করা।

—ভেবে দেখো কণ্ঠা, বাবা রামজী আমাদের এক কঠিন প্রশ্নের মধ্যে ফেলে গেছেন। এর উত্তর পাবার জন্যে আমাদের কোন-না-কোন সুদৃঢ় পন্থা অবলম্বন করতেই হবে। ভোগ আর সাধনা, একটাকে বাছতেই হবে।

—বেছে নিয়েছি। আমরা গৃহস্থ, ভোগ আর ত্যাগের সংযুক্ত জীবনই আমাদের কাম্য হওয়া উচিত।

## উনচল্লিশ

দো দো দোল!

কালো লাল নীল হলদে রঙ মুখে মেখে, হাতে পায়ে রঙবেরঙের ছাপ লাগিয়ে, চিত্রবিচিত্র ছেঁড়া জামাকাপড় পরে এক জোকার গাধার পিঠে বসে যাচ্ছে। তার পেছনে টিনের কানিস্তারা বাজাতে বাজাতে, পচা টমেটো ফচফচ করে লোকের মুখে মারতে মারতে, কালো রঙ লোকদের মুখে মাখতে মাখতে দোলের জুলুম

মহিপালের বাড়ির সামনে দিয়ে হৈ হল্লা করতে করতে বেরিয়েছে। দোলের হাঙ্গামায় সারা গলি সরগরম। সামনে শিবালয়ের পাশ দিয়ে সাইকেল প্যাডেল মেরে সজ্জনের চাকর এদিকেই আসছে। বিরাট জুলুস আর হৈ চৈ দেখে সে তাড়াতাড়ি সাইকেল থেকে নেমে একপাশে দাঁড়িয়ে পড়ল। বাঘের মুখের সামনে যেন অজান্তেই শিকার এসে ধরা দিয়েছে, ভিড় সজ্জনের চাকরের ওপর ঝাঁপিয়ে পড়ল। ছিদ্র বেশ হুঁশিয়ার আর মজবুত, তাড়াতাড়ি হুঁহাতে সাইকেল উঠিয়ে ঢালের মত নিজের সামনে তুলে ধরে সে গর্জে উঠল। খবরদার, সাইকেল নিয়ে তোমাদের ঘাড়ে চাপব মনে থাকে যেন। হুঁতিনটেকে একেবারে পিষে দেব তারপর তোমরা যত ইচ্ছে নাচন কোদন করো গে যাও।

দোলের নন্দহুলালের গজরানি শুনে ঠাণ্ডা। নিরীহকে পেলেই এঁরা বেশী লক্ষ্যক্ষ করে থাকেন। এবার এঁরা হাড়ে হাড়ে টের পেলেন যে শিকারও বাঘের মতই চোখ রাঙাচ্ছে, ব্যাপারটা সুবিধের নয়। ছিদ্র চোখ বড় বড় করে রোয়াকের দেয়াল ঘেঁষে সাইকেল হাতে নিয়ে যুদ্ধের জ্ঞাত প্রস্তুত হয়ে দাঁড়িয়ে আছে। ছেলেছোকরার দল হিপ হিপ হুর্রে চেষ্টাচ্ছে, হাত-পা মটকে ভেংচি কাটছে, যত রাজ্যের অকথ্য ভাষায় গালাগাল দিচ্ছে, পিচকিরি আর জলের ফোয়ারা দিয়ে সকলকে ব্যতিব্যস্ত করে মারছে। পচাবস্তা দিয়ে ফুটবল খেলার প্র্যাকটিস হচ্ছে, তাদের মাথা লক্ষ্য করে সাইকেলের মার-প্যাঁচ দেখাবার কথা ভেবে ছিদ্রু যেই এগুলো, ওমনি তার চোখে ফস ফস করে পিচকিরির বর্ষা এসে তাকে প্রায় কানা করে ছাড়লে। বাপস্, এমন রঙ খেলা সে বাপের জন্মে দেখেনি, কি বেয়াড়া লোকজন। জুলুস বেরিয়ে

গেল। ছিদ্র হাতে ঝাঁঝ ধরে গেছে, সাইকেল সমেত হাতটা কাটা গাছের মত নীচে এসে পড়ল। হঠাৎ আক্রমণের হাত থেকে নিজেকে বাঁচানো আর সাইকেলের অস্থি পাঁজর স্বস্থানে ফিট রাখার চিন্তা, দুই মিলিয়ে সে নিশ্চল পাথরের মত খানিকক্ষণ দাঁড়িয়ে থেকে তারপর ধপাস্ করে গলিতে বসে পড়ল।

মহিপাল নিজের ছাদ থেকে এ দৃশ্য দেখছে। গত কয়েকদিন থেকে আর বিশেষ করে আজ এ ধরনের দৃশ্য সে কয়েকবার দেখেছে। রোয়াকের সামনে তার পাড়ার ছেলেরা দোল খেলছে, তাদের সে বেশ ডাঁটে রাখে কিন্তু ভিন্ন পাড়ার ছেলেরা তার আওতার বাইরে। দোলের পরের দিন আধাবয়সী লোকেরা ঘরের কোণে বসে থাকে বটে কিন্তু উঠতি বয়সের ছেলেরা সেদিন বেশী হৈ ছল্লোড় করে। দোলেতে রঙ খেলা, আপসের গালাগালি, সব-কিছু যেন মন্দ লাগে না। দোলের এই কটা দিন সমাজের নিয়ম-কানুন ভঙ্গ হয়ে যায়, ছোট বড় সব এক রঙে রঙীন হয়। বড় বড় ঘরের যুবকরাও এই দিনে ছেঁড়া জামা গায়ে দিয়ে, ভূতের মত মুখে রঙ মেখে রাস্তায় নেচে বেড়ায়। গলি ঘুঁজি, দেয়ালে, দরজায়, কুকুর, গোরু, ষাঁড়, গাধা, ছাগলের পাল সব রঙীন হয়ে যায়। গলির এবড়োখেবড়ো জমি, দেয়াল আর লোকের মুখের অশ্লীল গালাগালি সব মিলিয়ে ব্রহ্মানন্দের সহোদর রূপকে তারা যেন এক পৌঁচ কালি মাখিয়ে আনন্দ পাচ্ছে, দোলের এই রূপ মহিপালের মোটেই ভালো লাগে না। সুখের দিনে গালাগালি কেন স্থান পাবে? কেন পুরুষ নিজেকে আর নারী জাতিকে এভাবে অপমানিত করে? দোল আনন্দের উৎসব, তাতে পরস্পরকে গালাগাল দিয়ে মানুষ আনন্দ পায় কেন? তবে কি সারাটা



বছর সে কৃত্রিমতার সোনালি ঘোমটা দিয়ে নিজেকে ঢেকে রাখে ?  
এ কয়েকদিন সুযোগ পেয়ে সে নিজমূর্তি ধরে বিষ উদ্গীরণ করে ?

সজ্জনের চাকর খবর দিতে এল— সায়েব বিকেল ছটায় আসতে  
বলেছিলেন কিন্তু আপনারা চারটের সময় এলে ভালো হয়। সবাই  
মিলে নৌকোতে বেড়াতে যাওয়ার প্রোগ্রাম হয়েছে।

মহিপাল হেসে বলল— তোমার সায়েবকে বোলো যে আমরা  
সাহজনফ রোডে থাকি না, গলির মধ্যে থাকি। সায়েবকে একবার  
তোমার এই শ্রীমুখখানি দেখিয়ে দিয়ে বোলো যে উনি আমাদেরও  
এই দুর্গতি দেখতে চান নাকি ?

চাকর লজ্জা খেয়ে হেসে ফেলল। মহিপাল তাকে কর্নেলের  
বাড়ি যেতে মানা করল। শকুন্তলাকে ডেকে মহিপাল তাকে  
বোঝালো ছিদ্রুর জামাকাপড় ভিজ্ঞে জবজব করছে, ওকে তার  
একটা শুকনো জামা আর ধুতি দিয়ে দিতে। সে কাপড়চোপড়  
ছেড়ে মিষ্টিটিষ্টি খেয়ে তবে যাবে। ভিড়ের সামনে তার বাহাদুরী  
দেখে মহিপাল ছিদ্রুকে দু'টাকা বখশিশও দিলে। অপ্রত্যাশিত  
লাভে ছিদ্রু বেজায় খুসী। মহিপাল ওপরে চলে গেল।

মহিপালের বাড়িতে ইতিমধ্যে অনেক পরিবর্তন হয়েছে। যেখানে-  
সেখানে বৈভবের দীপ্তি ছড়িয়ে আছে। ঘর থেকে লেখার জিনিস-  
পত্র, টেবিল চেয়ার, স্টুল সব গায়েব। তার জায়গায় আর্ট  
স্কুলের তৈরী সাঁচী শিল্পের ডিক্রাইন দেওয়া সোফা, তক্তপোষে  
সেখানকারই ছাপা চাদর, পর্দা, অ্যাশট্রে, টেবিল ল্যাম্প, রেকাবি।  
বুদ্ধের মূর্তি, সব সাজসরঞ্জাম তার সাহিত্যিক বৈঠকখানাকে  
একেবারেই ওলটপালট করে দিয়েছে। লেখাপড়ার হিসেব কিতাব  
এখান থেকে উঠিয়ে ছোট দালানের পাশের কাঠের পার্টিশন দিয়ে

তৈরী একখানা ছোট চিলেকোঠায় পৌঁছে দেওয়া হয়েছে। কাঠের ঘর এখনো পুরোপুরি তৈরী হয়নি, তাই ছুতোরের ধলে আর কাঠ এক কোণে রাখা আছে। ওয়ারের ঘরে বিশেষ পরিবর্তন হয়নি তবু তার মধ্যে নতুনত্বের ছোঁয়া দেখা যাচ্ছে। দোলের উৎসবে পরার জুতা বাড়ির সকলের নতুন দামী মচমচে লোফার শু, মেয়েদের নতুন ডিজাইনের স্ট্রাওপ, বাড়ির সকলের পায়ের চটি থেকে নিয়ে মাথা পর্যন্ত ধোপদস্তুর চেহারা দেখে মনে হচ্ছে এ বাড়ির দৈনন্দিন জীবনধারায় কোথাও নতুন পরিবর্তনের সঙ্গে তাদের পুরোনো চেহারা বদলে গেছে।

মহিপাল ছাদে দাঁড়িয়ে কিছুক্ষণ গ্লির দোলের আনন্দমেলা দেখে নিয়ে রান্নাঘরে চলে গেল।

কল্যাণীর আজ দম ফেলার সময় নেই। নানা রকমারী মিষ্টি তৈরী করতে সে ব্যস্ত। কাল হবু বেয়াইয়ের বাড়ি মিষ্টি পাঠাতে হবে। কল্যাণী আর মহিপালের বাড়িতে ঐ প্রথম কাজ, বিয়ের সম্বন্ধ তারা নিজেরা ঠিক করেছে তাই আবার ভাগ্যীর। কল্যাণী তার আত্মীয়স্বজন, বন্ধুবান্ধব সাতশুষ্টি লোককে একবার দেখাতে চায় সে এত বড়লোক, তার মন কতটা উদার। তার স্বামী এত বড় লেখক যে কুড়ি হাজারের মত মোটা চেক আসে তার নামে, কেবল একখানা বই থেকে তার এত আয়! কল্যাণীর মুখে আজ সে চাঁচাছোলা কথার বাঁধুনি নেই, আজ সে স্বামীর গর্বে গর্বিতা গৃহস্বামিনী। নাকে হীরের নাকছাবি, কানে মুক্তোর ছল, গলায় সোনার চিক, কোমরে সোনার পেটী, হাতে কাঁচের চুড়ির সঙ্গে সোনার ডায়মণ্ডকাটা তাগা, পায়ে বিছিয়া (পায়ের বড় আঙুলের পাশের আঙুলে রূপোর আংটি পরেন সধবারা)। স্বামী দেবতার

বিশেষ আগ্রহে পায়ে ঘুঙুর দেয়া মল উঠেছে। কল্যাণী লক্ষ্মীয়েব বাজপেয়ী বামুন-পরিবারের সঙ্গে সম্বন্ধ করেছে শকুন্তলার। জামাই সচিবালয়ে দুশো চল্লিশ টাকা মাইনের কেরানী। বড় ভাই জঙ্গলের ঠিকা নেন, জামাইয়ের ছোট ভাই এম. এ. পড়ছে, শাশুড়ী ননদের বালাই নেই। জামাই বাবাজী একাল্লবর্তী পরিবারে থেকেও স্বাধীন। এক বাড়িতে সব ভাইরা মিলে থাকেন, একই উনোনে সকলের রান্না হয় কিন্তু খাইখরচ বউদির হাতে দিতে হয়। বাড়ির খরচ খরচার হিসেব কিতেবের বিষয় কোন গোলমাল নেই, বনিবনা ভালো আছে। ভগবানের আশীর্বাদে শকুন্তলা ভালো ঘরবরে গেছে। যে দেখবে বা শুনবে, সেই মামা-মামীর প্রশংসা না করে পারবে না। জামাই খুব ভালো, কেবল দশ হাজার নগদেই রাজী হয়ে গেছে, তাছাড়া দশ হাজার নগদ দেওয়া যে-সে লোকের কর্ম নয়। বড়লোক না হলে এত ক্ষমতা কার আছে? মহিপাল রান্নাঘরের পিঁড়িতে বসে আছে। নানা রকমের সাজানো মিষ্টির থালা আর গয়না পরে সাজাগোজা কল্যাণীকে দেখে তার চোখ যেন জুড়িয়ে যাচ্ছে। মহিপালের ভাবনা চলছে, কতটা আর পিতা, সন্তোষ আর দম্ভ দুই বিভিন্ন চিন্তাধারার মধ্যে যেন সে এক মুক দর্শক। কড়ার গরম ঘিয়ে পেরাকী ছাড়তে ছাড়তে স্বামীকে দেখে কল্যাণী ডান হাতের কনুই দিয়ে মাথার কাপড় একটু টান দিয়ে বললে— কে এসেছিল?

—সাহজনফ রোডের বড় বাড়ি থেকে নবাব খাঁজাখাঁ সজ্জনের চাপরাশি এসেছিল।

—কী হুকুম করেছেন তিনি? নেমন্তন্ন ক্যাসেল না কি?

—না না ডবল ডবল। চারটের সময় নৌকা করে বেড়ানো

তারপর ফুচকা, দইবাড়ার প্রোগ্রাম, রাত্তিরে ভূরিভোজনের পর এলফিটনে ‘সংসার’ বায়স্কোপ দেখার প্রোগ্রাম করা হয়েছে।

—সংসার আবার দেখার মত বায়স্কোপ না কি? রাজ্যশ্রী মুখ বঁকিয়ে বললে— বোর হয়ে যাবে বাবা তুমি, পপুলর আপীল আছে এই পর্যন্ত বাস্। এত নামকরা আর্টিস্টের বউ কাকীমা, নিজে এত প্রগতিশীল তবু...

—কাকীমার কোন দোষ নেই, তোমার মা আর কর্নেলের পছন্দ।

—এর থেকে ভালো হত যদি আমরা ‘বাহার’ দেখতাম।

—যেমনি নাগনাথ তেমনি সাপনাথ— প্রভেদ কিছুই নেই। ‘বাহারে’ এমন কী মর্ডান ব্যাপার দেখিয়েছে? মহিপাল মেয়েকে আদর করে ধনক দিলে— আজকাল যতসব আনখাচারেল বাজে পচা সব বই তৈরী হচ্ছে। আমার মনে হয় ‘সংসার’ এ-সবের চাইতে ভালোই হবে।

রাজ্যশ্রী মাথা হেঁট করে থালা থেকে পেরাকী তুলে বড় টিনের কোটায় ভরতে গিয়ে অন্তমনস্ক হওয়ায় ছ’তিনখানা মেঝেতে পড়ে গেল। ঝারি দিয়ে পেরাকী বার করে পাশের উনুনে চড়ানো রসের কড়ায় ফেলতে গিয়ে হাত গুটিয়ে বসে থাকা মেয়ের দিকে নজর পড়তেই বিরক্তির আগুন যেন কল্যাণীর কথায় ঝরে পড়ল— সিনেমার গল্প নৈলে আর কিছু চাই না তোমাদের, এ গল্প পরে করলে কি মহাভারত অশুদ্ধ হয়ে যাবে? ঘর-সংসারের কাজে একদম মন নেই এই রজ্জোর।

—পড়ে গেল মা— বলে রজ্জো! তাড়াতাড়ি মেঝের পেরাকী উঠিয়ে কোটায় রেখে দিলে।

—এই দেখো, এই দেখো, আকৈলখানা একবার দেখো, মেঝে থেকে উঠিয়ে...

—তাতে কী হয়েছে মা ? ধোয়া পৌঁছা মেঝে ।

—রজ্জো, এখান থেকে দয়া করে তুমি বিদেয় হও, তোমার কাজ আমি হুচক্ষে দেখতে পারি না । কল্যাণীর মুখের কথা শেষ হবার আগেই রাজ্যশ্রী ধম্ করে মেঝেতে থালা রেখে দিয়ে হুম দাম পা ফেলে চলে গেল । মা-মেয়ের বাক্যযুদ্ধে মহিপাল একেবারে চূপ হয়ে বসে আছে । রজ্জো চলে যাবার পর গলা নামিয়ে কল্যাণীকে বলল— তোমার ধর্ম আচার বিচার সব একেবারে সেকেলে, এযুগে তোমার এসব মানছে কে ?

—আমার ভারি বয়েই গেছে, আমি তাই বলে নিজের কুলমর্যাদা ছাড়তে যাব কোন্ হুঃখে ?

—‘না না, ছেড়ো না আবার’ দীর্ঘশ্বাস ফেলে মহিপাল ঠাট্টাচ্ছিলে বললে— তোমার এই ধর্মকর্ম, আচার-বিচারের চোটে আমার অবস্থা নাজেহাল হয়ে যাচ্ছে পণ্ডিত মশাই— বলতে বলতে সহসা যেন অজ্ঞাত বেদনায় তার মুখের রেখা আরো স্পষ্ট ভাবে দেখা দিল, চোখ বুজে এল । ক্ষণিকের জ্ঞপ্তি যেন আশেপাশের পরিবেশ ভুলে সে এক গভীর চিন্তাধারায় ডুবে গেল ।

—তোমার ধর্মকর্ম জ্ঞানের পায়ে কোটি কোটি নমস্কার । ছেলেপুলেরা সব তোমার অভ্যাস দেখে দেখে শিখছে । তবে হ্যাঁ আমার শকুন্তলা বড় ভাল বুঝদার মেয়ে, যা আচার-বিচার মানার শিক্ষা দিয়েছি সব...

—হাঃ হাঃ হাঃ, তোমার সামনে ভয়ে শকুন্তলা পাকা ব্রাহ্মণী সেজে থাকে । ওর স্বস্তুর বাড়িতে কিন্তু আমার ধর্মই সকলে

মানে, খাঁটি বাজপেয়ী কিন্তু তোমার মতো তারাও বায়ুন নয়—  
হাঃ হাঃ।

—না হলেই বা, আমার এসবে মাথা ঘামাবার দরকারটা কি ;  
আরে কথায় আছে না আর সে রামও নেই আর সে অযোধ্যাও  
নেই। শাস্ত্রে লেখা আছে কলিযুগে আচার-বিচার কেউ মানবে  
না, সব স্লেচ্ছ হবে। উমাশঙ্কর তোমার মত সব-কিছু খায় দায়  
নাকি ? মহিপাল গম্ভীর হয়ে গেল—না না, উমাশঙ্কর বড় সং  
ছেলে। আমি কাকুর মুখে ওর বিষয়ে ভালো ছাড়া মন্দ শুনি  
না। হোটেলে বসে খায়টার এ খবর আমি পেয়েছি।

—তাহলে শিবশঙ্করের বাড়িতে...

—হ্যাঁ, তোমার মত পুরোপুরি না হলেও অর্ধেক ব্রাহ্মণী তো  
বটে। হাঃ হাঃ! সেদিন শিবশঙ্করকে নিজের কাছে বসিয়ে আমি  
খুঁটিয়ে সব কথা জিজ্ঞেস করেছিলাম, মেয়েপক্ষের দায়িত্ব কতবড়।  
আমি নিজে ভুক্তভোগী কিনা তাই ছেলেমেয়ের বিয়ে এমন ঘরে  
দেব যেখানে তোমার মত পাকা ধার্মিক তাদের বাড়িতে নেই,  
রোজ তা হলে সাপে 'নেউলে হতে থাকবে আর মনের শাস্তি নষ্ট।

—দিও না অমন জায়গায় বিয়ে, আমায় কথা শোনাচ্ছ কি ?  
আমি বিয়েতে ছুটো জিনিস দেখি, স্বগোত্র আর লোক ভালো।  
আমার ইচ্ছে বড়কু ( বড় খোকা ) আর রজ্জোর বিয়ে তাড়াতাড়ি  
সেরে ফেলি, আমিও একবার দেখিয়ে দেব একা গট্টাই বড়লোক  
নয়। এই কাজের সময় ভগবান মুখ রক্ষে করেছেন। দশ  
হাজারের খাঁই মেটানো সোজা কথা নয়। সেদিন জয়কিশোরের  
বাড়ি মুল্লরের মার সঙ্গে দেখা...

স্ত্রীর মুখরোচক গল্প মহিপাল মন দিয়ে শুনছে। কল্যাণী আজ

বেশ উঁচু গলায় কথা বলছে। মুন্সরের মা একবার বিজ্ঞপের চিমটি কেটে বাড়ির কথা ফাঁস করার জন্তে তাকে বলেছিল যে মহিপাল বড়লোক, এ বিষয়ে কোন সন্দেহ নেই কিন্তু পকেটে ঠন ঠন বাবাজী। ভালো ঘরের কে এই হা ঘরে সম্বন্ধ করবে? কল্যাণীর মুখে সে কথা শুনে মহিপালের কাটা ঘা খোঁচা খেয়ে যেন আবার টনটন করে উঠেছিল। সেই মুন্সরের মার কথা আজ আবার কল্যাণী তুলেছে, মহিপাল উৎসুক হয়ে প্রশ্ন করল— কি বললে মুন্সরের মা?

—সে আর কোন্ মুখে কথা বলবে? আমি নিজেই কথা তুলে শুনিয়ে দিলাম যে অন্তদের বড়লোকোমি লুটের আর বেইমানীর পয়সা আর আমাদের ঘর-সংসার ধর্ম আর তপস্চার তেজে টিকছে না। আমাদের ব্যাকের খাতায় লক্ষ হুঁলক্ষ টাকা নেই বটে কিন্তু যখন যেমন দরকার ভগবান ঠিক পূর্ণ করে দেন। দশ হাজার এই শকুন্তলাকে দিলাম— বলতে বলতে উদ্বেজনার আবেগে কল্যাণীর নিশ্বাস নিতে কষ্ট হচ্ছে। এক মিনিট গলা ভিজিয়ে নেবার জন্ত সে চুপ করল। পেরাকী সব ভাজা হয়ে গেছে, কাণ্ডাই রাখা গামছা দিয়ে ধরে কড়া নামিয়ে মেঝেতে রেখে ঘাম মুছে নিয়ে পিঁড়িতে বসে বিশ্রাম করতে লাগল। মহিপালের উৎসুক্য জেগে উঠেছে। আত্মপ্রশংসা আর আত্মপ্রচার, দুই মানুষের চরিত্রের দুর্বলতা।

—তারপর মুন্সরের মা আর কী বললে? ওখানে আর কে কে ছিল?

—সকলেই ছিল। ভাজা পেরাকীর খালা কাছে টেনে রসে ফেলার ব্যবস্থা করতে করতে কল্যাণী বলল— জয়কিশোরের মা

ছিলেন, ওর বউদি, জয়কিশোরের স্ত্রী— কিন্তু আমি কারুর পরোয়া করি না, কারুর খাই না পরি যে তাদের তাঁবে থাকব ? আমার মত ভাগ্য এরা পাবে কোথায় ? এতদিন এদের ফটফটানি শুনে এসেছি কিন্তু কপাল মন্দ বলে উত্তর দিতে পারিনি । ভগবান এখন দিন দিয়েছেন, এদের খোঁতা মুখ ভোঁতা করে দেব । আমি মিষ্টি মিষ্টি করে শুনিয়ে দিয়েছি যে অশ্বদের মানসন্মান, বাড়ি ঘরদোর, বাবুআনির লটবহরের লীলাখেলা দু'দিনেই সাক্ষ হবে, কিন্তু আমার বাড়ির মর্যাদায় আঁচ লাগবে না, যত দিন যাবে ততই মানসন্মান বৃদ্ধি পাবে । শহরে তোমাদের জ্ঞাতিদের বড় বড় ডাক্তার-উকিলরাই চেনে, কিন্তু আমার এঁর নাম দেশবিদেশের লোকেরাও জানে । বড় বড় অফিসারেরা আমার এঁকে চেনে, এঁর লেখা বই পড়ে । আমার বাড়ির লোকের সঙ্গে অশ্বদের তুলনা ? বলতে বলতে কল্যাণী ঝারা করে পেরাকী উঠিয়ে রসে ফেললে ।

কল্যাণীর মুখের প্রত্যেকটি কথা যেন মহিপাল গিলছে— আরে দূর পাগলি, নিজের মুখে এসব কথা বলতে নেই ।

—কেন বলব না ? কল্যাণীর নড়াচড়ার সঙ্গে গয়নার সুমধুর ঝঙ্কার মহিপালের কানে গেল । আরে এতদিন পরে ভগবান মুখ তুলে চেয়েছেন । হে ঈশ্বর, তোমার আয় যদি এইভাবে সমানে আসতে থাকে আর আমার ছেলেরা মোটা টাকা বিয়েতে নিয়ে আসে তাহলে দু'বছরের মধ্যে বাড়ি গাড়ি সব দাঁড় করিয়ে দেখিয়ে দিতে পারি ।

মহিপালের স্বপ্নাতুর চোখে বৈভবের নেশার ছোঁয়া লেগেছে । স্বামীর হাত ধীরে ধীরে সরিয়ে দিয়ে কল্যাণী— আরে কী করছ ?



ছেলেমানুষি কোরো না... আমাকে ছুঁয়ে দিও না... আরে আরে কেউ এসে পড়বে।

সত্যিই বলার সঙ্গেই শকুন্তলা রান্নাঘরে ঢুকল। মহিপাল দাঁড়িয়ে হাত-পা সোজা করে আড়ামোড়া ভেঙে আলিঙ্গি দূর করার বাহানা করে, তারপর শকুন্তলার মাথায় টাটি মেরে আদর করে বললে—কী রে? তুই খুন্সির বাড়ির জন্তে মিষ্টি তৈরী করছিস না যে বড়? শকুন্তলা লজ্জা পেয়ে মুচকি হেসে মাথা হেঁট করে দাঁড়িয়ে রইল। দরজা দিয়ে বাইরে বেরিয়ে যেতে যেতে মহিপাল জিজ্ঞেস করলে—সজ্জনের চাকর চলে গেছে?

—হ্যাঁ, অনেকক্ষণ।

—তাড়াতাড়ি কাজ শেষ করে নাও, বুঝলে? আজকে দোলের দিন—মহিপাল ছাদে উঠে গেল। শিবালয়ের রোয়াকে জলের ইদারার পাড়ে বসে রঙ মেখে পাঁচ-সাতজন ছেলে বসে হাসি-মস্করা করছে। একটি ছেলে জোরে হাসতে হাসতে বন্ধুদের শোনাচ্ছে কেমন করে সে তার দু'তিনজন বন্ধু সঙ্গে নিয়ে গলিতে মালীনকে ঘেরাও করেছিল, কেমন সে ভয় পেয়ে থর থর করে কাঁপছিল, বেশ মজা হল, পরে তারা মালীনকে কেমন করে খুসী করলে ইত্যাদি। সকলে মিলে হো হো করে হাসছে। বালিশে ঠেসান দিয়ে আধশোয়া অবস্থায় মহিপালের কানে কথার সঙ্গে হাসির আওয়াজ ভেসে এল, বিল্ট্রী নোংরা কথাবার্তা আজকের উৎসবের দিনে যেন বড় বেমানান শোনাচ্ছে। দোলের উৎসব যদিও মদনের পর্ব কেননা ফাগুন মাসে বসন্তের ছোঁয়ার সঙ্গে কামরসের সম্বন্ধ আছে।

সহসা শীলার চেহারা তার মনের রোশনদানের ফাঁক দিয়ে সে

দেখতে পেল। মহিপালের নাকে যেন তীব্র সুগন্ধি ভরে গেল। তার শান্ত সমাহিত মনে যেন হঠাৎ সুপ্ত কামনার ঝড় উঠল। আজ দোলের দিনে শীলার সান্নিধ্য থেকে সে অনেক দূরে। শীলাকে তার কাছ থেকে ছিনিয়ে নেওয়া হয়েছে। নৈতিকতার উঁচু পাঁচিল দিয়ে ঘেরা মনের সংকল্পের মধ্যে আবদ্ধ শীলা কেন প্রবেশ করছে? শীলা আজ নিশ্চয় কত উদাস হয়ে বসে আছে। শীলার সঙ্গে জীবনের যে কটা বছর, মাস, দিন আর ঘণ্টা কাটিয়েছে, তারাই আজ আকাশের অসংখ্য নক্ষত্রের মত তার জীবনাকাশকে শান্তি দেবার চেষ্টা করছে। শীলা একজন নামী ডাক্তার; শহরের প্রতিষ্ঠিত মহিলা। দেশের একজন বিখ্যাত সাহিত্যিক হিসেবে মহিপাল শুক্লের নাম প্রদেশের বড় বড় উৎসবের আমন্ত্রিত অতিথিদের লিস্টে নেই কিন্তু ডাঃ শীলা সুইং সমাজের সবচেয়ে উঁচু সোসাইটিতে নিমন্ত্রণ পেয়ে থাকে। শীলার কাছে প্রায় দেড় লক্ষ টাকা আছে। স্বাধীন ব্যক্তিত্ব তবু কত বিনয়ী, কত ঠাণ্ডা মেজাজের। শীলা তাকে সম্মান করে। শীলা নিজের মিষ্টি কথা আর ব্যবহারে তার শুষ্ক মরুভূমির মত জীবনে আনন্দের সঞ্চার করেছে। বিজ্ঞানের পরিধির ভেতরে থেকে যারা সেই নিয়ে নাড়াচাড়া করে, তারা বেশীর ভাগ সাহিত্য আর আর্টের প্রতি উদাসীন থাকে, কিন্তু শীলা ঠিক তার উলটো। যদি কখনো অজান্তে মতবিরোধ দেখা দিয়েছে ওমনি শীলা সতর্ক হয়ে উঠেছে, তাকে ব্যথা দেবার কোন কারণই শীলা যেন সহ্য করতে পারে না। সেই শীলাকে আজ সে ব্যথা দিয়ে চোরের মত ঘরের কোণে বসে আছে?

মহিপালের সুখী গৃহস্থালিতে শীলার বেদনার ঝড় বয়ে গিয়ে

সব যেন কেমন ওলটপালট হয়ে গেল, তাকে একবারটি দেখার জন্য মহিপালের মন আঁকুপাঁকু করে উঠল। একবার তার বাড়ি গিয়ে তার সঙ্গে দোল খেললে তার দোল রসময় হয়ে যাবে। সে নিশ্চয় যাবে, কেন যাবে না? পদে পদে সমাজের ভয়ে কতদিন সে মুখ লুকিয়ে চোরের মত ঘুরে বেড়াবে? সমাজের স্মৃতিস্কন্দ নজরের আড়ালে থেকেও এ প্রেম সম্বন্ধ জিইয়ে রাখা সম্ভব। এতদিন সে বিশেষ সতর্ক হয়ে চলাফেরা করেনি তাই লোকের মুখে কথাটা রটে গিয়েছিল। মহিপাল শীলার সঙ্গে দেখা করার কথা ভাবতেই তাড়াতাড়ি বিছানা ছেড়ে দাঁড়াল। বাইরে দোতলার ছাদে বাচ্চারা খেলা করছে। কল্যাণীকে আঁচলে হাত মুছতে মুছতে রান্নাঘরের বারান্দা দিয়ে ঘরে যেতে দেখা গেল। তাকে দেখেই মহিপালের এতক্ষণ ধরে তৈরী পরিকল্পনা মুহূর্তে ভেঙে গেল। না না, শকুন্তলার বিয়ে দিতে হবে, বাড়িতে বউ আসবে। আমি এখন আর একা নই, স্বাধীন নই। আমাকে আমার মনের সমস্ত কামনা বাসনা ত্যাগ করতেই হবে।

এই স্বৈচ্ছাবন্ধন মেনে নিয়ে মহিপালের মন ভীষণ ছটফট করছে বুদ্ধি-বিবেচনার কণ্ঠিপাথরে যখন সে নিজের দেউলে মনকে যাচাই করলে, পরিণাম দেখে সে নিজেই নির্বাক হয়ে গেল— তার মধ্যে দেখা দিল ভাবহীন বিরাট শূন্যতা, সেখানে সে নিজে, কল্যাণী, শীলা— কেউ নেই, আছে কেবল পাথর চাপা দেওয়া তার অনুভূতির শ্রোত, বাকী সবটাই ফাঁকা ফাঁকা বিরাট শূন্যতা।

## চল্লিশ

ডাঃ শীলা ব্যালজাকের জীবনী পড়ছে। আবহুল এসে চায়ের ট্রলি পালঙ্কের কাছ ঘেঁষে লাগিয়ে চলে গেল। কার্ডের নিশান লাগিয়ে বই বন্ধ করে শীলা তার পাশের সাইড টেবিলে রেখে দিলে। তাকে বড় কান্ট দেখাচ্ছে, চোখেমুখে নেমে এসেছে অবসাদের ক্লান্তি। বিছানা থেকে উঠে চা খেতেও যেন তার অরুচি। কোনমতে সে আড়মোড়া ভেঙে বিছানায় উঠে বসল, জোজেফ এসে টীকোজীটা নামিয়ে একপাশে রেখে চা তৈরী করে মালকিনকে দিতে ব্যস্ত।

—যাও জোজেফ, আমি নিজেই তৈরী করে নেব'খন।

আবহুল তাড়াতাড়ি কেতলীর হ্যাণ্ডেল ছেড়ে দিয়ে বলল—  
রাস্তিরে কী রান্না হবে মেমসায়েব? বাইরের কেউ আসছেন না তো?

—না, হাই তুলে শীলা মুখে হাত চাপা দিয়ে বলল, যা ইচ্ছে, দেখে শুনে রেঁধে ফেলো।

আবহুল চলে গেল। শীলা কোনমতে অসাড় হাতটা সোজা করে চা তৈরী করতে লাগল।

মহিপাল তার জীবন থেকে সরে যেতেই যেন তাকে রিক্ততার বাহু গ্রাস করে ফেলেছে। আটত্রিশ বছরের শীলার স্বাস্থ্যের

উজ্জলতা যেন বড় মলিন আর বিবর্ণ, আজ যেন হঠাৎ বার্ষিকের সীমায় এসে গেছে। তার জীবনবীণার বন্ধারে যেন সহসা ছন্দপতন হয়েছে, সব যেন কেমন বেসুরো ঠেকছে তার কাছে। এত পরস্রা, প্রভাব-প্রতিপত্তি সব-কিছু অর্জিত করার পর আজ সে বড় অসহায়, নিরুপায়, বিছানায় বালিশে মুখ গুঁজে ফুঁপিয়ে কেঁদে মরছে আজ ডাঃ শীলা। তার অটুট মনোবল আছে, সারা জীবনটা ধরে সে চালিয়ে গেছে অভাবের সঙ্গে সংগ্রাম, তবেই না আজ সে এই প্রতিষ্ঠার অধিকারিনী হতে পেরেছে! আজ সে মনোবল মহিপালের বিয়োগে যেন ছুঁটুকরো হয়ে ছুমড়ে যাচ্ছে। শীলার সমস্ত আশ্রয়-আহ্লাদ যেন নিমেষে কাল্মার সুরে পালটে গেছে। ইদানীং সে রাইরে যাওয়া-আসা একেবারে বন্ধ করে দিয়েছে, কেবল কুণী দেখে বাড়ি ফিরে আসে। সেদিন অনেকদিন পরে একটা ভালো হিন্দী সিনেমা দেখে এল, মনটা একটু হালকা করার বৃথা চেষ্টা। সজ্জন, বনকণ্ঠা প্রায় মাঝে মাঝে এসে ঘুরেটুরে যায়, তা না হলে তার একা জীবনের সঙ্গী কতকগুলো বইয়ের গাদা আর রেডিও।

জন্মের পর থেকেই সে দেখেছে অভাব আর অনটন। উত্তর প্রদেশে প্রায় নিরানব্বই পারসেন্ট খৃস্টানেরা গরীব। সে যখন ছোট, সে সময় ইউরোপীয় মিশনারীদের কাছেই খৃস্টানরা চাকরী পেত। শীলার বাবা পশ্চিম ইউ-পী-র এক ছোট মফস্বলের মিশনারী স্কুলের হেডমাস্টার ছিলেন। মাও পড়াতেন। ছয় ভাইবোনের মধ্যে শীলা তৃতীয় সন্তান, অতি কষ্টে সংসার চলত। শীলা এই পরিবেশের প্রতি জানালে তার বিজোহ। জেদ করে সে এটা-সেটাতে পরস্রা খরচ করত, বাচ্চা বয়স থেকেই পরিবারের হাতটান দেখে সে গোমরাতে থাকত।

লেখাপড়ায়, বাদ-বিবাদ প্রতিযোগিতায় সে সব সময়ই উচ্চস্থান অধিকার করত, তাই বোধহয় তার স্বভাবে একটু যেন অহংকারের ছোঁয়া আছে। স্কুলের প্রাস্তবীয় ডিবেটে সে এলাহাবাদে দু'বার প্রথম পুরস্কার পেয়েছে। বাড়িতে অসম্মান আর ঝগড়াঝাঁটি, বাইরে সম্মান, ছুয়ে মিলিয়ে ডাঃ শীলার মনে সদাই চিন্তা চলত। সে-সময় রাষ্ট্রীয় আন্দোলনের অগ্নিশিখার প্রভাবও তার চরিত্রে ছাপ রেখে গেছে। খৃস্টান সমাজে যাদের গায়ের রঙ পাকা, নির্ভেজাল ভারতীয় খৃস্টান সমাজে তারা তখনকার দিনে নিজেদের বিলিতি সায়েবদের মাসতুতো ভাই মনে করে গর্বে বুক দশহাত করে চলত। ওদিকে বিলিতি সায়েবদের কথা দূরে থাক, ট্যাসেরা পর্যন্ত তাদের পুছতো না। এত অপমানের পরও তাদের অহংকারে মাটিতে পা পড়ত না। বিংশ শতাব্দীর রাষ্ট্রীয় আন্দোলনের জোয়ার এই সমাজের মনে জাগিয়ে দিলে এক নতুন চেতনা।

হবেলা ছ'মুঠো অল্প জোটাবার জন্ম তারা ইউরোপীয় সংস্থানে চাকরী করতে বাধ্য, অথচ সেই উগ্র রাষ্ট্রীয় চেতনার অভিব্যক্তির ভাষা না খুঁজে পেয়ে তারা বিষন্ন। এর ফলে নিজেদের সমাজেও তাদের মধ্যে বিশৃঙ্খলা দেখা দিল। হিন্দু ধর্মের মধ্যে যত ছোট জাত, তারা সকলেই খৃস্টান ধর্মে দীক্ষিত। মুসলমানদের ভেতরেও এই ধর্মের প্রভাব দেখা দিল। ধর্ম পরিবর্তনের সঙ্গে কিন্তু মনের সংস্কার বদলানো সম্ভব হল না, হিন্দু খৃস্টান তার ছেলেমেয়ের জন্ম হিন্দু খৃস্টানের বাড়িই খুঁজত। সামাজিক সংগঠনে ধর্ম পরিবর্তনের পরও সেই উচুনীচুর প্রভেদ থেকে গেল। মুসলমান খৃস্টানেরাও তাদের নিয়মকানুনের মধ্যে আবদ্ধ জীবন যাপন করত, অমুকদিন অমুক দিকে যাওয়া নিষেধ, মেয়ের বাড়ির জলস্পর্শ

করা পাপ, রান্নাঘরে প্রবেশ নিষেধ, সৰুড়ি, বিয়েতে পণ দেওয়া-  
নেওয়া, সমস্ত হিন্দু ধর্মের প্রচলিত আচারবিচার নিয়মকানুন মেনে  
চলত এই নতুন খৃস্টান সমাজ। তারা বাচ্চাদের নাম রাখার সময়  
হিন্দুস্থানী নামই পছন্দ করত, তাই শীলার বাবা মিস্টার সিংহ  
হলেন সুইং, রামবলী হলেন বেন্দুলা, বন্দোপাধ্যায় হলেন ব্যানার্জী।  
অনেক বাড়িতে নামকরণ নিয়ে যুদ্ধও বেধে গেল। এই ছোঁয়া  
শীলার বাড়িতেও লাগল, তার দুই ভাইয়ের নাম ভিসেন্ট রাম  
আর সেমুএল রাম, বাবা স্বসীহ সুইং, আর তৃতীয় ভাই পূর্ণ  
বিদেশী নাম ধারণ করল স্মিথ ব্রাইট।

শীলা যখন পড়ত, তখন প্রথম খৃস্টান ধর্মে ভারতীয়করণ দেখা  
দিল। পিয়ানোর জায়গায় তবলা আর হারমোনিয়মের আমদানী  
হল। বিলিতি ভজনের জায়গায় লাইট শাস্ত্রীয় সুরের ভজন আর  
ধার্মিক গজল গাওয়া আরম্ভ হল। সলীবের সামনে ভজনের সময়  
আরতির প্রদীপ ঘোরানো, আমীন আমীন অথবা পীস পীস এর  
জায়গায় শান্তি শান্তি বলার প্রথা আরম্ভ হল। অনেকে এর  
বিরোধিতা করলে, ফলে খৃস্টান বিদ্যার্থী সংঘ দুই ভাগে বিভক্ত  
হয়ে গেল।

শীলা ছোটবেলা থেকেই নির্ভীক আর বিদ্রোহিনী, তার এই  
প্রকৃতির জন্মেই সে প্রতিজ্ঞা করলে যে পাস করার পর বিলিতি  
মিশনারীদের গোলামি সে কখনো করবে না। তার স্কলারশিপ  
বন্ধ হয়ে গেল, বাড়ির আবহাওয়া বিষাক্ত হয়ে উঠল। এত কঠিন  
পরিস্থিতির মধ্যে পড়েও সে কারুর সামনে মাথা নোয়াতে রাজী  
হয়নি, প্রবল ইচ্ছাশক্তির সাহায্যে সে একদিন ডাক্তারী পাস করে  
ফেলল। বাড়ির পরিবেশ থেকে দূরে সরে যাবার জন্য সে

তাড়াতাড়ি সরকারী ডাক্তার হিসেবে চাকরী নিলে। ভাগ্য, পরিশ্রম আর স্বভাব সব মিলিয়ে শীলা ক্রমশ উন্নতি করতে লাগল। উনিশশো মাইত্রিশ সালে লক্ষ্মীয়ের কিং জর্জ হাসপাতালে চান্স পেল। এখানে আসার সঙ্গেই তার ভাগ্য খুলে গেল। গত চোদ্দ-পনেরো বছরের মধ্যে ডাঃ শীলা সুইং সম্পূর্ণ স্বতন্ত্র আর সমৃদ্ধ হয়ে নিজের প্র্যাক্টিসে বেশ পসার জমিয়ে বসেছে। বয়স-কালে নিজের ধর্মের একজন নবযুবকের সঙ্গে তার প্রেম হয়। পল ভারতীয় সংস্কৃতি ভালোবাসত, ছ'জনে একসঙ্গে ভারতীয় দর্শন, সাহিত্য আর ইতিহাস পড়ত। প্রবল উৎসাহে তারা একাগ্র মনে বড় বড় বই পড়ে তার আলোচনায় তন্ময় হয়ে যেত। হঠাৎ পলের কলেরা হল, চারদিনের মধ্যে সব-কিছু শেষ হয়ে গেল। তারপর ছ'জন যুবক তার জীবনে এল, কিন্তু তারা বন্ধুত্বের পরিধিতেই থেকে গেল। এতকাল পরে মহিপালই তার শূন্য জীবনের রিক্ততা পূর্ণ করতে পেরেছে। সুন্দর, বলিষ্ঠ, সহৃদয় সাহিত্যিক, লেখাপড়ায় ঝোঁক, আত্মাভিমानी আর বিদ্রোহী ব্যক্তিত্বের মহিপাল শীলার মুকুটমণি। তাকে সে নিজের দেহ, মন, সব-কিছু বিশুদ্ধ ভারতীয় নারীর মতই সমর্পণ করেছে। সে প্রাণভরে তার প্রিয়তমকে আর্থিক সংকট থেকে মুক্ত করতে চায় অথচ মহিপাল হাত পেতে কিছু গ্রহণ করতে নারাজ। মহিপালের এই পৌরুষের সামনে শীলা শ্রদ্ধায় মাথা নত করে। আজ একা বসে চায়ের পেয়ালায় চুমুক দিতে দিতে মহিপালের বাড়ির কথাই তার মনে হচ্ছে। কল্যাণী আর তার ছেলেমেয়ে, সত্যিই সে বাচ্চাদের ভালোবাসে কেননা তারা মহিপালের বংশধর। ভুলেও কোনদিন তাদের অশুভ কামনা মনের কোণে উঁকি মারে



না। কল্যাণীর সঙ্গে তার দূরত্ব একভাবেই বজায় থেকেছে। কল্যাণীর মত লেখাপড়া না-জানা সাদাসিদে নিরীহ মেয়েমানুষ যে কখনোই তার পথের কাঁটা হতে পারে না, এ বিশ্বাস তার আছে। খিটখিটে, জেদী আর ছুঁচিবাইগ্রস্ত স্ত্রীর কবলে পড়ে মহিপালের মন-মেজাজ ইদানীং বেশ খিচড়ে থাকে। শীলা তাকে বুঝিয়ে সুঝিয়ে মন-মেজাজ ঠাণ্ডা রাখার চেষ্টা করে, কিন্তু মহিপালকে তার পরিবার থেকে আলাদা করে একান্ত নিজের করে পাওয়ার তৃষ্ণা তার মনে কোনদিনই আসেনি। কল্যাণীর ভাইয়ের বিয়েতে যেদিন মহিপাল আর শীলার সম্পর্ক নিয়ে কানাঘুষো হতে হতে বিস্ফোরণ হল, সেদিন কল্যাণী তার স্বামীর জীবনে অণু মেয়ের অস্তিত্বের বিরুদ্ধে প্রবল বিরোধিতা করলে। যারা আজ তার মহিপালকে তার জীবন থেকে দূরে সরিয়ে নিয়ে গেছে, সে সেই পরিবারের প্রত্যেক ব্যক্তির বিপক্ষে। সুপ্রসিদ্ধ ঔপন্যাসিক ব্যালজাকের উপন্যাস পড়তে পড়তে মহিপালের কথা ভেবে সে যেন কেমন আনমনা হয়ে গেল, নরম পালকের মত মৃদু ভালোবাসার স্পর্শটুকু থেকে আজ সে বঞ্চিত। ম্যাডাম ডী বর্নো আর ব্যালজাকের প্রেম বর্ণনা পড়ছিল, এক জায়গায় লেখা আছে যে মান অভিমান, গৃহকলহ, গ্রাম্য জীবনের স্থূল ইঙ্গিত— কেউ তাকে তার প্রিয়তমার প্রতি তার তীব্র ও প্রচণ্ড ভালোবাসাকে বাধা দিতে পারেনি। বইয়ে লেখা এ কয়েকটা লাইন যেন তার চোখে জ্বালা ধরিয়ে দিয়েছে। আজ দোলের দিন, একলা ঘরে সে বসে আছে, ভবিষ্যতে তাকে একাই জীবননৌকো চালিয়ে শেষ পর্যন্ত টেনে নিয়ে যেতে হবে। শীলা সাধারণ মেয়েমানুষ নয়, একজন ডাক্তার, তার প্রতিষ্ঠা আছে, ব্যাঙ্ক ব্যালেন্স, গাড়ি বাড়ি .. তবু এই কি

সব? নর-নারীর জীবনে সুখের জিনিস বলতে কি এই-সবই বোঝায়? মহিপালকে ঘিরে তার অমুরাগে ভরা মন আজ বিষণ্ণ, বিষাদগ্রস্ত মনে স্মৃতিনির্ভর অতীত আর বর্তমানের রিক্ততা, সব ভেবে সে যেন পাগল হতে বসেছে। একটা অসহ যন্ত্রণা তার বুকের মধ্যে গুমরে উঠছে। শীলার মনের স্মৃতিদর্পণে মহিপালের প্রতিচ্ছবি ভেসে উঠল, সুন্দর বলিষ্ঠ দেহে প্রেমের উত্তাপ, তার দিকে তাকিয়ে সে হাসছে। তাকে দেখে আনন্দের আবেগে শিহরিত হয়ে উঠল তার দেহ, তার সতৃষ্ণ নয়নের পিপাসা বৃষ্টি শাস্ত হল।

—কী ব্যাপার, একা বসে বসে চা খাওয়া হচ্ছে— বনকন্ঠার গলার আওয়াজে যেন শীলা হঠাৎ ঘুম ভেঙে চমকে উঠল। বনকন্ঠা আর সজ্জন দরজায় দাঁড়িয়ে। কন্ঠা আজ দামী গয়না, শাড়ি পরে এসেছে। তার এই পরিবর্তন শীলার চোখ এড়ালো না। সাজগোজ করে বধূবেশে তাকে আজ বেশ দেখাচ্ছে। হঠাৎ তাকে দেখে ডাঃ শীলার মনে ভার গী় এয়োস্ত্রীর কল্পনা যেন সাকার হয়ে উঠল। মহিপালের মত পুরুষের কথা ভাবতে ভাবতে তার চিন্তাধারা আটকাল এয়োস্ত্রীর সৌভাগ্য কল্পনায়। এয়োস্ত্রীর মুখের সৌন্দর্যের উপমা খোঁজা কঠিন। এক মুহূর্তের জন্তে শীলার মনে হল, সেও যদি কন্ঠার মত এয়োস্ত্রী হত।

—ইনি আজকাল একা থাকতেই ভালোবাসেন, বড়লোক কিনা?

সোশাল হবার অভিনয় করে চটপট হাত ঘুরিয়ে কৃত্রিম আক্রোশের ভান করে শীলা বললে— ওহঃ দু-র্জন! হাউ ক্রট ইউ আর। কন্ঠা, তুমি তোমার এই স্বামী নামধারী জীবটির কথা একেবারে বিশ্বাস কোরো না। আজকাল এত রুগীর লাইন যে...

—এটা কেন স্বীকার করছ না আজকাল ডাক্তার নিজেই রুগী হয়ে বসে আছেন? সজ্জনের প্রক্ষেপে শীলা নিরুত্তর, যেন আচমকা দমকা হাওয়ার মতই কঠিন সত্য নগ্ন রূপে সকলের সামনে ধরা দিয়েছে।

চাকর চা দিয়ে গেল। গল্পগুজব হতে লাগল। শীলা তাদের খবরাখবর জিজ্ঞেস করল। বড়র আর কোন খবর পাইনি, কণ্ঠা বললে। আমি কিছুদিন আগে হজরতগঞ্জে তাকে বোরের সঙ্গে দেখেছিলাম। একজন তাগড়া মত জোয়ান. সঙ্গে ছিল। মেক-আপের মধ্যে ঢাকা তার আসল চেহারার মর্মভেদী চাউনি তার ট্রাজিক অবস্থার কাহিনী মুক ভাষায় জানিয়ে গেল।

—অনেক সময় আমি ভাবি সমাজ সৃষ্টি না হলেই হয়তো মানুষের ভালো হত! এই সভ্যতা, সংস্কৃতি, বিজ্ঞান আর এডুকেশনের লম্বা লম্বা কথা আজ মানুষ আওড়াচ্ছে, এসব কৃত্রিম আবরণের মধ্যে জড়িয়ে পড়ার দরকার কিছু আছে কি? আমার মতে মানুষ স্বতন্ত্র হয়ে বেশী ভালোভাবে বাঁচতে পারত। গয়নার লোভে নিজেকে সোনা দিয়ে ঢেকে আজ মানুষের প্রকৃতিদত্ত সৌন্দর্য বিকৃত হয়েছে। তার তার বয়ে বেড়াতে বেড়াতে আজ সে বড় ক্লান্ত। শীলার শ্লেষমিশ্রিত স্বর বড় করুণ শোনালো।

কণ্ঠা চুপচাপ শুনছে। শীলার মনের অন্তর্দ্বন্দ্ব সজ্জন বুঝতে পেরেছে, সে জানে বেদনাভারে শীলার মন আজ ভারাক্রান্ত। ত্যাগ করা সত্যিই কঠিন। বাবা রামজীর কথা শুনে সে কি এক কথায় সম্পত্তির মোহ ত্যাগ করতে পেরেছে? না, এ অসম্ভব। সে নিজের ঐশ্ব্যের অংশীদাররূপে অতের কল্পনা করতে পারে কিন্তু সম্পূর্ণ ত্যাগের কল্পনা সত্যিই বড় যন্ত্রণাদায়ক। শীলা আর

মহিপালের দুঃখের বোঝা হাক্কা করার উপায় ভাবতেই হবে।  
ইঠাং উঠে দাঁড়িয়ে চেয়ারের হাতল ধরে বলল— ডাক্তার, এদিকে  
এসো, কথা আছে তোমার সঙ্গে। কণ্ঠা, আমি এখুনি আসছি।  
ঘরের এক কোণে নিয়ে গিয়ে শীলাকে বলল— আজ বিকেলে  
আমার বাড়িতে ছোট একটা পার্টির আয়োজন করেছি, তোমাকে  
ডাকার ইচ্ছে ছিল কিন্তু— কনেন্স আর মহিপালের স্ত্রীও আসবে,  
ওদের ডাকতেই হল, কণ্ঠার বাড়িতে প্রথম দোল... শোনো,  
তুমি মহিপালের সঙ্গে দেখা করতে চাও?

—তাকে জিজ্ঞেস করেছ? সে কি চায়? শীলার চোখে  
বিরাত শূন্যতা।

—আমি তাকে এ বিষয় কিছু জিজ্ঞেস করিনি কিন্তু মহিপাল  
তোমার সঙ্গে দেখা করার জন্যে উৎসুক হয়ে আছে, তোমার  
মন কি বলে?

শীলার গাল বেয়ে টপ টপ করে জল গড়িয়ে পড়ল।

শীলার কাঁধে হাত রেখে সজ্জন বলল— তুমি সাড়ে সাতটার  
সময় আমার বাড়ি এসে যেও শীলা। তুমি যে সেখানে যাবে,  
এ কথা কাকপক্ষীতেও জানতে পারবে না। তোমার শুকনো  
চেহারা দেখে অবধি আমার বড় কষ্ট হচ্ছে। আমার ওখানে  
মহিপালকে পেয়ে তুমি ফিরে পাবে তোমার অধরের হাসি,  
দোলের আনন্দমেলা সার্থক হবে, নয় কি?

সজ্জনের প্ল্যান শুনে শীলার চোখের জল শুকিয়ে গেল, শিশুর  
মত সে মনের মত মণ্ডা মেঠাইয়ের কথা শুনে খুসী। কতদিন  
পরে আজ সে তার মহিপালকে দেখতে পাবে।

## একচল্লিশ

কন্যা, কল্যাণী আর কর্নেলের স্ত্রী, সকলে এক জায়গায় বসে গল্পগুজব করছে। কল্যাণী এ বাড়িতে অন্নগ্রহণ করবে না, একটু মিষ্টি মুখে দেবে এই পর্যন্ত।

—এসব আচার-বিচার আর কতদিন চালিয়ে যাবে দিদি? এবার কিন্তু বাজ্ঞে লোকদেখানো ব্যাপার ছেড়ে দিলেই ভালো করতেন, কন্যা বললে।

—আরে, এতখানি বয়স পেরিয়ে গেল, এ বয়সে ধর্মকর্ম নিয়ম কি আর ছাড়া যায়? কল্যাণী মুরুব্বীয়ানা চালে উত্তর দিলে।

—আজ সব রান্না ঠাকুর করেছে, আপনার কথা ভেবে আমি আজ রান্নাঘরে পা দিইনি। বউদিকে দেখুন, ইনিও আচার-বিচার মেনে চলেন কিন্তু আজ...

—আমার ধর্মকর্ম সব ছেলেরা ছাড়িয়ে দিয়েছে। কিছুদিন আগে পর্যন্ত সূর্যি ডোবার আগেই খেয়ে নিতুম। আমাদের জৈন ধর্মের তাই নিয়ম। এখন কী আর করি, ইনি আর ছেলেরা মিলে আমার নিয়ম ভঙ্গ করে দিয়েছে, এরা খেলে তবে তো খাব। কর্নেলের স্ত্রী সাফাই গাইলে।

—মেয়েরা যদি নিজেদের ধর্মে অটল থাকে তা হলে পুরুষেরাও মানতে বাধ্য হয় বৈকি, আমার বাড়িতে কি কম মুশকিল? কিন্তু

নিজের বাড়িতে স্বেচ্ছপনা হতে দিই না, আমরা কুলীন ব্রাহ্মণ। কল্যাণীর মুখে এ কথা শুনে কর্নেলের স্ত্রী গায়ের ঝাল ঝাড়ল— সবাই নিজেদের জাতের মধ্যে শ্রেষ্ঠ। আমাদের জৈন ধর্মের মত শ্রেষ্ঠ ধর্ম আছে? আমাদের কথকতায় বলে কত ব্রাহ্মণ পণ্ডিত নিজেদের ধর্ম ছেড়ে মহাবীর ভগবানের শরণাগত হয়েছে, কেননা তাঁর ধর্ম ব্রাহ্মণের চেয়ে শ্রেষ্ঠ ধর্ম।

কথা বিব্রত হয়ে পড়ল— কি মুশকিল, ধর্মের শ্রেষ্ঠতার বিচারে আজকের দোলের সন্ধ্যাটাকে মাটি না করে ছাড়েন এরা, তাড়াতাড়ি সে বললে— আরে বউদি, এসব কথা থাক। এই উঁচু-নীচু, জাত-পাঁত এসব মিথ্যে, কি বল রাজ্যশ্রী, তোমার কী মত শকুন্তলা?

শকুন্তলা মুখ টিপে হাসল। রাজ্যশ্রী উত্তর দিল— আমাদের বাবাও এসব মানেন না, আমরাও মানি না কাকীমা। এসব সেকলে কথা।

কথা জোরে হেসে কল্যাণীকে বলল— শুনলেন দিদি? কল্যাণী নাক সিঁটকে বললে— আরে এদের কথা রোজই শুনছি, উচ্ছ্বসে গেছে সব, কান ঝালাপালা হয়ে গেল বাপু। এদের কথায় কোন তথ্য আছে নাকি? ভগবানের তৈরী জাতধর্ম, উঁচু নীচু, এসবের হাত থেকে রেহাই পাওয়া সোজা কথা নয়।

রাজ্যশ্রী তার প্রগতিশীল কাকীমার সামনে মাকে ছোট করার উৎসাহে হেসে বললে— ভগবান কেবল ভারতবর্ষকেই নিজে হাতে তৈরী করেছিলেন আর বাকী দেশ...

—চুপ কর রজ্জো, বেশী বকর বকর করা আমি মোটেই পছন্দ করি না— কল্যাণী তারপর কর্নেলের স্ত্রীর দিকে তাকিয়ে বললে— যাই বলুন-না-কেন ভাই, নিজেদের ধর্মকর্ম ছেড়ে দেওয়াটা উচিত নয়।

—হ্যাঁ ভাই, সে যা বলেছ, কিন্তু পুরুষের কথা মেনে চলাই স্ত্রীর সব চেয়ে বড় ধর্ম। প্রত্যেক ঘরে ঘরে এখন নতুন যুগের বাতাস বইছে, কতদিন আর নিজেকে বাঁচিয়ে রেখে চলা সম্ভব? তা ছাড়া স্বামীকে দুঃখ দিয়ে যদি ধর্মকর্ম মানতে হয়, তা হলে আমি এর বিরুদ্ধে, সত্যি বলছি।

—কাকীমা, আমাদের যিনি আপন কাকীমা, তাকে যদি দেখেন তো...

—আমি দেখেছি, ভালো করে চিনি।

—তিনি এমন নয়। তাঁর বাড়িতে আমাদের বাড়ির মত ছোঁয়াছুঁয়ি একদম নেই। আমি তাই মাকে বলেছিলুম যে যখন আমরা বাঙলো বাড়ি কিনব তখনও কি এইভাবেই থাকব?

মেয়ের কথা শুনে উৎসুক হয়ে কর্নেলের স্ত্রী কল্যাণীকে জিজ্ঞেস করলে— বাড়িটাড়ি কিনছ নাকি?

মেয়ের কথা শুনে তাকে বাঁটাপেটা করতে ইচ্ছে হচ্ছিল কল্যাণীর, কিন্তু হঠাৎ এরমধ্যে বাড়ি কেনার কথা উঠতেই ঝট করে তার রাগ পড়ে গেল— আরে কোথায় ভাই, বাড়িটাড়ির কথা হতেই থাকে, তবে আগে শকুন্তলার বিয়েটা সেরে নি, তারপর ঝাড়া হাত-পা হয়ে তখন নিজেদের মাথা গোঁজার কথা ভাবব।

—শুনেছি শকুন্তলার বিয়েতে অনেক দেওয়া-থোওয়া করছ?

—অনেক আর কি ভাই, হ্যাঁ নিজের পোজিশন-মত করতেই হবে। আত্মীয়স্বজন ছাড়িয়ে যেমন আমাদের নাম চতুর্দিকে সকলেই জানে তেমনি ব্যবস্থাও করতে হবে। পনেরো-কুড়ি হাজারের কম খরচ হবে না। আমাদের এখানে ভাই খাঁই অনেক।

—কিন্তু ভাই, এত খরচ হবে কোথা থেকে? আমাদের  
সুপ্রভা বেচারা...

—কথাটা কল্যাণীর শুনতে মোটেই ভালো লাগল না, হাতের  
মুক্তোর বালা ঠিক করতে করতে বললে— ভগবান সবাইকে দেন,  
আমাদের বাড়িতে ব্যাঙ্ক নেই তো কি হয়েছে? এঁর কলমে  
এমন শক্তি আছে যে এক মিনিটে চেক এসে যায় কয়েক  
হাজারের। ধর্মকে ছেড়ে এবার দুজনের পয়সার মহিমার বর্ণনা  
শুনতে শুনতে মেয়েরা বোর হয়ে গেছে, রজ্জো ইশারায় শকুন্তলাকে  
ডেকে পিটুটান দেবার কথা ভাবতেই— কোথায় যাচ্ছ  
রজ্জো?

—কোথাও নয় মা, এই একটু বাগানে বেড়িয়ে দেখে আসি।

—বাইরে যাচ্ছ যদি তা হলে তোমার বাবাকে বলো যে অনেক  
দেরী হয়েছে, বাড়ি যাবার সময় হয়ে গেল, না-হয় আমাদের বাড়ি  
পাঠাবার ব্যবস্থা...

—আরে, এত তাড়া কিসের? আজ তো সিনেমা যাওয়ার  
প্রোগ্রাম আছে।

—না না, সিনেমা-টিনেমা আমি যাব না। বাড়ি গিয়ে কাল  
সকালে বেয়াই বাড়ি মিষ্টি পাঠাবার ব্যবস্থা করতে হবে। এবার  
একটু পরেই আমি উঠব...

মার কথায় কান না দিয়ে রাজ্যলী আর শকুন্তলা সজ্জনের  
মহলের মত বিরাট বাড়ি ঘুরে ঘুরে দেখতে লাগল। রাজ্যলী  
যেন হঠাৎ স্বর্গলোকে এসে উপস্থিত হয়েছে, এখানকার প্রতিটি  
বস্তু তার কাছে সুন্দর। সে অবস্থাপন্ন বাপের মেয়ে, তার উঠতি  
বয়সের মনের আশা-আকাঙ্ক্ষার কুঁড়ি অকালেই সংসারের আর্থিক



অস্বচ্ছন্দতার গরম হাওয়া লেগে শুকিয়ে গিয়েছিল। হঠাৎ পয়সার ঝনঝনানি শুনে সে যেন আবার তাজা হয়ে উঠেছে। চোখের দু'পাতায় তার লেগে আছে নবযৌবনের স্বপ্নের ছোঁয়া, শকুন্তলার বিয়ে ঠিক হবার পর থেকে যেন তার স্বপ্নে রঙীন ইন্দ্রধনুকের পরশ লেগেছে। উঠতে বসতে সে এখন নিজেকে হিরোইন ভাবছে, তার সন্ধানী চোখ খুঁজে বেড়াচ্ছে নিজের হিরোকে। কণ্ঠা-কাকীমা আর সজ্জনকাকার ঠাটবাটের সাম্রাজ্যে বিচরণ করতে করতে সে তার স্বপ্নের খোরাক পেয়ে-তৃপ্ত, সে মুগ্ধ হয়ে শকুন্তলাকে বলল— কাকীমার খুব বরাত জোর, না রে? এ তো বাড়ি নয় যেন রাজপ্রাসাদ।

—তুই নিজের জন্মে এমনি একটা রাজপুত্র আর রাজপ্রাসাদ জোগাড় কর।

—আমাকে জিজ্ঞেস করলে তো? তুই আমাকে ভেবেছিস কি? রাজ্জা চোখ পাকিয়ে,— আমি তোমার মত বোবা সেজে মাকে সন্তুষ্ট রাখতে রাজী নই বুঝলে? সামনের বড় আয়নাটায় নিজের প্রতিচ্ছবি একবার ভালো করে দেখার সময় তার শকুন্তলার সঙ্গে চোখাচোখি হয়ে গেল।

শকুন্তলাকে মুখ টিপে ভারিকি ভাবে হাসতে দেখে রাজ্যশ্রীর রাগে গা জ্বলে গেল, সে যদিও বয়সে শকুন্তলার চেয়ে তিন বছরের ছোট, কিন্তু তাদের ভাবসাব সমবয়সী মত। কার্পেট পাতা সিঁড়ি দিয়ে নামতে শকুন্তলাকে এক কনুইয়ের ধাক্কা মেরে চোখ পাকিয়ে রাজ্যশ্রী বললে— হাসছ কেন?

—খবরের কাগজের বিজ্ঞাপনে 'ওয়ার্টেড কলম' ছাপিয়ে দে যে, 'লক্ষপতি স্বামী চাই রাজকন্ঠার'।

—আমি না ছাপিয়েই পেয়ে যাব, তোমার দরকার হয় তো ছাপাওগে যাও।

--আমার লক্ষপতি স্বামীতে শ্রদ্ধাভক্তি নেই। সিঁড়ির নীচে বাঁদিকের ছোট ঘর থেকে বনকন্ঠা বেরিয়ে এসে, সামনেই এদের চেয়ারের মত চারিদিকে তাকাতে দেখে বললে, কোথায় যাচ্ছ?

—না কিছু নয়, এই একটু বাগানে—রাজ্যশ্রী তাড়াতাড়ি গলার স্বরকে যথাসাধ্য নম্র করে উত্তর দিলে। বনকন্ঠা ওদের সঙ্গেই এগুলো।

নীচে বৈঠকখানায় সজ্জন, কর্নেল আর মহিপাল বসে আছে। মহিপাল আজ অবস্থাপন্ন ঘরের কর্তা হিসেবে বসে—পায়ে দামী চটি, মিহি কোঁচানো ধুতি, সিল্কের জামা, জ্যাকেট, ফিবরলিউবা ঘড়ি, শেফার্স-এর সোনালী পেন, হাতে পোখরাজের আংটি। সে বেশ গর্বের সঙ্গে কর্নেল আর সজ্জনকে তার আয়ের ফিরিস্তি বোঝাতে ব্যস্ত।

বিশ্বয়ে চোখ বিস্ফারিত করে কর্নেল বললে—বাবুর ভাগ্য একেবারে খুলে গেছে। কিন্তু হঠাৎ আচমকা এত রয়েলটী এলো কোথা থেকে? কোথায় সারা বছরে সাড়ে তিন হাজার টাকায় টানাটানির সংসার চলত আর কোথায় টপ করে রাতারাতি রাঘব বোয়াল হয়ে গেলেন।

—আমার একখানা বই পাজ্রাব ইউনিভারসিটির কোর্স বই হয়ে গেছে। মহিপাল চোখ নাচিয়ে বিজ্ঞের মত একপাশে ঘাড় কাত করে সিগারেটের ধোঁয়া ছাড়লে।

—তাহলে এই উপলক্ষ্যে খাওয়াদাওয়ার নেমস্তন্ন কবে? সজ্জন ডিজেস করলে।

—যেদিন বলবে, আচ্ছা কাল বিকেলে কপুরে...

মহিপালের কথার উত্তর কর্নেল দিল— কপুরে কেন? বাড়িতে নয় কেন?

—বাড়িতে শীলাকে ডাকা সম্ভব নয় তাই। সজ্জন নিজের মনের আশঙ্কা বলে ফেললে।

—শীলাকে আমি এখনিই ডাকছি না, তা ছাড়া সেখানে হুইস্কি পাওয়া যায় বলেই আমি সাজেস্ট করছিলাম।

শীলার নাম উচ্চারিত হতেই মহিপালের চোখেমুখের ক্লাস্তির ছায়া সজ্জনের চোখ এড়াল না। শীলার প্রতি মহিপালের কঠোর ব্যবহার একেবারেই অনুচিত। সে শীলার জীবন থেকে সরে যেতে চায়, যাক, কিন্তু তাই বলে তাকে এমন করে দক্ষে মারার মানে? মহিপালের এই ব্যবহারে একটা কথা বেশ স্পষ্টই বোঝা যাচ্ছে যে সে নিজের মন থেকে শীলার স্মৃতি মুছে ফেলায় অসমর্থ। তাই পরিস্থিতিবশতঃ নির্মম হয়ে পড়েছে। সজ্জন তার নিজের জীবনের অভিজ্ঞতা দিয়ে এ জটিল তথ্যকে বুঝতে শিখেছে। মহিপালের এই নির্মম কঠোরতার কারণটা কি? এ বিষয় বিন্দুমাত্র সন্দেহ নেই যে তাদের সম্বন্ধ অবৈধ তবু শীলা লোক হিসেবে বড় ভালো, বেচারী বড় দুঃখী, দয়ার পাত্র সে।

—কেন? শীলাকে ডাকবে না কেন। মহিপাল নিরুত্তর হয়ে বসে রইল। কর্নেল গরম হয়ে বলল— দেখো সজ্জন, এরমধ্যে ব্যাপারটা বেশ ঘোরালো হয়ে গেছে। তুমি বোধহয় এসবের কিছুই জানো না, কেননা তখন তুমি মথুরা গিয়েছিলে।

—আমি জানি। কর্নেল আর মহিপাল দুজনেই সজ্জনের উত্তর শুনে যেন আকাশ থেকে পড়ল। তারা অনুমান করে

নিলে ইতিমধ্যে শীলার সঙ্গে সজ্জনের নিশ্চয় দেখাসাক্ষাৎ হয়ে থাকবে।

—ভজনের মধ্যে একজনকে মুখ বুজে সব সহ্য করতেই হবে।  
কর্নেল যেন তর্কের যুক্তি খুঁজে পেল।

—সে কথা আলাদা, কিন্তু শীলার সঙ্গে বন্ধুত্ব, মনুষ্যতার সম্পর্ক রাখা অস্বাভাবিক নয়।

—আমি আমার সতী সাক্ষী স্ত্রীকে চুপ দিয়ে গৃহকলহের সৃষ্টি করতে চাই না।

—তুমি এই সস্তা কথার আড়ালে শীলাকে অপমানিত করবার চেষ্টা করছ।

মহিপালের জ্বা কঁচকালো, সজ্জন সে দিকে লক্ষ্য না করে উত্তেজিত হয়ে বলল— আমি এক স্ত্রীর প্রতি অনুগত থাকা সমর্থন করি। নিজের ভবিষ্যৎ জীবনে আমি কোন আঁচ লাগাতে দেব না কিন্তু তাই বলে বিগত জীবনের দায়িত্বকে আমি অস্বীকার করতে নারাজ।

—তুমি নিজের দায়িত্বের নাম করে নিজের প্রেমিকাদের সঙ্গে লীলাখেলা করে বেড়াবে, অথচ এক স্ত্রীতে অনুগত এ কথা জোর গলায় বলে যাবে... হুঁ... কোন প্রোফেসার বোস— ব্যানার্জী— চ্যাটার্জী তোমার বাড়িতে ভূরিভোজন করে গিয়ে এক লম্বা আর্টিকল লিখবে সজ্জনমশাই বিবাহের পর কেমন গৃহস্থ জীবন যাপন করছেন— উফ্ জাস্ট লাইক ইউ।

কণ্ঠা দরজায় দাঁড়িয়ে এদের কথাবার্তা শুনছিল। তার মনে অসংখ্য প্রশ্ন, আশঙ্কা একের পর এক ঘুরপাক খেয়ে চলেছে। শীলা আর মহিপালের গোপন সম্বন্ধকে সে কোনদিনই ভালো

নজরে দেখেনি, তার নারীত্বের অসীম ধৈর্য যেন প্রতিপদে প্রতিবাদ জানিয়েছে। শীলার ব্যক্তিত্বে সে প্রভাবিত, সে একথাও ভালোভাবে বোঝে যে কল্যাণী মহিপালের অনুপযুক্ত, তা ছাড়া সজ্জনের বিশেষ আগ্রহ দেখে সে এই অনৈতিক সম্বন্ধকে মুখ বুজে স্বীকৃতি দিতে বাধ্য হয়েছে। সজ্জনের দেওয়া সময় অনুসারে শীলা এসে উপস্থিত, তারই লেখা স্লিপ পেয়ে ভেতর বাড়ি থেকে কন্যা উঠে এসে শীলাকে দাদাশ্বশুরের সীক্রেট রুমে বসিয়ে সজ্জনকে খবরটা দিতে যাচ্ছে।

রাজ্যশ্রী আর শকুন্তলা বাইরে চলে গেল, কন্যা দরজায় দাঁড়িয়ে এদের কথা শুনছিল। মহিপালের কথা শুনে তার মনের নারীত্ব জেগে উঠেছিল, সেও নিজের আর সজ্জনের মাঝে কোন মহিলার ছায়া পর্যন্ত পড়তে দিতে চায় না। শীলার কথা ভাবতেই তার চোখেমুখে প্রশ্নের ধূসর রেখা দেখা দিল। মহিপাল শীলার সঙ্গে দেখা করা পছন্দ করবে? উত্তর খুঁজে না পেয়ে তার বুকটা আশঙ্কায় কেমন যেন ধড়াস ধড়াস করে উঠল। সোয়ামীদয়াল চাকর বাইরের দরজা দিয়ে ভেতরে ঢুকল। বাড়িতে অতিথি অথচ সে চুপচাপ একদিকে দাঁড়িয়ে আছে, চাকররাই বা কি ভাববে? তাকে দেখেই কন্যা তাড়াতাড়ি চুরির দায়ে ধরা পড়ার মত পা চালিয়ে বেরিয়ে গেল। তাকে বাইরের বৈঠকখানায় দাঁড়িয়ে থাকতে দেখে এক মিনিটের জন্য পিন ড্রপ সাইলেন্স হয়ে গেল।

—বিনো, তুমি ভেতর থেকে উঠে এলে...

—কেন দাদা?

—কিছু মিষ্টিটিষ্টি আনতে বলো, মিষ্টি বিনে সিদ্ধি জন্মে না শুক্রমশাইয়ের।

কণ্ঠা মুচকি হেসে মহিপালের মুখ রাখার জন্তে বললে— আজ আপনারা সকলেই দোল খেলছেন, তা হলে একা শুক্রমশাইকে কেন বদনাম দিচ্ছেন ?

সজ্জন লালচে চোখ কণ্ঠার দিকে ঘুরিয়ে বললে— তোমার ভয়ে আমি তো হাতই দিই না, এই মহিপাল জোর জবরদস্তি করে আমায় খাইয়ে দিলে।

—আচ্ছা শোনো তো। বাইরে এসো, কাজ আছে। শীলা এসেছে শুনে সজ্জনের মুখখানা থমথমে হয়ে গেল।

—আজকের দিনে তোমার ডাক্তারকে ডাকা উচিত হয়নি, না বুঝেবুঝে কি যে গোল পাকিয়ে...

—আমি মহিপালকে নিয়ে এখুনি আসছি। আমি তাকে ভালো করে চিনি, শীলার সামনে যেতেই সে দীন ছুনিয়া সব ভুলে যাবে— বলতে বলতে সজ্জন ঘরের ভেতরে ঢুকে গেল। কণ্ঠা অন্তরমহলের দিকে পা বাড়াল, মহিপালের সামনে সজ্জনের সঙ্গে সঙ্গে শীলার দূতী হয়ে হাঁটায় তার যেন কেমন বাধো বাধো ঠেকছে।

সজ্জন মহিপালকে সঙ্গে নিয়ে সিঁড়ির নীচের ঘরে ঢুকল। ঘরের ভেতর আলমারীর ডিজাইনের মস্ত দরজা— ঠাকুরদাদার সীক্রেট রুম। শীলা চেয়ারে চুপচাপ বসে আছে। মহিপালকে দরজা পর্যন্ত এগিয়ে দিয়ে সজ্জন চলে গেল।

মহিপালকে দেখে শীলা ফিকে হাসি হেসে চেয়ার ছেড়ে উঠে দাঁড়াল। মহিপালের মুখখানা রক্তহীন পাংশু হয়ে গেছে।

—হোলী মুবারক !

মহিপালের ভীষণ প্রতিজ্ঞা যেন মিনিটে টলে উঠল। পাগলের

মত নিরর্থক হো হো করে হেসে বললে— আজ...আজ আমরা এখানে...

শীলা চোখ নামিয়ে মেঝের দিকে তাকাল। মহিপাল হঠাৎ যেন চনমনিয়ে উঠল।

—এই তলঘরটার নীচে আর-একটা তলঘর হতে পারে কিনা?

কথার মানে বুঝতে না পেরে শীলা অপ্রস্তুতের মত তাকালো।

—বুঝতে পারলে না? চুরি করার জন্তু আমাদের পাতালে যাওয়াই উচিত। এখানে কেউ দেখে ফেলতে পারে।

—এতদিন তোমাকে না দেখে...

কঠোর স্বরে মহিপাল বললে— চুরি করা আমি মোটেই পছন্দ করি না। যদি কখনো তোমার সঙ্গে দেখা করার ইচ্ছে হয় তা হলে সোজা তোমার বাড়িতেই যাব, যেমন আগে যেতুম।

—আমি কখনো তোমায় আসতে বারণ করেছি?

—না, তা করোনি, কিন্তু এখন আমি আর সে আমি নেই। আচ্ছা, আমি যাই তা হলে।

—শোনো, তুমি সমাজের চোখ রাঙানির ভয়ে আমাকে ত্যাগ করে চলে যাচ্ছ, না নিজেকে থেকেই দূরে সরে যাচ্ছ?

মহিপাল কিংকর্তব্যবিমূঢ়ের মত এক সেকেণ্ড চুপ করে থেকে মাথা হেঁট করে উত্তর দিলে— আর এসব কথা আমার মনে ঠাই পাবে না। মহিপাল যাচ্ছে দেখে শীলা তার কাঁধে হাত রেখে— তুমি তোমার পরিবারের সুখশান্তির বেদীতে আমায় বলি দেবে ঠিক করেছ, ভালোই করেছ। তুমি ভালো করেই জানো আমি কল্যাণীকে সম্মান করি, তোমার সংসারে সুখশান্তি নষ্ট করে বা তোমার ছুঁনাম রটিয়ে আমি শাস্তি পেতে পারি না। মহিপাল

দেওয়ালের দিকে মুখ করে বললে— সব-কিছু বোঝার পরও এখানে কেন এলে ?

—তোমায় দেখার লোভ সামলাতে না পেরে। এক সেকেন্ড বসো, বসো-না।

মহিপাল যেন এক দুর্নিবার আকর্ষণের টানে চেয়ারে বসে পড়ল। ছুজনে মুখোমুখি চেয়ারে বসে। ঘরটায় দিনের বেলাও বেশ অন্ধকার, ছোট ছোট ছুটি রোশদান ছাড়া বাতাস আসার আর কোন ব্যবস্থা নেই। ঘরের মেঝে বেশ সঁাতসঁতে, দেওয়ালের আইভরি রঙে জায়গায় জায়গায় ছোপ ধরেছে। যেখানে ছুজনে বসে আছে তার বাঁ দিকে কাঠের রেলিং ঘেরা জায়গায় লোহার দুটো বড় বড় সিন্দুক আর দুটো গোদরেজের আলমারী রাখা। কাঠের দরজায় পুরোনো বিলিতী তালি আটকানো। মহিপাল চারদিকে ভালোভাবে নজর বুলিয়ে নিচ্ছে। শীলার সান্নিধ্যে এতদিন যে প্রীতি ও অনুরাগ সে অনুভব করেছে আজ যেন তাই বিষময় হয়ে উঠেছে।

—আমাদের বয়স হয়েছে মহিপাল, মাথায় পাকা চুল দেখা দিয়েছে, এই সামনের জুন মাসে আর্টগ্যালারির কোঠা পেরিয়ে উনচল্লিশের কোঠায় পা দেব। আজ আমাদের জীবন পাকা অটালিকার মতই সুদৃঢ়, এটা তুমি কেন বুঝেও বুঝতে চাও না। এক-একটা ইন্টার পর ইন্টার, পাথরের পর পাথর জুড়ে গেছে। আর নয় ডার্লিং, যা কিছু তৈরী হয়ে গেছে তাকে ধূলিসাৎ কোরো না। মহিপাল মাথা হেঁট করে শুনছে।

—পাপ পুণ্য আমি মানি কিন্তু এত বছর ধরে এই পাপ আমাদের জীবনে পুণ্য হয়ে গেছে... বলো তুমি কেন চুপ করে বসে আছ ?



মহিপাল চুপ, অসীম শূন্যতা তার চোখে, এক মুহূর্ত চুপ করে শীলা তাকে দেখল। মহিপালকে সে কথার জালে আটকাতে চায়, কিন্তু মালায় গাঁথার ফুল যেন শেষ হয়ে গেছে, সে আজ বোবা। তার বাকশক্তির উৎস ছিল তার ভালোবাসা, সেই উৎস আজ হারিয়ে গেছে। শীলার চোখ আজ বড় করুণ, তেল ফুরিয়ে আসা বাতির মতই টিমটিম করছে। মহিপাল তেমনি নিশ্চল হয়ে বসে রইল।

একটা অব্যক্ত বেদনার ঠাণ্ডা নিঃশ্বাস ফেলে শীলা জোর করে হাসার চেষ্টা করে বললে— পৃথিবীর অনেক বড় লেখকের জীবনের সঙ্গে এরকম দুর্নাম জড়িয়ে গেলেও সাহিত্যে তাঁরা অমর হয়ে আছেন। তুমি একাই ইতিহাসে দুর্নাম কিনবে না, বুঝলে?

মহিপাল উঠে চলে গেল তবু শীলা তাকে পিছু ডাকলে না, আজ তার সব শক্তি যেন নিঃশেষিত।

শীলা স্থানুর মত বসে রইল। সে সহসা যেন নিজের কানকে বিশ্বাস করতে পারছে না, মহিপালের কথার অর্থ সে ভালো করে বুঝতে পারেনি। মহিপাল দরজার চৌকাঠে দাঁড়িয়ে এক পা ভেতরে, এক পা বাইরে। শীলা দাঁড়িয়ে উঠে তার দিকে এগুলো। শীলাকে তার কাছে এগিয়ে আসতে দেখে মহিপাল তার দিকে চোখ না ফিরিয়ে পারল না। শীলার চোখের দুর্নিবার আকর্ষণ তাকে আবার আমন্ত্রণ জানাচ্ছে, আরো কাছে, শীলা তার আরো পাশে এসে গেছে। অপলক দৃষ্টিতে সে দেখছে তার প্রিয়তমকে, তার চোখের দৃষ্টিতে যে অনুরাগ, আত্মবিশ্বাস তাকে সে জেদের বশে দূরে সরিয়ে ফেলতে চাইছে। শীলা কাছে আসতেই মহিপালের কঠোর প্রতিজ্ঞা টলে উঠল। শীলা নিজের ওপর নিয়ন্ত্রণ ক্ষমতা

যেন হারিয়ে ফেলেছে, মহিপালকে সে চুম্বকের মত আকর্ষণ করছে।

মহিপালের মত সৌন্দর্যপ্রিয় লেখক আজ প্রথমবার প্রেমের তন্ময়তার মধ্যে সুন্দর রূপকে দর্শন করেছে। শীলার চোখের দৃষ্টিতে তার অটল প্রেম তাকে বারবার প্রশ্ন করছে, তুমি কি এই তন্ময়তাকে দূরে সরিয়ে দিতে পারবে? তুমি এতে ডুবে যেতে বাধ্য!

শীলা মহিপালের সামনে, তার কাছ ঘেঁষে দাঁড়িয়ে। কেবল দুজনের নিঃশ্বাসের শব্দ সেই নীরবতাকে ভঙ্গ করছে। তার দুই বাহু যেন সমাজের সব বাধা ঠেলে মহিপালকে বরমান্য পরিয়ে দেওয়ার জন্য উৎসুক, তাকে সে আঁকড়ে ধরে রাখতে চায়। ধীরে ধীরে তার বাঁধন যেন দৃঢ় হয়ে যাচ্ছে। চৌকাঠের বাইরে বাড়ানো পা ভেতরে আনতেই স্প্রিংয়ের দরজা বন্ধ হয়ে গেল।

কয়েক জোড়া পায়ের শব্দে মহিপালের স্বপ্ন যেন আচমকা ভেঙে চুরমার হয়ে গেল, এতক্ষণে তার হুঁশ হল। দরজার বাইরে কর্নেল আর তার স্ত্রী কন্যার সঙ্গে ঠাকুরঘরের দিকে যাচ্ছে দেখে তার কল্যাণীর কথা মনে পড়ল। সমাজ, শকুন্তলার বিয়ে, আত্মীয়স্বজন, পদমর্যাদা সব-কিছু যেন এক মুহূর্তের মধ্যে তার মনের মধ্যে তোলপাড় করে উঠল। মহিপাল তার বাসনাকে কবর দেওয়ার চেষ্টা করছে। সে এখন সেয়ানা কাক। মুখ ঘুরিয়ে শীলার হাত সরিয়ে বললে— যা হয়ে গেছে তাকে ভুলে যাও শীলা, ভুলতে তোমাকে হবেই। আমাদের মধ্যে এত ঘনিষ্ঠতা না হলে হয়তো আমরা বন্ধু হয়ে থাকতে পারতাম, কিন্তু আজ আর তাও সম্ভব নয়।

শীলাকে বড় ক্লান্ত দেখাচ্ছে। মহিপালের হেঁয়ালিভরা কথার

অর্থ বোঝার চেষ্টা করছে। সে হাত সরিয়ে নিয়েছে কিন্তু এখনো সে নিজের শরীরে তার স্পর্শ অনুভব করছে। শীলার মাথা তার প্রিয়তমের বুকে, সিঁথির ছ'পাশে চার-পাঁচটা পাকা চুলের ঠিক ওপরে মহিপালের শেফার্স পেনের সোনালী ঢাকনা চকচক করছে। শীলার সিঁথিতে সোনালী রঙের চকচকানি যেন মহিপালের শিরায় শিরায় মদিরার নেশা জাগিয়ে তুলছে। তার আত্মস্তরিতা আজ সন্তুষ্ট। পৃথিবীতে কত হাজার লোক আছে যারা কোন নারীর প্রেমের জন্য অষ্টপ্রহর চোখের পাতা বোজে না। অথচ মহিপাল একজন লোক যার কাছে আজ এক প্রতিষ্ঠিত নারী তার সব-কিছু লুটিয়ে দিতে আতুর। সে কত অপার বৈভবের মালিক। ব্যাকের হিসেব আছে, সিন্ধের জামা, সিন্ধের জ্যাকেট আর এই দামী পেন... এ সমস্ত চুরির। যদি আজ তার মুখোস খুলে যায় তা হলে সুপ্রতিষ্ঠ সাহিত্যিক মহিপাল মুখ লুকোবার জায়গা খুঁজে পাবে না। শীলার কাছে অনেক পয়সা, মহিপালের ধন বৈভব শীলার দান ভেবে লোকে হাসবে না তো? এই নিয়ে লোকে তার দুর্নাম রটাবে না তো? এই চিন্তার ভারে তার শরীর ধীরে ধীরে হিম হয়ে গেল। সে নিষ্ক্রিয়, নিষ্পন্দ, নপুংসকের মত মানসিক কুঠায় যেন অসাড় হয়ে গেছে। হঠাৎ সে সচেতন হয়ে উঠল, কঠোর হয়ে বলল— ভবিষ্যতে আমার সঙ্গে দেখাসাক্ষাৎ করার চেষ্টা কোরো না। মহিপাল ছিটকে শীলার কাছ থেকে দূরে সরে বাইরে যেতে যেতে তাকে সাবধান করতে ভুলল না—বাইরে কল্যাণী আছে, আর সকলে আছে, দেখে শুনে এসো।

কর্নেল আর সজ্জন কোন প্রসঙ্গ নিয়ে হাসাহাসি করছে, মহিপালকে দেখেই হঠাৎ সব চূপচাপ হয়ে গেল।

আয়া জানকী এসে কণ্ঠাকে শীলার খবর দিয়ে গেল। ঠাকুর ঘরে, পুরোনো অন্দরমহল দেখে তিনজন বন্ধুপত্নী গল্প করতে করতে ফিরছে। কল্যাণী এবার সোজা বাড়ি যাবার তোড়জোড় করছে, কণ্ঠার কোলে কল্যাণীর কোলের মেয়ে ঘুমুচ্ছে। কণ্ঠা জানকীকে একপাশে নিয়ে গিয়ে বললে—আমরা যখন বাইরে বেরিয়ে যাব তখন ডাক্তারকে এনে আমার ওপরের ঘরে বসাবে, আমি এখুনি মিসেস শুক্লকে গাড়িতে বসিয়ে আসছি।

কল্যাণী কর্নেলের স্ত্রীর প্রস্তাব বিবেচনা করছে, কণ্ঠা তাকে বলছে যে শকুন্তলার বিয়ে এই বাড়িতে হলে কেমন হয়। নিজেদের বাড়ি থাকতে ভাড়াটে বাড়ি খোঁজ করার কোন মানে হয় না। প্রস্তাব শুনে কল্যাণীর ভালোই লাগল। ওদের বাড়ি বড় ছোট এ-বিষয়ে সকলেই একমত, বড় বাড়ি দেখে শকুন্তলার বিয়ের ব্যবস্থা হবে, কিন্তু বাঙলো বাড়ির প্রস্তাব তার বেশী রুচিকর মনে হল। বাঙলো বাড়ির রোয়াব দেখায় তার ছোট জা, এবার মুখের মত হবে, আত্মীয়স্বজন সব এখানে আসবে। এইসব নানা কথা ভাবতে ভাবতে কল্যাণী কর্নেলের স্ত্রীকে বললে—এ বাড়িতে বিয়ে হলে ও বাড়িটা একেবারে খালি থাকবে। দেখি ওঁর সঙ্গে পরামর্শ করে, তারপর পাকাপাকি জানাব। কণ্ঠা উৎসাহের সঙ্গে বললে—হ্যাঁ হ্যাঁ পরামর্শ করে নিন, আমিও ওঁকে বলব। শকুন্তলা কেবল আপনারই নয়, আমাদের সবার মেয়ে, সবাই মিলেমিশে বিয়ে দেব ভাই।

কল্যাণী আনন্দে গদগদ হয়ে বললে—হ্যাঁ হ্যাঁ, তা আর বলতে, আগে তোমার তারপর আমার অধিকার, বন্ধুদের মধ্যে ভেদাভেদ কিসের? আমার উনি প্রায়ই বলেন যে আমার

মায়ের পেটের ভাইয়ের চেয়ে সজ্জন আর কর্নেল আমার বেশী  
আপনার ।

সুন্দর পোর্টিকোতে শ্রীমতী কল্যাণীর জন্ত গাড়ি দাঁড়িয়ে আছে ।

## বেয়াল্লিশ

ডাঃ শীলা ওপরে যায়নি, কল্যাণীর যাওয়ার প্রতীক্ষায় লবীতে  
দাঁড়িয়ে আছে । কর্নেলের স্ত্রীর সঙ্গে কত্যা ভেতরে ঢুকল, সামনে  
এক কোণায় রাখা মূর্তির দিকে অপলকভাবে চেয়ে থাকা শীলার  
দিকে তার নজর পড়ল । মহিপাল আর শীলাকে নিয়ে আজ  
কত্য়ার মনের হিসেবের খাতায় কোথায় যেন গরমিল দেখা  
দিয়েছে । কল্যাণীর মাথার সিঁড়রের মর্যাদা রাখা কত্য়ার কর্তব্য,  
তার চোখের আড়ালে শীলাকে লুকিয়ে রাখা কি ভালো হয়েছে ?  
নৈতিকতার মাপকাঠিতে মেপে দেখতে গেলেই যেন তার বুকটা  
ছঁাত করে উঠছে, কাজটা ভালো হয়নি । কত্যা তার বাপের  
বাড়িতে অবৈধ সম্বন্ধ দেখেছে, তাই তাকে সে কলুষিত মনে করে  
ঘৃণার চোখে দেখে । শীলাকে তবে কেন সে ঘৃণা করতে পারছে না ?

—হ্যালো ডাক্তার । শীলা মুখ ঘোরাল । কর্নেলের স্ত্রী তাকে  
দেখেই চমকে উঠল—আরে ডাক্তার সায়েব, আপনি কবে এলেন ?

—এই একটু আগে, শীলার কান্দিহীন মুখে হাসির আভাসটুকু  
বড় করুণ দেখাল ।

—আপনাকে দেখলেই আমার মনটা খুসীতে ভরে ওঠে—  
কণ্ঠার দিকে তাকিয়ে কর্নেলের স্ত্রী বললে—এঁর মত স্বভাব  
আমি খুব কম লোকেরই দেখেছি ভাই। আপনি অনেকদিন  
আমাদের ওদিকে ঢুঁ মারেননি ডাক্তার সায়েব। আমার বাড়ির  
খাস্তা নিমকী ইনি খুব পছন্দ করেন।

ডাঃ শীলার মুখের ভাব দেখেই কণ্ঠা আন্দাজ করে নিল নিশ্চয়  
ছুজনের মধ্যে ঝড় বয়ে গেছে। শীলার মন হান্কা করার জন্য  
ঠাট্টা করে কণ্ঠা বলল—একদিন সকলকে নেমস্তন্ন করে ডাকুন  
বউদি, ডাক্তার সায়েবের ছুতো করে আমরাও পাত পেতে  
খেয়ে আসব।

কর্নেলের স্ত্রী চোখ নাচিয়ে—শুনলেন ডাক্তারমশাই, আদরের  
ননদিনীর আবদার দেখলেন? সবতাতেই আগে নিজের ভাগটা  
বসিয়ে তবে অন্যের কথা।

কথা শেষ হতে যন্ত্রচালিতের মত শীলা কাষ্ঠহাসি হাসল।  
কণ্ঠা নিজের উদার মনের পরিচয় দিলে—আমুন, বউদি, ওপরে  
চলুন।

কর্নেলের স্ত্রীর স্মৃতিশক্তি হঠাৎ যেন চনমনে হয়ে উঠল, অর্থপূর্ণ  
দৃষ্টিতে শীলাকে আপাদমস্তক দেখে নিয়ে—কণ্ঠা, আমি রান্নাঘরে  
যাচ্ছি। পোনে আটটা বাজল, থালা সাজিয়ে রাখার বন্দোবস্ত  
করি।

—হ্যাঁ বউদি, সেই ভালো—কণ্ঠার মনের ভার যেন হান্কা  
হয়ে গেল, বউদির বুদ্ধির দৌড় দেখে সে যেন তাকে শ্রদ্ধা না  
করে পারলে না।

—বৈঠকখানায় গিয়ে বসতে কোন আপত্তি আছে নাকি ?

—এবার বাড়ি যাব।

—দাঁড়াও, সজ্জনকে ডেকে আনি। তুমি ততক্ষণ আপিস ঘরেই বসো।

শীলার সঙ্গে দেখা হওয়ার পর থেকেই মহিপাল যেন কেমন ছিন্নপত্রের মত নিস্তেজ হয়ে গেছে। তার সহজ স্বভাব যেন কোথায় হারিয়ে গিয়েছে। কনেলের সঙ্গেও তার এই নিয়ে বেশ বচসা হয়ে গেল। কনেলের বচসায় সে বিশেষ মাথা ঘামালো না কিন্তু শীলার কাছ থেকে আসতেই সজ্জনের কথা শুনে তার মাথায় রাগ চেপে গেছে, দুই নৌকায় একসঙ্গে পা রেখে চলা তার অভ্যাস নয়। এতদিন নিজের অজ্ঞানতার অন্ধকারে জীবনের বহুমূল্য সময় সে অকারণেই নষ্ট করেছে।

শীলার ভালোবাসাকে সে অস্বীকার করতে পারছে না, তবু তাকে ত্যাগ করছে কেন? তার পথ আটকে দাঁড়িয়ে আছে নীতিগত এক সিদ্ধান্ত— ব্যক্তিগত ভালোবাসাকে প্রশ্রয় দিলে সামাজিক সামঞ্জস্য নষ্ট হয়ে যাবে।

মহিপালের এই জোরদার তর্কে খানিকক্ষণ হাবুডুবু খেয়ে শেষকালে সজ্জন নিরুপায় হয়ে মৌনব্রত ধারণ করতে বাধ্য হল, কিন্তু মহিপালের প্রতি তার ক্রোধ আর আক্রোশের মাত্রা যেন অনেক বেশী বেড়ে গেল। ইতিমধ্যে মনে মনে সে মহিপালের বিরুদ্ধে নালিশের এক লম্বা ফিরিস্তি তৈরী করে ফেলেছে। মহিপাল সর্বদাই তার দান্তিক প্রকৃতিকে দ্বন্দ্ব আহ্বান জানিয়ে এসেছে। সে নিজের জ্ঞান আর তর্কের সাহায্যে সজ্জনকে বার বার ছোট করার চেষ্টা করেছে। তার তর্কের সামনে বেশীর ভাগই সজ্জনকে হার মেনে নিতে হয়, কিন্তু এ কথা সে ভালো-

ভাবেই জানে যে মহিপাল যত লম্বা লম্বা কথা কেবল তর্কের খাতিরে বলে, ভেতরটা একেবারে ফাঁপা, সে নিজের কথা দিয়ে মনের রিক্ততাকে খামাচাপা দিতে চায়।

মহিপালেরও সজ্জনের বিরুদ্ধে ঠিক একই নালিশ। বচসার পরে মৌনতার নিস্তরঙ্গতা যেন বড় ভীষণ মনে হচ্ছে। দোলের দিন বিকেলে আঁমোদ করার জন্তে তিন বন্ধুতে এক জায়গায় জড়ো হয়েছে কিন্তু শীলার প্রসঙ্গ আসায় সে গুড়ে বালি হয়ে গেছে। কথার প্রসঙ্গ বদলানোর জন্ত কর্নেল অল্প কথা ভাবছিল এমন সময় কণ্ঠা ঢুকল।

—কি ভাই বিন্নো, খাবার ব্যাপার কতদূর ভাই?

—বাস্ সব একেবারে রেডী, বউদি খালা সাজাচ্ছেন— সজ্জনের দিকে চেয়ে— এক সেকেন্ড এদিকে শোনো তো।

সজ্জন আর কণ্ঠা শীলাকে গাড়ি পর্যন্ত এগিয়ে দিতে গেল।

—শীলা, তোমায় আজকে ডেকে এনে আমি বড় ভুল করেছি, মহিপাল যে এমন ধারা ব্যবহার করবে আমি আশাই করিনি। সজ্জন বললে।

শীলা উত্তর দিল না। তার নির্বিকার চেহারা যেন পাথরের মতই নিশ্চল হয়ে গেছে।

—না না কণ্ঠা, তুমি গুলমহম্মদকে ডাকো, ডাক্তারকে পৌঁছে দিয়ে বাড়ি চলে যাবে।

কণ্ঠা দালানের দিকে গেল। গাড়ির পাশে সজ্জন আর শীলা দাঁড়িয়ে আছে। পূর্ণিমার চাঁদের আলোয় বাগানের গাছপালা, সবুজ সবুজ বাগানের ঘাস কার্পেটের মত দেখতে বড় সুন্দর লাগছে। শীলার দুঃখ দেখে সজ্জনের মনে সহানুভূতির জোয়ার



উথলে উঠল, তার মাথায় হাত বোলাতে বোলাতে— বি ব্রেভ, চাইন্ড! হাত ধেমে গেল, গলার স্বর গম্ভীর মনে হল— অতি কটু সত্য অনেক সময় ছুঁধারী তলোয়ারের মতই আঘাত করে। মহিপাল সাহিত্যিক হয়েও এই বেদনাকে চিনতে পারল না, কেবল জ্বরের দোহাই দিয়ে চলে গেল। কি বলে আর তোমায় সাশ্রনা দেব— কিছু বুঝতে পারছি না।

—পুরুষ নারীহৃদয়কে পাথরের মত মনে করে। নিজের ভালোবাসা দিয়ে সেই পাথর কেটে অজস্র-ইলোরার মত সৌন্দর্য সৃষ্টি করে, তারপর তাকে বাঘ-ভালুকের বস্তুতে একা ছেড়ে দিয়ে চলে যায়... নারী পাথর হতে পারে, কিন্তু তার নিজের হাতে আঁকা সেই সৌন্দর্যকে সে কেন ভুলে যেতে চায়? এর উত্তর আমি খুঁজে পাইনি, হয়তো কোনদিন পাব না! সজ্জনের সহানুভূতি পেয়ে শীলার করুণ চেহারায় স্নিগ্ধভাব দেখা দিল। অন্ধকারে তার চোখে যেন আত্মবিশ্বাসের প্রদীপ টিমটিম করে জ্বলছিল।

শীলাকে গাড়িতে উঠিয়ে দিয়ে ফেরার সময় সজ্জনের মন বেশ উত্তেজিত হয়ে উঠেছিল। শীলার সঙ্গে তার ঘনিষ্ঠতা মহিপালের জন্যই। শীলার স্বভাবে পশ্চিমী সভ্যতা আর ভারতীয় নারীর অপূর্ব সমন্বয়, সে ঝরনার মত মুক্ত, প্রবাহিত অথচ ঝরনার মতই সে তার স্রোতের সঙ্গে একপ্রাণ হয়ে জড়িত একটি নারী। শীলার ব্যক্তিত্ব সর্বদা সকলের মনে তার প্রতি অন্ধার ভাব জাগায়।

গাড়ি ফটকের বাইরে বেরিয়ে অদৃশ্য হয়ে গেল। সজ্জন আর কণ্ঠা দুজনে ফিরছে। পোর্টিকো পর্যন্ত এসে হঠাৎ সজ্জন কণ্ঠার

হাতখানা নিজের হাতে নিলে, সেই মুহূর্তে দুই হাতের আঙুল পরস্পরের কাছে ধরা দিয়ে ভালোবাসার উদ্ভাপকে নতুন করে অনুভব করলে।

বৈঠকখানার দরজা পর্যন্ত এসে সজ্জন তার হাতখানা বুকের কাছে চেপে ধরে বললে—পরের চিন্তায় আজকে আমাদের বিকেলটাই মাটি হয়ে গেল, এদের না ডাকলেই ভালো করতুম।

কণ্ঠার আরক্তিম মুখে স্বামী-সোহাগের লালসা দেখা দিলে। পরস্পরের হাতের বাঁধন যেন টিলে হয়েও আঁকড়ে আছে, কেউ আর কারো থেকে চোখ ফেরাতে পারছে না।

—যাচ্ছি— কণ্ঠা মাথা নীচু করে সলজ্জ হাসি হেসে বললে। তার হাতখানা জোরে চেপে ধরে সজ্জন বলল—তোমার মনে আমার বিষয় কোন সন্দেহ নেই তো?

প্রশ্ন শুনে কণ্ঠা আচমকা শিউরে উঠল, মহিপালের চিন্তায় তার আশঙ্কিত মন যেন জোরে এক ঝাঁকুনি পেয়ে ছলে উঠল।

সজ্জন হাতটা চেপেই বললে—দায়িত্বজ্ঞান আমার যথেষ্ট আছে তবু সময় সময় আমি জেদী শিশুর মতই বেকুব হয়ে পড়ি। আমি যেন নিজের আত্মবিশ্বাস হারিয়ে ফেলি। তোমার শক্তিতে যেন আমার বিশ্বাস থাকে—আমি যেন কোনদিন মহিপালের মত না হয়ে যাই, কখনো নয়।

মিষ্টি হেসে কণ্ঠা উত্তর দিলে—তোমার শিশুশুলভ জেদী স্বভাবের পরিচয় মথুরায় গিয়ে পেয়েছিলাম। ঘাবড়িয়ে না, আমি সর্বদাই সচেতন থাকার চেষ্টা করব।

চারি চকুর মিলন হল, কণ্ঠার মুখে মুচকি হাসি, সজ্জনের মুখে শিশুশুলভ সরলতা, কণ্ঠা আজ প্রেমবিহ্বল, তার চোখে প্রেমের

জ্যোতির ঝলমলানি। পবিত্র প্রেমে স্নান করার পর সজ্জনের প্রেম আজ স্বচ্ছ সুন্দর, তার মনে এক নতুন আত্মবিশ্বাসের সৃষ্টি হয়েছে।

যেতে যেতে কণ্ঠা বলে— আমি খাবার দিচ্ছি, তোমরা সকলে ওপরে এসে যাও।

## তেতাল্লিশ

রাস্তিরে দেরীতে শুয়ে সকালে বেশ দেরীতে চোখ খুলল। সজ্জনের ভোরবেলা বেড়াতে যাওয়া হল না, চাঁ খেতেও প্রায় ঘণ্টাখানেক পরে টেবিলে বসল। আজ ছ'জনে অনেক জায়গায় 'দোল মিলন' করতে যাবে। স্বামী স্ত্রী আগেই প্রোগ্রাম ঠিক করেছে যে তারা বেলা বারোটায় নিশ্চয় ফিরে আসবে। ছ'জনে মিলে পাখির মত ড্রাইভ করে কানপুর যাবে, ছপুরের খাওয়া ওখানেই খাবে।

কণ্ঠার প্রতীক্ষায় বসে সজ্জন রোজউডের সুন্দর খাবারটেবিলে বসে আঙুলের টোকা মেরে তবলা বাজাচ্ছে। কণ্ঠা রান্নাঘরে দাঁড়িয়ে জলখাবার তৈরী করাচ্ছে। কাল রাস্তিরে শীলা আর মহিপাল প্রসঙ্গ নিয়ে অনেকক্ষণ চর্চা করার পর যেন তাদের শাস্ত নিস্তরক জীবনে নতুন করে বসন্তের ছোঁয়া লেগেছে।

ছ'মিনিট টেবিল বাজানোর পর আবার খবরের কাগজ টেনে

নিয়ে পাতা ওলটাতে শুরু করতেই চাকর এসে খবর দিল বাবাজী এসেছেন। রোমাটিক মুডের মাঝে বাবাজীর প্রবেশ, সে যেন খবরটা শুনে বিশেষ সুখী হতে পারল না। তাঁকে ওপরে নিয়ে আসার জন্যে চাকরকে হুকুম দিলে। বাবাজীর অলৌকিক মনের কথা জেনে নেওয়া কি করে সম্ভব, যত সে এ বিষয়ে গভীর ভাবে চিন্তা করেছে ততই তার মনের শ্রদ্ধার পাত্র কানায় কানায় ভরে উঠছে। জনহিতকর কাজে নিজের সর্বস্ব ত্যাগ করার কথা কাল হুপুরে বাবাজী বলেছিলেন, তখন থেকেই সজ্জনের মনে সংকোচ দেখা দিয়েছে। লোকহিতের জন্য ত্যাগের মহিমার কথা ভাবতে তার বড় ভালো লাগে, কিন্তু নিজেকে ত্যাগ করতে হবে ভেবে তার অতৃপ্ত ইচ্ছা সংকুচিত হয়ে পড়েছে। বাবাজী আসার খবরে তাই সে একটু বিব্রত বোধ করছে।

ওপরের অতিথিকক্ষে বাবাজীকে বসানো হল। সজ্জন সবিনয়ে কথা আরম্ভ করল—আমরা চা খাব, আপনার দুধ আনতে বলব?

—না রামজী, আপনারা চা খান, যদি বলেন তা হলে আমিও সেখানে গিয়ে আপনাদের কাছেই বসি। সময় নষ্ট করে কি হবে?

—আমুন আমুন, বাস এই একটু...

—কি রামজী?

—আমরা ডিম ওমলেট...

বাবাজী হেসে উঠলেন—খান, আপনার ডিম আমার মুখে টপ করে চলে যাবে না।

কথা আসতেই বাবাজী কথা আরম্ভ করলেন।

—রামজী, এক নারীর জন্তে গায় ভিক্ষা করতে আপনারা এত বড় আন্দোলন করলেন, এরোপ্পেন পর্যন্ত উড়িয়ে দিলেন, এবার নারীজাতির উদ্ধারের কাজে আপনারা আমায় সাহায্য করতে পারবেন?

কণ্ঠা বলল— আশ্চর্য করুন, কি করতে হবে?

—কাল দুপুরে আমার আশ্রমে এক বিচিত্র পাগলী এসেছে রামজী। সে সকলের সামনে উগ্র মূর্তি ধরে ছিল, কিন্তু একান্তে তার সঙ্গে কথা বলে জানলুম যে তার মাথার কলকজা সব ঠিক আছে, সে পাগলী নয়।

—তারপর? স্বামী-স্ত্রীর স্বরে কৌতূহলের ভাব।

—সে অত্যাচারিতা পীড়িতা রামজী। মণ্ডলে অনেক অত্যাচার সহ করে তার বুদ্ধি বিক্ষিপ্ত হয়ে গেছে, তবে এতটা হয়নি, যতটা সে ভান করে। মণ্ডলের লোকেরা তাকে আমার কাছে ছেড়ে গেছে। তারা কি আর সাথে ছেড়েছে, তাদের পাপ তাকে এখানে ছেড়ে গেছে। সেখানে অনেক মেয়েরা অত্যাচার সহ করেছে।

কণ্ঠার ফর্সা মুখ উত্তেজনায় লাল হয়ে উঠেছে। সজ্জনের মুখে উত্তেজনার চেয়ে বেশী আছে কৌতূহল।

বাবাজী সমস্ত কাহিনী আয়োপান্ত শোনালেন। সেই পাগলীটি বামুনের মেয়ে, তার মা এক বড়লোকের বাড়ি মহারাজিন (রাঁধুনী) ছিল। মেয়েটির লেখাপড়ায় মাথা আছে দেখে মায়ের মনিব তাকে সাহায্য করতেন। পরে তাঁরই ছেলের সঙ্গে মেয়েটির ভালোবাসা হয়ে গেল। ইতিমধ্যে মেয়েটির মা মারা গেছে। ধনী ব্যক্তির সুপুত্র বংশধর একজন নিরীহ,

মাতৃহীনা গরীব মেয়ের অন্ধকার জীবনে আলোর প্রকাশ দেখালেন বটে কিন্তু তাতে স্নেহের মাত্রা এতই কম যে প্রদীপ টিমটিম করতে করতে দপ করে নিভে গেল। মা-বাবার অত্যাচারের চাপে ছেলেটি মেয়েটিকে ত্যাগ করতে বাধ্য হল এবং তার ভরণপোষণের ব্যবস্থা মহিলা মণ্ডলে করা হল। বিখ্যাত লেখক প্রেমচন্দ আর ভারতের অণু ভাষার বড় বড় সাহিত্যিকেরা অনেকবার এই মহিলাশ্রমের ব্যভিচারের বিষয় লিখেছেন। এক ভদ্রলোক প্রায় কুড়ি-বাইশ বছর ধরে অবৈতনিক সেক্রেটারি আর সর্বসর্বা হয়ে বসে আছে। আশ্রমের পরিচালন সমিতির সঙ্গে শহরের বড় বড় ধনী ও নামী ব্যক্তি জড়িত আছে, তাই সরকার থেকে স্বীকৃতি পাওয়ার সময় তাদের কোনরকম বেগ পেতে হয়নি। প্রতিবছর মহিলা সেবা মণ্ডলের বার্ষিক রিপোর্ট প্রকাশিত হয়, এরমধ্যে কম-সে-কম দশজন বিধবা অথবা পরিত্যক্তা দুঃখী স্ত্রীর পুনর্বিবাহের উল্লেখ বেশ আড়ম্বরের সঙ্গে করা হয়। স্ত্রী পেতে ইচ্ছুক পুরুষকে পাঁচ-সাতশো টাকা মণ্ডলের চাঁদার খাতায় জমা করতে হয়, তাকে রীতিমত রসিদ দেওয়ার ব্যবস্থা আছে। বিবাহে ইচ্ছুক স্ত্রী-পুরুষ দুজনে ম্যাজিস্ট্রেটের সামনে বিয়ের কাগজে সই করে। এত সুন্দর ব্যবস্থার কথা শোনা বা দেখার পর আশ্রমের বিষয় সন্দেহ করার প্রশ্নই ওঠে না। এইভাবে ঘেরা দুর্ভেদ্য পাঁচিলের ভেতরে, সেক্রেটারি, পরিচালক সমিতির সদস্যরা, তাদের বন্ধু আর পুলিশের লোকেদের জ্ঞাত ব্যভিচারের কারবার চলছে। মণ্ডলের এজেন্টরা স্টেশনে আর মেলায় হারিয়ে যাওয়া মেয়েদের ফুসলে ফাসলে মণ্ডলে নিয়ে আসে। সাম্প্রদায়িক গোলমালের সময় অনেক মুসলমান মেয়েদের গায়েব করিয়ে

তারপর তাদের এখানে এনে শুদ্ধ করে নিয়ে পরম পবিত্র কার্খের  
কিরিস্টি বাড়ানো হয়েছে। আগে বেশীর ভাগ গাঁয়ের মেয়ে  
বা শহরের নিম্ন মধ্যবিত্ত ঘরের মেয়েরাই এখানে যেত কিন্তু  
দেশ বিভাগের পর অপহৃত মহিলাদের রক্ষা করার ভার মণ্ডলের  
কাঁধে এসে পড়তেই মধ্যবিত্ত ছুঃখী বিধবারাও খুঁজে খুঁজে এই  
ঠিকানায় ভরতি হওয়া শুরু করে দিয়েছে। মণ্ডলের এক আলাদা  
বাড়িতে সেলাই, বোনা, হাতের কাজ শেখানোর ক্লাস আছে।  
এই বাহানায় বাইরের অনেক মেয়ের এখানে যাতায়াতের সুযোগ  
হয়েছে। ওদের মজুরীর পয়সা দেয়া হয়, এইভাবে শিক্ষালয়ের  
পবিত্র নামের সাহায্যে সার্বজনিক পাপাচার চলছে।

এই পাগল মেয়েটি আগে এই ক্লাসে ছিল, সেখানে পাড়ার  
এবং মণ্ডলের অন্ত্র মেয়েদের কারচুপি ভরা কথার প্রলোভনে  
পা দিয়ে, মণ্ডলের সেক্রেটারি মহাশয়ের মিষ্টি ভদ্র ব্যবহারে সে  
অনেকটা নিজের ছুঃখ ভুলে আশ্বস্ত হয়েছিল। কিছুদিন পরেই  
পর্দা ফাঁস হয়ে গেল। প্রায় দু'বছরের কঠিন সংঘর্ষের পর সে  
নিজেকে পাগল সাব্যস্ত করতে পেরে সেখান থেকে বাইরে বেরিয়ে  
বের্চেছে। সে এখন পুরুষমাত্রকেই ঘৃণা আর ভয়ের চোখে  
দেখে। গত দু'বছরে পুরুষের হাতে অত্যাচার সহ করার পর  
পুরুষরাই আজ তার চোখে ঘৃণিত। তার পবিত্র নিষ্কলঙ্ক মন  
পুরুষের কর্পট জালে কেঁসে নানা অপমান আর ব্যভিচার সহ  
করে যেন ভেঙে খান খান হয়ে গেছে। বাবাজীর কথা শুনে  
কণ্ঠার মাথা গরম হয়ে গেল— এই ছুরাচারের কারবার  
শেষ করতেই হবে, এখনি পুলিশে রিপোর্ট লিখিয়ে এদের  
সকলকে ধরিয়ে দাও, ওগো শুনছ, তুমি এখনি যাও, যা হয়

একটা কিছু করো— এই পাপের শেষ না হলে আমার শাস্তি নেই।

—কিন্তু আগে প্রমাণ সংগ্রহ করতে হবে মা। এই মেয়েটি মানসিক অসুস্থ হতে পারে, সে যতটা বলেছে তার মধ্যে অনেকাংশ মিথ্যে হতে পারে।

এ শহরে এ ধরনের কারবার অনেক জায়গায় চলে, এর বিষয় আমি আগেও শুনেছি।

—এ কথা ঠিক রামজী, কিন্তু সত্যকে সবার সামনে প্রকট করতে হলে প্রমাণ চাই আর এই মেয়েটি প্রমাণ দিতে পারবে না।

—আপনি এত শক্তিশালী যে অণ্ডের মনের গোপন রহস্য বুঝে নিতে পারেন, আপনার কি মত ?

—রামজী, আমার মতের সঙ্গে নিজের মতের যোগাযোগ করতে যেয়োনা। তুমি সত্যকে তার যথার্থ রূপে অনুভব করার চেষ্টা করো।

—কিন্তু এই পরিস্থিতিতে সেটা অনুভব করার উপায় আমাদের কাছে কি আছে ?

—বিচার-বিবেচনা করে।

—এ ধরনের ব্যভিচারের জায়গা অনেক আছে, আমি পুলিশের অফিসারদের সাহায্যে সমস্ত... এখুনি কর্নেলকে ফোন করছি।

—কর্নেলদাকে ফোন করে আমি ডেকে পাঠাচ্ছি।

—দাঁড়াও মা, আগে ভালোভাবে ভেবে নাও। রামজী বলেছেন যে পুলিশের বড় অফিসারদের দিয়ে পর্দা ফাঁস করাবেন, কিন্তু ছোট অফিসারেরা যারা নিজেরা ভোগ-বিলাসের জগৎ সেখানে যায়, তারা খবর পেয়ে যদি সব পাপ দৃশ্য গায়েব করে ফেলে তা হলে তুমি কি করবে রামজী ?



সজ্জন শুরু, কণ্ঠা খাঁচায় পোরা পাখির মত বিকল হয়ে বললে— মেয়েদের ওপর এত অত্যাচার তবু তারা বিবশ, জগৎ জানছে তাদের কাহিনী তবু তারা... না, আমি প্রমাণ সংগ্রহ করব। আমি এই অত্যাচারের প্রতিকারের জন্য লড়ব।

বাবাজী হেসে বললেন— কি করে করবে মা? এইটাই মূল প্রশ্ন।

—আমি সেখানে নিজে গিয়ে মেয়েদের সঙ্গে কথা বলব।

—মণ্ডলের ব্যবস্থাপক যদি তোমাকে তাদের সঙ্গে দেখা না করতে দেয়, তা হলে?

—এটা সার্বজনিক সংস্থা বাবাজী, আমি যেতে পারি, দেখতে পারি।

বাবাজী হাসলেন— চোর দিনের আলোয় চুরি করে না মা। তার সন্ধান তুমি কি করে পাবে?

প্রশ্নের উত্তর দিতে কণ্ঠাকে বেগ পেতে হল— আচ্ছা, ধরুন আমি একজন সমাজসেবিকা হয়ে যদি সেখানে যাই, কিছুদিন সেখানে নিয়মিতভাবে মেলামেশা করি, তা হলে সেখানকার মেয়েরা নিজে মুখেই সব উগরে দেবে।

—উপায় বেশ ভালো ভেবেছ মা কিন্তু এ নিয়ে একটু চিন্তা করে দেখতে হবে। একবার এরোপ্লেনের আন্দোলনে সক্রিয় হবার পর তোমার নাম কারো অজানা নয়। একদিকে মণ্ডলের কর্মকর্তারা যদি তোমায় মেয়েদের সঙ্গে মেলামেশা করার সুযোগ দেন আর অন্যদিকে মেয়েদের তোমার বিরুদ্ধে সতর্ক থাকার নির্দেশ দেন, তা হলে তুমি কি করবে?

সজ্জন বললে— আর-একটা কথা, সত্যের সন্ধানে অসত্যের আশ্রয় নেওয়া কি উচিত হবে?

—অনুচিত কেন হবে রামজী ?

—নিশ্চয় অনুচিত, মিথ্যের আশ্রয় নিয়ে সত্যের সন্ধান অসম্ভব ।

—ঠিক কথা রামজী, কিন্তু একটু গভীরভাবে বিচার করে দেখো যে এর মধ্যে মিথ্যের অংশ কতটা আছে ? তুমি যে কাজে হাত দিচ্ছ সেটা সর্বজনহিতায়, তার জন্যে সত্যমিথ্যের জেরা করা কি ঠিক হবে ?

—বুঝলাম না বাবাজী ।

—আচ্ছা আমার এক সমস্যা সমাধান করো রামজী । ধরো, এক চোর চুরি করে উদ্ধ্বাসে ছুটছে, তুমি তাকে দেখলে, পেছনে পুলিশও আসছে । পুলিশ যদি তোমায় প্রশ্ন করে তুমি চোর দেখেছ ? তুমি তা হলে কি বলবে ?

—যা সত্যি তাই বলব, হ্যাঁ দেখেছি ।

—ঠিক আছে, ধরো যে সেই চোরের বাড়িতে তার ছেলের অসুখ, ওষুধের পয়সা নেই, ছেলের প্রাণ বাঁচানোর মোহ বড়ই প্রবল । তুমি সেই চোরের পারিবারিক পরিস্থিতিটা ভালো করেই জানো । তুমি তাকে চুরির মাল নিয়ে বাড়িতে ঢুকতে দেখেছ তারপর পুলিশে তোমার কাছে জানতে চাইছে যে তুমি চোরকে দেখেছ কি না ? এই পরিস্থিতির মধ্যে তোমার উত্তরটা কি হবে, রামজী ?

—চোরকে আমি নিজের চোখে দেখেছি সে কথা অস্বীকার করা কি করে সম্ভব ? তবে সেই ব্যক্তির পরিস্থিতি ভেবে দেখার পর আমি চোরকে সাজা দেওয়াব আর বাচ্চার জীবন রক্ষার জন্যে আর্থিক সাহায্য করব ।

—ধরো, তার সাহায্যের ব্যবস্থা করাও তোমার পক্ষে অসম্ভব তা হলে কি হবে ?

—আমি মিথ্যে বলতে বাধ্য হব। পুলিশের হাত থেকে তাকে বাঁচানো আমার দৃষ্টিতে পুণ্যের কাজ, পাপ নয়। কত্তা জোর গলায় মন্তব্য করল।

—আমি এই পরস্পর-বিরোধী তর্ককে এত সহজে মেনে নিতে পারছি না। সজ্জনের মুখে কেমন যেন বিষণ্ণতা মাখানো, তার চোখের চাঁউনিতে শূন্যতা। কত্তা বেশ উত্তেজিত গলায় বলল—তুমি এত বাজে তর্ক কেন করছ? এটা কাজের সময়।

—আমার তর্ককে বাজে বলে উড়িয়ে দেবার চেষ্টা কোরো না কত্তা, বাবাজী সকলের মনের খবর রাখেন, তিনি সাক্ষী দেবেন।

—একটা কথা ভেবে দেখেছ কি? তোমার মনে এই যে চিন্তা চলছে রামজী, তার কারণটা কি?

—আমি ঠিক বুঝলাম না।

—তোমার স্ত্রী এমন পাপালয়ে প্রবেশ করে এ কথাটা তোমার কাছে মোটেই রুচিবর নয়। আমার কথা স্বীকার করছ, না প্রতিবাদ করবে?

—আজ্ঞে হ্যাঁ, আপনার অনুমানই ঠিক।

—ধরো, তোমার স্ত্রী না হয়ে যদি অল্প কোন মহিলা এ ধরনের সাহস করে, তা হলে তুমি তার প্রশংসা করবে কিনা?

—প্রশংসা আমি এরও করব কিন্তু কেমন যেন ভয় করছে, গুণ্ডাদের মাঝখানে এমন ভাবে...

—এতগুলো অবলা নারী গুণ্ডাদের উৎপীড়নের শিকার হয়ে কাঁদছে, তারা কি আমাদের মতই রক্তমাংসে গড়া মানুষ নয়? আমি নিশ্চয় এদের ভাঁড়ামির হাঁড়ি হাতে ভেঙে সব কাণ্ডকারখানা জনতার চোখের সামনে তুলে ধরব। আমি বাপের বাড়িতে যে

অত্যাচার দেখেছি, তা আজও আমার মনে সেই অত্যাচারের প্রতিবাদ করার জ্বালা জাগিয়ে তোলে। এমন সময় তোমার দার্শনিকের মত কথাবার্তা বলা সাজে না সজ্জন। তোমার সেই মনোবল আজ কোথায়, যা নিয়ে তুমি আমার কুমারী অবস্থায় সাহায্য করার কথা প্রায়ই বলতে?

কণ্ঠা অতিরিক্ত উত্তেজিত হয়ে উঠেছে, চা জলখাবার সব ঠাণ্ডা হয়ে গেছে। বাবাজী শান্ত স্বরে বললেন— নিছক উত্তেজনার কোন মানে হয় না মা, কাজের মধ্যেও দর্শনের কথা ভাবার সময় বা মানসিক স্থিতি থাকা অত্যন্ত দরকার, এ না হলে কাজ সফল হয় না। তোমার স্বামীর আশঙ্কা বোলো আনা ঠিক। আমি কেবল তাঁকে পরিস্থিতির কথা এইজন্মে বুঝিয়ে দিলাম যাতে তিনি কোন ভুল পথে চালিত না হয়ে পড়েন... হ্যাঁ রামজী, এবার তোমার প্রশ্নের উত্তর শোনো। মিথ্যে বলা আমাদের লক্ষ্য নয়, কিন্তু যখন তার সম্বন্ধ ব্যাপক সত্যের সঙ্গে জড়িত হয়ে পড়বে তখনই তাকে আমরা অস্ত্রের মত ব্যবহার করব এটা সমাজের নীতি। যেখানে ছ'চারটে মিথ্যে বললে পরোপকার করা সম্ভব সেখানে সেটা সত্য, পুণ্য। ব্যাস মহারাজ উপদেশ দিয়েছেন যে পরোপকার পুণ্য আর পরপীড়ন পাপ, আমার মতে ঠিকই বলেছেন।

—তা হলে হিংসা করাও অনেকক্ষেত্রে পুণ্য? সজ্জন প্রশ্ন করলে।

—গীতার এই আদেশ আমি উচিত মনে করি। উদ্দেশ্য যদি মহান হয় তা হলে ত্যাগের কষ্টপাথরে যাচাই করে দেখলে দেখবে যে অনেক ক্ষেত্রে হিংসা পুণ্য হয়ে গেছে।

—গান্ধীজী সমানেই এর বিরোধিতা করেছেন।

—না তো। কাপুরুষের অহিংসার চেয়ে তিনি হিংসাকে শ্রেষ্ঠ মনে করেন। জীবের রক্ষা করাই তাঁর মহান উদ্দেশ্য। যদি তোমাকে প্রাণে মেরে ফেলার সংকল্প কেউ করে, তখন তার সঙ্গে লড়াই করা উচিত। এই মেয়েদের কারবারিদের সঙ্গে রীতিমত লড়াই করতে হবে রামজী।

—এই সেবা মণ্ডলটা কোথায়? আমি আজকেই সেখানে যাব।

—হ্যাঁ, আজ তোমরা দুজনেই সেখানে যাও। আমার নাম করলেই তোমাদের সেখানে যাওয়ার কারণ আপনা হতেই স্পষ্ট হয়ে যাবে। একশো দুশো টাকা সাহায্যের নাম করে ছুঁড়ে দियो, তারপর পরিস্থিতি দেখে ব্যবস্থা ভাবা যাবে।

কণ্ঠার চোখের সামনে তার ছঃখী বউদির চেহারা ভেসে উঠল—  
আগুনে ঝলসানো মাংসের টুকরো, বিকৃত ঠোট, নাক, চোখের কোটর, মাথার চুল। চোখের জল গালে উপছে পড়তেই কণ্ঠা যেন হুঁশ ফিরে পেল।

আজ সে দৃঢ়প্রতিজ্ঞ, নতুন ভাবে তার জীবনের উদ্দেশ্যকে পূর্ণ করার পথে সে পা বাড়িয়েছে

## চুয়াল্লিশ

প্রিয় মহাশয়,

শ্রীমান বাবা রামজী আশ্রমের উন্মাদগ্রস্তদের সেবা এবং সাহায্যের কাজে আমরা স্বামী-স্ত্রী দুজনেই সেবারত আছি। আপনাদের মহিলা সেবা মণ্ডলের বিষয় আমি সেখানেই শুনেছি। আমি শুনে অত্যন্ত আনন্দিত যে আপনারা নারীজাতির কল্যাণ সাধনের ক্ষেত্রে অগ্রসর হয়েছেন। এ ধরনের সমাজ-কল্যাণ-কাজে আমার বিশেষ রুচি আছে তাই মণ্ডলের সাহায্য সামান্য একশো টাকার চেক পাঠাচ্ছি। যদি আপনারা গ্রহণ করেন তা হলে আমরা বিশেষ সুখী হব।

ভবদীয়া

বনকন্ঠা বর্মা

চিঠির সঙ্গে চেক দেখে মহিলা সেবা মণ্ডলের অবৈতনিক সেক্রেটারি মহাশয় খুব খুসী, ধন্যবাদ দেবার জন্যে তিনি সশরীরে দম্পতির বাড়ি উপস্থিত হলেন। শ্রীসজ্জন ও শ্রীমতী বনকন্ঠার নারীজাতির প্রতি সহানুভূতির তিনি শতকণ্ঠে গুণগান করলেন। কন্ঠা আশ্রম দেখতে চায় শুনে তিনি গদগদ হয়ে উঠলেন। পরের দিন বেলা দুটোর সময় স্বয়ং এসে তিনি কন্ঠাকে নিয়ে যাবেন, ঠিক হল।

অত্যন্ত ঘিঞ্জি বাজার, ছ'পাশে গম চালের বস্তার ডাঁই, জনবহুল সরু রাস্তা যেখানে হাঁটাচলা দায়, পিঠে গম চালের বস্তা নিয়ে ছ'দিক থেকে মজুরদের লাইন যাতায়াত করছে। হাড় জিরজিরে মোষের গাড়ির মধ্যে আনাজের বস্তা পিঠে নিয়ে উটেরা সমস্ত ভিড়ের মধ্যে যেন নিজেদের আলাদা অস্তিত্ব জাহির করতে ব্যস্ত। সূতি পাঞ্জাবী, জ্যাকেট, সাদা গান্ধী টুপি মাথায় কাঁধে গামছা ফেলে, হাঁটু পর্যন্ত ধুতি, পায়ে চামড়ার মচমচে জুতো পরা লোকজনে বাজার সরগরম। গম চালের সোঁদা গন্ধে বাজার ভুরভুর করছে। ঠেলা, ট্রাক, সাইকেল, একুকা, রিক্শা, গোকর, বলদ আর বাজার করতে ব্যস্ত মানুষের ভিড়ের মধ্যে জায়গা করতে করতে সর্পিণ গতিতে সজ্জনের গাড়ি যাচ্ছে। সেক্রেটারি মহাশয় আঙুল দিয়ে বাঁ পাশের ছাদের দিকে ইশারা করে বললেন— আমি তিনটে ছাদেই বড় বড় সাইনবোর্ড লাগাবার ব্যবস্থা এইজন্তে করেছি, প্রথমতঃ জনতার দৃষ্টি আকর্ষিত হয় আর দ্বিতীয়তঃ খোলা ছাদের একটা আবরু হয়ে যায়। আমি পর্দার বিষয় ভীষণ সজাগ মিসেস সজ্জন। নারীজাতির চরিত্র রক্ষা করাই আমাদের মণ্ডলের প্রধান ধর্ম এবং উদ্দেশ্য। বাইশ বছর ধরে এই সেবাকার্যে নিজেকে অর্পিত করেছি। এতদিনের আমার অভিজ্ঞতা যে টাঁদে কলঙ্ক হতে পারে কিন্তু আমাদের সেবা মণ্ডলের চন্দ্রমুখীরা নিষ্পাপ, নিষ্কলঙ্ক।

আনাজের বাজার থেকে গাড়ি বেরিয়ে বাঁ দিকের রাস্তায় এল, সামনে জেনারেল মার্চেন্টদের ছোট মত এক বাজার, গুলি পার হতেই বাঁ দিকের দোকানের সামনে সাইনবোর্ড ঝোলানো 'শ্রীমতী সুন্দর বিবি দাতব্য ঔষধালয়', তার পাশের বাড়িতে 'ফ্রেণ্ডস

ট্রেডিং করপোরেশন', তার পাশে দাজর দোকান আর তারপর দেখা দিল সেই বিখ্যাত সাইনবোর্ড 'মহিলা সেবা মণ্ডল'। হলদে রঙের সাইনবোর্ড দিয়ে ঢাকা বাড়ি। ফাটকের ওপরে মণ্ডলের নাম, বাঁদিকের সাইনবোর্ডে মণ্ডলের মহত্তম আদর্শের উদ্দেশ্যাবলী টাঙানো, দেয়ালে বড় বড় হরফে লেখা 'যত্র পূজ্যতে নারী তত্র রমন্তে দেবতা।'

ভেতরে আপিস ঘর। বুড়ো মুন্সীর কাছে এক মহিলা বসে-  
আছেন। গায়ের রঙ মাঝামাঝি, হাত আর মুখ ছোট ছোট  
অসংখ্য তিলে ভর্তি, কাজল টানা চোখের ওপরে সোনালী ফ্রেমের  
চশমা আঁটা, কটা চুল, খয়েরী রঙের ছোট ছোট দাঁত, ধপধপে সাদা  
খাদি মণ্ডিত মহিলা উঠে দাঁড়িয়ে দৈতো হাসি হেসে হাত জোড়  
করে নমস্কার জানানেন। কপালের মাঝখানে লাল টিপ আর  
সিঁথির সিন্দূর, দেখেই বোঝা যাচ্ছে যে ইনি সধবা, বাকী  
পরিচয়টা করিয়ে দিলেন সেক্রেটারি মহাশয়— ইনি শ্রীমতী ধনবন্তী  
দেবী শাস্ত্রানী, প্রভাকর, রাজবৈদ্যা, আমাদের পাড়ায় এঁর সুন্দর  
দাতব্য চিকিৎসালয় আছে। আমাদের মণ্ডলের ইনিই প্রাণ, এঁরই  
সাহায্যে আমরা এখানে আয়ুর্বেদ ক্লাস খুলেছি।

মণ্ডলের স্থায়ী মহিলা বাসিন্দার মধ্যে আটজনকে সাদা শাড়ি  
পরিয়ে অতিথিদের সামনে পেশ করা হল। তাদের বয়স আঠারো  
থেকে নিয়ে পঁয়ত্রিশের মাঝামাঝি। বেশীর ভাগ সকলেই শ্যামবর্ণ,  
কেউ এক পোঁচ বেশী আর কেউ এক পোঁচ কম, এই যা তফাত।  
দেখতে শুনতে মোটামুটি সকলেই মন্দ নয়। তবে একজনকেও  
সুন্দরী বলা চলে না। সেক্রেটারির আদেশ-মত তারা কিছু  
ভজন আর শ্লোক শোনালো। কন্ঠা আর সজ্জনকে সেলাই,  
বোনা, সূচের কাজ, সংগীত, নৃত্য, আয়ুর্বেদ ও ধর্ম-শিক্ষার ক্লাস



দেখানো হল। দিনের বেলা আশেপাশের বাড়ির খোঁটারাও এখানে হাতের কাজ শিখতে আসেন, তাঁদের সংখ্যা প্রায় পঞ্চাশের কাছাকাছি। তাঁদের কাজ হিসেবে মজুরি দেওয়ার ব্যবস্থাও আছে। নৃত্য আর সংগীত যারা শেখে তাদের মজুরি দেওয়া হয় না। ধর্মশিক্ষার ক্লাসেরও সেই ব্যবস্থা। আয়ুর্বেদ আর ধর্মের ক্লাসের জন্ম জায়গার অভাব তাই এই ক্লাস সুন্দর বিবিধ আয়ুর্বেদ ঔষধালয়ের বাড়িতেই খোলা হয়েছে, শ্রীমতী ধনবন্তী দেবীর উদারতার কথা সেক্রেটারি আবার শোনালেন।

মণ্ডলের সুচারু ব্যবস্থা দেখে কণ্ঠা আর সজ্জন দুজনেই প্রভাবিত, এই সুব্যবস্থিত পরিষ্কার জায়গায় কোথাও কলুষতার সন্ধান পাওয়া গেল না, যার খোঁজে তারা এখানে এসেছিল। নানাভাবে মণ্ডলের সাহায্য করার প্রতিশ্রুতি দিয়ে কণ্ঠা ফিরছে— হয় এই পাগলী মিথ্যে বলছে আর নাহয় এই সংস্থার ব্যাপার সাধারণের ধরা-ছোঁয়ার বাইরে... কি সাংঘাতিক জায়গা। এর সঙ্গে সাহসী ব্যক্তিই যোঝাবার ক্ষমতা রাখে।

স্বচক্ষে সেবা মণ্ডলের কাজ নিরীক্ষণ করার পর দুজনের মধ্যে এ বিষয়ে আর আলোচনা হয়নি। মাঝে মাঝে মন্ত্রী মহাশয় কণ্ঠার কাছে এসে সাহায্য নিয়ে যান, তার সঙ্গে ধনবন্তী দেবীও মাঝে মাঝে সজ্জনের সঙ্গে দেখা করতে আসেন।

বাবাজীকে মণ্ডলের বিষয় সব-কিছু জানাবার পর সজ্জন বললে— আপনার পাগলী যেসব সংকেত দিয়েছিল সেখানে তার বিন্দুমাত্র চিহ্ন পর্যন্ত খুঁজে পাওয়া গেল না। বাবাজী উত্তর দিলেন— রামজী, আমার মন বলছে যে সেখানে নিশ্চয় কোন বড় জাল বিছানো আছে। পাগলীর কথায় কল্পনার অংশ বেশী নেই।

বাবাজী এক আনাজের আড়তদারের নাম বললেন, যে তার ভাইঝিকে জোর-জবরদস্তি নিজের কজায় রেখেছে। মণ্ডলে তাকে সেলাইয়ের কাজ শিখতে পাঠানো হয়, সেইসঙ্গে তাকে নারকীয় যন্ত্রণাও ভোগ করতে হচ্ছে। সেই পাগলী বলেছে যে তাকে ধর্মের ক্লাসে বসিয়ে প্রথমে বোঝানো হয়েছিল গৃহস্থ ধর্মই নারীর সবচেয়ে বড় ধর্ম, স্ত্রীও পুরুষের মত বিবাহ আর ত্যাগ করতে পারে। তাদের বলা হল মণ্ডল এ কাজে তাদের সাহায্য করার জন্য বিশুদ্ধ আর্থ প্রথা অনুসারে তাদের প্রেম করার সুযোগ দিয়ে স্বয়ংবরের ব্যবস্থা করবে। বেচারী অসহায় পাগলী তাদের ধোঁয়া মেলানো কথার ফাঁদে পা দিয়ে ফেলল। একদিন তাকে মণ্ডলের পাশের ঘরে নিয়ে গিয়ে এক যুবকের সঙ্গে পরিচয় করানো হল। সে ঘর বেশ সুরুচিপূর্ণভাবে সাজানো, দেয়ালে একপাশে রাধাকৃষ্ণের ছবি ঝুলছে। সেই ছবির সামনে যুবক আর পাগলী, দুজনকে প্রতিজ্ঞা করানো হল তারা নিজেদের গোপন রহস্য তৃতীয় ব্যক্তির কানে ওঠাবে না। পাগলী স্বেচ্ছায় সেই বিশ্বাসে তার প্রিয়তমকে নিজের সর্বস্ব সমর্পিত করে দিলে। এইভাবে আট-দশ দিন লীলাখেলা ভালোই চলল। হঠাৎ তারপর তার যাওয়া-আসা বন্ধ হয়ে গেল। একদিন যখন তাকে আবার সেই ঘরে নিয়ে যাওয়া হল তখন সে দেখলে সেখানে অন্য লোক, আবার সেই রাধাকৃষ্ণর সামনে প্রতিজ্ঞা—পাগলী রেগে গিয়ে এই ভাঁড়ামির বিরোধিতা করল। সে স্পষ্টভাবেই জানাল বারবনিতার জীবন যাপন করতে সে মোটেই প্রস্তুত নয়। ফলে বলপ্রয়োগ করার সঙ্গেই সে জোরে চিৎকার করে উঠল। সেইদিন থেকে তাকে মণ্ডলের নীচের ঘরে বন্দী করে রাখা হল। বন্দী অবস্থায় তাকে অনেক

উৎপীড়ন, ব্যভিচার সহ করতে হয়েছে। সেখানে পুলিশের লোকেরাও মজা মারতে আসতেন। এইভাবে পাগলী গুপ্ত রোগের শিকার হয়েছে। যে মেয়েরা পরিচালকদের কথামত উঠতে বসতে নারাজ তাদের সোজা নিয়ে গিয়ে মণ্ডলের নীচের ছোটো বড় হলঘরে বন্দী করে দেওয়া হয়। সেখানে অকথ্য অত্যাচারের কাহিনী অজস্র অশ্রুধারায় বয়ে যায়, বাইরের জগতের কেউ তা জ্ঞানতে পারে না। তাদের অন্তরাত্মাকে পিষে ফেলা হয়। যারা মণ্ডলের সধবা কুমারীদের ওপর অত্যাচার করার অধিকার রাখে, এমনি করে হিংসা, লোভ, অত্যাচারের সামনে ধীরে ধীরে প্রত্যেকেই হাল ছেড়ে দিয়ে মাথা নোয়াতে বাধ্য হয়। এদেরই ম্যাজিস্ট্রেটের সামনে বিয়ের নাটক করে বিক্রি করে দেওয়া হয়। ধনবন্তী দেবী রাজবৈদ্যা আর কিতোর পিসী, দুজন মিলে মণ্ডলের মহিলাদের জন্ত দণ্ড-পুরস্কারের বিধান রচনা করেছেন। ধনবন্তীর বিষয় খোঁজ নিয়ে সজ্জন জ্ঞানতে পারল তিনি সেক্রেটারির চেয়ে বেশী অত্যাচারী। সেক্রেটারি আর রাজবৈদ্যা এই মোচাকের রাজা-রানী। বৈদ্যার বুদ্ধ স্বামী বেচারী ছবেলা ছ'মুঠো খেয়ে এক কোণে পড়ে থাকে।

মণ্ডলের বিষয় অনেক কিছু জানার পর সজ্জন বিচলিত হয়ে উঠল। কোন-না-কোন উপায়ে তাকে এই রহস্যোদ্ঘাটন করতেই হবে। কর্নেলকে এ বিষয় জিজ্ঞেস করতেই সে মন্তব্য করল— এর ছর্নাম আমি আগেও শুনেছি। সেক্রেটারিটি ভীষণ ধাপ্পাবাজ লোক, তবে আমার মনে হয় তুমি এ-সব নিয়ে ঘাঁটাঘাঁটি না করলে ভালো করতে।

সজ্জন কিন্তু প্রতিজ্ঞায় দৃঢ়, সে নিজের মনের কথা কণ্ঠ্যকেও

খুলে বলল না। কন্ঠার নামে ছবার পঁচিশ পঁচিশ টাকার মনি-  
অর্ডার পাঠিয়ে দিলে। সেক্রেটারি মহাশয় এই দানী দম্পতির  
সঙ্গে বেশ ঘনিষ্ঠ হয়ে পড়লেন। তিনি এখন প্রায়ই যাতায়াত  
করেন। একবার কন্ঠাকে লেকচার দেওয়াতে নিয়ে গেলেন।  
একদিন বিকেলে যে সময় কন্ঠা জেঠীর বাড়ির স্কুলে পড়াতে যায়—  
সজ্জন সেক্রেটারি মহাশয়কে কন্ঠার নাম করে ডেকে পাঠালো।  
তিনি আসতেই সে তার নিজের ঘরে, যেখানে সব সরঞ্জাম আগে  
ধাকতেই ছিল, ডেকে পাঠিয়ে জিজ্ঞেস করল— কী ব্যাপার, আজ  
কিছু কাজ আছে না কি?

সেক্রেটারি বলল— কাল দুপুরে দেবীজীর আদেশ পেলাম  
তিনি আজ আমায় ডেকে পাঠিয়েছেন।

—তিনি বোধহয় বাড়িতে নেই, বন্ধন, আসছে হয়তো। নিন  
গেলাস ধরুন, খানটান তো?

—হেঁ হেঁ হেঁ। আমি পান দোক্তা ছাড়া আর কোন নেশা-  
ভাঙ করি না।

—আরে ছাড়ুন মশাই... জ্যান্ত স্বর্গে বাস করছেন অথচ  
সুরাপান করায় আশঙ্কিত?

কিছুক্ষণ একথা-সেকথার পর সজ্জন তার বাক্‌চাতুরীর জালে  
সেক্রেটারি মহাশয়কে জড়িয়ে ফেললে। সে তাঁকে ভালোভাবে  
বুঝিয়ে দিলে তাদের স্বামী-স্ত্রীর মধ্যে বনিবনা নেই, সমাজ-  
কল্যাণের নাটক সে কেবল কন্ঠার নামে করে। সজ্জন তার  
নিজের বিষয় অনেক ছোট-বড় প্রেমের কাহিনী বানিয়ে বানিয়ে  
শুনিয়ে দিলে। জেঠীর বাড়ির একখানা ঘর কেবল সে নিজের  
বাসনা পূর্তির জন্যই ভাড়া নিয়ে তাকে স্টুডিওর নাম দিয়েছে, তা

ছাড়া সজ্জন গুপ্ত আনন্দপ্রাপ্তির জন্য টাকা ঢালতে ভালোবাসে শুনে সেক্রেটারি মহাশয়ের চোখ ছানাবড়া।

সজ্জনের কথা শোনার পরদিন থেকেই সেক্রেটারি মহাশয় কন্যার চেয়ে বেশী সজ্জনের কাছে, বাইরের ঘরে যাতায়াত বাড়িয়ে দিলেন।

একদিন ধনবন্তী রাজবৈদ্যা সজ্জনকে তাঁর বাড়িতে ছপুরের খাওয়ার নিমন্ত্রণ পাঠালেন। নিমন্ত্রণ পেয়ে সজ্জন এক মিনিট চিন্তা করল, তারপর বেরিয়ে পড়ল। সেখানে যেতেই তার চোখের সামনে সব-কিছু জলের মত পরিষ্কার হয়ে গেল। শ্রীমতী সুন্দর বিবি দাতব্য চিকিৎসালয় আর মহিলা সেবা মণ্ডলের মাঝখানে ফ্রেণ্ডস ট্রেডিং করপোরেশনের ইमारতের আপিস ঘর আসলে পুরুষের আসা-যাওয়ার সুবিধাজনক রাস্তা। ফ্রেণ্ডস ট্রেডিং করপোরেশন শেয়ার মার্কেটের সঙ্গে সংযুক্ত একটি সংস্থা। মণ্ডলের ধনী সঞ্চালকের কিছু কর্মচারী সেখানে কাজ করে, শেয়ারের কারবারের নামে সেখানে দিনরাত পুরুষের যাতায়াত চলতে থাকে। সজ্জন এই রাস্তা দিয়ে ভেতরে ঢুকল। নীচের উঠোন প্রায় খালি, ওপরে চিলেকোঠার পরই খোলা ছাদ রয়েছে। সামনে তিনটে দরজা দেওয়া ঘর, সেটার ভেতরে ইস্ট ইণ্ডিয়া কোম্পানির মত তিন ভাগে পার্টিশন দিয়ে ঘেরা। সুন্দর বিবি দাতব্য চিকিৎসালয় ফ্রেণ্ডস ট্রেডিং আর মহিলা সেবা মণ্ডল সব দেয়ালের মধ্যে মধ্যে দরজা দিয়ে একসূত্রে বাঁধা একটি ইमारতের মত হয়ে গেছে। শ্রীমতী ধনবন্তী দেবী সজ্জনকে এমন-একটা ঘরে নিয়ে গেলেন যেখান থেকে সেলাই বোনায় ব্যস্ত মেয়েদের সে ভালোভাবে দেখতে পারে। একটু পরেই রাজবৈদ্যা নিজে উপস্থিত হলেন।

তাকে দেয়ালের এক ঘুলঘুলি থেকে অশ্রু ঘুলঘুলির কাছে নিয়ে যাওয়া হল, সামনে আট-দশজন কুটনি মেয়ে বসে চা খাচ্ছে। গ্রাহকদের এই সময় ঘুলঘুলি থেকে চুপচাপ মাল দেখানো হয়। গ্রাহক যাকে পছন্দ করে, তাকে তার সেবায় পৌঁছে দেওয়া হয়। সজ্জন চুপচাপ দাঁড়িয়ে তাদের কথা শুনতে লাগল, ঘর-গেরস্থর গল্প, স্বামী আত্মীয়-স্বজনের কথা, নোংরা হাসিঠাট্টা সবই চলছে সেখানে, ধনবন্তী দেবী তার প্রায় গায়ে পড়া হয়ে তাকে মহিলাদের কুলজি বোঝাচ্ছেন, দু'তিন জনের বিষয় জানালেন যে তাদের স্বামী বুড়ো অক্ষম, একজনের দারিদ্র্যের বর্ণনা করে মুখ কাঁচুমাচু করে বললেন— কত বেচারাদের দু'মুঠো দুবেলা অন্তর সংস্থান এখান থেকেই করা হয়। আমরা এদের দেহ-মন-ধন সবেরই ক্ষিদে মেটাবার ব্যবস্থা করি, আমার মতে এটা পুণ্যের কাজ।

সজ্জন ধনবন্তী দেবীর কথা শুনে রীতিমত ঘাবড়ে গেল। সেদিন সে কোন 'অপ্সরা'কে তার সেবা করার অবসর দিল না।

সজ্জন তিন-চারদিন ধরে রোজই সেখানে যাতায়াত করল। এই কদিন তাকে ধনবন্তী দেবীর আকর্ষণের কষ্টও সহ্য করতে হল। তাকে সন্তুষ্ট করার জন্য প্রায় আড়াইশো টাকা খরচ করে ঘড়ি কিনে দিলে।

এই কয়েকদিনের মধ্যে সজ্জন তার ব্যবহারিক জীবন সম্বন্ধে অনেক অভিজ্ঞতা লাভ করেছে। গৃহ রহস্যের আবরণ ভেদ করে সে আজ নিজের ব্যক্তিত্বকে সহজভাবে বুঝতে শিখেছে। কয়েক মাস আগে যদি সে এ ধরনের ব্যভিচারের আড্ডায় আসার সুযোগ পেত তাহলে হয়তো নিজের চরিত্রের দুর্বলতায় নিজেই

শিকার হয়ে যেত। আজ পর্যন্ত নিজের মনকে সংযত রাখার জন্য সবরকম নোংরামির নিন্দা সে করে এসেছে। তবু মনের মোড়ক খুলে দেখার পর সে বুঝেছে তার চরিত্রের দুর্বলতা, সে নিজেই এই পথের সহজ আকর্ষণে আকৃষ্ট। আজ কন্যার সঙ্গে বিবাহের বন্ধনে বাঁধার পর সে যেন এক নতুন মানুষ। নতুন আত্মবিশ্বাসের ফলে তার মনের সমস্ত বিকার চিত্তের অতল তলে তলিয়ে গেছে। কন্যা তার সামনে এক নতুন আদর্শ নিয়ে এসে তার জীবনকে সাধারণ ধরাতল থেকে উঠিয়ে অনেক উঁচুতে নিয়ে গেছে। তার স্বর্গীয়া মাকে যে সম্মান সে দিয়েছে, আজ কন্যার মত স্ত্রীকে পেয়ে সমগ্র নারীজাতিকে সে সম্মানের চোখে দেখার শিক্ষা পেয়েছে। কন্যাকে সম্মান দিতে পারাই তার জীবনের মস্ত লাভ। সে আজ তার অশুভ বুদ্ধিকে প্রত্যাখ্যান করতে সমর্থ হয়েছে। নিজের বিগত জীবনের অনুভূতি আর মণ্ডলের অভিজ্ঞতার দৃশ্য দুই মিলিয়ে সে এ বিষয় অনেক ভাবনা চিন্তে করার পর বুঝতে পেরেছে কেন মেয়েরা এই ঘৃণিত পঙ্কিল পথে পা বাড়ায়। শৌখিন বড়লোকেরা এবং তাদের পত্নীরা ছুজনেই এসব জায়গায় এসে পরস্পরকে প্রতারণা করে। অসহায় বিধবারা আসে নানা প্রলোভনের চক্রে পড়ে। আমাদের সামাজিক ব্যবস্থায় বিধবাদের সিঁথির সিন্দূর মোছার সঙ্গেই তাদের ধন ও জন থেকে বঞ্চিত করে দেওয়া হয়। বিধবারা ধর্মচর্চার ছুতো করে সেলাই বোনার মজুরি আদায় করে নিয়ে যায়। নীচু মধ্যবিত্ত ঘরের মহিলার যারা এখানে আসে, তাদের বেশীর ভাগেরই স্বপ্ন অসম্পূর্ণ থেকে গেছে। বাপের বাড়িতে কুমারী বেলায় তারা ভেবেছে বিয়ের জল পড়তেই স্বামীর পয়সায়

মৌজ মারবে, কিন্তু ভাগ্যে লিখন সবার সমান হয় না। বেশীর ভাগ মেয়ে স্বামীর আর্থিক অনটনের মধ্যে বাঁধা পড়ে দিনরাত ছটফটিয়ে মরছে। অষ্টপ্রহর বাড়িতে ঝগড়াঝাঁটি আর অতৃপ্তির ধোঁয়ায় নিঃশ্বাস নেওয়া, এই তাদের দৈনন্দিন জীবনযাত্রা। সিনেমার আধুনিক প্রভাবে প্রভাবিত তাদের দুর্বল মনে এক নতুন স্বপ্ন মাথা তোলে, স্বপ্নের রাজকুমারের মতই নতুন হিরোর মধুর স্পর্শের ছোঁয়া পাওয়ার জন্যে আরম্ভ হয় আকুলি-বিকুলি। তারা এমন নায়ক খুঁজে বেড়ায় যারা তাদের স্বামীর স্বভাবের ঠিক বিপরীত, আর্থিক অবস্থাও অনেক ভালো। তাদের স্বপ্নের নায়ক তাদের সৌন্দর্য আর গুণের তারিফ করবে, ছনিয়ার সুখ তাদের পদতলে এনে হাজির করতে পারবে। সংগীত আর নৃত্যের ক্লাসে এই ধরনের মেয়েদের ভুলিয়ে ভালিয়ে আনা হয় যাদের মধ্যে ব্যবহারিক জীবনের অনুভব নেই অথচ আছে যৌন জীবনের প্রতি প্রচণ্ড কৌতূহল। এদের মধ্যে অনেক অবিবাহিত বয়স্ক কুমারীরাও আসে, যাদের পয়সার অভাবে বিয়ে হয়নি। একবার এই পক্ষিলতায় ফেঁসে যাবার পর নারীর চরিত্রে পরিবর্তন দেখা দেয়। ষড়যন্ত্র আর ভেদাভেদের আবহাওয়ার মধ্যে ধীরে ধীরে আপনা হতেই সংঘবদ্ধতার অনুশাসন দেখা দেওয়া স্বাভাবিক। এই অনুশাসনের ছায়ায় এতগুলি মেয়ে পরস্পরের সঙ্গে একসূত্রে গাঁথা হয়ে যায়। তখন তারা সেই স্পিরিট নিয়ে কাজ আরম্ভ করে, নিজেদের দল বাড়ানোর জন্যে তারা তখন সরল, অসহায় মেয়েকে ভুলিয়ে ভালিয়ে এই নরকে টেনে নিয়ে আসে। যে মেয়েদের মন দুর্বল, তারা সারা জীবনে আর কখনো মুক্তির আলো-বাতাস পায় না, নারকীয় জীবনেই তারা শেষ নিঃশ্বাস



পর্যন্ত মাথা খুঁড়ে এক অব্যক্ত মানসিক জ্বালায় জ্বলে পুড়ে প্রাণ দেয়।

সামাজিকতা, মান-সম্মান, সচ্চরিত্রতা, কৌলীন্য এসব যেন কাঁচা সোনার বলমলানি, সজ্জনের দৃষ্টিতে এসব নোংরা নর্দমার আবর্জনা ছাড়া আর কিছুই নয়। সমাজের স্বরচিত এই অনুশাসন মহিলা সেবা মণ্ডলের সাইনবোর্ডের মতই অর্থহীন। চিত্রা রাজদান থেকে শুরু করে ধনবন্তী দেবী পর্যন্ত সকলেই এই সামাজিক সচ্চরিত্রতার প্রতীক—সর্বত্র নারীরূপে বারবনিতার দর্শনই হয়েছে। বারবনিতাদের কোঠায় যুগ যুগ ধরে জ্যোপদীর মতই কত অসহায় নারীকে লাঞ্ছিত করা হয়েছে, তবে আজ এই মণ্ডলের নারীরাই বা কেন অস্পৃশ্যের মত দূরে থাকবে? কী অপরাধ করেছে তারা? বাইরে ধর্মের কলমা লাগিয়ে যারা এই জঘন্য গুপ্ত কারবার চালাচ্ছে তাদের মুখোস কেন খোলা যাবে না? সমাজের সম্মানিত ব্যক্তির অশ্রের সম্মান নিয়ে খেলা করবে কোন্ অধিকারে? তার যেন দমবন্ধ হয়ে আসছে, সমাজের এই কলুষতায় ভরা দর্পণ সবার সামনে রাখা কি উচিত হবে? ব্যভিচারকে প্রশ্রয় দেওয়া হবে না তো? সমাজের ভয়ে যারা লুকিয়ে পাপাচরণ করছে তাদের হয়তো চক্ষুজ্জ্বার আর বালাই থাকবে না।

যদিও কর্নেল তাকে এসব নিয়ে ঘাঁটাঘাঁটি না করার আদেশ দিয়েছিল, কিন্তু বাবাজীর প্রেরণা আর পুলিশের সাহায্য নিয়ে, সে এই ব্যভিচারের আড্ডাকে শেষ করার প্রতিজ্ঞা করে কর্নেলকে সব বিস্তারিতভাবে বললে। পরের দুঃখ-কষ্ট কর্নেল একদম বরদাস্ত করতে পারে না, তার মনটা বড়ই সরল। কর্নেল আর

সজ্জন দুজনে মিলে পুলিশ অফিসারদের সঙ্গে এই নিয়ে যোগাযোগ করার কথা চিন্তা করলে। কর্নেল প্রায়ই পুলিশ অফিসারদের বাড়িতে পালা-পার্বণে উপহার পাঠায়, তাদের সঙ্গে ওঠাবসা আছে।

—কর্নেল, তুমি পুলিশ সুপারিন্টেনডেন্টের সঙ্গে দেখা করো, আমিও তোমার সঙ্গে যাব।

—আমার মনে হয় সোজা মিনিষ্টারের সঙ্গে দেখা করো। তুমি হয়তো জানো না অনেক কেসে পুলিশ অফিসারেরাই মিলে থাকে। আমি তোমাকে একটা ঘটনা বলছি, আলীগড়ে মেয়েদের ব্যবসা করার সেন্টার আছে। পাঁচজন ডেপুটি সুপারিন্টেনডেন্ট আর একজন এস. পি. এর মধ্যে সামিল ছিল। ইউ. পি. সি. আই. ডি. এই কেসটা ধরেছিল।

—গবর্নমেন্ট কি করলে?

—সকলের চাকরী শেষ, কেবল সুপারিন্টেনডেন্টকে বরখাস্ত করা হয়নি, তাকে ইস্তফা দিতে বলা হয়েছিল। সজ্জন তার মুখের কথা লুফে নিয়ে বললে—দেখো ভাই, আমার মতে মিনিষ্টারের চক্রে না পড়ে পুলিশ অফিসারদের দিয়ে কাজ হাঁসিল করাটাই বেশী ভালো হবে। এ কথা আমি মানতে রাজী নই সব অফিসারেরাই খারাপ, কিছু ভালোও নিশ্চয় আছে। তাদেরও নিজেদের প্রেস্টিজ জ্ঞান আছে তো?

—হ্যাঁ, কিন্তু ভালো লোকের নিতান্তই অভাব, পুলিশের কাজ-কর্মই এই ধরনের। মানুষ এ লাইনে গিয়ে একেবারে উদ্দেশ্যের মাথা চর্বিত চর্বণ করে রান্ধস হয়ে দেখা দেয়।

—তবু আমার মতে সোজা এম. পি.র কাছে চলো। প্রত্যেক কাজে ওপরওয়ালাদের নিয়ে চলার নীতিটা ভুল, বিশেষ করে

এমন কাজে সকলের শুভবুদ্ধি নিয়ে তবেই আমাদের এগুনো উচিত হবে।

কণ্ঠা এসবের কিছুই জানল না।

আজ ধনবন্তী দেবী প্রভাকর, একজন মহান আর্টিস্টকে বিশেষ উপহার দেওয়ার কথা তার কানে তুলে দিয়েছেন, সাধারণ সুলভ জিনিসের সঙ্গে নাকি সে উপহারের তুলনা হয় না। তা ছাড়া আজ মণ্ডলের অগ্র স্ত্রী-পুরুষের যুগলমূর্তি দেখাবার কথাও বলছেন। সজ্জনের লেখাপড়া, আর্টিস্ট হওয়া এবং তার সঙ্গ ধনী হওয়াটা ধনবন্তীর পক্ষে বিশেষ আকর্ষণের বস্তু। বাক্য-চাতুরীতে পটু মেয়েমানুষটিকে সজ্জন তার সান্নিধ্য থেকে দেড় হাত দূরে রেখেই চলে তবু তাকে মাঝে মাঝে ভালো খাওয়ানোর কথা তার পুরোনো পাপী মনের কোণে উকিঝুঁকি মারে কেন? ধনবন্তী দেবী একদিন সেক্রেটারি মহাশয়ের সঙ্গে সজ্জনের বিশাল রাজপুরী দেখতে এসেছিলেন। পুরোনো আমলের সাজানো বড়লোকের বসতবাড়ি তিনি অনেক দেখেছেন কিন্তু এমন সুরুচিপূর্ণ ভাবে সাজানো, সুন্দর মূর্তি, জিনিস, সুন্দর ছবি, দেশবিদেশের কিউরিও তাঁর চোখে ধাঁধা ধরিয়ে দিয়েছে। ধনবন্তী দেবী যেন নিজের অজান্তেই সজ্জনের ষড়যন্ত্রের প্রধান সহনায়িকার পার্ট করতে প্রস্তুত হচ্ছেন।

সজ্জন আজ অগ্রদিনের চেয়ে একটু আগেই এসে গিয়েছে। তার বসার ব্যবস্থা আজ ধনবন্তী দেবীর খাস কামরায়। সেখানে তাকে বসিয়ে তিনি চলে গেলেন।

সজ্জন একা বসে নানা এলোমেলো চিন্তা করে চলেছে। আজ এক বিশেষ পরিস্থিতি, চারিদিকে গুপ্ত পুলিশের জাল বিছানো

রয়েছে। নিশ্চিত সময় সজ্জনের সংকেত পেলেই তারা এই নরকের রহস্যোদ্ঘাটন করবে। সেক্রেটারি আর ধনবন্তী দুজনেই সজ্জনকে তাদের বিশেষ বন্ধু ভেবে তাদের গোপন রহস্য ফাঁস করে ফেলেছে, আজ তারা দেখবে সেই বন্ধুর আসল রূপ। আজ তাই সে ধনবন্তীর সঙ্গে চক্ষুজ্জ্বল খাতিরে ভালো ভাবে কথা বলতে পারেনি।

তার ঘরের সামনে ধর্মের ক্লাস চলছে। সেক্রেটারি মহাশয় স্বয়ং ভাগবত পাঠ শোনাতে ব্যস্ত— ভগবান শ্রীকৃষ্ণের চীর-হরণ লীলার সুন্দর দৃষ্টান্ত, বাঁশি বাজাতে বাজাতে গোপীদের কাপড়-চোপড় নিয়ে তিনি কদম্বের গাছে উঠে গেলেন। গোপীরা জলে দাঁড়িয়ে আছে নগ্ন হয়ে...

ধনবন্তী দেবী এসে সময় কাটাবার জন্য ছোট ছ-তিনখানা বই তার হাতে ধরিয়ে জানিয়ে গেলেন একটু পরেই তাকে ‘স্বর্গীয় দৃশ্য’ দেখানো হবে। বইয়ের প্রতিটি পাতা বোমার মতই বিস্ফোরক সামগ্রীতে ভরা, কামক্রীড়ার নগ্ন চিত্র। দেশবিদেশের টুরে নানা হোটেলে আগেও এ ধরনের বই দেখার সুযোগ হয়েছে। সে আজ পর্যন্ত ইংরেজী ভাষায় এ ধরনের বই দেখেছে, কিন্তু হিন্দী ভাষায় প্রকাশিত এই অশ্লীল সাহিত্য যেন তার মাতৃভাষাকে অপমানিত করার এক বিরাট ষড়যন্ত্র। হিন্দী ভাষায় বই দেখে সে কেন আঘাত পেল, এর উত্তর যেন সে নিজেই খুঁজে পাচ্ছে না। বই বন্ধ করে সে পাশের টেবিলে রেখে দিলে, কেননা ছ’ পাতা পড়েই তার মাথার রগ ছুটো যেন দপ দপ করছে।

ধর্মের ক্লাস থেকে সেক্রেটারি মহাশয়ের কণ্ঠস্বর ভেসে আসছে।

তিনি প্রেমে বিহ্বল হয়ে শ্রীকৃষ্ণচন্দ্রের চীর-হরণ লীলা কাহিনী বর্ণনা করছেন। সজ্জন রাগে ফেটে পড়ল। ব্যাস মুনি যখন ভাগবতে চীর-হরণ অধ্যায় লিখেছিলেন তখন তাঁর উদ্দেশ্য কি এই ছিল, উদ্দেশ্য সামনে রেখে আজ এই লোকটি সেই অধ্যায় পাঠ করছেন ?

সর্বদা কৃষ্ণকে ভোগবিলাসী রূপেই চিত্রিত করার কারণটা কি ? তাই যদি সত্য হত তা হলে আজ কয়েকশো বছর পরেও অসংখ্য মন্দিরে তাঁকে শ্রদ্ধার সঙ্গে পূজা করা হত না। কৃষ্ণ, গোপী আর সমস্ত ব্রজের প্রতি তার একটা ব্যক্তিগত আকর্ষণ আছে। মথুরা, বৃন্দাবন যাত্রার পর থেকেই সে যেন এই পৌরাণিক দেবদেবীর সঙ্গে বড় বেশী ঘনিষ্ঠভাবে জড়িয়ে পড়েছে। কৃষ্ণরূপ তার মনে কল্যাণকারী রূপে প্রতিষ্ঠিত। ব্যাস, জয়দেব আর অন্ত কবির কেন আত্মা আর পরমাত্মার মাঝে এই গোপনীয় সম্বন্ধকে চিত্রিত করার চেষ্টা করেছে ? জগন্নাথপুরী আর খাজুরাহোর কড়িয়া মহাদেবের মন্দিরে সার্বজনিক পূজার জায়গায় কামশাস্ত্রের বিভিন্ন ভঙ্গির মূর্তি কেন স্থাপিত করা হয়েছে ? এই গোপন অশ্লীল বই কেন আইনের মারপ্যাচে নিষিদ্ধ ঘোষিত হয়েছে ? যদি এই বই পড়া আইন হিসেবে নিষিদ্ধ তাহলে সেই ধারানুসারে এই মূর্তিগুলিকেও নষ্ট করে দেওয়া হয়নি কেন ? হাজার বারোশো বছরের ভেতরে মূর্তি নষ্ট করে মন্দিরকে ধ্বংস করার কথা কারুরই মাথায় না আসার কারণটা কি ? পুরী এবং খাজুরাহোর মূর্তিগুলিকে যখন সজ্জন দেখেছিল, তখন দেয়ালে অঙ্কিত বিষয় তার মনকে নাড়াচাড়া যে একেবারেই করেনি সে কথা বলা যায় না, তবু তার মধ্যে নিহিত

সৌন্দর্যকে দেখেই সে বেশী প্রভাবিত হয়েছিল। এত সুন্দর আর সজীব মূর্তি সত্যিই দেখার জিনিস— সজ্জন ভাবলে, যাক, আমার টেস্ট অণুদের থেকে একটু আলাদা, কিন্তু সাধারণ মানুষ এই শিল্পের সজীবতাকে প্রাণভরে প্রশংসা করতে পারবে কি? মা বাবা ছেলেমেয়ে, সদাচারী পবিত্র মানুষেরাও সেখানে যায়, তাদের সামনে এই চীর-হরণ, রাধাকৃষ্ণ গোপীকৃষ্ণের বিলাসচিত্র রীতিমত গানবাজনার আসরে পেশ করা হয় এর কারণটা কি? মহিপালও তাকে বলেছে এবং সে নিজে পড়েছে যে আমাদের প্রাচীন সংস্কৃত সাহিত্যে, কাম সম্বন্ধের বর্ণনা বড় খোলাখুলিভাবে রসিয়ে লেখা আছে। এর কারণটা কি? আমাদের নৈতিক বুদ্ধি কাম সম্বন্ধের চর্চা করাটাকেও অস্পৃশ্যের মত দূরে সরিয়ে রাখতে চায় অথচ তার আকর্ষণকেও অস্বীকার করা হয় না, তা হলে এই দুই বিন্দুর মাঝে সত্য কোথায় লুকিয়ে আছে? নরনারীর শারীরিক সম্বন্ধটা সত্য অথচ এই শ্রেষ্ঠ সম্বন্ধটাকে নিয়ে দৈনন্দিন জীবনের সামাজিক ব্যবস্থার নাগরদোলায় হঠাৎ এত ঝাঁকুনির প্রয়োজন হয় কেন? প্রত্যেক মানুষের বুদ্ধি তাকে সহজভাবে স্বীকার করতে গিয়ে সংকুচিত হয়ে যায় কেন? একই মুখে আমরা ভালোমন্দ দুই পক্ষেরই সমর্থন করি কেন? কেবল ভারতই নয়, সম্পূর্ণ বিশ্বে মানুষের সঙ্গে যেন এই নিয়ে চলেছে এক নাটক যার পূর্ণচ্ছেদ হয়তো কোনদিনই হবে না। এই সমস্যা হয়তো আর্থিক বা রাজনৈতিক সমস্যার মত জটিল সমস্যা না হতে পারে কিন্তু নরনারীর কাম-সম্বন্ধীয় সমস্যা অনেক রাজনৈতিক আর আর্থিক সমস্যার পটভূমি রূপে আমাদের সামনে আসে না কি?

বাঙলা দেশে যে সময় অকাল পড়েছিল সে সময় সজ্জন সেখানে গিয়েছিল। সে খোঁজ নিয়ে জানতে পেরেছিল যে ছুভিক্ষপীড়িত এলাকা থেকে মেয়েদের কিনে এনে কলিকাতায় বাবুদের সেবায় তাদের পাচার করা হয়েছিল। সে সময় অনেক রিকশাওয়ালা পর্যন্ত নিজের রিকশার ঘটি, ঠুনঠুন বাবু ঠুনঠুন বাবু বলে বাজিয়ে রসিক পথিকদের সংকেত দেবার কাজ করত। ছুনিয়ার সামনে ঘোমটা খুলে যারা বারবনিতার পেশা নিয়েছে তাদের ছাড়া ঘোমটার মধ্যে যেসব ইজ্জতের কারবার চলত, কেউ কি তার খোঁজ করেছে? এই ঠুনঠুনের পেছনে আর্থিক সমস্যাই প্রধান কারণ নয় কি? ইতিহাসে অনেক ঘটনা এর আগেও ঘটেছে যেখানে নরনারীর কাম সম্বন্ধকে রাষ্ট্রবিপ্লবের সময় প্রকটরূপে ব্যবহার করা হয়েছে। ভারতের কূটনীতিকে সাফল্যমণ্ডিত করায় সে যুগের বিষকণ্ঠ্যাই ছিল রাজাদের প্রধান অস্ত্র, নিজের প্রতিদ্বন্দ্বীকে পরাস্ত করায় এদেরই প্রয়োগ করা হত। সুন্দরী মেয়েদের বাছাই করার পর তাদের ছোটবেলা থেকেই বিষ চাটানো আরম্ভ করে দেওয়া হত, ক্রমশ বয়সের সঙ্গে তারা বিষকণ্ঠ্য হয়ে যেত। নাচ গান দিয়ে পুরুষকে ভোলাবার শিক্ষা তাদের দেওয়া হত। এই বিষকণ্ঠ্যের অধরমুখা পান করলে বা তার দেহ উপভোগ করলেই সে পুরুষের মৃত্যু নিশ্চিত। মহান কূটনীতিজ্ঞ চাণক্য তাঁর অর্থশাস্ত্রে বিষকণ্ঠ্য তৈরী করার মহত্তম উদ্দেশ্যের বিষয় উল্লেখ করেছেন। নরনারীর কাম সম্বন্ধকে রাজনীতির পঙ্কিলতায় টেনে আনার এই দুঃসাহসের কারণ কি? সম্পূর্ণ রাজনীতি আর অর্থনীতি পেটের ক্ষুধা আর কাম সম্বন্ধের সীমায় বাঁধা নয় কি? তবে কেন এত বড়

সমস্যা কে নিয়ে আন্দোলন আরম্ভ করা হয় না? উনিশ শো তেত্রিশ সালে বাঙালীরা যেমন পেটের ক্ষিদেয় খোলা রাস্তাঘাটে ঘোমটার আড়ালে, কোটি কোটি লোকের প্রতীকরূপে জগতের সামনে নিজেকে জাহির করতে বাধ্য হয়েছে, ক্ষুধায় জীর্ণ শীর্ণ শরীর শেষ পর্যন্ত যারা কোনমতে টেনেছে, তারাই সেই শহীদ যারা এ দেশের রাজনীতি আর অর্থনীতির পর্দা ফাঁস করে তার আসল রূপ সকলের চোখের সামনে তুলে ধরেছে। যারা মহত্তম আদর্শের ফাঁকা বুলির জোরে পশ্চিমী সভ্যতাকে চ্যালেঞ্জ করছিলেন, তাঁদের এই বৃভুক্ষ শহীদেরা দিয়ে গেছে এক নতুন চ্যালেঞ্জ।

বর্তমান বিশ্বের আধুনিক অর্থনীতি—নারীর ইজ্জত নিয়ে খোলাখুলি তামাশা দেখাবার সভ্যতা আর সংস্কৃতির প্রলয়ংকর দুর্ভিক্ষ প্রস্তুত করেছে না? যেদিন পৃথিবীতে কোন্ কোণে এ ধরনের দৃশ্য উপস্থিত হবে, সেইদিন সারা পৃথিবীটাই আত্মঘাতী হয়ে শেষ হয়ে যাবে।

চিন্তার রাজ্যে সজ্জনের মনে যেন আত্মজ্বালার বহিঃশিখা জ্বলছে। ইঠাৎ ধনবস্তুর উচ্চহাসি শুনে তার ধ্যান ভঙ্গ হল।

ছোট ছোট বেড়ালচোখে কামুকতার নগ্ন ইঙ্গিত—কার ধ্যানে ডুবে আছেন বিশ্বামিত্র মুনি? আপনার মেনকা আপনার সামনে উপস্থিত।

সজ্জন তড়বড়িয়ে উৎসুক প্রেমিকের অভিনয় করার চেষ্টা করলে, কিন্তু তার গম্ভীর অবচেতন মনের হাত থেকে এত তাড়াতাড়ি রেহাই পাওয়া কি সম্ভব?

সামনের ঘরে সেক্রেটারি মহাশয়ের গোপীকৃষ্ণ সম্বন্ধীয় আলোচনা



চলছে। ধনবস্তী দেবী ঘরের বাইরের দরজা বন্ধ করে দিয়ে পাশের আর এক দরজায় আস্তে করে টোকা দিলেন। টোকার ইঙ্গিতের সঙ্গে পুলিশের ঘেরাওয়ার কথা মনে আসতেই সজ্জন মনে মনে হাসলে। কিন্তু পরমুহূর্তেই ধনবস্তীর সামনে সে যেন নিজেই অপরাধীর মত মাথা হেঁট করে নিলে।

দরজা ভেতর দিক থেকে খুলল। ধনবস্তী কামুক ইঙ্গিতের সঙ্গে ঠোঁটের কোণে হাসির ঝিলিক খেলিয়ে তাকে আমন্ত্রণ জানালেন। কুঠায় সজ্জন যেন অতিরিক্ত কুণ্ঠিত হয়ে গেল। ধনবস্তীর কামভরা দৃষ্টি, বাঁকা হাসির সুড়সুড়ি আর শাড়ির ভাঁজের মধ্যে এক বিশেষ মাদকতা আছে তবে স্কচ বা শ্যাম্পেনের নয়।

ভেতরে ছোট ঘরে অন্ধকার। যে দরজা দিয়ে সে ঢুকল ঠিক তার সামনেই আর একটা বন্ধ দরজা। রাস্তার দিকের দেয়ালে তৈরী ছোট রোশনদার দিয়ে হালকা আলোর রশ্মি ঘরে আসছে। বাল্ল-পেটরা, কানেক্তারার পাশে সাদা চাদর পাতা বিছানার পাশে তব্বী সুন্দরী দাঁড়িয়ে আছে। সজ্জনের সংকুচিত, লজ্জিত দৃষ্টি ইচ্ছে করে হটকারিতাবশতঃ এক মুহূর্ত তার মুখের দিকে চেয়ে আবার মেঝের চটা ওঠা নকশা দেখতে লাগল।

ধনবস্তী দেবী লাইটের সুইচ টিপলেন। চারিদিকে কাম-সৌন্দর্যের আলো জ্বলে উঠল। দুটি অপরিচিত হরিণের মত চোখের পলক লজ্জায় আধবোজা ভাবে তাকে দেখলে। চিকনের শাড়ি ব্লাউজ পরা, রোগা পাতলা সুগঠিত দেহ, লম্বা বাঁশির মত নাক, পান খাওয়া পাতলা ঠোঁটে খয়েরের রেখা, ছুঁচোলো চিবুক আর গোলাপ ফুলের মত রঙ, বয়স তিরিশ-বত্রিশের মাঝামাঝি হবে। তার নাকে, কানে আর গলায় মুক্তো ঝলমল করছে।

বাঁদিকের আঁচল ফেলা শাড়ির সঙ্গে তার দুই হাত নুকোচুরি খেলায় ব্যস্ত, বাঁ পায়ের বুড়ো আঙুল মুড়ে দাঁড়াবার ভঙ্গিমা দেখেই তার শিল্পীমন ভাবুক হয়ে উঠল। তার ভঙ্গিমায়, তার দেহের প্রতিটি ভাঁজে যেন আছে অদ্ভুত কমনীয়তা। সত্যিই তাকে সুন্দরী বলা চলে, তাকে এক নজর দেখলেই বোঝা যায় যে সে কোন ভালো সম্ভ্রান্ত পরিবারের, তার পালন পোষণ বেশীর ভাগ পর্দার আড়ালেই হয়েছে কেননা তার চেহারায় আছে অ্যারিস্টোক্রাটিক মহিলার ছাপ।

যুবতীর চেহারার দিকে এক দৃষ্টি দেখার পর সজ্জনের হাত আপনা হতেই জোড় হয়ে গেল। ফর্সা লম্বা লম্বা আঙুল, নখে লাল পালিশ দেয়া হাত আঁচলের বন্ধন থেকে নিজেকে মুক্ত করে প্রতি উত্তরে হাত জোড় করার সঙ্গেই সম্মোহনী হাসির ঝিলিক দেখা গেল, সে হাসি যত সজীব ততই আকর্ষক।

ধনবন্তী ছজনকার দিকে চেয়ে গোপন ইঙ্গিতে মুচকি হাসির সঙ্গেই শায়রী করলেন— উল্ফত কা যব মজা হৈ কি দোনা হৌ বেকরার— হাঃ হাঃ হাঃ— আশুন আশুন আর্টিস্ট মশাই, এবার একটু এঁর আর্টও দেখুন।

ধনবন্তী তার হাত ধরে নিয়ে গিয়ে তাঁকে বিছানার ওপর বসালে। রাজবৈদ্যার দেহের অরের মত উত্তাপের স্পর্শ আর নোংরা ঠাট্টা শুনতে সজ্জনের একটুও ভালো লাগল না। সে তাড়াতাড়ি নিজেকে সামলে নিলে, বাইরে গার্ড তার সংকেতের প্রতীক্ষায় তৈরী দাঁড়িয়ে আছে।

সময়ের গতি যেন ধনুকের তীরের মত বনবনিয়ে দ্রুতভাবে চলেছে। এক ঘণিত ষড়যন্ত্রের পর্দাফাঁস করার জন্য স্বয়ং ষড়যন্ত্রকারী

প্রেমীর অভিনয় করছে এক কুলীন গুপ্ত ব্যাভিচারিনী সুন্দরীর সঙ্গে, ধনবন্তী চলে যাওয়ার পর অন্তর্দ্বন্দ্বের পীড়ায় কষ্ট পাচ্ছে সজ্জন— এ কোন্ পাপ কিনলাম আমি? মুহূর্তে কত সম্ভ্রান্ত ঘরের মহিলাদের ইজ্জত আবরু সব ধুলোয় মিশে যাবে। তাদের বাড়ির পুরুষদের সামনে তাদের কী দশা হবে? এদের বাকী জীবন নরক হয়ে যাবে! এ আমি কি করলাম? কাজটা ভালো হয়নি। নিজেকে বার বার দোষ দিয়ে সে যেন তার পূর্বচেতনার দ্বারায় পরিচালিত হচ্ছিল। আজ সে এক সামাজিক মুখোসের আবরণ ভেদ করে রহস্যোদ্ঘাটন করছে, কাজটা মন্দ নয়। যদি সকলেই তার মত ভাবতে শুরু করে তাহলে সমাজে পরিবর্তন আনবে কে? সিদ্ধান্তের জ্ঞান অনেকবার নির্মোহ হতে হয়।

সামনে বসে যুবতী নানারকম প্রেমের কথার বাঁধুনী দিয়ে তার মনপবনের ভাঁড় উন্টে দিলায় নিয়ে যাবার চেষ্টা করছে। অন্তমনস্ক ভাবে তাকেও মিষ্টি মিষ্টি কথা বলতে বাধ্য হচ্ছে, কিন্তু তার জিভ যেন শুকিয়ে তালুতে চিপকে যাচ্ছে। ইতিমধ্যে ধনবন্তী দেবী এসে চা আর মিষ্টির রেকাবি রেখে গেলেন। এই মহিলাটি একজন নামকরা ঠিকদার আর লোহার ব্যবসায়িক প্রতিষ্ঠানের মালিকের পত্নী। স্বামীর নাম, বাড়ির ঠিকানা ইত্যাদি জিজ্ঞেস করায় সে মুচকি হেসে উত্তর দিলে— টিয়া আর মৈনার গল্প শুনেছেন কখনো? একজন একদিশা থেকে আর অশ্বজন আর-এক দিশা থেকে উড়ে এল, দুজনে এসে একই গাছের ডালে বসল, দুজনে বসুন্ধর হল। ব্যাস, এই পর্যন্তই যথেষ্ট।

কথা প্রসঙ্গে মহিলাটি স্বীকার করলে যে স্বামীর সঙ্গে তার মনের মিল নেই। পত্নী শৌখীন কবিতা শায়রী পছন্দ করেন—

মানে রীতিমত রোম্যান্টিক। যদিও ক্লাসিক সাহিত্যের প্রতি তার বিশেষ রুচি নেই তবু তার স্বভাবটা বেশ রসিক, তার স্বামী খাঁটি ব্যবসাদার, তার নজরে স্বামীস্ত্রীর সম্বন্ধ কেবল দেহভোগ মাত্র। যুবতীটি কামেচ্ছায় পীড়িত নয় কিন্তু তার জীবনে এমন সঙ্গীর অভাব যে হাবভাবের সরসতা দিয়ে তার রসিক মনকে মজিয়ে রাখতে পারে।

মহিলাটি তার স্বামীকে ঘৃণা করে, তাই সে পরপুরুষকে দেহ সমর্পিত করে পায় প্রতিশোধের গুপ্ত সান্ত্বনা। সজ্জন সহসা তাকে প্রশ্ন করলে যে বিয়ের আগে তার কোন পুরুষের সঙ্গে ঘনিষ্ঠতা ছিল কিনা? যুবতীটি মাথা নেড়ে হ্যাঁ উত্তর দিতেই সে যেন কেমন চমকে উঠল। মহিলাটি আরো জানাল যে ধনবস্ত্রী তার বাড়িতে একবার চিকিৎসা করতে এসেছিল, সেই থেকে তাদের পরিচয়, এখন সে তার পরম বন্ধু। সজ্জনের অন্ত্র প্রশ্নের উত্তরে সে স্বীকার করলে যে পরপুরুষদের সঙ্গে সে নিঃসংকোচে মেলামেশা করে, যদি পুরুষ এ পথে যেতে পারে তাহলে মেয়েরাই বা যাবে না কেন? ছুজনের পথ একই তবে সমাজে নারীর স্থান ক্ষণভঙ্গুর তাই সে তার সম্বন্ধকে সমাজের আড়ালে রেখে গুপ্তভাবে চালিয়ে যেতে চায়।

যুবতীটি আকর্ষক হলেও সে সে ছুরাচারিনী, কথার সম্মোহনী দিটার অধিকারিনী হয়েও সে কুটিল, সহজ স্বভাবের জন্তু সে সহানুভূতির পাত্র তাই সজ্জন তার কোন অনিষ্ট করতে চায় না। সজ্জন তার মনের কথা যুবতীটিকে খুলে বলতেই সে আঁৎকে উঠল। সজ্জন তাকে আশ্বাসন দিলে যে যদি সে তার কথামত চুপচাপ এখন থেকে বেরিয়ে যায় তা হলে সে তার কোন অপকার করবে

না। এ বিষয় স্পষ্ট তাগিদ দিলে যে সে যেন ধনবন্তীকে কোন রহস্যের খবরাখবর দেবার চেষ্টা না করে।

যুবতীর চলে যাওয়ার প্রায় পনেরো মিনিটের মধ্যে আশেপাশের বাড়িতে হৈ-ছল্লোর গোলনা গেল, রাস্তা-চলতি লোকের ভিড় বাড়তে লাগল। পরদিন খবরের কাগজে মহিলা সেবামণ্ডলের হাতে হাঁড়ি ভাঙার খবর প্রথম পৃষ্ঠায় বড় বড় অক্ষরে ছাপা হল। শিল্পজগতে সজ্জন বর্মার নাম হয়তো এত লোকে জানত না কিন্তু এই ঘটনার সঙ্গে শিল্পী মিঃ বর্মার নাম রাতারাতি প্রসিদ্ধ হয়ে গেল।

সজ্জনের পদাঙ্ক অনুসরণ করে শহরের ছেলেছোকরার দল রাতারাতি হিরো হবার লোভে এ ধরনের ব্যভিচারের ছাঁ ঘাঁ পেলেই লাফাতে আরম্ভ করলে। জনতার আয়নায় নতুন করে এইসব সংস্থানের নাম ঝকঝকিয়ে দেখা দিল।

গোকুর নামে রামলীলা, ভজন-মণ্ডলীর নামে অনেক সামাজিক ট্রাস্টের অনৈতিক কারবার, সমাজের নিত্যনিয়মিত ক্ষতস্থান যেন আবার নতুন করে দগদগে হয়ে উঠছে। মসজিদ, শিবালয়, কীর্তন, সত্যনারায়ণের কথকতা, মিলাদশরীফ, ভজন, আত্মীয়তার সূত্রে বাঁধা পারিবারিক পরিস্থিতি, এক লহমায় যেন এসবের ওপর থেকে তার আস্থা চলে গেল। যে আস্থার ওপর আমাদের জীবন মরণ নির্ভর করছে, সে যে কত নির্জীব, আজ বিচারশীল ব্যক্তির যেন তৃতীয় জ্ঞানচক্ষু দিয়ে তাকে নতুনভাবে দেখতে ও বুঝতে শিখলেন।

## পঁয়তাল্লিশ

মহাবীর মন্দিরের পাশের রোয়াকে বসে লাল মুকুন্দীমল তরকারী-  
ওয়ালার সঙ্গে দরদস্তুর করতে ব্যস্ত, মাঝে মাঝে হুকোতে এক  
টান দিয়ে নিচ্ছেন। মন্দিরের দরজার পাশেই, এক পালোয়ান  
ব্রাহ্মণ আসনপিঁড়ি হয়ে বসে রামচরিত্রমানস পাঠ করছেন।

নাযি চরন সিরু কহকর যোরী।

নাথ মোহী কছু নাহিন গোরী ॥

অতিশয় প্রবল দেব তব মায়া।

ছুটই রাম করছ যো দায়া ॥

—এই ব্যাটা, পাড়ায় মাথা গলানো বন্ধ হয়ে যাবে, শালা  
আমার সঙ্গে হুজ্জত করতে আসছে। লাল মুকুন্দীমল সব্জী-  
ওয়ালার কাছে স্বরূপ প্রকাশ করলেন।

—বাজারদর থেকে কম কি করে দেব লাল? আপনি বুঝদার  
বুড়েমানুষ হয়ে খামকা মুখ খারাপ করছেন।

—দেখো হারামজাদা, আমার সঙ্গে সমানে সমান হয়ে মুখ  
চালাচ্ছে। নৌচু জাতের কথাই আলাদা! এ সুকরু। আরে  
হারিয়া। এর বুড়িটা উঠিয়ে, নালায় ফেলে আয় দিকিন।

বিষয় বসয় সুন নর মুনি স্বামী।

মৈ পামর পশু কপি অতি কামী ॥

নারী নয়ন সর যাহিনা লাগা ।

ঘোর ক্রোধতম নিশি যো জাগা ॥

লোভ পাশ যেহী গরন বঁধায়া ।

সে নর তুম সমান রঘুরায়া ॥

রামায়ণী ব্রাহ্মণ, লাল। মুকুন্দীমল আর সব্জীওয়ালার মধ্যে ঘটিত লঙ্কাকাণ্ডের পরোয়া না করে আপন মনে মাথা ঝাঁকুনি দিয়ে মহাকবি তুলসীদাসের মধুর বর্ণনায় ডুব দিয়ে রামায়ণ পাঠ করে চলেছেন। মেয়েদের দল এসে হুমুমানজীর বিগ্রহে ফুল আর শিবজীর মাথায় জল ঢেলে স্তুতিবন্দনার শ্লোক গেয়ে তারপর কারুর বাড়ির বউয়ের প্রতি অত্যাচার আর কারুর বাড়ির মেয়ের কলঙ্ক-কাহিনী আলোচনা করে যে যার বাড়ির দিকে রওনা হয়েছে। বাবু রাধেশ্যাম মাঝের আঙুলে সিগারেট মুঠো করে নিয়ে কষে টান দিয়ে খবরের কাগজ হাতে করে এলেন। লাল। জানকীসরণের মুনীম কুঞ্জীলাল বগলে খাতা গুঁজে হন হন করে যেতে যেতে, সামনেই মুকুন্দীমলের ছাঁকো দেখে লোভ সামলাতে না পেরে, ছুঁদণ্ড দাঁড়িয়ে মনের সুখে টান মেরে নিলেন। চেষ্টামেচি করে লাল। মুকুন্দীমলের গলা শুকিয়ে কাঠ, খক খক করে কাশতে কাশতে বললেন— বাজারে ছুঁপয়সা সের শাক কেউ কিনছে না পচে যাচ্ছে, আমি একআনা সের বলে কী দোষটা করেছি? পাড়ায় আর আগের মত একতা নেই তা না হলে এখুনি এক জোট হয়ে ব্যাটার পাড়ায় ঢোকা বন্ধ করিয়ে তবে ছাড়তুম।

সজ্জনকে গলিতে ঢুকতে দেখে রাধেশ্যাম উৎসাহের সঙ্গে বললেন— আসুন, আসুন, আজকাল চারিদিকে আপনার সুখ্যাতি

ছড়িয়ে পড়েছে মশাই। হাঃ হাঃ হাঃ, মহিলা মণ্ডলের ব্যাপারটা আপনার জ্ঞেই ফাঁস হল, বসুন বসুন।

—আরে কন্মোমলের নাতি এসেছে ?

—আজ্ঞে নমস্কার, সজ্জন রোয়াকে বসার আগে লাল মুকুন্দীমলকে নমস্কার করলে।

—সুখে থাকো, তুমি খুব নাম করছ।

সজ্জন প্রশংসার ভারে মুয়ে পড়ল। কুঞ্জীলাল মুনীম মশাই গোয়েন্দার মত সুতীক্ষ্ণ নজরে সজ্জনকে দেখে নিয়ে লালাজীকে বললেন— সেই ব্যাপারে আমার একটি পরিচিত ছেলেও আটকা পড়েছে। সম্ভ্রান্ত ঘরের ছেলে, ভদ্রলোক, পুলিশকে অনেক টাকাই চাটালে তবু এখনো পর্যন্ত...

—কে ? কে ? কার ছেলে ফেসেছে ?

—আরে ম'গতু আড়তিয়ার। যে সময় পুলিশ এসেছিল, ছেলেটি ওখানেই ছিল।

—আচ্ছা ? যেমন কর্ম তেমনি ফল— বলে বাবু রাধেশ্যাম মুঠোয় পোরা সিগারেটে ছোট একটা টান মারলেন।

—ফট করে মস্তব্য করতে তো আর ট্যাঁক থেকে কিছু খসাতে হয় না, যার ইজ্জত যায় সেই বোঝে। কী লাল, মিথ্যে বলেছি কিছু ? কুঞ্জীলাল মুনীম লাল মুকুন্দীমলের সমর্থন পাবার জ্ঞে চোখ নাচালেন।

—হ্যাঁ ভাই, নিজের ইজ্জত বাঁচাবার জ্ঞে প্রত্যেকেই দৌড়ঝাপ যত পারে করে। ইজ্জত বড় ঠুনকো জিনিস ভাই। আরে ও শুরুর ব্যাটাছেলে, চারটে পান দিয়ে যা।

রোয়াকের ডানদিকে নিজের বাড়ির দরজার দিকে চেয়ে হুকুম-



নামা জারী করে লাল। মুকুন্দীমল আবার গুড় ক গুড় ক শব্দে তন্ময় হয়ে গেলেন।

সজ্জন বললে— ইজ্জতের কথাই হচ্ছে লালাজী, সেখানে কেবল একজনেরই নয়, গোটা সমাজের ইজ্জতের প্রশ্ন ছিল।

—আপনি খাঁটি কথা বলেছেন বাবুমশাই— বাবু রাধেশ্যাম বললেন— যারা সমাজের ইজ্জতকে ডোবাবার চেষ্টা করছে—

—আরে, সবই সমাজের ইজ্জত, তুমি বাবা রাধেশ্যাম এ-সবের কী বোঝো? এই সেদিন তোমায় জন্মাতে দেখেছি, শালা, আমার চুল সাদা হয়ে গেল এইসব দেখতে দেখতে— কুঞ্জীলাল মুনীম বললেন— যদি অনুমতি করে! তাহলে তোমার পাড়ার বড় বড় ঘরের ইজ্জত-আবরুর কথা ফাঁস করে দেব নাকি? আমি এই ভেবে মুখ সেলাই করে বসে থাকি যে এসব পরের কেছা নিয়ে ঘাঁটাঘাঁটি ভালো কথা নয়। কাছা খুললে সবারই এক অবস্থা। কার কার কথা শুনবে?

—ইজ্জত আর রইল কোথায় ভাই কুঞ্জীলাল? আজকাল সকলেই নাক কেটে ঘুরে বেড়াচ্ছে। এই পনেরো-কুড়ি বছর আগে পর্যন্ত, খুব গরীব হলেও, ক্ষিদে পেলে একঘটি জল ঢক ঢক করে খেয়ে চুপ করে শুয়ে থাকত, মরে গেলেও মুখ ফুটে নিজের পরম আত্মীয়ের সামনে মুখ ফুটে কিছু বলত না। তুমিই বলো— সত্যি কিনা?

—সত্যি কথা লাল।

—আর এগনকার দিনকাল দেখো। লক্ষপতি হোক আর গরীব হোক, সকলেই পরের সামনে বলতে ব্যস্ত যে আয়ের চেয়ে ব্যয় বেশী, সংসার অচল হয়ে আছে। এতেই বোঝা যায় ইজ্জত

আবরু বলে কিছু আর রইল না। নিজের ঘোমটা খুলে বাজারে খেমটা নাচাই আজকালকার ফ্যাশন ভাই, তুমি আমি আর কি করব? মুকুন্দীলাল হুঁকোয় টান দিলেন।

কুঞ্জীলাল মুনীম নিজের বাইরের কাজকর্ম কিছুক্ষণের জন্তে মূলতুবি করে দিয়ে এক লাফে রোয়াকে উঠে ভালোভাবে বাবু হয়ে বসলেন— তখন সস্তার দিন ছিল লাল। গরীবী বরদাস্ত করার ক্ষমতা ছিল, ইজ্জতের ভয় ছিল। আরে আমার ছোটবেলায় মনে আছে টাকায় পনেরো সের গম, আঠারো কুড়ি পঁচিশ সের পর্যন্ত ডাল, দেড় সের ঘি, টাকায় ষোলো সের দুধ— তুমিই বলো, স্বর্গ ছিল কিনা? এখন কাগজে বেরিয়েছে যত মেয়েমানুষ ধরা পড়েছে সকলেই পেটের দায়ে এ পথে পা বাড়িয়েছে। সব দেখে শুনে এবার তুমিই বলো গরীবী বড় না ইজ্জত বড়?

বাবু রাধেশ্যাম মুখচোখ নাচিয়ে বললেন— আপনার কথা আমি ঠিক বুঝে উঠতে পারলুম না। আপনার বলার অর্থটা কি? ইজ্জতকে প্রাধান্য দিচ্ছেন না গরীবীকে?

—আমি কেবল ইজ্জতের কথাই বলছিলাম। যেসব অসহায় গরীব মেয়েরা, পেটের জন্তে ছ'পয়সা মজুরি কামিয়ে নিয়ে আসত তাদের ঘোমটা খুলিয়ে ধরিয়ে দেওয়াটা কি ইজ্জতের কাজ হল? কুঞ্জীলালের কথায় সজ্জন এবার সোজা চোখ তুলে মুনীমজীকে এক নজর দেখলে।

—বাবু রাধেশ্যাম, উদ্বেজনার আবেশে সমাজের এইসব পাপের হাঁড়ি ফাটানো দরকার। এসব বড়লোকেদের নোংরামি। আপনার লক্ষপতি আড়তিয়ার আছরে ছেলে ধরা পড়েছেন তাই আপনার গায়ে ফোঁস পড়ছে। আরে আমি জানি এই বড়লোকেরাই

নিজের সুখ আর স্বার্থের বাতিরে জঘন্যতম কাজ করতে পারে। নারী জাতিকে ছাড়বে না, গুরুকে ছাড়বে না, রামলীলা এমনকি শালা মড়ার কাপড় পর্যন্ত ছাড়বে না। এরাই সমাজকে লুটেপুটে ঝাঁঝরা করে ছেড়েছে। এরা রাক্ষসের চেয়ে কিছু কম নয়। মুনীমজী এদের চাকরী করে সংসার চালান— ছুঁমুঠো অল্পের জন্তে তাই ইনি নিজের মানসম্মান সব বেচে খেয়েছেন।—বড়লোকদের সমালোচনা করে আর মুনীমজীদের মত লোকের কাজকারবার দেখে বাবু রাধেশ্বামের রাগের মাত্রা বেড়ে গেল। ইতিমধ্যে তাঁর হাতের সিগারেটের মুখে বেশ কিছুটা ছাই জমেছে, একটু বাকী আছে। বাবু রাধেশ্বাম মুঠো নেড়ে ছাই ঝেড়ে, সিগারেটের মায়া ত্যাগ করার আগে প্রাণভরে একটান মেরে ছুঁড়ে দিলেন।

সামনের গলি দিয়ে মহিপাল এদিকেই আসছে। কুঞ্জীলাল মুনীম রাধেশ্বামের গরম লেকচার হজম করতে না পেরে তাড়াতাড়ি বগলে খাতা গুঁজে যাবার জন্তে উঠে দাঁড়ালেন। লাল। মুকুন্দীমল ঝটপট তাঁর কাঁধ ধরে কানে কানে বললেন— কার সঙ্গে কথা বলছ কুঞ্জীলাল? আজকাল কমুনিষ্টদের রাজত্ব, দাঁড়াও, পান খেয়ে যাও। আরে এই ব্যাটাচ্ছেলে সুকরুয়া, এখনো পান দিয়ে যাসনি। আর ছিলিমটা সাজিয়ে দিয়ে যা।

পুরোনো দিনের স্মৃতি মন্থন আরম্ভ হল, কারুর ছেলে, কারুর ভাই, বুড়ো জোয়ান কেউই বাদ গেল না। গত দশ-বারো বছরের সামাজিক বিকাশের জলজ্যান্ত ছবি আঁকার চেষ্টা করা হল। এদের সপ্তকাণ্ড রামায়ণ গান হচ্ছে, এদিকে কথক কখন রামায়ণ পাঠ করে চলে গেছেন কারুর খেয়ালই নেই। ইতিমধ্যে কথকতা শুনে যে কজন রাস্তা-চলতি লোক প্রণাম করতে এসেছিল তাদের

মধ্যে অনেকে রোয়াকে বসে মুখরোচক জববর গল্প তন্ময় হয়ে শুনতে ব্যস্ত। পুরোনো দিনের কথা আবার নতুন করে গেঁজালে এক অদ্ভুত নেশার সৃষ্টি করে। নিমের কাঠি থেকে টুথ ব্রাশ, টুথ পাউডার আর পেস্ট, সকালের চা জলখাবারে জিলিপি থেকে মাখন টোস্ট, পরিধানে পাগড়ী, আচকান, মাথার ওড়না, জালির গায়ের কাপড়, চোগা চাপকান থেকে আরম্ভ করে আপটুডেট সাহেবী পোশাক পর্যন্ত কোন আলোচনাই বাদ গেল না।

ইতিমধ্যে সূর্যি ঠাকুর রোয়াক ছাড়িয়ে দেয়ালে আলো ছড়াচ্ছেন। সাড়ে তিন ঘণ্টা পরে মজলিশ বরখাস্ত হল। মহিপাল রোয়াক থেকে উঠে বজরঙ্গবলীকে হাতজোড় করে শ্রীগুরুচরণ সরোজ রজ ইত্যাদি পাঠ করে, ভোলে মৃত্যুঞ্জয় হর হর উচ্চারণ করে সজ্জনের কাছে গেল। সজ্জন চিস্তিত হয়ে বসে আছে; চোখের দৃষ্টিতে শূন্যতা। মহিপাল সেই চাউনির উত্তর খুঁজে না পেয়ে একটু ফিকে হাসি হাসলে। হঠাৎ ঘড়ির দিকে চেয়ে সজ্জন বললে—বারোটা চল্লিশ হয়ে গেল। আমি এদিকে জেঠীর সঙ্গে দেখা করতে এসেছিলুম, এখানে মজার মজার কথায় এমন ফেসে গেলুম যে ঘড়ির দিকে তাকাতেই ভুলে গেছি। যাক সময় ভালোই কাটল।

—হ্যাঁ, অনেকদিন পরে এসব কথা শুনতে ভালোই লাগল। সামনে দিয়ে গোকু যাচ্ছে, গায়ে তার দোলের রঙ ছিটানো। তাকে দেখে ছুজনের চিন্তাধারায় বাধা পড়ল।

—তুমি সকাল সকাল এদিকে কী মনে করে?

—তোমার সঙ্গে দেখা করতে।

—আমি জেঠীর বাড়ি যাচ্ছি। যদি তোমার কোন কাজ না

থাকে তা হলে এসো। মহিপাল দোনোমোনো করে বললে—  
না তুমি যাও, আজ তা হলে আমি চলি, কেমন?

সজ্জন তার মুখের ভাব লক্ষ্য করে বললে— এসো-না, জেঠী  
ডেকেছেন, দেখা করে তারপর যেখানে বলবে যাওয়া যাবে।

মহিপাল রাজী হয়ে গেল। দুজনে গোয়ালঘরের ছোট  
ফাটকটির দিকে এগুলো। জেঠীর এই বিরাট বসতবাড়ির  
একখানা ঘর ভাড়া করে থাকার কথা সজ্জনের মনে পড়ল।  
শরণার্থীদের যড়যন্ত্র, জেঠীর জাহ্ন মন্তুরের আটার পুতুল আলানো,  
চোরদের হাতে পড়ে জেঠীর দুর্গতি, কন্ঠার আসা, বড় আর বোরের  
রোমান্স, ... ইঠাৎ সজ্জন প্রশ্ন করলে— আজকাল মহাকবি বোর  
কোথায় আছেন? অনেক দিন হল দেখা হয়নি।

—ইদানীং আমার সঙ্গেও দেখা হয়নি। বড় বাজে লোকটা।

—ওর মত সংসারে আরো কত আছে! চরিত্রের দুর্বলতাকে  
আর আমি আগের মত হয়ে দৃষ্টিতে দেখি না। এই রোগ সারা  
সমাজে ছড়িয়ে আছে।

—দুর্বলতা কেন? শক্তিও সমাজব্যাপী নয় কি? সজ্জন জেঠীর  
দরজার কড়া নাড়লে।

মহিপাল কথার মাঝখানেই চুপ করে গেল। ভেতর থেকে  
জেঠীর আওয়াজ ভেসে এস।

—আরে এ সময় কে আবাগীর ব্যাটা?

—গালাগাল বিনে জেঠী কথাই বলেন না— মুচকি হেসে  
মহিপাল বললে।

সজ্জন দরজার সন্ধিস্থলে মুখ রেখে জোরে টেঁচালে— আমি  
জেঠী, সজ্জন।

—তুর্জন কেন বললে না ব্যাটা ?

—সে কেবল শীলাই বলে ।

শীলার নাম শুনেই মহিপালের মুখ যেন হঠাৎ কালো হয়ে গেল । খিল খোলার শব্দ হল, কণ্ঠা দরজা খুলে দাঁড়াল । মহিপালকে নমস্কার করে স্বামীর দিকে প্রসন্নভাবে তাকিয়ে জিজ্ঞেস করলে—কোথায় ছিলে এতক্ষণ, এত দেরী হল যে ?

—এখানেই রকে বসে ছিলাম ।

—দাবা খেলছিল, ধরে বেঁধে এনেছি— মহিপাল হেসে বললে ।

কণ্ঠা হেসে উত্তর দিলে— তার মানে আপনিও সেখানে খেলতে গিয়েছিলেন ।

—হেরে গেছে, তাই তো নালিশ জানাতে এসেছে । সজ্জন ভারিক্কি চালে বললে ।

—বাবাজী এসেছেন— কণ্ঠা বললে ।

—কোথায় ?

—ওপরে । কণ্ঠা সিঁড়ি দিয়ে ওপরে যেতে লাগল । ওপরে চৈত্র মাসের চনচনে রোদ, জেঠী রোদে পিঠ দিয়ে বসে, কোপীনধারী কৃষ্ণবর্ণ সুগঠিত দেহের বাবাজী পা মুড়ে বসে আছেন । বাবাজী তাদের অভ্যর্থনা জানালেন । সজ্জন হেঁট হয়ে জেঠীর পায়ের ধুলো নিলে— কি রে, কোথায় ছিলি এতদিন ?

—জেঠী— এই একটু কাজে ব্যস্ত ছিলাম ।

—এমন কী রাজকাজ করছিলি শুনি যে এখানে আমার ফুরসত পেতিস না ? তোর বউয়ের কাছে তোর খোঁজখবর পেয়ে তাই মনটা ঠাণ্ডা হত, তা না হলে...

—না না রামভক্তনিয়াঁ, আমি সাক্ষী তোমার বউয়ের মত ছেলেও একটা বড় কাজে হাত দিয়েছিল।

—আমার বউ হতে যাবে কেন?

—আরে কি আশ্চর্য, ছেলে যদি তোমার হয় তাহলে বউ কার হবে?

—আমি এই কল্লোমলের নাভিকে বলেছিলাম যে নাতবৌকে একশো তোলা সোনা দিয়ে মুখ দেখব, কত ভালো ভালো নিজেদের স্বঘরের মেয়ে দেখালাম...

—রামভক্তনিয়াঁ, তুমি যাই বলো, ছেলে যখন তোমার তাহলে বউও তোমারই। কত ফর্সা সুন্দর কেমন ভালো স্বভাব, বাড়িতে মন দিয়ে পতিসেবা করে, এখানে এসে তোমার সেবা করে, স্কুল চালায়, খারাপটা কী দেখলে রামভক্তনিয়াঁ? এর ওপর অগ্রসর কেন তুমি? জেঠী এক নজর কণ্ঠাকে দেখে মুখ ঝামটা দিয়ে বললেন—হঁ, ভালো তো বটে, তবে শুরুতে আমায় মিথ্যে বললে কেন যে আমাদের স্বঘর—সজ্জন হেসে বললে—জেঠী, যশোদার ভয়ে কৃষ্ণও মিথ্যে বলেছিলেন।

বনকণ্ঠা আর বাবাজী, ছুজনে হেসে উঠল। মহিপাল মুখ টিপে হাসলে, জেঠীও কালো মুলো মুলো দাঁত বার করে হাসলেন।

—আর এবার মা রামভক্তনিয়াঁ, তুমি একে কিছু বলতে পারবে না। তুমি যশোদা মা আর এ তোমার কানা কেঁট। আর তা হলে বউকে বকা চলবে না, তারও সাতখুন মাপ করে দাও।

—আরে মাপ করে দিলুম। এই পোড়ারমুখীকে যতই মন থেকে দূরে রাখব ভাবি, এমন সেবা করে যে কি বলব?

—তাহলে তুমি তোমার একশো তোলা একে দিয়ে ফেলো-না।

জেঠী উত্তর দিলেন না। মহিপালের দিকে চেয়ে সজ্জনকে প্রশ্ন করলেন— এ আবার কে ?

—ইনি প্রকাণ্ড পণ্ডিত জেঠী। বাবাজী বললেন— ইনি নামী বিদ্বান রামভক্তনিয়াঁ।

জেঠী তাড়াতাড়ি মেঝেয় মাথা ঠুকে প্রণাম করে বললেন— আমার সৌভাগ্য যে ইনি পায়ের ধুলো দিয়েছেন। এখানেই থাকেন, না বাইরে থেকে এসেছেন ?

—এখানেই থাকেন জেঠী, ইনি অনেক বই লিখেছেন। কণ্ঠা উৎসাহের সঙ্গে মহিপালের পরিচয় দিলে।

—তাহলে ইনি পূজো-আচ্চাও করেন নিশ্চয় ?

—হ্যাঁ জেঠী, তবে বাড়িতেই পূজো-আচ্চা করেন— সজ্জন বললে— বাইরে বিয়ে-থা ইনি করান না।

—আমি এমন পণ্ডিত খুঁজছি যে আমার ভগবানের বেশ ভালো করে বিয়ে-থা করিয়ে দিতে পারবে, কি বল বাবাজী ? না-হয় কারুকে কাশী থেকে ডেকে পাঠাও, খরচ-খরচা আমি দেব।

—ঠিক আছে, সব ব্যবস্থা হয়ে যাবে রামভক্তনিয়াঁ।

—হ্যাঁ, বিয়ে খুব ধুমধাম করে হওয়া উচিত বাবাজী। আমার সতীনের নাতি হারামজাদার বিয়েতে যদি এত ধুমধাম তা হলে আমার ভগবানের বিয়েতে তার চেয়ে দ্বিগুণ বেশী শোভা হবে নাই বা কেন ? কনোমলের নাতি নাকে সরষের তেল দিয়ে ঘুমুচ্ছে। আর মাত্র কটা দিন হাতে আছে, কাল বৈশাখ মাসের প্রথম দিন, পূর্ণিমার দিন বিয়ের লগ্ন, এখনো কোন জিনিস জোগাড় করা হয়নি।



—আরে রামভক্তনিয়াঁ, তুমি কেন ভাবছ? ছেলেকে পণ দেবার সময় একটা আশ্রম তৈরী করে দিয়ো, বাস।

—জেঠী আশীর্বাদে কী দেবেন? কণ্ঠা প্রশ্ন করলে।

মহিপাল বললে— আজকাল অনেক জিনিস দেওয়ার রেওয়াজ, রেডিও, সোফাসেট, ঘড়ি...

—রামভক্তনিয়াঁ এসব তুমি আমাকে দেবে? তার মানে কৃষ্ণ ভগবানের বিয়ে দিয়ে তুমি আমায় কোট প্যান্ট পরাবে? বাবাজীর কথা শুনে সকলে হেসে উঠল।

জেঠী বললেন— তাই তো আজ ডেকেছি। আশীর্বাদের থানা সাজাতে হবে, মিষ্টি মেওয়া ফল সব আনতে হবে।

—আচ্ছা, সেসব আমরা ঘাটে বিলিয়ে দেব। বাকী নগদ তুমি দিয়ে দিয়ো। তাই দিয়ে আশ্রমের জমি কিনব। আশীর্বাদে জমি আর বিয়েতে আশ্রম তৈরীর খরচা।

বিবাহের সব ব্যবস্থা ভাবা হল। মহিপালের ভাড়া আছে তাই সজ্জনকেও উঠতে হল। কণ্ঠা চলে গেল, তার স্কুল এখনো চলছে। কণ্ঠার সাহায্য করতে দুজন মহিলা আসতে আরম্ভ করেছেন, তাঁরা সেলাই বোনা, সূচের কাজ, জরীর কাজ শেখান। কণ্ঠার স্কুলে অনেক মেয়ে আসা আরম্ভ করেছে। জেঠীর বনতবাড়িতে সজ্জনের স্ট ডিওর ঘরটা বড় ফাঁকা ফাঁকা লাগছে, ইদানীং অনেকদিন হল সে আর কোন ছবিতে হাত দেয়নি, একটু-আধটু বা তুলি চালিয়েছে সে নিজের বাড়িতে। আজ তুলি হাতে নেয়ার শখ হাতেই মহিপাল তাকে সজাগ করে দিলে— এখানে মেয়েদের ভুলোড় হবে।

—এসো রামজী, আমার এখানে এসো। বাবাজী কণ্ঠার

পাঠশালা দেখে ফিরছিলেন এমন সময় তাদের কথা শুনতে পেয়ে তিনি তাদের ডাকলেন।

—এসো-না রামজী, সিদ্ধি পাওয়া যাবে। মহিপাল দোনোমোনো করতে লাগল।

সজ্জন হেসে বলল—আমাদের কিন্তু এখনো পেটে কিছু পড়েনি বাবাজী।

—হ্যাঁ আমিও বাড়ি থেকে জলখাবার খেয়ে বেরিয়েছিলুম।

—তা হলে আজ কলাহার করো। রাস্তায় সব জিনিস কেনা যাবে. কলও নিয়ে নেব, আড়াই তিনটের সময় আমাদের ওখানে ঘাটে পণ্ডিতাইন দুধ গরম করে, সকলে এক এক গেলাস দুধ খেয়ে নেবেন। কি ভাবছ রামজী? বাবাজী মহিপালের পিঠে হাত রেখে প্রশ্ন করে বললেন—মানেটা এই যে আজ যখন আপনারা দুজনেই দৈবক্রমে মিলিত হয়েছেন, তখন এক জায়গায় বসে পরামর্শ করা যাক। এত টাকা যে পাওয়া যাবে তার উচিত ব্যবস্থার বিষয় ভাবতে হবে তো?

মহিপাল নিরুত্তর হয়ে বসে রইল।

## ছেচলিশ

বাবাজীর আশ্রম থেকে সকলে তাড়াতাড়ি ফিরে এল। মহিপালের তাড়া আছে, কাপুর হোটেলে বসে কিছু পান করার আগ্রহ শুনে সজ্জন প্রথমটা দোনোমোনো করলে। ইদানীং সজ্জন মদিরার আকর্ষণ থেকে নিজেকে বাঁচিয়ে চলার চেষ্টা করে কিন্তু মহিপালের আগ্রহ দেখে সে সঙ্গে যেতে রাজী হল।

মহিপাল বললে— হঠাৎ লোকে একটা জিনিস ছেড়ে দিতে পারে কখনো ?

—কেন ? তুমি নিজেই একজন আদর্শবাদী লেখক, গ্রহণ আর ত্যাগের মহিমার উপদেশ তুমিই কতবার দিয়েছ। সজ্জনের কটাক্ষ মহিপালের ভালো লাগল না, কিছুক্ষণ চুপ থাকার পর বললে— ভাবা সহজ কিন্তু করতে যাওয়াই মুশকিল। তোমার নিজের কী মনে হয় ? সজ্জন গম্ভীর হয়— হ্যাঁ আর না দুই।

—সে কি করে সম্ভব ?

—আমার মনে হয় আমার আত্মসচেতন বুদ্ধি তোমার চেয়ে প্রখর, একবার একটার বিষয় দৃঢ় নিশ্চয় করে নেবার পর তাকে বজায় রেখে চলার চেষ্টা করি।

—তাহলে একটা প্রশ্নের জবাব দাও, যে মহত্তম উদ্দেশ্যকে সামনে রেখে তুমি এ পাড়ায় এসেছিলে, তোমার আত্মসচেতন বুদ্ধির দ্বারা কতদূর এগুতে পারলে ?

সজ্জন চুপ করে রইল, গাড়ি নিজের গতিতে চলেছে। সজ্জন বললে— আরে ভাই, রোমানে তলিয়ে গেলাম, না হলে অনেক কিছু করতে পারতুম।

—রোমানে কেন তলিয়ে গেলে ?

—আমার জীবনের রিক্ততা...

—তা আমার জীবনেও আছে, তাই আমি বার বার যেন হেরে যাই। মহিপাল দীর্ঘশ্বাস ফেললে। কাপূর হোটেলে পৌঁছে ম্যানেজারকে বলে ওপরের একটা ঘরে বসার ব্যবস্থা করা হল।

মহিপাল বললে— আজ সকাল থেকেই আমার মনটা বড়ই উদ্বিগ্ন হয়ে আছে।

—কেন ?

—আমার জীবনের সন্ধে হয়ে এসেছে।

—দূর পাগল নাকি, স্বপ্নটপ্প দেখেছ বোধহয়।

—হ্যাঁ।

—তাই মনটা ভালো নেই ?

—হ্যাঁ।

—স্বপ্ন, দেউলে মনের তৈরী ছাড়া আর কিছুই নয়।

—আমার কি মনে হয় জানানো ? স্বপ্নের মধ্যে লুকিয়ে থাকে সংকেত, আমার দেউলে মনের হাতে আজ যেন আমি বিকিয়ে গেছি, জীবনযুদ্ধে আজ আমি পরাস্ত, ক্রান্ত।

—কি স্বপ্ন দেখেছিলে ?

—স্বপ্ন— আমি দেখলাম এক সরু নোংরা গলি, ছেঁড়া নোংরা কাপড়ের টুকরো চারিদিকে ছড়ানো, ভাঙা মাটির বাসন, ঘায়ের

রক্তপূজে ভরা তুলো আর কাপড়ের ব্যাণ্ডে ভরা গলির মধ্যে দিয়ে আমি চলেছি।

—আর তোমার সঙ্গে ?

—কেউ নয়, আমি একা।

—তারপর ?

—হাঁটতে হাঁটতে ক্লান্ত হয়ে গেলুম। গলি থেকে বেরিয়ে খোলা জায়গায় দাঁড়াবার সে যে ব্যাকুলতা তার বর্ণনা করা বড়ই কঠিন, সে এক নতুন চেতনা।

—তারপর ?

—তারপর আমি এক নদীর ধারে পৌঁছে গেলাম, একটি নৌকো যাচ্ছে, তাতে অনেক লোক। তারা সকলে আমায় ডাকছে। নৌকো কিনারে আসতেই আমি উঠে বসলুম। তাদের মধ্যে অনেকেই চেনা মুখ।

—তারপর ?

—একটু পরেই ভরাডুবি, নৌকো উন্টে গেল। সকলে সাঁতরে পার হবার চেষ্টা করছে, মন্দিরের চুড়ো, বড় বড় অট্টালিকা, ধ্বংসস্তূপের প্রতিচ্ছবি সবুজ জলের মধ্যে চক চক করছে। সেই ধ্বংসস্তূপ যেন আমাকে তার চুষক শক্তি দিয়ে টানছে।

—তারপর ?

—আমি নিজের সঙ্গে অনেককেই নিয়ে চললুম, একটু পরেই কিন্তু আর কারকে দেখতে পেলাম না, এতগুলো লোক যেন নিমেষের মধ্যে হাওয়ার সঙ্গে মিলিয়ে গেল। নদীর ওলায় এক ধ্বংসস্তূপের সঙ্গে মোটা শেকল দিয়ে বাঁধা অবস্থায় আমি পড়ে

আছি, অনেক হাত-পা চালাচ্ছি কিন্তু সব চেটাই ব্যর্থ, শেকলের হাত থেকে নিজেকে কিছুতেই মুক্ত করতে পারছি না।

—তোমার মনের আত্মদাহ মহিপাল, এই নোংরামি আর ধ্বংসভূপ সব তারই প্রতীক। একে ভালোভাবে এনালাইজ করে দেখো। মৃত্যুর প্রশ্নই উঠছে না।

মহিপাল চুপ করে রইল। সজ্জন কফি শেষ করে সিগারেট ধরিয়ে সিগারেট কেস মহিপালকে দিল। ছইস্কির নেশায় কিছুক্ষণ একদৃষ্টে সজ্জনের মুখের দিকে তাকিয়ে হঠাৎ মহিপাল বললে— তোমাকে একটা কথা বলে ফেললে আমার মনটা হাক্কা হয়ে যাবে,... আমি... তোমাকে ঈর্ষা করি।

—সজ্জন মুখ টিপে হাসল।

—আর-একটা কথা বলব? আমি তোমাকে স্নেহও করি।

—আর কর্নেলকে?

—কর্নেল দেবতুল্য মানুষ। তার চেতনাশক্তি বেশী বিকশিত না হতে পারে তবু পরোপকারে প্রাণ দিতেও সে দ্বিধা করে না। আমার একটা কথা আরো শুনবে সজ্জন? জীবনযুদ্ধে কোনদিনই হার স্বীকার কোরো না।

—জীবনে হার চলতেই থাকে, তার ওপর নিজের কন্ট্রোল রাখা সম্ভব নাকি? পরিস্থিতির অধীনে পড়ে অনেক কিছুই সম্ভব হয়ে যায়।

—সে যাই হোক। ক্লান্ত হয়ে যাওয়াই সবচেয়ে বড় হার, আমি তারই বিষয় বলতে চাইছি। তুমি জীবনে যে মিশন নিয়ে এগিয়ে চলেছ তাকে সাফল্যমণ্ডিত করে তোমার ভার তোমারই।

অন্তরঙ্গ বন্ধুর উপদেশ শুনে সজ্জন ভাবুক হয়ে বললে— তুমি যদি আমার পাশে থাকো, কণ্টকাকীর্ণ পথও সহজ হয়ে যাবে।

—আমি আজ নিজের পরিধির মধ্যে নিজেকে আবদ্ধ হয়ে গেছি, আমার হৃদয়-কমলটি যেন অকালেই অন্ধকার গুহায় বদ্ধ হয়ে আলো বাতাস বিনে শুকিয়ে গেছে। আজ হতে দশ-পনেরো বছর আগে, যৌবনে মনে কতই-না আশা-আকাঙ্ক্ষা ছিল, ভেবেছিলুম হয়তো একদিন সারা পৃথিবীটাকেই বদলে ফেলব— কিন্তু আজ— আজ আমি বড় ক্লান্ত। জীবনরসের উৎসস্থানই আজ মরুভূমিতে পরিণত হয়ে গেছে। যে মানুষ নিজেকেই বদলাতে পারল না, পৃথিবীটাকে বদলাবার ক্ষমতা তার কোথায়?

--এসব কথা ছাড়া এখন, হ্যাঁ আজ সকালে কেন এসেছিলে বললে না তো?

—এমনি, বললাম যে, একা মনের সঙ্গী খুঁজতে বেরিয়েছিলুম। একবার ভাবলুম কর্নেলের বাড়ি যাই, তারপর ভাবলুম যে সে এসব কথার মাথামুণ্ড কিছুই বুঝবে না। তারপর ভাবলুম— ছোট একটি নিঃশ্বাস ফেলে মহিপাল চূপ করে গেল।

—তুমি নিজের আর শীলার প্রতি অণ্যায় করছ মহিপাল। তোমার এই ফ্রাণ্টেশন সেইদিন থেকেই আরম্ভ হয়েছে যেদিন তুমি শীলার সঙ্গ ত্যাগ করার সংকল্প করেছ।

—সে কথা যেতে দাও সজ্জন... মহিপাল সোজা হয়ে বসল। গেলাসের স্বচের রঙে তার পরাজিত ব্যক্তিত্ব যেন আধার খুঁজে পেল।

—তোমার ভাগ্যীর বিয়ে কবে ঠিক হল?

—আষাঢ় মাসে, অমাবস্তার পরে নবমীর দিন।

—কণ্ঠা আর বউদি দুজনে ঠিক করেছে, বিয়ে আমার বাড়িতে হবে।

—হুঁ।

—কাল রাত্তিরেই বসে আমরা সব প্লান করছিলুম। বরযাত্রীদের থাকার ব্যবস্থা রাজাসায়েবের ওখানেই করা যাবে। আমি শুনেছি যে তোমাদের ওদিকের বরযাত্রীরা বড় বেয়াড়া হয়, নানারকম ঝাঙ্কা করে।

—করতে দাও ব্যাটারদের! মহিপাল একবারে এক ঢোকে অর্ধেক গেলাস খালি করে ফেলল।

—আরে, তুমি ভাবছ কেন? আদর-অভ্যর্থনার চোটে একেবারে ফ্র্যাট করে দেব তোমার বেয়াইদের, কিন্তু ছেলেটি, শুনেছি বেশ হাল ফ্যাশানের ..

—হুঁ।

—তবু বেয়াড়াপনা হবেই।

—বলতে পারি না।

—আচ্ছা মহিপাল, একটা মজার ব্যাপার লক্ষ্য করেছ? আজ সকাল থেকে একের পর এক যা কিছু এখন পর্যন্ত কানে গেছে, কি মনে হয় তোমার? সমাজ প্রগতির পথে এগিয়েছে? প্রতিক্রিয়াবাদীরা পেছু হটে গেছে অথচ এত কিছু হবার পরও এই প্রতিক্রিয়াবাদীরাই আজ পর্যন্ত আমাদের মাথায় চেপে বসে আছে। এসবের কারণ কি?

মহিপাল চুপচাপ বসে আছে, উত্তরের প্রতীক্ষায় সজ্জন যেন ব্যাকুল হয়ে উঠেছে, নিরাশ হয়ে মাথা হেঁট করে সিগারেটের ছাই ঝেড়ে নিয়ে জালনা দিয়ে বাইরে দেখতে লাগল।



—তোমার প্রশ্নের উত্তর আমি দিতে পারি সজ্জন, কিন্তু যদি সত্যি মনের কথা জিজ্ঞেস করো তাহলে আমি বলব সে উত্তর দেবার অধিকারী আমি নই।

—কেন?

—কারণ, আমি নিজে সে পথে চলতে পারিনি।

—তাহলে, তুমি ভাবছ কি?

—বলা বাহুল্য, আমার জীবনের শেষ অধ্যায় এসে গেছে, আর মিথ্যে বলা সাজে না। আমার অবচেতন মনে মিথ্যার ভাণ্ডার যতটা রয়েছে তাকে উপুড় করে দিতে পারলেই শান্তি। যতক্ষণ পর্যন্ত তা করতে পারছি না, সত্যি বলার দম্ব করা বাজে ভাঁড়ামি ছাড়া আর কিছুই হবে না।

সজ্জনের কথায় বিরক্তির ঝাঁক— পাগল হয়েছ মহিপাল, নিজের সঙ্গে সবার মাথা ধারাপ করার কোন মানে আছে? স্বপ্নকে নিয়ে এত বাড়াবাড়ি করতে তোমার লজ্জা বোধ হচ্ছে না? তুমি না লেখাপড়াজানা সাহিত্যিক? মেনে নিলুম তুমি জীবনে একটা সত্যের পালন করতে পারলে না কিন্তু তাই বলে অন্তদের শক্তি দেওয়ার ক্ষমতাটুকুও হারিয়ে ফেললে নাকি?

—আমার শক্তি কোথায় যে দান করব? তুমি মোহম্মদ আর সেই বাচ্চার গল্প শুনেছ যে গুড় খেত? যতদিন পর্যন্ত মোহম্মদ নিজে গুড় খাচ্ছে সে বাচ্চাকে গুড় না খাওয়ার উপদেশ দিতে পারে না... যাক সে কথা, এখানে পরিস্থিতিই অন্য, তুমি নিজেই গুড় খাও না।

—হেঁয়ালি ছাড়া মহিপাল।

—হেঁয়ালির কথা নয়, সহজ কথা, এত হাজার বছরের ঘোর

পরিশ্রমের পরও আমরা ভারতের জনজীবন থেকে অন্তায় অবিচার দূর করতে পারিনি। তোমার সমাজকল্যাণের ক্ষুণ্ণ সমাজের অণুতে অণুতে ব্যাপ্ত হয়নি, কেবল তোমার একার হৃদয়ে তার জ্যোতি পরিব্যাপ্ত।

সজ্জন হতাশ হয়ে মাথায় হাত দিয়ে বসল। মহিপাল যেন ভাগ্যের হাতে কাঠের পুতুলের মত নেশায় চুর হয়ে বসে আছে। হঠাৎ জাতিভেদের কথা মনে আসতেই মহিপাল যেন অবসাদের হাত থেকে মুক্তি পেল—আমার এ কথা বলার অর্থ এই যে ভারতবর্ষের জটিল ‘জাতিভেদ’ প্রথা আমাদের জনজীবনের প্রতিটি শিরাকে জারিয়ে রেখেছে, যতদিন এই রোগটির বীজাণু আমাদের রক্তকণায় আছে, মানবসমাজের উন্নতি হওয়া অসম্ভব।

—এবার জাতিভেদের ভিত্তিতে ভাঙন ধরেছে।

—সিভিল লাইনে, গলি পাড়ায় নয়। একশোর মধ্যে চারটে কেস হলে তাকে পরিবর্তন বলা যায় না।

—কিন্তু আগের মত তীব্র বিরোধ আর দেখা যায় না। জেঠী পর্যন্ত কণ্ঠার আর মিসেস বর্মার প্রতি সদয় ব্যবহার করতে আরম্ভ করে দিয়েছেন। কণ্ঠাকে তিনি বড় ভালোবাসেন, যদিও তাকে তাঁর খাবার জলের ঘড়ায় হাত দিতে দেন না।

—জেঠী তাঁর খাবারদাবার আলাদা করে রাখেন, তোমার স্ত্রী বা বর্মাপত্নীর প্রতি তাঁর ব্যবহারেই আমাদের সমাজের প্রকৃত রূপ দর্শন হয়। তুমি, বর্মা আর তোমাদের ধর্মপত্নীরা যদি আজ থেকে পঞ্চাশ বছর আগে জন্মগ্রহণ করতে, তাহলে মরে গেলেও জেঠী তোমাদের প্রতি সদয় হতেন না। সে সময় জাতের বাইরে বিয়ে করার কথা কেউ স্বপ্নেও ভাবত না। সেকালে সামাজিক

নিষ্ঠার মানদণ্ড বড়ই কঠিন ছিল। এই কিছুদিন আগে পর্যন্ত জেঠী অকল্যাণ কামনা ক'রে আটার পুতুল মন্ত্রগুত করতেন, এটা সেই কঠোর সামাজিক নিষ্ঠারই পরিণাম। আজ সমাজ-সংগঠনে অনেক পরিবর্তন হয়েছে তাই তারা তোমাদের মত দম্পতিকে মুখ বুজে সহ্য করছে, যদিও তোমাদের সিদ্ধান্তকে তারা আজও স্বীকার করতে রাজী নয়।

—এই নতুন সমাজ-ব্যবস্থার মধ্যে নতুন সিদ্ধান্তকে গ্রহণ করতে কী করা উচিত?

—এক প্রবল শক্তিশালী আন্দোলনের মাধ্যমে তা করা সম্ভব। এমন আন্দোলন যার স্রোতের সামনে জাতিবন্ধনের শেকল আপনা হতেই ঝনঝনিয়া খুলে পড়বে। এই আন্দোলন করার আগে আমাদের জাতিভেদের ইতিহাস ভালোভাবে অধ্যয়ন করে নিতে হবে। আমাদের সমাজের পতনের কারণ ভালোভাবে বিশ্লেষণ করলেই বুঝতে পারবে যে এই জাতিভেদের শক্তি একদিন আমাদের জাতীয় মনোবল দৃঢ় করেছিল, তারপর সময়ের স্রোতে সেই মনোবলই দুর্বলতার লক্ষণ হয়ে দেখা দিল।

সজ্জন গম্ভীর ভাবে বসে আছে। মহিপাল নিজের গেলাসে চুমুক দিয়ে কাবাবের টুকুরো উঠিয়ে মুখে দিল। ইঠাৎ যেন দুজনেরই একসঙ্গে মৌনভঙ্গ করার ইচ্ছে হল, মহিপাল কিছু বলতে গিয়ে সজ্জনকে দেখে থেমে গেল।

—কি হল সজ্জন, যা বলার বলে।

—আমি নিজের জীবন সমাজ-কল্যাণের কাজে অর্পিত করব ভাবছি, আমি এই সমাজকে বদলে ফেলতে চাই। সজ্জনের চেহারায় দৃঢ়তার ছাপ স্পষ্টভাবে ফুটে উঠল—হ্যাঁ মহিপাল, তুমি কিছু বলছিলে?

—আঁ! ? ওহো— মহিপাল হাসল,— রূপরতন আমার মোটর দেবে বলেছে, ভাবছি শকুন্তলার বিয়ের পরই নেব তা না হলে গাড়ি দেখে বরপক্ষ ফর্দের তালিকা বাড়িয়ে দেবে।

\*

\*

\*

একটু পরেই মহিপাল আর সজ্জন যে ঘর বাড়ির দিকে রওনা হল। আজ মহিপাল একা থাকার মুড়ে, পায়ে হাঁটাই ঠিক করলে। হোটেলের বারান্দায় সজ্জনের ছোট ফোর্ড গাড়ি দাঁড়িয়ে। সজ্জন সহজভাবে তাকে বাড়ি পর্যন্ত পৌঁছে দেবার কথা বন্ধুত্বই মহিপালের চোখ আরোই কপালে উঠে গেল। কল্পনায় যেন চোখের সামনে ফোর্ডের জায়গায় তার নিজের— মহিপাল শুক্রার ফিয়েট দাঁড়িয়ে আছে। রূপরতন তাকে বলেছিল, গুরু, তুমি একজন মহান লেখক, খালি পায়ে হাঁটা তোমায় মানায় না। আট-দশ হাজারের সেকেন্ড হ্যান্ড মোটর কেনা তার পক্ষে সম্ভব নয়, অথচ রূপরতনের সামনে হাত পাততে তার আত্মমর্যাদায় বাধে। কথায় কথায় রূপরতন জানালে সে তার ছোট গাড়িটা আড়াই তিন হাজারে বেচে দিতে রাজী আছে। মহিপালের চিন্তা, প্রস্তাবটা শোনামাত্রই চঞ্চল হয়ে উঠল। বাড়ি গিয়ে কল্যাণীর সঙ্গে পরামর্শ করলে। মোটরের নাম শুনেই বড়, ছোট, রজ্জো, তপ্প, আর তাদের মমতাময়ী মা, সকলেই এক পায়ে নেচে উঠল। মহিপাল ধাপ্পা মারলে রূপরতন তার বইয়ের আগাম রয়েলটি হিসেবে গাড়ি দিচ্ছে। তীর যথাস্থানে গিয়ে বিঁধল, বাড়ির সকলেই গাড়ি চাপার স্বপ্নে বিভোর হয়ে গেল। বড় ছেলে ডাইভিং শেখার প্লান করছে, কল্যাণী মাসিক তেল-

জলের হিসেব করতে ব্যস্ত। মহিপাল বললে রূপরতনের প্রকাশন বিভাগে দিনে ছ'ঘণ্টা কাজ করার বদলে সে গাড়ির খরচটা অ্যালাউন্স হিসেবে আদায় করে নেবে। ব্যাস, সব হিসেব কিতেব পাকা, আর কিছু ভাবতে হবে না। ছেলেমেয়েরা বায়নাকা আরম্ভ করলে কিন্তু শকুন্তলার বিয়ের আগে গাড়ি চাপার কথাটা কল্যাণীর মনঃপুত হল না। বরপক্ষের দেনা-পাওনার ফিরিস্তির অঙ্কে যোগের সংখ্যা বাড়ার ভয়ে সুদাই মাথার ওপর খাঁড়া উঁচিয়ে আছে। মহিপালের উৎসাহে ভাঁটা পড়ল, ভেবেচিন্তে, একা রিক্শা করে যাওয়াই ঠিক করলে। নেশার ঘোরে মনে হল যেন হজরতগঞ্জের সমস্ত সাক্ষ্য বৈভবের সে একাই মালিক, সবটাই তার নিজস্ব সম্পত্তি। প্লাজা সিনেমা আর তার লম্বা ছাদের ওপারে প্রিন্স সিনেমা পর্যন্ত অসংখ্য নরনারীর অবাধ গতিবিধি চলেছে, সুন্দর সাজানো দোকানের বারান্দায় সাজগোজ করা মেয়েদের ভিড়, বাস, কার, সাইকেল আর রিক্শার লাইন যেন তার নেশার আবেশে বুজে আসা চোখে এক অপূর্ব মায়ালোকের সৃষ্টি করেছে। এক পানের দোকানে দাঁড়িয়ে ভালো বাঙলা পানের ফরমাশ করলে, সিগারেটের প্যাকেট আর দেশলাই কিনে পকেটে রাখলে, দোকানের আয়নায় নিজের ত্রিমুখখানা ভালোভাবে দেখে নিয়ে এক খালি রিক্শাকে আওয়াজ দিয়ে ডাকলে। রিক্শা-ওয়ালা থমকে গিয়ে এক নজর মহিপালকে দেখে এগিয়ে গেল। মহিপালের অহংবৃত্তি আহত হল। রিক্শাওয়ালাকে ধরে চাবুক পেটা করবার ইচ্ছে তার মনে জেগে উঠল। নেশার ঘোরে পায়ে হাঁটা কষ্টকর, তাছাড়া মহান সাহিত্যিকের পক্ষে অপমান-জনকও। একজন মামুলী রিক্শাওয়ালার হাতে অপমানিত হয়ে

তার উত্তেজনার টিমটিমে লঠন যেন আবার তেল পেয়ে দপ করে জ্বলে উঠেছে। এখুনি ছুটে গিয়ে রূপরতনের মোটরটা কিনে ফেললে কেমন হয়? ফলের দোকান পর্যন্ত যেতে সামনেই এক খালি রিক্শা দেখতে পেয়ে হাঁক দিলে— খালি আছে, খালি? না বাবু। সওয়ারী হওয়ার ইচ্ছা তীব্র হয়ে উঠল। রিক্শাওয়ালাকে ধরে বেশ ছুঁঘা দেবার কথা মনে এল, কিন্তু সেটা করা যে অণ্ডায় সে বিষয় তার জ্ঞান বেশ টনটনে আছে। এদিক-সেদিক সময় কাটিয়ে ঘোরার প্রোগ্রাম মাঝপথেই স্থগিত হয়ে গেল। এখন তার সামনে একই উদ্দেশ্য— রূপরতনের গাড়িটা কিনতেই হবে

গায়ের কাপড় জড়িয়ে আধশোয়া অবস্থায় মহিপাল টাঙ্গায় বসে আছে। তার পাশ দিয়ে গাড়ি হুশ হুশ করে বেরিয়ে যাচ্ছে কিন্তু তাদের দেখে আর সে উত্তেজিত হয়ে উঠছে না— তারা আজ সকলেই তার বড় আপন— পরমআত্মীয়র মত মনে হচ্ছে। এই রাস্তায় একদিন গাড়ির মেলার মধ্যে তার গাড়িও ভিড় চিরে এঁকেবেঁকে সরীসৃপের মতই ছুটে যাবে। ওই যে সামনে ছোট একটি গাড়িতে দুজনে বসে মনের আনন্দে, হ্যাঁ, স্বামী স্ত্রী দুজনে যাচ্ছে, তাদের মত একদিন সেও কল্যাণীকে পাশে বসিয়ে... না না, তাকে সঙ্গে নিয়ে বেড়াতে যাওয়ার কোন মানেই হয় না, আনন্দের জায়গায় নিরানন্দ। একেবারে সেকলে ব্যাপার। তার পাশে শীলার মত স্ত্রী শোভা পায়, শীলার কথা মনে হতেই যেন তার চোখ জ্বালা করতে লাগল। শীলার কোন অপরাধ হয়নি, বরং সেদিন সজ্জনের বাড়িতে সে কতই-না মিনতি করেছিল। তার সঙ্গে সম্বন্ধ বিচ্ছেদ করাটা খুব অণ্ডায় হয়েছে।

শীলার সঙ্গে সম্বন্ধের সঙ্গে তার মনের কোণে লুকিয়ে থাকা আশঙ্কা  
 যেন মাথা চাড়া দিয়ে উঠল, তাহলে সকলে বলবে এসব বৈভব  
 শীলার দেওয়া— তার দান। মহিপাল বিচলিত হয়ে উঠল।  
 রূপরতনের সঙ্গে কাজ করলে তাকে কেউ দোষী ঠাওরাবে না,  
 তার অর্জিত বৈভবকে কেউ শঙ্কার চোখে দেখবে না। পৃথিবীতে  
 অনেকেই, ব্যবহারিক জীবনে, এ ধরনের আর্থিক গাঁটছড়া বেঁধে  
 কাজ চালায় কিন্তু মেয়েমানুষের পয়সায় মজা মারার প্রবৃত্তি  
 তার নেই। এই ভেবেই সে শীলাকে দূরে সরিয়ে রাখতে চায়।  
 টাঙ্গা শান্ত রাস্তায় ছুটে চলেছে। শীলার প্রসঙ্গ মনে হওয়ার  
 সঙ্গেই যেন মহিপালের মৃগ বিবেকবুদ্ধি আবার ধারালো হয়ে  
 উঠল, প্রেমের চেয়ে লৌকিক বৈভবকে প্রাধান্য দেওয়া কি উচিত ?  
 এটা অশ্রুয় নয় ? বাড়ি গাড়ি চাকরবাকর আর নানা আর্থিক  
 বৈভবের মাঝে শারীরিক সুখ আর ঠাটবাট নিশ্চয় আছে তবে  
 জীবনের মহত্তম আদর্শের মূল্য সে-সবের চেয়ে অনেক বেশী।  
 নিজের যৌবনে মহিপাল অনেকবার আদর্শের জগ্ন আর্থিক বৈভবকে  
 এক কথায় লাখি মেরেছে। আদর্শের জগ্নই সে মামার বাড়ি  
 ছেড়ে চলে এসেছিল। রূপরতনের সঙ্গে বন্ধুত্ব রইল না, ভাইয়ের  
 বিয়েতে দেনা-পাওনার কথা তোলেনি, ভাইয়ের উন্নতির জগ্নে  
 কল্যাণীর গায়ের গহনা খুলে বেচে দিতেও সে আপত্তি করেনি।  
 সেই মহিপাল আজ নিজের আদর্শ ত্যাগ করছে সেই আর্থিক  
 বৈভবের মোহে অন্ধ হয়ে ? তার এতদিনের সঞ্চিত বিত্ত আজ  
 এত খেলো হয়ে বিকিয়ে যাবে ? আজ প্রায় মাসখানেকের  
 ওপর হল সে এক অঙ্কর লিখতে পারেনি। কেবল নিজের  
 আশেপাশে, সারা বাড়িতে দামী জিনিস সাজিয়ে, সারাদিন লক্ষীর

অর্চনায় কাটিয়েছে। তার উপন্যাস যেটা আরম্ভ করার সময় সে ভেবেছিল এইটেই হবে তার অনুপম রচনা, আজ অসম্পূর্ণ ভাবে পড়ে আছে। কতবার ভেবেছে যে সে এবার লিখতে বসবে, কিন্তু লেখার নামেই তার কল্পনাশক্তি যেন তুলোর মতই বাতাসের সঙ্গে উড়ে চারিদিকে ছড়িয়ে গেছে। কিছুদিন থেকে তার এই মানসিক পরিস্থিতি চলছে, আর অন্তরিকে সজ্জন ক্রমশ উন্নতির পথে অগ্রসর হয়ে চলেছে। হালে সজ্জনের সুখ্যাতি চতুর্দিকে সুগন্ধের মত ছড়িয়ে পড়েছে, সে তার তুলনায় কিছুই নয়। মহিপাল তাকে ঈর্ষা করে কিন্তু মনের এই বিকার ভাঙি ছাড়া আর কি! প্রগতিশীল সমাজে ঈর্ষাশ্রু বিরোধকে কেউ প্রাধান্য দিতে রাজী নয়। সে সজ্জনের সামাজিক আন্দোলনের বিরুদ্ধে যা বিষ বমন করেছে তাতে তর্কের অবকাশ আছে তবু সেটা অনুচিত।

মহিপালের মনে চিন্তার মিছিল চলেছে। মহিপাল লিখেছে এ ধরনের সামাজিক ব্যাভিচারের উদ্ঘাটন করলেই সমাজের আর্বজনার ওপর ঢাকা ওড়না এক লহমায় উড়ে যাবে, সবার সামনে বেরিয়ে আসবে তার বিকৃত রূপ। মহিপাল ভালোভাবেই জানে এ সময় সমাজকল্যাণকর কাজে সজ্জন এগিয়ে এসেছে বাবাজীর প্রেরণায়। কন্যা তার সৃজনশক্তির সাহায্যে সজ্জনের অপূর্ণ জীবনকে পূর্ণতা প্রদান করেছে। আজ সজ্জনের প্রত্যেক কথার মধ্যে আদর্শের প্রতি দৃঢ় আস্থারই আভাস সে পেয়েছে। যেখানে কোন আদর্শকে দৃঢ়নিশ্চয়ভাবে মেনে চলা হয় সেখানে বিধ্বংসকারী প্রবৃত্তির মাথা তোলার প্রশ্নই ওঠে না। মহিপালের আত্মসচেতন মন আত্মপ্রানিতে ভরে উঠল। সে কোন্



পথের পথিক ? সে দিগ্‌ভ্রাস্ত্রের মত দিশেহারা কেন ?  
চোখের সামনে অন্ধকার, হে ভগবান ! বর্তমান পরিবর্তনশীল  
দেশ, কাল আর সমাজ কি চায় ? মোটরের মালিক মহিপালকে,  
না লেখক মহিপাল শুক্লাকে ? গোঁসাই তুলসীদাস যদি এই মায়া-  
মোহের চক্রে ফেঁসে যেতেন তাহলে আজ তাঁকে শ্রদ্ধা অর্ঘ্য কে  
দিত ? আকবর বাদশাহর মনসবদারী পেয়েও তুলসী কোপীনের  
কথাই বার বার উচ্চারণ করে গেছেন । মহিপাল তার জীবনের  
দুর্বল মুহূর্তে, দুঃখ আর অক্ষমতার জ্বালায় এই লাইনটির কথাই  
ভেবেছে । তার জীবনের কঠিন পরিস্থিতির মধ্যে সে ফিরে পেয়েছে  
তার হারিয়ে যাওয়া আত্মবল—

তিন গাঁঠ কোপীন মে বিনভী বিন লোন ।

তুলসী মন সন্তোষ যো ইন্দ্র বাপুরো কোন ॥

দীর্ঘশ্বাস ছেড়ে মহিপাল স্বগত স্বরে ছ'লাইন আওড়ালে । তার  
সুখান্বেষী মন আজ ক্লান্ত, তার বিগত জীবনের এই স্মৃতিটুকু  
কেবল শোকপ্রস্রাবের মতই যেন তার মুখ থেকে উচ্চারিত হচ্ছে ।  
তুলসীদাস অক্ষরে অক্ষরে সত্য বলে গেছেন, বহির্জগতের প্রভুত্ব ও  
আধিপত্যের জ্বালে জড়িয়ে পড়া মন তার অন্তরের মধুছন্দের  
মধুরতাকে অনুভব করতে পারে না । নিজের কর্তৃত্বের জাল  
প্রাণপণে বুনে যাচ্ছে, সে জ্বালে জড়িয়ে পড়ছে কে ? ফট করে  
তার ব্যাঙ্কের খাতায় জমা আটত্রিশ হাজার টাকার কথা মনে এল ।  
সে রূপরতনের সঙ্গে মোটর কেনার কথা পাকা করতে যাচ্ছিল,  
ড্যাম সমাজ, ড্যাম সিদ্ধান্ত ! ধার করে ঘি খাও । সব সিদ্ধান্তের  
মধ্যে চার্বাকের এই সিদ্ধান্তই সর্বশ্রেষ্ঠ ।

তার পঙ্গু দেহমন যেন জবাব দিয়ে দিয়েছে, সে আর হাঁটতে

পারবে না। এবার একটা গাড়ি না হলে সে অচল হয়ে যাবে। তার ছোট একটা গাড়ি না হলে সে অচল হয়ে যাবে। তার ছোট একটা বাংলা মত বাড়িও চাই। এই বৈভবপূর্ণ পৃথিবীতে তার সব-কিছু লাগবে— তিন গাঁট কৌপীন বেঁধে অমরত্ব পাবার মত নির্লোভ মন চাই-ই-না। যুক্তিবাদী লেখক মহিপাল শুক্রার বিবেকবুদ্ধির আজ মৃত্যু হল। মহিপাল আজ মৃত, ভাবতেই তার মন বোবা কান্নায় ভেঙে পড়ল।

উতরাইতে নেমে ডান দিকে টাঙ্গা রূপরতনের বাড়ির গেটে ঢুকল।

## সাতচল্লিশ

জেঠীর বাড়িতে রাধামাধবের বিয়ের ধুমধাম। বাবা রামজীর কৃষ্ণ ভগবান বর সেজে জেঠীর বাড়ির ছাদনাতলায় দাঁড়াতে আসছেন! গলিতে গলিতে পাড়ায় পাড়ায় এই নতুন উৎসব আয়োজনের মুখরোচক রসালাপ হচ্ছে। মিইয়ে পড়া পাড়ায় যেন নতুন স্মৃতি দেখা দিয়েছে। এ খবরও ছড়িয়ে পড়েছে যে জেঠী প্রায় পঞ্চাশ হাজার টাকা খরচ করছেন। ময়লা ছেঁড়া কাপড় পরা, সদাই মুখ ব্যাজার করা জেঠী, যার আশেপাশে গালাগালি, অভিশম্পাত আর জাদুমন্ত্রের পেটরার মায়াজাল ছড়িয়ে আছে, তিনি পঞ্চাশ হাজারের সম্পত্তি খোলামকুচির মত খরচ করছেন শুনে অনেক

লোভী মনের প্যালপিটেশন হঠাৎ বেড়ে গেছে। কেমন ভাবে, কি বাহানায় কিছু টাকা হস্তগত করে নেওয়া যেতে পারে, এর স্বীম তৈরী হতে লাগল। সেখানে কিন্তু কারুরই কোন চাল সফল হল না, টাকাপয়সার সব ব্যবস্থা সজ্জনের মুঠোয়। ভেতরের কাজকর্ম সব জেঠী আর তাঁর সমবয়স্কা ছ'তিনজন বৃদ্ধা মহিলা মিলে সামলাচ্ছেন; কন্যা, তারা আর ছোটর রান্নাঘরের আর ভাঁড়ারের কাজে হাত দেওয়া বারণ, কেননা তারা ম্লেচ্ছ, তবু হিসেব কিতেব, জিনিসের তদারক করার ভার জেঠী কন্যাকেই দিয়েছেন।

জেঠীর পূর্বপুরুষের বসতবাড়ি আজ কাজকর্মে মুখর হয়ে উঠেছে। ভিয়েন বসেছে, ময়রা মণ মণ মিষ্টি তৈরী করে পরাতে রাখছে। বরযাত্রীদের নমস্কারী দেওয়া ঠিক হয়েছে, ধুতির থানের পর থান কাপড়ের দোকান থেকে এসে ভাঁড়ার ঘরে ডাঁই করে রাখার ব্যবস্থা, কন্যার হাতে ভাঁড়ারের চাবি, জিনিসপত্রের যথাস্থানে রেখে তাল্লা বন্ধ করে চাবি জেঠীর হাতে দেওয়ার আদেশ হয়েছে। জেঠী তাঁর সমস্ত আত্মীয়স্বজনকে ঝাঁটিয়ে নিমন্ত্রণ করে ডেকে পাঠিয়েছেন। তাঁর সতীনের বাড়িও লোক পাঠিয়েছেন। রাজাসায়েব কন্যাদান করবেন, জেঠী সজ্জনের মারফত প্রস্তাবটা পাঠালেন। তার উত্তরে রাজাসায়েব বলে পাঠিয়েছেন যে তিনি আর সাংসারিক মায়ামোহে জড়িয়ে পড়তে চান না, তিনি যেহেতু মায়ামোহ ত্যাগ করেছেন অতএব লৌকিক কাজকর্মে যোগদান করা তাঁর পক্ষে সম্ভব নয়। জেঠী নিজে রাখার বিয়ে দিতে চান, তাঁর অনেক দিনের মনের সাধ। যদি আজ তাঁর নিজের পেটের মেয়ে বেঁচে থাকত তাহলে তিনি রাজাসায়েবের নামে কন্যাদান

করতেন। নিজের মেয়ে নাইবা হল, রাখাও তো মেয়েরই মতো। ভুবনমোহিনী মহামায়াকে কণ্ঠা ভেবে দান করার মত বড় পুণ্য আর কি আছে? কিন্তু রাজাসাহেব তাঁর প্রস্তাবে কান দিলেন না। স্বামী বিনে একা স্ত্রী কণ্ঠদান করবে কি করে, শাস্ত্রীয় নিয়মে বাঁধা জেঠী ফৌস করে উঠলেন—না আশুকগে যাক ব্যাটা, আমার কোন কাজে কি আসবে? আমার কপাল জোরে আজ পায়ের ওপর পা দিয়ে বসে খাচ্ছে, কোটিপতি হয়েছে, আমার সতীন আবাগীর কথা কানে তুলে আমায় এমন এমন দুঃখ দিচ্ছে, আমার মত সতীর অভিসম্পাতে... হঠাৎ জেঠীর গলায় যেন গুলির মত কিছু আটকে গেল—ভয়ংকর অভিসম্পাত দিতে গিয়ে ক্রোধের আবেশে উত্তেজিত জেঠীর চোখে জল গড়িয়ে পড়ল, আঁচলে চোখ মুছতে মুছতে তিনি কাজকর্মে ব্যস্ত হয়ে পড়লেন।

ইদানীং রাজাসাহেব তাঁর নিজের প্রস্তর মূর্তি তৈরী করাচ্ছেন। সাদা ছুধের মত মারবেল পাথরের ডাঁই বাগানের একপাশে রাখা আছে, বাগানের মধ্যখানের ফোয়ারা ভেঙে সেখানে উঁচু বিরাট বেদীর মত তৈরী করা হবে, তার আশেপাশে চার কোণে চারটে থাম থাকবে। রাজাসাহেবের আন্তরিক ইচ্ছে এই বেদীর ওপর তাঁর অস্তোষ্টিক্রিয়া সম্পন্ন করা হোক।—এরপর এই জায়গায় মারবেলের গম্বুজাকার মণ্ডপ তৈরী হয়ে সেখানে রাজাসাহেবের মূর্তি প্রতিষ্ঠিত হবে। সব নকশা তৈরী হয়ে গেছে। রাজাসাহেবের উইলো তার খরচ-খরচা বাবদ হিসেব কিতেবও লেখা হয়ে গেছে। পার্থিব দেহ থেকে প্রকৃতির বন্ধন খোলার পরও নিজের মহিমাকে অমর করে যাওয়ার অনলস প্রয়াস। পরপারে যাওয়ার সময়ও তিনি সর্বসাধারণের শ্মশানঘাটে যেতে নারাজ, তাই এই বিশেষ ব্যবস্থা।

আশীর্বাদের দিন অনেক লোকজন, চারিদিকে জমজমাট। লাল মুকুন্দীমলের বাড়ির পাশে উচু খোলা জায়গায় আয়োজন করা হয়েছে। জেঠীর বিশেষ আগ্রহ তাঁর সতীনের নাতির আশীর্বাদের ঘটার চেয়ে যেন কোন মাত্রায় কম না হয়, বরং এককাঠি বেশী ঘটা হওয়া উচিত। সজ্জন নিজে দাঁড়িয়ে থেকে সাজসজ্জার ব্যবস্থা করিয়েছে। উচু জায়গার চারিদিকে চাটাই দিয়ে ঘেরা। দক্ষিণ ভারতের মন্দিরের গোপুরম স্টাইলের তিনটে ফাটক তৈরী করা হয়েছে। ভেতরের সাজসজ্জা দেখলে চক্ষুস্থির, ভগবানের মণ্ডপ দেখলে মনে হচ্ছে যেন সম্পূর্ণ ব্রজমণ্ডপ উঠিয়ে এখানে বসিয়ে দেওয়া হয়েছে। এক পাশে বৃন্দাবনের মন্দির আর ঘাটের মডেল, তার পাশেই প্রাচীন মথুরার মডেল রাখা। অন্য পাশে গোকুল, নন্দগাঁ আর বরসানা দেখানো হয়েছে। এর পেছনেই গোবর্ধন পর্বত, তাতে কোথাও বা মানসী গঙ্গা, কোথাও রাধাকুণ্ড, কোথাও কুশুম সরোবরের দৃশ্য। মাঝখানে গোবর্ধনের ওপর বিরাট উচু সুন্দর মণ্ডপ তৈরী করে তার মধ্যে শ্রীকৃষ্ণ ভগবান প্রতিষ্ঠিত করানো হয়েছে। আচার্য শ্রীধর মহাপাত্র সজ্জনকে রাজী করিয়ে রাধাকৃষ্ণের স্বর্ণপ্রতিমা গড়িয়েছেন। কৃষ্ণ ভগবান এখানে বিরাজমান, রাধা জেঠীর বাড়িতে। ইলেকট্রিকের আলোয় পঞ্চম মেলে ময়ূরের নাচ, হরিণ, বাঁদর, মাঠে চরছে গোকুর দল, মথুরা বৃন্দাবনের আশপাশ দিয়ে যমুনার কলকলানি, পাহাড় থেকে ঝরনার দৃশ্য সত্যিই মনোরম।

ঝাঁকি দেখতে হাজার হাজার লোক ভিড় করে ফেলল। আশীর্বাদ সমারোহের পর অখণ্ড কীর্তন আরম্ভ হল। শহরের ছোট বড় সব কীর্তনমণ্ডলীরাই আজ এখানে আমন্ত্রিত। ভিড়ের ঠেলায় চারদেওয়ারীর রক্ষার জন্য পুলিশের সাহায্য নিতে হল।

বাবাজী বেয়াই সেজে বসে আছেন, তাঁর সঙ্গে ঘাটের পাণ্ডা, গোমতীর ধারে যারা বসে অনেক অন্ধ, বুলো, ফকীর, বৈরাগী, সন্ন্যাসী-মগ্ন হয়ে বসে পান চিবুচ্ছে, সবাই আজ একদিনের রাজত্বে রাজা। সকলের কপালে কেসরিয়া চন্দন, গলায় ফুলের মালা। জেঠীর বাড়ি থেকে আশীর্বাদের তত্ত্ব-এল— তিরিশ খালা মিষ্টি, দশ খালা শুকনো মেওয়া, দশটা খালে ফল সাজানো, বরের জন্ত জড়োয়া হার আর আংটি, কাপড় আর এক হাজার নগদ। ভগবানের আশীর্বাদ-সমারোহ সম্পন্ন হল।

এবার বিবাহের তোড়জোড়, মেয়েপক্ষ থেকে মৌলীতে (লাল সূতোর পৈতের মত) বাঁধা, 'লগ্নের' সঙ্গে পান, মিষ্টি ফল আর নগদও এল। এবার গায়েহলুদের পালা, বরকনের গায়ে তেল-হলুদ হল। বিয়ের দিন লোক গিজগিজ করছে— দূর দূর পর্যন্ত মানুষের মাথা ছাড়া আর কিছু দেখার উপায় নেই। জেঠীর বাড়িতে ঢোকা মুশকিল, সূচ রাখার জায়গা নেই। পুলিশ ব্যাণ্ড, সানাই, মিলিটারী ব্যাণ্ড, নানা দৃশ্য দিয়ে সাজানো কাঠের তখতা, কোনটায় গঙ্গা, কোনটায় যশোদার দরজায় কৃষ্ণ-দর্শনের লালসায় শিব দাঁড়িয়ে, কোনটায় মাখনচুরির লীলা, প্রত্যেকটি দৃশ্য নয়নাভিরাম। মথুরা থেকে কারিগর ডাকিয়ে এসব দৃশ্য তৈরী করানো হয়েছে। হংস-বিমান আকারে আলো দিয়ে সাজানো মোটর গাড়িতে বর আসছেন। একটু দূরে দূরে লোকেরা ভগবানের আরতির সঙ্গে জেঠীর যশোগানও গাইছে। গলিতে ঢুকে ভগবান মোটর থেকে নেমে গঙ্গা-যমুনা তাঞ্জামের ওপর বসলেন, অনেক বাড়ির দোতলা তিনতলা থেকে পুষ্পবৃষ্টি হল। এ গলিতে এমন বিয়ে এর আগে কেউ কখনো দেখেনি, সকলের চোখ জুড়িয়ে যাচ্ছে।

জেঠীর বাড়িতে এত সোরগোল যে কানের পর্দা ফেটে যাবার জোগাড়। মেয়েরা এখার ওখার ছুটোছুটি করে কাজ করছে, এদের মধ্যে গোকুলদ্বারের দাড়িওয়ালা কীর্তনীয়া, ভিতরীয়াজীকেও দেখা যাচ্ছে। তিনি মেয়েদের মাঝখানে হাত-পা মটকে, চোখ নাচিয়ে ঘুরে বেড়াচ্ছেন। কণ্ঠা, তারা আর ছোট বউ সকলেই ব্যস্ত। জেঠীর বুড়ো শুকনো হাড়ে যেন হঠাৎ বিশ্বব্রহ্মাণ্ডের শক্তি দেখা দিয়েছে, বড় বড় ভারী পরাত হাতে নিয়ে তিনি জাহুর কাঠির মত ঘণ্টার কাজ মিনিটে সারছেন। জেঠী ঠাকুরঘরের আলসেতে রাখা চাক্সারী নামাতে গেলেন, ওমনি পাশের আলসে থেকে বেড়াল জাফ মারতেই তিনি মুখ বিকৃতি করলেন— আ মলো যা, তুই এখানে বন্ধ হয়েছিলি ?

জেঠীর কিশনচাঁদ কোন্ ফাঁকে ঠাকুরঘরে বন্ধ হয়ে গিয়েছিল। মুক্তির আনন্দে জেঠীর পায়ে মাথা ঘষে মিউ মিউ করে তাঁর পোষ্যপুত্র কিশান তাঁকে কৃতজ্ঞতা জানাচ্ছে। এক পা বাড়ানো জেঠীর মুশকিল হয়ে গেল, কেবল পায়ে পায়ে জড়িয়ে পড়ছে। চাক্সারী নিয়ে চৌকাঠ পেরুতেই তাঁর শ্রাওটা কিশনচাঁদ মিউ মিউ করে বেরিয়ে এল। সামনেই ভিতরীয়াজীকে দেখে জেঠী বললেন— এই ভিতরীয়াজী, একটু দুধ চেয়ে নিয়ে এসো তো। এ ব্যাটা কিশুন আমার পেছু ছাড়বে না। কাজকর্মের সময়... মর মর। আরে এখন পর্যন্ত আনলে না কেউ।

কীর্তনীয়া জেঠীর দেওয়া ধপধপে সাদা ধুতি আর বগলবন্দী পরে ধড়মড় করে এসে উপস্থিত হলেন। বড় বড় চোখে কিশুনকে দেখে, ভক্তিসিক্তে ডুব দিতে দিতে বললেন— আরে জেঠী, তোমার কিশান কানাই একেবারে ষোলো আনা সাজা।

আজ আমার ভাগ্য ভালো যে যশোদা আর ভগবানের দর্শন একসঙ্গেই হয়ে গেল। ভক্তির আবেশে কীর্তনীয়া সোজা জেঠীর পায়ে গড় হয়ে প্রণাম করতে গিয়ে প্রায় মাটির সঙ্গে মিশিয়ে যাচ্ছেন দেখে জেঠী চোখ পাকিয়ে বললেন— আ মলো যা মিলে। ...কীর্তনীয়া, ঠিক কাজের সময় তোমার ভক্তিভাব দেখা দিয়েছে কেন? মেয়ের বিয়ে দিতে বসে আচ্ছা মুশকিলে পড়েছি যা হোক, সরো সামনে থেকে। নাও, একে কোলে করে এখানে বসে থাকো, দুধ এলে খাইয়ে দিয়ো।

বিবাহবাসরে পাড়ার অনেক প্রতিষ্ঠিত ব্যক্তি বসে আছেন, পণ্ডিত শিবনাথ শাস্ত্রী, লালো মুকুন্দীমল, বাবুগুলাবচন্দ, লালে দালাল, ভভুতি স্মাকরা, বর্মা, রাধেশ্যাম, লালো জানকীসরণ, মহিপাল, কর্নেল, শেঠ রূপরতন, জেঠীর সতীনের বড় ছেলে গিরিধর দাস ইত্যাদি। গিরিধর দাসের নজর বাবা রামজীর দিকে। তিনি লোকমুখে খবর পেয়েছেন যে সাধু কুড়ি হাজার টাকা পেয়েছে, সেই শুনে পর্যন্ত সাধুর দিকে তাকালেই ঘেন্নায় তাঁর চেহারাটা কুঁচকে যাচ্ছে।

—জানকীসরণ, চেনো নাকি সাধুটিকে?

—পাগলছাগলের চিকিৎসা করেন।

—কুড়ি হাজার টাকা নিয়ে কি করবে?

লালো জানকীসরণ মুচকি হেসে উত্তর দিলেন— বুড়ো বয়সে বাবাজীর কপাল খুলে গেছে, এবার কোপীন ছেড়ে রেশমি গেরুয়া ধরবেন, মঠ তৈরী করাবেন, মনের আনন্দে মালপো খাবেন— কি বলো? তোমার গায়ে ফোঙ্কা পড়ছে বুঝি?

লালো গিরিধর দাস লজ্জা পেয়ে মাথা হেঁট করলেন, হু'মিনিট



চুপ করে থেকে বললেন— কতবার বাবাকে বলেছি বড়মার হাত-খরচা কমিয়ে দিতে, গোটা তিরিশ টাকার বেশী ওর দরকারটাই...

—আরে, সে তো বাড়ি ভাড়াতেই উঠে আসে। লালী জানকী-সরণ মস্তব্য করলেন।

—বাবা শোনেন না তা আমি আর কি করব? এই দেখুন-না, জলের মত আমাদের টাকা খরচ হচ্ছে। কথায় আছে না যে যার ধন তার ধন নয় নেপোয় মারে দই— দুনিয়ার লোক এসে সব মজা মারছে। এসব ওই সজ্জনের কারসাজী, বড়মাকে বশ করে নিয়েছে। হতাশভাবে দীর্ঘশ্বাস ফেলে জনসমাগমের দিকে শূণ্য দৃষ্টিতে তাকালেন লালী গিরিধর দাস।

জানকীসরণ বললেন— পাড়ার লোকেরা যেদিন এই ছোড়ার ঘরে হামলা করেছিল সেদিন দেখতে জেঠীর ভয়ংকর মূর্তি, জলন্ত উলুনের কাঠ নিয়ে সকলকে মারতে ছুটেছিলেন। সকলকে মন্ত্রের জোরে ফুঁ মেরে উড়িয়ে দেবার ব্যবস্থাও করেছিলেন... আমি বলি কি, এই সজ্জন তোমার বড়মার বাড়িঘর সব হাতিয়ে নেবে মনে হচ্ছে।

—আরে, এর অবস্থা আজকাল আর আগের মত নেই। জমিদারি চলে গেল, বিজনেস করতে পারে না, আর্টিস্ট মানুষ কিনা? সাড়ে তিন লক্ষের সম্পত্তি আছে, তারই ভাড়া খাচ্ছে। তাছাড়া কিছু নগদ, গয়নাগাঁটি, কিছু কিউরিও জিনিস। সব মিলিয়ে এখন ছ'সাত লক্ষের মালিক। আমাদের বসতবাড়ির দিকে চোখ দিলেই কুড়ি-পঁচিশটা মোকদ্দমায় ফাঁসিয়ে দেব, দশ বছরের মধ্যে সোনার টাঁদ ফুটপাথে বসে কিউরিওর জিনিস বেচবেন। গিরিধর দাসের চোখে প্রতিশোধের আগুন জ্বলে উঠল।

জানকীসরণ বললেন— না ভাই, এতদূর পর্যন্ত জল গড়াবে না। ছেলেটি এমনিতে আসল মাল, আজকাল নেতা হয়েছে, চার দিনেই পাওয়ারফুল হয়ে যাবে। তোমার বসতবাড়ির দিকে নজর দেওয়ার মত মন ওর নয়।

—আরে, তাকাবে নিশ্চয়, ওর স্ত্রী এখানে স্কুল খুলেছে। আপনাদের সকলের মুখে চুনকালি দিয়ে একজিভিশনও করেছিল। এখন এই বাবাজীর ফাঁদে ফেলেছে। দেখে নেবেন, এই মুখমিষ্টি লোকটি এখানে বসে বসে সকলকে বেইজ্জত করে তবে ছাড়বে।

মহিপাল আর কর্নেল, একটু দূরে বসে কথায় মশগুল আছে। মহিপাল রূপরতনের ছোট মোটর কিনে ফেলেছে। আজ প্রথম সে নিজের গাড়ি করে এসেছে। মহিপাল আর কর্নেল সেই নিয়ে আলোচনা করছে। সজ্জন কাজকর্মের মধ্যে ডুবে আছে।

কনেকে বিদায় করার সময়, গাঁটছড়া বেঁধে বরবউ বিদেয় হবে। মেয়েরা গান গাইছে। ধুমধামে ভরা বিবাহের হট্টগোলে ব্যস্ত জেঠী যেন স্তব্ধ হয়ে গেলেন। রাধার মূর্তি উঠিয়ে হাতে নিলেন, মেয়ে আজ মায়ের আঁচল ছেড়ে যাচ্ছে— ছোট মেয়ে— যাচ্ছে— যা— জেঠী মূর্তিটিকে বুকে চেপে ধরতেই মূর্ছিত হয়ে পড়ে গেলেন। কোলাহল শুরু হয়ে গেল— জল পাখা নিয়ে ছুটোছুটি। বাবাজী, কণ্ঠা, সজ্জন জেঠীর সেবা করছে। জেঠীর হাঁশ ফিরে এল, হাড়কথানায় জোর দিয়ে উঠে বসলেন। বাইরে বিশেষ ব্যবস্থা করা হয়েছে, রথে বরবধূর সিংহাসন রাখা হল। শাঁখ ঘণ্টা করতাল বেজে উঠল, রাধাকৃষ্ণের জয় শব্দে গলির বাতাস গম-গমিয়ে উঠল। আজ বোন পরের বাড়ি যাচ্ছে তাই যাবার আগে ভাইদের রূপালে ফোঁটা দিয়ে যাবার ব্যবস্থা জেঠী করেছেন।

সব থেকে আগে জেঠীর পুরুতমশাইকে দিয়ে সজ্জনের কপালে  
কোঁটা দেওয়ালেন, তারপর নিজের কিছু আত্মীয়স্বজনদের। রথ  
চলল। মেয়েদের গান শোনা যাচ্ছে। জেঠী রথের দিকে করুণ  
দৃষ্টিতে চেয়ে আছেন, চোখের কোণে জল চিক চিক করে উঠল  
তার পরেই কান্নার আবেগে ভেঙে পড়ে আবার মূর্ছিত হয়ে  
পড়লেন।

গলিতে সাদা ঘোড়া দিয়ে সাজানো রথে বর-বধু চলেছে, সঙ্গে  
অপার জনতার ভিড়, অপার উৎসাহ, কৌতূহল আর শ্রদ্ধার জোয়ার।

\* \* \*

জেঠীর বাড়ির বিয়ের ধুমধাম সব সময়ের সঙ্গে ফিকে হয়ে  
গেছে। প্রায় কুড়ি-পঁচিশ হাজার টাকার জিনিস জেঠী দিয়েছেন  
বাবাজীকে, সে-সব কর্নেলের কাছে জমা আছে। একদিন জেঠীর  
বাড়িতে বসে বাবা রামজী, সজ্জন, কর্নেল আর কন্যা এই টাকার  
সদ্ব্যবহারের বিষয় পরামর্শ করছে। বিয়ের আগে ঠিক হয়েছিল  
যে জেঠীর কাছে থেকে পাওনা টাকা দিয়ে বাবাজীর আশ্রমের জম্ম  
পাকা বাড়ি তৈরী করে মেয়েদের পাপাচারের হাত থেকে উদ্ধার  
করা হবে, তাদের সুচারুরূপে রক্ষা করার ব্যবস্থা করা হবে।  
কিন্তু এখন বাবাজীর মত পালটে গেছে—আর আমরা শহরের  
মধ্যে থাকতে ইচ্ছুক নই রামজী। আমরা গ্রামে গিয়ে দীনহুখীর  
সেবা করব। আমাদের এমন গ্রামে যাওয়া উচিত যেখানে  
যাতায়াতের ব্যবস্থার অভাবে তাদের কাছে কোন কিছু সাহায্য  
পাঠানো অসম্ভব। আমরা সেখানে রুগীদের, পাগলদের সেবাও  
করব আর এমন স্কুল খুলব যেখানে গ্রামে মেয়েদের শিক্ষা দেওয়া

হবে। সজ্জন বললে— তার মানে আপনি সব স্বীয় ফেল করিয়ে দিতে চান ?

—আমার জন্তে কেন ফেল হবে রামজী ? পয়সার অভাব নেই এখানে, আপনারা নিজেরাই কারুর সাহায্য না নিয়ে সমস্ত ব্যবস্থা চালাতে পারেন। সজ্জন বাবাজীর কথা শুনে গম্ভীর হয়ে গেল।

—আপনার উপদেশমত আমি টাকাপয়সার মোহ থেকে অনেকটা নিজেকে দূরে সরিয়ে এনেছি তবে সমস্ত সম্পত্তি দান করে দেওয়ার মত মনোবল এখনো পাইনি।

—আপনি খুসী মনে কত পর্যন্ত দান করতে পারবেন ?

—তিন লক্ষ।

—কনেল আর কস্তা সজ্জনের মুখের দিকে চাইলে।

—অনেক অনেক। এত দিয়ে আপনারা অনেক কিছু আয়োজন করে ফেলতে পারবেন।

—কিন্তু করবটা কি ? দীনহুঃখীকে বসিয়ে খাওয়ানোর জন্তে তিন লক্ষ ?

—বসিয়ে খাওয়ানো আমাদের সিদ্ধান্তের বিরুদ্ধে রামজী। ডিউটি করে। আর পেট ভরে খাও, এরজন্তে হাত-পা চালাতে হবে।

—এ ধরনের কাজকর্মের ব্যবস্থা করা কঠিন হবে বাবাজী, ক্ষমা করবেন। কর্নেল বিনয়ের সঙ্গে নিজের মতামত জানালেন।

—আরম্ভতে কোন কাজেই হাত দেওয়া সহজ হয় না, অভ্যাসের দ্বারাই ক্রমশ সরল হয়ে যায়।

—সেটা ঠিক বলেছেন বাবাজী, তবে সংসারের অবস্থাও দেখুন, আশ্রম-টাশ্রমে আর কারুর বিশ্বাস নেই। সকলেই সুখের পূজারী। কর্নেল উত্তর দিলে।

—তাহলে আলসে কুঁড়েদের পয়সা দেওয়া যেতে পারে না রামজী। যে কাজ করবে সেই পয়সা পাবে। আপনারা এমনি আশ্রম খুলুন। যদি লোকেদের এ কথা মনঃপুত না হয় তাহলে কো-অপারেটিভ বলুন, কম্পানি নাম দিন—যা হয় নাম দিয়ে চালাতে পারেন। আমরা কাজ চাই, নাম যা হয় হলেই হল। দেখুন, এই মেয়েটি ধীরে ধীরে পাড়ায় কেমন স্কুল জমিয়ে তুলেছে। আপনি এ ধরনের অনেক পাঠশালা খুলে দিন। মেয়েদের, প্রৌঢ়াদের দশ রকমের হাতের কাজ শেখানো আর তাদের হাতের কাজ বাজারে বেচবার ব্যবস্থা করান। আমরা গ্রামেও এই কাজই করব রামজী। নির্ধন জনতার হাতে ধন যাওয়া চাই। শহর আর গ্রাম দু'জায়গায় এই একই প্রকারের অভাব দেখা যায়। এই দুজনের অভাব পূর্ণ করে তাদের সমান আর্থিক স্তরে আনা আমাদের কর্তব্য।

—কিন্তু এখন যেন সব-কিছু অসম্ভব মনে হচ্ছে। কণ্ঠা বললে—শহরে আকর্ষণ আছে, এখানে জনজীবনের দৈনন্দিন আবশ্যকতার তালিকাও অনেক বৃহৎ তাই পয়সার চাহিদাও অনেক বেশী।

—আবশ্যকতার চেয়ে আকর্ষণই বেশী মা। যাক, আমি এ নিয়ে তর্ক করতে চাই না। গ্রামের জন্ম কুড়ি-পঁচিশ হাজার আর শহরের জন্ম তিন লক্ষর ব্যবস্থা হয়েই গেছে। এই তিন লক্ষ দিয়ে যদি আপনারা কুটিরশিল্প আরম্ভ করেন তাহলে শহরের পুরুষেরা বেইমানদের ফাঁসিকাঠে ঝোলার হাত থেকে রেহাই পাবে, আর মেয়েদের নৈতিক স্তর উচু করে দিতে পারলে মস্ত কাজ হয়ে যাবে রামজী। শেষে একটা কথা, যেটা সর্বদাই মনে রাখবে, একবার সংগঠিত হয়ে চললেই সমাজের সবাই তোমাদের পায়ে

পা মিলিয়ে চলতে আরম্ভ করে দেবে। যেদিকে বাতাস বইবে সে দিকে সকলের মুখ আপনা হতেই ঘুরে যাবে।

একান্তে বসে রামজী সজ্জনকে বললেন— আপনার কাছে প্রার্থনা আছে রামজী।

—আজ্ঞা করুন, আপনি আমার গুরু।

—তাহলে দক্ষিণা চাইব?

সজ্জন হকচকিয়ে গেল। বাবাজী তার মাথায় স্নেহভরে হাত বুলিয়ে হেসে বললেন— এইজন্মেই প্রার্থনা করি... পূর্ণ ব্রহ্মচর্য পালন না করতে পারো তবু সংযম রক্ষা করে চলার চেষ্টা করো। নিজে জলভরা মেঘ হয়ে সুনিবিড় বাসনায় টলমলে মন নিয়ে শ্রাবণের ধারার জল আকুল হওয়ার কোন মানে হয় না। জীবনে যে মহোত্তম আদর্শ নিয়ে কাজ আরম্ভ করেছ, তাকে সম্পূর্ণ করার জন্ত শক্তি সঞ্চয় করো। সজ্জন মাথা হেঁট করে বললে— চেষ্টা করব।

—রামজী, খাঁটি সমাজবাদী সর্বদাই পরোপকারের জন্তই প্রাণ-ধারণ করে, পরের জন্ত প্রাণদান করতে প্রস্তুত থাকে।

—এই পথেই সময়ের গতির সঙ্গে পা ফেলে চলব। আপনি সেই পথে আমার বিশ্বাস এনেছেন বলে সজ্জন হেঁট হয়ে বাবাজীকে পরম শ্রদ্ধায় প্রণাম করলে।

## আটচল্লিশ

সজ্জন ক্রমশ ব্যস্ত হয়ে পড়ল। তিন লক্ষ টাকার ট্রাস্ট তৈরী করে দিলে, তার রেজিস্ট্রীও হয়ে গেল। কর্নেল, বনকন্যা, চীফ কোর্টের একজন অবসরপ্রাপ্ত জজ, এক প্রমুখ সরকারী অফিসার আর সজ্জন—এ কয়েকজনে তার মেম্বর। নিজের পরিকল্পনা অনুযায়ী সর্বপ্রথমে সজ্জন সহকারী ব্যাঙ্কের স্থাপনা করলে। তার প্লান হিসেবে শহরের প্রত্যেক ওয়ার্ডে তার নিজস্ব ব্যাঙ্ক হওয়া উচিত, যেখানে স্থানীয় টাকা-পয়সা থাকবে এবং সেখানকার সার্বজনীন কল্যাণের জন্য কেন্দ্র খোলা হবে। সজ্জনের মুনীম মশাই আর একজন অবসরপ্রাপ্ত ম্যানেজার এই কাজে নিযুক্ত হলেন।

যেদিন এই ব্যাঙ্ক স্থাপনার জন্য সজ্জন ওয়ার্ডের ধনী ব্যক্তি, ডাক্তার, উকিল, অধ্যাপক এবং সমাজকল্যাণমূলক কাজের জন্য কর্মঠ কর্মীদের সভা ডাকলে সেদিন থেকেই লাল জ্ঞানকীসরণ খোলাখুলি ভাবে তার বিরোধিতা করতে আরম্ভ করে দিলেন। অন্য কয়েকজন সুদখোর মহাজনও এর বিরুদ্ধে। সহকারী ব্যাঙ্কের সাহায্যে মধ্যবিত্ত শ্রেণীর ব্যক্তির ধারদেনার দায় থেকে মুক্তি পাবে। বর্তমানে শহরের প্রায় শতকরা পঁচাশি জন লোক মহাজনদের কাছে ঋণী হয়ে আছে। বিয়েথাওয়া,

পৈতে, অন্নপ্রাশন, রোগ শোক মানুষের নিশ্বাসের সঙ্গেই জড়িয়ে আছে, এ-সবের জন্য চাই পয়সা। নিম্ন মধ্যবিত্ত লোকেরা ধারের বদলে বন্ধক রাখে সোনা, এইভাবে বেশীর ভাগ বাড়ির সোনাই মহাজনের সেফে চলে যায়, সেখান থেকে আর কোন-দিনই তারা ফেরত পায় না! ঋণের ভারে ভুয়ে পড়া নিম্ন মধ্যবিত্ত পরিবার-কোন গতিকে ক্লান্ত নিরাশ পা টেনে টেনে দিনগত পাপক্ষয় করছে। ঋণের বোঝা, মহাজনের তাগাদা আর জীবনের লোক-লৌকিকতার চক্রে ফেঁসে সমাজের মন-মেজাজ খিঁচড়ে রয়েছে, বেহায়ার মত নালিশ করাই তার হাতের শেষ অস্ত্র। এই ঘানির চকর থেকে সজ্জন তাদের মুক্ত করতে চায়। বনকন্যা সভায় বেশ উত্তেজিত হয়ে ‘গরম স্পীচ’ ঝেড়ে ফেললে, সঙ্গে সঙ্গে শহরের ‘গণ্যমান্য ব্যক্তির’ উঠে চলে গেলেন।

এই সভার দরুন সজ্জনের পরিকল্পনা অনুযায়ী কাজ করা সহজ হল। সে নিজে একজন ধনী সম্ভ্রান্ত ঘরের ছেলে, তিন লক্ষ টাকা দান করেছে অতএব জনসাধারণের মধ্যে তার প্রভাব এখন আগের চেয়ে অনেক বেড়ে গেছে। লেখাপড়া জানা লোকেরা ছোট ছোট সহকারী ব্যাঙ্কের স্থানীয় শাখা খোলার ব্যাপারে বিশেষ উৎসাহী। সজ্জনের ইচ্ছে যে এই ছোট ছোট স্থানীয় শাখাদের একসূত্রে বেঁধে ফেললে বড় উদ্যোগের জ্ঞান প্ল্যান করা যেতে পারে। সরকারের দিক থেকে মহাজনদের ব্যবসা বেআইনি ঘোষিত করে সমস্ত জায়গায় যদি কুটীর উদ্যোগের স্বীকৃতি চালানো হয় তাহলে দুঃখ আর হতাশার মধ্যে বেঁচে থাকা নিম্ন মধ্যবিত্ত শ্রেণীর ব্যক্তির পাবে এক নতুন আশার সন্ধান, নতুনভাবে তাদের জীবনযাত্রা আরম্ভ হবে।



‘ওয়ার্ড সহকারী ব্যাঙ্কের’ আন্দোলন আরম্ভ হয়ে গেল। প্রত্যেক লোককে, যাদের ধার চাই, ব্যাঙ্ক টাকা ধার দিচ্ছে। এর বদলে তাদের দিয়ে কাজ করানো হচ্ছে, এইভাবে সংপথে থেকে সং উপায়ে তাদের ঋণমুক্ত হবার অবসর দেওয়া হচ্ছে, অনেকেই এই নতুন সিদ্ধান্তকে সমর্থন করেছে। এই ব্যাঙ্কের সাহায্যে সজ্জন হ্যাণ্ডলুমের কারখানা, রবারের খেলনা আর বেলুন তৈরীর কারখানা, নতুন ডিজাইনের কাপড় প্রিন্ট করা, চিকনের কাজ ইত্যাদি কাজ আরম্ভ করালো, যাতে এই কাজ যারা জানেন তারা মজুরি পেতে পারে। জেঠীর বসতবাড়িতে বা তাদের নিজের বাড়িতেও মেয়েদের হাতের কাজ শেখাবার ব্যবস্থা করা হল।

প্রত্যেক বৃহস্পতিবার, বাজারের ছুটির দিনে ভারতের ইতিহাস এবং সংস্কৃতির লেকচারের প্ল্যান করা হয়েছে। দু’মাস ধরে সজ্জন আর কল্যাণ দিনরাত ব্যস্ত, খাবার নাইবার সময় করে উঠতে পারছে না। তারা দুজনেই সামাজিক জীবনের সঙ্গে এক বিচিত্র সংঘর্ষের সম্মুখীন হয়ে পড়েছে। সমাজ-কল্যাণ-কাজের বিষয় তাদের প্রত্যেক পরিকল্পনাই যেন উলুনে চড়া আধমেদ্ধ ডালের মত হাঁড়িতে সেদ্ধ হচ্ছে। রাস্তায় বেরলেই ভিড়ের মধ্যে তারা পায় বিচিত্র অত্যর্থনা, নানারকম টীকা টিপ্পনীর সঙ্গে মাখানো দক্ষ হৃদয়ের ভালোবাসা— সে এক অদ্ভুত অনুভূতি। আজ যেন সজ্জন তার মনের করুণার পাত্র জনগণের মধ্যে উপুড় করে দিতে চায়, এর মধ্যে সে পাচ্ছে এক অপূর্ব আনন্দ, এক নতুন উৎসাহ। তার মনে হয় যেন লোকেরা তাকে শ্রদ্ধার নজরে দেখছে, এই করুণার সঙ্গেই তার মনের করুণার পাত্র যেন গলা পর্যন্ত ভরে ওঠে। করুণা চায় প্রতিদান, তাই শ্রদ্ধার ঝরে পড়া ফুল দেখলেই সে

পুলকিত হয়ে উঠছে। কাজ বেড়ে যেতেই সজ্জনের ছেলেমানুষী উৎসাহ আস্তে আস্তে টিমে হয়ে এল। আর যেন তার এ সবেৰ জন্ত সময় বার করাই মুশকিল হচ্ছে।

এদিকে জেঠীর দিন প্রায় ফুরিয়ে এসেছে। মহিপালের ভাগীর বিয়ের সময় প্রায় যায় যায় অবস্থা, সজ্জন বা কন্যা দুজনের মধ্যে একজন তাঁর কাছে বসে থাকা জরুরি হয়ে পড়ল। সজ্জনের ব্যস্ততার বাহানা নিয়ে মহিপাল যেন ফেটে পড়ল। কর্নেলের কাছে নালিশ জানালে যে, সজ্জন কর্নেলের মত বন্ধু হয়ে সাহায্য করতে পারে না, যে মানুষ বন্ধুর সাহায্য করতে পারছে না সে সমাজ-কল্যাণের কাজ কি করে করতে পারে? কল্যাণীর ইচ্ছের বিরুদ্ধে শকুন্তলার বিয়ে রূপরতনের বাড়ি থেকে করার ব্যবস্থা করলে। শেঠ রূপরতন আর লালী জানকীসরণের ইশারা পেয়ে সে সজ্জনের নতুন পরিকল্পনার বিরুদ্ধে ছোট একটি পুস্তিকা লিখে খুব বিষ বমন করলে। সে লিখলে সজ্জন বর্মা আমার অন্তরঙ্গ বন্ধু কিন্তু সার্বজনিক কল্যাণ-কাজে যেখানে সম্পূর্ণ সমাজের ভালো-মন্দের প্রশ্ন, সেখানে তার বিরুদ্ধে জনতাকে সতর্ক করাই আমার পরম ধর্ম। সেটাই সত্যিকারের মানবতার সেবা। সজ্জনের সহকারী ব্যাঙ্ক এক নতুন চাল ছাড়া আর কিছুই নয়, এর সাহায্যে সে হামেশার জন্ত জনতাকে তার গোলাম তৈরী করতে চায়। পুরোনো সুদখোরের দল কেবল আঙুলে গোনা ব্যক্তিদের গিলে ফেলত কিন্তু এই নতুন স্বীমের দ্বারা সজ্জন সম্পূর্ণ সমাজকেই গিলে হজম করে ফেলবে। ভারতীয় সংস্কৃতির বিষয় সজ্জনের জ্ঞান একেবারেই সুপারফ্লুয়াস, মহিপালের কাছেই সে এ বিষয় একটু-আধটু শুনেছে এই পর্যন্ত। এই স্বল্প জ্ঞানের ভাণ্ডার নিয়ে সে

ভারতের শুম্ভ সামাজিক পরম্পরার মূলে কুঠারাঘাত করতে চাইছে। যদি এ সময় সকলে একজোট হয়ে প্রতিবাদ না করা হয় তাহলে কুঠার উদ্যোগরূপী বীজ খুব শীঘ্রই পল্লবিত হয়ে উঠবে। সজ্জনের পরিকল্পনা পুতনাবধের সমানই প্রভাব বিস্তার করবে।

জনতার ভেতরে পুস্তিকা বিতরণ করা হল। লাল জ্ঞানকীসরণের বাড়ির কাছে খোলা উচু জায়গায়, যেখানে কয়েক মাস আগে কৃষ্ণভগবানের ঝাঁকি সাজানো হয়েছিল, আজ সেখানে সার্বজনীন সভার আয়োজন করা হয়েছে, অশ্বদের সঙ্গে মহিপালেরও ভাষণ হল।

মহিপালের এই ব্যবহারে সজ্জন মনে মনে হুঃখ পেলে। তার নিজের মনের আত্মবিশ্লেষণ শক্তি যেন তীক্ষ্ণ হয়ে উঠল। মহিপাল যদিও তর্কের পাহাড় তৈরী করেছে তবু এই পরিকল্পনার মধ্যে তার নিজস্ব ব্যক্তিগত অহং লুকিয়ে নেই তো? যদি তাই হয়, তাহলে তার পরিকল্পনা সাফল্যমণ্ডিত হওয়া অসম্ভব। তার আত্মসচেতন মন দৈনন্দিন দিনলিপির সমানে বিশ্লেষণ করতে লাগল। আত্মাভিমানের মাত্রা তার স্বভাবে বেশী, তাই তার কর্মকাণ্ডের ব্যাঘাতের কল্পনায় তার ভাবুক মন ছটফটিয়ে ওঠে। মহিপালের যুক্তির পাহাড়কে সে ভেঙে দেবার শক্তি সঞ্চয় করেছে, ব্যক্তিগত ইচ্ছাকে দমন করে সে মহান উদ্দেশ্যের প্রদীপটিকে চিত্তশুদ্ধির তেলের দ্বারা প্রজ্জ্বলিত রাখবে।

শঙ্করলাল, বর্মা এবং আরো কয়েকজন সজ্জনের পথের সঙ্গী, এই ব্যাপারে অনেকেই তার কাছে যাতায়াত করেছে। তার কাজকর্মের সক্রিয়তা দেখে জনতার সহানুভূতি ক্রমশ বেড়ে চলেছে। লাল জ্ঞানকীসরণ, মহিপাল শুক্লা ইত্যাদি সজ্জনের

নিন্দে করছে শুনে অনেক ভক্তের মধ্যে বিক্ষোভ দেখা দিল। জায়গায় জায়গায় এই নিয়ে আলোচনা হতে লাগল। প্রত্যেকে যে যার বুদ্ধি খাটিয়ে মন্তব্য প্রকাশ করছে, কেউ সজ্জনের পক্ষে আর কেউ লাল। জ্ঞানকৌসরণের পক্ষে। সজ্জনের ভক্তের দল তাড়াতাড়ি অন্য পক্ষের খোঁতা মুখ ভোঁতা করার জন্তে সভা করে ‘গরম লেকচারের’ ডোজ খাইয়ে দেবার প্ল্যান আরম্ভ করে দিলে।

সজ্জন এ বিষয় অনেক ভাবলে। সেইদিনই তার বাড়ি দেখতে যাবার কথা, পাড়ায় একটা হাসপাতাল দরকার। সেদিন একজন সজ্জনকে আইডিয়া দিলে যে এ ধরনের ধর্মার্থ হাসপাতাল বেনারসে আছে, সেখানে হোমিওপ্যাথী, আয়ুর্বেদ আর এলোপ্যাথী ছাড়া প্রসূতিগৃহের ব্যবস্থাও আছে। এই ধরনের আরোগ্য-লাভের ব্যবস্থা তার মাথায়ও এল কিন্তু উপযুক্ত জায়গার অভাবে স্বীম কিছুদিন কোল্ড স্টোরেজে পড়েছিল, হঠাৎ একটি বড় বাড়ির বিক্রির খবর পেয়ে সজ্জন সেটাকে কিনে হাসপাতাল করার প্ল্যান চালু করার জন্তে লালায়িত হয়ে উঠল।

বেশ ভালো পাকা বাড়ি। বাড়ির মালিক দ্বিতীয় মহাযুদ্ধে লক্ষপতি হয়েছিলেন। তিনি নিজের ঠাটবাটেই খোলামকুচির মত সন পয়সা উড়িয়ে দিলেন। ওয়ার্ডের সমকক্ষ বড়লোকদের সঙ্গে ওঠাবসা, তাদের খরচের খাতার সঙ্গে নিজের খাতা মেলানো, এই করে নিজের অর্জিত টাকাপয়সা শেষ করে ফেললেন। এর ফলে শহরের প্রতিষ্ঠিত ব্যক্তিদের মধ্যে তিনি একজন হলেন বটে কিন্তু একবার জীবনযাপনের মান পরিবর্তন করে আর তাকে গোটাতে পারলেন না। ধারের বোঝায় একদিন হাটে হাঁড়ি ভেঙে গেল, আজ দেনার দায়ে মাথার চুল পর্যন্ত বিকিয়ে

আছে। ধার শোধ করার আগেই দেউলে হয়ে যাওয়ার জন্তে তিনি নিজের সমস্ত সম্পত্তি জলের দরে, দাঁড়িয়ে দাঁড়িয়ে বেচছেন। গয়না, সোনা-কপোর বাসন, মোটর বাগ্‌ঘী— সব বের করে ক্যাশ করে নিচ্ছেন।

সজ্জনের পুরোনো দেওয়ানজী নিজে বাড়ি দেখে এসেছেন। দেরী করলে এমন সম্পত্তি হাতছাড়া হয়ে যাবার ভয় আছে। মিটিং করে মহিপালকে জব্দ করার চেয়ে এই বিল্ডিং কেনার দিকে মন দেওয়া বেশী দরকারী। এই হাসপাতাল যদি সে করিয়ে দিতে পারে তাহলে মহিপালের বিষ বমনের বদলে তাকে অমৃতের পাত্রের দ্বারা উত্তর দেওয়া হবে— মৌন অথচ স্বয়ং বিচ্ছুরিত উপহার।

পার্টী মিটিংএর তাগাদা-করনেওয়ালাদের বার বার একই ধরনের জবাব দিতে গিয়ে সজ্জনের মনে হল, তার নিজের জবাবে সত্যিই কি তার আস্থা আছে? বেশীর ভাগ ক্ষেত্রে মানুষ নিজের কথার আড়ালে নিজেকেই ঢাকবার চেষ্টা করে। ক্রমশঃ সেইটেই স্বভাবে দাঁড়িয়ে যায়। সুন্দর যুক্তির আড়ালে কলুষতার কালিমা লুকিয়ে থাকে না কি? সজ্জন সত্যিই জনকল্যাণের জন্তই দিনরাত এত কষ্ট করছে? এর প্রতিদানে সে কি তার নিজস্ব যশোকামনা করছে না? জনকল্যাণের কাজে শিল্পসাধনার চেয়ে বেশী রাতারাতি প্রসিদ্ধি লাভ করার সুযোগ পাওয়া যায়, এইটাই কি তার কাম্য নয়?

প্রশ্নের জালে সে জড়িয়ে পড়ল। সমাজকল্যাণ আর যত্নপাতি এই দুয়ে মিলিয়ে আরম্ভ হল তার ভাবনা চিন্তা। অনায়াসে সে যেন পরিস্থিতির দাস হয়ে পড়েছে, শিল্পসাধনার পথ ছেড়ে দিয়ে

পূর্বপুরুষের রক্ষিত ধনকে খরচ করে সে প্রসিদ্ধ হবার চেষ্টা করেছে। ভারতীয় সমাজের প্রগতির যে মূল প্রশ্নের মীমাংসার জন্য এই গলিতে ঘর ভাড়া করেছিল, সেটা তার আন্তরিক মনের ব্যথাই ছিল। জনসাধারণের মাঝখানে থেকে তাদের প্রশ্নের উত্তর খোঁজার জন্মেই সে এসেছিল। অ্যাডভেঞ্চার করার প্রকৃতি তাকে টেনে নিয়ে এসেছিল কি? যদিও আজ পর্যন্ত সে জনতার নিকট সম্পর্কে আসতে পারেনি, তবে তাদের জন্য তার হৃদয় করুণায় বিগলিত হয়ে উঠেছে। এই কারণেই তার সমাজকল্যাণের কাজে বিস্তৃত লোক-কল্যাণকারী উদ্দেশ্য না থাকলেও একেবারেই যশোলিপ্সার সংজ্ঞা দিয়ে তাকে হেনস্তা করা চলে না। কাজে কর্মের মধ্যে অনেক সময় যশোগানের কথা তার মনেই থাকে না।... মহিপালের জন্য তবে তার মনে এই ভাব কেন? পান্টা মিটিংয়ের কথা শুনলে কেন সে একেবারে মানা না করে গাঁই গুঁই করে তাকে টলাবার চেষ্টা করে?

মন-মন্দিরের পাপ-স্বীকার-বেদীতে আজ আত্মসমালোচক সজ্জনের মন নিজেকে যাচাই করে নিচ্ছে।

## উনপঞ্চাশ

বাড়ি কুড়ি হাজারে কেনা হল। হাসপাতালে সব সামগ্রী জোগাড় হওয়া পর্যন্ত প্রতীক্ষায় হাত কোলে করে বসে থাকতে সজ্জন রাজী ছিল না। একজন ডাক্তার, লেডী ডাক্তার, বৈদ্য, হাকীম আর হোমিওপ্যাথী ডাক্তার নিযুক্ত করা ছাড়া শহরের বিখ্যাত লেডী ডাক্তার শীলা সুইংকে সপ্তাহে দু'বার বিশেষভাবে পরামর্শদাতা হিসেবে আমন্ত্রিত করা হল। এই আমন্ত্রণ স্বীকার করে শীলা নিজের অর্ধেক প্রাইভেট প্র্যাকটিসের মোহ ত্যাগ করে রোজ বিকেলে হাসপাতালে বসবে কথা দিল। সজ্জন আর কত্যা দুজনেই খুব খুসী। প্রসূতিগৃহে আর ডিস্‌পেন্সরীর জিনিস কর্নেলের মারফত কেনার ব্যবস্থা হয়েছে।

চারিদিকে ডাঃ শীলার ত্যাগের কাহিনী ছড়াতে লাগল। শহরের খবরের কাগজে খবর ছাপা হল। জনসাধারণ হয়তো বুঝলে যে এই কীর্তি প্রচারের মধ্যে সজ্জনের ব্যক্তিগত স্বার্থের এক কণাও থাকতে পারে না, কিন্তু প্রচার করার সময় মহিপালের বিরুদ্ধে প্রতিহিংসাই সজ্জনকে সমানে উসকেছে, সে তাকে ছোট করতে চায়, সে তাকে এইভাবে জব্দ করবে। মহিপাল সত্যিই ক্ষেপে উঠল। সে ভাবলে যে শীলা তার বিরুদ্ধ ক্যাম্পে যোগ দিয়ে তাকে বদনাম দেবার চেষ্টা করছে, এইভাবে লোকের

মনে মহিপাল-শীলা প্রেমকাহিনী নতুন করে তাজা হয়ে উঠবে। সজ্জনের প্রতি ঘৃণায় তার মনটা ভরে উঠল। চাণক্যের মতই রাগে তার মনের প্রতিজ্ঞার শিখা অসংখ্য বার খুলল। মামার বাড়ির সামন্তী রক্ত যেন আবার তার শিরায় শিরায় প্রবাহিত হতে লাগল। সে সজ্জনকে মাটিতে মিশিয়ে দিতে পারে, তাকে মাটিতে পুঁতে শিকারী কুকুর ছেড়ে দিতে পারে। তাকে মাটিতে পুঁতে লাথি দিয়ে ঠোকর মারবে, গাছে উল্টোটা টাঙিয়ে নীচে থেকে ধুনা দেবে, তার সম্পত্তিতে আগুন লাগিয়ে দেবে— ঘৃণার আবেশে তার সমস্ত শরীর কেঁপে উঠছে। সে সজ্জনের সর্বনাশ করে তবে দম নেবে। শীলার প্রতিও তার মনে তীব্র ক্রোধের আগুন ভাঁটির মত জ্বলছে। সে কেন সজ্জনের কাছে গেছে? এই কি তার প্রেম?

বাড়িতে বিয়ের সোরগোল আরম্ভ হয়ে গেছে। শকুন্তলার পিতৃকুলের সকলে, মহিপালের দ্বিতীয় বোন, তার ছেলেমেয়ে সকলেই বিয়েতে এসেছে। শেঠ রূপরতন তার বিরাট বাড়ির এক দিকটা তাদের জন্য খালি করে দিয়েছেন, এইখানেই বিয়ে হবে। বিয়ের সব জিনিসপত্র এনে এখানেই রাখা হচ্ছে। পরিবারের সকলেই বিয়ের ব্যস্ততায় মশগুল কেবল একা মহিপালই ঈর্ষার আগুনে জ্বলে পুড়ে মরছে। কি করে সজ্জনের বিরাট লোকসান করবে, ভাবতেই তার মাথার ঘিলু শুকিয়ে যাচ্ছে, কোন উপায় ভেবে না পেয়ে তার মন-মেজাজ বেজায় খিঁচড়ে আছে। সকাল থেকে মোটর নিয়ে বেরোনো, কখনো রাজাসায়েবের বাড়ি, কখনো রূপরতন, আবার কখনো উপমন্ত্রী আর মন্ত্রীদের বাংলোয়, হাকিম আমলা সেখানে গিয়ে ছুঁদণ্ড বসেছে সেখানেই সজ্জনের



নিদে করে তবে জলম্পর্শ করছে। সে রটাচ্ছে যে সজ্জন তার কম্যুনিষ্ট পত্নীর কথায় ওঠে বসে, তারই শেখানিতে সে সকলকে কম্যুনিষ্ট করার মতলবে আছে। রাত্তির বেলা তার বাড়িতে রীতিমত কম্যুনিষ্ট নেতাদের সভা হয়। প্রতিহিংসায় পাগল মহিপালকে যেন পাগলা কুকুরে কামড়েছে, সজ্জন আর কন্যাকে চরিত্রহীন বলতেও তার জিভে আটকাল না। স্বামীর ভোগ-বিলাসের সামগ্রী হিসেবে মেয়ে সাপ্লাই করার কাজ কন্যা তার স্কুলের দ্বারা করে, এই তার আসল ‘মহান’ উদ্দেশ্য। নিজের কথার সঙ্গে প্রমাণের অভাব পূর্ণ করার জন্য সে কথার পিঠে প্রায়ই জানিয়ে দিত যে অমুক ব্যাপার সে স্বচক্ষে দেখেছে বা সজ্জন তাকে বলছে। সজ্জনের পরিকল্পনার সঙ্গে বাবাজীর যোগ-সাজশের বিরাট যড়যন্ত্রের প্রতি জনসাধারণকে সচেতন করার বিষয় উপদেশ ঝেড়ে সে মনের ঝাল মেটাচ্ছে। নিজের শরীরের ক্ষিদে তেষ্ঠা সব বিসর্জন দিয়ে মহিপাল দিনরাত হন্তে হয়ে ঘুরতে লাগল। বিয়ের মত এত বড় কাজ বাড়িতে তবু সে সজ্জনের বিরুদ্ধে প্রচারের কাজের সামনে নিজের পারিবারিক দায়িত্ব পর্যন্ত ভুলে গেল।

রাজাসায়েবকেও সে এর মধ্যে জড়াবার চেষ্টা করলে। তাঁর জীবনী লিখে তাঁকে অমর করে দেওয়ার লোভ দেখালে। নিজের অগাধ পাণ্ডিত্য আর দর্শনজ্ঞানের প্রভাবে তাঁকে প্রভাবিত করার প্রয়াস করলে। তাঁর পূর্বপুরুষের বসতবাড়ি থেকে কন্যার স্কুল বন্ধ করিয়ে দিয়ে সেখানে বেদ, গীতা, ভাগবত, পুরাণ ইত্যাদি পাঠের পরামর্শ দিলে—যাতে ভারতীয়দের সুপ্ত ধর্মনিষ্ঠা জেগে ওঠে আর তারা সজ্জনের মত কম্যুনিষ্টের প্রভাব থেকে নিজেদের বাঁচিয়ে রাখার

মনোবল ফিরে পায়। লাল। জানকীসরণকে বোঝালে যে রাজা-সায়ের সঙ্গে মিলে মিশে এমন একটি সংস্থা স্থাপন করা তার উচিত যার প্রধান উদ্দেশ্য হবে সজ্জনের কারবারের হাঁড়ি হাটের মধ্যে ভাঙা। মহিপাল লাল। জানকীসরণকে আতঙ্কিত করার জন্যে এতদূর পর্যন্ত কথা বানালে যে সজ্জন এখানকার প্রত্যেক বাড়িতে দু'একটা করে তার নিজস্ব গোয়েন্দা মোতায়ন করেছে, এবার তাদের পরিবারের ইজ্জত আবরু বাঁচানো দায় হয়ে উঠবে।

এক সপ্তাহ ধরে ছুটোছুটি করার ফল হল। শেঠ রূপরতনের বাড়িতেও মহিপালের আনাগোনা অতএব এখানেও মহিপাল সজ্জনবিরোধী প্রচার চালিয়ে যাচ্ছে। ইতিমধ্যে সে শেঠ রূপরতনের মনের সুপ্ত বাসনাকে কথার মারপ্যাচ দিয়ে ফেনিয়ে ফুলিয়ে তুলেছে। এক মহান আন্দোলন চালিয়ে সে, শেঠ রূপরতনকে কেবিনেটে মন্ত্রী হওয়ার রাস্তা খুলে দেবে— এই মহামন্ত্র কানে যেতেই শেঠজী সক্রিয় হয়ে উঠলেন। দশজন বড় মহাজন মিলে সহকারী পরিকল্পনার ক্ষেত্রে অগ্রসর হবেন। তাঁদের সহকারী ব্যাকের দ্বারা কুটীর উদ্বোধনের মস্ত কারবার চালানো হবে। মহিপাল এই পরিকল্পনার রূপরেখা তৈরী করবে। চারিদিকে ধার্মিক চেতনাকে জাগিয়ে তোলা হবে, কোথাও কীর্তন, কোথাও মহাআর প্রবচন, কোথাও ইতিহাস পুরাণ— এইভাবে চতুর্দিকে ভারতীয়তার প্রসার করা হবে। এই পরিকল্পনার শুভারম্ভে এক বিরাট বিশ্বশান্তি যজ্ঞের আয়োজন করা হবে যাতে লোকেদের ধার্মিক নিষ্ঠা জাগ্রত হয়ে ওঠে। রাজাসায়ের আর শেঠ রূপরতনের ত্রীমুখে উচ্চারিত সমস্ত আদেশ মহিপাল রাতারাতি লিপিবদ্ধ করে ফেললে।

দু'দিন পরে ভিক্টোরিয়া পার্কের মোড়ের চৌমাথায় এক বিরাট সার্বজনীন সভার ঘোষণা করা হল। স্বয়ং রাজাসায়েব সভাপতি হবেন এবং জনকল্যাণের কাজে শহরের প্রতিষ্ঠিত ব্যক্তিরা মিলে যে মহান পরিকল্পনা তৈরী করেছেন, সে বিষয় ভাষণ দেবেন।

জেঠীর আজকাল ভীষণ অসুখ, তিনি একেবারেই শয্যাশায়ী হয়ে পড়েছেন। মৃত্যুর পর সতীনের ছেলেদের হাতে সদগতির আশা নেই অতএব জ্যাম্বে তিনি নিজের শ্রাদ্ধ নিজের চোখের সামনেই করিয়ে ফেলতে চান। শ্রাদ্ধর সমস্ত ভার সজ্জন আর কন্ঠার ঘাড়ে, ইদানীং তারা জেঠীর ছেলে-বউয়ের মত একান্ত আপনজন।

একদিন জেঠী কন্ঠামলের নাতবৌকে একশো তোলা সোনার গয়না গডিয়ে পরিয়ে দিয়ে বললেন— হারামজাদী, বেজাত হলে কী আর হবে, একবার যখন বউ হয়ে এসেছিস তখন নে, আমার সেবা তুই করলি, শেষ সময় তুই, আমায় দেখলি। এত কিছু পরও কন্ঠার হাতের ছোঁয়া জল খেতে তাঁর ভীষণ আপত্তি, জাত ধর্ম চলে যাওয়ার আতঙ্ক। বিলিতি ওষুধ তিনি কিছুতেই গলাধঃকরণ করলেন না। সজ্জনের দুজন চাকর সর্বদাই জেঠীর সেবায় নিযুক্ত রয়েছে। রাত্তিরে সজ্জন অথবা কন্ঠা, দু'জনের মধ্যে একজন জেঠীর শিয়রের কাছে বসে ডিউটি দিচ্ছে। জেঠীর যা কিছু দান পুণ্য করার ইচ্ছে, তার ব্যবস্থা হচ্ছে।

যেদিন বিকেলে রাজাসায়েবের সভা, সেইদিনই জেঠীর বাড়িতে তেরো দিনের দিন শ্রাদ্ধের ব্রাহ্মণ ভোজন। সজ্জন আর কন্ঠা দু'জনেই ভীষণ ব্যস্ত, এক মিনিট মাথা চুলকোবার ফুরসত নেই। কর্নেল তাদের কাজে সমানে সাহায্য করছে। সজ্জন আর

মহিপালের মধ্যে আজকাল যা দলাদলি আরম্ভ হয়েছে, সে সব দেখে কর্নেলের মন বড়ই বিক্ষুব্ধ, তবু পরিস্থিতি বুঝে সে মৌনব্রত ধারণ করে ছুঁদিকের কাজ সামলে যাচ্ছে। কল্যাণীর বাড়িতে সমানে যাতায়াত করা, দরকারী জিনিসপত্রের বিষয় জিজ্ঞেসাবাদ করা, কোথায় ছুঁ পয়সার সাশ্রয় হবে সে বিষয় পরামর্শ দেওয়া এসব কর্নেল নিজে হতেই করছে। মহিপালের সঙ্গে তার দেখাসাক্ষাৎ হয় কিন্তু সজ্জনের নাম সে ইচ্ছে করেই উচ্চারণ করে না। দেখা হলেই মহিপাল জেনেশুনে সজ্জনের কথা তুলে কর্নেলকে ওসকানি দেবার চেষ্টা করে। একদিন কর্নেল পরিষ্কার বলেই দিলে— দেখো ভাই, এটা তোমাদের ছুঁজনের আপসের ব্যাপার, ছুঁই বিদ্বানে যুদ্ধ— সেখানে সেখানে কোলাকুলি। ভবিষ্যতে এ নিয়ে আমার সঙ্গে আলোচনা করতে এসো না। সজ্জন নিজেও কর্নেলের সঙ্গে এ নিয়ে চর্চা করা পছন্দ করে না। মহিপাল কর্নেলের অনেক পুরোনো বন্ধু, সজ্জন আর কর্নেলের ভাব মহিপালই করিয়ে দিয়েছিল।

সেদিন ভিক্টোরিয়া পার্কের সভায় মহিপাল সমস্ত শালীনতার সীমা অতিক্রম করে গেল। সজ্জন আর নিজের অনেক দিনের বন্ধুত্বের কথা তুলে বললে— সজ্জন ভীষণ স্বার্থপর আর উচ্চাভিলাষী। নিজের পয়সার জোরে প্রতিষ্ঠিত ব্যক্তিদের বাড়িতে নিমন্ত্রণ করে পার্টি খাইয়ে খোশামুদী করে প্রসিদ্ধি লাভ করেছে। সে শুধু তুলি আর রঙের আর্টিস্টই নয়, একজন সুশিক্ষিত ধাপ্লাবাজও বটে। নিজের ভাষণে 'মহেনজোদারো, শিব আর বেদ, সম্পূর্ণ ইতিহাস, সমাজ শাস্ত্রের ব্যাখ্যা এক ঘণ্টা পর্যন্ত যেন সজ্জনের নিন্দার পুঁথিমালা হিসেবেই ব্যবহার করলে। বাকচাতুরীর

মায়াজালে জনতাকে মুগ্ধ করে দিলে, সজ্জনের বিরুদ্ধে বিষবমন চালু রইল। আজকের সন্ধ্যার এই স্টেজ, এই আয়োজিত সভা তার জীবনের শ্রেষ্ঠতম বিজয়, সে সজ্জনকে দ্বন্দ্বযুদ্ধে আহ্বান জানিয়েছে। সজ্জন যদি তার পূর্বপুরুষের লক্ষ্মীর কৃপায় মহাপুরুষ হতে পারে তখন মহিপালই বা কেন হবে না? সেও পরের ধনে দিবিয়া রাতারাতি মহাপুরুষ হবে, বন্ধুর বিরুদ্ধে দাঁড়াবে। মহিপাল তার নিজের ‘মহাপুরুষত্বের’ মদিরার নেশায় সজ্জনের বিরুদ্ধে অনেক বেআইনী কথাও বলে ফেললে।

সজ্জনের ভক্তের দলে আতঙ্ক আর উত্তেজনার সৃষ্টি হয়ে গেল। এক বিরাট শক্তি, বড়লোক আর প্রতিষ্ঠিত ব্যক্তিদের সম্মিলিত শক্তি—হাজিরের মত এই ছোট জনকল্যাণের পরিকল্পনাটিকে গিলে ফেলতে চায়। মহিপালের এই ছোটলোকোমীর কথা শুনে সজ্জন আর কণ্ঠা ছুজনেই আঘাত পেলো। ডাঃ শীলা কেঁদে ফেললে। সজ্জন এ-সমস্ত ব্যাপার উকিলের হাতে দেওয়াই উচিত মনে করলে। তৃতীয় দিনই মহিপালের নামে কাছারীর রেজেষ্ট্রী নোটিশ এসে হাজির। কর্নেল সে সময় মহিপালের কাছেই মানে শেঠ রূপরতনের বাড়িতেই বসে ছিল। মহিপাল নোটিশ পড়েই রাগে দিগ্বিদিক জ্ঞানশূন্য হয়ে চেষ্টা করে উঠল ‘দেখে নেব’ ‘বোঝাপড়া করে তবে ছাড়ব’ ইত্যাদি বলতে বলতে খানিকটা বেশ হাত-পা ছুঁড়লে।

কর্নেল বললে—দেখো মহিপাল, আমি পাবলিক নই, যাকে লোকচার দিয়ে মুগ্ধ করে ফেলবে ভাবছ। এখানে মেয়ের বিয়ে, তাই আমি মুখে তালাচাবি মেরে চুপ করে আছি, তবু আজ না বলে পারছি না যে মামলা-মোকদ্দমা করা একদমই উচিত

হবে না। যদি তুমি মামলা হেরে যাও তাহলে জেলে যেতে হবে। তোমার এই বড়লোক বন্ধুরা তখন সব যে যার পিট্টান দেবে। কেউ তোমায় সাহায্য করতে আসবে না, যদি আমার কথা সত্যি না হয় তাহলে বাজি হারতে রাজী আছি। মহিপাল কল্যাণী আর কর্নেলের সামনে নিজের সত্যের ঢাক পিটোতে আরম্ভ করলে। সজ্জনের চরিত্রদোষের বিস্তারিত বিবরণ দিলে। কর্নেল রাগে ফেটে পড়ল— দেখো মহিপাল, তুমি নিজে একেবারে সাধু নও। পরের মুখে চুনকালি দেবার চেষ্টায় নিজের মুখই কালো হবে। হাতের টিল ছুঁড়ে দিলে আর ফেরে না। একটা কথা ভালো করে শুনে রাখো যে যদি সজ্জন আমায় তার হয়ে সাক্ষী দিতে ডাকে তাহলে আমি নিশ্চয় যাব। আমার যতদূর মনে হয়, ডাক্তারও তোমার বিরুদ্ধে যাবে, তার যাওয়াও উচিত।

—যাও, সকলে মিলে যাও— মহিপাল গর্জে উঠল, রাগের মাথায় চেয়ার উঠিয়ে জোরে মাটিতে ফেললে। চেয়ারের একটা হাতা ভেঙে গেল। এই চেয়ার ভিক্টোরিয়া যুগের কারুকার্য করা ভালো কাঠের তৈরী। হঠাৎ মহিপালের খেয়াল হল যে সে শেঠ রূপরতনের লোকসান করে ফেলেছে। এই লোকসানের পর মহিপালের রাগটা নেমে এল, সে এখন খালি বিড়বিড় করতে লাগল।

কর্নেলের সামনে কল্যাণী অনেক অশুনয় বিনয় করে বললে— এঁর মাথার ঠিক নেই। আপনি সজ্জন ভাইকে বোঝান, এই বাচ্চাদের মুখের দিকে সে যেন একবারটি তাকায়।

কর্নেল, কল্যাণী আর সজ্জনের মধ্যে এই নিয়ে কথা হল, সজ্জন মামলা ফেরত নিতে নারাজ— দেখো কর্নেল, এটা আমার ব্যক্তিগত

মামলা নয়, আমার ট্রাস্টের নামে এসব আরম্ভ করা হয়েছে। যদি আমি এ সময় মুখ বন্ধ রাখি, তাহলে আমার ট্রাস্টের লোকসান হবে। ট্রাস্ট রক্ষার জন্তে মহিপালকে সাজা দিয়ে ছাড়ব। আমার দিক থেকে তোমাকে সাক্ষী দিতে হবে। আমাদের দুজনের মধ্যে যা-কিছু দুর্বলতা দেখেছ, সমস্ত খুলে বোলো। আমি তোমার কাছে বন্ধুত্বের ভালোবাসা নয়, শ্রায় ভিক্ষা করছি।—ব'লে সজ্জন উঠে চলে গেল।

সভার রিপোর্ট জেঠীর রোগশয্যা পর্যন্ত পৌঁছে গেল। শ্রীরাধেশ্যামের বিয়ে আর নিজের শ্রাদ্ধ করার বাহানায় দান-পুণ্যের প্রতাপে জেঠীর রোগশয্যার পাশে রীতিমত দরবার জড়ো হতে লেগেছে। গোকুলদ্বারের পুজারী ভিতরিয়া, জলঘড়িয়া, কীর্তনিয়া, সরস্বতী দাদী, খন্না বহুরিয়া, নন্দ, নন্দের মা, তারা, ছোট বউ, পাড়ার আর বাদবাকী বুড়ি হাবড়া সব জেঠীর কাছে আনাগোনা করছে। জ্বরে জেঠীর গা পুড়ে যাচ্ছে, মাঝে মাঝে ভুল বকছেন। একটু জ্ঞান হলেই চারপাশে নজর বুলিয়ে দেখে নিচ্ছেন। মাঝে মাঝে তাদের কথায় মাথা নেড়ে হ্যাঁ না উত্তর দিচ্ছেন। জেঠীর কানে খবর এল যে রাজাসায়েব কম্পানি বাগানে সভা ডেকে সেখানে সজ্জনকে অনেক গালাগাল করেছে, তিনি ও জানকীসরণ মিলে বাইরে পুরুষদের বৈঠকখানা থেকে সজ্জনকে বের করে দিয়ে নিজেরা স্কুল চালাবেন। জ্বরের ঘোরে দুর্বল জেঠী কথাটা শুনেই একেবারে রেগে উঠলেন। তাঁর সারা জীবনের সঞ্চিত বিষে ভরা জিভ যেন লক লক করে উঠল, সরু দুর্বল হাতে উত্তেজনায় মুঠো বেঁধে গেল। গলার শির ফুলে দড়ির মত টেনে ধরল, ক্রোধে চেহারা বিকৃত হয়ে উঠল। জেঠী তাঁর

সমস্ত অসুঃকরণ দিয়ে স্বামীকে অভিসম্পাত দিলেন। উদ্বেজনায়  
আবেগে তাঁর স্বাস্থ্য বিপরীত প্রভাব হল, তিনি আবার বেহঁশ  
হয়ে গেলেন।

সেদিন বিকেলে জেঠী নন্দকে তাঁর কাছে থাকতে বললেন।  
কণ্ঠা তিন ঘণ্টার জন্ত জেঠীর কাছে তারাকে বসিয়ে ডাঃ শীলার  
সঙ্গে পাড়ায় বাড়িতে বাড়িতে মহিলা ও বাচ্চাদের স্বাস্থ্য নিরীক্ষণে  
গেছে। জেঠী তারাকে একটু দূরে বসার নির্দেশ দিয়ে নন্দর  
সঙ্গে ধীরে ধীরে কিছু কানে কানে বললেন। নন্দর চেহারা  
গম্ভীর দায়িত্ব আর রহস্যময় ভাব ফুটে উঠল। সাঁঝের প্রদীপ  
জ্বলার সঙ্গেই জেঠী বাচ্চা নিয়ে তারাকে বাড়ি যাবার জে  
বললেন। তারা জেঠীর সেবা করবে, সে যেতে রাজী হল না।  
জেঠীর চেহেরায় বিরক্তির চিহ্ন দেখা দিল, মুখের রেখায় ভাঁজ  
পড়ল, বেশী বকাঝকা করার ক্ষমতা তাঁর নেই। নন্দ তারাকে  
বোঝালে—দেখো, ইনি যা বলছেন তাই করো। আমি তো  
এঁর কাছে রয়েছি। তারা বাচ্চা কোলে করে বাড়ি চলে গেল।  
বাচ্চাকে যেতে দেখে জেঠী তাঁর দুর্বল হাত নাড়িয়ে তাকে কাছে  
ডাকলেন। জেঠীর চোখে বাৎসল্যের শাস্তি দেখা দিল। তারা  
বাচ্চাকে নিয়ে জেঠীর মুখের কাছে ঝুঁকে পড়ল। বাচ্চা তার  
ছোট নরম হাত জেঠীর গরম হাতের ওপর রাখলে, জেঠী তার  
গালে, হাতে পায়ে হাত বুলিয়ে চুমু খেলেন। তাঁর কৃগ্ণ চেহারা  
ফিকে হাসি দেখা দিল, তিনি ইশারায় তারাকে চলে যেতে  
বললেন। তারা যাবার পর নন্দ দরজায় খিল দিচ্ছে এল।  
জেঠী তাঁর বালিশের তলা থেকে ছোট একটি পুঁটলি বের করার  
আদেশ দিলেন, নন্দ পুঁটলি খুলে দশ দশ টাকার ছখানা নোট



বার করে জেঠীকে দেখিয়ে আঁচলের গেরোয় বেঁধে নিলে। নন্দ সিঁড়ি দিয়ে ওপরে উঠতে উঠতে বললে— আমি গায়ের কাপড়টা জড়িয়ে এখনি আসছি জেঠী। ছোটকে এখানে তোমার কাছে বসিয়ে যাচ্ছি। তোমার বউরানী এলে তাকে ফিরিয়ে দেবে'খন। ছোট ও ছোট, হ্যাঁ আমি এখনি এই এলুম ব'লে।

কথা প্রায় আটটা নাগাদ জেঠীর বাড়ি পৌঁছোল। ছোট বউ সেখানে বসে আছে। জেঠী হালেই একটু চোখ বুজেছেন। উপন্যাস থেকে চোখ তুলে ছোট কথাকে জেঠীর স্বাস্থ্যের বিষয় খবর দেওয়ার সঙ্গে নন্দর দেওয়া ছকুমটাও শুনিয়ে দিলে।

কথা জিজ্ঞেস করলে— কেন, কি ব্যাপার? ছোট মুখ মচকে বললে— নন্দ দিদি আর জেঠী মিলে কারুর ওপর ম্যাজিক ট্যাজিক করছেন, তাই একলা থাকতে চান।

—এসব কী যা-তা হচ্ছে? আমি জেঠীকে এমন অবস্থায়, কোন বাহানায় শরীরকে কষ্ট দিতে দেব না। আমি এখান থেকে নড়বই না।

কিছুক্ষণ দুজনে বসে অনেক কথাবার্তা হল। জেঠীর ঘুম ভাঙল। কথা তাড়াতাড়ি উঠে জেঠীর কপালে হাত রাখলে, শরীর কেমন আছে জিজ্ঞেস করলে। জেঠী তার কনুই ধরে স্নেহে বললেন— ভালো আছি। বউ তুমি যাও।

—জেঠী, তোমায় একলা ছেড়ে আমি কিছুতেই যাব না, উনি জানতে পারলে আমায় আর আস্ত রাখবেন না।

—আমার দিবি, তুমি যাও। তিনি চাকরদেরও সঙ্গে নিয়ে যাবার আদেশ করলেন।

কথার কোন কথাই জেঠী মানলেন না। জেঠীর কাছ থেকে

চলে যাওয়া ছাড়া আর কোন উপায় রইল না। জেঠীর সঙ্গে তর্ক করা অসম্ভব, এমন অবস্থায় আরোহী মুশকিল। কতখানি ছোটকে জরুরী আদেশ দিয়ে চাকরদের নিয়ে অনিচ্ছায় চলে গেল।

রাত প্রায় সাড়ে এগারোটো পৌনে বারোটো নাগাদ নন্দ উঠোনে সব জিনিস সাজিয়ে রাখলে— এক বোতল মদ, চারটে শুয়োরের বাচ্চা, মাটির হাঁড়ি, আটার পুতুল, আটার চৌমুখী পিদিম, তামাকের একটা পাতা, গাঁজা ইত্যাদি। জেঠী আজ নিজের স্বামীর ওপর মারণমন্ত্র চালাবার আয়োজন করছেন। প্রারম্ভিক বিধি করার পর হাঁড়িকে মন্ত্রপূত করে বেঁধে আসার জন্য জেঠী নন্দকে পাঠালেন।

জেঠী আবার জ্বরের ঘোরে অজ্ঞান মত হয়ে গেলেন। কথার উত্তর না পেয়ে নন্দ হ্যারিকেন এনে তাঁর মুখের কাছে ধরে কানে কানে বললে— জেঠী ও জেঠী।

জেঠী চোখ মেলে তাকালেন। পাথরের মত নিশ্চল চোখের চাউনি, বিরক্ত হয়ে জিজ্ঞেস করলেন— কি বলছিস ?

—সব সাজিয়ে রেখে দিয়েছি।

—সাজিয়ে দিয়েছিস ? জেঠী নিজের চেতনা ফিরে পেলেন— জর্জর শরীরে শক্তির সঞ্চার হল, ওঠার চেষ্টা করতে করতে বললেন— আমাকে একটু ওখান পর্যন্ত নিয়ে চল তো মা।

—আরে, তুমি ওখান পর্যন্ত যাবে কি করে জেঠী ? আমায় আজ মন্তুরটা শিখিয়ে দাও। নন্দ আগ্রহ করলে।

জেঠীর ঠোঁটে ফেনা জমে শুকিয়ে রয়েছে, মুখের অজস্র রেখায় ফিকে হাসির ভাঁজ পড়ল— কালো মুলো দাঁত চক চক করে উঠল— মন্তুর কি আর এমনি দেয়া যায় ? দুর্বল শরীরে জেঠী

এইটুকু কথা বলতে গিয়েই হাঁপিয়ে পড়লেন— শ্বশানে... গি...  
রে... দিতে হয়... মস্তুর... তেলীর লাশের... কাছে, তুই আমায়  
নিয়ে চল। জেঠীর শরীরে নতুন স্মৃতি জেগে উঠল।

নন্দ ঠুকে উঠানে নিয়ে এল। জেঠী হাত পা ধুলেন।  
হাঁড়িতে সামগ্রী রেখে মস্ত পড়া আরম্ভ করলেন। নিজের স্বামীর  
মরণমন্ত্রে তাঁর নাম মুখে উচ্চারণ করা চাই। জেঠী সংস্কারবশতঃ  
এক সেকেণ্ড চুপ করে গেলেন, পরমুহূর্তেই শরীরের সমস্ত শক্তি  
আর মনোবল সংগ্রহ করে খুব জোরে, ফট করে রাজাসায়েবের  
নাম উচ্চারণ করে আটার পুতুলের ওপর চৌমুখো প্রদীপ রেখে  
তাকে মারার আদেশ দিলেন। ক্ষণিকের তরে যেন জেঠীর  
পাখরের মত নিশ্চল চোখের মণি চৌমুখো পিদিমের মতই জ্বলে  
উঠল। নন্দ ভয় পেয়ে উঠে দাঁড়াল। শুয়োরের বাচ্চারা উঠানে  
বাঁধা অবস্থায় প্রাণপণে চিংকার জুড়ে দিয়েছে। এদের মন্ত্রের  
নিয়ম অনুসারে এখানে রাখা দরকার। যদি অগ্নিপক্ষ প্রবল হয়  
আর তার ওঝা ডবলমস্ত পড়ে যদি ফেরত চাল দেয়, তাহলে মস্ত  
যে চালিয়েছে তার প্রাণহানি হবার আশঙ্কা থাকে না, শুয়োরের  
বাচ্চাদের রক্ত খেয়ে সে সন্তুষ্ট হয়ে যায়।

হঠাৎ জেঠী জোরে চিংকার করে উঠলেন না, না না...

—কি হল জেঠী, বলে নন্দ জেঠীকে সামলাতে ব্যস্ত হয়ে পড়ল।

—সর, ছুরি নিয়ে আয়—ব'লে জেঠী তাকে এক ধমক দিয়ে  
তাড়াতাড়ি মস্ত পড়তে লাগলেন। দেড় মাসের জ্বরে জর্জরিত  
জেঠীর ইচ্ছাশক্তি এই মুহূর্তে তাঁর রোগের চেয়ে বড় হয়ে উঠেছে।  
জোরে মস্ত পড়তে পড়তে জেঠী টেঁচাতে লাগলেন— ফিরে আয়,  
আমার ওপর ফিরে আয়, আয়। নন্দ ছুরি নিয়ে এল। জেঠী

আবেশের বশীভূত হয়ে ভীষণ জোরে ছুরি নিজের বাঁ হাতের তেলোয় মারলেন। হাঁড়ির ওপর জেঠীর হাতের রক্ত টপ টপ করে চুয়ে পড়ল।

জেঠী জ্বরের ঘোরে বিড়বিড় করছেন। গলার স্বর যেন মিইয়ে এল। জ্বরে গা পুড়ে যাচ্ছে, আবার অজ্ঞান হয়ে পড়ে গেলেন। তিনি পড়ে যেতেই হাঁড়ি উলটে গেল। সমস্ত সামগ্রী চারিদিকে মেঝেতে ছড়িয়ে পড়ল। নন্দ ভয় পেয়ে জেঠীকে সেই অবস্থায় ফেলে প্রাণ নিয়ে পালিয়ে গেল।

পরের দিন থেকেই জেঠীর সান্নিধ্য হল, অমর্গল ভুল বকতে লাগলেন। প্রলাপের মাঝখানে এ কথাও কানে এল— মরার সময় আর কারুর খারাপ চিন্তা করব না। সেই দিনই জেঠীর অবস্থা খারাপ হয়ে গেল, প্রায় যায় যায় অবস্থা। সেদিন সকালে সজ্জন বাবাজীর সঙ্গে দেখা করতে গ্রামে গিয়েছে। জ্বরের ঘোরে জেঠী বার বার সজ্জনের নাম করে ডাকছিলেন।

## পঞ্চাশ

সজ্জন বাবাজীর সঙ্গে দেখা করতে গ্রামে যাচ্ছে। তার মনের মধ্যে পরস্পর-বিরোধী বিচারধারার সংঘর্ষ চলেছে। কর্নেল তাকে অনেকবার অনুরোধ করেছে মহিপালের বিরুদ্ধে মামলা-নোকদমা না চালাতে, কিন্তু সে তার কথায় কান দেয়নি। সে তাকে পরিষ্কারভাবে বুঝিয়ে দিয়েছে এটা তার ব্যক্তিগত মামলা নয়,

এর সঙ্গে জড়িত আছে অনেকের আর্থিক আর নৈতিক লোকসান, অতএব এটা আদর্শের জন্ত লড়াই। সজ্জন আর তার সংস্থা, দুটোকে পৃথক ভাবা অশ্রায়। তার নিরর্থক অপমান করা মানে এমন একটি সংস্থাকে বদনাম দেওয়া, যার উদ্দেশ্য সমাজের কল্যাণ-সাধন। কর্নেল কন্যাকেও রাজী করিয়েছিল কিন্তু সে তার কথাও শোনেনি।

—এটা আমার ব্যক্তিগত প্রশ্ন নয়। আমি আদর্শের জন্ত লড়াই করছি। যে বিশেষ পরিস্থিতির মধ্যে পড়ে আমাকে লড়তে হচ্ছে, আমি তাকেই প্রাধান্য দিচ্ছি, নিজেকে নয়। কন্যা বললে— এও তো হতে পারে যে পরিস্থিতি ছাড়াও মহিপালের প্রতি তোমার মনে ব্যক্তিগত আক্রোশ আছে। এও তো সম্ভব তোমার অত্যন্ত ঘনিষ্ঠ, নিজের অন্তরঙ্গ বন্ধু মহিপালের প্রতি, কোন পুরোনো ঈর্ষার ভাব...

—এ কথা আমায় জিজ্ঞেস করলে পারতে বিনো। আসলে এই ব্যাপারটা একেবারেই আর্টিস্ট কোয়ালিটির হয়ে গেছে। ছুজনে যখন থেকে বন্ধুত্ব হয়েছে তখন থেকেই আড়াআড়ি— আমি জানি তাই বলছি— হাত শূণ্ণে উঠিয়ে আঙুল মটকে, চোখের মণি নাচিয়ে কর্নেল একটা অস্পষ্ট সংকেত করার চেষ্টা করলে। পরমুহূর্তে ভাবলে সজ্জনের ভাবুক মনে আঘাত না লাগে, ফট করে নকল হাসি হেসে বললে— দেখো ভাই, কিছু মনে কোরো না যেন, যদি পারো তাহলে একখানা রুটি বেশী খেয়ো। বাহঃ বিনো, তোমার ব্যারিস্টার হওয়া উচিত ছিল, ব্যারিস্টার তুমি যা পয়েন্ট ধরেছ, বাপস্, বেঁচে থাকো, পাকা মাথায় সিঁদুর পরো। আমি শ্রায় চাই, বাস্।

সজ্জন মাথা হেঁট করে চুপচাপ শুনছে। কণ্ঠার দিকে এক নজর দেখে নিয়ে কর্নেলকে বললে—আমি তোমার কথার সাইকোলজিক্যাল প্রভাব থেকে অনেক দূরে কর্নেল, আমার ওপর কোন প্রভাবই পড়েনি। কণ্ঠার প্রশ্নের উত্তরে—আমি এই বলব—মহিপাল যেন সর্বদাই আমার মনে সজ্জার কাঁটার মতই বিঁধে আছে। কর্নেলের সঙ্গে যত সহজভাবে মেলামেশা করতে পারি, ওর সঙ্গে যেন ঠিক মনের মিল হয় না। আমি তোমার আর কর্নেলের গা ছুঁয়ে বলছি—আমি মহিপালকে স্নেহ করি। ও বুদ্ধিজীবী নয় বটে, কিন্তু বড় ভাবুক। লেখাপড়া যত করে, ভাবেও তত। আমার ব্যক্তিগত অভিজ্ঞতা থেকে বলছি ওর স্বভাবে সিন্ধুর গভীরতা নেই, আছে পাহাড়ী ঝরনার বেগ। তার স্বভাবে মিথ্যে অভিমান আর দস্ত, দুটোই যেন মাত্রা ছাড়িয়ে গেছে।

কর্নেল বললে—এ কথা তোমার ষোলো আনা ঠিক। আমি মানছি মনুষ্যতা আর ভদ্রতার ব্যাপারে তোমার সঙ্গে মহিপালের তুলনা করা মানে সূর্য্যকে পিদিম দেখানো। মহিপালের মন বড় ছোট, খেলো কথাই ভাবে আর বলে। কিন্তু দেখো ভাই সজ্জন, মহিপাল তো আমাদের পুরোনো প্রাণের এয়ার। ব্যাটাচ্ছেলে একেবারেই নিরেট, তা আর কি করা যাবে বলো? আমি তোমাকে মিথ্যে বলছি না বিনো, মহিপাল আজ বেশ একটা হোমড়াচোমড়া গোছের হত যদি নিজের স্বভাবের দরুন ভবিষ্যৎ নষ্ট না করত। আজকাল হঠাৎ পাথর-চাপা কপাল খুলে গেছে।

—হ্যাঁ, আর্থিক অবস্থা আজকাল ওর বেশ স্বচ্ছল, চল্লিশ হাজার রয়েলটী পেয়েছেন। যাক ভালোই হল, তবে এত বড় লেখক হয়ে তিনি কাজটা ভালো করেননি—কণ্ঠা বললে।

—খারাপ, আরে আমি বলছি একেবারেই খারাপ কাজ করেছে। তোমাকে কে বললে যে সে চল্লিশ হাজার রয়েলটি পেয়েছে? কুড়ি হাজার পেয়েছে তার মধ্যে দশ হাজার বিয়েতে নগদ দিয়ে ফেলেছে। লোকাল বরযাত্রী, দু'দিন থাকবে, তার মানে একেবারে রয়েল অভ্যর্থনার খরচের ফিরিস্তি তৈরী হবে। সব মিলিয়ে তিন-চার হাজার টাকা বিয়েতে আরো খরচ হবে। তার মানে চৌদ্দ হাজার ফুরিয়ে গেল, বাকী বাড়ির সকলের গয়না, কাপড়, জুতো, মোজা, ফার্নিচার ইত্যাদিতে আড়াই তিন হাজার আন্দাজ লাগবে। কল্যাণীর গায়ে দু'তিনটে বেশ দামী গয়না দেখলুম, আর মোটরও কিনেছে, তার দরুন রূপরতনকে দাম চোকাতে হবে। এইভাবে যা এল সব বেরিয়ে গেল—হিসেব সাফ। খুব তাড়াতাড়িই কোনদিন মোটর বিক্রি করতে হবে, তাই তো আমি বলছিলাম যে মহিপাল বড় বেহিসেবী। সজ্জন গম্ভীরভাবে বললে—এখানে আমি তোমার মতে সায দিতে পারছি না কর্নেল। এ কাজটা মহিপালের বেহিসেবী বুদ্ধি করাচ্ছে না, সে অনেক ভেবেচিন্তে স্পিরিটেড মুডে কাজ করেছে। তার নিজের অভাব-অনটনের সংসার, এই নিয়ে সে সর্বদাই আমাকে ঈর্ষা করে এসেছে। এবার মহাজনদের বিরোধের সময় তার হাতে আপনা হতেই এই সুযোগ এসে ধরা দিয়েছে। —আমি তোমাকে সত্যি বলছি কর্নেল, মহিপালের চরিত্র আগের চেয়ে অনেক নীচে নেমে গেছে। শীলার সঙ্গে সম্পর্ক ছিন্ন করে কল্যাণীর প্রতি অনুরক্ত হওয়ার পেছনেও কোন রহস্য আছে।

—না-না—এ তো আমার চোখে দেখা সজ্জন। ওর শীলার বিয়েতে বরযাত্রীদের মধ্যে যখন শীলাকে নিয়ে কুংসা রটালো

তখন মহিপালের বাড়িতে এই নিয়ে খুব হাঙ্গামা হয়েছিল। সে বাড়ি ছেড়ে শীলার কাছে থাকতে চলে গিয়েছিল তারপর কল্যাণী আমার কাছে এল, আমি শীলার বাড়ি গিয়ে তাকে নিয়ে এলুম। আমার কাছে কিছুই লুকোনো নেই—এরপরেই মহিপালের ভাগা খুলে গেল—কুড়ি হাজারের চেক পেল। শেঠ রূপরতনের প্রকাশন অফিসে অ্যাডভাইজার হয়ে গেছে—মহিপাল আজকাল সব কাজেরই হোতা।

—তাই তো বলছিলাম যে...

—মহিপালের মোটর কখনোই বিক্রি হবে না, বরং সে এর থেকে বড় মোটর কিনবে, হয়তো নতুনও কিনতে পারে, নৈনীতালে বাড়ি করবে।

—তুমি অদ্বিতীয় হবার চেষ্টা করছ বাবাজী, কী, ঠিক বলছি না? হঠাৎ যেন সজ্জনের কানে বাবাজীর আওয়াজ ভেসে এল। বাবাজী ঘরে নেই অথচ যেন কাছে থেকেই কথা বললেন। সজ্জনের মন কেমন যেন আতঙ্কিত হয়ে উঠল। বিচিত্র পরিস্থিতির মধ্যে ফেসে গেছে সজ্জন, হঠাৎ সে জিজ্ঞেস করলে—তোমরা কিছু শুনলে? কোন আওয়াজ?

—আওয়াজ? কণ্ঠা প্রশ্ন করলে।

—আমার বোধহয় মতিভ্রম হয়েছে, সজ্জন প্রসঙ্গ বদলাবার জন্তে বললে।

সেইদিনই বাবাজীর সঙ্গে গ্রামে গিয়ে দেখার করার কথা তার মনে এল। মহিপালের ওপর মানহানির মোকদ্দমা চালানো বা না চালানোর ফৈসলা তাঁর কাছে গিয়ে করবে।

পরের দিন ভোরবেলাই সজ্জন বাবাজীর সঙ্গে দেখা করার



জন্ম এক বন্ধুর জীপ নিয়ে রওনা হল। কন্যা তাড়াতাড়ি নিজের ড্রাইভারকে জীপের পেছনে গাড়ি নিয়ে পাঠিয়ে দিলে। গাড়ি পাঠিয়ে কন্যা জেঠীর বাড়ি ঢুকতেই সামনে উঠোনে গুয়োরের বাচ্চাদের দেখে ধমকে গেল।

জেঠী বিছানায় বেঁহুশ হয়ে পড়ে আছেন, গা তপ্ত বালুর মত গরম। তারা, বর্মা আর নন্দর মা সেবা করছে। জেঠী মাঝে মাঝে উঠে এদিক সেদিক ছুটছেন, আশেপাশের লোককে চড় চাপড় মারছেন। তিনজনে তার একার সঙ্গে পেরে উঠছে না। বড়ি মশাই নাড়ী দেখে জানানেন জেঠীর অন্তিম সময় অতি নিকটে, আর দু-তিন ঘণ্টার বেশী নয়। উনি মকরধ্বজের মাত্রা খাওয়ালেন আর হাতে পায়ের তেলোয় জায়ফল পিষে মালিশ করতে বললেন। কন্যার মাথায় চারিদিকের চিন্তা ঘুরছে। আজই শকুন্তলার বিয়ের বরযাত্রী আসছে। কর্নেল আজ সেখানেই ব্যস্ত আছে। বনকন্যা অনেক ভেবেচিন্তে তাকে ডাকতে না পাঠানোই উচিত মনে করল। বর্মাকে নিজের বাড়ি পাঠিয়ে টেলিফোন করে দেওয়ানজীকে ডেকে পাঠালে। ইতিমধ্যে শঙ্কর আর ছোট, দুজনেই এল। নন্দ নিজের স্বার্থসিদ্ধির জন্য জেঠীকে দিয়ে টোটকা করাতে গিয়ে তাঁকে অহেতুক কষ্ট দিয়েছে, নন্দর মা কন্যার কাছে নিজের মেয়ের বিরুদ্ধে নালিশ জানালে, শঙ্করলালও তার বোনের কুকর্মের জন্য লজ্জিত, সে কন্যার সামনে এই নিয়ে খেদ প্রকাশ করলে। রাজাসায়েবের ওখানে কন্যা খবরটা পাঠিয়ে দিলে।

গলিতে দূর দূর পর্যন্ত 'টোটকী জেঠীর' স্বর্গবাসের খবর বিছাতির মত ছড়িয়ে পড়ল। পাড়ার সকলেই খবর পেয়ে এক

এক করে জেঠীর দরজার সামনে জমা হচ্ছে। টোটকার জিনিস-পত্তর সরিয়ে ফেলে কন্যা আগেই সব ধুয়ে পরিষ্কার করিয়ে দিয়েছে। জেঠীর শেষ সময় তাঁর নামের সঙ্গে এ প্রসঙ্গ জুড়ে লোকে কথা বানাবে, এটা কন্যা মোটেই চায় না। এই সময় সজ্জন নেই, একা কন্যা ঘাবড়ে গেছে। লোকেরা বললে যে বিমান তৈরী হবে, জেঠী বাণ্ডি বাজিয়ে টাকাপয়সা দান করতে করতে গঙ্গায় যাবেন। কন্যা দেওয়ানজীকে জরুরী খরচখরচার ব্যবস্থা করার জন্য আগেই বলে দিয়েছে। লালী জানকীসরণ জীব্যার দরজা পর্যন্ত এলেন, সজ্জনের বিষয় জিজ্ঞেস করে, দুজনকেই সেখানে না পেয়ে চলে গেলেন।

জনতার মুখে জেঠীর ধন্য ধন্য হচ্ছে। ইদানীং তাঁর সমাজ-কল্যাণমূলক কাজের সকলেই শতমুখে প্রশংসা করেছে। গঙ্গা দশহরার দিন জেঠীর শেষ নিশ্বাস পড়ল এ কথা জেঠীর ড্যাং ড্যাং করে স্বর্গে যাওয়ার প্রমাণ হিসেবে আলোচিত হল।

সজ্জন ফিরে এল। এসেই জেঠীর মৃত্যুসংবাদ পেতেই সে ভয়ানক মুষড়ে পড়ল। জেঠী তার দৈনন্দিন জীবনের সঙ্গে ঘনিষ্ঠভাবে জড়িয়ে পড়েছিলেন। উঠানে জেঠী, নাইয়ে ধুইয়ে লাল ওড়না দিয়ে ঢাকা হয়েছে। সজ্জনকে জেঠীর মুখ দেখানো হল। জেঠী এয়োস্ত্রী গেছেন, মাথায় টিকলী, নাকে নথ, কানে বালা—সজ্জন জেঠীকে কখনো সেজেগুজে এর আগে দেখেনি, এ যেন তার কাছে জেঠীর নতুন রূপ। তাঁর মুখ শান্ত, জীবনের সমস্ত সংঘর্ষের মধ্যে কোঁচকানো তাঁর মুখের রেখা আজ শান্তি পেয়ে যেন মিলিয়ে গেছে। জেঠীর মাথায় হাত রেখে সজ্জন ছোট

বাচ্চার মত ডুकरে কেঁদে উঠল। কণ্ঠা, তারা আর বর্মার চোখের জল অবিরামভাবে পড়ে চলেছে।

দুপুর পেরিয়ে গেল, তখন অনেক ডাকাডাকি আর ফোনের পর-রাজাসায়েবের বড় সুপুত্র এলেন। ততক্ষণে জেঠীর দরজায়, ফাটকে, গলিতে বাইরে পর্যন্ত তিল রাখার জায়গা নেই, লোকে লোকারণ্য। ঘণ্টা-শাঁখ ভুলুধ্বনির সঙ্গে জেঠীর বিমান উঠল। ব্যাণ্ড বাজতে লাগল। পাড়ার ছুটি ছেলে বিমানের ওপর ময়ূরপুচ্ছের চামর দিয়ে বাতাস করছে। সজ্জনের দেওয়ানজী হাত উচু করে পয়সা ছুঁড়লেন, কুলি বিছিয়ে ভিথিরির দল মাটিতে পয়সা পড়ার সঙ্গেই উঠিয়ে নেবার জন্যে হাতাতাতি করছে। পুরুষদের কপালে লাল আবীর। জেঠীর বিমান আঁক ফুলের মত লোকে উঠিয়ে নিয়ে যাচ্ছে। সারা জীবন জেঠীর পেছনে লেগে তাঁর গালাগালি শুনে যারা হেসে কুটিপাটি হত তারাই ছোট থেকে নিয়ে বুড়ো পর্যন্ত আজ অন্তিম যাত্রায় তাঁর সঙ্গে চলেছে। আজ জেঠীর লাঠির ভয় নেই, জেঠী আজ তাদের কাঁধে চেপে চলেছেন। আজ তাদের অন্তর মনে জেঠা, মুখে জেঠা, জেঠা জেঠা। গলি পেরিয়ে সদর রাস্তায় আসতেই সজ্জনের দেওয়ানজী সোনা-রূপোর ফুল ছড়তে আরম্ভ করলেন। রাজাসায়েবের বড় ছেলেও লোকলজ্জার খাতিরে দশ টাকার চেক আনিয়ে বিলি করে দিলে।

বিকেলে কেউ গিয়ে কর্নেলকে খবরটা দিলে। এ খবরও পেলে যে মৃতদেহ কানপুর গঙ্গায় নিয়ে যাওয়া হয়েছে। কর্নেল খবর পেয়ে হুঃখিত হল কিন্তু মহিপালকে কিছু বললে না। বিকেলে বরষাত্রীদের অভ্যর্থনা এবং স্ত্রী-আচারের ব্যবস্থা মহিপাল করেছে। সারা শহরের বেশীর ভাগ লোককে নিমন্ত্রণপত্র বিলি করা হল

কিন্তু সজ্জন আর কণ্ঠা বাদ গেল। কর্নেলের ওপর আপনজনের অধিকার কায়েম করার খাতিরে সে আজ তাকে সকাল থেকেই ডেকে পাঠিয়েছে। তার হাতের কাছে কোন কাজ না থাকায় সে বসে বসে বিয়েবাড়ির হৈ চৈ সাজসজ্জা দেখছিল। বরযাত্রীদের থাকার ব্যবস্থা কার্লটন হোটেলে পাঁচখানা ঘর নিয়ে করা হয়েছিল। বরযাত্রী আসতেই কালোমরিচের গুঁড়ো ঠাণ্ডা জলে মেশানো সরবত পাঠানো হল। সারাদিন ধরে জলখাবার, ফল, মিষ্টি এবং আরো নানারকম খাবার জিনিস সরবরাহ হতে লাগল। সন্ধ্যা সাতটায় তাদের রীতিমত আহারের ব্যবস্থা, নাপিত কণ্ঠাপক্ষের দিক থেকে বরযাত্রীদের নিমন্ত্রণ করতে গেল। শেঠ রূপরতনের বিরাট লনে প্রীতিভোজের আয়োজন করা হয়েছে। প্রতিষ্ঠিত নাগরিকদের মধ্যে দুজন মন্ত্রী উপস্থিত আছেন। মহিপাল খুব খুসী, সবাইকে হেসে হেসে শোনাচ্ছে যে যদি নৈনীতালের সীজন না হত, তাহলে স্বয়ং পশুজী আর গভর্নর মোদী নিমন্ত্রণ রক্ষা করতে আসতেন।

বরযাত্রী বাড়ির কাছে এসে পড়েছেন, খবর পেয়ে অভ্যর্থনার জন্য সকলে এগিয়ে রাস্তায় দাঁড়াল। লক্ষ্মীয়েব বাজপেয়ী আর বালার শুক্লা এক পা এগিয়ে প্রথানুসারে নিজেদের জায়গায় দাঁড়িয়ে গেলেন, বরপক্ষ এক পা বাড়ালেন, মেয়েপক্ষ যথাস্থানে দাঁড়িয়ে রইলেন, যে যার উচু নাকের মর্যাদা রাখতে শশব্যস্ত। বরপক্ষতে বেশী ভিড়, বরযাত্রীর মধ্যে অনেকে নামকরা লোক এসেছেন কিন্তু কনেপক্ষের এ বিষয় নাক এক কাঠি উচু, তাদের দিকে বড় বড় ধনী মানী, অফিসর ডাক্তার, সাহিত্যিক আর মিনিস্টার উপস্থিত আছে। বরপক্ষ তবু নিজেদের দর নামতে

দিলেন না, যথাস্থানে নাক উচু করে দাঁড়িয়ে রইলেন। এইভাবে ভেবে ভেবে এক এক পা করে এগিয়ে শেষকালে মহিপাল আর বেয়াই জয়পালের কোলাকুলির নিয়ম রক্ষার সঙ্গে উভয়পক্ষের আত্মীয়স্বজনের মধ্যে পরিচয় আর কোলাকুলির পর্ব শেষ হল।

পার্টির ব্যবস্থা কর্নেল খুব ভালোভাবে করেছে। অতিথিদের বিদায় করার পর কর্নেল যাবার জন্য মহিপালের কাছে ছুটি চাইলে। মহিপালের অনেক পীড়াপীড়ির পর সে কোনমতে ছোট্ট এক টুকরো বরফি মুখে ফেললে, তার গলা দিয়ে যেন কিছু নামছে না। মহিপাল আর সজ্জনের মধ্যে মনোমালিগ্নর জন্য কর্নেলের মনমেজাজ ভালো নেই। মহিপালের ব্যবহারে সে সত্যিই হুঃখিত। ফিরতি পথে কর্নেল সজ্জনের বাড়ি খোঁজ নিলে, কণ্ঠার সঙ্গে দেখা হল। সারাদিন না আসার কারণ কর্নেল তাকে জানালে। কণ্ঠার মুখে শুনলে যে মুখাগ্নির সময় রাজাসায়েবের বড় ছেলে আদেশ দিয়ে সজ্জনকে পেছনে সরিয়ে দিয়েছিলেন! এই আচরণে সজ্জন বেশ হুঃখ পেয়েছে। এরপরে সে মৃতদেহের সঙ্গে কানপুর যেতে চায়নি, পরে কণ্ঠার অনেক বলাকওয়ায় তবে গেছে।

শুনে কর্নেল হাসলে— এই মুখাগ্নির ব্যাপার রাজাসায়েবের বড় ছেলের কানুনী টোটকা, মুখাগ্নি দিয়ে সজ্জন তাঁর বাদবাকী সম্পত্তি হাতিয়ে না নেয়, তাই এইভাবে রাস্তা পরিষ্কার করে নিলেন।

—কী নীচ মানুষ এরা, সর্বদাই পয়সার দিকেই নজর— ব'লে কণ্ঠা দীর্ঘশ্বাস ফেললে।

## একান্ন

জেঠীর দাহ সংস্কারের পরদিনই সজ্জন রাজাসায়েবের উকিলের নোটিশ পেলো। তাঁর বসতবাড়ি খালি করার আদেশ দেওয়া হয়েছে। এই নিয়ে সজ্জন আর কণ্ঠা দুজনেই চিন্তিত হয়ে পড়েছে। এ ধরনের আশঙ্কা মনে আগেই ছিল, কিন্তু এত ভালো চালু স্থলটাকে উঠিয়ে সে কোথায় নিয়ে যাবে? হাসপাতালের জন্ম কেনা বাড়িতে নিয়ে যেতে পারে, কিন্তু তা করলে, প্রসূতি-গৃহের জন্ম জায়গা কম হবে। সজ্জন ভেবেচিন্তে ঠিক করলে সে নিজে রাজাসায়েবের কাছে গিয়ে বসতবাড়ি ভাড়া নেওয়ার কথাটা তুলে দেখবে। কণ্ঠা মানা করলে কেননা তার মতে রাজাসায়েব কখনোই এ প্রস্তাব মেনে নিতে রাজী হবেন না। হলও ঠিক তাই। রাজাসাহেব অত্যন্ত নিকট আত্মীয়ের মত, খবরটাবর জিজ্ঞেস করার পর বললেন— ভাই দেখো, আমি সব মায়া মোহ ছেড়ে বসে আছি। শেষ সময় হরিনামের মালাই এখন আমার একমাত্র সম্পত্তি, তুমি এ বিষয় আমার ভাইয়ার (বড়ছেলে) সঙ্গে কথা বলে দেখতে পারো, আজকাল ওই সব-কিছু দেখাশোনা করে।

ভাইয়া সাহেব তাকে বেশ দুকথা শুনিয়ে দিলেন— আমাদের পূর্বপুরুষের ভিটে, সেখানে হিন্দুধর্মের কবর খোঁড়া হতে পারে

না লাল। সজ্জনমলজী। বড়মা ষতদিন বেঁচে ছিলেন, তাঁর সেখানে থাকার অধিকার ছিল, এখন বাবা সেখানে ঠাকুমার নামে বৈদিক পাঠশালা খুলবেন ঠিক করেছেন।

সজ্জন চুপ করে রইল। দু' মিনিট পরে অণু কথাটা তুললে, অন্তত এক মাসের সময় চাইল। ভইয়া সাহেব মিষ্টি করে বললেন— আমার কথায় ভুল বুঝো না ভাই সজ্জনমল। একমাস কেন দু'মাস পরে খালি করো, আমার তোমার পূর্বপুরুষদের মধ্যে কত ভাবসাব যাতায়াত ছিল। তবে এখন ব্যাপারটা একটু অন্তরকম হয়ে গেছে, তোমার কায়স্থ স্ত্রীর জ্ঞাত পাবলিক তোমাদের বিরুদ্ধে। ওখানে যে আর-একজন ভাড়াটে আছে, তাকেও আমি খালি করতে বলব, তারও তো কায়স্থ স্ত্রী কিনা।

ভইয়াসাহেবের কথা শুনে সজ্জনের মাথা গরম হয়ে গেল, তবু নিজেকে সংযত করে নিয়ে বললে— পাবলিক কতখানি আমাদের বিরুদ্ধে সে-সব চর্চা ছাড়ুন। এ ধরনের অসবর্ণ বিয়ে নিশ্চয় হবে, আগের চেয়ে বেশী সংখ্যায় হবে। আপনার একটা কেন, দশটা বৈদিক পাঠশালাও রাখতে পারবে না।

ভইয়াসাহেব ধর্মের আবেশে, চোখ গোল গোল করে পাকিয়ে বললেন— বড় বড় সিকন্দর, বাবর আর ইংরেজরা আমাদের লক্ষ কোটি বছরের পুরনো পবিত্র হিন্দু ধর্মকে এক ইঞ্চি নড়াতে পারলে না— তুমি...

—আমরা নয়, সময় চক্র নিজেই ঘুরবে। আমরা হিন্দুস্থানে ধর্মকে বিন্দুমাত্র ধাক্কা দেবার চেষ্টা করছি না— তবে হ্যাঁ, মিথ্যে ভড়ংকে আমরা ধাক্কা দিয়ে মাটির সঙ্গে মিলিয়ে দেবার সংকল্প করেছি।

—তুমি আমাকে চ্যালেঞ্জ দিচ্ছ, সজ্জন, তাহলে আমিও তোমার চ্যালেঞ্জ মঞ্জুর করছি। বুভুক্ষের দলকে কতদিন খাওয়াবে? এখানে এদের সংখ্যাই তো বেশী।

—এরাই তোমায় গিলে ফেলবে একদিন।

ভইয়াসাহেব জোরে হেসে উঠলেন— সজ্জন, ধাইয়ের কাছে পেট ঢাকা দেওয়ার ব্যথা চেষ্টা কোরো না। বুভুক্ষুদের টাকা নিয়ে তুমি যা বিজনেস করছ, তার খবর আমি রাখি। বন্ধুদের খাতিরে একটা পরামর্শ দিচ্ছি— তোমার এই স্বীম একেবারে জমিদারি ধরনের, ব্যবসাদারের মত নয়। তুমি যে রাজনীতির ভেলকীবাজি খেলছ, আমরা দশজনে মিলে তাকে ছুদিনে কবর খুঁড়ে পুঁতে দেব— (হেসে) তোমার সাত আট দশ লক্ষ টাকা দু' দিনের মধ্যে মিনিটে বাকুদের গোলার মত উড়ে যাবে। আমাদের গায়ে হাত দিতে আসা এত সোজা কথা নয়। আমরা ধর্মের খাতায় চাঁদার হার বাড়িয়ে দেব—এই বাহানায় ইনকাম ট্যাক্স, সুপার ট্যাক্সের হাত থেকে মুক্তি পাব।

সজ্জন হেসে উত্তর দিলে— যাক, উত্তম কথা, এই বাহানা নিয়ে তোমরা জনতার কল্যাণের কাজে এগিয়ে আসবে সেই যথেষ্ট। তবে এটা মনে রেখো যে আমার দশ লক্ষের সঙ্গেই তোমাদের কোটি টাকাও ডুবে যাবে। এ বিষয় আলোচনা করা মানে বাজে সময় নষ্ট, নিজের চোখের সামনেই সব দেখতে পাবে— ব'লে সজ্জন উঠে দাঁড়াল। যেতে যেতে দু' মিনিট দাঁড়িয়ে বললে— তোমার নোটিশের জবাব আইনতঃ পাবে। তবে এটা আমি বলে যাচ্ছি যে অণু জায়গা না পাওয়া পর্যন্ত আমি বাড়ি খালি করব না। হ্যাঁ, যত তাড়াতাড়ি পারি, অণু জায়গা



দেখে নেব। ভইয়াসাহেব গর্জে উঠলেন— বাড়ি পনেরো দিনের মধ্যে খালি হওয়া চাই সজ্জনমল।

—চেষ্টা করব। সজ্জন সংযত হয়ে উত্তর দিলে। ভইয়াসাহেব চেয়ার ছেড়ে উঠে দাঁড়ালেন— চেষ্টা করব মানে? তাহলে তিনদিনেও খালি করতে পারো।

—চেষ্টা করব।

ভইয়াসাহেব রীতিমত উত্তেজিত হয়ে এগিয়ে এলেন— পূর্বপুরুষদের সম্বন্ধ কেন খারাপ করতে চাইছ? এই যদি ভেবে থাকো, তাহলে পরে নালিশ করতে এসো না যে আপসে হাঙ্গামা বাধানো কেন।

সজ্জন যেতে যেতে আবার ফিরে এল— আমি তোমায় কথা দিচ্ছি যে এর মধ্যে কোন রাজনীতি নেই, এটা একটা সামাজিক ব্যাপার ছাড়া আর কিছুই নয়।

—এই তো তোমার আসল রাজনীতি। তাই যদি হয় তাহলে এক কাজ করো, ব্যাঙ্কের আইডিয়া ছেড়ে দাও আর বাদবাকী প্রয়োগ করতে থাকো। একটু-আধটু যা নতুন করে করতে চাও, করো, বাস্ কিন্তু পাড়ায় মুসলমান, খৃস্টানের সঙ্গে বিয়েথাওয়ার রেওয়াজ চালু করিয়ে দিয়ো না যেন, বাকী জাতের বন্ধন না মেনে ম্যারেজ হতে দাও। বাবা বেঁচে থাকতে আমি খোলাখুলি নয় তবে চূপচাপ তোমার ঐ কাজে সাহায্য করব। দশজন আরো প্রতিষ্ঠিত ব্যক্তিদের সাহায্য...

ভইয়াসাহেব বেশ কিছুক্ষণ গরম গরম লেকচার ঝাড়লেন, এটা করিয়ে দেব, সেটা করিয়ে দেব। সজ্জন শান্তভাবে সব-কিছু শুনে নিয়ে বললে— যদি ব্যাঙ্কই বন্ধ করে দেব,

তাহলে সমাজকল্যাণ কাজের জন্য টাকা আদায় কোথা থেকে ?

—ভাই, ছোট স্কেলে করো। কিছু চাঁদার ব্যবস্থা আনি করে দেব।

—চাঁদার টাকা দিয়ে তুমি জনতার আত্মশক্তির বিকাশকে হ্রাস করে দিতে চাও ? আচ্ছা, এক কাজ করতে পারো, তোমরা তুমি বা লালার জানকীসরণ আর অন্য মহাজনেরা যারা পাড়ায় সহকারী ব্যাঙ্ক খোলার বিরুদ্ধে—সকলে মিলে আমাদের সহকারী পুঁজির সঙ্গে নিজাদের পুঁজি বিনিয়োগ করো, উচিত মুনাফা পাবে।

—আমরা রাজি আছি তবে এক শর্তে, শেয়ার এক টাকারই হোক-না-কেন, যার কাছে কম সে কম পাঁচশো শেয়ার থাকবে সেই বোর্ড অফ ডিরেক্টরস ..

—আপনি পাবলিককে সাহায্য করার নামে প্রাইভেট কারবার চালাতে চান ? কারবার চালান কিন্তু সার্বজনিক ক্ষেত্রে ডিরেক্টরস বোর্ডে আমার অধিকারী একটাকার শেয়ার-হোল্ডারেরও আছে। ডিরেক্টর হিসেবে আমরা চাই সত্যিকার ভালো কর্মী, যাদের সমাজসেবার কাজে রুচি আছে।

ভইয়াসাহেব গম্ভীরভাবে মাথা নেড়ে হেসে বললেন—বিনাশ-কালে বিপরীত বুদ্ধি, যাক—বাড়ি তিনদিনে খালি করে দিতে হবে সজ্জনমলজী।

ভইয়াসাহেব যাবার জন্যে উসখুস করে উঠলেন। তার নামের সঙ্গে বার বার মল আর লালার জুড়ে কথা বলা সজ্জনের মোটেই ভালো লাগল না, যদিও এই তার পুরোনাম তবু ভইয়াসাহেবের লার্টসাহেবী চালে উচ্চারণ করাটা যেন সে সহ করতে পারছে না।

—আপনাকে কতবার বলছি চেষ্টা করব। যতদিন পর্যন্ত অস্ত্র জায়গা না পাই, জেঠীর বাড়ি থেকে আমায় বার করে কার সাধ্য? রাজাসায়েবের বাড়ি থেকে ফিরে এসে সজ্জন ভীষণ চিন্তিত হয়ে পড়ল। কল্লার স্কুল সরানো খুব বড় একটা সমস্যা নয়, আসল সমস্যা বিরোধী পক্ষকে নিয়ে, তারা তার এতদিনের স্বপ্নকে ভেঙে চুরমার করে দিতে চায়। তার চেয়ে অনেক বেশী সংগঠিত পুঁজি তার বিরুদ্ধে কাজ করছে। যদিও জনতার মধ্যে সে প্রসিদ্ধিলাভ করেছে তবু এখনো তাদের হৃদয়কে সম্পূর্ণভাবে আপন করে নিতে পারেনি। এত বিরাট জনশক্তিকে বশে আনা সহজ কথা নয়। যদি তারা বিপক্ষ দলের কাছ থেকে ঘুষ নিয়ে তাকে বেকুব বানিয়ে যায়, তাহলে? সে কী করতে পারবে তাদের বিরুদ্ধে? জনতার মধ্যে সজ্জনের পরিকল্পনার প্রচার এখনো পুরোপুরিভাবে হয়নি, বিপক্ষ দলেরা এ সময় গভীর দাঁও মারবে। এ ছাড়া মহাজনেরা তাদের সঙ্গে কাজ করার জন্য রাজনৈতিক পার্টিদেরও দলে নেবে। এই পরিস্থিতিতে সজ্জন তার পরিকল্পনাকে বাঁচিয়ে রাখার আগ্রাণ চেষ্টা করবে। জনতা তাদের অধিকারের বিষয় সচেতন হোক—এই সজ্জনের একান্ত কামনা... তবে জনতার বিশ্বাস অর্জন করার উপায়? তাদের বিশ্বাস অর্জিত করার জন্য কি করা উচিত?

—সহজ উপায় আমি বলছি রামজী, গোমতীর ধারে এসে দেখা করো।

—নিজের ঘরে বসে আবার সজ্জন বাবাজীর গলার স্বর স্পষ্ট শুনতে পেল। সে আশ্চর্য হয়ে এদিক-সেদিক তাকালে, তার মনে দ্বন্দ্ব আরম্ভ হল, তার মতিভ্রম হয়ে যায়নি তো? আমার

নিজের মনই আমায় এভাবে সান্ত্বনা দিচ্ছে না তো? গোমতীর ধারে দেখা করতে গেলেই সব আপনা হতে স্পষ্ট হয়ে যাবে, ডাইভারকে গাড়ি বার করার হুকুম দিলে।

সত্যি সত্যি, শিবালয়ের বারান্দায় বাবাজী শুয়ে আছেন, সজ্জনকে দেখে বললেন—আমুন রামজী, অনেক প্রতীক্ষার পর এলেন।

—আমি পরশু আপনার এখানে আসছিলাম...

—হ্যাঁ, রামভক্তনিয়েঁ। বেচারী মারা গেছে। আমার অনেক উপকার করে গেছে রামজী, গ্রামে এমন সুন্দর আশ্রম তৈরী হয়েছে, পাঠশালা, ব্যায়ামাগার সব সুচারুরূপে চলেছে রামজী। আজ এখানে একটা বিশেষ দরকারী কাজের জন্ত এসেছি, আমায় ট্রাক্টর কিনিয়ে দাও।

—আপনি যা আদেশ করবেন, সব পালন করব তবে আমার একটা দ্বন্দ্ব মিটিয়ে দিন। বাবাজী হাসলেন, কিসের দ্বন্দ্ব রামজী? তোমার কাছে একটা টেলিফোন আছে, একটা আনার কাছে আছে—বলে হো হো করে হেসে উঠলেন।

—এ কি করে সম্ভব?

—সাধনার দ্বারা।

—তার মানে?

—আত্মসংযম আর ধ্যান।

—একাগ্রচিন্তা হওয়া যায়?

—সতত চিন্তন করলেই হওয়া যায়।

—চঞ্চল মনকে কখনো একই চিন্তাধারায় নিবিষ্ট রাখা কি সম্ভব?

—মন যেখানে যেখানে যাবে, সেখানেই সমাধি হতে পারে।  
নিজের ইচ্ছাকে বিশ্লেষণ করে দেখো, কোথায় তার বাস্তবিক  
রসের উৎস, নিশ্চয় সন্ধান পাবে। সমাজকল্যাণের কাজে সম্পত্তি  
দান করার সময় তুমি বিচলিত হয়ে পড়েছিলে, তারপরে শাস্ত্র  
জ্ঞানের আলোয় অন্ধাবিষ্ট তোমার হৃদয়টি জানতে পারলে যে  
মায়া মোহের চেয়ে ইচ্ছাশক্তি প্রবল। এখন তোমার আর  
জনতার মধ্যে পরীক্ষা-নিরীক্ষা চলছে, তুমি যেখানে চাইবে, সেখানেই  
তোমার চিত্ত একাগ্র হবে।

—আমি জনজীবনের স্রোতের সঙ্গে মিলিয়ে যেতে চাই।

—তাই হবে রামজী।

—আপনি তাই আশীর্বাদ করুন। কিন্তু আপনার রহস্যময়  
ব্যক্তিত্বের বিষয় আমার প্রশ্নের উত্তর এখনো পাইনি।

বাবা রামজী হাঁটু মুড়ে ভালোভাবে বাবু হয়ে বসলেন— রামজী,  
রহস্য আমার মধ্যে নেই, রহস্য আছে সেই বিরাটের মধ্যে।  
আমি সর্বদাই সেই সহজ আত্মজ্ঞানকেই আত্মসচেতনতার দ্বারা হৃদ  
প্রদান করছি, তোমার মনে অদ্বিতীয় হবার আকাঙ্ক্ষা বলবতী  
হয়ে উঠেছে। অপরা প্রকৃতিকে প্রত্যাখ্যান যদি না করতে পারো,  
তাহলে বিরাটের বাস্তবিক রূপের দর্শন কি করে পাবে?

সজ্জন মাথা নিচু করে গম্ভীর হয়ে রইল। বাবাজী বললেন—  
আমার গুরু আমাকে সেবার মন্ত্র দিয়েছিলেন, বলেছিলেন সবার  
মধ্যে আমার রূপ দেখবে, তাদের সেবা করবে। লেখাপড়া  
জানি না রামজী। হ্যাঁ, নিষ্ঠার সঙ্গে তাঁর উপদেশের মালা হাতে  
নিয়ে কর্মক্ষেত্রে কাজ করে যাচ্ছি। সেবার পথে মনকে একাগ্র  
করে নিজের সূক্ষ্ম আর প্রকৃত শক্তির দর্শন পেয়ে গেলুম। যদি

ইচ্ছাশক্তি প্রবল হয়, তাহলে বায়ুরূপ ধারণ করে সব জায়গায় বিচরণ করা যায়। এখনো সে শক্তির দর্শন হয়নি, প্রভুর যদি ইচ্ছা হয় তাহলে হয়ে যাবে, অণুখা চিন্তা করার কিছু নেই। আমি কেবল নিজাম সেবাত্রত নিয়ে সেই আধ্যাত্মবিজ্ঞানের সাধনার রহস্যভেদ করার চেষ্টায় লীন হয়ে আছি, এই চলার পথে যা অভিজ্ঞতা লাভ করব, সেই জ্ঞান লাভই হবে আমার পাথেয়, আর আমার জীবনের অণু কোন উদ্দেশ্য নেই।

দীর্ঘশ্বাস ছেড়ে সজ্জন বললে— আমার মাথায় কিছুই ঢুকল না, এখনো সব যেন রহস্যই মনে হচ্ছে, কুয়াশায় ঢাকা।

—ধীরে ধীরে সব ঠিক হয়ে যাবে রামজী। একবার তোমার ব্যবহারিক জীবনযাত্রার সঙ্গে যখন এই অভিজ্ঞতা জড়িত হয়ে পড়বে তখন এ পথ বড়ই সহজ আর সুগম মনে হবে। একবার বসে গভীর চিন্তা করে দেখো, নিজের অন্তরকে প্রশ্ন করা তোমার রুচি এবং অরুচির বিষয়, তারপর সেই অনুযায়ী নিজের দুই প্রকৃতির অভিব্যক্তির তারতম্য করার চেষ্টা করো। তাহলেই বুঝতে পারবে যে তোমার পরিবার, সমাজ, ভৌতিক আর আধ্যাত্মিক জীবনের মূলমন্ত্র কি! একবার মূলমন্ত্রের জ্ঞানলাভ করার পর সমস্ত ইচ্ছাশক্তির বিকাশ আপনা হতেই সম্ভব হবে। এরপর প্রতিটি মুহূর্তের ক্রিয়াকলাপ তোমার ইচ্ছাশক্তির দ্বারা চালিত হবে। তুমি যখন নিজের সূক্ষ্ম আর প্রকৃত শক্তির পরিচয় পাবে, তখন আপনা হতেই রহস্যের পর্দা তোমার চোখের সামনে থেকে সরে যাবে। অনুভবের পথ বড়ই সহজ রামজী, কেবল অভ্যাস করলেই সম্ভব হয়।

সজ্জন এক বিচিত্র স্বপ্নলোকে বিচরণ করছে— সচেতন আর

নিজিত দুই অবস্থার মাঝখানে সে যেন ঘুরপাক খাচ্ছে, তার জীবনযন্ত্রটি যেন অনুচ্চারিত সুরে বেঁধে একতান বাজিয়ে চলেছে।

মহিপালের বিরুদ্ধে মোকদ্দমা দায়ের করার মানসিক জেদ আর ভইয়াসাহেব, লাল। জানকীসরণ, রূপরতন ইত্যাদির সংগঠিত বিরোধ যেন তার ইচ্ছাশক্তির কণ্ঠিপাথরে যাচাই হবার জন্ত উন্মুক্ত হয়ে রয়েছে। কছার কথাই ঠিক, তার মনে ঈর্ষার ভাব সক্রিয়রূপে কাজ করে চলেছে। সে অদ্বিতীয় হবার চেষ্টা করছে... তবে তার এই কামনা করা কি উচিত? না না, তার মত মহামূর্খ আর কে আছে? ব্যক্তিগত লাভ-লোকসানের কথা ভাবা অশ্রায়। বিশ্বজগতের স্বামী প্রতিটি প্রাণীর মধ্যে উদারভাবে জীবন ছড়িয়ে দিয়েছেন, প্রকৃতি আর প্রাণীর জীবনের সুরের সঙ্গেই একাকার হয়ে প্রতিধ্বনিত হচ্ছে আত্মানন্দের শাশ্বত স্বর। এই ঈর্ষা দ্বেষ সব মানসিক বিকার... তবে অস্তুর মিথোর ফাঁসিকাঠ যখন এসে তার গলা চেপে ধরবে তখন সে কি নিজেকে বাঁচিয়ে রাখতে পারবে? সাধারণ মানুষের দোষগুণের হাত থেকে রেহাই পাওয়া কি এতই সহজ? বাবাজীর সঙ্গে দেখা করার পর সজ্জন যেন তার অতৃপ্ত মনে তৃপ্তির সন্ধান পেলে। শেঠ রূপরতনের বাড়ি রাস্তায় পড়ল, সমস্ত বাড়ি নববধূর সাজে সজ্জিত, মহিপাল, ইঁা মহিপালের ভাগ্যীর বিয়ে— ছুটে গিয়ে তাকে শুভেচ্ছা জানাবে না কি? নিমন্ত্রণ? নিমন্ত্রণ পত্র নাইবা এল, সে ঈর্ষার ভাব কেন আনবে? মহিপাল তার কতদিনের বন্ধু— সে এ কথাটা মনে করে যদি ভেবে দেখে তাহলে? ডাইভারকে গাড়ি থামাতে বললে। হঠাৎ মনে এল যে বরকনের জন্ত উপহার কেনা হয়নি— খালি হাতে যাওয়া ভালো দেখায় না— ডাইভারকে হজরতগঞ্জের

দিকে গাড়ি নিয়ে যেতে বললে। গাড়িতে বসে বসে তার মনে হল যে উপহার নিয়ে গেলে মহিপাল হয়তো মনে করবে যে সে নিজের পয়সার গরম দেখাতে এসেছে। ড্রাইভারকে গাড়ি ব্যাক করতে বললে, ড্রাইভার জানতে চাইলে যে গাড়ি এবার শেঠ রূপরতনের বাড়ি যাবে, না নিজের বাড়ি? সজ্জন কিছুই স্থির করে উঠতে পারছে না, এ অবস্থায় তার মহিপালের কাছে যাওয়া কি ঠিক হবে? অপমানিত হবার ভয়ে তার মন সংকুচিত হয়ে উঠল।

গাড়ি তার নিজের বাড়ির ফাটকের কাছে আসতেই সে ড্রাইভারকে বললে— রূপরতনের বাড়ি চলো।

মহিপালের ওখানে তখন বাসি বিয়ের খাওয়াদাওয়া চলছে। মহিপাল আর জয়পাল বরের মামাদের দধি মধু মিশ্রিত সরবত একে অণ্ডের বৃকে ঠেকিয়ে ঠেকিয়ে কোলাকুলি (মিলনী) করছে, এই কোলাকুলির সময় মহিপালের মনে বিদ্রোহের আগুন জ্বলছে। বরের মামাদের জন্তু বিয়ের আনন্দ যেন ফিকে হয়ে গেছে। মামারা যখন থেকে মেয়েপক্ষের বাড়ি পা দিয়েছেন, তখন থেকেই বৈশবাড়া গ্রামের জেদাজেদীর পালা আরম্ভ করে মেয়েপক্ষকে নাজেহাল করে ছেড়েছেন। কাল থেকে নিয়ে আজ পর্যন্ত সমানে মহিপালকে অপমানিত করার চেষ্টা করেছেন। অসময় বেয়াড়া ধরনের ফাইফরমাশ করে বরের মামার দল তাদের অবস্থা কাহিল করে দিয়েছে। ছেলের বড় মামা, মহিপালের মামা বাড়ির সম্পর্কে আত্মীয়। তিনি সেজন্তু বার বার দাদামশাই ও মামার আশ্রিত মহিপালের জীবনের পাতাকে সকলের সামনে খুলে ধরার চেষ্টায় ক্রটি করেছেন না।



—তোমার মা বাপের বাড়ি থেকে যা মাল মেরে নিয়ে গিয়েছিল সেসব বার করো, বড় বড় প্রতিষ্ঠিত বড়লোক, মন্ত্রীদের সঙ্গে পর্যন্ত যখন দহরম মহরম তখন আমাদের অমুক অমুক করমাশ পুরো করায় অশুবিধেটা কি হচ্ছে? কাল থেকে মুখ বুজে তাকে যা অপমান সহ্য করতে হয়েছে, এর আগে কখনো সে এমন পরিস্থিতির সম্মুখীন হয়নি।

ডাক্তার জয়পাল, স্বর্গীয়া মার বিষয় ঢাকাটিগুনি শুনে প্রায় মামাদের ওপর মারমুখী হয়ে উঠেছে, মহিপালই তাকে বুঝিয়ে শুঝিয়ে ঠাণ্ডা রাখছে, অহেতুক কথা বাড়িয়ে হাঙ্গামা বাধিয়ে দিচ্ছে কি!

মিলনীর সময় সজ্জনের আসার খবর মহিপালের কানে এল। খবর পেতেই তার হাত-পা যেন ঠাণ্ডা হয়ে গেল, সে ইচ্ছে করেই সজ্জন আর কন্যাকে বিয়েতে ডাকেনি। যে খবর দিতে এসেছিল সে বলে গেল যে সজ্জন রূপরতনের ঘরে বসে আছে আর কর্নেলও সেখানে আছে।

রূপরতন সজ্জনের আদর-অভ্যর্থনায় ছুটোছুটি আরম্ভ করে দিলেন। এদিক-সেদিক শশব্যস্ত হয়ে খানিক ঘোরার পর চেয়ারে বসে বললেন—আমাদের ভারতবর্ষে যতদিন জাতিভেদের ব্যাধি থাকবে ততদিন সুস্থ সমাজের গঠন করা অসম্ভব। আমাদের মাতৃভূমি কত হাজার হাজার বছর ধরে বাইরের শক্তি দ্বারা নির্মমভাবে পদদলিত হয়ে এসেছে—তাই আমি এখন বেশ সিরিয়াসলি ভাবা শুরু করেছি যে সমাজবাদের চর্চা করা আজকাল ক্যাশন হয়ে দাঁড়িয়েছে, গরীবদের ধাক্কা দেওয়ার উত্তম পন্থা বিচার হয়েছে। সত্যি কথা বলতে এই বিনিতি সিদ্ধান্তে

বিশ্বাস করা মানে নেহাতই বোকামি করা। বয়সকালে আমিও পাকা সোশালিস্ট ছিলাম কিন্তু চুলে পাক ধরার সঙ্গেই বুঝতে পেরেছি যে ভারতবাসীর জন্য এ পথ তো নয়, তারপর ভবিষ্যতের গর্ভে যা আছে তা এক ওপরওলা ছাড়া কেউই জানে না।

সজ্জনের মাথা ঝিমঝিম করে উঠল, রূপরতনের কথা যেন বড় রুঢ়, তবে তার খারাপ লাগা কি উচিত? রূপরতন তার মতই এমন সমাজে বাস করতে চায় যেখানে প্রাণী মাত্রই সমান, অনুচিত অসামঞ্জস্য যেখানে স্থান পাবে না। যদি তাদের ইচ্ছাশক্তি প্রবল হয়, তাহলে একদিন এ ধরনের সংগঠিত সমাজ-শক্তির বিকাশ নিশ্চয় হবে যেখানে ব্যক্তিবিশেষের মধ্যে ভেদাভেদ থাকবে না। এ ধরনের বিরোধ হয়তো তার ইচ্ছাশক্তির পরীক্ষা নেবার জন্যই আসছে।

—আচ্ছা রূপরতনজী, আপনাদের কথা শুনে আমি রাগ করি না। আপনার কথা যে আমি মেনে নিলাম তা নয় কিন্তু তার বিরুদ্ধে নিজের সামান্য শক্তি নিয়ে অহিংস পন্থায় যুঝে যাব।

—ও বাবা, তুমি একেবারে গান্ধীজী হয়ে গেলে নাকি? রূপরতন হেসে বিদ্রূপ করলে। সজ্জন মুচকে হেসে বললে—গান্ধীজী ভারতবাসী ছিলেন, আমিও সেই মাটিরই একজন মানুষ, তাই তাঁর পদাঙ্কানুসরণ করার প্রয়াস করছি।

—তা আজ পর্যন্ত বিলিতি ছিলে নাকি?

—বিলিতিও বলতে পারেন আর হাওয়ায় উড়ছিলামও বলতে পারেন। এতদিন গোলকধাঁধার মধ্যেই চকর কেটেছি।

মহিপাল ঘরে ঢুকল, চোখেযুখে অবসাদের ঘন মেঘ, ক্লান্তভাবে সোফায় ধপ করে বসে পড়ল।

সজ্জন বললে— আমি তোমায় শুভকামনা জানাতে এলাম।

—ধন্যবাদ। আমি তোমার উকিলের নোটিশের প্রতীক্ষায় ছিলাম। শুনলাম যে তুমি নাকি আমার বিরুদ্ধে মানহানির মোকদ্দমা করবে।

সজ্জন শাস্তিধরে উত্তর দিলে— ভেবেছিলাম, তারপর দেখলুম যে আমার মনে এখনো ঈর্ষার কণা বাকী আছে। সেই কারণে হয়তো আমি সর্বদাই নিজেই নিজের মানহানি করছি। নিজের মনের কাছারিতে যেদিন জিতে যাব সেদিন আমি...। কর্নেলের চোখেমুখে শিশুশূলভ সরল হাসি ফুটে উঠল— আরে সজ্জন, তুমি একজন মহান ব্যক্তি এ বিষয় কোন সন্দেহ নেই। আমি মহিপালের সামনেই বলছি তোমার মত উদার মন ওর নয়, হতেই পারে না।

মহিপাল যেন নিজের চোখে নিজেই গুটিয়ে যেতে লাগল, তার সংকীর্ণ মনের ছটফটানি বেড়ে চলল। ভদ্রতার মুখোশ পরে সে এতক্ষণ বেয়াইদের সামনে কোন গতিকে জিভে লাগাম দিয়ে ঘুরছিল, এবার একেবারেই ফেটে পড়ল— অনেক উদার মনের পরিচয় আজ পর্যন্ত পেয়েছি, এঁর কথা ছেড়েই দাও। বড় বড় কোটিপতিদের দেখেছি, আমার সামনে কেউ মুখ খোলার সাহস করে না। আদর্শের কড়িকাঠ গোনায়ে আমার সঙ্গে কেউ পেরে উঠবে ভেবেছ? একধার থেকে সকলকে ধুয়ে দিতে পারি। আমি কারুর চোখ রাঙানি বা পয়সাকে ভয় পাই না। কারুর পরোয়া আমি করি না। কাল থেকে আজ পর্যন্ত হাজার হাজার টাকা জলের মত খরচ করে ফেলেছি।

—হ্যাঁ ভাই, পরের পয়সা হাতে এলে খোলামকুচির মত ওড়াতে সকলেই পারে। শেঠ রূপরতন বিরক্তির সঙ্গে বললেন।

বেয়াইদের কাছে এতক্ষণ অপমানিত হবার পর হঠাৎ সজ্জনকে সামনে পেয়ে তার মনের প্রতিহিংসা বোধ একেবারে সীমা ছাড়িয়ে গেল। শেঠ রূপরতনের মন-মেজাজ খারাপ হয়ে গেছে। মহিপাল বড়লোকদের সঙ্গে রেস করতে চায়। মহিপালের অহংকার দেখে রূপরতন আশ্চর্য হয়ে গেলেন, তিনি নিজে তাকে কত সাহায্য করেছেন, গয়না বিক্রি করার সময় তিনি নিজের হাতে চল্লিশ হাজার তাকে দিয়েছেন, বিয়ের জন্তু নিজের বাড়ি দিলেন—তবু এ লোকটা এত অকৃতজ্ঞ যে তাঁরই সামনে পয়সার গুমর দেখিয়ে লম্বা লম্বা কথা হাঁকছে। শেঠ রূপরতন এবারে রাম চিমটি কাটলেন—মামার বাড়িতে ডাকাতে পড়ল, মহিপাল শুরু যেতেই তারা পালিয়ে গেল। মহিপাল ডাকাতে প্রাণ নিলেন আর ডাকাতে মাথায় দোষের বোঝা চাপিয়ে, লুটের মাল চুরি করে নিজে ধন্য শেঠ হয়ে বসলেন।

কর্নেল আর সজ্জন চোখ চাওয়াচাওয়ি করলে। মহিপাল পাগলের মত গর্জে উঠল—আমায় অপমান করতে এসেছ? আমি তোমার রক্ত শুষে নেব।

শেঠ রূপরতন হেসে বললেন—হ্যাঁ হ্যাঁ, কেন শুষবে না, ঠাটবাটওয়ালা বড়লোক যে। একটু অপেক্ষা করো, তোমার মামাতো ভাইকে এখানে ডেকে পাঠাই, আমি তাকে সেই গলার হার, যেটা তুমি তোমার মার হার বলা, দেখিয়ে তোমার বন্ধুদের সামনে জিজ্ঞেস করব—হার কার? শেঠ রূপরতন ইলেকট্রিকের ঘন্টি টিপলেন। সজ্জন চেয়ার থেকে উঠে রূপরতনের সামনে হাতজোড় করে বললে—এমনভাবে বেইজ্জতি করবেন না আপনি, মহিপাল আমাদের সকলেরই অন্তরঙ্গ বন্ধু। কর্নেলও

ইনিরে বিনিরে সেই কথাই বোঝালো। মহিপাল পাষাণ-মূর্তির মত মাথা হেঁট করে বসে রইল। রূপরতন এক নজর মহিপালকে দেখে নিয়ে বললেন— এখন কোথায় গেল সব ঠাট-বাট? পৃথিবী-সুন্দর মানুষকে আদর্শ শেখাতে বেরিয়েছেন অথচ নিজের কীর্তি-কলাপ...

সজ্জন ভাড়াভাড়া বললে— হবে হয়তো, যেতে দিন, যেতে দিন।

—আরে, যেতে তো দেবই। এর বুক ফুলিয়ে লেখচার দেয়া দেখে আমার মাথা গরম হয়ে গেল। চুরির কথা এইজন্মে ফাঁস হল যে এর মামাতো ভাই আমার সঙ্গে এককালে স্কুলে পড়ত। সেই আমায় সব খোলাখুলিভারে বললে। বিয়েতে এসেছে এঁর এখানে, পরশু এমনি কথায় কথায় গয়নাগাঁটি আর ডাকাতির কথা উঠল। আমি ভাবলুম মহিপালের মার হারও তো সেই বাড়িরই, তাই তাঁকে মহিপালের বন্ধকী গয়না দেখিয়ে দিলুম। দেখতেই সে তাঁতকে উঠে জিজ্ঞেস করলে— আপনি এসব কোথায় পেলেন? এই গয়না আমাদের ডাকাতিতে খোয়া গিয়েছিল। তখুনি আমি জেনে গেলুম যে ডাকাতির বাহানায় মহিপালই চুরি করে এনেছে। যাক, ওদের সামনে আমি গোলমাল কথা বানিয়ে বলে দিলাম কিন্তু আজ এঁর আদর্শের ফটফটানি শুনে আর চুপ থাকতে পারলুম না। চোর কোথাকার— অকৃতজ্ঞ, চক্ষুলজ্জার মাথা খেয়ে বসে আছে... থু থু! বড় ব্রাহ্মণের ব্যাটা আদর্শবাদী, বিদ্বান, লেখক হয়েছেন। চুরির পয়সা জলের মত খরচ করে ঘাড় শক্ত করে সেই আবার শোনাতে আসে কোন্ মুখে? আমরা জন্মেস্তুক বড়লোক, আমাদের সঙ্গে রেস করতে আসা? ধন্য শেঠ কোথাকার।

অপমানে, ক্ষোভে, অভিমানে, গ্রানিতে মহিপালের মন ভরে উঠল। চারিদিকে যেন সকলেই আঙুলের সংকেতে তাকে চোর ঠাওরাচ্ছে—সত্যি সে কারুকে মুখ দেখাবে কি করে? চূপচাপ ঘর থেকে বেরিয়ে সোজা কাটকের বাইরে চলে গেল। সকলের ভৎসনা শুনতে আর সে পারছে না। তার সমস্ত লেখাপড়া, চিন্তা, লেখা, আদর্শ আর সিদ্ধান্ত, সবই এক লহমায় ব্যর্থ হয়ে গেছে। পয়সার লোভে সে আজ চোর। যে রহস্যকে বুক পাথরচাপা দিয়ে সে ঘুরে বেড়াচ্ছিল—আজ এই মুহূর্তে আপনা হতেই তার পাপের হাঁড়ি ফেটে গেল। চলচ্চিত্রের মত সব যেন এক এক করে তার চোখের সামনে ভেসে উঠল। সেই নিশুতি রাত্তিরে দাদামশাইয়ের মহলে ডাকাত পড়ল। কত নির্ভীক আর সাহসী হয়ে সে একাই ডাকাতে দলের সঙ্গে যুঝল। তার বন্দুকের নিশানায় যে ডাকাত আহত হল, তাকে কাছ থেকে দেখার লোভে সে যখন তার কাছ গেল—তখনই গয়না ভরা বাস্র তার খলেতে দেখতে পেল... আর... সেই দেখেই তার লোভী মনে পাপের উদয় হল। গয়নার বাস্র উঠিয়ে সেই খলের মধ্যে ভালো করে রেখে দিলে। কাকপক্ষীতেও জানতে পারল না, কেউ তাকে সন্দেহ করবে না। সকলে ভাবলে যে ডাকাতেই গয়না নিয়ে গেছে। ডাকাত মেরে মহিপাল হিরো হয়ে গেল। সেদিনের হিরো আজ বন্ধুদের সামনে চোর। আর সজ্জনের সামনে সে কোন্ মুখে বুক চিতিয়ে দাঁড়াতে পারবে? রূপরতনের সঙ্গে আর সে সমানে সমানভাবে চোখ মেলাতে পারবে না। কর্নেলের মত ব্যক্তি, কল্যাণী, বাচ্চারা, সকলে যখন জানতে পারবে তখন চোর হয়ে যাবে—বাড়িতে থাকার যোগ্য সে আর থাকবে না।

মাথা হেঁট হয়ে রয়েছে, পা এগিয়ে চলেছে। মহিপালের মন যন্ত্রণায় মুচড়ে উঠেছে— এ আমি কী করলুম— এ কী করলুম। সে সর্বদাই পয়সাকে হাতের ময়লার মতই অগ্রাহ্য করে এসেছে, অভাব-অনটনের মধ্যেও সে কোনদিন পয়সার সামনে মাথা নত করেনি— তাই হয়তো ধনাভাবের সামনে তার দুঃখে জর্জরিত মন ক্রমশ পরাস্ত হয়ে গেছে— তবেই সে চুরি করার মত শক্তি সঞ্চয় করতে পেরেছে। বিয়েথাওয়া, বাচ্চার মূণন (মাথা ঝাড়া করার উৎসব), পৈতে, বাচ্চাদের পড়া, লোকলৌকিকতা, কল্যাণীর জেদ— সব মিলিয়ে ক্রমশ সে আদর্শের মানদণ্ড থেকে নীচে নেমে এল। সারা জীবনের সাধনা এক লহমায় লোভে নষ্ট হয়ে গেল? ভোলে ভূতনাথ আর তোমার নাম উচ্চারণ করলে জিভে ফোসকা পড়ে যাবে— এ আমি কী করলুম? খুব অগ্রায় কাজ করেছি।

বস্তি থেকে দূরে নির্জন রাস্তায় একা মহিপাল চলেছে। সিকন্দরাবাদ পেরিয়ে কাঠের পুল পেরুলো, নিশাতগঞ্জের বস্তির মধ্যে দিয়ে না গিয়ে সে গোমতীর দিকে এগিয়ে চলেছে— এগিয়ে চলেছে।

সেদিন সারারাত মহিপালের খোঁজখবর পাওয়া গেল না, সেই যে রূপরতনের বাড়ি থেকে বেরুল, তারপর আর ফেরেনি। সবার ভাবনাচিন্তুর অন্ত নেই, কেন হঠাৎ সে কাউকে কিছু না বলে উধাও হয়ে গেল? কল্যাণী সারাক্ষণ দরজায় কান লাগিয়ে বসে আছে, কোথাও একটু খুঁট করে শব্দ হচ্ছে আর সে ধড়ফড়িয়ে দরজার দিকে তাকাচ্ছে। বেচারী একেবারে হতভম্ব হয়ে গেছে। বিয়ের হট্টগোল চলছে। সকাল থেকে জলখাবারের তৃতীয় রাউণ্ড শেষ হতে না হতেই আবার ছপূরের খাওয়াদাওয়ার পাট আরম্ভ

হয়ে গেল। বরযাত্রী যাবার সময় হয়ে এল, প্রত্যেকের হাতে দক্ষিণা রাখার পর্ব শেষ হল, এই সময় প্রায় সকলেই মহিপালের বিষয় জানার জন্য উৎসুক হয়ে উঠল। মেয়ের বিদায় পালা বউই করুন, উপস্থিত সকলের চোখ ফেটে জল বেরিয়ে আসছে কিন্তু কল্যাণীর চোখে এক ফোঁটা জল নেই। পাথরের প্রতিমার মত নিশ্চল হয়ে বসে আছে, মাঝে মাঝে এদিক ওদিক দেখছে। সারাদিন যন্ত্রচালিতের মত বিয়ের কাজ সামলেছে, এখন আর ছুটোছুটি করতে হবে না, কল্যাণীর হাতে অটেল সময়— এতক্ষণ মহিপালের পায়ের শব্দ শোনার জন্য সে উৎকীর্ণ ছিল কিন্তু এবার কি হবে? ঘরে বাইরে চারিদিকে মহিপালকে নিয়ে আলোচনা হচ্ছে। শকুন্তলার বিদায়বেলায় হঠাৎ কণ্ঠা এসে পড়ল। তার গম্ভীর মুখের দিকে তাকিয়ে, হাত ধরে আলাদা একপাশে নিয়ে গিয়ে, চাপা অথচ দৃঢ়স্বরে কল্যাণী জিজ্ঞেস করলে— কোন খবর পেলে?

—শকুন্তলার জন্য উপহার এনেছি ব'লে কণ্ঠা কল্যাণীর পাশ কাটিয়ে ভেতরে চলে গেল। শকুন্তলা কণ্ঠামামীমাকে জড়িয়ে ধরে খুব কাঁদলে। কর্নেল, সজ্জন, কর্নেলের স্ত্রী আর কণ্ঠা সকলেই উপহার নিয়ে এসেছে। যদিও এটা উপহার দেওয়ার সময় নয় কিন্তু তবু মৃত মামার বন্ধুরা এই সময় উপযুক্ত দামী উপহার দিয়ে শুভকামনা জানাচ্ছে— সেই দামী উপহার যা জোগাড় করার জন্য তার মামাকে জীবনের বাজি সম্পূর্ণভাবে হেরে যেতে হল, প্রাণের মূল্য দিয়ে সে পাপের প্রায়শ্চিত্ত করেছে। দামী ফার্নিচার, থান থান রেশমী কাপড়, জড়োয়া গয়না, নতুন মোটর— অটেল জিনিস যত কিনতে পারলে, মামার দুই অন্তরঙ্গ বন্ধুতে মিলে



কিনে চার ট্রাক বোঝাই করে দিলে। সব মিলিয়ে প্রায় পঞ্চাশ হাজারের জিনিসপত্র। কর্নেলের ড্রাইভার নতুন গাড়ি নিয়ে এসেছে। গাড়ি ফুল দিয়ে সাজানো, বর বউ সেই গাড়িতে বসে গেল। মহিপালের বন্ধুদের অটেল দেওয়া এখন আলোচনার বিষয়।

বরযাত্রী চলে যাবার পর যেন সব উৎসাহ ঠাণ্ডা হয়ে গেল। কন্যা কল্যাণীর সঙ্গে ঘরে দরজা বন্ধ করে বসে কথা বলছে, ছেলেমেয়েরা সকলেই দরজার বাইরে উৎসুক হয়ে দাঁড়িয়ে আছে। কাল ছপুর থেকে বাবা রহস্যময়ভাবে উধাও হয়ে গেছেন, তাদের বিচিত্র মনের দশা, তারা কেবল বড়দের মুখের দিকে প্রশ্নসূচকভাবে তাকাচ্ছে। ইতিমধ্যে ডাক্তার জয়পাল এসে নিজের গিন্নিকে আলাদা ডেকে নিয়ে গিয়ে গুজুর গুজুর ফুসুর ফুসুর করলে। কারুর কাছেই কোন খবর না পেয়ে বাচ্চাদের অবস্থা বড় করুণ হয়ে গেছে। গিন্নির সঙ্গে কথা বলে জয়পাল তপ্পুর কাছে গিয়ে তাকে জিজ্ঞেস করলে—তোমার মা কোথায়? ভয়ে বেচারী সিঁটিয়ে আছে, কোনমতে বন্ধ ঘরের দিকে আঙুলের সংকেত দিয়ে বোঝালো তপ্পু। ডাক্তার দরজায় ঘা দিলে, কন্যা দরজা খুললে, কল্যাণী দেওরকে দেখে মাথার কাপড় ঠিক করে নিয়ে কাঁচের চুড়ি চেপে ভেঙে ফেললে, তার চোখে এখনো এক ফোঁটা জল নেই। জয়পাল কেঁদে বললে—বউদি, দাদা এ কি করে ফেললে? তারপর সেখানেই মেঝেতে বসে ফোঁপাতে লাগল, কন্যার চোখ দিয়ে অবিরল অশ্রুধারা বয়ে চলেছে। কন্যা রাজ্যশ্রীকে বুকে জড়িয়ে চেপে ধরল, বড় ছেলে কাকাকে প্রশ্ন করলে, বাবার কি হয়েছে? জয়পাল উত্তরে আরো জোরে ডুকরে কেঁদে উঠল।

সকলের কান্নাকাটি, ভাবধারা দেখে তারা বুঝে নিলে যে মহিপাল—কারুর বাবা, কারুর স্বামী, কারুর ভাই, বোনপো—আজ আর বেঁচে নেই।

আজ সকালে নিয়মমত কর্নেল বিয়েবাড়িতে না গিয়ে সোজা সজ্জনের কাছে গেল। দুই বন্ধুতে একা বসে অনেক কথা হল। মহিপালের মতিবুদ্ধির বিষয় আলোচনা হল। সজ্জন কথায় কথায় দু-একবার বললে মহিপাল লোকলজ্জার হাত থেকে রেহাই পাওয়ার জন্য কিছু করে না বসে, কিন্তু কর্নেল তার আশঙ্কাকে নির্মূল করার চেষ্টা করলে। কর্নেলের মতে, বিয়ে শেষ না হওয়া পর্যন্ত মহিপাল কিছু করতে পারে না, করবে না। কেবল চক্ষুলজ্জার খাতিরেই সে আজ বরযাত্রীদের এড়িয়ে চলার চেষ্টায় কোথাও চলে গিয়ে থাকবে। হ্যাঁ, এ-কথা ঠিক যে হয়তো বিয়ের পর্ব শেষ হলেই সে আত্মহত্যা করার চেষ্টা করবে। বিকেলে বরযাত্রীদের বিদেয় করে দেওয়ার পর তাদের এখন মহিপালকে নজরে নজরে রাখা উচিত।

বনকণ্ঠা কর্নেলের আসার একটু পরেই নিজের কাজে বেরিয়ে গেল। প্রায় এগারোটা সাড়ে এগারোটা নাগাদ এক দৈনিক কাগজের সম্পাদকের ফোন এল। তাকে তখুনি খবরের কাগজের অফিসে আসার অনুরোধ জানানো হয়েছে।

সজ্জনকে দেখে সম্পাদকমশাই একখানা চিঠি তার হাতে ধরিয়ে দিলেন। হাতের লেখা মহিপালের, কোন স্কুলের ছেলের অঙ্কখাতা থেকে কাগজ ছিঁড়ে পেন্সিল দিয়ে লেখা চিঠি—

সম্পাদক মহাশয়,

এই আমার শেষ রচনা, চিঠির মাধ্যমে লেখা। এ যখন ছাপা হবে, তখন আমি আর ইহলোকে থাকব না। আমার একান্ত অনুরোধ যে আমার এই চিঠিকে নিজের কাগজে যথাশীঘ্র ছাপাবেন। একজন মৃত ব্যক্তির ইচ্ছা আপনি নিশ্চয় পূর্ণ করবেন। আমি সর্বজনসমক্ষে আমার অপরাধ স্বীকার করছি, এক লহমার লোভ আমার সমস্ত জীবনটাকে কলুষিত করে ফেলেছে, আজ আমি চোর। আমি আমার মামাতো ভাইয়ের বাড়িতে, যেখানে আমি লালিত-পালিত হয়েছি, ডাকাত পড়ার সময় উপস্থিত ছিলাম। এক ডাকাতকে মেরে ফেলে আমি তার লুটের মাল চুরি করি, সে-সমস্ত গয়না আমার মামাবাড়ির পূর্বপুরুষদের ছিল। আমি তাড়াতাড়ি গয়না খুলেটা নিয়ে পাশেই রাখা চুনের গাদায় লুকিয়ে রেখেছিলাম। দুজন ডাকাত পালিয়ে গিয়েছিল, তাদের সঙ্গে কিছু নগদ আর গয়না ছিল। আমার লুকিয়ে রাখা গয়নার অপরাধের বোঝা সহজেই সে দুজন ডাকাতের ঘাড়েই চাপানো হল। এই চুরি করার সময় আমার অন্তরাআ একবার জোড়ে কেঁপে উঠেছিল, কিন্তু আর্থিক অনটনের শেকলে বাঁধা আমার ব্যক্তিত্ব সহজেই পরাজয় স্বীকার করে নিলে। ভাগ্যীর বিয়ের সমস্তা চোখের সামনে ভেসে উঠল। আমার স্ত্রী সমাজের নিয়ম-কানুন মেনে চলতে চায়, তার এই জেদের মধ্যে আমাদের সমাজের হৃৎপিণ্ডের স্পন্দনের ধ্বনি আমি শুনতে পেলাম। তাছাড়া আমি নিজেও মা-বাপ মরা ভাগ্যীর বিয়ে বেশ জাঁকজমক করে দেব ভেবেছিলুম। শুধু তাই নয়, প্রত্যেকটা কাজ ঠাটবাটে করার ইচ্ছে মনের মধ্যে প্রবলভাবে জেগে উঠেছিল। তালুকদারী

আবহাওয়ায় ছোটবেলায় মানুষ হয়েছি, তাই হয়তো আমার সংস্কারও রাজসিক হয়ে গেছে। কয়েক বছর থেকে ভীষণ আর্থিক অভাব-অনটন চলছে, সেই থেকেই আমার মনে দারুণ অতৃপ্তির হীনভাব স্থান নিয়েছে। আমার মনের এই প্রবৃত্তি সুযোগ পেতেই আমার গলা চেপে ধরল। আমি ভাবলুম যে ভাগ্যীর বিয়ের জন্য ভগবান ছাপ্পর ফেঁড়ে আমার ধন দিয়েছেন। এরা কোটিপতি, এত গয়না চলে যাওয়ার পরও এদের মানসম্মানে কোন ধাক্কা লাগবে না। এই মাল হাতিয়ে নিতে পারলে আমার ভাগ্যীর বিয়ে ভালোভাবেই হয়ে যাবে।

আজ নিজের এই দেউলে যুক্তির ফাঁকা আওয়াজ আমার কানে কর্কশ ঢোলের মত বেজে চলেছে। চুরি করার সঙ্গেই আমি কাপুরুষ হয়ে গেলাম আর কাপুরুষ নিজেকে যতই বিদ্রোহী সাব্যস্ত করার চেষ্টা করুক-না-কেন, সে নিতান্তই দুর্বল ব্যক্তি। আমি আমার মিথ্যে যুক্তিকে তর্কের আবরণ দিয়ে ঢাকার চেষ্টা করলাম।

যে সামাজিক ব্যবস্থা আমার মত সচেতন ব্যক্তিকে অভাব-অনটনের হাতে শেষ করলে, সেই ব্যবস্থাই অচেতনাবস্থায় সংস্কারের জালে জড়ানো মানুষকে পতনের গর্তে ফেলে দেয়। যাদের ভয়াবহ খবর আপনারা প্রায়ই খবরের কাগজে পড়েন বা শোনেন।

নিজের কলুষিত কাপুরুষ ব্যক্তিত্ব নিয়ে সমাজের সামনে দাঁড়াবার ইচ্ছে আর আমার নেই, তাই আজ স্বেচ্ছায় গোমতীর জলে ডুবে প্রাণ দিচ্ছি। দ্বিতীয় অপরাধটাও স্বীকার করছি, আমার পূরম বন্ধু সুপ্রসিদ্ধ সুযোগ্য শিল্পী শ্রীযুক্ত সজ্জনের সম্পত্তি

দান করা দেখে ঈর্ষার বশীভূত হয়ে আমি তার সমাজ-কল্যাণ কাজের বিরোধিতা করেছিলুম। যে পরিকল্পনা আমার সমস্ত জীবনের স্বপ্ন ছিল, তাকেই আমি উপড়ে ফেলার চেষ্টা করেছি। আমরা সংকীর্ণ মনোবৃত্তির এই জঘন্য অপরাধ কলঙ্কের কালিতে ডুবে গেছে। আমার এই দ্বিতীয় অপরাধকে আমি প্রথম অপরাধের চেয়ে বেশী প্রাধান্য দিচ্ছি, কেননা সত্য যত নির্মমই হোক, তাকে মেনে নেওয়াই ধর্ম।

অধম

মহিপাল গুরু

চিঠির নীচে, কয়েকটা অপ্রাসঙ্গিক কথা লেখা আছে : মানুষ মানুষ যেন থাকে, তার ব্যক্তিগত চিন্তনের মধ্যে সামাজিক দৃষ্টিকোণ থাকা দরকার—আমি একা তবু বহুজনের মাঝে ঘুরছি—ছঃখ সুখ, শান্তি, অশান্তি, ইত্যাদি ব্যক্তিগত অনুভব সমাজের প্রত্যেক ব্যক্তির জীবনের সঙ্গে জড়িত আছে—অতএব আমাদের মানতে হবে যে সমাজ এক, ব্যক্তি অনেক। সূর্য চন্দ্র পৃথিবী সব একই আছে যদিও বিভিন্ন পদার্থ দিয়ে তৈরী।

প্রথমবার চিঠি পড়ে সজ্জন হতভম্ব হয়ে গেল, দ্বিতীয়বার পড়তেই তার চোখ ফেটে জল বেরিয়ে এল, চিঠি হাত থেকে নীচে পড়ে গেল। টেবিলে মাথা রেখে সে ফুঁপিয়ে ফুঁপিয়ে কাঁদতে লাগল।

কর্নেলকে খবর পাঠানো হল। ডাক্তার জয়পালকে ডেকে খবর জানানো হল, পুলিশকেও বলা হল। গোমতীর ধারে ধারে কুরিয়া ঘাট থেকে বাঁধ পর্যন্ত খোঁজ করা হল, যদি মহিপালের

কাপড়চোপড় পাওয়া যায়, কিন্তু সব পরিশ্রমই পণ্ড হল। কোথা থেকে মহিপাল কাগজ পেন্সিল জোগাড় করে, কোন্ সময় সম্পাদকের ডাকবাংলো চুপচাপ ছেড়ে দিয়ে চলে গেছে, কবে কোথায় গিয়ে প্রাণ দিয়েছে কে জানে! সব রহস্যের উত্তর বুকের মধ্যে চেপে রেখে সে চলে গেছে— কে দেবে এর উত্তর?

## বাহান

মহিপালের অকালমৃত্যুর খবর কর্নেল, সজ্জন, কলাগী, শীলা আর কন্যা সকলকে যেন এক জোর ঝাঁকুনি দিয়ে গেছে। তাদের মনের কোঠায় মহিপালের স্মৃতি, যেন মহিপাল এখুনি তাদের কাছে এসে দাঁড়াবে, এখুনি তাদের ডাক-দেবে! বার বার তার মুখখানা ভেসে উঠছে— অদ্ভুত একটা শূন্যতার রাজ্যে চক্রর কেটে চলেছে তাদের মনের অব্যক্ত বেদনা। এদের জীবন থেকে মহিপালের ছায়া আজ সরে গেছে, জীবনের দিনলিপিতে বাধা পড়ে গেছে। একটা সুপরিচিত স্পর্শ, গলার স্বর, দোষেগুণে ভরা একজন বন্ধু আত্মীয় এক মুহূর্তের মধ্যে ‘আছে’ থেকে ‘ছিল’ হয়ে গেল।

জন্ম মৃত্যু প্রকৃতির নিয়ম। জীবনমৃত্যুর নাগরদোলা সদাই এক গতিতে চলতে থাকবে। সময়ের চক্রে মানুষের শোকের মাত্রা কমতে থাকে। মহিপালের জীবন অধ্যায়ের খাতায় সময়ের

ঘর এত শীঘ্র শূন্য হয়ে যাবে, এটা কেউই আশা করেনি। রোগশয্যায় শুয়ে, ওষুধবিষুধ খেয়ে যদি মারা যেত বা আয়ু ভোগ করে বৃদ্ধাবস্থায় শেষ নিশ্বাস ফেলত, তাহলে কারুর দুঃখ করার থাকত না। মহিপালের মত বুদ্ধিমান লেখক একটা লোভের ফাঁদে পা দিয়ে আত্মহত্যা করতে বাধ্য হল, এ এমন কটুসত্য যাকে অস্বীকার করার উপায় নেই। মহিপালের মত পরিস্থিতির মধ্যে যদি সজ্জনকে জীবন কাটাতে হত, তাহলে হয়তো তাকেও এইভাবেই প্রাণ হারাতে হত। সজ্জন বিচার-ধারার ঢেউয়ের সঙ্গে ভেসে চলেছে, এমন কোন উপায় ভাবা উচিত যাতে নিজের আত্মবিশ্বাস আর মনোবল হারিয়ে মানুষকে পাথরে মাথা ঠুকে মরতে না হয়।

জীবনদর্শনের সেই চিরাচরিত প্রশ্ন আবার সজ্জনের মনে আজ উদয় হল। যে দেশে কর্মযোগের সিদ্ধান্ত আছে, বেদ, উপনিষদ, সাহিত্য, শাস্ত্র, ব্যাস আর বাল্মীকির মত যুগপ্রবর্তক মহর্ষি হয়েছেন, এত রসজ্ঞানের অটল ভাণ্ডার, অজন্তা, ইলোরা, কোণার্ক দক্ষিণ ভারত—সম্পূর্ণ ভারতে ব্যাপ্ত অনুপম শিল্প ছড়িয়ে আছে, স্মৃতি আছে—যে দেশের ইতিহাস এত মহিমামণ্ডিত সেই দেশের মানুষ কেন জড়তা আর নোংরামির মধ্যে থাকা পছন্দ করে, তারাই আত্মহত্যা কেন করে? মহিপাল আর ভারত, দুইজনেই জ্ঞান আর অজ্ঞানের ক্ষেত্রে একই ধরাতলে নেমে গেছে।

মহিপালের দুর্বিষহ স্মৃতির বোঝা যেন সজ্জন আর বয়ে বেড়াতে পারছে না, ক্লান্ত চোখের জ্বালা আর সহ্য হয় না, তাকে ভুলে যাবার জন্য তাকে মৌন ব্রতের সাহায্যে কঠিন পরিশ্রম করতে হবে। সে আর কন্যা, দুজনে মিলে জনতার দুঃখ মোচনের জন্যে

বাড়ি বাড়ি ঘুরে বেড়াতে লাগল। দারিদ্র্যের মহামারীতে পীড়িত ভারতবাসী আজ-বড় দুর্বল, বড় অশক্ত, সময়ের সঙ্গে পা ফেলে চলায় নিতান্তই অসমর্থ।

—এর কারণ কি ?

আমাদের দেশ বিভিন্ন বিচারধারার আর সামাজিক রীতিনীতির এক মস্ত চিড়িয়াখানা। কত হাজার শতাব্দীর জীবনযাপনের মানদণ্ড, লোকলৌকিকতা আর মান্যতা, যেটা আজকের বিজ্ঞানের যুগে একেবারেই অচল, আমাদের সমাজ অন্ধের মত তাকে আঁকড়ে ধরে আছে। প্রত্যেক যুগে যা পরিবর্তন দেখা দিয়েছে, যত ঐতিহাসিক প্রভাবে তারা প্রভাবিত হয়েছে সেসব আজও আমাদের মাথায় খাঁড়ার মতই ঝুলছে। আমরা তাদের হাত থেকে নিষ্কৃতি পাচ্ছি কই ? আমাদের বাড়িতে, গলিতে ছাইমেখে চিমটে-হাতে-করা সাধু, বৈরাগী, ফকীর, চণ্ডীপাঠে ব্যস্ত পুরুতমশাই, বিয়ে মুণ্ডন, পৈতে থেকে আরম্ভ করে অন্ত্যেষ্টিক্রিয়া করতে ব্যস্ত ব্রাহ্মণ, কথকতায় মগ্ন পণ্ডিত, ভূতের ওঝা, শনির দালাল যারা দানের পাত্র হাতে নিয়ে ঘোরে, টোটকা, দেনা-পাওনা, জাতিভেদ, তেত্রিশ কোটি দেবতা—সব বাজে মাথা খারাপ করার সামগ্রী ছাড়া কিছু নয়। অন্ধবিশ্বাসের হাতে পড়ে মানুষ দুর্বল হয়ে শেষে তার অর্জিত আত্মবিশ্বাসকে পর্যন্ত হারিয়ে ফেলেছে। বিজ্ঞানের প্রগতির যুগে এই সামাজিক সংগঠনের অস্তিত্বই অর্থহীন হয়ে পড়েছে। দেবদেবীদের সঙ্গে জড়িত তাদের ব্যক্তিকে মুক্ত করতে হবে। আদিকাল থেকেই দেশের মহান দেবতা ধরিত্রী মাতাকেই মানা হয়েছে। ভগবান ফাঁকা আকাশের মধ্যে বসবাস করেন না, এই বিরাট সত্যের আবিষ্কার এদেশে অনেক



আগেই হয়ে গেছে। এখানে তারা প্রত্যেক জীবনের মধ্যে তাঁর দর্শন করেছে, মানুষের পরমশক্তিকে তারা নিকট থেকে চিনতে শিখেছে। এদেশ জ্ঞান আর ধর্মকেই দর্শনের মূল উৎসরূপে স্বীকার করেছে। পরলোকের চিন্তায়, মৃত্যুভয়ে সদাই সশক্তি প্রাণ, জীবনদর্শনের পক্ষে অত্যন্ত ক্ষতিকর। এই পরলোকের জীবনদর্শনকে সময় থাকতে ব্যবহারিক জীবনযাত্রা থেকে গুটিয়ে বেঁধে ছেঁদে মিউজিয়মে সাজিয়ে রাখা উচিত। স্বামী বিবেকানন্দ বলে গেছেন নিজের আত্মবিশ্বাস হারিয়ে ভগবান বা তেত্রিশ কোটি দেবতাকে বিশ্বাস করা ভুল, আত্মবিশ্বাসই নতুন যুগের প্রধান ধর্ম।

আমাদের বর্তমান জনজীবনে ব্যাপ্ত অন্ধবিশ্বাসের আর একটা কারণ হচ্ছে—রাজনৈতিক দলাদলি। রাজনীতি যাদের হাতে তারা সমাজের পণ্ডিত আর ওঝাদের মতই সেয়ানা। বর্তমান রাজনীতিতে প্রগতিশীল শক্তির একান্তই অভাব। রাজনীতি কেবল মারপ্যাচ খেলার আখড়া, জনকল্যাণের আদর্শ সেখানে কেবল কেতাবী বুলি, ব্যক্তিগত অহংকারের জন্য রাজনীতি খেলোয়াড়দের বুদ্ধি, চালাকি আর কার্যকুশলতা আজ বিপথগামী হয়ে গেছে। বর্তমান রাজনীতির জন্ম সাম্রাজ্যবাদের মধ্যে হয়েছে। এই কারণেই উভয় শক্তির মধ্যে সংঘর্ষ চলেছে। সাম্রাজ্যবাদ যে-কোন রূপেই হোক-না-কেন কল্যাণকারী নয়। জাতিবাদ, ধর্মবাদ, রাষ্ট্রবাদ—দেশের পুরোনো এবং নতুন ইতিহাস এ বিষয়ের সাক্ষী হয়ে আছে।

আজ এদেশে কংগ্রেস, সোশালিস্ট, কম্যুনিষ্ট, জনসংঘ, হিন্দু-মহাসভা ইত্যাদি যতগুলি রাজনৈতিক পার্টি আছে বেশীর ভাগ একে অণ্ডের চেয়ে বেইমান চালবাজ আর জালবাজ। দান্তিক

আর তুচ্ছ হীন প্রবৃত্তির দ্বারা অনুশাসিত আদর্শ আর সিদ্ধান্তের আড়াল নিয়ে জনতাকে ভুল পথে চালিত করাই এদের মহান উদ্দেশ্য। এদের সংঘর্ষ কেবল ব্যক্তিগত, আদর্শের নয়। এ দেশের প্রতিক্রিয়াশীল রাজনৈতিক শক্তি ভারতীয় পরম্পরাকে কেবল পুরানো দিনের সম্পত্তি ছাড়া আর কোন মূল্য দিতে রাজী নয়। তথাকথিত প্রগতিশীল শক্তির এখনো নিজের দেশের আসল পদ্ধতি ভালোভাবে বুঝে উঠতে পারেনি, তাদের প্রগতিশীলতার বিষয় তাদের জ্ঞান খুবই অল্প, তারা তাই সমস্ত প্রগতিশীল আদর্শের জন্মদায়িনী হিসেবে বিদেশের পূজা করাই শিখেছে। সেই বিদেশী আদর্শকে তারা আমাদের ঘাড় কোনরকমে চাপিয়ে দিতে চায়।

জনজীবনে অন্ধবিশ্বাস আর ভ্রান্তির শেকল কষে বাঁধা রয়েছে। এ হেন অবস্থায় বুদ্ধিজীবী কি করে এক কোণে মুখবুজে বসে থাকতে পারে? নিজের দেশকে কি আমরা ভালোবাসি না? দেশের ঐতিহ্য ও শক্তিকে আজ আমরা উপেক্ষার নজরে দেখি কেন?

মহিপাল প্রায়ই শোনাতে যে বাঙলা দেশে যখন আকাল পড়েছিল, সেই অনটন সহ্য করতে করতে সেখানে মানুষের চেতনা লুপ্ত হয়ে গিয়েছিল। তারা নিজের নাম, এমনকি নিজেকেও ভুলে গিয়েছিল। আজ আমাদেরও ঠিক সেই দশা হয়েছে। ভারতবাসী আজ ভুলে গেছে যে সে ভারতীয়, সে কংগ্রেসী, সোশালিস্ট, জনসংঘী, কম্যুনিষ্ট, অকালী, সে যশসিদ্ধ কবি, শিল্পী, নেতা, ডাক্তার, ব্যারিস্টার, অফিসার বা সমাজে ‘কেউকেটা’ একজন, কিন্তু বেশীভাগ ভারতীয় নয়— মানুষ? না। এরা প্রায় সারাদিন দেশ আর মানবতার বুলি কপচাতে থাকে অথচ নিজেরাই তাদের

দেশের বিষয় জানে না। তাদের দেশ মানবতার মর্মকে কি সুন্দরভাবে বুঝেছে। এ সময় এমন মনে হচ্ছে যে এদেশে, পৃথিবীতে কেবল ব্যক্তি আছে, সমাজ নেই। ব্যক্তি কেবল তার নিজস্ব সীমার মধ্যেই থাকে, চিন্তা করে আর কর্ম করে। প্রত্যেক মানুষ যেন আলাদা আলাদা দ্বীপে বসবাস করছে।

এটাই কি মানুষের পক্ষে স্বাভাবিক? না।

বর্তমান সমাজের মানুষ কোথাও-না-কোথাও অবশ্য অনুভব করে যে সে ভুল পথে চলেছে। তাই সে নিজের ভুল স্বীকার না করে অন্ধের ভুলের দিকে শ্রোণ চক্ষে চেয়ে থাকে। এই নিয়ে বাড়ে হাঙ্গামা, হয়ে যায় হুজুং, আতঙ্ক ছড়িয়ে পড়ে। মানুষের এই স্বভাব বড়ই অপ্রাকৃতিক।

মানুষের আত্মবিশ্বাস জাগ্রত হওয়া চাই। জনজীবনে তাদের আস্থার একান্তই প্রয়োজন। পরের সুখদুঃখকে আপনার করে ভাবতে হবে। মতভেদ হতে পারে কেননা মতভেদের দ্বারাই সুস্থ সমন্বয়ের বিকাশ হয় কিন্তু শর্ত এই যে সুখদুঃখে মানুষের সঙ্গে মানুষের সম্বন্ধ যেন অটুট থাকে— যেমন বিন্দুর পর বিন্দু মালার মত গাঁথা আর সিন্ধুর মাঝেই লুকিয়ে আছে বিন্দুর অস্তিত্ব।

সজ্জন আর কণ্ঠা, দুজনেই সমাজকল্যাণের এক মহৎ আদর্শ নিয়ে ছোট এক পরিধির মধ্যে সৌন্দর্য আর সেবায় কর্মরত হয়ে পড়েছে। স্বামী স্ত্রী দুজনেই তাদের আস্থার প্রতি দৃঢ় হয়ে নিস্তরঙ্গভাবে কাজ করে চলবে। ব্যক্তির সামাজিক চেতনা নিশ্চয় একদিন জাগ্রত হবে, সেইদিন মানস আকাশে ফুটে উঠবে ভোরের শান্ত আলো।

